





# Holy Bible

*Aionian* Edition®

भड्लाई बाइबिल

**Bhadrawahi Bible**

*Holy Bible Aionian Edition* ®

भड्लाई बाइबिल  
Bhadrawahi Bible

CC Attribution ShareAlike 4.0, 2018-2024

Source text: eBible.org

Source version: 7/12/2024

Source copyright: CC Attribution ShareAlike 4.0

The Love Fellowship, 2020

Formatted by Speedata Publisher 4.19.18 (Pro) on 7/19/2024

100% Free to Copy and Print

TOR Anonymously

<https://AionianBible.org>

Published by Nainoia Inc

<https://Nainoia-Inc.signedon.net>

We pray for a modern public domain translation in every language

Report content and format concerns to Nainoia Inc

Volunteer help is welcome and appreciated!

*Celebrate Jesus Christ's victory of grace!*



# Preface

भद्रवाही at [AionianBible.org/Preface](http://AionianBible.org/Preface)

The *Holy Bible Aionian Edition* ® is the world's first Bible *un-translation*! What is an *un-translation*? Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aiōdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aiōdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is eternal! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to eternal life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Take the time to understand these eleven words. The original translation is unaltered and a note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at [eBible.org](http://eBible.org), [Crosswire.org](http://Crosswire.org), [unbound.Biola.edu](http://unbound.Biola.edu), [Bible4u.net](http://Bible4u.net), and [NHEB.net](http://NHEB.net). The Aionian Bible is copyrighted with [creativecommons.org/licenses/by-nd/4.0](http://creativecommons.org/licenses/by-nd/4.0), allowing 100% freedom to copy and print, if respecting source copyrights. Check the Reader's Guide and read online at [AionianBible.org](http://AionianBible.org), with Android, and TOR network. Why purple? King Jesus' Word is royal... and purple is the color of royalty!

# History

भद्रवाही at [AionianBible.org/History](http://AionianBible.org/History)

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEP Bible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 135 languages.
- 05/01/24 - 371 translations now available in 151 languages.



# Table of Contents

## NEW TESTAMENT

मत्ती .....	1
मरकुस .....	26
लूका .....	46
यूहन्ना .....	73
प्रेरितों के काम .....	94
रोमियों .....	121
1 कुरिन्थियों .....	133
2 कुरिन्थियों .....	145
गलातियों .....	153
इफिसियों .....	157
फिलिप्पियों .....	161
कुलुस्सियों .....	164
1 थिस्सलुनीकियों .....	167
2 थिस्सलुनीकियों .....	170
1 तीमुथियुस .....	172
2 तीमुथियुस .....	176
तीतुस .....	179
फिलेमोन .....	181
इब्रानियों .....	182
याकूब .....	191
1 पतरस .....	194
2 पतरस .....	198
1 यूहन्ना .....	201
2 यूहन्ना .....	204
3 यूहन्ना .....	205
यहूदा .....	206
प्रकाशित वाक्य .....	208

## APPENDIX

Reader's Guide

Glossary

Maps

Destiny

Illustrations, Doré



# NEW TESTAMENT



यीशु ज़ोवं, “हे बाजी एन माफ़ करां एन न ज़ानन् कि एना कुन लोरेम केरने।”  
ते तैनेई तैसेरे लिंगड़ां केरे लेइ पेरची छेडतां शर्त रखवू ते एण्पू मामेई बंटां।  
लूका 23:34

# मत्ती

1 अब्राहमेरी औलादी मरां दाऊद राजो थियो, दाऊद राजेरे औलादी मरां यीशु मसीह थियो। यीशु मसीहेरे दादे-पड़दादां केरां नंवां इना आन। 2 अब्राहमेरू मट्टू इसहाक थियूं, इसहाकेरू याकूब, याकूबेरां मट्टां यहूदा ते तैसेरे ढला थिये। 3 यहूदा ते तामारेरां मट्टां पेरेस ते जेरह थियां, पेरेसेरू मट्टू हेस्रोम, हेस्रोनेरू एराम, 4 ते एरामेरू अम्मीनादाब, अम्मीनादाबेरू नहशोन, नहशोनेरू सलमोन, 5 ते सलमोन ते तैसेरी कुआन्श राहाबेरू मट्टू बोआज थियूं, ते बोआज ते तैसेरी कुआन्श रूतरू ओबेद, ओबेदेरू यिश्, 6 ते यिश्रू मट्टू दाऊद राजो थियो, दाऊद राजेरू मट्टू सुलैमान तैस कुआन्शी सेइं पैदा भोव, जे पेइली ऊरिय्याहरी कुआन्श थी। 7 सुलैमानेरू रहबाम, रहबामेरू अबिव्याह, अबिव्याहेरू आसा, 8 ते आसारू यहोशाफात, यहोशाफातेरू योराम, ते योरामेरे खानदानेरे मरां उज्जियाह पैदा भोव। 9 उज्जियाहरू योताम, योतामेरू आहाज, आहाजेरू हिजकिय्याह, 10 ते हिजकिय्याहेरू मनश्शे, मनश्शेरू आमोन, आमोनेरू मट्टू योशिय्याह थियूं 11 ते योशिय्याहेरां पोतलडां यकुन्याह ते तैसेरे ढला थिये, जैना गिरफ्तार भोइतां बाबेलेरी गुलैमी मां गानेरे वक्ते मां जर्मोरां थियां। 12 गिरफ्तार भोइतां बाबेलेरी गुलैमी मां गानेरे पत्ती यकुन्याहेरू शालतियेल ते शालतियेलेरू जरुब्बाबेल, 13 ते जरुब्बाबेलेरू अबीहूद, अबीहूदेरू एलयाकीम, एलयाकीमेरू अजोर, 14 ते अजोरेरू सादोक, सादोकेरू अखीम, अखीमेरू एलीहूद 15 ते एलीहूदेरू एलीआजर, एलीआजारेरू मत्तान, मत्तानेरू याकूब, 16 ते याकूबेरू यूसुफ, ते यूसुफ मरियमरो मुन्श थियो, ते मरियमरू मट्टू यीशु आए, जैस जो मसीह ज़ोतन। 17 एन्चरे अब्राहमे करां दाऊद राजे तगर च़ेवधे पीडी भोइ, ते दाऊद राजे करां यहूदी केरे गिरफ्तार भोइतां बाबेलेरी गुलैमी मां गाने तगर च़ेवधे पीडी भोइ, ते गिरफ्तार भोइतां बाबेले मां गाने करां देइतां यीशु मसीह तगर च़ेवधे पीडी भोइ। 18 यीशु मसीहेरू ज़र्म एन्चरे सेइं भोव, कि ज़ैखन तैसेरी अम्मा मरियमरी कुइमाइ यूसुफ नंवे एक्की मैन्हु सेइं भोरी थी, त तैन केरे इला भोने करां पेइले मरियम पवित्र आत्मा रे शक्ति सेइं दोर्जांती भोइ। 19 तैसारो मुन्श यूसुफ ज़ै धर्मी मैन्हु थियो, तै तैस बदनम केरनि न थियो चातो। तैनी चुपचारे इन सोचू, कि मीं एस सेइं इला नई बनानो। 20 हेजू तै एन सोचने लोरो थियो, त प्रभुएरे एक्की स्वर्गदूते तैस सेइं सुपने मां एइतां ज़ोव, “हे यूसुफ! तू ज़ै दाऊदेरे खानदाने मरां आस, तू मरियम अपनि कुआन्श बनाने करां न डर, किजोकि ज़ैन तैसारे पेदे मां आए तैन पवित्र आत्मा रे तरफां आए। 21 तैस मट्टू भोणूए, ते तू तैसेरू नवं ‘यीशु’ रेखां, किजोकि तैए अपने लोकन तैन केरे पापन करां मुक्ति देलो।” 22 एन सब किछ एल्हेरेलेइ भोव, कि ज़ैना वचन प्रभुए यशायाह नेबेरे ज़िरिये जोरे थिये पूरे भोए कि, 23 “हेरा, अक अइलाई कुई पेदे भारी भोली, ते तैस अक मट्टू भोळू, ते लोक तैस जो इम्मानुएल

जोले” ज़ेसेरो मतलब ई आए, परमेशर असन सेइं साथी आए। 24 तैखन यूसुफ निडलारां बींजो त तैनी परमेशरेरे स्वर्गदूतेरू जोनु मन्नु, ते मरियमी सेइं इला बनाव ते अपने घरे आनी। 25 पन ज़ांतगर तैस मट्टू न भोवं तांतगर तै तैस सेइं साथी न झुल्लो ते ज़ैखन तैस मट्टू भोवं त यूसुफे तैस मट्टेरू नवं यीशु रख्खू।

2 हेरोदेस राजेरे ज़माने मां जेइस यहूदिया इलाकेरे बैतलहम नगरे मां यीशु पैदा भोव, त पूर्बेरां किछ जोष्टी लोक यरूशलेम नगरे मां आए। 2 ते तैना लोकन पुच्छने लगगे, “यहूदी लोकां केरो राजो ज़ै ज़र्मोरोए तै कोइ आए? किजोकि असेईं पूरबे मां तैसेरो तारो लोरोए, ते आस तैस कां मथ्यो टेकने ओरेम।” 3 ज़ैखन हेरोदेस राजे ए गल शुनी, त हेरोदेस राजो ते कने यरूशलेम नगरेरे सारे लोक घबराए। 4 ते हेरोदेस, यहूदी लोकां केरे प्रधान याजक ते शास्त्री लोक अकोट्टे केरतां तैन पुच्छने लगगे, “मसीह कोइ पैदा भोरो लोडे?” 5 तैनेई तैस सेइं ज़ोव, “यहूदिया इलाकेरे बैतलहम नगरे मां,” किजोकि (बड़े पेइले) मीका नेबे एन्चरे लिखोरूए, कि परमेशरे ज़ोव, 6 “हे बैतलहम नगर, तू ज़ैन यहूदिया इलाके मां आस, यहूदियारे इलाकन मां तू बडू खास नगर आस, किजोकि तीं मरां अक एरो हाकिम निसेलो ज़ै मेरे लोक इस्राएलेरी रखवाली केरेलो” 7 ज़ैखन हेरोदेस राजे एन शुनु, त तैनी जोष्टी चुपचारे कुजेइतां तैन करां तारो निसनेरे ठीक वक्तेरे बारे मां पतो कियो। 8 ते तैनी जोष्टी एन जोइतां बैतलहम नगरे जो भेजे, कि “गाथ, ते तैस बच्चेरे बारे मां रोडेचारे पतो केरा ते ज़ैखन तुसन पतो लगगे, त (वापस एइतां) मीं भी पतो देइयथ ताके अवं भी तैस कां गेइतां मथ्यो टेकी।” 9 तैना जोष्टी (हेरोदेस) राजेरी गल शुन्तां (यरूशलेम नगरेरां) चले जे। ते अकदम तै तारो, ज़ै तैनेई पूरबे मां लोरो थियो, तैन अग्री-अग्री चलो ते तैस घरेरे बा रूको ज़ैडी तैन मट्टू थियूं। 10 ज़ैखन तैनेई तै तारो लव, त तैना बड़े खुश भोए। 11 तैखन तैना घरे अन्तर जे ते तैन मट्टू तैसेरी अम्मा मरियमी कां लाव ते तैस मट्टे कां मथ्यो टेको। तैखन तैनेई अपने-अपने खजानेरे झोले खोलतां सोन्नु, लोबान ते मुर्र तैस कां च़ाडू। 12 जोष्टी केरे तैट्टां निसनेरां पत्ती, तैन सुपने मां ए बिस्तार मैल्लो कि वापस हेरोदेसे कां न गेइयथ। एल्हेरेलेइ तैना वापस कोन्ची होरि बत्तां अपने मुलखे जो चले जे। 13 जोष्टी केरे गानेरां पत्ती, अचानक प्रभुएरो अक स्वर्गदूत यूसुफ सुपने मां मैल्लो ते ज़ोने लगगे, “उठ, बच्चो ते तैसेरी अम्मा नेइतां मिस मुलखे जो नश्श। ते मेरे ज़ोने तगर तैडी रेइयां, किजोकि हेरोदेस राजो बच्चे तोपतां मारने चाते।” 14 यूसुफ निडलारां उठो ते मट्टू ते तैसेरी अम्मा साथी नेइतां रातो-रात मिस मुलखे जो चलो जैव। 15 हेरोदेसेरे मरने तगर यूसुफ तैडी राव, ताके प्रभुएरू तैन वचन पूरू भोए, ज़ैन होशे नेबे लिखोरू थियूं, “मीं मिस मुलखे मरां अपनू मट्टू कुजाव।” 16 ज़ैखन हेरोदेसे जोष्टी केरे धोखे बैजरो पतो लगगे, त तैस बडी सरक आई। तैनी अपने मैन्हु भेजतां, ज़ैन गल्लां केरो पतो तैस जोष्टन करां मैल्लोरो थियो, तैनी बैतलहम नगरे ते

तैसेरे आसेपासेरे इलाकन मां सिपाही भेजतां सारां मट्टां, जैना दूई सालां केरां या दूई सालन केरां निकडां थियां मारां। 17 जैखन एन भोव, त तैखन तैन वचन पूरू भोव, जैन यिर्मयाह नेबे जोरू थियूं। तैनी जोंव, 18 “रामाह नगर मां बेडि लेरां ते मातमेरि आवाज शनोई, राहेल अपने बच्चां केरे लेइ लेरां देने लोरी, तैसारा दिल ठंडो न भोए, किजोकि तैसेरे बच्चे मेरि जोरन।” 19 हेरोदेसेरी मौतारां पत्ती, जैखन यूसुफ मिस मुल्खे मां थियो, त अचानक प्रभुएरो स्वर्गदूत तैस सुपने मां लेइहोव ते तैस सेइं ज़ोने लगे, 20 “उठ, बच्चो ते कने तैसेरी अम्मा साथी नेइतां इस्राएल मुल्खे जो वापस चलो गा, किजोकि जैना लोक बच्चे मारने चाते थिये, तैना मेरि जोरने।” 21 फिरी यूसुफ निडलारां बीडो, ते बच्चो ते तैसेरी अम्मा साथी एन्तां इस्राएल मुल्खे जो वापस अव। 22 पन जैखन यूसुफे एन शुनु कि अरखिलाउस अपने बाजी हेरोदेसेरी ठैरी यहूदिया इलाके पुड़ राज करेने लगगोरो, त तै तैड़ी गाने करां डरो। एल्हेरेलेइ जैखन यूसुफे सुपने मां परमेशेरो बिस्तार मैल्लो, त तै गलील इलाके जो चलो जेव। 23 ते तैड़ी पुजतां तै नासरत नव्वेरे नगर मां राने लगे, ताके तैन वचन पूरू भोए, जैन परमेशेरे अपने नेबी केरे ज़िरिये ज़ोरो थियूं। तैनेई ज़ोव, “तैस जो नासरी ज़ोले।”

**3** तैन दिहाइन मां यूहन्ना नव्वेरो मैन्हु, जै बपतिस्मो देनेबालो थियो, यहूदिया इलाकेरे सुनसान ठैरी मां अव। तै लोकन जैना तैस कां एइते थियो, तैन ई प्रचार केरतो थियो, 2 “अपने पापन करां मनफिराथ, किजोकि स्वर्गेरू राज नेडे ओरूए!” 3 ई तैए जेसेरे बारे मां यशायाह नेबे एन जोरू थियूं, “कोई सुनसान ठैरी मां लोकन, जैना तैस कां गातन, तैन उच्चवी आवाजी सेइं ज़ोली कि ‘तुसन कां प्रभु एजनेबालो आए, एल्हेरेलेइ तैसेरी बत तियार केरा ते कने तैसेरेलेइ सडकां सिद्धी केरा।’ (यानी, प्रभुएरे लेइ तुस अपने दिल साफ केरा।)” 4 यूहन्ना आम लिगडां लातो थियो जैना लिगडां ऊँटेरे बालन सेइं बनोरां थियां। तै अपनि कमरी पुड़ चमड़ेरू मज बंधतो थियो। तै तै टिट्टां त कने जंगलेरू माछी खातो थियो। 5 तैखन यरूशलेम नगरेरे बडे लोक ते यहूदिया इलाकेरे बडे लोक ते यरदन दरियारे आसे-पासेरे इलाकन मरां लोक यूहन्नारी गल्लां शुन्नेरे लेइ तैस कां एइते थियो। 6 ते तैनेई अपने पाप मेन्तां यूहन्ना करां यरदन दरियाए मां बपतिस्मो नीयो। 7 पन जैखन तैनी हेरू कि बडे फरीसी ते सडकी लोक बपतिस्मो नेनेरे लेइ तैस कां एजने लोरेन, त तैनी तैन सेइं ज़ोव, “तुस ज़ेहरीले सप्पेरे ज़ेरे बुरे आथ! तुसन केनि ज़ोव कि, एजनेबाले परमेशेरेरे कोपे करां नश्शा? 8 सज़ाई करां बचनेरे लेइ तैना कम्मां केरा, जैन सेइं पतो लग्गे तुसेईं सच्चे पापन करां मन फिरावरोए। 9 ते अपने-अपने दिले मां एन न सोचा कि ‘अब्राहम इश्शो बाजी आए’ (परमेशर तुश्शे पाप सिर्फ एल्हेरेलेइ माफ़ न केरेलो कि तुस अब्राहमेरी औलाद आथ), किजोकि अव तुसन सेइं ज़ोताई कि परमेशर इन घोड़न मरां भी अब्राहमेरे लेइ औलाद पैदा केरि सक्ते! 10 ते हुन्ना त बुट्टां केरे

ज़ीलन पुड़ परमेशेरो मैक्कु रखबोरोए, एल्हेरेलेइ जै कोई तैस बुट्टेरो ज़ेरो भोते, जै रोडो फल न दे, तै कटनोए ते अग्गी मां छडनोए। 11 अव त तुसन पैनी सेइं बपतिस्मो देताई किजोकि तुसेईं मनफिरोरोए, पन मसीह जै मेरे बाद एजनेबालोए, तै मीं केरां भी महान आए। अव त तैसेरो गुलाम भोनेरे काबल भी नई कि तैसेरे बूट छुई। तै तुसन पवित्र आत्माई सेइं ते अग्गी सेइं बपतिस्मो देलो (जैना मन फिरान, तैनन)। 12 तैसेरू छज्ज तैसेरे हथ्ये मां आए ते तै खलाइ रोडेचारे साफ केरेलो, तै गेहुं अपने कोठारे मां रखेलो, पन झाझी तैस अग्गी मां फुकेलो जै कधे न हिश्शे। (एल्हेरेलेइ पापन करां मनफिराथ नई त परमेशर तुसन सज़ा देलो)” 13 तैस मौके यीशु गलील इलाके मरां यरदन दरियारे बन्ने पुड़ यूहन्ना कां अव, ताके तैस करां बपतिस्मो ने। 14 पन यूहन्ना, यीशु जो इन ज़ोइतां रोकने लगे, “मीं तीं करां बपतिस्मो नीयोरो लोइते, फिरी किजो तू मीं करां बपतिस्मो नेने ओरोस?” 15 पन यीशुए तैस ई जुवाब दित्तो, “हुनी तू एन्चरे भोने दे, किजोकि एन्चरे केरतां अस तैन केरतम जैन परमेशर चाते।” तैखन यूहन्ना तैसेरी गल मन्नी। 16 ते यीशु जैखन बपतिस्मो नेइतां पैनी मरां बेइर अव, त तैस मौके हेरा अम्बर खुल्ली ज़ोव। ते तैनी पवित्र आत्मा कबूतरेरी शकली मां एप्पू पुड़ एइती लाई। 17 ते तैखन हेरा अम्बरे मरां ए आवाज आई (त यीशुएरे बारे मां ज़ोव), “एन मेरू ट्लारू मट्टू, अव एस पुड़ बडो खुश आई।”

**4** तैल्ला पत्ती, पवित्र आत्मा यीशु सुनसान ठैरी मां नीयो, ताके शैतान तैसेरी अज़मैइश केरे। 2 40 दिहाडे ते 40 रातन किछ न खानेरां पत्ती तैस ढलुख लग्गी। 3 त तैखन शैताने जैस जो अज़माने बालो भी ज़ोतन, तैस कां एइतां ज़ोव, “अगर तू परमेशेरेरू मट्टू आस, त इन घोड़न जो हुकम देइतां साबत केर, कि एना रोटी बनन ताके तू खेइ सकस।” 4 यीशुए तैस जुवाब दित्तो, “अव न केरेलो किजोकि परमेशेरी किताबी मां लिखोरूए, ‘मैन्हु सिर्फ रोटेइं सेइं ज़ीतो न राए, बल्के तै हर गल मन्ने सेइं ज़ीतो राते, जै परमेशर ज़ोते।” 5 फिरी शैताने तै पवित्र नगर यरूशलेमे मां नीयो ते मन्दरेरी उच्ची छम्पी पुड़ नेइतां खडो कियो। 6 तैखन तैनी यीशु सेइं ज़ोव, “अगर तू हकीकति मां परमेशेरेरू मट्टू आस त इट्टां बिछइतां साबत केर, किजोकि पवित्रशास्त्रे मां लिखोरूए, ‘ते तेरे लेइ अपने स्वर्गदूतन हुकम देलो, ते तैना तीं अपने हथ्यन मां टलाले, ताके तेरे पावन केन्ची घोड़न सेइं ठोकर न लगो।” 7 यीशुए तैस सेइं ज़ोव, “(नई, अव छाल न मारेलो, किजोकि) परमेशेरी किताबी मां एन भी लिखोरूए, ‘तू प्रभु अपने परमेशेरे अज़मैइतां इन साबत केरनेरी कोशिश न केर कि तै अपने वादे पूरे केरते या नई।” 8 तैखन शैताने, यीशु एककी बडे उच्चे पहाडे पुड़ नीयो, ते तैड़ी दुनियारां सारां राज्जां ते तैन केरि धन दौलत तैस हिराई। 9 तैखन तैनी यीशु सेइं ज़ोव, “अगर तू मीं कां मथ्यो टेकस ते मेरी आराधना केरस, त अव इन सब किछ तीं देलो।” 10 यीशुए

तैस जो ज़ोवं, “हे शैतान! दूर भो, किजोकि परमेशरेरी किताबी मां लिखोरूप, ‘तू सिर्फ प्रभु अपने परमेशरे कां मथ्यो टेक ते तैसेरी आराधना केर!” 11 तैखन शैतान तैस करां चलो जेव, ते अकदम किछ स्वर्गदूत यीशु कां एइतां तैसेरी सेवा केरने लग्गे। 12 एकसां केन्चे यीशु जो ज़ोवं, कि यूहन्ना ज़ै बपतिस्मो देनेबालो थियो, केद कियोरोए त यीशु यहूदिया इलाकेरां, गलील इलाके मां वापस अव। 13 ते नासरत नगर शैरतां कफरनहूम नगरे मां राने लग्गे, ज़ैन समुन्दरेरे बन्ने पुड़ आए, ज़ैडी जबूलून ते कने नपताली गोदलेरे लोक राते थिये। 14 ताके तैन वचन ज़ैन यशायाह नेबे ज़ोरु थियूं पूरू भोए, तैनी ज़ोवं, 15 “ज़ैना लोक जबूलून ते नपताली गोत्रां केरे इलाके मां आन, ज़ैना गलील समुन्दरेरे नेडे यरदन दरियारे उस पार, गलील इलाके मां आन, ज़ैडी गैर यहूदी लोक भी रातन, 16 (तैना लोक) ज़ैना पापेरे आंधरे मां बिशोरेन, तैनेई बड्डी लौ लई। तै लौ तैन पुड़ चमकी ज़ैना हमेशारे मौतारे आंधरेरे मुलखे मां बिशोरेन।” 17 तेइसेरू देतू यीशुए परमेशरेरी खबर लोकन शुनानेरी सेवा शुरू की। तैनी लोकन ज़ोवं, “अपने पापन करां मनफिराथ, किजोकि स्वर्गेरू राज़ नेडे ओरूए।” 18 एकसां ज़ैखन यीशु गलील समुन्दरेरे बन्ने चलोरो थियो, त तैनी दूई मैन्हु लाए ज़ैना मेछली टलानेबाले थियो। तैना मेछली टलानेरे लेइ समुन्दरे मां ज़ाल छेड्डी राओरे थियो। तैन मरां एककेरू नवं शमौन, ज़ैस जो पतरस भी ज़ोतन, ते तैसेरो दूला ज़ेसेरू नवं अन्द्रियास थियूं। 19 यीशुए तैन सेइं ज़ोवं, “एज्जा मेरे चले बना। अवं तुसन शिखालेलो कि केन्चरां होरे मैन्हु मेरे चले बनानेन।” 20 तैना अकदम अपना ज़ालां छेडतां यीशु पत्ती चले जे। 21 ते तैना तैटां थोड़े ज़ेरे अगगर जे, त यीशुए होरे दूई दूला, यानी याकूब त कने तैसेरो दूला यूहन्ना अपने बाजी जब्दी सेइं साथी किशती मां लाए। तैना किशती मां ज़ालां ठीक केरने लग्गेरे थियो। यीशुए तैना भी कुजाए (कि तैना तैसेरे चले बनन)। 22 ते तैना भी तैखने किशती ते अपने बाजी तैडी ज़ेरे छेडतां यीशु सेइं साथी चले जे। 23 तैल्ला पत्ती, यीशु सारे गलील इलाके मां हंठतो फिरतो राव। ते तैन केरे प्रार्थना घरन मां लोकन शिक्षा देतो राव ते परमेशरेरे राज़ेरी खुशखबरी शुनातो राव। ते तै लोकां केरि हर किसमेरी बिमैरी ते कमजोरी दूर केरतो राव। 24 यीशुएरे बारे मां ई खबर सारे सीरिया इलाके मां मुशर भोइ जेई। एसेरे वजाई सेइं, ज़ैडी कोन्ची तै जेव, तैडी लोक सेब्भी बिमारन ज़ैना हर किसमेरी बिमैरी ते तकलीफन मां फसोरे थिये, ते ज़ैन लोकन पुड़ भूतां केरो सायो थियो, ते ज़ैना मिरगरे रोगी थिये, ते ज़ैना अधरंगेरे रोगी थिये, तैना यीशु कां आने ते यीशुए तैना सारे बज्झाए। 25 एसेरे वजाई सेइं मैन्हु केरि बडी भीडी यीशु पत्ती चली। तैना लोक गलील, दिकापुलिस इलाकां केरे, यरूशलेम नगरेरे, यहूदिया इलाकेरे, ते यरदन दरियारे पैरी पारेरे इलाकां केरां ओरे थिये।

**5** यीशु तैना हछे लोक लेइतां एककी पहैडी पुड़ चलो जेव, ते ज़ैखन तै शिखालनेरे लेइ बिशो त तैसेरे चले तैस कां आए।

2 तैखन यीशु तैन लोकन शिक्षा देने लग्गे, 3 “परमेशर तैन लोकन बरकत देते, ज़ैना ज़ानतन कि तैन परमेशरेरी ज़रूरते, किजोकि तै तैन पुड़ राज़ केरेलो। 4 परमेशर तैन लोकन बरकत देते, ज़ैना दुखी आन, किजोकि परमेशर तैन तस्सली देलो। 5 परमेशर तैन लोकन बरकत देते ज़ैना नम्र आन, किजोकि परमेशर तैन, तैना सैरी बरकतां देलो ज़ैन केरो तैनी वादो कियोरोए। 6 परमेशर तैन लोकन बरकत देते, ज़ैना परमेशरेरी नज़री मां रोडी गल्लां केरनेरी बडी इच्छा रखतन, (जेन्चरे कोई दलुखोरो खाने पीनेरी इच्छा रखते) तैन परमेशर अपनि मेर्जी पुड़ चलनेरे लेइ शक्ति देते। 7 परमेशर तैन लोकन बरकत देते, ज़ैना दया केरतन, किजोकि परमेशर भी तैन पुड़ दया केरेलो। 8 परमेशर तैन लोकन बरकत देते, ज़ैन केरे मन साफ आन, किजोकि तैन परमेशर दर्शन देलो। 9 परमेशर तैन लोकन बरकत देते, ज़ैना शैतनरां कम्मां केरतन, किजोकि तैन जो परमेशरेरे बच्चे ज़ोले। 10 परमेशर तैन लोकन बरकत देते, ज़ैना परमेशरेरी नज़री मां रोडि गल्लां केरनेरे वजाई सेइं सताए गातन, किजोकि परमेशर तैन पुड़ राज़ केरते।” 11 “परमेशर तुसन बरकत देलो, ज़ैखन लोक तुसन मेरे चेलो भोनेरे वाजाई सेइं तुशशी तुहीन केरन ते स्तान ते झूठ ज़ोइतां हर किसमेरी बुरी गल्लां तुशशे बारे मां ज़ोन। 12 तैखन तुस खुशी रेइयथ ते मघन भोइयथ, किजोकि परमेशरे ज़ैन इनाम स्वर्ग मां तुशशे लेइ रखेकेरू तैन बडू बडूए, किजोकि लोकेई बडे पेइले तैना नबी भी एन्चरे सतारे थियो।” 13 “तुस इस दुनियारे लोकां केरे लेइ लूनेरे ज़ेरे आथ, पन अगगर लूनेरो स्वाद चेलि गाए, त फिरी दुबारां केन्चरे तैसेरो स्वाद वापस आनेले? फिरी तैन कोन्ची कम्मेरू न राए, सुवाए बेइरोवं शारनेरां ते लोकां केरे पावेइं सेइं दलुन्चोनेरां।” 14 “तुस इस दुनियारे लोकां केरे लेइ लोअरे ज़ेरे आथ। ज़ैन नगर पहाड़े पुड़ बसते तैन कथे भी छेप्पी न सके। 15 लोक बलतो दीयो हेटी मां न रखन, पन तैस उच्ची ठैरी रखतन ताके घरेरे सैरी मैन्हु लौ पुड़जे। 16 ते एन्चरे तुशशी लौ मैन्हु केरे सामने एरी चमके, ताके तैना तुशशां रोडां कम्मां हेरतां तुशशे स्वर्गेरे बाजेरी तारीफ़ केरन।” 17 “एन न बुझथ कि अवं मूसेरो कानून या नेबी केरे किताबन मां लिखोरी गल्लां रद केरने ओरोई। अवं तैन रद केरने नई बल्के पूरी केरने ओरोई। 18 किजोकि अवं तुसन सेइं सच ज़ोताई, कि ज़ां तगर धरती त अम्बर खतम न भोए, तांतगर परमेशरेरे कानूने मरां अक मात्रा या बिंदी भी न टलेली, ज़ां तगर सब किछ लिखोरू पूरू न भोए। 19 एल्हेरेलेइ ज़ै कोई इन निकडे करां निकडे हुक्मन मरां केन्ची एककी ज़ेरे टलोइते ते होरन भी एन्ने केरनू शिखालते, तै स्वर्गेरे राज़े मां सेब्भन करां निकडो भोलो, पन ज़ै तैन हुक्मन पुड़ अमल केरते ते होरन भी एन हुक्मन पुड़ चलनेरे बारे मां शिखालते त ते स्वर्गेरे राज़े मां बड्डी भोलो। 20 किजोकि अवं तुसन सेइं ज़ोताई कि ज़ां तगर तुस शास्त्री ते फरीसी लोकन करां रोडे चारे कानूने न मन्नेले, तांतगर तुस स्वर्गेरे राज़े मां दाखल न भोइ सकतथा।” 21

“तुसेईं शुनेरू थियूं कि परमेशरे इश्शे दादे-पड़दादन सेइं जोरू थियूं, ‘खून नईं केरनो, ते जै खून केरेलो त तैस आदालत सज़ा देली।’ 22 पन मेरू जोनू एने कि जै कोई अपने ढ़लाए पुड़ क्रोध केरते, परमेशर तैसेरो इन्साफ केरेलो, ते जै कोई अपने ढ़लाए जो निकम्मो जोते त तैस भी महासभा मां जुवाब देनो पेनोए, ते जै कोई अपने ढ़लाए जो ‘बेवकूफ’ ज़ोली त परमेशर तैस नरकेरे अगारी सज़ा देलो। (Geenna g1067) 23 एल्हेरेलेइ अगर तू अपनि चढ़तल मन्दरे मां आनस, ते तैड़ी तीं याद एज्जे कि मीं अपने ढ़लाए सेइं किछ गिलोए। 24 त तू अपनि चढ़तल बलिदान च़ाढ़नेरि ठैरी पुड़ छेड़तां पेड़ले अपने ढ़लाए सेइं मेल-मलाप केरां, फिरी अपनि चढ़तल च़ाढ़ां। 25 अगर कोई मैन्हु तीं पुड़ दाओ केरतां तीं आदालती मां नेनो चाते, त तू बत्तां तैस सेइं मेल-मिलाप केरां न त तैनी तू हाकिमे कां खडो केरनोस, ते तैनी तू सिपैहीएरे हवाले केरनोस ते सिपैहिए तू कैद केरतां छडनोस। 26 अवं तुसन सेइं सत्र ज़ोताई कि ज़ां तगर तू पाई-पाई न देलो त तांतगर तैडूं छुट्टी न सकेलो।” 27 “तुसेईं शुनेरू थियूं, कि ई हुक्म दित्तोरो थियो, ‘बदमाशी नईं केरनि।’ 28 पन अवं तुसन इन भी ज़ोताई कि जै कोई केन्ची कुआन्शी पुड़ गेन्दी नज़रां सेइं तकते, तैनी अपने दिले मां पेड़ली तैस सेइं बदमाशी केरि छुट्टी। 29 अगर तेरी देइनी अछ तीं पाप केरनेरे लेइ ठोकर खुवाए, त तैस केढतां शार, किजोकि तेरी पूरी जान नरके मां छुट्टे गाने करां तेरे लेइ एन्ने रोडूए कि तेरी जानी मरां अक अंग नाश भोए (Geenna g1067) 30 अगर तेरो देइनो हथ तीं पाप केरनेरे लेइ ठोकर खुवाए त तैस केढतां शार, किजोकि तेरी पूरी जान नरकेरी अगगी मां गाने करां तेरे लेइ एन्ने रोडूए कि तेरी जानी मरां अक अंग नाश भोए।” (Geenna g1067) 31 “एन भी जोरू थियूं, ‘जै कोई अपनि कुआन्श शारे त एन ज़रूरीए कि फारख्ती लिखतां हावाले केरे।’ 32 पन अवं तुसन सेइं ज़ोताई, कि जै कोई अपने कुआन्शी बदमैशरे अलावा होरि केन्ची गल्ली पुड़ फारख्ती दे, त तै तैस केरां बदमैशी केरवाते। ते जै कोई तैस शैरोरी कुआन्शी सेइं इला बनाते, त तै भी तैस सेइं बदमाशी केरते।” 33 “तुसेईं शुनेरू, कि ई हुक्म दित्तोरो थियो, ‘झूठी कसम नईं केरनि, पन कसम प्रभुएरे लेइ पूरी केरथा।’ 34 पन अवं तुसन सेइं ज़ोताई कि कधे कसम न केरथ, न स्वर्गेरी, किजोकि तै परमेशरोरे तखत आए। 35 न ज़मीनारी किजोकि परमेशर तैड़ी पाव रखते, ते न यरूशलमे नगरेरी किजोकि तैन महा राजां केरू नगर आए। 36 ते न अपने दोगेरी कसम केरथ, किजोकि तुस अपनो अक बाल भी छित्तो या कालो न केरि सकतथ। 37 पन हांपरी ठैरी हाँ ते नाएरी ठैरी न ज़ोथ, किजोकि ज़ैन किछ एस करां जादे तैन बुरेईं यानी शैतानेरे पासेरां आए।” 38 “तुसेईं शुनोरूए, कि मूसरे कानूने मां लिखोरूए, कि अछड़े बदले अछ ते दंतरे बदले दंत। 39 पन अवं तुसन सेइं ज़ोताई कि, बुरे मैन्हु करां बदलो न नेइयथ। अगर कोई तेरे देइनी खैखोड़ी पुड़ थप्यड़ बालो त तू बाएं पासो भी तैसेरे पासे रेख्खां। 40 ते

अगर कोई मुकदमो केरतां तेरी कमीज़ नेनी चाए त तू कोट भी तैसेरे हवाले केरां। 41 ते अगर कोई सिपाई तीं भारो छूने अक मील नेने चाए त तू दूईं मील गेइयां। 42 जै कोई तीं करां किछ मग्गे, तैस दे। ते जै कोई तीं करां ओधार मग्गे त तुत्तर न फिरेइयां।” 43 “तुसेईं शुनोरूए, कि मूसरे कानूने मां लिखोरूए, कि ‘अपने पड़ोसी सेइं अपनो ज़ेरो प्यार केरथ ते दुश्मने सेइं बेर रेखथा।’ 44 पन अवं तुसन सेइं ज़ोताई, कि अपने दुश्मन सेइं प्यार केरा, ते ज़ैना तुसन सतातन तैन केरे लेइ प्रार्थना केरा। 45 जैस सेइं तुस अपने स्वर्गेरे बाजी केरे बच्चे बेनि सकतथ, जै अपनो दिहाड़ो अपने रोड़े लोकन पुड़ चमकाते ते बुरे लोकन पुड़ भी, ते धेर्मी लोकन पुड़ झड़ी देते ते बुरे लोकन पुड़ भी। 46 किजोकि अगर तुस तेन्ने लोकन सेइं प्यार केरथ ज़ैना तुसन सेइं प्यार केरतन त तुसन कुन इनाम मैलेलू? कुन चुंगी धिन्ने बाले भी एन्ने न केरन?” 47 “ते अगर तुस सिर्फ अपने ढ़लान जो नमस्कार ज़ोथ, त तुस होरन करां जादे कुन केरतथ? कुन गैर कौमां केरे लोक ज़ैना परमेशरेरे कानूने न मननू तैना भी एरू न केरन? 48 तुसन तैन लोकन सेइं प्यार केरनेरी ज़रूरत आए, ज़ैना तुसन सेइं प्यार न केरन, एन्चरां तुस सिद्ध भोले ज़ेन्चरे स्वर्गे मां रानेबालो तुश्शो बाजी सिद्ध आए।”

**6** “खबरदार, तुस अपने रोड़ां कम्मां सिर्फ लोकन हिरानेरे लेइ न केरा, नईं त तुश्शो स्वर्गेरो बाजी तुसन कोई इनाम न देलो। 2 एल्हेरेलेइ ज़ैखन तू गरीब मैन्हु दान देस, त तू ढुंढूरो न बजेइयां, ज़ेन्चरे पाखंडी लोक प्रार्थना घरन मां ते गेल्लन मां केरतन, ताके लोक तैन केरि तारीफ़ केरन। अवं तुसन सेइं सत्र ज़ोताई कि ज़ैन इनाम तैन मैलनू थियूं, तैन सिर्फ इन्ने, कि लोकेईं तैन केरि तारीफ़ की (परमेशरे करां तैनन् कोई इनाम न मैलेलो)। 3 पन ज़ैखन तू गरीब मैन्हु दान देस, त केन्ची पतो न लोड़े लगगोरो कि तीं कुन दित्तू। 4 ताके तेरू दान छप्पोरू भोए, तैखन तेरो बाजी जै छेपतां तकते, तीं इनाम देलो।” 5 “ज़ैखन तू प्रार्थना केरस त पाखंडी लोकां केरो ज़ेरो न बेना, ज़ैना प्रार्थना घरन मां ते सड़कां केरे मोड़न पुड़ खेड़ोइतां प्रार्थना केरनि सुखातन, ताके लोक तैन तवकन ते तैन केरि तारीफ़ केरन। अवं तुसन सेइं ज़ोताई कि ज़ैन इनाम तैनन् मैल्लोरू लोड़तू थियूं, तैन सिर्फ इन्ने, कि लोकेईं तैन केरि तारीफ़ की (परमेशरे करां तैनन् कोई इनाम न मैलेलू)। 6 पन ज़ैखन तू प्रार्थना केरस त अकेल्लो अपने कमरेरो अन्तर गा, ते दार बंद केरतां अपने परमेशरे कां जै लेइहोए न तैस कां प्रार्थना केरा। तैखन तुश्शो बाजी परमेशर जै लेइहोए न, जै हर वक्त तीं तकतो राते तै तीं इनाम देलो। 7 प्रार्थना केरते बार, गैर कौमां केरू जेरू बकबक न केरां, किजोकि तैना समझतन कि तैन केरे बकबक केरने सेइं तैन केरि प्रार्थना शुनी गाली। 8 तैन केरे ज़ेरे न बेना, किजोकि तुश्शो बाजी तुश्शे मगने करां पेड़ले तुश्शी ज़रूरतां ज़ानते।” 9 “एल्हेरेलेइ तुस एन्चरे प्रार्थना केरा, हे इश्शे बाजी, तू जै स्वर्गे मां आस, लोक तेरी आदर केरन किजोकि तू पवित्र



परमेश्वर आस। 10 तू सेब्भी लोकन पुड़ ते चीजन पुड़ राज़ केरस। तेरी मर्ज़ी ज़ेन्चरे स्वर्गें मां पूरी भोचे, इस धरती पुड़ भी भोए। 11 इश्शी रोज़ेरी रोटी अज़ असन दे। 12 ते ज़ेन्चरे अस ज़ैना इश्शे खलाफ बुराई केरतन, तैन माफ़ केरतम, तेन्चरे तू भी इश्शी बुराई माफ़ केर। 13 अज़मैइशरे ज़िरिये असन पाप केरने न दे, पन बुराई यानी शैताने करां बचेइयां, (किजोकि राज़, शक्ति ते महिमा हमेशा तेरी भोती राए। आमीन।)” 14 “एल्हेरेलेइ अगर तुस लोकां केरे पाप माफ़ केरेले, त तुश्शो स्वर्गेंरो बाजी भी तुश्शे पाप माफ़ केरेलो। 15 ते अगर तुस लोकां केरे पाप माफ़ न केरेले, त तुश्शो स्वर्गेंरो बाजी भी तुश्शे पाप माफ़ न केरेलो।” 16 “ज़ैखन तुस बरत रखत, त पाखंडी लोकां केरू ज़ेरू अपनू तुत्तर न बगेइथ। तैना अपनू तुत्तर बिगाइतन, ताके लोकन पतो लग्गे कि एनेई अज़ बरत रखोरूए ते तैन केरि तारीफ़ केरन। अवं तुसन सेइं सन्न ज़ोताई कि ज़ैन इनाम तैन मैलनू थियूं तैन मैल्ली जेव। 17 बल्के ज़ैखन तू बरत रखस त अपनू तुत्तर धोइयां ते दोग्गे तेल मेल्लां। 18 ताके लोक नईं, पन तेरो स्वर्गेंरो बाजी, ज़ै लेइहोतोए न तै लाए कि तीं बरत रखोरूए तै तीं इनाम देलो।” 19 “एप्पू जेई धरती पुड़ दौलत अकोट्टी न केरा, ज़ैडी कीडे खातन ते मौरचो लेगतां नाश केरते, ते चोर तुश्शू घर टलोइतां चोरी केरतन। 20 बल्के रोडू केरतां अपने लेइ स्वर्गें मां दौलत अकोट्टी केरा ज़ैडी न कीडो लग्गे, ते न मोरचो लग्गे ते न चोर चोरी केरेले। 21 किजोकि ज़ैडी तेरी दौलत भोली, तैडी तेरो दिल भी लग्गेलो।” 22 “अछ जानेरे लेइ दीयेरी ज़ेरि आए, एल्हेरेलेइ अगर तेरी अछ रोडी साफ़ आए, त तेरी सारी जान लौ भोली। 23 अगर तेरी अछ खराब आए, त सारी जानी मां आंधरू भोलू। बस अगर ज़ै लौ तीं मां आए तै आंधरू बेनि गाए, त तैन केरू आंधरू भोलू।” 24 “कोई मैन्हु दूरू मालिकां केरि सेवा एककी वक्ते मां न केरि सके। न त एककी सेइं दुश्मनी केरेलो ते होरि सेइं प्यार केरेलो, या एककेरो बेनतां रालो त होरि न सुखालो। तुस परमेश्वरेंरी ते दौलतरी, दुइयां केरि सेवा न केरि सकतथ। 25 एल्हेरेलेइ अवं तुसन सेइं ज़ोताई, कि तुस अपने ज़िन्दगरी ज़रूतां केरे लेइ फ़िक्र न केरा, कि तुस कुन खाले या कुन पीले, ते न अपने जानारी कि कुन लामेले। कुन प्राण रोटी करां ते जान लिगडे करां बेधतां नईं।” 26 “अम्बरेरे चुडोल्लन हेरा! तैना न किछ बेन, ते न किछ कट्टन, ते न अकोट्टे केरतां रखन, फिरी भी तुश्शो स्वर्गेंरो बाजी तैन खाने जो देते ते तैन केरि हेरगेश केरते। कुन तुश्शी कदर तैन करां जादे नईं? 27 तुसन मां एरो कौन आए, ज़ै फ़िक्र केरतां अपनि उमर अक घडी भी बधेई सकते?” 28 “ते लिगडेरे लेइ किजो फ़िक्र केरतथ? जंगले मां सोसनेरां फूडू हेरा कि तैना केन्चरे बेडोतन, न तैना मेहनत केरन, ते न तैना लिगडां बनान। 29 फिर भी अवं तुसन सेइं ज़ोताई कि राज़ो सुलैमाने भी अपने सारे धन दौलतरे बावजूद भी तैन केरां ज़ेरां लिगडां न लां। 30 एल्हेरेलेइ ज़ैखन परमेश्वर मैइदानेरो घास, ज़ै अज़ आए ते कालां

लौवंने मां फुकनोए, एरी खूबसूरती देते, त हे घट विश्वासे बाले लोकव, कुन तै तुसन लिगड न देलो? 31 एल्हेरेलेइ तुस फ़िक्र केरतां एन न ज़ोइयथ, कि “कुन खामेले, या कुन पीमेले, या कुन लामेले?” 32 किजोकि गैर कौमां एन गल्लां केरि फ़िक्री मां रेइचन। ते तुश्शो स्वर्गेंरो बाजी ज़ानते, कि तुसन कोनां-कोनां चीज़ां केरि ज़रूत आए। एल्हेरेलेइ तुस कोन्वी चीज़री फ़िक्र न केरा। 33 पन पेइले तुस अपने आपे परमेश्वरेंरे राज़ेरे लेइ अर्पण केरा, ते तैन कम केरा ज़ैन परमेश्वरेंरी नज़री मां रोडू भोते, त इना सैरी चीज़ां भी तुसन मैल्ली गैली। 34 एल्हेरेलेइ कालेरे बारे मां फ़िक्र न केरथ, किजोकि कालेरी दिहाड़ी अपने लेइ एप्पू फ़िक्र आनेली। अज़ेरे लेइ अज़ेरो दुख सुद्धोए।”

7 “केन्वी पुड़ दोष न लेइयथ, तुसन भी दोष न लग्गेलो। 2 किजोकि ज़ेन्चरे तुस होरि पुड़ दोष लाएले, तेन्चरे परमेश्वर भी तुश्शो इन्साफ़ केरेलो। ज़ेन्चरे तुस होरि लोकन सेइं बर्ताव केरतथ, तेन्चरे परमेश्वर तुसन सेइं बर्ताव केरेलो।” 3 “तू अपने दूलाएरी एछछी मां कूडो किजो तकतां, पन तेरी एछछी मां त नग आए, ते तैसेरो तू खियाल भी न केरस? 4 ज़द तेरी एछछी मां नग आए, त तू कोस ऐशी सेइं अपने दूलाए जो जोई सकतां कि, ‘एई, अवं तेरी एछछी मरां कूडो केडू!’ 5 हे पाखंडी! पेइले अपने एछछी मरां नग कढ, ते फिरी अपने दूलाएरी एछछी मरां रोडे चारे तेकतां कूडो केडू सकतस।” 6 “ज़ैना लोक परमेश्वरेंरू वचन शन्नू न चान, तैन न शुनाथ। अगर तुस एन्चरे केरेले, त पवित्र चीज़ कुतरन कां छडनेरे बराबर ते कने मोती सूरन कां छडनेरे बराबर भोले, कि तैना तैन पव्वन हैठ डलन्चन ते बेदलोइतां तुसन पुड़ हमलो केरले।” 7 “परमेश्वरें करां मग्गा, त तुसन दित्तू गालू। ते तोप्पा, त तुसन मैल्ली गालू। ते दार गुडकाथ, त तुश्शे लेइ खोल्लू गालू। 8 किजोकि ज़ै कोई मगते तै हासिल केरते, ते ज़ै कोई तोपते तैस मैल्ली गाते, ते ज़ै कोई दार गुडकाते त तैसेरेलेइ खोल्लू गालू। 9 तुसन मां एरो कौन आए, कि अगर तैसेरू मडू रोटी मग्गे, त तै तैस घोड़ दे? 10 या अगर मछली मग्गे, त तैस सप दे? 11 ते तुस बुरे भोनेरे बावजूद भी अपने मट्टन रोडी चीज़ां देनी ज़ानतथ, त तुश्शो स्वर्गेंरो बाजी तुसन रोडी चीज़ां कि न देलो, ज़ैना तैस करां मगतन? 12 ज़ेरू तुस चातथ कि लोक तुसन सेइं केरन, तुस भी तैन सेइं तेरहु केरा, किजोकि मूसेरे कानूनेरी त कने नेबी केरि लिखोरी शिक्षा ईए आए।” 13 “तुस परमेश्वरेंरे राज़े मां सिर्फ सुन्कडे दारेरां बत्तां गेइ सकतथ। किजोकि तैन दार चौडू, ते तै बत बडी खुल्ली आए ज़ै नाशरे पासे गाचे, ते तैस बत्तां गानेबाले बडे आन। 14 किजोकि तैन दार सोंकडू आए, ते तै बत असुखती आए, ज़ै हमेशारे ज़िन्दगरे पासे गाचे, ते तेहरां गानेबाले थोडे आन।” 15 “झूठे नेबन करां खबरदार रेइयथ, ज़ैना तुसन कां भैडूां केरे रूपे मां एइतन पन असली मां तैना मारने बालां गिदां भोतन। 16 तुस तैन केरे कम्मन सेइं तैन पिशानेले, कुन लोक झल्लन सैहीयेरां दाछ कढतन ते क्केरी सैहीयेरां फैगू टलोइतन? 17

एल्हेरेलेइ हर एककी रोड़े बुट्टे रोड़ो फल लगते, ते हर एककी बुरे बुट्टे बुरो फल लगते। 18 रोड़े बुट्टे बुरो फल न लगगे, ते न बुरे बुट्टे रोड़ो फल लगगे। 19 ते ज़ैस बुट्टे रोड़ो फल न लगगे तै केटतां अगगी मां फुकतां छुटतन, तेन्चरे झूठे नेबन भी सज़ा मैलेली। 20 बस्सा, तुस तैन केरे कम्मन सेइं तैन पिशानेले।” 21 “मींजो, ‘हे प्रभु, हे प्रभु,’ ज़ोनेबाले सारे मैन्हु स्वर्गेर राज़े मां दाखल न भोले, पन ज़ै, मेरे स्वर्गेर बाजी केरे मेज़ीं पुड़ चलने बालोए तै ज़रूर दाखल भोले। 22 इन्साफेरे दिहाड़ी बड़े लोक मीं सेइं ज़ोले कि, ‘हे प्रभु, हे प्रभु,’ कुन असेईं तेरे नंवे सेइं भविष्यवाणी नईं कियोरी? ते तेरे नंवे सेइं भूतां नईं कढोरां ते तेरे नंवे सेइं बड़े चमत्कार नईं हेरेवरे? 23 तैखन अव तैन जो साफ ज़ोलो, ‘अवं तुसन कधे न ज़ैनी, ओ बुरां कम्मां केरने बालाव, मेरे तुत्तर अगारां दूर भोथा।” 24 “एल्हेरेलेइ ज़ै मेरी गल्लां शुनते ते तैन पुड़ अमल केरते त तै तैस अक्लमन्द मैनेरो ज़ेरो भोलो, ज़ैनी अपनू घर शफ़डी पुड़ बनेवरुए। 25 झ़ड़ी लगगी ते हड़ाई आईं ते अंधगुबारी भोइ ते तैस घरे पुड़ पुजी, पन तैन घर न डुल्लू, किजोकि तैसेरी मुनीयाद पेक्की शफ़डी पुड़ कढोरी थी। 26 पन ज़ै मेरी गल्लां शुनते ते तैन पुड़ अमल न केरे, त तै तैस बेवकूफ मैनेरो ज़ेरोए भोलो, ज़ैनी अपनू घर रेती पुड़ बनेवरु थियूं। 27 झ़ड़ी लगगी ते हड़ाई आईं अंधगुबारी भोइ ते तैस घरे कां पुजी ते तैन घर डुल्लू ज़ोवं ते बरबाद भोवं।” 28 ज़ैखन यीशुए एना सैरी गल्लां शुनेइतां झ़ड़ी, त सारे लोक तैसेरी शिक्षा शुन्तां हैरान भोए। 29 किजोकि यीशु तैन शास्त्री लोकां केरि ज़ेरि नईं, बल्के अधिकारे सेइं शिक्षा देतो थियो।

**8** ज़ैखन तै पहैड़ी पुड़ां उन्डो अव, त बड़े लोक तैस पत्पती चले। 2 तैखन एककी कोढ़े यीशु कां ज़ैन्हु केरे भारे बिशतां तैस कां मिन्नत केरतां ज़ोवं, “हे प्रभु अगर तू चास त मेरू कोढ़ बज़्ज़ोई सकतस।” 3 यीशुए तैस पुड़ हथ रेखतां ज़ोवं, “अवं चाताई, तू बज़्ज़ोस।” ते तै कोढ़ी तैखने साफ भोइ जेव। 4 यीशुए तैस सेइं ज़ोवं, “हेर, एस गल्लरे बारे मां केन्ची सेइं किछ न ज़ोइयां। बल्के अपनो आप याजक हिरा। तैल्ला पत्ती, तू अपने बेज़्ज़ोनेरे वजाई सेइं चढतल च़ाढ़, ज़ेसेरे बारे मां मूसा नेबे कानूने मां हुक्म दित्तोरोए, ताके लोकन पतो चले कि तू बेज़्ज़ोरोस।” 5 ज़ैखन यीशु कफरनहूम नगर मां अव त अक रोमी सूबेदार ज़ै 100 सिपेहिन केरो अफसर थियो, तैनी यीशु कां एइतां बिनती की। 6 “हे प्रभु, मेरो नौकर अधरंगेरो मरीज़ घरे बिमार भोरोए, तै चलनेरे काबल नईं, ते तै बेडि तकलीफी मां आए।” 7 तैनी तैस सेइं ज़ोवं, “अवं एज्जेले ते तैस बज़्ज़ोइलो।” 8 सूबेदार ज़ोने लगे, हे प्रभु अवं एस काबल नईं कि तू मेरे घरे मां एज्जी सकस; पन तू अगर सिर्फ ज़बाना सेइं ज़ोस त मेरो नौकर बेज़्ज़ोलो। 9 किजोकि अवं भी केन्चेरे अधिकारे मां कम केरताई, ते सिपाही मेरे अधीन आन, ते ज़ैखन एककी जो ज़ोताई कि गा, त तै गाते ते होरि जो ज़ोतां एई, त तै एइते, ते अपने सेवके जो ज़ोताई इन कम केर त तै केरते। 10 यीशु एन

शुन्तां हैरान रेइ जेव, ते एप्पू पत्ती चलने बाले मैन्नु सेइं ज़ोने लगे, “अवं तुसन सेइं सच ज़ोताई, कि मीं इस्राएल मुलखे मां इस गैर यहूदी मैनेरो ज़ेरो मैन्हु नईं लोवरो ज़ै मीं पुड़ एत्रो विश्वास केरे।” 11 अवं तुसन सेइं ज़ोताई कि बड़े गैर कौमां केरे लोक पूर्बरां ते पछमेरां एइतां अब्राहमे, इसहाक ते याकूबे सेइं साथी परमेशरेरे राज़ेरी धामी मां शामिल भोले। 12 पन इस्राएली लोक बेइर आंधरे मां छुट्टे गाले ज़ैडी तैना लेरां देते ते दंत चापते राले। 13 ते यीशुए तैस सूबेदार सेइं ज़ोवं, “घरे जो गा, ज़ेरो तेरो विश्वासे तेरे लेइ तेरहु भोलू,” ते तैखने तैसेरो नौकर बेज़्ज़ोइ जेव। 14 ज़ैखन यीशु पतरसेरे घरे जेव, त तैनी हेरू, कि पतरसेरी शिखी बड़ो भुखारे, ते तै लेटोरी थी। 15 तैनी तैसारा हथ ट्लातो ते अकदम तैसारा भुखार उतरी जेव, ते तै खड़ी उट्टतां तैसेरी सेवा केरने लगगी। 16 ज़ैखन डलोइ भोइ त लोकेईं बड़े बिमार, ज़ैन पुड़ भूतां केरो सायो थियो तैस कां आने, ते तैनी तैना भूतां अपने वचने सेइं कढां, ते सारे बिमार बज़्ज़ोए। 17 ताके यशायाह नेबेरी ज़ोरी तै गल पूरी भोए कि, “तैनी एप्पू इश्शी कमज़ोरी हटेइ ते इश्शी बिमैरी भी मुकेइ।” 18 यीशुए अपने चेरे पासन मैन्हु केरि भोइ लेइतां अपने चेलन, गलील समुन्दरे पार गानेरो हुक्म दित्तो। 19 ज़ैखन तैना पार गानेरी तियारी केरने लगगे, त तैखन अक शास्त्री मैन्हु तैस कां एइतां ज़ोने लगे, “गुरू, तू ज़ेरहां भी गालो त अवं तीं पत्ती चलेलो।” 20 यीशुए तैस जो ज़ोवं, “लौई केरि कूढां, ते अम्बरेरे चुड़ोल्नु केरे आले भोतन, पन मैनेरे मट्टे यानी मीं कां कोई ठार नईं ज़ैडी अवं झुल्लू सेक्खी।” 21 चेलन मरां एक्के होरे तैस सेइं ज़ोवं, “हे प्रभु, मीं घरे गानेरी अज़ाज़त दे, मेरे बाजरे मरनेरां बाद अवं तैस देबतां एज्जेले ते फिरी तीं पत्ती चलेलो।” 22 यीशुए तैस जो ज़ोवं, “तू मेरो चेलो बन ते मीं पत्ती चल, ते ज़ैना लोक आत्मिक तरीके सेइं मरने तैन अपने मैन्हु मरने बलगने दे।” 23 ज़ैखन यीशु किशती मां चढो ते तैसेरे चले भी तैस सेइं साथी चले। 24 ते अचानक समुन्दरे मां अक बड़ो तूफान अव ते किशती छेलेहईं सेइं छपने लगगी ते यीशु तैस मां झुल्लोरो थियो। 25 तैखन चलेईं तै बींझेइतां तैस सेइं ज़ोवं, “हे प्रभु, असन बचा! अस त डुबने लोरेम!” 26 तैनी तैन सेइं ज़ोवं, “हे घट विश्वासे बालाव, तुस किजो डरतथ?” तैखन तैनी खड़े उट्टतां तूफान त समुन्दर डांटो, तैखने तूफान रुकी जेव त समुन्दर बड़े शांत भोव। 27 लोक हैरान भोइतां ज़ोने लगे, “ए मैन्हु कौन आए कि तूफान त समुन्दर भी एसेरो हुक्म मन्तन!” 28 ज़ैखन तै गलील समुन्दरे पार, गिरासेनी इलाके मां पुजो, त दूईं मैन्हु ज़ैन पुड़ भूतां केरो सैयो थियो कब्रन मांमेइं यीशु कां मिलने आए। तैना एत्रे निग्गर थिये, कि कोई भी तैस बत्तां निस्सी न थियो बटतो। 29 तैना ज़ोरे-ज़ोरे चिन्डां मारने लगगे ते ज़ोने लगगे, हे परमेशरेरा मट्टां, तीं असन सेइं कुन कम्मे? कुन तू वक्ते करां पेइले असन नरके मां छुडने ओरोस? 30 तैन केरां दूर सूरं केरो अक बड़ो धान चरने लोरो थियो। 31 भूतेईं यीशु कां मिन्नत केरतां ज़ोवं, “अगर

तू असन कढने चातस त उन सूरं केरे घाने मांजो भेज्ज।” 32 तैखन यीशुए ज़ोवं, “गाथ,” तैना भूतां तैट्ठां निस्तां तैन सूरं केरे घाने मां जेआं, ते सूरं केरो सारो घान उछड़तो-उछड़तो डैल्ले मां गेइतां सारे सूर मेरि जे। 33 तैखन सूरं केरे चारनेबालेई एन हेरू, त तैना डेरि जे, ते तैनेई नगरेरे लोकन सेइं सारो बिस्तार दित्तो, ते ज़ैन पुड़ भूतां केरो सैयो थियो तैन केरो हाल भी शुनाव। 34 तैस नगरेरे सारे लोक यीशु सेइं मिलनेरे लेइ आए ते यीशु लेइतां लोक मिनत केरतां ज़ोने लगगे, इश्शे इलाके मरां चलो गा।

**9** फिरी यीशु किशती मां चेट्ठां दरियाए पार जो जेव, ते अपने नगर मां अव। 2 ते हेरा, किछ मैनेई अक अधरंगी मैन्हु खट्टी पुड़ छुइतां तैस कां आनो, ज़ैखन यीशुए तैन केरो विश्वास हेरो, त तैस अधरंगी मैन्हु जो ज़ोवं, “मट्ठा, गा हिम्मत रख, तेरे पाप माफ भोए।” 3 एस गल्ली पुड़ किछ शास्त्री एप्पू मांमेइं ज़ोने लगगे, “ए त परमेशेरी तुहीन केरते!” 4 यीशुए तैन केरि मनेरी गल्लां बुझतां तैन जो ज़ोवं, “तुस अपने-अपने मने मां एन्चरां किजो सोचने लगगोरेथ? 5 एन ज़ोनू कुन सुखतुए कि गा ‘तेरे पाप माफ भोए,’ या एन ज़ोनू कि ‘उठ, ते चल फिर?’ 6 पन अव किछ केरनेबालोई, ज़ैस सेइं तुसेईं बुझ्जनुए कि मैनेरे मट्टे (यानी मीं) धेरती पुड़ लोकां केरे पाप माफ केरनेरो अधिकार आए।” तैखन तैनी तैस अधरंगी मैन्हु जो ज़ोवं, “अपनि खट छुइतां अपने घरजो चलो गा।” 7 तै अधरंगी मैन्हु तैखने अपनि खट छुइतां घरजो चलो जेव। 8 लोक एन हेरतां डेरि जे ते परमेशेरी बड़याई केरने लगगे, कि ज़ैनी मैन्हु एत्रो अधिकार दित्तोरोए। 9 ज़ैखन यीशु तैट्ठां अग्रोवं चलो त तैनी अक मत्ती नंवेरो मैन्हु, चुंगी नेनेबालो दफ़तरे मां बिश्शोरो लाव, ते यीशुए तैस जो ज़ोवं, “तू मीं पत्ती चल।” तै तैखने यीशु पत्ती चलो। 10 ते ज़ैखन यीशु अपने चेलेरे घरे गेइतां रोटी खाने बिश्शो ज़ेसेरू नवं मत्ती थियू, त बड़े चुंगी नेनेबाले ते पापी मैन्हु भी आए ते यीशु त तैसेरे चलन सेइं साथी रोटी खाने बिश्शे। 11 ज़ैखन फरीसी लोकेई एन हेरू, त तैनेई तैसेरे चलन पुच्छू, “तुशो गुरु चुंगी घिन्ने बाले ते पैपी लोकन सेइं साथी रोटी किजो खाते?” 12 एन शुन्तां यीशुए तैन मिसाल देइतां ज़ोवं, “सझर लोकन डाक्टरेरी ज़रूरत न भोए, पन बिमारन भोवे।” 13 फिर भी तुस गेइतां एस गल्लरो मतलब कढा, “अवं बलिदान नई बल्के दया पसंद केरताई, किजोकि अवं धर्मी लोकन नई बल्के पापी लोकन कुजाने ओरोई।” 14 तैखन यूहन्नारे चले यीशु कां एइतां ज़ोने लगगे कि कुन वजा आए, कि अस ते फरीसी लोक त बरत रखतम, पन तेरे चले किजो बरत न रखन? 15 यीशुए तैनन् जुवाब दित्तो, “इलाएरे दिहाड़े, ज़ैखन लाड़ो ज़ैनी सेइं साथी राते, कुन जन शौग बनेइं सकतन? पन तैना दिहाड़े एज्जले, ज़ेइस लाड़ो तैन केरां अलग कियो गालो (यानी मारो गालो), तैखन तैना (अपने दुख्खेरे वजाई सेइं) बरत रखखेले। 16 अवं तुसन अक होरि मिसाल देताई, नंवे लिगड़ेरी टलोई पुराने लिगड़े कोई न लाए। किजोकि नंवे लिगड़ेरी टलोई पुराने लिगड़े अपने पासे

खिच्ची छुडेली। ते तैन पेइले केरां भी जादे छिन्दीलू। 17 ते नंवे दाछारो रस पुरेनी मसकन मां न भरन, किजोकि मसकां फैट्टी गाचिन ते दाछारो रस ज़ैया भोइ गाते ते मसकां भी कोन्ची कम्मरी न रान। एल्लेरेलेइ नंवे दाछारो रस नेर्वीं मसकी मां छड़तन ताके दुइये बरबाद न भोन।” 18 यीशु एन गल्लां हेजू मसां ज़ोने लोरो थियो, त प्रार्थना घरेरो अक प्रधान अव ते यीशु कां मथ्यो टेकतां ज़ोने लगगे, मेरी कुई मेरि जोरीए, “पन तू अगर एइतां तैस पुड़ हथ रखखस त तै हुन्ना ज़ींती भोइ गानीए।” 19 यीशु तैस सेइं साथी चलो जेव, ते चले भी तैस सेइं साथी जे। 20 ते एरू भोवं कि अक कुआन्श भी थी, ज़ैस 12 सालां केरि खून चलनेरी बिमारी थी। तैसां यीशु पत्पती एइतां तैसेरे चोगे सेइं हथ लाव। 21 किजोकि तै अपने दिले मां एन ज़ोती थी, कि अगर अवं यीशुएरे चोगे सेइं हथ लाएली त अवं बेज़्जोइ गानीं। 22 यीशुए बेदलोइतां तैस कुआन्शरे पासे तककू ते ज़ोवं, “हे कुईए, विश्वास रख, तेरे विश्वासे सेइं तू बेज़्जोरस” ते तै तैखने बेज़्जोइ जेई। 23 ज़ैखन यीशु तैस प्रधानेरे घरे पुजो, त लोक नगारो बजाते ते लेरां देते लाए। 24 तैखन यीशुए तैन लोकन सेइं ज़ोवं, “दूर भोथ, किजोकि कुई मरीं नई, बल्के झुल्लोरीए।” एन शुन्तां तैना लोक हसने लगगे। 25 पन ज़ैखन लोक तैटां दूर कढे, त यीशुए अन्तर गेइतां कुइयरो हथ ट्लाव, त तै ज़ींती भोइ। 26 ते एस गल्लरी खबर सारे इलाके मां फैली जेई। 27 ज़ैखन यीशु तैटां अग्रोवं चलो, त दूई काने तैस पत्ती चिन्डां मारते ज़ोने लगगे, “हे दाऊदेरा मट्ठां असन पुड़ दया केर!” 28 ज़ैखन तै घरे अन्तर जेव, त तैना काने तैस कां आए, ते यीशुए तैन सेइं ज़ोवं, “कुन तुसन विश्वासे, कि अवं तुसन बज़्जेई सकताई?” तैनेई जुवाब दित्तो “हाँ प्रभु, अस विश्वास केरतम, तू असन बज़्जेई सकतस।” 29 तैखन तैनी तैन केरि एछ्छन सेइं हथ लाव ते ज़ोवं, “तुस विश्वास केरतथ कि अवं बज़्जेई सकताई, अवं तुसन बज़्जेइलो।” 30 ते तैना लहने लाए, ते यीशुए तैन रोडेचारे समझेइतां ज़ोवं, “खबरदार ज़ैन मीं तुशे लेइ कियू तैसेरे बारे मां कोन्ची सेइं न ज़ोइयथ।” 31 पन तैनेई बेइर गेइतां सारे मुलखे मां एस चमत्कारेरे बारे मां ज़ोवं। 32 ज़ैखन तैना बेइर चलोरोर थियो, त लोकेई अक मैन्हु ज़ै गल्लां न थियो केरि बटतो, किजोकि तैस पुड़ भूतेरो सैयो थियो, तै तैनेई यीशु कां आनो। 33 ते ज़ैखन भूतेरो सैयो तैस मेरां कढो, त लट्टो गल्लां केरने लगगे, लोक बड़े हेरान भोइजेइ ते ज़ोने लगगे, असेई एरो ज़ेरो माजरो इसाएले मां पेइले कथे नई लाहोरो। 34 पन फरीसी लोक ज़ोने लगगे, “ए त भूतां केरे गुरेरी मदी सेइं भूतां कढते।” 35 यीशु त कने तैसेरे चले गलील इलाकेरे इलॉव्न ते नगरन मां ते प्रार्थना घरन मां जे। ते तै शिक्षा देतो राव, ते परमेशेरे राज़ेरी खुशखबरी शुनातो राव, ते लोकां केरि हर किसमेरी बिमारी ते कमज़ोरी दूर केरतो राव। 36 ज़ैखन तैनी बड़े लोक लाए त तैस तैन लोकन पुड़ बड़ो तरस अव, किजोकि तैना तैन भेड्ठां केरे ज़ेरे थियो ज़ैन केरो कोई पुहाल न भोए, तैन केरो बड़ो बुरो

हाल थियो ते तैना टेपलारे थियो। 37 तैखन यीशुए अपने चेलन सेइं ज़ोवं, “पक़ोरी फसलरे ज़ेरे बडे लोक तियार आन ज़ैना परमेशररे वचने पुडु विश्वास केरनू चातन, पन कम केरनेबाले थोडे आन ज़ैना तैन परमेशरे राज़्जेरे बारे मां ज़ोन। 38 एल्हेरेलेइ तुस फसलरे मालिके कां प्रार्थना केरा कि तै जादे कम केरनेबाले भेजे, कि तैना लोकन परमेशररे राज़्जेरे बारे मां ज़ोन।”

**10** फिरी यीशुए अपने 12 चले एप्पू कां कुजाए, ते तैन भूतां केरो सैयो कढनेरो ते हर बिमारी ते तकलीफ दूर केरनेरो अधिकार दित्तो। 2 12 प्रेरितां केरां नव्वां इना आन, शमौन ज़ैस जो पतरस ज़ोतन ते तैसेरो ढूला अन्द्रियास, जब्दरू मट्टू याकूब ते कने तैसेरो ढूला यूहन्ना, 3 फिलिप्पुस, बरतुल्मी, थोमा, ते मत्ती चुंगी धिन्ने बालो, हलफइरू मट्टू याकूब, ते तदै। 4 शमौन कनानी, ते यहूदा इस्करियोती ज़ैनी तै दलुवेवरो भी थियो। 5 एन 12 यीशुए एन ज़ोइतां भेजे, “गैर कौमां केरे पासे न गेइयथ, ते कने सामरी लोकां केरे केन्ची नगर मां न गेइयथ। 6 बल्के इस्त्राएलैरे घरानेरी हेरोरि भैडुन कां गेइयथ। 7 ते चलते-चलते, एन ज़ोते गेइयथ कि स्वर्गूरू राज़ नेडे ओरूए। 8 बिमारन बज़्जेइयथ, मुडदन ज़ीते केरथ, कोढी केरू कोढ साफ केरथ, ते भूतां केरो सैयो केढथ, तुसन एन सब किछ मुफ्त मैलोरूए ते मुफ्त देइयथ। 9 ते साथी सोनू, चाँदी ते पेंडसे न रेखथ। 10 ते न बतारे लेइ झोलो नेइयथ ते न दूई-दूई लिगडां, ते न बूट ते न सोटी, किजोकि मज़दूर अपनि मज़दूरारो हकदार भोते।” 11 “ज़ैखन तुस केन्ची नगर या इलोव्वं मां गाथ त तुस एरे मैनेरो पतो केरथ, कि कौन अतबाररे काबल? तैट्टां ज़ां तगर गानेरो वक्त न एज्जे त तांतगर तैडी तैस्से कां रेइयथ। 12 ते घरे मां अन्तर गांते बार तैन जो शान्ति देइयथ।” 13 “अगर तैन घर तुशे काबल भोलू त शान्ति पुज़ेली, ते अगर तैन घर तुशे काबल न भोलू त तुशे शान्ति तुसन पुडु वापस एज्जेली। 14 ज़ै तुसन कबूल न केरे ते तुशे गल न मन्ने त तैस घरे या नगर मरां बेइरोवं गांते बार अपने पावां केरि धूड तैडी झैइयथ।” 15 “अवं तुसन सेइं सत्र ज़ोताई कि इन्साफेरे दिहाडे तैस नगरेरो हाल सदोम ते अमोरा नगरां केरे हाले करां भी जादे बुरो भोलो।” 16 “हेरा, अवं तुसन भैडूां केरे गिदन मां भेजने लोरोई, एल्हेरेलेइ तुस सप्पां केरे ज़ेरे हुशार ते कबूतरां केरे ज़ेरे सादे बेनथ। 17 मैनन् करां हुशार रेइयथ तैना तुसन दलेइतां सभान मां पैश केरेले ते प्रार्थना घरन मां तुसन कोडां केरि मार दुवाले। 18 ते तुसन मेरी वजाई सेइं गवर्नरन ते कने राज़न कां हाज़र केरेले, ताके तुस तैन मां ते गैर कौमन मां मेरे गवाह बन्थ। 19 पन ज़ैखन तैना दलुवेइतां हावाले केरेले, त तुस फिक्न न केरथ, कि अस कुन जोमेले ते केन्चरे जोमेले, किजोकि ज़ैन किछ ज़ोनू भोलू तैखने अवं तुसन ज़ोइलो। 20 किजोकि ज़ोने बाले तुस नई, बल्के पवित्र आत्मा भोलो ज़ै तुशे स्वर्गे बाजी परमेशररे तरफां आए।” 21 “ढूला, ढूलाए ते बाजी मट्टे मारनेरे लेइ सोंफेले, ते मट्टां अपने अम्मा बाजी केरे खलाफ भोइतां

तैन माराले। 22 मेरे नव्वेरो वजाई सेइं सब लोक तुसन सेइं बैर केरेले, पन ज़ै आखरी तगर बरदाशत केरेलो तैस्से मुक्ति मैलेली। 23 ज़ैखन लोक तुसन एक्की नगर मां सताले, त होरि नगर मांजो नेशशी गेइयथ, अवं तुसन सेइं सत्र ज़ोताई कि एस करां पेइले तुस इस्त्राएलैरे सैरी नगरन मां तुशू सफर पूरू न भोलू, त अवं मैनेरू मट्टू एज्जी गालू।” 24 “चेलो अपने गुरू करां बड्डो न भोए, ते न नौकर अपने मालिके करां। 25 चेलेरे लेइ त एन्ने बड्डुए कि तै अपने गुरेरो ज़ेरो भोए, ते नौकरेरे लेइ एन्ने बड्डुए कि तै अपने मालिकेरे बराबर भोए, अगर तैनेई मालिके जो शैतान ज़ोवं, त तैसेरे घरेबालन जो केनू ज़ोनूए।” 26 “तुस तैन करां न डेरथ, किजोकि कोई चीज छप्पोरी नई, ज़ै खोल्ली न गाली, ते कोई भेद छप्पोरो न रालो, बल्के सारो भेद बांदो भोलो। 27 ज़ैन किछ अवं तुसन सेइं आंधरे मां ज़ोताई, तुस तैन दीसां ज़ोइयथ, ते ज़ैन किछ तुशे कन्ने पत्र बल्हे सेइं शुनावं गाते, तुस लाए पुडु गेइतां तैसेरो प्रचार केरथ। 28 तुस तैन करां न डेरथ ज़ैना जानी त मारतन, पन आत्मा न मैरी बटन, परमेशरे करां डरा, ज़ै आत्माई ते जानी दुइने नरके मां नाश केरि बटते। (Geenna g1067) 29 कुन एक्की सिकेरी दूई चड्डोली न बिक्न? फिरी भी तुशो बाजेरे मेरज़ेरे बगैर तैन मरां अक भी धेरती पुडु न झेइी बटन। 30 परमेशर तुशे हर गल्लरी फिक्न केरते इडी तगर तुशे दोगेरे बाल भी गन्नोरेन। 31 एल्हेरेलेइ डरा न, तुशे कदर बेइि चड्डोलन करां भी बडी जादे।” 32 “ज़ैना लोक, मैन्हु केरे सामने मेरो इकरार केरतन कि तैना मेरे चलेन, त अवं भी अपने स्वर्गोरो बाजी केरे सामने तैन केरो इकरार केरेलो, कि तैना मेरे चलेन। 33 पन ज़ैना लोक, मैन्हु केरे सामने इन ज़ोने करां डरेले, कि तैना मेरे चलेन, त अवं भी तैन केरो अपने स्वर्गोरो बाजेरे सामने इन्कार केरेलो, कि एना मेरे चले नई।” 34 “इन न सैमझथ कि अवं धेरती पुडु एल्हेरेलेइ ओरोई लोक मेल मिलापे सेइं रान, पन मेरू एज्जु लोकन एप्पू मांमेइ लडनेरी वजा भोइ, मेल मलाप नई। 35 अवं एल्हेरेलेइ ओरोई कि मट्टे बाजी करां ते कुइये अम्मा करां ते नुशी शिखी करां अलग केरि। 36 मैनेरे दुश्मन त तैसेरे अपने घरेरे लोक भोनेन।” 37 ज़ै कोई अम्मा या बाजी मीं करां जादे ट्लारे समझते, तै मेरो चेलो बन्नेरे काबल नई ते ज़ै कोई मट्टे या कुइये मीं करां जादे समझते, तै भी मेरो चेलो बन्नेरे काबल नई। 38 ज़ै कोई मेरो चेलो भोनेरी वजाई सेइं दुःख झैल्लनेरे लेइ त कने मरनेरे लेइ तियार नई, त तै भी मेरो चेलो बन्नेरे काबल नई। 39 ज़ै कोई मरने करां बचनेरे लेइ मेरो इन्कार केरेलो, त तैन हमेशारी जिन्दगी न मैलेली। पन ज़ै मीं पुडु विश्वास केरनेरे वजाई सेइं अपने जान देनेरे लेइ भी तियार भोलो, त तैस हमेशारी जिन्दगी मैलेली। 40 “ज़ैना तुसन कबूल केरतन, तैना मीं कबूल केरतन, ज़ैना मीं कबूल केरतन, तैना सिर्फ मीं नई, पन तैना परमेशरे भी कबूल केरतन, ज़ैनी अवं इडी भेजोरोई।” 41 “ज़ै नेबन, नबी सेमझतां कबूल केरेलो, परमेशर तैस नेबी केरे बराबर इनाम देलो, ते ज़ै धेर्मा मैन्हु धर्मा

सेमझतां कबूल केरते, परमेशर तैस धेर्मी बराबर इनाम देलो। 42 जै कोई इन निकड़न मरां एककी मेरो चेलो बुझतां सिर्फ अक कटोरो ठंडू पानी पियालो, अवं तुसन सेईं सच ज़ोताईं तैस पक्कू इनाम मैलनू आए।”

**11** जैखन यीशुए अपने 12 चेलन हुकम दितो, त तै तैट्टां चलो जेव, ताके चेलानं केरे नगरन मां गेइतां शिक्षा दे ते प्रचार केरे। 2 यूहन्ना नेबे कैदखाने मां मसीहरे कम्मां केरे बारे मां श्रुतां तैस कां अपने चले इन पुच्छने भेजे। 3 “तैनी तैन सेईं ज़ोवं, एजनेबालो मसीह तू आस, जेसेरे बारे मां परमेशरे वादो कियोरोए, या आस केन्ची होरि बलगम?” 4 यीशुए तैन जुवाब दितो, “जैन किछ तुस श्रुतन ते लातथ तैन गेइतां यूहन्ना सेईं ज़ोथ। 5 कि काने लातन, ते टोन्टे च़लतन, ते कोढी केरू कोढ शुद्ध भोते, ते टोऊने श्रुतन, ते मुड़दे ज़ीते भोतन, ते गरीबन खुशखबरी शुनाईं गातीए 6 परमेशर तैस बरकत देते, जै मीं पुड़ शक न केरे।” 7 जैखन यूहन्नारे चले तैट्टां चले जे, त यीशु लोकन सेईं यूहन्नारे बारे मां ज़ोने लगे, “तुस सुनसान ठैरी कुन हेरने जोरे थिये? कुन हवाई सेईं हिलते निरेठरे डाले? 8 त फिरी होरू कुन हेरने जोरे थिये? माघां लिगड़ां लेइतां कोई? हेरा ज़ैन माघां लिगड़ां लेइतां भोतन तैना महलन मां रातन। 9 फिरी तुस कुन हेरने जोरे थिये? कुन कोई नेबी? हाँ पन अवं तुसन सेईं ज़ोताईं कि नेबी करां भी बड्डे हेरने जोरे थिये। 10 ई तैए यूहन्ना आए ज़ेसेरे बारे मां परमेशर पवित्रशास्त्रे मां ज़ोते, कि हेरा, ‘अवं अपने बिस्तार देनेबालो तीं अग्री भेजताईं, जै तेरे लेइ बत तियार केरेलो।” 11 अवं तुसन सेईं सच ज़ोताईं, कि जै कुआन्थन करां ज़रमोरोए तैन मां यूहन्ना बपतिस्मो देनेबाले करां कोई बड्डो नईं भोरो, पन ज़ै स्वर्गे राज़े मां निकड़े करां निकड़ोए तै तैस करां भी बड्डोए। 12 यूहन्ना बपतिस्मो देनेबालेरे दिहाइन करां अज़ तगर प्रचार भोइ रावरोए, ते स्वर्गेरू राज़ जल्दी बधने लोरूए, पन बडे निग्गर लोक तैस पुड़ हमलो केरतन। 13 सारे नेबी केरे लेख, ते मूसैरो कानून यूहन्ना तगर भविष्यवाणी केरते राए। 14 अगर तुस चाथ ते मन्थ, एलिय्याह ज़ेसेरे बारे मां नेबेईं ज़ोरू थियूं, कि तै एजनेबालो थियो तै ईए। 15 जै कोई समझनू चाते, तै ध्याने सेईं शुने ते समझे। 16 “अवं इस ज़मानेरे लोकानं केरि मिसाल केस सेईं देईं, इना तैन मड्डां केरे ज़ेरेन ज़ैना बज़ारन मां बिश्तां अपने दोसन सेईं शिकैयत केरतन, 17 कि असेईं तुशुशे लेइ बाज़ो बज़ाव, ते तुस न नख़रे, ते असेईं शौग कियो ते तुसेईं छाती न पिट्टी। 18 किजोकि यूहन्ना बपतिस्मो देनेबालो जादे तर बरत रखतो थियो, ते शराब न थियो पीतो, ते तैना तैस जो ज़ोतन कि एस पुड़ भूतेरो सैयो आए। 19 ते मैनेरू मड्डू यानी अवं खातो पीतो अव, हेरा, ते तैना ज़ोतन पेटू ते शराबी मैन्हु ते चुंगी नेनेबाले ते पापी लोकानं केरो दोस्त, पन अक्लमन्द कोने तेसेरे कम्मेईं सेईं पतो च़लते।” 20 तैखन यीशु फिरी तैन नगरन मां गेइतां तैट्टेरे लोकन झिड़कतां ज़ोने लगे, ज़ैन मां तैनी चमत्कार कियोरे थी, पन तैनेईं अपने पापन करां मन न फिराव। 21 “हे

खुराजीन नगरेरे लोकव! तुसन पुड़ अफ़सोस, हे बैतसैदा नगरेरे लोकव तुसन पुड़ अफ़सोस, कि ज़ैना चमत्कार तुसन मां कियो, अगर एना चमत्कार सूर ते सैदा नगरन मां कियोरे भोथे, त तैन लोकेईं केइसेरे देंतेरी टाट पलेटतां ते मांज़नी मां बिश्तां अपने पापन करां मनफिरावरो भोथो। 22 पन अवं तुसन सेईं ज़ोताईं, कि इन्साफेरे दिहाड़े परमेशर, ज़ै सज़ा सूर ते सैदा नगरां केरे लोकन देलो, तुशुशी सज़ा तैस करां भी जादे भोली। 23 ते हे कफ़रनहूम नगरेरे लोकव, कुन तुस सोचतथ कि स्वर्गं मां तुशुशी आदर भोनीए! नईं तुस त नरके गाले ज़ैडी पापी लोकन सज़ा मैलेली! किजोकि ज़ैना चमत्कार तुसन मां कियो, अगर मीं एना सदोम नगर मां कियोरे भोथे त सदोम नगर अज़ तगर भी भोनु थियूं। (Hadēs 986) 24 पन अवं तुसन ज़ोतां कि इन्साफेरे दिहाड़े परमेशर ज़ै सज़ा सदोम नगरेरे लोकन देलो, तुशुशी सज़ा तैस करां भी जादे भोली।” 25 तैखन यीशुए ज़ोवं, “हे बाजी, स्वर्ग ते धेरतेरे प्रभु, अवं तेरू शुक्र केरतां कि तीं एना गल्लां अक्लमन्द ते समझदार लोकन करां छुपेइतां रेख्खी ते तैन लोकन पुड़ बैदी की, ज़ैना निक्के बच्चां केरे ज़ेरे आन। 26 हाँ, हे बाजी तीं एन्ने रोडू लगू। 27 “मेरे बाजेईं सब किछ मेरे सुपुर्द कियोरूए; कोई होरो मट्टे न ज़ाने, सिर्फ बाजी ज़ानते; कोई बाजी न ज़ाने सिर्फ मट्टू ज़ानते, या तै मैन्हु बाजी ज़ानते ज़ैस पुड़ मट्टू बांदो केरने चाए। 28 “हे मेहनत केरनेबाले लोकव, ते भार सेईं थकोरे लोकव मीं कां एज्जा; अवं तुसन आराम देइलो। 29 मेरे अधीन एन्चरे भोथ ज़ेन्चरे दांत जूए हैठ भोते, ते ज़ैन किछ अवं तुसन शिखालताईं तैस शिख्खा, किजोकि अवं शरीफ आईं ते दिलेरो नम्र आईं ते तुशुशी जानी आराम मैलेलो। 30 ज़ै भार अवं तुसन देइलो तै पोल्लोए, तुस तैस आरामे सेईं छुईं सकतथ।”

**12** यीशु आरामेरे दिहाड़े ऊडारन मांमेईं एककी बत्तां च़लोरे थियो, ते तैसेरे चेलन ढ़लुख लग्गी, ते तैना शिल्लां ढ़लोइतां खाने लागे। 2 फ़रीसी लोकेईं एन लेइतां यीशु सेईं ज़ोवं, “तक! तेरे चले तैन कम केरने लोरेन ज़ैन आरामेरे दिहाड़े केरनू जेइज़ नईं।” 3 यीशुए तैन जुवाब दितो, “कुन तुसेईं पवित्रशास्त्रे मां कथे नईं पढ़ेरू कि ज़ेइस इशुशे पूर्वज दाऊद राज़ो त तैसेरे साथी ढ़लुखोरे थिये त तैनेईं कुन कियोरू थिये? 4 तै केन्चरे परमेशरेरे घरे मां जेव, ते ज़ैना च़ैढोरी रोटी थी तैट्टां एन्तां एण्पू भी खेइ, ते अपने सैथन भी दित्ती, ते तैनेईं भी खेइ हालांकी तैना रोटी खैनी तैन केरे लेइ जेइज थी, तैना सिर्फ याजक खेइ सकते थिये। 5 या तुसेईं मूसैरो कानूने मां एन भी नईं पढ़ेरू, कि याजक मन्दरे मां आरामेरे दिहाड़ेरी विधि न मन्ने पुड़ भी बेकसूर भोतन। 6 पन अवं तुसन सेईं ज़ोताईं कि इडी तैए, ज़ै मन्दरे करां भी बड्डोए। 7 अगर तुस एल्हेरो मतलब ज़ानेथे कि, अवं बलिदान नईं बल्के दया पसंद केरताईं, त तुस बेकसूर कुसुरवार न बनाथे। 8 किजोकि मैनेरू मड्डू यानी अवं आरामेरे दिहाड़ेरो भी प्रभु आईं।” 9 यीशु तैट्टां निस्तां तैन केरे प्रार्थना घरे मां जेव। 10 तैडी अक मैन्हु थियो, ज़ेसेरो हथ

शुक्कोरो थियो, तैनेई यीशु दोष लानेरे बहाने सेइं तैस पुच्छू, तैसेरे फल भी रोड़ी भोलो, अगर बुट बुरोए त तैसेरे फल भी बुरो भोलो, किजोकि बुट अपने फले सेइं पिशैनोते। 34 तुस ज़हरीले सपेरे बच्चां केरे बुरे भोइतां रोड़ी गल केन्चरे जोई सकतथ? किजोकि जैन दिले मां भोते तैन्ने ज़बानी पुड़ एइते। 35 रोड़ो मैन्हु दिलेरे रोड़े खज़ाने मरां रोड़ी गल्लां कढते, ते बुरो मैन्हु बुरे दिलेरे बुरे खज़ाने मरां बुरी गल्लां कढते (दिल खज़ानेरो जेरोए)। 36 अवं तुसन सेइं ज़ोतां, कि ज़ैना-ज़ैना निक्केमी गल्लां मैन्हु ज़ोले, इन्साफेरे दिहाड़े लोकन अपनि हर एककी तैस गल्लरो हिसाब देनो भोलो। 37 किजोकि तू अपने गल्लेई सेइं धर्मी ते अपने गल्लेई सेइं दोषी भोलो।” 38 इस पुड़ किछ शास्त्री ते फरीसी लोकेई तैस सेइं ज़ोवं, “हे गुरु अस तीं करां कोई निशान हेरनो चातमा।” 39 तैनी तैन जुवाब दित्तो, “इस ज़मानेरे बुरे ते बदमाश लोक निशान हेरनो चातन, पन तैन योना नेबेरे निशानेरे अलावा होरो कोई निशान न दित्तो गालो। 40 ज़ेन्चरे योना नबी ट्लाई दिहाड़े ते ट्लाई रातन मेछलरे पेटे मां राव, तेन्चरे मैनेरू मट्टू यानी अवं भी ट्लाई दिहाड़े ते ट्लाई रातन ज़मीनी मां रालो। 41 नीनवेरे लोक इन्साफेरे दिहाड़े इस ज़मानेरे लोकन सेइं साथी खड़े भोइतां एन दोषी बनाले, एल्हेरेलेइ कि तैनेई योनारो प्रचार शुन्तां पापन करां मन फिराव, ते हेरा इड़ी तैए, ज़ै योना करां भी बड्डोए, पन तुसेईं पापन करां मन फिरानो न चाव। 42 दक्षिणेरी रानी इन्साफेरे दिहाड़े इस ज़मानेरे लोकन सेइं साथी खड़ी भोइतां दोषी बनानी, किजोकि ते बड़े दूरेरां सुलैमान राजेरू ज्ञान शुन्नेरे लेइ ओरी थी, पन हेरा इड़ी तैए, ज़ै सुलैमाने करां भी बड्डोए।” 43 “ज़ैखन केन्ची मैन्हु मरां भूतां केरो सैयो निसते, त तै अपने आरामेरे लेइ बेरान ठारां हठते, पन ज़ैखन तैस ठार न मैल्ले। 44 तैखन ज़ोते, कि अवं वापस अपने तैस्से घरे मां गाताई ज़ैस मरां निसोरो आई, ते ज़ैखन तै वापस एइते, त तैस तैन घरे खाली, धोवेरु ते साफ सुथरु सज़्जो-सज़ेवरु मैलते। 45 तैखन तैन गाते ते सत बुरां भूतां एप्पू सेइं साथी आनते, ते तैन सब तैस मां रहतन, ते तैस मैनेरो हाल पेइले हाले करां भी जादे बुरो केरतन, तेन्चरे इस ज़मानेरे बुरे लोकां केरो हाल भी एरो भोनोए।” 46 ज़ैखन तै मैन्हु सेइं गल्लां केरने लोरो थियो, त तैसेरी अम्मा ते कने तैसेरे ढूला खड़े थी, तैना तैस सेइं गल्लां केरनि चाते थियो। 47 केन्चे गेइतां तैस सेइं ज़ोवं, “बेइर तेरी अम्मा ते ढूला खड़े आन, तैना तीं सेइं गल केरनि चातना।” 48 एन शुन्तां तैनी पतो देनेबाले जो ज़ोवं, “कौने मेरी अम्मा, ते कौन मेरे ढूला?” 49 ते अपने चेलां केरे पासे हथ अग्रोवं केरतां ज़ोवं, “हेरा मेरी अम्मा, ते मेरे ढूला इना आन। 50 किजोकि ज़ै कोई मेरे स्वगेरे बाजेरी मेर्जी पुड़ चलते तैए मेरो ढूला ते मेरी बेइन्, ते मेरी अम्मा आए।”

**13** तैस दिहाड़े यीशु घरेरां निस्सो, ते गलील समुन्दरेरे बन्ने पुड़ गेइतां बिश्शो। 2 तैसेरे सेत्रे पासन लोकां केरि एत्री भीड़ अकोट्टी भोइ, ते तै एककी किशती मां चढो ते बिश्शी जेव, ताके तै सेबभी लोकन परमेशेरी गल्लां केरि शिक्षा देइ सके, ते

सारे लोक बन्ने पुड़ खड़े राए। 3 तैखन तैनी तैन सेइं कहैनी केरे तरीके सेइं बेड़ि गल्लां जोई, “एक्सां अक बीज बेनेबालो बीज बेने जो जेव। 4 बीज बेते बार किछ बीज बत्तेरे डुलेखी बिछडू त चुड़ोल्लेई एइतां तैन बीज चुनु। 5 किछ बीज घोड़नबाली ज़मीनी पुड़ बिछडू, जेड़ी तैस डुग्घी मिती न मेलनेरे वजाई सेइं तैन लूशी उग्गू ते बूटो लगे। 6 पन ज़ैखन दिहाड़ो निस्सो, त तै निकड़ो बूटो फुककोई जेव। ज़ील न छडुनेरे वजाई सेइं शुक्की जेव। 7 ते किछ बीज कंटां केरे झैल्लन मां बिछडू। ज़ैखन तैड़ी बूटो लगे, त कंटां केरे झैल्लेई भी बेड़ोइतां तै बूटो दबेइ छडु। 8 पन ज़ैन रोड़ी ज़मीनी मां बिछडू, त तैस फल भी लगे केन्ची शौव गुणा केन्ची शठ गुणा, ते केन्ची ट्ली गुणा। 9 ज़ै कोई समझनू चाते, तै ध्याने सेइं शुने ते समझो।” 10 चेलेई यीशु कां एइतां पुच्छ, “तू लोकन सेइं कहैनी केरे तरीके सेइं गल्लां किजो केरतां?” 11 तैने जुवाब दितो, “तुसन त स्वर्गेर राज़ेरे भेदां केरि समझ दितोरीए” पन होरि लोकन नई। 12 किजोकि ज़ैस कां परमेशेरी मर्ज़ी समझनेरी इच्छा आए, तैस परमेशर जादे समझ देलो। पन ज़ैस कां परमेशेरी मर्ज़ी समझनेरी इच्छा नई, तैस केरां, थोड़ी ज़ेरि समझ, ज़ै तैस कां आए, तै भी नी गाली। 13 अवं तैन सेइं एल्हेरेलेइ कहैनन मां गल्लां केरतां, कि तैन, तैना बार-बार शुनेले, पन मेरी गल न समझेले। 14 तैन केरे बारे मां यशायाह नेबेरी भविष्यवाणी पूरी भोतीए, “तुस कन्नेई सेइं त शुनेले पन समझेले न, तुस एछछन सेइं त लाएले पन पिशीनी न सकेले।” 15 “किजोकि एना लोकां केरे दिलन पुड़ चरभी भेरोरीए, ते एना कन्न सेइं उकडू शुन्तन, ते एनेई अपनि एछछी तुमोरिन, एरू न भोए कि तैना एछछेई सेइं लहन, ते कन्नेई सेइं शुन्ने ते दिले सेइं समझन, ते मेरे पासे फिरन ते अवं तैन बड़झेइं।” 16 “पन तुशशी एछछी धन आन, कि तुस लातथ ते तुशशे कन्न धन आन किजोकि तुस शुन्तन। 17 अवं तुसन सेइं सग्र ज़ोताई, कि बड़े नेबी ते धेरमी लोकेई चाव कि ज़ैन गल्लां तुस हेरतथ तैना हेरन, पन न हेरी बेटि, ते ज़ैना गल्लां तुस शुन्तन शुन्, पन न शुनी बेटि।” 18 “हुनी तुस बीज बेनेबालेरी कहैनरो मतलब शुना। 19 बीज बेनेबालो तै आए, ज़ै परमेशेरी गल्लां लोकन शुनाते। ज़ैना मैन्हु परमेशेरी गल्लां शुन्तन, तैन मरां किछ लोक तैस बत्तेरे ज़ेरे आन, जेड़ी बीज बिछडुते। तैना त परमेशेरी गल्लां शुन्तन, पन शैतान अकदम एइतां तैन मैन्हु केरे दिले मरां परमेशेरी गल्लां केड़ी छडते। 20 ते ज़ैन घोड़नबाली ज़मीनी मां बेवं, एना तैना आन, ज़ैना खुशी सेइं वचन शुन्तन कबूल केरतन। 21 पन एण्णू मां ज़ील न रखनेरे वजाई सेइं तैन थोड़े दिहाड़ी केरूए, ते ज़ैखन वचनेरे वजाई सेइं तैन पुड़ मुसीबत या जुलम भोते त तैखने ठोकर खातन। 22 होरे किछ लोक ज़ैना परमेशेरी गल्लां शुन्तन, तैना तैस कंटां केरे झैल्लां केरे ज़मीनेरे ज़ेरे आन। पन दुनियारो फिर ते दौलतरे वजाई सेइं थोखी खातन, ते तैना बेफल रेइ गाते। (aiōn g165) 23 ज़ैन रोड़ि ज़मीनी मां बेवं, एन तैना लोकन ज़ैना वचन शुन्तन ते समझतन, ते तैस फल भी लगेते कोन्ची शौव गुणा कोन्ची शठ गुणा, ते केन्ची ट्ली गुणा।” 24 यीशुए तैन अक होरि मिसाल देइतां ज़ोवं, “स्वर्गेरू राज तैस मैनेरू ज़ेरू ज़ैनी अपने ऊडारे मां रोडू बीज बेवं। 25 पन ज़ैखन लोक झुल्लोरो थिये, त तैसेरे दुश्मने एइतां तैसेरे ऊडारे मां गेहुं केरे बीजे मामेइं जंगली बीज बेवं। 26 ज़ैखन पट्लां ते शिल्लां लगां लगने त ते जंगली डाल भी साथी लग्गो। 27 मालिकेरे नौकरेई एइतां तैस सेइं ज़ोवं, ‘हे मालिक, कुन तीं अपने ऊडारे मां रोडू बीज न थियूं बेवरू, फिरि जंगली तैस मां कोट्टां अवं?’ 28 तैनी तैन सेइं ज़ोवं, एन केन्ची दुश्मनेरू कम्मे, नौकरेई पुच्छू कुन तू चातस, कि अस गेइतां तैन पुट्टी छडम? 29 पन तैनी ज़ोवं नन्ना, एरू न भोए कि तैस सेइं साथी तुस गेहुं भी पुटथ। 30 फसल लुन्ने तगर दुइये साथी बेडोने देथ, ते लुनते बार अवं एण्णू लुन्ने बालन सेइं ज़ोइलो, कि पेइले जंगली बीज लुन्तां अग्गी मां फुकनेरे लेइ अकोट्टू केरा, ते फिरि तुस गेहुं मेरे कोठारे मां जमहां केरतां रख्खा।” 31 तैनी तैन अक होरि मिसाल देइतां ज़ोवं, “स्वर्गेरू राज शेरीएरे बीजेरू ज़ेरू आए, ज़ैन एक्के मैने आनू ते अपने ऊडारे मां बेवं। 32 एन बीज सेबभी बीजिन करां निककु भोते, पन ज़ैखन तैन बीज बेव गाते, त तैन उगतां सारे निकके-निकके बुट्टन केरां बडू भोते। ते एरो बुट बनते इड़ी तगर कि अम्बरेरां चुड़ोल्लू भी तैस पुड़ बिशतन।” 33 तैनी तैन अक होरि मिसाल देइतां ज़ोवं, “स्वर्गेरू राज अम्लटेरू ज़ेरूए, ज़ैन केन्ची कुआन्थां आनू, ते हछे अट्टे मां मलाव ते सारू अट्टू खमीर बेनि ज़ोवं।” 34 एन सैरी गल्लां यीशुए तैन लोकन मिसाल देइतां शुनातो थियो, ते मिसाल देनेरे बगैर तै तैन किछ न थियो शुनातो। 35 ताके तैन वचन ज़ैन नेबे ज़ोवरो थियूं पूरू भोए, “अवं कहैनी केरे लेइ अपनि ज़बान खोल्लेलो, ते तैना गल्लां ज़ोइलो ज़ैना दुनिया बन्ने करां पेइली छेप्पोरी थी।” 36 तैखन यीशु लोकन करां अलग भोइतां घरजो अवं, ते तैसेरे चेलेई तैस कां एइतां ज़ोवं, “तू असन ऊडारेरे जंगली बीजेरी कहैनरो मतलब समझा।” 37 तैनी तैन जुवाब दितो, “रोडू बीज बेनेबालो मैनेरू मट्टए। 38 ऊडार ई दुनियाए, ते रोडू बीज राज हासिल केरनेबालू लोक, ते जंगली बीज शैतानेरे लोक आन। 39 ते तै दुश्मन ज़ैनी तैन बेवरू थियूं तै शैताने, लुन्नेरो मतलब इस दुनियारो अन्त भोनोए, ते लुन्ने बाले स्वर्गदूतन। (aiōn g165) 40 जेन्चरे जंगली बीजेरे गलेव अकोट्टे केरतां अग्गी मां फुकतन, तेन्चरे इस दुनियारो अन्त भोनोए। (aiōn g165) 41 मैनेरू मट्टू अपने स्वर्गदूतन भेजेरू ते तैन केरे राज़े मां ठोकरारी वजा ते बुरां कम्मां केरनेबालन अकोट्टे केरेले। 42 ते तैन अग्गारे कुण्डे मां छडेले, ज़ैड़ी तैना लोक लेरां देते ते दंत चापते राले। 43 तेइस धर्मी लोक अपने बाजी केरे राज़े मां दिहाड़े ज़ेरे चमकेले। ज़ै कोई समझनू चाते, तै ध्याने सेइं शुने ते समझो।” 44 “स्वर्गेरू राज तैस दौलतरू ज़ेरू ए, ज़ै एक्की ऊडारे मां दबोरी थी, ज़ै एक्की मैने तोप्पी, ते तैस मैल्ली भी, ते फिरि तैने छपेइतां छडी ते खुशी सेइं अपनू

सब किछ बेचतां तैन ऊडार धिनु। 45 “स्वर्गेरू राज तैस बुपैरू नेइतां देबतां छडी ते गेइतां यीशुए पतो दित्तो। 13 जैखन यीशुए जेरूए, जै कीमती मोती तोपतो थियो। 46 जैखन तैस अक एन शुनू, त तै किशतरे जिरिये अकेन्ती ठारी जो चलो जेव, ते कीमती मोती मैल्लो, त तैनी अपनू सब किछ बेचतां तै मोती लोक एन शुन्तां नगर नगरे पैदल तैस पत्ती चले जे। 14 जैखन धिनु। 47 “स्वर्गेरू राज तैस मेछली जालेरू जेरूए, जैन समुन्द्रे यीशु किशती मरां ओरसो त तैनी बडे लोक पतारां एइते लाए, मां छडू ते तैस मां हर किसमेरी मेछली लेगी। 48 ते जैखन ते तैस तैन पुड़ बडो तरस अव, ते तैनी तैन केरे बिमार लोक जाल भरोई जोंव त झिरेई जाल खिचतां कनारे पुड़ आनू, ते बज्झाए। 15 जैखन डलोझ भोड, त यीशुएरे चलेई तैस कां बिशतां रोडी-रोडी मेछली टोकरन मां रेख्खी ते बुरी-बुरी मेछली एइतां जोंव, “ई सुनसान ठार आए, त चिर भी बडू भोरू आए। शैरी छैडी। 49 दुनियारे अन्ते मां भी एरू भोनूए, स्वर्गदूतेई एइतां ते एन लोकन भेजी छड ते कोस्कोई डलौव्वन मां गेइतां किछ दुष्ट लोक, धेर्मी लोकन करां अलग केरनेन। (aiōn g165) 50 ते खाने जो घिन्ना।” 16 यीशुए तैन सेइं जोंव, “एना भेजने जरूरी तैना अगारी भेठी मां छडनेन तैडी लेरां ते दंत च्चापने भोले। 51 नई! तुस्से एन किछ खाने जो देथा।” 17 चलेई तैस सेइं जोंव, “कुन तुसेई एन सैरी गल्लां सेमझी?” तैनेई जोंव, “हाँ” असेई “इडी असन कां पंच रोटी ते दूई मेछली केरे अलावा होरू किछ सेमझी। 52 फिरी यीशुए तैन सेइं जोंव, “हर अक शास्त्री जै नई।” 18 तैनी जोंव, “तैन इरां मीं कां आनां।” 19 तैखन यीशुए स्वर्गेरू राजेरो चेलो बनरोए एककी एरे मुकान मालिकेरो जेरोहे, लोकरन घासे पुड़ उन्डे बिशनेरे लेइ जोंव, ते पंच रोटी ते दूई जै अपने खजाने मरां नवीं ते पुरैनी चीजां कढते।” 53 जैखन मेछली हथ्थे मां रेख्खी, ते अम्बरेरे पासे तेकतां शुक्र कियूं, ते यीशुए एना सब कहैनी शुनेई त तै तैटां अग्रोंव चलो जेव। 54 ते रोटी टलोडी-टलोडी अपने चलन कां दिती, ते चलेई तैन लोकन अपने नगर मां एइतां तैट्टेरे प्रार्थना घरे मां गेइतां शिक्षा देने लगे, दिती। 20 ते सारे मैनु खेइतां रेज्जी जे। तैल्ला पत्ती, यीशुएरे ते लोक तैसेरी शिक्षा शुन्तां हैरान भोए ते जोने लगे: “ए अक्ल चलेई बचारे टुकड़न सेइं 12 टोकरी भेरि। 21 रोटी खानेबाले बुधी ते एना चमत्कार एस कोट्टां हासिल भोए। 55 एन त तैस लोकां केरि तैधात कुआन्शां ते बच्चां केरे अलावा कोई 5000 दलखानेरू मट्टू आए ते एसेरे अम्मारू नवं मरियम ते एसेरे ढलां मडद थिये। 22 तैल्ला पत्ती, यीशुए अपने चलन हुक्म दित्तो कि, केरू नवं याकूब, यूसुफ, शमौन ते कने यहूदा आन, 56 ते एसेरी तुस किशती मां चेट्टां मीं केरां पेइले समुन्दरेरे उस पार जो गाथ सब बेइनां इश्शे इडी रेइचन, फिरी एसमां ई काबलीत कोट्टां ते अवं एन लोकन वापस भेजतां एइताई। 23 लोकन भेजनेरे आई?” 57 एन्चरे तैन लोकेई इन्कार कियो। पन यीशुए तैन सेइं पत्ती, यीशु तैटां निस्तां नेडे एककी पहैडी पुड़ प्रार्थना केरनेरे लेइ जोंव, “नबी अपने नगर मां ते अपने घरेरे अलावा होरि कोन्ची जेव। ते डलोझी तै अकेल्लो थियो। 24 तैखन किशती बन्ने करां ठारी बेइजत न भोए।” 58 ते तैने तैडी तैन केरे विश्वास न केरनेरे दूर पुजोरी थी, किजोकि एग्रोवरां बडी तेज हवा चलोरी थी। 25 वजाई सेइं जादे चमत्कार न हिराए।

**14** जेइस हेरोदेस जै मुलखेरे चेरवरां हिस्से पुड़ हकोमत केरतो थियो, तैनी यीशुएरे बारे मां शुनू। 2 तैनी अपने नौकरन सेइं जोंव, “ए यूहन्ना आए जै बपतिस्मो देनेबालोए, ए मुड़दन मरां जीतो भोरुए, एल्हेरेलेइ तै चमत्कार हिराते।” 3 किजोकि हेरोदेसे अपने ढलाए फिलिप्पुसेरी कुआन्श हेरोदियासेरी वजाई सेइं यूहन्ना टलेइतां बन्धोवरो ते कैदखाने मां छडोरो थियो। 4 किजोकि यूहन्ना हेरोदेस सेइं जोरू थियूं, कि ए रखनी तेरे लेइ जेइज नई। 5 ते हेरोदेस तैस कत्ल केरनो चातो थियो, पन लोकन करां डरतो थियो, किजोकि लोक तैस नबी मन्ते थियो, पन लोकन करां डरतो थियो, किजोकि लोक तैस नबी मन्ते थियो। 6 पन जैखन हेरोदेसेरी जर्म दिहैडी आई, त हेरोदियासेरे कुइयां मेहमाना केरे सामने नेचतां हेरोदेस खुश कियोरो थियो। 7 एल्हेरेलेइ तैनी वादो कियोरो थियो, “कि जैन किछ तू मगगेली, अवं तीं तैने देलो।” 8 तैसां अपने अम्मारे शिखालने पुड़ जोंव, “मींजेई यूहन्ना बपतिस्मो देनेबालेरी क्रोडी थाले मां मग।” 9 राजे बडी अफ्रसोस भोव, पन अपने मेहमाना केरे सामने ते कसम खानेरी वजाई सेइं हुक्म दित्तो कि देथा। 10 ते तैनी कैदखाने मां लोक भेजतां यूहन्नारी क्रोडी कटाई। 11 ते तैसेरी क्रोडी थाले मां रेखतां कुइये कां दिती, ते तै अपनि अम्मा कां घिन्तां जेई। 12 तैखन तैसेरे चले आए, ते तैनेई तैसेरी लाश

नेइतां देबतां छडी ते गेइतां यीशुए पतो दित्तो। 13 जैखन यीशुए एन शुनू, त तै किशतरे जिरिये अकेन्ती ठारी जो चलो जेव, ते लोक एन शुन्तां नगर नगरे पैदल तैस पत्ती चले जे। 14 जैखन यीशु किशती मरां ओरसो त तैनी बडे लोक पतारां एइते लाए, ते तैस तैन पुड़ बडो तरस अव, ते तैनी तैन केरे बिमार लोक बज्झाए। 15 जैखन डलोझ भोड, त यीशुएरे चलेई तैस कां एइतां जोंव, “ई सुनसान ठार आए, त चिर भी बडू भोरू आए। ते एन लोकन भेजी छड ते कोस्कोई डलौव्वन मां गेइतां किछ खाने जो घिन्ना।” 16 यीशुए तैन सेइं जोंव, “एना भेजने जरूरी नई! तुस्से एन किछ खाने जो देथा।” 17 चलेई तैस सेइं जोंव, “इडी असन कां पंच रोटी ते दूई मेछली केरे अलावा होरू किछ नई।” 18 तैनी जोंव, “तैन इरां मीं कां आनां।” 19 तैखन यीशुए लोकरन घासे पुड़ उन्डे बिशनेरे लेइ जोंव, ते पंच रोटी ते दूई मेछली हथ्थे मां रेख्खी, ते अम्बरेरे पासे तेकतां शुक्र कियूं, ते रोटी टलोडी-टलोडी अपने चलन कां दिती, ते चलेई तैन लोकन दिती। 20 ते सारे मैनु खेइतां रेज्जी जे। तैल्ला पत्ती, यीशुएरे चलेई बचारे टुकड़न सेइं 12 टोकरी भेरि। 21 रोटी खानेबाले लोकां केरि तैधात कुआन्शां ते बच्चां केरे अलावा कोई 5000 मडद थिये। 22 तैल्ला पत्ती, यीशुए अपने चलन हुक्म दित्तो कि, तुस किशती मां चेट्टां मीं केरां पेइले समुन्दरेरे उस पार जो गाथ ते अवं एन लोकन वापस भेजतां एइताई। 23 लोकन भेजनेरे पत्ती, यीशु तैटां निस्तां नेडे एककी पहैडी पुड़ प्रार्थना केरनेरे लेइ जेव। ते डलोझी तै अकेल्लो थियो। 24 तैखन किशती बन्ने करां दूर पुजोरी थी, किजोकि एग्रोवरां बडी तेज हवा चलोरी थी। 25 ते लगभग झेज्जेरे चेत्रे बजेई जैखन हेजू आंधरू थियूं, यीशु समुन्दरेरे पैनी पुड़ चेलतां अपने चलन कां अव। 26 जैखन चलेई यीशु समुन्दरे पुड़ चलतो लाव त तैना डेरि जे, तैनेई बुझू, “ए भूत ओरोए,” ते डेरतां चिन्डां लगे मारने। 27 यीशुए तैखने तैन सेइं रोडेचारे गल्लां की ते जोंव, “हिम्मत रेख्खा डरा नन्ना, अवं आई।” 28 पतरसे तैस जुवाब दित्तो, “हे प्रभु अगर तू आस, त मीं भी हुक्म दे ते अवं भी पैनी पुड़ चलतो तीं कां एज्जी।” 29 तैनी जोंव, “एई!” तैखन पतरस किशती मरां ओस्तां यीशु कां गानेरे लेइ पैनी पुड़ मेइं चलने लगे। 30 पन तेज हावी सेइं छेल्ली चलने लेगी ते तै डेरि जेव, ते डुबने लगे तैखन तैनी चिन्डां मैरतां जोंव, “हे प्रभु मीं बचा।” 31 यीशुए लूशी अपने हथ्थे सेइं झफ देइतां पतरस ट्लातो, ते तैस सेइं जोंव, “हे घट भरोसे बाला तीं किजो शक की?” 32 जैखन तैना किशती मां बिशथे ते हवां रुकी जेई। 33 तैखन जैना किशती मां बिशथेरे थिये, त तैनेई तैस कां मथ्थो टेको ते जोने लगे, “तू सच्चे परमेशेरू मट्टूस।” 34 जैखन तैना गलील समुन्दर पार केरतां गन्नेसरत न्चबेरे जगाई पुड़ पुज्जे। 35 त तैट्टेरे लोकेई यीशु पिशानो ते आसेपासेरे इलाके मां खबर दिती, ते सारे बिमार तैस कां आने। 36 ते तैनेई यीशु सेइं मिन्त केरते थिये कि, तैन तैसेरे लिगडन सेइं हुम्ने दे। ते जेजेई तैसेरे लिगडन सेइं हथ लाव तैना सब बेज्झोए।



**15** तैखन किछ फरीसी ते किछ शास्त्री लोक यरूशलम नगरे मरां यीशु कां आए ते ज़ोने लगगे। 2 “तेरे चले बुजुर्गां केरि रसमरे खलाफ किजो चलतन, तैना रोटी खाने करां पेड़ले हथ न धोन?” 3 तैनी तैन जुवाब दित्तो, “तुस किजो अपने रसमन सेइं परमेशेरो हुक्म टलोइतथ? 4 किजोकि परमेशेरे ज़ोरुए, कि अपने हाज बव्वेरी इज़त केरा, ते ज़ै कोई अपने हाज बव्वे जो बुरु ज़ोलो ते मारो गालो। 5 पन तुस ज़ोतथ, कि ज़ै कोई बाजी या अम्मा सेइं ज़ोए कि, मीं करां ज़ै किछ मद्दत तुसन मैल्ली सकती थी, ते पेड़ली बलिदान भोरीए, यानी परमेशेरे जो च़दतल च़ादोरीए 6 त ते अपने बाजी केरि इज़त न केरे, एन्चरे तुस अपने रसमन सेइं परमेशेरो हुक्म टलोइतथ। 7 हे पाखंडी लोकव, यशयाह नेबे तुशे बारे मां ई भविष्यवाणी ठीक कियोरीए, 8 एना लोक ऐशी सेइं त मेरी बड़ी तारीफ़ केरतन, पन एन केरे दिल मीं करां बड़े दूर आन। 9 एना लोक बेफैइदी मेरी आराधना केरतन, किजोकि एना मैन्हु केरे हुक्मां केरि शिक्षा देतन।” 10 फिरी मैन्हु एप्पू कां कुजेइतां ज़ोव, “शुना, ते समझा। 11 ज़ै चीज़ ऐशी मां गाचे तैस सेइं मैन्हु जुट्टो न भोए, पन ज़ैन तैसेरे ऐशी मरां बेइरोव निस्ते, तैन्ने तैस जुट्टो केरते।” 12 तैखन चेलैई यीशु कां एइतां ज़ोव, “कुन तू ज़ानतस कि फरीसी लोकेई ए गल शुन्तां ठोकर खाइ?” 13 तैनी जुवाब दित्तो, “ज़ै बुट मेरे स्वर्गे बाजे नईं लोरो ते ज़ीलना पुटां छड़नोए। 14 तैन केरि परवाह न केरा, तैन काने बत हिराने बालेन, अगर अक कानो होरि काने बत हिराए, त तैना दुइये गढे मां बिछड़ेले।” 15 एन शुन्तां पतरसे ज़ोव, “ए मिसाल असन समझा।” 16 यीशुए ज़ोव, “कुन तुस हेजू भी बेसमझाथ?” 17 “कुन तुस न ज़ानत, कि ज़ैन किछ ऐशी मां गाते तैन पेटे मां गाते, ते फिरी पेटे मरां बेइर निस्ते? 18 पन ज़ैन किछ मैनेरे अन्त्रेरां निस्ते, तैन दिले मरां निसते, तैन्ने मैन्हु जुट्टो केरते? 19 किजोकि बुरे खियाल, कत्ल केरनो, अइलाए देइने गलत कम केरनू, बदमाशी, च़ोरी, झूठी गवाही देनी, ते तुहीन दिले मरां निसचे। 20 एन एरी गल्लन ज़ैना मैन्हु जुट्टो केरचन, पन हथ धोने बग़ैर रोटी खाने सेइं मैन्हु जुट्टो न भोए।” 21 यीशु तैहां च़लो जेव, ते सूर ते सैदारे आसेपासेरे इलाकेरे नेड़े अव। 22 तैस इलाकेरी अक कनानी कुआन्श यीशु कां आई, ते चिन्डां मैरतां ज़ोने लगगी, “हे प्रभु दाऊदेरा मट्टां, मीं पुड़ दया केर, मेरी कुइये पुड़ भूतेरो सैयोए, तैन भूत तैस बडू सताते।” 23 पन यीशुए कोई जुवाब न दित्तो, तैसेरे चले नेड़े एइतां तैस कां मिनत केरने लगगे, “एस भेज, किजोकि ए चिन्डां मारचे ते इशो पीछो न छड़े।” 24 तैनी जुवाब दित्तो, “अवं इसाएलेरी हेरोरि भैट्टां केरे अलावा होरि कोन्ची कां नईं भेजोरो।” 25 पन ते कुआन्श आई, ते तैस कां मथथो टेकतां ज़ोने लगगी, “हे प्रभु मेरी मद्दत केर।” 26 तैनी जुवाब दित्तो, “बच्चां केरि रोटी नेइतां कुतरन देनी ठीक नईं।” 27 तैसां ज़ोव “सच्चे प्रभु, पन ज़ैन टुकड़े मालिकेरी मेजे पुदेरां बिछड़तन तैना कुतरां भी खातन।” 28 यीशुए तैस जुवाब

दित्तो, “ए कुआन्श तेरो विश्वास बडोए, ज़ेरू तू चातिस तेरे लेइ तेरहु भोए” ते तैसारी कुई तैखन बेज़्जोइ जेई। 29 यीशु तैहां निस्तां गलील समुन्दरे बन्ने पुड़ अव, तैखन ते एक्की पहाड़े पुड़ गेइतां बिश्शी जेव। 30 ते बड़े लोकां केरि भोइ तैस कां आई, तैन लोकेई एप्पू सेइं साथी टोंटे, काने, लट्टे, डोंडे ते होरे काई एरे ज़ेरे मैन्हु साथी आने, ते तैसेरे पावन कां छुड़े, ते तैनी तैना सब बज्ज़ाए। 31 ज़ैखन लोकेई हेरू कि लट्टे गल्लां केरतन कमज़ोर तकड़े भोतन, टोंटे चलतन ते काने लातन त तैना बड़े हैरान भोइ जे ते इसाएलेरे परमेशेरी तारीफ़ केरने लगगे। 32 यीशुए अपने चले कुजेइतां तैन सेइं ज़ोव, “मीं एन लोकन पुड़ बडो तरस एइते, एना मैन्हु टलेइ दिहैडी केरे देंते बराबर मीं सेइं साथिन, ते एन कां खाने जो किछ भी नईं। अवं एन नियन्ने भेजने न चैई, कोस्कोई एरू न भोए कि एना बत्ती मां रेइ गान।” 33 तैसेरे चेलैई तैस जुवाब दित्तो “अस इस सुनसान ठैरी मां एत्रे लोकां केरे लेइ रोटी कोट्टां आनम, ज़ैना सेबमी केरे लेइ पूरी भोन?” 34 यीशुए पुच्छू, “तुसन कां केत्री रोटी आन?” तैनेईं ज़ोव, “सत रोट्टिन ते किछ निक्की मेछली भी आन।” 35 तैखन तैनी लोकन ज़मीनी पुड़ बिशनेरे लेइ ज़ोव। 36 ते यीशुए तैना सत रोटी ते मेछली टलेइ, ते परमेशेरेरू शुक्र केरतां टलोडी, ते अपने चेलन कां दित्ती ते चेलैई तैना मैनन दित्ती। 37 सारे मैन्हु रोटी खेइतां रेज़्जी जे। तैल्ला पत्ती, यीशुएरे चेलैई मेछली त कने रोटी केरे बच्चेरे टुकड़न मरां सत टोकरे भेरतां सल्ले। 38 रोटी खाने बालां केरि तैधात कुआन्शां ते बच्चां केरे अलावा 4000 मड़द थिये। 39 तैखन तैने तैना सब लोक भेजे ते एप्पू किशती मां च़ेढ़तां मगदन इलाके जो च़लो जेव।

**16** किछ फरीसी ते किछ सद्की लोक यीशु कां आए, “ते तैस अज़मानेरे लेइ तैस सेइं ज़ोव, असन कोई अम्बरेरो निशान हिरा।” 2 तैनी तैन जुवाब दित्तो, “ज़ैखन इलोइ भोतीए त तुस ज़ोतथ कि मौसम रोडोए किजोकि अम्बर लाले। 3 ते झेइतां ज़ोतथ कि अज़ आँधी एजनीए किजोकि अम्बर लाले ते बिदलारे, तुस अम्बर हेरतां अंदाज़ो लेइता ज़ोतथ, पन ज़मानेरो निशान न पिशैनी सकतथ! 4 इस ज़मानेरे बुरे ते बदमाशी केरनेबाले लोक निशान मगतन, पन तैन योना नेबेरे अलावा होरो कोई निशान न दित्तो गालो।” यीशु तैन शेरतां च़लो जेव। 5 ते यीशुएरे चले समुन्दरे पार पुज़ी जे, पन तैनेई रोटी साथी नेनी बिसरोरी थी। 6 यीशुए तैन सेइं ज़ोव, “खबरदार फरीसी ते कने सद्की लोकां केरे खमीरे करां हुशार रेइयथ।” 7 तैना एप्पू मामेईं गलबात केरने लगगे, “असेई रोटी नईं आनोरी, एल्हेरेलेइ तै एरू ज़ोने लोरोए।” 8 एन ज़ैनतां, यीशुए ज़ोव, “हे घट विश्वेसव, तुस एप्पू मामेईं किजो सोची राओरेथ, कि असन कां रोटी नईं? 9 कुन तुसन याद नईं? ज़ताली मीं 5000 मैन्हु केरे लेइ पंच रोटी टलोइतां दित्तोरी थी, त तुसेईं बादे मां बच्चेरी रोटी केरे केत्रे टोकरे भेरतां सल्लोरे थिये? 10 ते तैन 4000 मैन्हु केरे लेइ सत रोटी ते टुकां केरि केत्री टोकरी सैल्लोरी थी?

11 तुस की न समझथ, कि मीं तुसन रोटी केरे लेइ न थियूं जेई, तैसेरू तुत्तर दिहाड़ेरू जेरू चमकने लगू ते तैसेरां लिगडां जोरू? पन फरीसी ते कने सदकी लोकां केरे खमीरे करां हुशार लोअरां जेरां छित्तां भुआं। 3 तैखन तैनेई मूसा ते एलिय्याह नबी रेइयथ।” 12 तैखन तैन केरि समझी मां अव, कि तैनी रोटी यीशु सेइं गल्लां केरते लाए। 4 पतरसे यीशु सेइं जोवं, “हे प्रभु केरे लेइ नई, बल्के फरीसी ते कने सदकी लोकां केरे खमीर यानी शिक्षाई करां हुशार रानेरे लेइ जोरू थियूं। 13 जैखन यीशु अक तेरे लेइ ते अक मूसरे लेइ ते अक एलिय्याहरे लेइ।” 5 तै कैसरिया फिलिप्पी इलाके मां अव, त तैनी अपने चलन पुच्छू: ए गल जोई राहोरो थियो, अक बड़ी चमकती बिदलार तैन पुड़ “मैनेरू मट्टू कौने, लोक एस बारे मां कुन ज़ोतन?” 14 चेलेई एइतां रुकी, ते तैस बिदलारी मरां ई आवाज़ आई, “एन मेरू जोवं, “किछ ज़ोतन यूहन्ना बपतिस्मो देनेबालोए, किछ ज़ोतन दलारू मट्टूए, ज़ैस पुड़ अवं खुश आई, एसेरी शुना।” 6 चले एन एलिय्याह, ते किछ ज़ोतन यिर्मयाह नबी ते किछ ज़ोतन नेबन शुन्तां तुत्तरे भारे बिछड़े ते बड़े डेरि जे। 7 पन यीशुए एइतां तैन मरां कोई अक आए।” 15 यीशुए तैन पुच्छू, “पन तुस मेरे बारे सेइं हथ लाव, ते जोवं, “उठा, डरा नन्ना।” 8 जैखन तैनेई च़ेरे मां कुन सोचतथ कि अवं कौन आई?” 16 शमौन पतरसे जुवाब पासन तक्कू, त यीशुएरे अलावा होरो कोई न लाव। 9 जैखन दित्तो, “तू जीते परमेशेरू मट्टू मसीह आस।” 17 यीशुए जोवं, तैना तैस पहाड़े पुडेरं उन्हे ओरे थिये, त यीशुए तैन ई हुक्म “ए शमौन योनारे मट्टां तू धन आस, किजोकि ए गल मासे या दित्तो, ज़ैन किछ तुसेई लाहेरूए, “ज़ां तगर मैनेरू मट्टू मुड़दन खूने नई बल्के मेरे स्वर्गेरे बाजे तीं पुड़ बांदी कियोरीए। 18 मेरां जींतू न भोए तांतगर केन्ची सेइं न जोइयथ।” 10 तैसेरे अवं तीं सेइं ज़ोताई, तू पतरस आस ते अवं इस पक्के घोड़े पुड़ चेलेई तैस पुच्छू, “शास्त्री किजो ज़ोतन कि मसीहेरे एजनेरां अपनि कलीसिया बनेइलो ते पातालारां दारां तैस पुड़ अस्सरन न पेइले, एलिय्याह नेबेरू दुनियाई मां एजनु ज़रूरी आए?” 11 केरि बटेलां। (MadEs 986) 19 अवं अपने स्वर्गेरे राज़ेरी चैबी तीं तैनी जुवाब दित्तो, “एलिय्याह ज़रूर एज्जेलो ते सब किछ बहाल देइलो, ते ज़ैन किछ तुस ज़मीनी पुड़ बंधेले तैन स्वर्गं मां बंधालू, केरेलो। 12 पन अवं तुसन सेइं ज़ोतई कि ‘एलिय्याह’ ते पेइले ते ज़ैन किछ तू ज़मीनी पुड़ खोल्लेलो तैन सब किछ स्वर्गं मां ओरोए, पन लोकेई तैन न पिशानो, पन ज़ैन चाऊ तैस सेइं तैन्ने खुल्लेलू।” 20 तैखन यीशुए चलन जो ज़ोवं, ए गल केन्ची सेइं कियूं, एन्चरे मैनेरू मट्टू भी तैन केरे हथ्थन सेइं दुःख भोगेलो।” 21 एसेरे बाद यीशुए अपने 13 तैखन चलेई बुझू कि असन सेइं यूहन्ना बपतिस्मो देनेबालेरे चलन ज़ोने लगे कि, “तैसेरू यरूशलेम नगरे मां गानू ज़रूरीए बारे मां ज़ोने लोरोए। 14 जैखन तैना हछे मैन्हु केरि बड़ी भीड़ी ताके यहूदी लोकां केरे बुजुर्गन, प्रधान याजकन ते शास्त्री लोकां कां पुजे, त अक मैन्हु तैस कां अव, ते ज़ैधू केरे भारे बिश्तां ज़ोने केरे हथेई ते बड़ो दुःख झैल्ले, ते मारो गाए ते ते टलेइयोवं दिहाड़े सेइं दौवरे एइतन, ते तैस बड़ो दुखे, ते बार-बार अग्गी मां ते फिरी जींते भोलो।” 22 पतरस तैस अलग नेइतां झिड़कने ते बार-बार पैनी मांजो खिरकते। 16 मीं तैन तेरे चलन कां आनोरू लगे, “हे प्रभु, परमेशर न केरे, तीं सेइं एरू कधे न भोलू।” 23 थियूं, पन तैनेई तैन ठीक न केरि बटु।” 17 यीशुए जोवं, “हे घट यीशुए मुड़तां पतरसे सेइं ज़ोवं, “हे शैतान, मीं करां दूर भो, विश्वावैसव ते ढीठ लोकव, अवं केइस तगर तुसन सेइं साथी तू मीं करां पाप करानेरी कोशिश कराने लोरोस। किजोकि तू भोनोई, केइस तगर तुशरी झैलतो रेइलो? ते मीं कां आनां।” 18 जेन्चरे परमेशर सोचते तेन्चरे नई बल्के जेन्चरे मैन्हु सोचन तेन्चरे तैखन यीशुए तैन भूत झिड़कू, ते तैस पुड़ां सैयो निस्सी जेव, सोचतस।” 24 तैखन यीशुए अपने चलन सेइं ज़ोवं, “अगर ते तैन मट्टू तैखने ठीक भोइ ज़ोवं। 19 तैखन चलेई अकैल्ले कोई मीं पत्ती एजनी चाते त ते अपने आपेरो इन्कार केरे, ते जेरे यीशु कां गेइतां पुच्छू, “अस तैस मट्टे मरां भूतेरो सायो की अपनू क्रूस छुइतां मीं पत्ती चले।” 25 “किजोकि ज़ै कोई अपनि न केइी सके?” 20 तैनी तैन सेइं ज़ोवं, “अपने घट विश्वासेरे जान बचानी चालो, त ते तैस गुवालो, ते ज़ै अपनि जान मेरे लेइ वजाई सेइं, अवं तुसन सेइं सच ज़ोताई, अगर तुशशो विश्वास गुवालो, त ते तैस हासिल केरेलो। 26 अगर कोई सारी दुनिया शरीएरे ग्लेवे ज़ेत्रो भी भोए, त तुस उस पहाड़े जो ज़ोले कि, हासिल केरे, ते अपने हमेशारे ज़िन्दगी गुवाए, त तैस कुन फेइदो ‘इट्टां निस्तां उड़ी गा,’ त तैन गालू, ते तुशशे लेइ कोई भी गल भोलो? या मैन्हु हमेशारे ज़िन्दगरे बदले कुन देलो? 27 किजोकि असुखती न भोली। 21 पन इस किसमेरां भूतां प्रार्थना ते बरते ज़ैखन मैनेरू मट्टू अपने बाजेरी महिमाई मां अपने स्वर्गदूतन बगैर न निस्सन।” 22 ज़ैखन तैना गलीले मां थी, त यीशुए तैन सेइं ज़ोवं, “मैनेरू मट्टू भी मैन्हु केरे हवाले कियूं गालू। 23 तैन सेइं ज़ोवं, “मैनेरू मट्टू भी मैन्हु केरे हवाले कियूं गालू। 23 तैना तैस मारेले, ते तैन टलेइयोवं दिहाड़े फिरी जींते भोलू।” 24 ज़ैखन तैना कफरनहूम चले एन शुन्तां बड़े परेशान भोए। 24 ज़ैखन तैना कफरनहूम नगर मां पुजे, त प्रार्थना घरेरे लेइ चुंगी घिन्ने बाले पतरसे कां एइतां पुच्छू, “कुन तुशशो गुरू प्रार्थना घरेरी चुंगी न दे?” 25 तैनी जुवाब दित्तो, “हाँ देते।” ज़ैखन पतरस घरे मां पुजो त

**17** शेइ दिहाड़ना बाद, यीशु अपने चले पतरस, याकूब त तैसेरे ढला यूहन्ना सेइं साथी एक्की पहाड़े पुड़ जेव, जेड़ी कोई भी न थियो। 2 तैड़ी तैन केरे सामने तैसेरी शकल बेदलोई

यीशुए तैसेरे पुछ्नेरे पेडले तैस सेई ज़ोवं, “हे शमीन तू कुन समझतस? दुनियारे राज़े कोन लोकन करां चुंगी घिन्तन अपने बचन करां या होरि लोकन करां?” 26 पतरसे तैस सेई ज़ोवं, “होरन करां!” यीशुए तैस सेई ज़ोवं, “त मट्टां बरी भोइ जेआं। 27 फिरी भी एल्हेरेलेइ कि अस तैन ठोकर न देम, तू समुन्दरे पुइ गेइतां कंटो लेइतां मछली ट्लेइयां, ते ज़ै मछली पेइली लग्गेली, तैसारू आशी खोल्लां, ते तीं अक सिक्को मैलनोए, ते तै सिक्को नेइतां मेरी ते अपनि चुंगी देइयां।”

**18** तैखन चले यीशु कां आए ते पुछ्नेरे लगगे, “स्वर्गेरे राज़े मां सेभन करां बड्डो कौने?” 2 तैनी अक निकडो बच्चो एप्पू कां कुजाव, ते मझाटे खडो कियो। 3 ते ज़ोने लागो, “अवं तुसन सेई सघ ज़ोताई, कि तुस अपनो आप बेदलतां निकडे बच्चोरे ज़ेरे न बनथ, त तुस स्वर्गेरे राज़े मां कधी दाखल न भोले। 4 ज़ै कोई अपनो आप इस बच्चोरे ज़ेरो निकडो बनारो, त तै स्वर्गेरे राज़े मां बड्डो भोले। 5 ते ज़ै कोई एरे ज़ेरे निकडे बच्चे मेरे नंवे सेई कबूल करेते, त तै मीं कबूल करेते।” 6 “ज़ै कोई इन निकडन मरां ज़ैना मीं पुइ विश्वास केरतन एक्केरे लेइ ठोकर बने, त तैसेरेलेइ एन्ने रोडू आए कि बडे ढूलाटेरो ढूलेइटोले तैसेरे गल्ले उन्डो ढंढेइतां डुघे समुन्द्रे मां डोबतां छडोरो लोइते। 7 ठोकरां केरि वजाई सेई दुनियाई पुइ अफ्रसोस! ठोकरां लेगनी त ज़रुरन पन, अफ्रसोस तैस मैन्हु पुइ ज़ेसेरी वजाई सेई ठोकर लग्गतीए। 8 अगर तेरो हथ या तेरो पाव तेरे लेइ ठोकरारो ज़िरयो बनते, त तू तैस केटतां छड, किजोकि तेरू टेंटु या कानू बेनतां ज़िन्दगी मां दाखल भोनू रोडूए, ते तेरे दुइये हथ पाव सथे भोने सेई अगर तू हमेशारी अग्गी मां गास त तैल्ला केरतां तू टेंटो या कानो बेनतां रोडोस। (aiōnios g166) 9 अगर तेरी अछ तेरे लेइ ठोकरि वजा बनती, त तू तैस केदतां शैरी छड, कानू भोइतां ज़िन्दगी मां दाखल भोनू तेरे लेइ रोडूए, कि दुइये एछछी भोने सेई तू नरकेरी अग्गी मां गास त तैल्ला रोडोस।” (Geenna g1067) 10 “हेरा इन निक्के चेलन मरां तुस केन्ची घटिया न बुझा, अवं तुसन सेई ज़ोताई कि तैन केरे स्वर्गदूत हर वक्त स्वर्ग मां मेरे बाजी केरे हज़ूरी मां रातन। 11 (किजोकि मैनेरू मट्टु यानी अवं हेरोरे लोकन बघाने ओरोई।) 12 तुश्शो खियाल कुने? कि केसकोई कां 100 भैङ्गां भोन, ते तैस मरां अक हेरोए, त कुन तै नडेनुवं भैङ्गां ज़ैडी खतरो न भोए तैडी छेडतां, तैस हेरोरि न तोपेलो? 13 ते अगर एरू भोए, तैस तै मैल्ले, त अवं तुसन सेई सघ ज़ोताई कि तै तैना नडेनुवं केरे लेइ एत्री खुशी न मनारो, ते तैस एक्की भैडारे लेइ जादे खुशी बनारो। 14 एन्चरे तुश्शो बाजी ज़ै स्वर्ग मांए, तै एन न चाए कि एन निकन मरां भी कोई नाश न भोए।” 15 “अगर कोई मीं पुइ विश्वास केरनेबालो ढूला तीं सेई बुराई केरते, त तू अकैल्ले मां तैस समझा, अगर तै तेरी गल शुने, त तीं तै वापस परमेशरे कां आनो। 16 अगर तै तेरी गल न शुने, त तू एप्पू सेई साथी अक या दूई मैन्हु नेइयां, किजोकि मूसरे कानूनेरे मुताबिक हर

शिकैइतरी मां दूई या ट्लाइ मैन्हु गवाह भोतन। 17 अगर तै तैन केरि भी न शुने, त तू कलीसियारे लोकन सेई ज़ो, अगर तै कलीसियारे लोकां केरि भी न शुने, त तू तैस सेई एरो बर्ताव केर ज़ेन्चरां तै गैर कौमरो भोए या चुंगी घिन्ने बालो भोए।” 18 “अवं तुसन सेई सघ ज़ोताई, ज़ैन किछ तुस ज़मीनी पुइ बंधेले त समझा कि स्वर्ग मां खुल्लेलू। 19 फिरी अवं तुसन सेई सघ ज़ोताई, कि अगर तुसन मरां दूई ज़ने धेरती पुइ अक मन भोइतां कोन्ची मसलेरे हल कढनेरे लेइ परमेशरे करां ज़ै स्वर्ग मां आए मद्दत मगन, त तै तैन केरि मद्दत ज़रूर केरेलो। 20 किजोकि ज़ैडी दूई या ट्लाइ मैन्हु, मेरे नव्वं सेई परमेशरे करां मद्दत मगनेरे लेइ अकोट्टे भोतन, अवं तैडी तैन केरि मद्दत केरनेरे लेइ तैन मां भोइताई।” 21 तैखन पतरसे यीशु कां एइतां पुछ्छू, “प्रभु अगर कोई तीं पुइ विश्वास केरनेबालो, मीं सेई बुराई केरतो राए, त अवं केत्रे बार तैस माफ़ केरि? कुन सत बार?” 22 यीशुए ज़ुवाब दितो, “अवं तीं सेई इन न ज़ोई सत बार, बल्के सत्तेरे सत्तर बार माफ़ करां (यानी लगातार माफ़ केरतू रानू)। 23 बरस्सा अवं तुसन सेई इन ज़ोताई, स्वर्गेरू राज़ तैस राज़ेरू ज़ेरू आए, ज़ैनी सोचू कि अवं अपने नौकरन करां हिसाब घिंनी। 24 ज़ैखन तै हिसाब घिन्ने लागो, त अक मैन्हु तैस कां हाज़र कियो, ज़ै दश हाज़र सोन्नेरे सिक्कां केरे तोइां केरो कर्जदार थियो। 25 तैस कां कर्जो मुकाने जो किछ न थियू, राज़े हुकम दितो, एसेरे बाल बच्चे ते कुआन्थ ते ज़ैन किछ भी आए सब बेघतां कर्जो उसुल केरा। 26 पन तै नौकर ज़ोवले हथ केरतां मालिके कां मिनत केरतां ज़ोने लागो, ‘मीं किछ मौको दे, ते अवं तेरो सारो कर्जो मुकालो।’ 27 मालिके तैस नौकरे पुइ बड्डो तरस अवं, ते तैनी तै छैडी दितो ते तैसेरो कर्जो भी माफ़ कियो।” 28 “पन ज़ैखन तै नौकर तैङ्गां ज़लो जेवं, त तैस अक एरो नौकर मैल्लो, ज़ै तैसेरो साथी थियो, ते तैस तैनी 100 दीनार दितोरे थिये, तैनी तै गलेरां ट्लाव ते ज़ोने लागो, ‘मेरो कर्जो कढ।’ 29 तैसेरो साथी नौकर तैस्से कां मिनत केरने लागो, मीं किछ मौको दे ते अवं तेरो सारो कर्जो मुकालो। 30 पन तैनी तैसेरी अक गल भी न शुनी, ते तैनी तै ढेपतां छुट्टो कि ज़ां तगर कर्जो न देस तांतगर ढप्पोरो रा। 31 ज़ैखन होरि नौकरेई एन शुनू, त तैना बडे परेशान भोए, ते मालिके कां गेइतां सारो हाल शुनाव। 32 तैखन मालिके तै अपने नौकर कुजेइतां ज़ोवं, ‘ओ बेईमान नौकरा मीं तेरो सारो कर्जो माफ़ कियो, किजोकि तीं मीं कां छंटे कियोरे थिये। 33 कुन तेरे लेइ ज़रूरी न थियू, कि ज़ेन्चरे मीं तीं पुइ दया केरतां तेरो कर्जो माफ़ कियो, तेन्चरे तू भी अपने सैथन पुइ दया केरतां तैन केरो कर्जो माफ़ केरेथो?’ 34 मालिके सरक आई, ते तैनी तै नौकर सज़ा देनेबालां केरे हवाले कियो, कि ज़ां तगर मेरो सारो कर्जो न दे तांतगर ढप्पोरो भोए। 35 “एन्चरे अगर तुसन मरां हर कोई, तैस मैन्हु ज़ै मीं पुइ विश्वास केरते दिले सेई माफ़ न केरे त मेरो स्वर्गेरे बाजी यानी परमेशर भी तुसन सेई एन्चरे पैश एज्जेलो।”

**19** जैखन यीशुए एन गल्लां जोई छैडी, त तै गलीले मरां गेइतां यरदन दरियारे पार यहूदिया इलाके मां चलो अव। 2 बडे लोक यीशु पत्ती चले जे, ते यीशुए तैना तैडी बज्जाए। 3 तैखन फरीसी लोकेई यीशु कां एइतां तैस अजमानेरे लेइ पुच्छू, “कुन मैन्हु अपनि कुआन्श केन्ची भी वजाई सेइं फारखती देनी जेइजे?” 4 तैनी जुवाब दित्तो, “कुन तुसेई नई पढ़ेरू कि जैने तैना बनां तैनी शुरू करां मड़द ते कुआन्श बनेवरां थियां। 5 एल्हेरेलेइ मड़द अपने हाज बच्चे करां कनारे बिशतां अपनि कुआन्शी सेइं साथी रालो, ते तैना दुइये अक जान भोलां।” 6 एल्हेरेलेइ हुनी तैना परमेशेरी नजरी मां दूई नई, पन अक्के आन। एल्हेरेलेइ जैना परमेशेरे जोडोरेन, तैनू कोई मैन्हु अलग न केरे!” 7 तैनेई तैस पुच्छू, “फिरी मूसे ए हुक्म किजो दित्तो कि फारखती लिखतां छैडी देथ?” 8 तैनी तैन सेइं ज़ोवं, “मूसे तुशे सखत दिलेरी वजाई सेइं अपनि कुआन्शन छडनेरो हुक्म दित्तोरो थियो, पन शुरू करां एन न थियूं। 9 अवं तुसन सेइं सच ज़ोताई, कि जै कोई अपनि कुआन्शी बदमेशेरे अलावा कोन्ची होरि गल्ली पुड़ फारखती दे, ते तै केन्ची होरि सेइं इला बनाते, त तै (एप्पू) बदमाशी केरते। ते जै तैस शैरोरी कुआन्शी सेइं इला बनाते, त तै भी बदमाशी केरते।” 10 चेलेई यीशु सेइं ज़ोवं, “अगर मड़द ते कुआन्शारे रिशतेरो ई हाले त इला न लोडे बनोरो।” 11 यीशुए तैन सेइं ज़ोवं, “ए गल सब कबूल न केरि बटन, सिर्फ तैना ज़ैन परमेशर ई काबलीत दित्तोरोए। 12 किछ त ज़र्मनेरे हिजडे भोतन ते किछन लोक बनातन, ते किछ एरे भी आन, कि ज़ैन स्वर्गेरे राज़ेरे लेइ इला न बनान, ते ज़ैना इना गल्लां सेमझी सकतन तैना समझन।” 13 तैखन लोकेई बच्चे यीशु कां आने, कि तैन पुड़ हथ रेखतां प्रार्थना केरे, पन चेलेई तैना लोक झिडके। 14 यीशुए ज़ोवं, “बच्चे मीं कां एजने देथ, तैन न ठाका, किजोकि स्वर्गेरू राज़ एरां केरूए।” 15 ते तै बचन पुड़ हथ रेखतां तैइं अग्रोवं चलो जेव। 16 हेरा, अक मैन्हु यीशु कां अव ते पुच्छने लगो, “हे गुरू अवं कुन भलू कम केरि, कि हमेशारी ज़िन्दगी हासिल केरि?” (aiōnios g166) 17 यीशुए तैस सेइं ज़ोवं, “तू मीं भलैइये बारे मां किजो पुछतस? परमेशेरे अलावा होरो कोई भी रोडो नई, पन अगर तू हमेशारी ज़िन्दगी हासिल केरनि चातस त हुक्म मनन।” 18 तैनी ज़ोवं, “कोन हुक्मन पुड़?” यीशुए ज़ोवं, “खून नई केरनो, बदमाशी नई केरनि, चोरी नई केरनि, झूठी गवाही नई देनी, 19 अपने हाज बच्चां केरि सेवा केर, अपने पड़ोसी सेइं अपने बराबर प्यार केर।” 20 तैनी जवाने जुवाब दित्तो, “एना सब हुक्म अवं बचपनेरो मन्तो ओरोई। हुनी मीं मां को कमीए?” 21 यीशुए तैस सेइं ज़ोवं, “अगर तू सिद्ध भोनू चातस, त गा ज़ैन किछ तीं कां आए तैन बेघतां गरीब मैनु दे, तैखन तीं स्वर्ग मां खजानो मैलेलो। ते एइतां मीं पत्ती चल।” 22 पन तैनी जवाने ए गल शुनी, त बड़ी उदास भोइतां चलो जेव, किजोकि तै बड़ो अमीर थियो। 23 तैखन यीशुए अपने चलन सेइं ज़ोवं, “अवं तुसन सेइं सच ज़ोताई कि अमीर मैनेरू

स्वर्गेरे राज़े मां दाखल भोनू मुशकले। 24 फिरी अवं तुसन सेइं ज़ोताई, परमेशेरेरे राज़े मां अमीर मैनेरू दाखल भोने केरां ऊँटेरू सांधनेरे पाए मरां निस्नु सुखू आए!” 25 एन शुन्तां चेलेई हैरान भोइतां ज़ोवं, “फिरी कसेरी मुक्ति भोइ बटतीए।” 26 यीशुए तैन केरे पासे तेकतां ज़ोवं, “मैनू करां त एन न भोइ सके पन परमेशेरे करां सब किछ भोइ बटते।” 27 एस पुड़ पतरस ज़ोने लगो, “हेर अस सब किछ शैरतां तीं पत्ती चलोरेम ते असन कुन मैलनूए?” 28 यीशुए तैन सेइं ज़ोवं, “अवं तुसन सेइं सच ज़ोताई, कि नंवे दुनियाई मां ज़ैखन अवं मैनेरू मट्टु अपने महिमारे तखते पुड़ बिशेलू, त तुस भी मीं पत्ती चलने बाले 12 तखतन पुड़ बिशतां इसाएलेरे 12 गोत्रां केरो इन्साफ केरेले। 29 ते ज़ैनी केन्चे अपना घरां ते ढूला या बेडन या हाज या बव या बच्चे या ऊडारां छडोरेन, तैस 100 गुणा फल मैलेलो, ते हमेशारी ज़िन्दगी विरासत मैलेली। (aiōnios g166) 30 पन बडे मैन्हु ज़ैना हुन्ना पेइले आन, तैना बादे मां पत्रोवं भोनेन। त ज़ैना हुन्ना पत्रोवं आन, तैना बादे मां पेइले भोनेन।”

**20** “स्वर्गेरू राज़ तैस ज़िमदारेरू ज़ेरूए ज़ै झेइं उट्टतां ते अपने दाछरी बागी मां मज़दूर कम्मे लाए। 2 तैनी अक दीनार रोज़ मुजुरी देनेरे लेइ तैना बागी मां भेजे। 3 फिरी नौ बजेइं बेइर गेइतां तैनी बज़ारे मां काई लोक बेकार खडे लाए। 4 तैनी तैन सेइं ज़ोवं, “तुस भी मेरी बागी मां गाथ, ते ज़ैन किछ जेइज भोलू अवं तुसन देलो।” तैना कम्मे पुड़ जो जे। 5 फिरी तैनी दुपहरेई ते टलेइ बज़न तगर एन्ने कियूं। 6 पंचे बजेइं तैनी बेइर निस्तां किछ होरे लोक भी खडखडे लेइतां तैन पुच्छू, “तुस झेइंरे देंते किजो खेडोरेथ?” तैनेई जुवाब दित्तो, “अस केन्चे कम्मे नई लोरे।” 7 तैनी तैन सेइं ज़ोवं, “तुस भी मेरे बागी मां गाथ ते कम केरा।” 8 “इलोइ तैनी बागरे मालिके अपने मुन्शी सेइं ज़ोवं कि, ‘पेइले लग्गोरे मज़दूर ते पत्ती कम्मे लग्गोरे मज़दूर सेबनन अक-अक दीनार दिहाडी दे।’ 9 ज़ैना पंचे बजेइं ओरे थिये, तैन भी अक दीनार पूरी दिहाडी मैल्ली। 10 ज़ैना मज़दूर झेइं कम्मे लग्गोरे थिये तैन केरि बारी आई त तैनेई सोचू कि असन जादे मैलनेन, पन तैन भी अक-अक दीनार मैल्लो। 11 ज़ैखन दिहाडी मैल्ली, त तैस मालिकेरे बारे मां तैना एप्पू मामेइं बुराई केरने लग्गो। 12 ‘पत्ती लोरे मज़दूरेई सिर्फ अक घन्टो कम कियोरूए, ते तीं तैन भी असन बराबर ज़ेनेई सैरी दिहैडी कम कियां मुजुरी दित्ती।’ 13 तैनी तैन मरां एककी जुवाब दित्तो, ‘दोस्त मीं तीं सेइं कोई बेइन्साफी नई कियोरी, कुन मीं तीं सेइं अक दीनार दिहैडरी गल न थी कियोरी?’ 14 एल्हेरेलेइ ज़ै तेरी मज़दूरीए तै टला ते चलो गा, ए मेरी मर्जीए कि बादे मां लग्गोरे मज़दूर भी एत्रे देई। 15 कुन मीं ए अधिकार नई कि अपने माले मरां ज़ैन चेई तैन केरि? तू मीं पुड़ एल्हेरेलेइ ज़लतस कि अवं खुल्ले दिले सेइं देने बालोई?’ 16 एल्हेरेलेइ बडे मैन्हु ज़ैना हुन्ना पेइले आन, तैना बादे मां पत्रोवं भोनेन, ते ज़ैना हुन्ना पत्रोवं आन, तैना बादे मां पेइले भोनेन।” 17 यरूशलेम नगरे जो गांते बार यीशुए अपने

12 चलन अलग नेइतां तैन सेइं जोवं, कि तैस सेइं कुन भोने बालूए। 18 “हेरा, अस यरूशलेम नगरे जो च़लोरैम, मैनेरू मट्टू प्रधान याजकां ते शास्त्री लोकां केरे हवाले कियूं गालू, ते तैना तैस मारनेरे काबल ठैरेले। 19 तैस गैर कौमां केरे हवाले केरेले, ते तैना मैनेरे मट्टेरी यानी मेरी हासी बनाले, ते तैस कोडे बाहेले, ते फिरी तैस कूसे पुड़ च़ाढेले, ते अवं दलेइयोवं दिहाड़े फिरी ज़ांता भोलो।” 20 तैखन जब्दी नंवेरे मैनेरां मट्टां केरि अम्मा अपने मट्टन सेइं साथी यीशु कां आई, ते तैस कां मिनत केरने लाई ते तैस करां किछ मगने लग्गी। 21 तैने तैस पुच्छू, “तीं कुन लोइते?” तैसां जोवं, “वचन दे, कि मेरां इन्ना मट्टां तेरे राज्जे मरां अक तेरे देइने पासे त होरू तेरे बाएं पासे बिश्शन।” 22 पन यीशुए तैन सेइं जोवं, “तुस न ज्ञानथ कि कुन मगने लग्गोरैथ! जेन्चरे दुख अवं झलने बालोई, कुन तुस झेल्ली सकतथ? तैनेईं जुवाब दितो, हाँ झेल्ली सकतम।” 23 तैनी तैन सेइं जोवं, “तुस मेरे ज़ेरो दुःख झललेले, पन एन मेरू कम नई कि एककी देइने पासे ते होरि बाएं पासे बिशैली, ए ठार जेसेरे लेइ मेरे बाजेरे तरफां रखोरिए ते तैसेरे लेइए।” 24 एन शुन्तां होरि दश चेलेई तैन दूईं दलान पुड़ नराज भोइ जे। 25 यीशुए अपने सारे चेले नेडे कुजेइतां, तैन सेइं जोवं, “होरि कौमां केरे प्रधान अपने लोकन पुड़ राज़ केरतन, ते तैन केरे मालिक तैन पुड़ अधिकार रखतन। 26 पन तुसन मां एरू न लोडे भोरू, बल्के तुसन मां ज़ै बट्टो बन्नो चाते, ते सेब्भी केरो सेवक बने। 27 ज़ै कोई तुसन मां प्रधान बन्नू चाए, ते सेब्भी केरो गुलाम बने, 28 जेन्चरे कि मैनेरू मट्टू एल्हेरेलेइ नई ओरूए कि कोई तैसेरी सेवा केरे, बल्के एल्हेरेलेइ कि सेवा केरे, ते अपनि जान बडे लोकां केरे छुटकारेरे लेइ दे।” 29 ज़ैखन यीशु त तैसेरे चेले यरीहो नगरे मरां च़लोरै थिये, त बडे लोक तैस पतपती च़ले। 30 दूईं काने बत्ती मां बिश्शोरै थिये, तैनेईं एन शुनू कि यीशु इस बत्तां च़लोरिए, त तैना चिन्डां मारने लग्गे, “हे प्रभु दाऊदरा मट्टां असन पुड़ दया केर।” 31 लोक तैन झिड़कने ते ज़ोने लग्गे कि चुप राथ, पन तैना मना चिन्डां मारने लग्गे, “हे प्रभु, दाऊदरा मट्टां असन पुड़ दया केर।” 32 तैखन यीशु खेड़ोव ते तैन कुजेइतां पुच्छने लग्गे, “तुस कुन चातस अवं तुशेरे लेइ केरि?” 33 तैन कानेईं जुवाब दितो, “हे प्रभु अस चातम कि इश्शी एछ्छन लौ एज्जे।” 34 यीशुए तैन पुड़ बडो तरस अव, ते तैनी तैन केरे एछ्छन पुड़ हथ रखवो ते तैना लहने लग्गे, ते दुइये काने यीशु पत्ती च़ले जे।

**21** ज़ैखन यीशु ते कने तैसेरे चेले यरूशलेम नगरेरे नेडे पुजे, त यीशुए ज़ैतून पहाड़े पुड़ बैतफगे मरां अपने दूईं चेले एन ज़ोइतां अग्रोवं भेजे। 2 “अपने सामने उस ड़लव्वें मां गाथ, ते तैडी पुजेले, त तुसन अक गधी बंधोरै मैलनिये, ते तैस साथी तैसेरो बच्चो भी भोनोए, तैस खोलतां इडी मीं कां आनां।” 3 अगर तुसन कोई पुच्छे, त तुस ज़ोइयथ, कि प्रभुए एसेरी ज़रूरत आए, ते तै लूशी तैस वापस भेजेलो। 4 इन सब किछ एल्हेरेलेइ भोवं, कि नेवे ज़ैन वचन ज़ोरू थियूं, तैन पूरू भोवं, 5 “सिय्योनेरे

कुइये सेइं ज़ोथ, कि तेरो राज़ो तीं कां ओरोए, ते तै बडो हलीमी ते तै गैधी पुड़ च़ेढतां ओरोए, बल्के गधेरे बच्चे पुड़।” 6 चेले च़ले जे ते जेन्चरे यीशुए ज़ोरू थियूं, तैनेईं तेन्चरे कियूं। 7 तैनेईं ते गधी ते तैसारो बच्चो आनो, ते तैन पुड़ अपना लिगडां छडां, ते यीशु तैस पुड़ च़ेढतां च़लो। 8 बडे लोकेईं अपना लिगडां बत्ती मां बिछां, ते किछईं बुट्टा केरे डाल केटतां बत्ती मांमेइं छडोरै थिये। 9 ते तैना लोक ज़ैना यीशु सेइं साथी अग्री-अग्री ते पत्ती-पत्ती च़लोरै थिये, तैना नहरे देते थिये, “दाऊदरे मट्टेरी होशाना (तारीफ़), धने तै, ज़ै प्रभुएरे नंवे सेइं एइते, स्वर्गें मां होशाना।” 10 ज़ैखन यीशु यरूशलेम नगरे मां पुजो, त सारे नगर मां हलचल मेचि जेई, ते लोक ज़ोने लग्गे, “ए कौने?” 11 लोकेईं जोवं, “ई गलीलेरे नासरत नगरेरो नबी यीशुए।” 12 यीशुए परमेशरेरे मन्दरेरे अंगने मां गेइतां, ज़ैना बुपारी बुपार केरते थिये सब तैट्टां कडे, तैनी सुनारां केरि दुकान ते कबूतर बेचने बालां केरि ठारां दलोडी। 13 ते तैनी जोवं, “लिखोरूए कि मेरे मन्दरे जो प्रार्थना केरनेरू घर ज़ोले, पन तुसेईं त ए डैकू केरो अट्टो बनेवरोए।” 14 तैखन काने ते टोंटे मन्दरे मां यीशु कां आए, ते तैनी तैना सब बज्ज़ाए। 15 पन ज़ैखन मन्दरेरे प्रधान याजक ते शास्त्री लोक एना कम्मां ज़ैना तैनी कियां, ते मट्टन मन्दरे मां दाऊदरी औलादरी होशाना (तारीफ़) ज़ोते लाए, तैन बट्टी सरक आई। 16 ते तैस सेइं ज़ोने लग्गे, “तू शुन्ने लोरोस कि एना कुन ज़ोने लोरने?” यीशुए तैन सेइं जोवं, “हाँ अवं शुन्ने लोरोई, तुसेईं कथे नई पढेरू कि, ‘तीं मट्टन ते दुदुध पीते बच्चन करां भी तीं अपनि पूरी तारीफ़ कमाई?’” 17 तैखन ते तैन शैरतां नगरे बेइरोवं च़लो जेव, ते बैतनिय्याह नगरे मां जेव ते तैडी रात गुज़ारी। 18 झेइं ज़ैखन यीशु नगरे मांजो वापस ओरो थियो, त तैस दलुख लग्गी। 19 बत्तारे इलेखी अक फ़ेगोरो बूट लाव ते तैस कां जेव, ते पट्लां केरे अलावा तैस पुड़ किछ न लाव, तैनेईं तैस जो जोवं, “कथे भी तीं पुड़ फल न लग्गेलो ते तैखने तै बुट शुक्की जेव।” (aion g165) 20 एन हेरतां चेले हैरान भोइतां पुच्छने लग्गे, “ई फ़ेगोरो बुट अकदम केन्चरे शुक्की जोरोए?” 21 यीशुए जुवाब दितो, “अवं तुसन सेइं सच ज़ोताई कि अगर तुस विश्वास रखथ, ते शक न केरथ, ज़ैन फ़ेगोरे बुटे सेइं भोवं तैन तुस भी केरि सकतथ, बल्के उस पहाड़े जो ज़ोले कि इट्टां उखइतां समुन्द्रे मां गा, त तैन्ने भोलू।” 22 अगर तुशुओ विश्वास पक्कोए त ज़ैन किछ तुस प्रार्थनाईं मां मग्गले, तैन तुसन मैल्ली गालू? 23 यीशु मन्दरे मां शिक्षा देने लोरो थियो, त प्रधान याजक, ते लोकां केरे बुजुर्गेईं तैस पुच्छू, तू एन कम कसेरे अधिकारे सेइं केरतस? ते तीं एन कम कैनी दितोरिए? 24 यीशुए तैन जुवाब दितो, “अवं भी तुसन अक गल पुछतई, अगर तुस तैसेरो जुवाब देले, त अवं भी ज़ोइलो कि अवं एन कम कसेरे अधिकारे सेइं केरताई। 25 यूहन्नारो बपतिस्मो कोट्टां थियो? स्वर्गेरे तरफां थियो, या की इन्सानेरी तरफां थियो? तैना एप्पू मांमेइं गलबात केरने लग्गे, कि अगर अस ज़ोतम कि, स्वर्गेरे तरफां थियो, त फिरी तैनी

जोनूए कि फिरी तुसेई तैसेरू याकीन की नई कियेरू? 26 पन अगर अस ज़ोतम कि, 'इन्सानेरी तरफां थियो,' त लोकां केरो भी डरे किजोकि लोक यूहन्ना नबी मन्ते थियो।" 27 एल्हेरेलेइ, तैनेई यीशुए जुवाब दित्तो, "अस किछ न ज्ञानम।" तैनी भी तैन सेइं ज़ोवं, "अवं भी तुसन सेइं न ज़ोई कि अवं इन कम्मां कसरे अधिकारे सेइं केरताई।" 28 पन तुस इस मिसालरे बारे मां कुन सोचतथ? केन्ची मैनेरां दूईं मट्टां थियां, तैनी बड्डे मट्टे कां गेइतां ज़ोवं, "अज़ दाछरी बागी मां गा ते कम केरा।" 29 तैनी जुवाब दित्तो, "अवं न गेई।" पन बादे मां पशतेइतां च़लो जेव। 30 फिरी बाजे होरि मट्टे कां भी गेइतां एन्ने ज़ोवं, तैनी जुवाब दित्तो, "अच्छा खरी गाताई।" पन जेव नन्ना। 31 "एन दुइने मरां केनि अपने बाजोरो हुक्म मन्तो?" तैनेई जुवाब दित्तो बड्डे हुक्म मन्तो, यीशुए तैन सेइं ज़ोवं, कि अवं तुसन सेइं सच़ ज़ोताई, कि चुंगी घिन्ने बाले ते बदचलन कुआन्शां तुसन करां पेइले परमेशरेरे राज़ मां दाखल भोली। 32 अवं इन ज़ोताई, यूहन्ना बपतिस्मो देनेबाले तुसन ज़ोवं, कि धार्मिकतारी ज़िन्दगी केन्चरां जीनीए पन तुसेई तैसेरू विश्वास न कियो, पन चुंगी घिन्ने बाले ते बदचलन कुआन्शोई तैसेरू विश्वास कियूं, एन हेरतां भी तुसेई पापन करां मन न फिराव ते तैस पुइ विश्वास न कियो। 33 अक होरि मिसाल शुना, एक्की ज़मीनदारे अक दाछरी बाग लाई ते तैसेरे च़ेरे पासन बाइ दित्तो, ते दाछारो रस कढनेरे लेइ अक हावज़ बनावं, ते तैस बागरी हेरगेश केरनेरे लेइ अक उच्ची कूड़ी बनाई ते फिरी तै काशत केरनेबालन ठेके पुइ देइतां कोन्च दूर प्रदेशे जो च़लो जेव। 34 ज़ैखन दाछ ट्लोइनेरो मौको अव त तैनी अपनो हिस्सो नेनेरे लेइ अपने नौकर तैन ठेकेदारन कां भेजे। 35 ते ठेकेदारेइ तैसेरे नौकर कोई झूसो कुटो कोई मारो ते केन्ची जेई घोडेईं दित्ती। 36 फिरी तैनी होरे नौकर भेजे ज़ैना पेइलन करां जादे थिये, पन ठेकेदारेइ तैन सेइं भी तेरहो ज़ेरो सलूख कियो। 37 आखकार तैनी अपनू मट्टू तैन कां भेजू, ते सोचू कि मेरे मट्टेरो त लिहाज़ केरेले। 38 "पन ज़ैखन ठेकेदारेइ तैसेरू मट्टू लाव, त तैना एप्पू मांमेइं मुशोरो केरने लग्गे, कि एज्जा एस सेवां मारम ते एसेरी बागी पुइ कळो केरम।" 39 "तैखन तैनेई तैन मट्टू ट्लाव ते बागारे बेइर शरी छुड्डे। 40 एल्हेरेलेइ ज़ैखन बागरो मालिक एप्पू एज्जेलो, त तैन ठेकेदारन सेइं केरो सलूख केरेलो?" 41 तैनेई जुवाब दित्तो, तै तैन बुरन, बुरे तरीके सेइं मेरतां बागरो ठेकां होरि ठेकेदारन देलो, ज़ैना मौके पुइ तैसेरो हिस्सो तैस देन। 42 यीशुए तैन सेइं ज़ोवं, "तुसेई पवित्रशास्त्रे मां कथे नई पढेरू, ज़ै घोइ मिस्त्रेई रद्दी कियोरो थियो, तैए कूनेरो घोइ भोलो, एन कम परमेशरे कियोरूप, ते इश्शी नज़री मां एन आजीब आए?" 43 एल्हेरेलेइ अवं तुसन सेइं ज़ोताई, कि परमेशेरू राज़ तुसन करां निव गालू, ते एरी कौमी कां दित्तू गालू ज़ै वक्ते पुइ तैस फल दे। 44 ते ज़ै कोई इस घोडे पुइ बिछड़ेलो त तैसेरे दुक्डे-दुक्डे भोइ गाले, पन ज़ै एस उन्डो बिछड़ेलो त तैस पइतां छुडेले। 45 प्रधान याजक ते फरीसी लोकेई यीशुएरी

ए मसाल शुन्तां सेमझी जे, कि यीशु एन गल्लां इश्शे बारे मां ज़ोने लोरोए। 46 तैनेई यीशु ट्लानो चाव, पन लोकन करां डरते थिये किजोकि तैना यीशु नबी मन्ते थिये।

**22** यीशु फिरी मसाल देइतां ज़ोने लगो। 2 "स्वगेरू राज़ एक्की राजेरू जेरूप, ज़ैनी अपने मट्टेरे इला बनाव। 3 ते अपने नौकर भेजे कि तैना लोकन ज़ैन जेई इलाएरी धाम बनोरी थी, तैन कुजान पन तैना न आए। 4 तैखन तैनी अपने नौकर एन ज़ोइतां भेजे, कि ज़ैन जेई इलाएरी धाम बनेवरीए, तैन ज़ोथ, रोटी बनोरीए ते मीं बडे-बडे जानवर कटोरन, ते सब किछ तियार भोरूप, ते इलाएरी धामी मां शामल भोथ। 5 पन तैनेई ध्यान न दित्तू ते कोई परवाह न की, कोई अपने ऊडारे मां च़लो जेव, ते कोई अपने कारोबारे मां लगो ते कोई कोरां च़लो जेव। 6 किछेई तैसेरे नौकर टलेइतां तैन तैना बेइजत किये, ते जानां भी मैरी छुडे। 7 ज़ैखन राज़े एन शुनू त राज़े बडी सरक आई, ते तैनी अपनि फौज भेजतां तैना कातली मैरी छुडे ते तैन केरां नगरां फुके। 8 तैखन तैनी अपने नौकरन सेइं ज़ोवं, इलाएरी धाम तियार आए, पन ज़ैन कुजोरे थिये तैन एस काबल नई। 9 एल्हेरेलेइ तुस हर पासे गाथ ते ज़ेत्रे तुसन मैलतन, तैना सब इरां कुजाथ। 10 तैखन तैना नौकर च़ले जे ते हर पासे गेइतां ज़ेत्रे खरे बुरे तैन मैल्ले, सब अकोट्टे इलाए मां आने ते मेहमानेइं सेइं घर भरतां भोवं। 11 "ते राज़ो मेहमान सेइं मिलने अन्तर अव, त तैसेरी नज़र एक्की मैन्हु पुइ पेई ज़ै इलाए मां इलेरां लिगडां लेइतां न थियो ओरो।" 12 राज़े तैस पुच्छू, हे दोस्त, तू इलाएरे लिगडन मां की नई ओरो? पन तैने किछ न ज़ोवं। 13 "एस गल्ली पुइ राज़े अपने नौकरन सेइं ज़ोवं, 'एसेरे हथ पाव बंधतां बेइर आंधरे मां छुड्डा ज़ैडी ए लेरां देंतो राए, ते दंत च़ापतो राए।' 14 किजोकि परमेशरे हमेशारे ज़िन्दगरे लेइ त बडे कुजोरेन पन चुनोरे थोडेन।" 15 तैखन फरीसी लोक तैटां च़ले जे, ते एप्पू मांमेइं मुशोरो केरने लग्गे एस केन्चरे गल्लन मां फसाम। 16 एल्हेरेलेइ तैनेई अपने किछ च़ेले हेरोदेस राज़ेरे लोकन सेइं साथी यीशु कां भेजे, ते तैनेई ज़ोवं, "हे गुरू अस ज्ञानतम कि तू सच्चोस, ते परमेशेरी बत सच्चैई सेइं शिखालतस ते कोन्चेरी परवाह न केरस किजोकि तू मैन्हु केरू तुतर हेरतां गल्लां न केरस। 17 एल्हेरेलेइ असन ज़ो, तू कुन सोचतस? महाराजे जो चुंगी देनी जेइजे की नई?" 18 यीशु तैन केरि चाल सेमझतां ज़ोवं, "हे पाखंडी लोकव मीं किजो अज़मातथ? 19 ज़ै सिको चुंगरे लेइ देतथ तैस मीं हिराथ, तैनेई अक दीनार तैस कां आनो। 20 यीशुए तैन पुच्छू, इस पुइ कसेरी शकल ते कसेरू नवं लिखोरूप?" 21 तैनेई जुवाब दित्तो महाजेरू, तैखन तैनी तैन सेइं ज़ोवं, "ज़ैन महाराजेरूप तैन महाराजे जो देथ, ते ज़ैन परमेशेरू ए तैन परमेशरे जो देथा।" 22 तैना एन शुन्तां हैरान रेइजे, ते तैस तैडी छेइतां च़ले जे। 23 तैस्से दिहैडी किछ सदकूकी लोक ज़ैना ज़ोते थिये कि मरनेरां बाद कोई जीतो नई भोनी, तैनेई तैस पुच्छू, 24 "हे गुरू मूसे ज़ोरूप

कि, 'अगर कोई मैंहु बेऔलाद मेरि गाए, त तैसेरो ढूला तैसेरी कुआन्शी सेइं डूला बनाए ताके अपने ढूलाएरे लेइ औलाद पैदा केरे।' 25 इश्शे इडी सत ढूला थिये, पेइले डूला बनेइतां मेरि जेव, तैस औलाद न थी तैनी अपनि कुआन्श अपने ढूलाएरे लेइ छेड़ी दिती। 26 ए वजा आए तैसेरे दुइयोंव त लेइयोंव भी एन्चरे कियूं बल्के सत्ते ढूलान सेइं एन्ने भौतू राऊं। 27 आखकार तै कुआन्श भी मेरि जेई। 28 हुनी ज़ो तै कुआन्श मुडदन मरां ज़ीते भोनेरे दिहाड़े तैन सत्ते ढूलान मरां कसेरी कुआन्श भोली? किजोकि तै सेबभी केरि कुआन्श बनोरी थी।" 29 यीशुए तैन जुवाब दितो, "तुस न पवित्रशास्त्र ते न परमेशेरी शक्ति ज्ञानथ, ते एस्से वजाई सेइं तुस टेपलेरेथ। 30 किजोकि ज़ीते भोनेरां पत्ती तैना डूला न बनाले, पन तैना स्वर्ग मां परमेशेरे स्वर्गदूतां केरे ज़ेरे भोनेना।" 31 "पन मुडदन मरां ज़ीते भोनेरे बारे मां कुन तुसेईं इन वचन नई पढेरू जैन परमेशर तुसन सेइं ज़ोवं, 32 'अवं अब्राहमेरो परमेशर, ते इसहाकेरो परमेशर ते याकूबेरो परमेशर आई?' तै मुवोरां केरो नई बल्के ज़ीतां केरो परमेशेरे।" 33 लोक तैसेरी ए शिक्षा शुन्तां हैरान रेइजे। 34 ज़ैखन फरीसी लोकेई एन शुनु कि तैनी सटूकी केरू आशी बंद कियोरूप, त तैना तैस कां सब अकोट्टे भोए। 35 तैन मरां अक शास्त्री तैस अज़मानेरे लेइ यीशुए पुच्छू। 36 "हे गुरु, मूसेरे कानूने मां सेबभन करां बड्डो हुकम कौ आए?" 37 तैनी ज़ोवं, "तू परमेशेरे अपने प्रभु सेइं अपने सारे दिले सेइं ते अपनि सैरी जानी सेइं ते अपनि सैरी अक्ली सेइं प्यार केरा। 38 सेबभन करां बड्डो ते खास हुकम ईए। 39 एसेरो ज़ेरो ईए, 'अपने पडोसी सेइं अपने बराबर प्यार केर।' 40 इन्ना दूई हुकम मूसेरे कानून ते नेबी केरो आधारे।" 41 ज़ैखन फरीसी लोक भी तैडी जहमां भोइजेइ, त यीशुए तैन पुच्छू। 42 "मसीहेरे बारे मां तुशो कुन खियाले, कि तैन केसेरू मट्टूए?" तैनेईं जुवाब दितो, "दाऊदेरू मट्टू।" 43 यीशुए तैन सेइं ज़ोवं, "फिरी दाऊद आत्माई मां तैस जो प्रभु किजो ज़ोते?" 44 "प्रभुए मेरे प्रभु सेइं ज़ोवं, मेरे देइने पासे बिश ज़ां तगर अवं तेरे दुश्मन तेरे पावन हैठ न ढूलेन्नेईं। 45 बरसा, अगर दाऊद तैस जो प्रभु ज़ोते त तैन तैसेरू मट्टू केन्चरे सेइं भोइ सकते?" 46 तैन मरां केन्चे भी एककी गल्लरो जुवाब न देइ बटो। पन तैस वक्तेरे बाद फिरी कोन्ची तैस पुच्छनेरी हिम्मत न भोइ।

**23** तैखन यीशुए बडे लोकन सेइं ते अपने चेलन सेइं एन ज़ोवं। 2 "शास्त्री ते फरीसी लोक मूसेरो कानून समझाने बालेन। 3 एल्हेरेलेइ जैन किछ तैना तुसन ज़ोतन तैन तुस केरा ते मेन्ना, पन तैन केरां ज़ेरां कम्मां न केरा, किजोकि तैना ज़ोने त ज़ोतन पन केरन नन्ना। 4 तैना अपने मेर्जी सेइं कानून बनातन ज़ैना लोकां केरे लेइ मन्ने मुशाकिल भोतन, पन एप्पू अपने कानूने मन्नेरी कोशिश भी न केरन। 5 तैना ज़ैन किछ केरतन सिर्फ मैनु हिरानेरे लेइ केरतन, तैना अपने कुपाए ते पैखडन पुड़ पवित्रशास्त्रेरे वचन लिखतां बड्डे-बड्डे जन्त्रां केरे ज़ेरे बन्धतन, ते अपने चोगन पुड़ लम्मो गुच्छा लातन (ताके

लोक समझन तैना बडे धर्मी आन)। 6 तैना धामन मां खास ठैरी बिशनू चातन, ते प्रार्थना घरे मां खास कुर्सन पुड़ बिशनू चातन। 7 ते तैना चातन कि लोक तैनन जो बज़ारन मां नमस्कार ज़ोन, ते तैनन जो गुरु ज़ोन। 8 पन तुस अपने आपे जो गुरु न जुवेइयथ, किजोकि तुशो अक्के गुरु आए, ते तुस सब ढूलां केरे ज़ेरे बराबर आथ। 9 ते दुनियाई मां केन्ची जो (आत्मिक) बाजी न ज़ोइयथ, किजोकि तुशो अक्के बाजी आए ज़ै स्वर्ग मां आए। 10 ते न केन्ची जो मालिक ज़ोइयथ किजोकि तुशो अक्के मालिके ज़ै मसीह आए। 11 पन ज़ै तुसन मां बड्डो भोनु चाते, त तै तुशो सेवक बने। 12 ते ज़ै कोई अपनो आप बड्डो बनानेरी कोशिश केरते, त तै निकडो बनाव गालो, ते ज़ै कोई अपनो आप निकडो बनाते त तै बड्डो बनाव गालो।" 13 तैखन यीशुए ज़ोवं, "हे पाखंडी शास्त्री ते फरीसी लोकव, तुसन पुड़ अफ़सोस, किजोकि तुस स्वर्गेरे राज़े मां लोकन दाखल भोने न देथ, किजोकि न तुस एप्पू दाखल भोथ, ते न होरन दाखल भोने देथ। 14 हे पाखंडी शास्त्री ते फरीसी लोकव तुसन पुड़ अफ़सोस, तुस विधवा कुआन्शां केरे घरन लुटतथ, ते लोकन हिरानेरे लेइ लेम्मी-लेम्मी प्रार्थना केरतथ, तुसन जादे सज़ा मैलेली।" 15 "हे पाखंडी शास्त्री ते फरीसी लोकव, तुसन पुड़ अफ़सोस! तुस अक मैंहु अपने धर्मे मां आन्नेरे लेइ बडे दूर-दूर गातथ, ते ज़ैखन ते तुशो शिक्षा मन्ते त तैस एप्पू करां दुगानो नरके मां गानेरे काबल बनातथ।" (Geenna 01067) 16 "हे बत हिराने बाले कानाव, तुसन पुड़ अफ़सोस, कि तुस ज़ोतथ कि अगर कोई मन्देरी कसम केरे त कोई हर्ज़ नई, पन अगर मन्देरे सोनेरी कसम केरे, त तैसेरी कसमारो पाबंद भोलो। 17 हे बेवकूफ ते कानाव, बड्डू कुन आए सोनू या मन्दर, ज़ेसेरी वजाई सेइं सोनू पवित्र समझू गाते?" 18 "तुस ज़ोतथ कि अगर कोई बलिदान चाढ़नेरे ठारारी कसम केरे, त कोई हर्ज़ नई, पन च़ैदोरी चीज़री कसम केरे त तैसेरो पाबंद भोलो। 19 हे कानाव! बड्डू कुन आए, चाढ़ोरी चीज़ या बलिदान चाढ़नेरे ठार ज़ेसेरी वजाई सेइं चाढ़ोरी चीज़ पवित्र समझी गाचे? 20 अगर ज़ै कोई बलिदान चाढ़नेरे ठारारी कसम केरते, त तै सेबभी च़ैदोरी चीज़ां केरि कसम केरते। 21 ज़ै कोई मन्देरी कसम केरते त तै मन्देरे मां रानेबाले परमेशेरी कसम केरते। 22 ते ज़ै कोई स्वर्गेरी कसम केरते, तै परमेशेरे तखतेरी ते तैस पुड़ बिशने बालेरी कसम केरते।" 23 "हे पाखंडी शास्त्री ते फरीसी लोकव, तुसन पुड़ अफ़सोस, तुस पुतनेरो ते सॉफ़ेरो ते ज़ीरेरो दशोवं हिस्सो त देतथ, पन मूसेरे कानूनेरी खास गल्लां ज़ेन्चरे इन्साफ़ केरनो, दया केरनि ते ईमानदार भोनु शारोरूप, ज़रूरी थियूं तुस एन भी केरते राथे ते तैन भी न शारेथे। 24 हे बत हिराने बाले कानाव! तुस मश्शे त छानतथ पन सथ्थो ऊँट निगलतथ।" 25 "हे पाखंडी शास्त्री ते फरीसी लोकव, तुसन पुड़ अफ़सोस, तुस कटोरो ते कने थाली बेइरमेईं खूब मांज़तथ पन अन्त्रमेईं लालव्र ते बे सबरीए भेरतांए।" 26 "हे काने फरीसाव पेइले कटोरो ते

थाली अन्त्रमेई मांजा, ते फिरी बेइरमेई भी साफ भोए।” 27 “हे पाखंडी शास्त्री ते फरीसी लोकव तुसन पुड अफ्रसोस, तुस तैन कबां केरे ज़ेरेथ जैन बेइरमेई त सफैदीए ते बेडि रोडी लेहीयोचन, पन अन्त्रमेई मुडदां केरि हट्टी ते सब किसमरी गेन्दगी सेइं भरतन। 28 एन्चरे तुस बेइरमेई लोकन बडे धर्मी लेइयोतथ, पन अन्त्रमेई दुनियारे पाखंडे ते अधर्म सेइं भरतथा।” 29 “हे पाखंडी शास्त्री ते फरीसी लोकव तुसन पुड अफ्रसोस, किजोकि तुस नेबी केरे आसथान सजातथ ते धर्मी लोकां केरि कबां बनातथ। 30 ते ज़ोतथ कि, ‘अगर अस अपने दादे-पड़दादां केरे ज़माने मां भोथे त नेबन मारने मां तैन केरू साथ न देथे।’ 31 एन्चरे तुस एप्पू मन्तथ कि तुस नेबी केरे कत्तल केरनेबालां केरि औलादी मरां आथ। 32 हुनी तुस अपने दादे-पड़दादां केरे पापेरे घडो भरते राथा।” 33 “हे ज़हरीले सप्यां केरे ज़ेरे बच्चाव! तुस नरकेरी सज़ाई करां केन्चरे बच्चेले? (Geenna g1067) 34 एल्हेरेलेइ हेरा अवं नेबन ते अक्लमन्दन ते शास्त्री लोकन तुसन कां भेज़ताई, तुस तैन मरां किछन कत्तल केरेले, ते किछन क्रूसे पुड चाढ़ेले, ते किछन अपने प्रार्थना घरे मां कोडेइं सेइं बाले, ते नगरे-नगरे मां तैन मारनेरे लेइ तैन पत्ती लग्गारे राले। 35 एल्हेरेलेइ सारे धर्मी केरो कत्तल ज़े इस धेरती पुड भोरोए, तैन केरि सज़ा तुसन पुड एज्जे, धर्मी हाबिलेरे कत्तले करां लेइतां, ते बिरिक्याहरे मट्टे जकर्याहरे कत्तले तगर ज़े तुसेईं मन्दरेरे ते बलिदान केरनेरे ठारारे मज़ाटे मन्दरेरे अंगने मां कत्तल कियोरो थियो। 36 अवं तुसन सेइं सत्र ज़ोताई कि इस ज़मानेरे लोकन एना सैरी गल्लां केरे सज़ा मेलनी।” 37 फिरी यीशुए ज़ोव, “हे यरूशलेम नगरेरे लोकव, हे यरूशलेम नगरेरे लोकव, तुसेईं केत्रे नबी कत्तल किये ज़ैना बडे पेइले तुसन कां आए, ते ज़ैना तुसन कां भेजे तुसेईं तैन घोडेईं बेई, मीं बडे बार सोचू कि तेरे बचन अकोट्टे केरि जेन्चरे कुकडी अपने बचन अपने फंगन हैठ रखचे पन तुस राज़ी न भोए। 38 हेरा तुशू घर तुशू लेइ बेरान भोइ गाते। 39 किजोकि अवं तुसन सेइं सत्र ज़ोताई, कि तुस मीं हुन्ना करां तैस दिहाडे तगर कथे न लेईं सकले, ज़ांतगर मेरे बारे मां इन न ज़ोले, ‘तैसेरी तारीफ़ भोए ज़े प्रभुएरे अधिकारे सेइं एइते।”

**24** ज़ैखन यीशु मन्दरे मरां निस्तां च़ल्लोरो थियो, ते तैसेरे च़ेले तैस कां आए, ताके तैस मन्दरेरे रोडे-रोडे भवन हिरान। 2 तेनी तैन सेइं ज़ोव, “कुन तुस एन सब किछ हेरने लोरेथ? अवं तुसन सेइं सत्र ज़ोताई कि इडी कोई घोडे पुड घोड बाकी न रालो, ज़े बछोडो न गालो।” 3 ज़ैखन तै ज़ैतून पहाडे पुड बिशोरो थियो, त तैसेरे च़ेले अलग ज़ेरे तैस कां एइतां तैस सेइं ज़ोने लगगे, “असन ज़ो कि एन गल्लां केइस भोनिन? ते तेरे एजनेरो ते दुनियारो अन्त भोनेरो कुन निशान भोनीए?” (aiōn g165) 4 यीशुए तैन जुवाब दितो, “खबरदार राथ, कोई तुसन न टपलाए! 5 किजोकि बडे मेरे नंवे सेइं एजनेन ते तैनेईं ज़ोनूए कि, ‘अवं मसीह आई,’ ते तैनेईं बडे लोक टपलानेन। 6 तुस लडाईं ते लडेईं केरि अफवाह शुनेले, खबरदार डेरथ नन्ना, किजोकि एन गल्लां

ज़रूरी भोनिन, पन तैस वक्ते खातमों नईं भोनो। 7 किजोकि कौमी पुड कौम, ते राज़े पुड राज़ चढ़हाईं केरेलू, ते ठारी-ठारी काल पेले, ते भुंजल एज्जेले। 8 मुसीबतां केरि शुरुआत भी एन्ने गल्लेईं सेइं भोनीए। 9 तैखन ज़ैना तुशू खलाफन तैना तुसन टूलेइतां बडी सखत सज़ा देले, ते कत्तल केरेले, ते मीं पुड विश्वास केरनेरे वजाईं सेइं, सैरी कौमां केरे लोक तुसन सेइं बैर रखेले। 10 तैखन बडे लोक मीं पुड विश्वास केरने शारेले, एक्की होरि टूलुवाले, ते एप्पू मांमेइं भी बैर रखेले। 11 ते बडे झूठे नबी दुनियाईं मां निसनेन ते बडे लोक टपलानेन। 12 अधर्म बधने सेइं बडे लोक एप्पू मांमेइं प्यार केरने शारेले। 13 पन ज़ै कोई आखरी दम्में तगर मीं पुड विश्वास केरेलो, त तैस्से मुक्ति मैलनीए। 14 ते परमेशरेरे राज़ेरी ई खुशखबरी दुनियारे हर पासे शुनाईं गाली, ताके सैरी कौमां केरे लोकन मौको मैले कि तैना इस कबूल केरन, तैखन दुनियारो खातमों भोलो।” 15 “ज़ैखन तुस तैस उज़ाडने बाली भिट्टी चीज़ी, ज़ेसेरे बारे मां दानिय्येल नेबे ज़ोरू थियू, पवित्र ठैरी खडी लाएले, (त पढ़नेबालो भी समझे)। 16 कि ज़ैना तैस मौके यहुदिया इलाके मां भोले तैना पहाड़न पुड जो नशशन। 17 ते ज़ैना लाए पुड भोन त तैना कोई चीज़ नेने अन्तर न एज्जन। 18 ते ज़ै मैन्हु ऊडारे मां भोलो, त तै लिंगडां नेने अन्तर न एज्जे।” 19 तैन दिहाड़न मां ज़ैना दोज़ींती त दुद्ध पियाती कुआन्श भोली, तैन केरे लेइ अफ़सोस! 20 “ते प्रार्थना केरा कि तुसन हिंवतडे या आरामेरी दिहाड़ी नशशन न पे। 21 किजोकि तेइस एत्री बट्टी मुसीबत भोली, ज़ेरे दुनियारे शुरु करां अज़ तगर नईं ओरी, ते न कथी एज्जेली। 22 अगर तैन दिहाड़ां केरि तैधात घटवरी न भोथी, त कोई प्राणी न थियो बचानो, पन चुनोरां केरे लेइ तैना दिहाडे घटवरेन। 23 अगर कोई तुसन सेइं ज़ोए कि, ‘तक्का, मसीह इडी आए! या उडी आए!’ त तुस विश्वास न केरथा।” 24 “किजोकि झूठे मसीह ते झूठे नबी दुनियाईं मां निसनेन, ते तैनेईं निशान ते बड्डे-बड्डे चमत्कार हिरानेन, ते भोइसखे त चुनोरे लोक भी टपलानेन। 25 हेरा, मीं तुसन सैरी गल्लां भोनेरे पेइले ज़ोरिन। 26 अगर कोई तुसन सेइं ज़ोए कि, ‘हेरा तै जंगले मांए,’ त तुस बेइर न गेइयथ; ‘हेरा, तै घरे मांए,’ त तुस विश्वास न केरथा।” 27 “किजोकि जेन्चरे बिजली पूबेरां, पछमें तगर चमकतीए एन्चरे मैनेरू मट्टू भी एज्जेलू।” 28 “ज़ैडी ज़िगग भोते तैडी इल्लां जम्हां भोइचन।” 29 “तैन दिहाड़ना बाद दिहाड़ो कालो भोइ गालो, त चाँदनी लौ न देली, त कने अम्बरेरां तारे बिछुडने लगगेले, त अम्बरेरी सैरी शक्ति हिलेइ गेली। 30 तैखन मैनेरे मट्टेरो निशान अम्बरे मां लेइहोनोए, ते दुनियारी सैरी कौमां छाती पिट्टेली, ते मैनेरू मट्टू अम्बरे मरां बिदलारी पुड बेडि शक्ति ते महिमा सेइं एइते लाएले। 31 ते तै अपने स्वर्गदूत ते नडिशिंगेरी बडी आवाज़ी सेइं साथी भेजेलो, ते तैसेरे चुनोरे लोकन च़ेरे पासन अम्बरेरे एक्की पासेरां होरि पासे तगर सेबन जम्हां केरेले।” 32 “फ़ेगरे बुटे करां ई सबक शिखा, ज़ेरे तैसेरे डाल नर्म भोतन ते पट्लां



निसतन त तुस बुझतथ कि गेमेंरो मौसम एजनेबालो आए। 33 एसेरो ज़ेरो, ज़ैखन तुस एना गल्लां, ज़ैना मीं जोई, भोते हेरेले, त तुस बुझ्जी छुट्टा कि मैनेरू मट्टू, यानी अवं बडे नेडे पुज्जोरोई। 34 अवं तुसन सेइं सत्र जोताई, कि ज़ां तगर एन सब किछ पूरू न भोए, तांतगर एस पीडरो खातमों न भोलो। 35 अम्बर ते धरती टेली गाली पन मेरी गल्लां कथे न टेलेली।” 36 “मेरे वापस एजनेरे दिहाड़े बरे मां, या तैस वक्तेरे बरे मां कोई भी न ज़ाने कि तै कताली भोलो, स्वर्गेरे स्वर्गदूते भी न ज़ानन् त कने परमेशरेरू मट्टू यानी अवं भी न ज़ैनी, पन सिर्फ मेरो बाजी परमेशर ज़ानते। 37 जेन्चरे नूहेरे ज़माने मां भोरू थियूं, तेन्चरे मैनेरे मट्टेरे एजनेरे वक्ते भोनूए। 38 किजोकि तूफान एजने करां पेइले भी लोक खाते पीते थिये, ते इला भी बनाते थिये, ते नूहेरे किशती मां गाने तगर एन सब किछ भोतू राऊं। 39 तैन पतो भी न थियो कि कुन भोने बालूए, इडी तगर कि तूफान अवं ते तैनी सब किछ रुडेइतां नेव, ते मैनेरे मट्टेरू यानी मेरू एजन् भी एरू भोनूए। 40 तैखन ऊडारे मां दूई मैन्हु कम केरते भोले ते अक नीयो गालो, ते दुइयोवं तैडी रालो। 41 ते दूई कुआन्शां ढ्लाट पिती भोली त अक नी गाली ते होरि तैडी राली। 42 तुस बींझे राथ किजोकि तुस न ज़ानथ कि तुश्शो प्रभु केइस एजोनोए। 43 पन याद रखा, अगर घरेरे मालिके पतो भोए कि चोर कताली एजोनो, त तै बींझे बिशेथो ते अपने घरे चोरी न भोने देथो। 44 एल्हेरेलेइ तुस भी तियार राथ, किजोकि ज़ैखन तुसन शक भी नई भोनी त मैनेरू मट्टू यानी अवं एज्जी गानोई।” 45 “ईमानदार ते अक्लमन्द नौकर तैसेरो ज़ेरोए, जेसेरो मालिक तैस अपने नौकरन पुड़ पुछ्नो गन्ने रखे ताके ते तैन मौके पुड़ रोटी दे, ते फिरी दूर सफरे पुड़ गाए।” 46 “तै नौकर धने जेसेरो मालिक एइतां तैस करां एरू जेरू केरतो लाए।” 47 अवं तुसन सेइं सत्र जोताई कि तै मालिक अपने घरेरो सारो अधिकार तैसेरे सुपर्द केरेलो। 48 “पन अगर ते बुरो नौकर अपने दिले मां एन जोए कि मेरे मालिकेरे एजने हेजू बडू चिरे। 49 ते अपने सैथन मारने कुटने ते शरैपण सेइं खाए ते पीए। 50 त तैसेरो मालिक कोस्कोई एरी दिहैडी एज्जे जेइस तैस नौकरे उमीदे न भोए, ते तैसेरो मालिक वापस एज्जी गाए। 51 ते मालिक तैस पक्की सज़ा देलो, ते तैसेरो हिस्सो पाखंडी लोकन सेइं साथी भोलो, जैडी लेरां देनी ते दंत च़ापने भोलो।”

**25** तैखन यीशुए अपने चेलन सेइं ज़ोवं, ज़ैखन मैनेरू मट्टू यानी अवं वापस एज्जेलो तैस मौके स्वर्गरू राज़ तैन दश अड्लैई कुइयां केरू जेरू भोलू, ज़ैना अपनि मिसालां बैलतां लाड़े सेइं मिलनेरे लेइ निस्सी। 2 तैन मां पंच बेवकूफ थी, पन पंच अक्लमन्द थी। 3 ज़ैना बेवकूफ थी तैनेई मिसालां त नी, पन होरो तेल साथी न नीयो। 4 “पन ज़ैना अक्लमन्द थी तैनेई मिसालां केरे अलावा कुप्पन मां होरो तेल भी साथी नीयो।” 5 लाड़ो एजने चिर लग्गू, ते तैना सब बलगत-बलगत डिगरी लेइ देने, ते झुल्ली जेई। 6 “अध्धी रात भोइ त शौर मच्ची कि लाड़ो

ओरोए, ते तैस सेइं मिलनेरे लेइ एज्जा। 7 तैखन सैरी अड्लैई कुइयां बींझी, ते अपनि-अपनि मिसालां ठीक केरने लेगि। 8 बेवकूफ कुइयेई अक्लमन्द अड्लैई कुइयन सेइं ज़ोवं, ‘अपने तेल मरां थोड़ो ज़ेरो तेल असन भी देथ, किजोकि इश्शी मिसालां हिश्शने लोरिन।’ 9 पन अक्लमन्देई जुवाब दित्तो, ‘असन कां एत्रो तेल नई, कि इश्शे लेइ ते तुश्शे लेइ पूरो भोए, तुस एरू केरा कि बेचनेबालन करां आनां।’ 10 ज़ैखन तैना तेल घिन्ने ज़ेलोरि थी त तैत्रे मां लाड़ो पुजी जेव, ते ज़ैना तियार थी, तैना लाड़े सेइं साथी अन्तर इलाएरे घरे मां चेलि जेई, ते दार बंद केरतां छूइ। 11 बादे मां तैना होरि अड्लैई कुइयां भी वापस पुजी ते लाड़े जो ज़ोने लेगि, ‘प्रभु! प्रभु!’ इश्शे लेइ दार खोल्ल। 12 पन तैनी जुवाब दित्तो, ‘अवं तुसन सेइं सत्र जोताई, अवं तुसन न ज़ैनी।’ 13 एल्हेरेलेइ खबरदार राथ, किजोकि तुस मेरे वापस एजनेरे दिहाड़े बरे मां न ज़ानथ।” 14 ज़ैखन मैनेरू मट्टू यानी अवं वापस एज्जेलो त स्वर्गरू राज़ तैस मैनेरो जेरू भोनूए, जै दूर मुलखे जेव, तैनी अपने नौकर कुजाए ते सारी दौलत तैन दित्ती, ते तैन ज़ोवं एस दौलती सेइं होरि भी कमाई केरा। 15 “तैनी एक्की पंच तोड़े दित्ते होरि दूई तोड़े दित्ते, ते एक्की अक्के तोड़ो दित्तो, हर एक्की तैसेरे काबलीतरे मुताबिक दित्ते, ते एप्पू होरि मुलखे जो च़लो जेव।” 16 ज़ैस नौकरे पंच तोड़े मैल्लोरे थिये, तैनी गेइतां कारोबार केरतां पंच तोड़े होरे कमाए। 17 एन्चरे ज़ैस नौकरे दूई तोड़े मैल्लोरे, तैनी दूई होरे कमाए। 18 पन ज़ैस नौकरे अक तोड़ो मैल्लोरो थियो, तैनी मित्ती घेइतां मालिकेरी रकम छपेइतां छडी। 19 बडे चिरेरां पत्ती तैसेरो मालिक वापस अवं, ते नौकरन सेइं हिसाब केरने लगो कि तैनेई तैन तोड़ां केरू कुन कियूं। 20 “ज़ैस नौकरे पंच तोड़े मैल्लोरे थिये, तैनी गेइतां पंच होरे तोड़े हाज़र कमाए ते ज़ोने लगो, ‘हे मालिक तीं पंच तोड़े दित्तोरे, ते हेर मीं पंच तोड़े होरे कमाए।’ 21 मालिके तैस सेइं ज़ोवं, ‘शाबाश ईमानदार नौकरा तीं थोड़ी ज़ेरि रकमी पुड़ इमानदेरी सेइं कम कमाव, अवं तीं बेडि चीज़ां केरो मुख्तियार बनालो, ते अपने मालिकेरी खुशी मां शामिल भो।” 22 ते ज़ैस दूई तोड़े मैल्लोरे थिये, तै भी अवं ते ज़ोने लगो, “हे मालिक तीं मीं दूई तोड़े दित्तोरे थिये, ते हेर मीं दूई तोड़े होरे कमाए।” 23 मालिके तैस सेइं ज़ोवं, ‘शाबाश ईमानदार नौकरा तीं थोड़ी ज़ेरि रकमी पुड़ इमानदेरी सेइं कम कमाव, अवं तीं बेडि चीज़ां केरो मुख्तियार बनालो, ते अपने मालिकेरी खुशी मां शामिल भो।” 24 ते ज़ैस अक तोड़ो मैल्लोरो थियो, त तै भी हाज़र भोव ते ज़ोने लगो, “हे मालिक अवं ज़ानतो थियो तू बडो सखत मैन्हु आस, तू तैस मैनेरो ज़ेरोस ज़ैनी ऊडारे मां फसल नई बेवरी ते तै तैट्टां फसल कटते।” 25 एल्हेरेलेइ अवं डरो कि अगर अवं तेरी दौलत हिरेइलो त तू मीं सज़ा देलो, तांए तेरी दौलत मां ज़मीनी मां देबतां छडी, हेर, “तेरी दौलत ई आए।” 26 तैसेरे मालिके जुवाब दित्तो, हे दुष्ट ते निकम्मे नौकरा अगर तीं पतो थियो, कि अवं तैस मैनेरो ज़ेरोई ज़ैनी ज़ैस ऊडारे मां नई बेवरू त तैट्टां कटते।

27 त तीं एन लोडतू थियू कियोरू, कि मेरी दौलत शौकारां केरे हवाले केरस, तैखन अवं वापस एइतां अपनि दौलत सूते समेत उसुल केरेथो। 28 हुनी एन केरा कि एस करां तै तोडो नेइतां तैस देथ जैस कां दश तोडेन। 29 एल्हेरेलेइ जैस कां परमेशेरी मर्जी समझनेरी इच्छा आए, तैस परमेशर जादे समझ देलो। पन जैस कां परमेशेरी मर्जी समझनेरी इच्छा नई, तैस केरां, थोड़ी जेरी समझ जै तैस कां आए, तै भी नी गाली। 30 ते एस निकम्मे नौकरे आंधरे मां छुट्टा, जैड़ी ए लेरां देतो ते दंत ज्ञापतो राए। 31 जैखन मैनेरू मट्टू यानी अवं, अपने महिमा मां अपने स्वर्गदूत सेइं साथी एज्जेलो त अपने महिमारे तखते पुड़ बिश्तां लोकन पुड़ राज़ केरेलो। 32 सैरी कौमां मीं कां अकोट्टी भोली, ते धर्मी लोक बुरे लोकन करां अलग किये गानेन, जेन्चरे पुहाल भैड्डन, छेल्लन मरां अलग केरते। 33 ते अवं धर्मी लोकन सेइं जैना मेरे देइने पासे भोले, ते बुरे लोकन जैना मेरे बांए पासे भोले। 34 तैखन राज़ो यानी अवं अपने देइने पासेरे लोकन सेइं ज़ोलो, “एज्जा मेरे बाजरे धन लोकव इन राज़, जैन दुनियारे शुरु मां तुशे लेइ तियार कियोरूए। 35 किजोकि अवं नियन्तो थियो, ते तुसेईं मीं रोटी खुवाई, अवं ट्लिशोरो थियो, ते तुसेईं मीं पानी पियावं अवं परदेशी थियो, ते तुसेईं अवं अपने घरे मां कुजाव। 36 अवं नग्गो थियो, ते तुसेईं मीं लिगड़ां दित्तां, ते अवं बिमार थियो, ते तुसेईं मेरी हेरगेश की अवं कैद थियो, ते तुस मीं मिलने आए।” 37 तैखन तैना धर्मी मैनु ज़ोलो, “हे प्रभु असेईं कैखन तू नियन्तो लाव, ते असेईं तीं रोटी खुवाई या तू ट्लिशोरो थियो, ते असेईं तीं पानी पियावं।” 38 असेईं कैखन परदेशी सेमझतां तू अपने घरे मां रखवो, या तू नग्गो थियो, ते असेईं तीं लिगड़ां दित्तां? 39 ते अस कताली तीं बिमार या कैद लेइतां तीं सेइं मिलने आए? 40 तैखन राज़ो यानी अवं जुवाब देलो, “कि अवं तुसन सेइं सच ज़ोताई कि जैखन तुसेईं इन लोकन सेइं जैनेईं मीं पुड़ विश्वास कियो एक्की सेइं भी एरो बर्ताव कियो त एन बुझा कि एन तुसेईं मीं सेइं कियूं।” 41 तैखन ते बांए पासे बालन सेइं ज़ोलो, “हे लानती लोकव मेरे तुत्तरे अगरां तैस हमेशारी बैलती अग्गी मांजो गाथ, जै परमेशरे, शैतान त कने शैतानेरे दूतां केरे लेइ तियार कियोरीए। (aiōnios g166) 42 एल्हेरेलेइ जैखन अवं नियन्तो थियो, ते तुसेईं मीं रोटी न खुवाई अवं ट्लिशोरो थियो, ते तुसेईं मीं पानी न पियावं। 43 अवं परदेशी थियो, ते तुसेईं अवं अपने घरे मां न रखवो, अवं नग्गो थियो, ते तुसेईं मीं लिगड़ां न दित्तां, ते अवं बिमार ते कैद थियो, ते तुस मीं सेइं मिलने न आए।” 44 तैखन तैना लोक भी ज़ोले, “हे प्रभु असेईं कताली तू नियन्तो या ते ट्लिशोरो या परदेशी ते नग्गो या बिमार या कैद लाव ते असेईं तेरी सेवा न की?” 45 तैखन अवं अपने बांए पासेरे लोकन जुवाब देलो, “अवं तुसन सेइं सच ज़ोताई कि जैखन तुसेईं मेरे इन निकडे करां निकडे लोकन पुड़ जैना मीं पुड़ विश्वास केरतन एक्की सेइं भी एरो ज़ेरो बर्ताव कियो त एन बुझा कि एन मींए सेइं कियूं। 46 एल्हेरेलेइ एन लोकन हमेशारे

लेइ सज़ा भोली, पन धर्मी लोकन हमेशारी ज़िन्दगी मैलेली।”

(aiōnios g166)

**26** जैखन यीशुए एन गल्लां की, त तै अपने चलन सेइं ज़ोने लगे। 2 “तुसन पतोए कि दूई दिहैडना बाद फ़सह तिहारे, ते मैनेरू मट्टू कूसे पुड़ चाढ़नेरे लेइ ट्लुवाव गाए।” 3 तैखन प्रधान याजक ते कौमरे बुजुर्ग कैफ़ा महायाजकेरे अंगने मां अकोट्टे भोए। 4 ते तेनेईं सल्लाह की, कि यीशु धोखे सेइं ट्लेइतां मैरी छडम। 5 पन तैना ज़ोते थी, कि फ़सह तिहारेरे मौके पुड़ नई, एरू न भोए कि लोक हंगामो केरन। 6 तैस मौके यीशु बैतनिय्याह इलव्वे मां शमौन कोद्रेरो घरे मां थियो। 7 ते अक कुआन्श शंखमरमरी भांडे मां इत्र घिन्तां यीशु कां आई, तैखन ते रोटी खानेरे लेइ बिशोरो थियो, त तैसेरे दोग्गो पुड़ तै इत्र उलटाव। 8 चले एन लेइतां बड़े नाराज़ भोए ते ज़ोने लगगे, “कि ए किजो बराबर कियो?” 9 अगर ए बेजोरो भोथो, त बड़ी कीमत मैलनी थी, जै गरीबन बेन्टतां देथे। 10 यीशुए एन शुन्तां तैन सेइं ज़ोव, “तुस एस कुआन्शी किजो तंग केरने लोरेथ? एसां त मीं सेइं रोडू कियोरूए। 11 गरीब त हमेशा तुसन सेइं साथी भोनेन, पन अवं तुसन सेइं साथी हमेशा नई भोने। 12 तैसां मेरी जानी पुड़ जै ई इत्र उलटावरोए, तैसां मेरे दबनेरे लेइ कियोरू। 13 अवं तुसन सेइं सच ज़ोताई, कि सैरी दुनियार्ई मां जैड़ी भी खुशखबरी शुनाई गाली, तैड़ी तैसेरी यादागैरी मां एस गल्लरे बारे मां भी ज़ोवं गालू।” 14 फिरी 12 चलन मरां अक जेसेरू नवं यहूदा इस्करियोती थियूं प्रधान याजकन कां जेव ते ज़ोवं। 15 “अगर अवं यीशु तुसन ट्लुवेइं, त तुस मीं कुन देले? तेनेईं तैस ट्लाही चँदरे सिके दित्ते। 16 ते ते तैइसेरो तै ठीक मौके बलगने लगे कि यीशु केन्चरे सेइं ट्लुवाए।” 17 “अखमीरी रोट्टारे तिहारेरी पेइली दिहाड़ी चले यीशु कां एइतां पुच्छने लगगे कि, तू फ़सह तिहारेरी रोटी कोइ खानी चातस, ताके अस गेइतां तियारी केरम?” 18 तैनी ज़ोवं, “नगर मां अक फ़लानो मैनुए, ते तुस तैस कां गाथ ते तैस ज़ोथ, कि गुरु ज़ोने लगगोरोए, मेरो वक्त नेडे पुजोरोए ते अवं अपने चलन सेइं साथी फ़सह तेरे घरे मां मनेइलो।” 19 बस्सा जेरो यीशुए अपने चलन हुक्म दित्तोरो थियो, तेनेईं तेन्चरे फ़सह तिहारेरी रोटी तियार की। 20 जैखन इलोझ भोइ त यीशु 12 चलन सेइं साथी रोटी खाने बिश्शो। 21 ते रोटी खांते बार यीशुए तैन सेइं ज़ोवं, “अवं तुसन सेइं सच ज़ोताई कि तुसन मरां अक मीं ट्लुवालो।” 22 “एन शुन्तां तैना सारे चले उदास भोए, तैना बैरी-बैरी सेइं तैस पुच्छने लगगे, हे प्रभु कुन अव्वे त नई?” 23 तैनी जुवाब दित्तो, “जैनी मीं सेइं साथी थैली मां हथ छडोरोए, तैए मीं ट्लुवालो। 24 मैनेरे मट्टेरे लेइ त ज़ेरू तैसेरे बारे मां लिखोरूए तैस सेइं तेरह कियूं गाते, पन अफ़सोस तैस मैनु पुड़ जेसेरी वजाई सेइं तैन ट्लुवाव जेव, तैसेरेलेइ एन्ने रोडू थियूं कि ते ज़मॉरो न भोथो। 25 तैखन ट्लुवानेबालो यहूदा ज़ोने लगे, हे गुरु अव्वे त नई? तैनी तैस सेइं ज़ोवं, तीं एप्पू ज़ोवं।” 26 खांते बार यीशुए रोटी

ट्लाती, ते बरकत मेगतां टलोडी, ते चेलन कां देइतां ज़ोवं यांथ 48 तैसेरे ट्लुवाने बाले तैन ई निशान दित्तोरो थियो, कि ज़ैस खाथ ई मेरी जाने। 27 फिरी यीशुए दाछरे रसेरो कटोरो ट्लातो, अवं फुम्मडी देइलो त तैए, ते तुस तैस ट्लेइयथ। 49 ते तैखन ते परमेशेरू शुक्र केरतां चेलन कां दित्तो ते ज़ोवं, “यांथ तुस सब इस मरां पीया। 28 किजोकि ई मेरे नंवे करारे मां मेरो तै खूने ज़ै बड़ां केरे पापां केरि मैफारे लेइ दित्तो गाते। 29 अवं तुसन सेइं ज़ोताई, कि अवं दाछारो ई रस फिरी कधे न पियेलो ज़ां तगर परमेशेरू राज़े मां तुसन सेइं साथी नंवो न पीं।” 30 तैल्ला पत्ती, यीशु त कने तैसेरे चले परमेशेरू भजन ज़ोइतां, यरूशलेम नगरे बेइर ज़ैतून नंवेरे पहेडी पुइ चली जे। 31 तैखन यीशुए तैन सेइं ज़ोवं, “तुस अजे राती मेरी वजाई सेइं ठोकर खाले, किजोकि लिखोरूए, ‘अवं पुहाले मारेलो ते धनेरी भैड्डां तितर-बितर भोली।’ 32 पन अवं ज़ीतो भोइतां तुसन करां पेइले गलील इलाके मां गेइलो।” 33 पतरसे तैस सेइं ज़ोवं, “अगर सारे तेरी वजाई सेइं ठोकर खान त खान, पन अवं तेरे बारे मां कधी ठोकर न खेइलो।” 34 यीशुए तैस सेइं ज़ोवं, “अवं तुसन सेइं सच ज़ोताई कि अज राती कुकड़ बांग देनां पेइले तू मेरो ट्लाई बार इन्कार केरेलो।” 35 पन पतरसे ज़ोवं, “अगर तीं साथी मां मरनू भी पे, त तांभी अवं तेरो इन्कार न केरेलो ते सैरी चलेई भी एन्ने ज़ोवं।” 36 तैखन यीशु अपने चेलन सेइं साथी एककी ठेरी पुजो, ज़ैस ठारारू नवं गतसमनी थियूं, ते तै अपने चेलन सेइं जोने लगे, तुस इडी बिश्शा, ते तांतगर अवं उडी अगर गेइतां प्रार्थना केरताई। 37 तैनी पतरस ते जेब्देरां दुइये मट्टां साथी नियां, ते तैडी तै बडे परेशान भोने त कने घबराने लगे। 38 फिरी यीशु तैन सेइं, इस दुखेरे वजाई सेइं मेरे प्राण निसने लोरेन इडी बिश्शारे राथ ते बींझे राथ। 39 फिरी थोडो जेरे अगर गेइतां तल्ले मां मथ्थो टेकतां खिरको ते प्रार्थना की, “हे बाजी अगर भोइसखे त ई कटोरो मीं करां टेली गाए, फिरी भी ज़ैन अवं चाताई तैन नई बल्के ज़ैन तू चातस तैन्ने भोए।” 40 फिरी तै चेलन कां वापस अव ते तैना झुलोरे लाए, ते तैने पतरसे सेइं ज़ोवं, “कुन तुस अक घड़ी भी मीं सेइं साथी बींझे न बिश्शी सके?” 41 बींझे बिश्शा ते प्रार्थना केरते राथ ताके तुस अजमैइशी मां न राथ, आत्मा त तियारे पन जान कमज़ोरे। 42 यीशुए फिरी जेव, ते ई प्रार्थना की, “हे मेरे बाजी ई दुखेरो कटोरो मेरे पीने बगैर टेली न सखे, त तेरी मर्जी पूरी भोए।” 43 तैखन तै चेलन कां एइतां तैना फिरी झुलोरे लाए, किजोकि तैन केरि एछछी अंइले सेइं गिरकी भोरी थी। 44 ते तैन तैडी छेइतां चलो जेव, ते फिरी तैए प्रार्थना केरने लगे ज़े पेइली कियोरी थी। 45 तैसेरां बाद तै चेलन कां वापस अव, ते तैन सेइं जोने लगे, “हुनी झुलोरे राथ ते आराम केरा, हेरा तै मौको नेडे पुजोरोए, ते मैनेरू मट्टू पापी लोकां केरे हवाले कियूं गाते। 46 उठा, चलम। हेरा! मीं ट्लुवानेबालो नेडे पुज्जी जोरोए!” 47 तै एना गल्लां जोने लोरो थियो, त यहूदा ज़े 12 चेलन मरां थियो तैडी पुजो, तैस सेइं साथी बडे मैन्हु थिये ज़ैना तलवारां ते लट्टां धिन्तां ओरे थिये तैना प्रधान याजकन ते कौमरे बुजुर्ग लोकेईं भेजोरे थिये।

48 तैसेरे ट्लुवाने बाले तैन ई निशान दित्तोरो थियो, कि ज़ैस अवं फुम्मडी देइलो त तैए, ते तुस तैस ट्लेइयथ। 49 ते तैखन यहूदा, यीशु कां एइतां ज़ोवं, हे गुरू नमस्कार, ते एइतां तैस फुम्मडी दित्ती। 50 यीशुए तैस सेइं ज़ोवं, हे मेरे दोस्ता ज़ैस कम्मरे लेइ तू ओरोस तैन कम केर, तैखन लोकेईं एगरोइतां यीशु पुइ हथ रखे ते ट्लाव। 51 यीशुए सैथन मरां एक्के अपनि तलवार कढी, ते महायाजकेरे नौकरे पुइ बाई ते तैसेरो कन्न कटो। 52 तैखन यीशुए तैस जो ज़ोवं, तलवारी मियांने मां रख किजोकि ज़ैना तलवार चलातन तैना तलवारी सेइं मारे गाले। 53 “कुन तू न ज्ञानस अवं अपने बाजी करां मिनत केरि सकताई तै हुन्ना स्वर्गदूतां केरि 12 फौवजां बल्के तैस करां भी जादे भेजते। 54 पन फिरी तैना पवित्रशास्त्रेरी गल्लां केन्चरे पूरी भोनिन ज़ैन केरू पूरू भोनु ज़रूरीए?” 55 तैखन यीशुए तैन हछे लोकन सेइं ज़ोवं, “अवं कुन कोई डैकू आई ते तुस मींजो डांग सोटे ते तलवारां ट्लेइतां मीं ट्लाने ओरेथ? अवं त रोज़ मन्दरे मां बिश्तां शिक्षा देतो थियो ते तैखन तुसेईं अवं नई ट्लुगतोरो? 56 पन एन सब किछ एल्हेरेलेइ भोवं, कि पवित्र बचने मां नेबी केरि लिखोरी गल्लां पूरी भोन, तैखन सारे चले तैस तैडी छेइतां चले जे।” 57 ते यीशु ट्लानेबाले तैस महायाजक कैफा कां धिन्तां जे, ज़ैडी तैना शास्त्री ते बुजुर्ग अकोट्टे भोरे थिये। 58 ते पतरस भी दूरां दंतो पत्पती तैस महायाजकेरे अंगनेर तगर जेव, ते तैडी पेरेहेदारन सेइं साथी बिश्तां यीशुएरो अन्त लोरो थियो हेरने कि कुन केरतन। 59 प्रधान याजक ते कने सारी महासभा यीशुएरे खलाफ गवाही तोपनेरी कोशिश केरि राओरे थिये, कि ज़ैस सेइं यीशु कल्ल कियो गाए। 60 पन कोई गवाह न मैल्लो, हालांकी बडे झूठे गवाह भी पैश भोए, आखकार दूई गवाह पैश भोए। 61 ते ज़ोने लगे, एनी ज़ोरू कि “अवं परमेशेरू घर डोलतां ट्लेइ दिहाइन मां फिरी खडू केरि सकताई।” 62 तैखन महायाजक खडो भोइतां यीशु पुच्छने लगे, “कुन तू कोई जुवाब न देस, इना लोक तेरे खलाफ कुन गवाही देतन?” 63 पन यीशु चुप राव, “तैखन महायाजक फिरी पुच्छने लगे, तीं ज़ीते परमेशेरू कसम भोए कि असन ज़ो, कि तू परमेशेरू मट्टू मसीह आस? 64 यीशुए जुवाब दित्तो, तीं एप्पू जोई छडू ते हुनी अवं भी ज़ोताई कि अज्जेरे बाद तुस मैनेरे मट्टे परमेशेरू देइने पासे बिश्शारे लाएले, ते अम्बरे पुइ बिदलारी मां एइते लाएले।” 65 तैखन महायाजके अपना लिंगडां छिंदा, ते ज़ोने लगे, एनी परमेशेरू तुहीन कियोरीए हुनी असन केन्ची गवाहेरी ज़रूरत नई, तुसेईं हुन्ना एसेरू झूठ थुनेरूए। 66 तुश्शी कुन राईए? तैनेईं जुवाब दित्तो ए कतलेरे काबल आए? 67 तैखन तैनेईं तैसेरे तुत्तरे पुइ थुकू ते तैस घुसेइं ते होरेईं थपुइ मरैतां ज़ोवं। 68 “हे मसीह अगर तू नबी आस त भविष्यवाणी केर ते ज़ो, तीं केनि बाहोरिए?” 69 पतरस बेइर अंगने मां बिश्शोरो थियो, ते अक नौकरानी तैस कां आई ते ज़ोने लगगी कि तू भी यीशु गलीली सेइं साथी थियो। 70 तैनी सेब्भी केरे सामने इन्कार कियो ते

जोवं, “मीं नई पतो तू कुन लोरिस ज़ोने? 71 तैखन पतरस बेडर फाटकेरे पासे जेव, त अक होरि नौकरानी तैस लेइतां तेन सेइं जैन तैडी थी ज़ोने लाई, ई मैन्हु भी नासरतेरे यीशु सेइं साथी थियो।” 72 पन तैनी सेब्मी केरे सामने कसम केरतां इन्कार कियो, ते ज़ोवं, अवं एस मैन्हु सैइयां न ज़ैनी। 73 थोड़े चिरिंरां पत्ती तैना लोक ज़ैना तैडी खइखइ थिये, पतरसे कां आए ते ज़ोने लगगे, सच्छे तू भी तैन्ने मरां अक आस, किजोकि तेरी बोली सेइं बुझोते कि तू तैसेरो साथिस। 74 तैखन तै तैस जो गईं देइतां ज़ोने लगगे, ते कसम केरतां ज़ोने लगगे, “अवं एस मैन्हु सैइयां न ज़ैनी।” तैखन कुकड़े बांग दिती। 75 पतरसे तैखन यीशुएरी तै गल याद आई, ज़ै तैनी ज़ोरी थी कि कुकड़ेरे बांग देने करां पेइले तू टलेइ बार मेरो इन्कार केरेलो, ते पतरस बेडर गेइतां हुस्बुकैइं-हुस्बुकैइं लेरां देने लगगे।

**27** झेइल भोते सारे लोक ते प्रधान याजक, ते कौमरे बुजुर्गईं मुशोरो कियो कि यीशुएरे कल्ल केरनेरो फैसलो कियो। 2 ते यीशु बंधतां नीयो, ते रोमी गवर्नर पिलातुसे कां नीयो। 3 ज़ैखन यहूदा ज़ैनी यीशु टलुवेवरो थियो तैस एसास भोव, कि यीशु मुर्जम बनोरोए त तैनी बडू पशतावं, ते तैना चेंदरे टलही सिक्के प्रधान याजक ते बुजुर्गन कां वापस आने। 4 ते ज़ोने लगगे, “मीं पाप कियो, कि अक बेकसूर मैन्हु, मारने लेइ टलुवाव,” ते तैना ज़ोने लगगे, “असन कुने? तू ज़ान ते तेरू कम ज़ाने।” 5 तैखन यहूदा तैना सिक्के मन्दरेरे अंगने मां शैरतां छडे, ते तैट्टां गेइतां अपने आपे फांसी दिती। 6 प्रधान याजकेईं तैना सिक्के सल्ले, ते ज़ोने लगगे, “इन् सिक्के इश्शे कानूनेरे मुताबिक मन्दरेरे खज़ाने मां रखने जेइज नई, किजोकि ए कोन्ची मैन्हु मारनेरी कीमतते।” 7 एल्हेरेलेइ तैनेईं मुशोरो केरतां तैस रकमी सेइं कुम्हारे करां अक ऊडार घिन्नु, ताके परदेशी केरे लेइ कब्रस्तान बनावं गाए। 8 तांए त अज़ तगर भी तैस ऊडारे जो खूनेरू ऊडार ज़ोतन। 9 तैखन तै गल पूरी भोइ ज़ै यिर्मयाह नेवे ज़ोरी थी, कि तैनेईं तैसेरी पूरी कीमत चेंदरे टलही सिक्के निये, ए कीमत इस्त्राएलेरे लोकेईं कियोरी थी। 10 ते तैन चेंदरे टलही सिक्केइं सेइं कुम्हारेरू ऊडार घिन्ने जो दिते ज़ेन्चरे प्रभुए मीं हुक्म दित्तोरो थियो। 11 ज़ैखन यीशु हाकिमेरे तुत्तरे अगर खडो थियो, ते हाकिम तैस पुच्छू, “तू यहूदी केरो राज़ोस?” यीशुए ज़ुवाब दित्तो, “तू एप्पू ज़ोने लोरोस।” 12 ते ज़ैखन प्रधान याजक ते बुजुर्ग तैस पुड़ इलज़ाम लाने लोरे थिये त यीशुए कोई ज़ुवाब न दित्तो। 13 तैखन पिलातुसे यीशु सेइं ज़ोवं, “हेर एना तेरे खलाफ केत्री गवाहैईं लोरेन देने तू शुन्तस की नई।” 14 पन यीशुए तैस एक्की गल्लारो भी ज़ुवाब न दित्तो; ते इडी तगर कि हाकिम बडो हैरान भोइ जेव। 15 ते हाकिमेरो अक दस्तूर थियो, कि फ़सह तिहारेरे मौके पुड़ अक कैदी ज़ैस लोक चाते थिये तैस हथरां छडतो थियो। 16 तैस मौके तैन केरो अक बडो मुशूर कैदी थियो, ज़ेसेरू नवं बरअब्बा थियूं। 17 ज़ैखन तैना लोक पिलातुसे कां जम्हां भोए, त पिलातुसे तैन पुच्छू, “तुस कुन चातथ, अवं

केस हथरां छेड्डी? बरअब्बा कि यीशु ज़ैस जो मसीह ज़ोतन?” 18 किजोकि तै ज़ानतो थियो, कि तैनेईं सिर्फ जलनी सेइं तै टलुवोरोए। 19 ज़ैखन तै आदालतरी तखते पुड़ बिशोरो थियो, त तैसेरी कुआन्शां तैस जो समदा भेजोरो थियो, “कि तू एस रोडे मैनेरे बारे मां किछ न करां, किजोकि मीं अज़ राती एसेरी वजाई सेइं सुपने मां बडो दुःख भोरोए।” 20 पन प्रधान याजकेईं ते बुजुर्ग लोकेईं लोक बमकाए, कि तैना पिलातुसे करां बरअब्बा हथरां छडन ते यीशु मारन। 21 ज़ैखन हाकिमे तैन लोकन पुच्छू, “कि तुस एन दुईन मरां केस चातथ, अवं तैस हथरां छेड्डी,” तैन लोकेईं ज़ोवं, “बरअब्बा।” 22 पिलातुसे तैन पुच्छू, “फिरी अवं यीशु ज़ैस जो मसीह ज़ोतन तैस सेइं कुन केरि?” सब लोक ज़ोने लगगे “एस कूसे पुड़ चाढ।” 23 हाकिमे ज़ोवं किजो? “एनी कुन बुराई कियोरीए? पन तैना मना ज़ोरे-जोरे ज़ोने लगगे कि एस कूसे पुड़ चाढ।” 24 ज़ैखन पिलातुसे हेरू कि किछ भी बन्ने बालू नई बल्ले उलटो फसाद भोने बालोए, त तैनी पानी मेगतां तैन मैन्हु केरे सामने हथ धोए ते ज़ोवं, “कि अवं एस एक्की धर्मी मैनेरे खूने करां बरी भोइताई, तुसे ज़ाना।” 25 ते सारे लोकेईं ज़ुवाब दित्तो, “एसेरो खून असन पुड़ ते इश्शी औलादी पुड़ भोए।” 26 तैखन पिलातुसे बरअब्बा हथरां छडो, ते यीशुए कोड़े बावैहीतां तैन केरे हवाले कियो, ताके तैना तैस कूसे पुड़ चाढन। 27 ते तैखन हाकिमेरे सिपैहीयेइं यीशु महलेरे अंगने मां नेइतां सारे फौजरे सिपाही यीशुएरे चुफुरतां जम्हां भोए। 28 तैनेईं तैसेरां लिगड़ां खोल्लां ते तैस अक लाल रंगेरो चोगो लुवाव। 29 फिरी कंटां केरू ताज तैसेरे दोगे पुड़ रख्बू, ते तैसेरे देइने हथ्थे मां अक निरेठरी लैठ दिती, ते तैस कां मथ्थो टेकतां तैसेरी हासी बनाने लगगे, ते ज़ोने लगगे, “हे यहूदी केरे राज़ा नमस्कार।” 30 तैना तैस पुड़ थुकते ते सोटी सेइं तैसेरे दोगे पुड़ बाते थिये। 31 ज़ैखन तैनेईं तैसेरो मज़ाक बनाव, त तैसेरो चोगो खोल्लो, ते फिरी तैस तैसेरां लिगड़ां लुवां ते तैट्टां चले, ताके तैस कूसे पुड़ चाढन। 32 ज़ैखन तैना तैट्टां चलोरे थिये, त तैन शमीन कुरेनी नंवेरो अक मैन्हु मैल्लो, तैन लोकेईं तै टलातो ताके यीशुएरू कूस छुइतां चलाए। 33 ते यीशु गुलगुता नंवेरी ठैरी पुज़े, ज़ेसेरो मतलबे खोपड़ारी ठार। 34 तैडी तैनेईं यीशु दाछारो रस ते टलिठो रस मिलेइतां पीने जेईं दित्तो, पन तैनी पीनी न चाव। 35 ज़ैखन तैनेईं यीशु कूसे पुड़ चाढो त शर्त रेखतां चिट्ठी छेडतां तैसेरां लिगड़ां भी एप्पू मामेइं बंटा। 36 ते तैडी बिश्तां तैसेरो पैरहो केरने लगगे। 37 ते तैनेईं तैसेरो जुर्म एक्की पेखडी पुड़ लिखतां तैसेरे दोगे करां बा लाई ज़ैस पुड़ एन लिखोरू थियूं, “ई यहूदी केरो राज़ो यीशु आए” 38 तैखन तैस सेइं साथी दूई डैकू भी कूसे पुड़ चाढे, अक यीशुएरे देइने पासे, ते होरो बांए पासे। 39 तैट्टां गानेबाले सारे लोक दोग हिलेइतां गाते थिये ते तैसेरी तुहीन केरते थिये। 40 ते ज़ोते थी इस मन्दरे डोलने बाला ते टलेइ दिहइन मां बनाने बाला, अपनो आप त बचा, “अगर तू परमेशेरू मट्टू आस त एस कूसे पुड़रां उन्डो ओस।” 41 एन्चरे

प्रधान याजक ते शास्त्री ते बुजुर्ग भी तैसेरी हासी बनाते थिये, ते ज़ोते थिये। 42 “एनी हारे बचाए पन अपनो आप न बचेइ बटो, ई त इसाएलेरो राज़ो आए।” अगर हुन्ना भी तू कूसे पुडरां उन्डो ओस्स, त अस तीं पुड विश्वास केरतम। 43 एसेरो भरोसो परमेशरे पुड़े, अगर तै एस चाते त एस बचाए, किजोकि एनी ज़ोरू थियू, “अवं परमेशररू मटू आई।” 44 ते दूई डैकू भी ज़ैना तैस सेइं साथी कूसे पुड़ च़ाढ़ारे थिये, तैना भी तैसेरी तुहीन केरते थिये। 45 दीसेरे 12 बज़ेई सारे मुल्खे मां आंधरू भोवं ते टलेइ बज़न तगर रावं। 46 ते टलेइ बाज़ां केरे लगभग यीशुए बड़े ज़ोरे सेइं ज़ोवं, “एली, एली लमा शबकन्नी?” जेसेरो मतलबे, “हे मेरे परमेशर, हे मेरे परमेशर, तीं अवं किजो शारो?” 47 ज़ैना लोक तैड़ी खड़खड़े थिये, तैन मरां किछ श्रुतां एन ज़ोने लगगे, कि ए त एलिय्याह फुकारने लोरोए। 48 तैखन अक मैन्हु देवइतां जेव, ते अक गलास पैनी मां डोबतां ते निरैठरे सोटी पुड़ टकेइतां पीनेरे लेइ तैसेरे ऐशी सेइं हुरावं। 49 किछ ज़ोने लगगे, “बलगा हुनी हेरतम, कि एलिय्याह एस बचाने एइते कि नई।” 50 ते यीशुए फिरी ज़ोरे सेइं चिन्ड मारी ते प्राण दिते। 51 तैखन मन्दरेरो पड़दो बां देता बुन तगर फेटतां दूई टुकड़े भोइ जे, ते पहाड़ां ते सारी ज़मीन हीलने लगगी। 52 कब्रां खुल्ली जेई, ते बड़े पवित्र लोक ज़ैना मौतरि निडुला मां झुलोरे थिये, ज़ीते भोइ जे। 53 ते कब्रन मरां निस्तां ज़ीते भोनेरां पत्ती पवित्र नगर मां दाखल भोए, ते तैड़ी बड़े होरि लोकेई भी लाए। 54 तैखन तैनी सूबेदार ते तैसेरे सैथेई ज़ैन यीशुएरी निगरानी केरने लोरे थिये, भुंज़ल गांता हेरो, त तैना डेरि जे, ते ज़ोने लगगे, “सच्च़े एन परमेशररू मटू थियू!” 55 तैड़ी बेडि कुआन्शां ज़ैना गलील इलाके मरां यीशु सेइं साथी तैसेरी सेवा केरती तैस पत्ती ओरी थी, ते दूरेरां तकने लोरी थी। 56 तैन मां मरियम मगदलीनी ते याकूब त योसेसेरी अम्मा मरियम ते जब्दरे मट्टां केरि अम्मा साथी थी। 57 ज़ैखन इलोइज़ भोइ त अरिमतियाहरो अक अमीर यूसुफ नव्वेरो मैन्हु ज़े एप्पू भी यीशुएरो चेलो थियो अवं। 58 तैनी पिलातुसे कां गेइतां यीशुएरी लाश मगी, ते पिलातुसे लाश देनेरो हुकम दित्तो। 59 यूसुफे लाश नेइतां एक्की रोड़ि ज़ेरि च़ादरी मां पलैटी। 60 ते तै लाश एक्की नव्वीं कब्री मां ज़ै शफ़डी मां घडोरी थी रख्वी, ते तैस कब्री आग्रोरां अक बट्टो घोड़ तैस उबरो छट्टो। 61 ते मगदलीन इलव्वेरी मरियम ते होरि मरियम तैड़ी तैस कब्रारे सामने बिशोरी थी ज़ैस मां यीशुएरी लाश रखोरि थी। 62 होरसां तियैरारे दिहाड़े बाद यहूदी केरे आरामेरे दिहाड़े प्रधान याजक ते फरीसी लोक मिलतां पिलातुसे कां पुज़े। 63 ते ज़ोने लगगे महाराज़ असन यादे कि तैनी धोखे बाज़े अपने ज़ीते सांसेइं ज़ोरू थियू, “अवं मरनेरे टलेइ दिहाड़ां बाद फिरी ज़ीतो भोनीई। 64 एल्हेरेलेइ हुकम दे ताके टलाई दिहाड़न तगर कब्री पुड़ पेरहो दित्तो गाए, कि एरू न भोए कि तैसेरे चले एइतां तैसेरी लाश चोरन, ते लोकन सेइं ज़ोन कि तै मुड़दन मरां ज़ीतो भोरोए, ए धोखो पेइले धोखे करां भी जादे बुरो भोलो।” 65

पिलातुसे जुवाब दित्तो, “तुसन कां पेरहो देनेबाले आन, गाथ ज़ेनू भोइसखे पेरहो देथ।” 66 तैखन तैनेई गेइतां घोड़े पुड़ मोहर लाई, ते कब्रारे पेरहे लेइ पेरहेदार रख्वे।

**28** आरामेरे दिहाड़े बाद हफतेरे पेइले दिहाड़े टलेकडोंते-टलेकडोंते मगदलीन इलव्वेरी मरियम ते होरि मरियम ज़ैड़ी यीशुएरी लाश कब्री मां रख्वोरी थी, हेरने एई। 2 ते हेरा अक बडो भुंज़ल अवं, किजोकि परमेशररो अक स्वर्गदूत स्वर्गोरां ओरो थियो, ते तैस कब्री अगरां घोड़ उन्डो बिछोइतां तैस पुड़ बिश्शी जेव। 3 तैसेरी शकल सूरत दिहाड़ेरी ज़ेरि रोड़ी थी, ते तैसेरां लिगडां हींवरं ज़ेरां छितां सुफैद थियां। 4 पेरहेदार डेरतां थर-थर कम्बने लगगे ते ज़ेरे मुडदे भोए। 5 स्वर्गदूते कुआन्शन सेइं ज़ोवं, “डरा नन्ना, अवं ज़ानताई कि तुस यीशुए तोपने लोरिथ, ज़े कूसे पुड़ च़ाढ़ोरोए। 6 तै इड़ी नई बल्के ज़ेन्चरे तैनी ज़ोरू थियू, तै ज़ीतो भोरोए, एज्जा ते ठार हेरा, ज़ैड़ी प्रभु थियो। 7 ते जल्दी गेइतां तैसेरे चलन पतो देथ, कि तै मुड़दन मरां ज़ीतो भोरोए, ते तुसन करां पेइलो गलीले मां गाते, ते तुसेई तै लहनोए हेरा मीं तुसन एन ज़ोरूए।” 8 तैखन तैना कुआन्शां डेरतां भी ते खुशी सेइं भी कब्री मरां बेइर एई, ते दौवइती-दौवइती जेई ताके चलन पतो देन। 9 तैखन यीशु तैन मैल्लो, ते तैनी ज़ोवं तुसन शान्ति मैल्ले, ते तैनेई तैसेरे पाव बंते, ते तैस कां मथ्यो टेको। 10 तैखन यीशुए तैन ज़ोवं, डरा न ते गाथ ते मेरे चलन सेइं ज़ोथ कि गलीले मांजो गान, तैना मीं तैड़ी लाएले। 11 हेजू तैना कुआन्शां बत्तां थी कि ज़ैना चलन खबर देने च़लोरी थी, त पेरहेदारन मरां किछ नगर मां जे ते प्रधान याजकन सेइं सारो बिस्तार शुनाव। 12 ज़ैखन महायाजकेई बुजुर्गन सेइं मिलतां मुशोरो कियो, ते तैनेई ई फैसलो कियो कि सिपेहिन बड़े पेइंसे देन, कि तैना ई गल केन्वी सेइं न ज़ोन, कि कब्र केन्चरे खाली भोइ। 13 तैनेई पेरहेदारन एन ज़ोवं, कि तुस एन ज़ोइयथ, कि ज़ैखन अस राती झुल्लोरे थिये त तैसेरे चले आए ते तैनेई तैसेरी लाश नी। 14 अगर ए गल गुवनरि तगर पुज़ेली त अस तैस एप्पू समझामेले त तुसन कोई परेशानी न भोली। 15 ते सिपेहेई पेइंसे नीए ते ज़ेन्चरे तैनेई ज़ोरू थियू तेन्चरे कमाव, ते अज़ तगर ए गल यहूदन मां मुशुरे। 16 11 चले गलीले मां जे, ते तैस पहाड़े पुड़ अकोट्टे भोए ज़ैड़ी गानेरे बारे मां यीशुए तैन ज़ोवरू थियू। 17 ज़ैखन तैनेई यीशु लाव त तैस कां मथ्यो टेको, ते किछन हेजू भी शक थी, कि तै ज़ीतो वापस ओरोए। 18 तैखन यीशु तैन केरे नेइ एइतां ज़ोवं, “धेरतरो ते स्वर्गोरो सारो अधिकार मीं दित्तोरोए। 19 एल्हेरेलेइ तुस गाथ ते सैरी कौमां केरे लोकन चले बनाथ, ते तैन बाजी, ते मट्टेरे, ते पवित्र आत्मारो नव्वे सेइं बपतिस्मो देथ। 20 ते तैन तैना सब हुकम मन्ने शिखाला ज़ैना मीं तुसन दित्तोरेन, ते हेरा, अवं दुनियारे आखरी तगर हमेशा तुसन सेइं साथी आई।” (aiōn g165)

# मरकुस

1 ई यीशु मसीहेरे बारे मां खुशखेबरी शुरुआत आए, जैन परमेशेरू मट्टू आए। 2 (बड़े पेड़ले) यथायाह नेबे अपनि किताबी मां लिखोरू थियू कि, (परमेशरे अपने मट्टे सेइं ज़ोवं,) “शुन, अवं अपनो बिस्तार देनेबालो तीं केरां पेड़ले भेजेलो।” “तै तीं केरां पेड़लो गेइतां तेरे लेइ बत तियार केरेलो। (यानी, लोकां केरे दिल परमेशरे लेइ तियार केरेलो)” 3 “तै बिस्तार देनेबालो सुनसान ठैरी मां लोकन, ज़ैना तैस कां गाले, तैन हक देइतां ज़ोलो कि ‘तुसन कां प्रभु एजनेबालो आए, एल्हेरेलेइ तुस तैसेरेलेइ बत तियार केरा त कने तैसेरेलेइ सड़कां सिद्धी केरा।’ (यानी, प्रभुएरे लेइ तुस अपने दिल साफ केरा)” 4 जेन्चरां लिखोरू थियू, अक बिस्तार देनेबालो अव। तैस मैनेरू नवं यूहन्ना थियू। लोक तैस जो बपतिस्मो देनेबालो भी ज़ोते थियो। तै यहूदिया इलाकेरे सुनसान ठैरी मां अव। तैड़ी तै लोकन परमेशरेरी गल्लां शुनातो थियो कि, “तुस अपने पापन करां मनफिराथ, त कने बपतिस्मो नेथ, ताके परमेशर तुशशे पाप माफ़ केरे।” 5 यहूदिया इलाकेरे बड़े लोक त यरूशलेम नगररे रानेबालन मरां बड़े लोक यूहन्नारी गल्लां शुन्नेरे लेइ सुनसान ठैरी मां तैस कां आए। तैन लोकेई अपने पाप मेन्तां यूहन्ना करां यरदन दरियाए मां बपतिस्मो नीयो। 6 यूहन्ना आम लिगड़ां लातो थियो ज़ैना लिगड़ां ऊँटेरे बालन सेइं बनोरां थियां। तै अपनि कमरी पुड़ चमड़ेरू मज़ बंधतो थियो। ते ते टिट्टां त कने जंगलेरू माछी खातो थियो। 7 तै लोकन शुनातो थियो कि, “कोई अक, ज़ै मीं केरां भी महान आए, मेरे बाद एजनेबालोए। अवं त तैसेरो गुलाम भोनेरे काबल भी नई कि लिकतां तैसेरे बूटेरे तसमे खोल्ली। 8 अवं त तुसन पैनी सेइं बपतिस्मो देताई, पन तै तुसन पवित्र आत्मा सेइं बपतिस्मो देलो” 9 तैल्ला पत्ती, तैन दिहाड़न मां एरू भोवं कि यीशु गलील इलाकेरे नासरत नगरेंरं यूहन्ना कां अव। तैनी यूहन्ना करां यरदन दरियाए मां बपतिस्मो नीयो। 10 ज़ैखन यीशु बपतिस्मो नेइतां पैनी मरां बेइर अव, त तैनी अम्बर खुलतू त पवित्र आत्मा कबूतरेरी शकली मां तैस पुड़ एत्तो लाव। 11 तैखन परमेशरे स्वर्गेंरं यीशु सेइं ज़ोवं, “तू मेरू ट्लारू मट्टू आस, अवं तीं पुड़ बड़ो खुश आई।” 12 तैल्ला पत्ती, अकदम पवित्र आत्मा यीशु सुनसान ठैरी जो भेजो। 13 सुनसान ठैरी मां 40 दिहाड़न तगर शैताने यीशु अज़माव। त तैड़ी यीशु जंगली जानवरन साथी थियो। तैखन परमेशरेरे स्वर्गदूत यीशु कां एइतां तैसेरी सेवा केरने लगगे। 14 किछ वक्तेरां बाद, यूहन्ना नबी कैद कियो जेव। तैल्ला बाद, यीशु गलील इलाके मां जेव। तैड़ी तै लोकन परमेशरेरे राज़ेरे बारे मां खुशखेबरी शुनाने लगगे। 15 तैनी ज़ोवं कि, “ठीक वक्त ओरोए त कने परमेशेरू राज़ नेड़े ओरूए। एल्हेरेलेइ, तुस अपने पापन करां मनफिराथ ते इस खुशखेबरी पुड़ विश्वास केरा।” 16 एकसां, ज़ैखन यीशु गलील नव्वेरे समुन्दरेरे बन्ने चलोरो थियो,

तैखन तैनी दूई मैन्हु शमौन त तैसेरो ढूला अन्द्रियास आए, ज़ैना मेछली ट्लानेबाले थियो। तैना मेछली ट्लानेरे लेइ समुन्दरे मां जाल छेड्डी राओरे थियो। 17 यीशुए तैन सेइं ज़ोवं, “एज्जा मेरे चले बना। अवं तुसन शिखालेलो कि केन्चरां होरे मैन्हु मेरे चले बनानेन।” 18 अकदम तैना अपना जालां छेइतां यीशु पत्ती चले जे। 19 ज़ैखन तैना थोड़े ज़ेरे अगगर जे, त यीशुए याकूब त कने तैसेरो ढूला यूहन्ना आए। तैना दुइये जेब्देरां मट्टां थियां। तैना किशती मां जालां ठीक केरने लगगेरे थिए। 20 अकदम यीशुए तैना अपने चले बनानेरे लेइ कुजाए। तैना दुइये, अपने बाजी जब्दी किशती मां मज़दूरन सेइं साथी छेइतां, यीशु सेइं साथी चले जे। 21 तैल्ला पत्ती, यीशु त तैसेरे चले तैट्टां कफरनहूम नगरें मां जे। आरामेरे दिहाड़े, अकदम यीशु तैन केरे प्रार्थना घरे मां जेव। तैड़ी तै परमेशरेरी गल्लां तैन लोकन शुनाने लगगे। 22 तैना यीशुएरी शिक्षा शुन्तां हैरान भोए, किजोकि तैनी शास्त्री लोकां केरि ज़ेरी शिक्षा न दिती, पन तै अधिकारे सेइं शिक्षा देइ राओरो थियो। 23 ज़ैखन यीशु तैड़ी थियो, त तैन केरे प्रार्थना घरे मां अक मैन्हु थियो, ज़ैस पुड़ भूतेरो सायो थियो। 24 अचानक तैनी मैने चिन्डां मेरतां ज़ोवं, “हे नासरत नगरेरो यीशु! तीं सेइं असन कुन कम? कुन तू असन नाश केरनेरे लेइ ओरोस? अवं ज़ानताई कि तू कौन आस, तू परमेशेरू पवित्र मट्टू आस।” 25 पन यीशुए तैस भूते झिड़कतां ज़ोवं, “चुप रा, एस मैन्हु मरां निस्सी गा।” 26 तैखन भूते तै मैन्हु इलेडेइतां त ज़ोरे सेइं चिन्डां मेरतां तैस मैन्हु मरां निस्सी जेव। 27 एन हेरतां सारे लोक बड़े हैरान भोए। तैना एण्णू मांमेइं गलबात केरतां एककी होरि पुछने लगगे कि, “ए कुन गल आए। ए त अक नव्वी शिक्षा आए ज़ैस मां अधिकार आए। तै त भूतन भी अधिकारे सेइं हुकम देते ते तैना भी तैसेरो हुकम मन्तन।” 28 अकदम यीशुएरे बारे मां ए गल गलील इलाकेरे आसेपासेरे सेछ्भी ठैरन मां फैली जेई। 29 तैना अकदम प्रार्थना घरे मरां निस्तां, याकूब त कने यूहन्ना सेइं साथी शमौन त अन्द्रियासेरे घरे जे। 30 शमौनेरी शिखी भुखारे थियो ते तै लेटोरी थी। अकदम तैनेई तैसेरे बारे मां यीशु सेइं ज़ोवं कि ऊ बिमार आए। 31 यीशुए तैस कां गेइतां तैसारो हथ टलेइतां खड़ी की। अकदम तैसारो भुखार ठीक भोव। ते तै तैन केरि सेवा केरने लगगी। 32 इलोइज़ी ज़ैखन दिहाड़ो डुब्बो, त लोक सारे बिमार मैन्हु त कने ज़ैन मैनन् पुड़ भूतेरो सायो थियो तैना यीशु कां आन्ने लगगे, ताके तै तैनन् बड़ज़ाए। 33 तैस नगरेरे बड़े लोक तैस घरेरे दारे पुड़ अकोट्टे भोए। 34 यीशुए बड़े मैन्हु बड़ज़ाए, ज़ैना बड़े किसमां केरि बिमैरन सेइं दुखी थियो। त तैनी बड़े मैनन् मरां भूतां केरो सायो कड्डो। पन यीशुए भूतन किछ ज़ोने न दित्तू, किजोकि तैना यीशु पिशानतां थियां (कि एन परमेशेरू मट्टू आए)। 35 एग्री दिहाड़ी, झेइज़ां-झेइज़ां दिहाड़ो निस्ने केरां बड़े पेड़ले, यीशु उठतां बेइर एककी सुनसान ठैरी मां जेव। तैड़ी तै प्रार्थना केरने लगगे। 36 पन थोड़े ज़िरेरां बाद, शमौन त तैसेरे साथी, यीशु तोपने जे। 37 ज़ैखन तैनन् तै मैल्लो, त

तैनेई यीशुए सेईं ज़ोव, “(वापस इलाव्वें मां एई, ) सारे लोक तीं अधिकार आए!” फिरी तैनी तैस अधरंगी मैनेरे पासे मुडतां तैस तोप्पी राओरेन!” 38 पन यीशुए तैन सेईं ज़ोव, “एज्जा, अस सेईं ज़ोव, 11 “अव तीं सेईं ज़ोतई, उठ, अपनि खट छुडतां अपने होरि केन्ची आसेपासेरे इल्लोव्वन मां गाम, ताके अव तैन लोकन घरजो गा!” 12 अकदम तै खडो उठो ते अपनि खट छुडतां सारे भी परमेशेरी गल्लां शुनेई। किजोकि अव एस्से कम्मरे लेइ दुनियाई मां ओरोई।” 39 तैल्लेरेलेइ यीशु गलील इलाकेरे सारे मैन्हु केरे सामने निस्तां चलो जेव। एस वजाई सेईं सारे मैन्हु इल्लोव्वन मां गेइतां, तैन केरे प्रार्थना घन मां लोकन परमेशेरी एरू जेरू कथी नई लावरु!” 13 तैल्ला पत्ती, यीशु तैट्टां निस्तां गल्लां शुनातो राव ते बडे लोकन मरां भूतां केरो सायो कढतो फिरी गलील समुन्दरेरे बन्ने जेव। तैखन मैन्हु केरि सारी भीड़ राव। 40 तैल्ला पत्ती, एक्सां अक कोढी मैन्हु यीशु कां अव। तैस कां आई। तै तैन लोकन परमेशेरी गल्लां केरि शिक्षा देने तैनी मैने यीशुएरे सामने ज़ैन्थु केरे भारे बिश्तां तैस कां मिन्त लागो। 14 समुन्दरेरे बन्ने गाते-गाते, यीशुए लेवी नंन्वेरे मैन्हु केरतां तैस सेईं ज़ोव, “अगर तू चास, त मीं बड़्जेईं सकतस। (महरबानी केरतां मीं बड़्जा।)” 41 यीशुए तैस मैन्हु पुड तरस लाव, ज़ैन हलफईसेरू मट्टु थियुं। तै मैन्हु चुंगी नेनेरे दफ़तेरे मां कम केरतो थियो। तैखन यीशुए तैस सेईं ज़ोव, “मीं पत्ती एई, ते मेरो चेलो बन।” अकदम लेवी उठो त यीशु पत्ती चलो। 15 बादे मां, यीशु त तैसेरे चले लेवेरे घरे मां रोटी खाने बिश्शे। तैखन बडे चुंगी नेनेबाले त होरे पापी मैन्हु (लोक तेन केरे बारे मां सोचते थिये कि एना पापिन।) भी यीशु त तैसेरे चलन सेईं साथी रोटी खाने बिश्शे, किजोकि एन केरे ज़ेरे बडे लोक यीशु पत्ती चलते थियो। 16 ज़ैखन किछ शास्त्री लोकेईं त कने फरीसी लोकेईं हेरू कि यीशु पापी मैन्हु त चुंगी नेनेबालन सेईं साथी रोटी खाने लग्गोरोए, तैखन तैनेईं यीशुएरे चलन सेईं ज़ोव, “तै चुंगी नेनेबालन त पैपन सेईं साथी किजो खाते पीते?” 17 यीशुए तैन केरि गल शून्तां तैन मिसाल देइतां जुवाब दितो, “सझर लोकन डाक्टेरेरी ज़रूरत न पे, पन बिमार मैन्हु ज़रूरत पेचे। तेन्चरां, अव तैन मैन्हु केरे लेइ नई ओरोई ज़ैना अपने आपे धर्मी समझतन, पन पापी मैन्हु कुजाने ओरोई, ताके तैना अपने पापन केरां मन फिरान।” 18 यूहन्नारे चले त कने फरीसी लोक बरत रखते थिये, पन यीशुएरे चले बरत न थिये रखते। किछ लोकेईं यीशु कां एइतां तैस पुच्छू, “यूहन्नारे चले ते फरीसी लोकां केरे चले बरत रखतन, पन तेरे चले बरत की न रखन?” 19 यीशुए तैनन् जुवाब दितो, “इलाएरे दिहाडे, ज़ैखन लाडो जैनी सेईं साथी राते, कुन तैना बरत रेख्खी सकतन? (बिलकुल नई) तैल्लेरेलेइ, ज़ांतगर लाडो तैन सेईं साथी राते, तांतगर तैना बरत न रेख्खी सकन। (किजोकि तैना खुशी आन।) 20 मेरे चले भी तैन केरे ज़ेरे आन, किजोकि अव तैन सेईं साथी आई। पन तैना दिहाडे एज्जले, ज़ैखन लाडो तैन केरां अलग कियो गालो (यानी मारो गालो), तैस मौके तैना (अपने दुखेवेरे वजाई सेईं) बरत रेख्खेले।” 21 “अव तुसन अक होरि मिसाल देताई, नंन्वे लिगडेरी टलोई पुराने लिगडे कोई न लाए। अगर कोई एन्चरां केरे, त धोनेरे पत्ती नंन्वे लिगडेरी टलोई पुराने लिगडे अपने पासे खिच्ची छुट्टेली। त तैन पेइले केरां भी जादे छिन्दोलू। 22 तेन्चरे कोई भी पुरैनी मसकन मां नंन्वे दाछारो रस न रखे, किजोकि दाछारो रस अम्लो भोइतां फुलते बार मसकन छिन्दी छुट्टेलो। दाछारे रस त कने मसकां, एना दुइये बरबाद भोइ गाले। एल्लेरेलेइ नंन्वे दाछारे रस हमेशा नंन्वे मसकन मां रेख्खोरो लोडे, ताके मसकन न छिन्दी।” 23 एक्की आरामेरे दिहाडे, यीशु त

**2** किछ दिहाडना बाद, यीशु फिरी कफरनहूम नगरे मां जेव। तैट्टेरे मैनेईं शुनू कि तै तैडी एक्की घरे मां आए। 2 अकदम बडे मैन्हु तैस घरे मां अकोट्टे भोए। तैडी ठार न राई, इडी तगर कि दारे केरां बेइर भी ठार न थी। यीशु तैन लोकन परमेशेरी गल्लां शुनाने लागो। 3 तैखन किछ मैन्हु एक्की अधरंगी मैन्हु छुडतां यीशु कां आए। वेरे मैनेईं तै अधरंगी मैन्हु खट्टी पुड छुडतां आनोरो थियो। 4 मैन्हु केरि भीड़रे वजाई सेईं, तैना यीशुएरे नेडे न पुज्जी सके। एल्लेरेलेइ तैनेईं तैस घरेरी छत ज़ैस मां यीशु थियो पुट्टी छुट्टी। तैल्ला बाद, तैनेईं तै खट ओसाली ज़ैस पुड अधरंगी मैन्हु थियो। 5 यीशुए तैन केरो विश्वास हेरतां अधरंगी मैन्हु सेईं ज़ोव, “हे मट्टु, तेरे पाप माफ़ भोए।” 6 तैखन शास्त्री लोकन मरां किछ मैन्हु ज़ैना तैडी थिये, अपने-अपने मने मां सोचने लग्गे कि, 7 “ए मैन्हु एन्चरां किजो ज़ोते? ए त परमेशेरी तुहीन केरते। परमेशेरे अलावा कौन पाप माफ़ केरि सकते?” 8 अकदम यीशुए ज़ैनी छुट्टू कि तैना अपने-अपने मने मां कुन सोचने लग्गोरेन। एल्लेरेलेइ तैनी तैन सेईं ज़ोव, “तुस अपने-अपने मने मां एन्चरां किजो सोचने लग्गोरेथ? 9 एस अधरंगी मैन्हु सेईं कुन ज़ोनू सुखू आए? एन ज़ोनू कि ‘तेरे पाप माफ़ भोए;’ या एन ज़ोनू कि ‘उठ, अपनि खट छुडतां चल फिर?’ 10 अव किछ केरनेबालोई, ज़ैस सेईं तुसेईं बुज्झनूए कि मैनेरे मट्टे (यानी मीं) घेरती पुड लोकां केरे पाप माफ़ केरनेरो

कने तैसेरे चले बत्ती मामेंडं चलने लगगोरे थिये, जै गेंव्वां केरे ऊडारन मामेंडं थी। चलते-चलते तैसेरे चले गेंव्वां केरे किछ शिल्लां ट्लोइतां खाने लगगे। 24 पन किछ फरीसी लोकेई तैन हेरतां यीशु सेइं ज़ोवं, “तक! एना आरामेरे दिहाड़े तैन कम किजो केरतन, जैन मूसेरे कानूनरे मुताबिक जेइज़ नई?” 25 यीशुए तैन सेइं ज़ोवं, “कुन तुसेई परमेशेरी किताबीं मां एन कधी नई पढोरूए कि (बड़े पेइले) दाऊद राजे कुन कियूं ज़ैखन तैस त तैसेरे सैथन दल्लुख लगगी त तैनन् रोट्टरी ज़रूरत थी? 26 तुसन पतोए कि दाऊद राजे परमेशेरे घरे मां गेइतां, अबियातार नंवेरे महायाजक करां खाने जो रोट्टी मग्गी। दाऊदे तै रोट्टी खाइ, जै परमेशेरे जो चढ़ोरी थी। कानूनरे मुताबिक याजक केरे अलावा होरि केन्ची तैना रोट्टी खानेरी अज़ाज़त नई थी। पन दाऊदे अपने सैथन भी रोट्टी दित्ती त तेनेई भी तैना रोट्टी खेइ? (पन फिरी भी परमेशेरे दाऊदे पुइ दोष न लाव।)” 27 तैखन यीशुए तैन फरीसी लोकन सेइं ज़ोवं, “परमेशेरे आरामेरी दिहाड़ी लोकन मद्दत केरनेरे लेइ बनोरीए, न कि आरामेरे दिहाड़ेरे कानून मननेरे लेइ तैनी लोक रचे। 28 एल्हेरेलेइ, मैनेरू मट्टू यानी अवं आरामेरे दिहाड़ेरो भी प्रभु आई।”

**3** तैल्ला पत्ती, यीशु एककी प्रार्थना घरे मां जेव। तैड़ी अक मैन्हु थियो, जेसेरो हथ शुक्कोरे थियो। 2 तैड़ी किछ फरीसी लोक भी थिये, जैना यीशु पुइ इलज़ाम लानो चाते थिये। एल्हेरेलेइ तैना यीशु ध्याने सेइं हेरने लगगोरे थिये कि आरामेरे दिहाड़े तै तैस मैन्हु बज़्जाते की नई। 3 तैखन यीशुए शुक्कोरे हथेबाले मैन्हु सेइं ज़ोवं, “मज़्जाते खड़े भो।” (ते तै मैन्हु खड़े भोव।) 4 त यीशुए तैन लोकन पुच्छू, “आरामेरे दिहाड़े कुन केरनू जेइजे, मैनेरू भलू केरनू या बुरु केरनू, मैनेरी जान बज़्जानी या मारनी?” पन तैना चुप राए। 5 त तैनी सरकी सेइं तैन केरे चेब्रे पासन तक्कू, पन तैन केरे सखत दिलेरी वजाई सेइं उदास भोव। तैखन तैनी तैस मैन्हु सेइं ज़ोवं, “अपनो हथ अग्रोवं केरा।” तैनी मैने अपनो हथ अग्रोवं कियो। त अकदम तैसेरो हथ बेज्जोव। 6 तैखन फरीसी लोक प्रार्थना घरे मरां बेइर जे। अकदम तैना हेरोदेस राजेरे लोकन सेइं साथी यीशुएरे खलाफ साज़िश केरने लगगे कि यीशुएरो कोस तरीके सेइं कत्ल केरम। 7 तैल्ला पत्ती, यीशु अपने चलन सेइं साथी गलील समुन्दरेरे पासे जेव। मैन्हु केरि बड़ी भीड़ तैस पत्ती चली। गलील त यहूदिया इलाकां केरे लोक तैस कां आए। 8 यरूशलेम नगरेरे लोक, इदूमिया इलाकेरे लोक ते यरदन दरियारे पासेरे लोक त कने सूर त सैदरे आसेपासेरे लोक भी तैस कां ओरे थिये। तैना सब यीशु कां आए, किजोकि तैनेई यीशुएरे सारे चमत्कारेरे कम्मां केरे बारे मां शुनोरू थियूं जैना तै केरतो थियो। 9 यीशुए बड़े लोक हथ लेइतां बज़्जावरे थिये, एल्हेरेलेइ होरे बड़े लोक जैना बड़े बिमार थिये, तैना तैस सेइं हथ लानेरे लेइ तैस पुइ बिछड़ी गाते थिये, ताके तैना भी बेज्जोन। मैन्हु केरि भीड़ बड़ी जादे थी। एल्हेरेलेइ यीशुए अपने चलन सेइं ज़ोवं, “मेरे लेइ अक किशती तियार

केरा, ताके एना लोक मीं दूलेन्ची न सकन।” 11 त जैन लोकन पुइ भूतां केरो सायो थियो, तैना भी यीशु लेइतां तैसेरे पावन पुइ बिछड़ी गाते थिए। तैना भी ज़ोरे-ज़ोरे सेइं जोते थिए कि, “तू परमेशेरेरू मट्टू आस।” 12 यीशुए तैन भूतन सखत हुक्म दित्तो कि, “मेरे बारे मां लोकन न जोथ कि अवं कौन आई।” 13 तैल्ला पत्ती, यीशु एककी पहाड़े पुइ चढ़ो। जैना मैन्नु तै अपने चले बनानो चातो थियो, तैना एप्पू कां कुजाए। तैना तैस कां आए। 14 यीशुए तैन मरां 12 मइद चुने, ते तैन प्रेरित नवं दित्तू कि तैना तैस सेइं साथी-साथी रान, ताके तै तैन लोकन खुशखबरी शुनाने भेजे। 15 यीशुए तैनन्, लोकां केरि बिमैरी बज्जाने त कने मैन्नु मरां भूतां केरो सायो कढनेरो अधिकार दित्तो। 16 तैना 12 मैन्हु केरां नंवां इना थियां: शमोन जेसेरू नवं यीशुए पतरस रखू, 17 याकूब त तैसेरो दूला यूहन्ना, एना दुइये जेब्देरां मट्टां थियां, त यीशुए एन दुइयां केरू नवं बुअनरगिस रखू, मतलब कि, गुइनेरां मट्टां। 18 त अन्द्रियास, फिलिप्पुस, बरतुल्मै, मत्ती, थोमा, याकूब जैन हलफईसेरू मट्टू थियूं, त तदै, शमोन जै पेइले रोमी सरकारारे खलाफ यहूदी लोकां केरि आजैदेरे लेइ लइनेबालो थियो। 19 त कने यहूदा इस्करियोती जैनी बादे मां यीशु धोखे सेइं ट्लुवाव। 20 तैल्ला पत्ती यीशु कफरनहूम नगरेरे एककी घरे मां जेव। फिरी मैन्हु केरि भीड़ तैस घरे मां अकोट्टी भोइ, कि यीशु त तैसेरे चलन रोट्टी खानेरे लेइ भी मौको न मैल्लो। 21 ज़ैखन यीशुएरे रिशतेदारेई एन शुनु, त तैना तैस ट्लेइतां अपने घरे वापस आन्नेरे लेइ जे, किजोकि तैना ज़ोने लगगोरे थिये कि तैसेरो दिमाग ठीकाने नई। 22 किछ शास्त्री लोक, जैना यरूशलेम नगरेरां ओरे थिये, तैना लोकन सेइं ज़ोई राओरे थिये कि, “यीशु मां शैतान आए।” त एन भी ज़ोई राओरे थिये कि, “ते भूतां केरे प्रधानेरी शक्ति सेइं लोकन मरां भूतां केरो सायो कढते।” 23 एल्हेरेलेइ यीशुए तैना नेडे कुजाए ते तैन मिसाल देइतां ज़ोने लगे, “शैतान केन्चरां अपने भूतन लोकन मरां केड्डी सकते? 24 अगर एककी राजेरे लोक अपने राजेरे खलाफ लड़ाई केरन, त तैन राज़ बनोरू न रेइ सके। 25 अगर केन्ची टब्बेरे लोक अपने टब्बेरे खलाफ लड़ाई केरन, त तैन टब्बर भी बनोरू न रेइ सके। 26 तेन्चरे, शैतान भी अगर एप्पू अपने भूतां केरे खलाफ लड़ाई केरे, त तै केन्चरां बनोरो रेइ सकते? तैसेरो त बिलकुल खातमां भोइ गालो। 27 अवं होरि मिसाल देताई, कोई मैन्हु केन्ची ज़ोरेबाले मैनेरे घरेरे मां गेइतां तैसेरो माल तांतगर लुट्टी न सके, ज़ांतगर कि तै पेइले तैस ज़ोरेबाले मैन्हु बेंधी न छुट्टे। तैखन तै तैस ज़ोरेबाले मैनेरो माल लुट्टी सकते। अवं भी शैतानेरे भूतां केरो सायो लोकन मरां केड्डी सकतां। (शैतान तैस ज़ोरेबाले मैनेरो ज़ोरोए) 28 अवं तुसन सेइं सच ज़ोतई कि मैन्हु केरे सारे किसमां केरे पाप त कने परमेशेरी तुहीन, जै तैना केरतन, अगर तैना मन फिरान त परमेशर तैन माफ़ केरेलो। 29 पन जै कोई पवित्र आत्मारी तुहीन केरे, त तैस कधी भी परमेशर माफ़ न केरेलो। पन तै मैन्हु



हमेशारे पापेरो दोषी बेनि गालो।” (aiōn g165, aiōnios g166) 30 यीशुए एन्चरां ज़ोवं किजोकि तैना यीशुएरे बारे मां एन ज़ोते थिये कि तैस पुड़ भूनेरो सायो आए। 31 तैखन यीशुएरी अम्मा त कने तैसेरे ढूला तैडी आए। तैना घरेरे बेडर खडे भोइतां तैस जो बिस्तार भेजो। 32 तैना घरेरे अन्तर न गेइ सके किजोकि मैन्हु केरि भीड़ यीशुएरे चेब्रे पासन बिशशोरी थी। एल्हेरेलेइ तैन लोकेई यीशु सेईं ज़ोवं, “तक, तेरी अम्मा त तेरे ढूला बेइर खडे आन। तैना तीं सेईं मिलनू चातन।” 33 पन यीशुए तैनन् जुवाब दित्तो, “अवं तुसन ज़ोताई मेरी अम्मा त कने मेरे ढूला कौन आन!” 34 तैखन यीशुए तैन लोकां केरे पासे तेकतां ज़ोवं, ज़ैना तैसेरे चेब्रे पासन बिशशोरे थिये, “तक्का, मेरी अम्मा त कने मेरे ढूला इना आन। 35 किजोकि ज़ै कोई परमेशेरी मेर्जी पुड़ चलते, तैए मेरो ढूला, मेरी बेइन ते मेरी अम्मा आए।”

**4** तैल्ला पत्ती, यीशु फिरी गलील समुन्दरेरे बन्ने लोकन शिक्षा देने लगे। मैन्हु केरि एत्री भीड़ तैस कां अकोट्टी भोइ। यीशु समुन्दरे मां एककी किशती मां चढो ते बिशशी जेव, ताके तै सेबभी लोकन परमेशेरी गल्लां केरि शिक्षा देइ सके। मैन्हु केरि सारी भीड़ तैसेरी गल्लां शुन्तां समुन्दरेरे बन्ने पुड़ खड़ी राई। 2 यीशुए तैनन् बेइ गल्लां मिसालन मां ज़ोई। तैनी शिक्षा देइतां तैन लोकन सेईं ज़ोवं, 3 “ई कहानी शुना! एक्सां अक बीज बेनेबालो बीज बेने जो जेव। 4 बीज बेते बार किछ बीज बत्तेरे इलेखी बिछ्छू त चुड़ोल्लेई एइतां तैन बीज चुनू। 5 किछ बीज घोड़नबाली ज़मीनी पुड़ बिछ्छू, जेडी तैस डुग्घी मित्ती न मेलनेरे वजाई सेईं तैन लूशी उग्गू त बूटो लगे। 6 पन ज़ैखन दिहाडो निरस्सो, त तै निकडो बूटो फुक्कोई जेव। ते ज़ील न छड्डनेरे वजाई सेईं शुक्की जेव। 7 होरू किछ बीज कंटां केरे झैल्लन मां बिछ्छू। ज़ैखन तैडी बूटो लगे, त कंटां केरे झैल्लेई बेडोइतां तै बूटो दबेइ छड्डो, त तैनी बुटे फल न दित्तो। 8 पन किछ बीज रोडी ज़मीनी पुड़ बिछ्छू, त तैन उग्गू त बेडोवं त फलदार भोवं। तैन मरां केन्ची बीजे टलही गुणा फल दित्तो, त केन्ची बीजे शठ गुणा, त केन्चे शौव गुणा।” 9 ए मिसाल शुनानेरे बाद, यीशुए लोकन सेईं ज़ोवं, “ज़ै कोई समझनू चाते, तै ध्याने सेईं शुने त समझे।” 10 तैल्ला पत्ती, ज़ैखन यीशु मैन्हु केरि भीडी करां अलग थियो, त तैखन तैसेरे सैथेई त कने तैसेरे 12 चेलेई यीशु तैस मिसालेरे बारे मां पुच्छू। 11 यीशुए तैन सेईं ज़ोवं, “अवं तुसन परमेशेरेरे राज़ेरो भेद समझेईलो। पन होरि लोकां केरे लेइ मिसालन मां ज़ोवं गाते। 12 ताके ज़ेन्चरां परमेशेरी किताबी मां लिखेरूए तेन्चरां भोए कि, ‘ज़ैन अवं केरतई, तैन तैना बार-बार हेरेले, पन तैना तैसेरो मतलब न बुज्जोले। ज़ैन अवं ज़ोतई, तैन तैना बार-बार शुनेले, पन मेरी गल न समझेले। एरू न भोए कि तैना अपने पापन करां मन फिरान त तैन केरे पाप माफ़ किये गान।” 13 तैल्ला पत्ती, यीशुए तैन सेईं ज़ोवं, “कुन तुसेईं तै मिसाल न समझी? अगर तुस तैस मिसाली न समझथ, त फिरी होरि सब मिसालां केन्चरां समझेले? 14

अवं तुसन तै मिसाल समझताई। बीज बेनेबालो तै आए, ज़ै परमेशेरी गल्लां लोकन शुनाते। 15 ज़ैना मैन्हु परमेशेरी गल्लां शुन्तन, तैन मरां किछ लोक तैस बत्तेरे ज़ेरे आन, जेडी बीज बिछ्छूते। तैना त परमेशेरी गल्लां शुन्तन, पन शैतान अकदम एइतां तैन मैन्हु केरे दिले मरां परमेशेरी गल्लां केड्डी छड्डते। 16 किछ होरे लोक, ज़ैना परमेशेरी गल्लां शुन्तन, तैना तैस घोड़नबैली ज़मीनेरे ज़ेरे आन। तैना परमेशेरी गल्लां शुन्तन त खुशी सेईं तैन कबूल भी केरतन। 17 पन ज़ेन्चरां निकडो बूटो घोड़नबैली ज़मीनी मां मित्ती घट भोनेरे वजाई सेईं लूशी लगते, तेन्चरां एना मैन्हु भी भोतन। तैना मज़बूत विश्वास न रखन। एल्हेरेलेइ तैना थोडे दिहाड़न तगर विश्वास रखतन। पन ज़ैखन परमेशेरी गल्लां केरे मुताबिक चलनेरे वजाई सेईं तैन पुड़ मुसीबतां एचन त कने ज़ैखन लोकन केरां सताए गातन, त तैखन तैना अकदम अपने विश्वास छेडतां ठोकर खातन। 18 होरे किछ लोक, ज़ैना परमेशेरी गल्लां शुन्तन, तैना तैस कंटां केरे झैल्लां केरे ज़मीनेरे ज़ेरे आन। तैना परमेशेरी गल्लां त शुन्तन, 19 पन तैना इस दुनियारी फिक्र केरतन, त कने दौलतरे वजाई सेईं धोखो खातन, त तैना बडे चीज़ां केरू लालच केरतन। एसेरे वजाई सेईं तैना परमेशेरी गल्लां बिसरी छड्डतन त तैन गल्लन पुड़ न चलन। (aiōn g165) 20 पन किछ लोक, ज़ैना परमेशेरी गल्लां शुन्तन त कने तैन पुड़ चलतन, तैना तैस रोडी ज़मीनेरे ज़ेरे आन। तैना परमेशेरी गल्लां शुन्तन त कबूल भी केरतन त फल देतन, मतलब की तैना परमेशेरी गल्लां केरे मुताबिक ज़िन्दगी ज़ीतन। कोई टलही गुणा, कोई शठ गुणा त कोई शौव गुणा फल देतन।” 21 तैल्ला पत्ती, यीशुए मैन्हु केरि भीडी सेईं ज़ोवं, “कोई बलतो दीयो एन्तां हेटी मां या खट्टी हठ न रखे। पन केन्ची उच्ची ठैरी पुड़ रखो गाते। (ताके सारे घरे लौ भोए।) 22 कोई गल छप्पोरी न राली, पन सैरी गल्लां बेदी भोली, ते न कोई भेद छप्पोरो रालो, पन सारो भेद बांदो भोलो। 23 ज़ै कोई समझनू चाते, तै ध्याने सेईं शुने त समझे।” 24 तैल्ला पत्ती, यीशुए मैन्हु केरि भीडी सेईं ज़ोवं, “होशियार राथ कि अवं तुसन कुन शिक्षा देइ राओरोई। मेरी शिक्षाई शुन्तां, जेत्री तुस मेरी गल मन्नेले तेत्री परमेशर तुसन समझ देलो। हाँ, परमेशर तुशशी समझ होरि भी बधालो। 25 किजोकि ज़ैस कां परमेशेरी मर्जी समझनेरी इच्छा आए, तैस परमेशर जादे समझ देलो। पन ज़ैस कां परमेशेरी मर्जी समझनेरी इच्छा नई, तैस केरां, थोडी ज़ेरि समझ, ज़ै तैस कां आए, तै भी नी गाली।” 26 तैल्ला पत्ती, यीशुए मैन्हु केरि भीडी सेईं ज़ोवं, “परमेशेरू राज एरू ज़ेरू आए, कि अक मैन्हु ज़मीनी पुड़ बीज बेते। 27 तै मैन्हु हर राती झुलते त दीसां बींझते। तैन बीज उगने लगोरूए त बडोने लगोरूए, पन तैस पतो न चल के तैन केन्चरां भोते। 28 केन्चेरी महतरे बगैर ज़मीन एप्पू फल आन्चे। पेइले मुन्केरे निस्तन, बादे मां शिल्लां निस्तन, तैल्ला पत्ती शिल्लन ग्लेव लगतन। 29 आखरी मां, ज़ैखन ग्लेव पेक्की

गातन, तैखन अकदम तै मैन्हु कटाई केरनेरे लेइ मैन्हु भेजते, मेरतां ज़ोवं, “हे यीशु, परमप्रधान परमेशरिआ मट्टा, मीं तीं सेइं किजोकि कटाईरो वक्त ओरो भोते।” 30 तैल्ला पत्ती, यीशुए कुन कम? अवं तीं परमेशरिआ कसम देताई, मीं दुख न दे।” 9 मैन्हु केरि भीड़ी सेइं ज़ोवं, “अस परमेशरुं राज़ेरी मसाल एल्हेरेलेइ यीशुए तैस पुच्छू, “तेरु कुन नवं आए?” तैनी यीशु कोस चीज़ी सेइं देइ सकतम? कोस मिसाली सेइं अस तैस सेइं ज़ोवं, “मेरु नवं फौज आए, किजोकि अस बड़े आम।” 10 समझइ सकतम? 31 परमेशरुं राज़ शेरिआरे बीजेरु जेरु आए तैखन तैनी यीशु कां बड़ी मिन्नत की, “इस इलाके मरां असन (ज़े शेरियो इस्राएले मां भोते)। ज़ैखन तैन बीज़ ज़मीनी मां बेव बेडर न भेज।” 11 तैडी पहेड़ी पुड़ सूरं केरो अक बड़ो घान च़ेरी गाते, तैन सारे बीज़न केरां निकडू भोते। 32 पन ज़ैखन तैन बीज़ राहोरो थियो। 12 तैल्हेरेलेइ तैन भूतेई यीशु कां मिन्नत की, बेव गाते, तै उगातां सारे निकके-निकके बुट्टन केरां बड्डो भोते। “महरबानी केरतां असन उन सूरन मां भेज़ी दे ताके अस उन मां तैसेरी एत्री बेड्डी डेलडी निस्चन, कि अम्बरेरां चुड़ोल्ली तैसेरी गाम।” 13 तैखन यीशुए तैननु, सूरन मां गानेरी अज़ाज़त दिती, छावी मां अपने आले बनेइ सकतन।” 33 एन्चरां बेडि मिसालां त तैना भूतां तैस मैन्हु मरां निस्तां सूरन मां जेआं। तैखन सूरं ज़ोइतां, यीशु तैन लोकन परमेशरिआ गल्लां शुनातो थियो, ज़ेत्रू केरो घान, ज़ैस मां लगभग दूई हज़ार सूर थिये, टिब्बे पुड़रां तैना शुनी सकते थिये। 34 तै हमेशा मिसाल देइतां परमेशरिआ बिछड़तां अकदम समुन्दरे मां डुबतां मेरि जे। 14 ज़ैखन सूरं केरे राज़ेरे बारे मां तैन सेइं ज़ोतो थियो। पन ज़ैखन मैन्हु केरि भीड़ी चारनेबालेई एन हेरु, त तैना डेरि जे। तैनेई तैट्टा नेशतां नगरी मरां यीशु त तैसेरे चले अलग बिशते थिये, तैखन यीशु अपने तैनेई तैट्टा नेशतां नगरी मां त कने आसेपासिरे डुलौव्वन मां ए खबर शुनाई। तैल्हेरेलेइ चेलन सेइं सैरी मिसालां केरो मतलब समझोतो थियो। 35 तैस लोक एप्पू हेरनेरे लेइ तैडी आए। 15 ज़ैखन नगरेरे लोक यीशु दिहाड़ेरे बादे मां, ज़ैखन ड़ोलोइ भोइ, यीशुए अपने चेलन सेइं थियो, हुनी लिगड़ां लगगेरे त कने होशी मां लेइतां डेरि जे। 16 ज़ोवं, “एज्जा, अस गलील समुन्दरेरे पार च़लम।” 36 तैल्हेरेलेइ ज़ैनेई तैना गल्लां पेइले लेवरी थी, तैनेई तैस मैनेरे बारे मां ज़ैस पेइलो थियो, त तैना तैट्टां च़ले जे। होरि किछ किशती मां भूतेरो पुड़ भूतेरो सायो थियो त कने तैन सूरं केरे बारे मां पूरो हाल लोक तैन सेइं साथी जे। 37 ज़ैखन तैना समुन्दर पार केरने तैनी तैस सेइं ज़ोवं, “अपने घरे जो गा त कने अपने लोकन सेइं ज़ो, कि प्रभु परमेशरे तीं पुड़ दया केरतां तेरे लेइ केत्रू बड्डू कम कियोरुए।” 20 एल्हेरेलेइ तै मैन्हु गेइतां दिकापुलिस इलाके मां थियो, हुनी लिगड़ां लगगेरे त कने होशी मां लेइतां डेरि जे। 16 ज़ैनेई तैना गल्लां पेइले लेवरी थी, तैनेई तैस मैनेरे बारे मां ज़ैस पुड़ भूतेरो सायो थियो त कने तैन सूरं केरे बारे मां पूरो हाल लोकन शुनाव। 17 तैना यीशु कां मिन्नत केरतां ज़ोने लगगे कि, “इशे इलाके मरां च़ेलि गा।” 18 ज़ैखन यीशु वापस गानेरे लेइ किशती मां च़ढने लगगे, त तैनी मैने ज़ैस मां पेइले भूतां केरो सायो थियो, यीशु कां मिन्नत की कि, “मीं एप्पू सेइं साथी च़लने दे।” 19 पन यीशुए तै एप्पू सेइं साथी च़लने न दित्तो। पन तैनी तैस सेइं ज़ोवं, “अपने घरे जो गा त कने अपने लोकन सेइं ज़ो, कि प्रभु परमेशरे तीं पुड़ दया केरतां तेरे लेइ केत्रू बड्डू कम कियोरुए।” 20 एल्हेरेलेइ तै मैन्हु गेइतां दिकापुलिस इलाके मां लोकन शुनाने लगगे कि यीशुए मेरे लेइ केत्रू बड्डू कम कियोरुए। सारे लोक ए गल शुन्तां हैरान भोइ जे। 21 तैल्ला पत्ती, यीशु फ़िरी किशती मां गलील समुन्दरेरे इस पासे वापस अव, त मैन्हु केरि बड़ी भीड़ तैस कां अकोट्टी भोइ। यीशु समुन्दरेरे बन्ने पुड़ थियो। 22 तैखन याईर नंवेरो मैन्हु तैडी अव, ज़ै यहूदी लोकां केरे प्रार्थना घरेरे प्रधान मरां अक थियो। ज़ैखन तैनी यीशु लाव, त तैसेरे पावन पेव। 23 तैनी एन ज़ोइतां यीशुए सेइं बड़ी मिन्नत की, “मेरी निकडी कुई मरनेबाली आए। तू मीं सेइं साथी एइतां तैस पुड़ अपनां हथ रख, ताके तै बेज़्जोए ते ज़ांती राए।” 24 एल्हेरेलेइ यीशु तैस सेइं साथी तैसेरे घरे जेव। मैन्हु केरि अक बड़ी भीड़ यीशु पती च़ली, इडी तगर कि लोक यीशु पुड़ बिछड़ते थियो। 25 तैस भीड़ी मां अक कुआन्श भी थी, ज़ैस 12 सालां केरि खून च़लनेरी बिमारी थी। 26 तैसां बड़े बेइदन केरां बड़ो दुख झल्लो। बिमारी ठीक भोनेरे लेइ तैसां अपने सब पेंडसे खेच़ीं दित्ते, पन तैस कोई फ़ैइदो न भोव। पन तै होरि भी जादे बिमार भोइ जेई। 27 तै यीशुएरे बारे मां शुन्तां अपने दिले मां ज़ोती थी, “अगर अवं सिर्फ तैसेरे लिगड़े सेइं हथ लाएली, त अवं बेज़्जोई

5 यीशु त तैसेरे चले गलील समुन्दरेरे पार, गिरासेनी इलाके मां पुज्जे। 2 ज़ैखन यीशु किशती पुड़रां ओस्सो, त तैखन अक मैन्हु, ज़ैस पुड़ भूतां केरो सायो थियो, कब्रन मांमेइं यीशु कां मिलने अव। 3 तै मैन्हु कब्रस्ताने मां रातो थियो। (तै मैन्हु बड़ो खतरनाक थियो।) कोई तैस शंगली सेइं भी न बंधी सकतो थियो। 4 किजोकि (पेइले बड़े बार) लोकेई तैसेरे हथ पाव शंगलन सेइं बंधोरे थिये। पन हर बार तै हथ्यां केरि शंगलां ट़लोइतो थियो त पव्वां केरि शंगलां केरे टुकड़े-टुकड़े केरतो थियो। कोई तैस कैबू न केरि सकतो थियो। 5 तै हमेशा रात-दिहाड़ी कब्रस्ताने मां त कने पहेइन पुड़मेइं हन्ठतो थियो त चिन्दां मारतो थियो, त अपने आपे घोड़न सेइं ज़खमी केरतो थियो। 6 ज़ैखन तैनी मैने यीशु दूरं लाव, त तै दौइतां यीशु कां अव ते तैस कां मथ्यो टेको। 7 यीशुए भूते सेइं ज़ोवं, “हे भूता, एस मैन्हु मरां निस्सी गा।” तैनी भूते ज़ोरे सेइं चिन्दां

गाली।” एल्हेरेलेड तै मैन्हु केरि भीडी मां यीशुएरे पत्रेवरां आई ते तैसेरे लिगडे सेइं हथ लाव। 29 ज़ैखन तैसां यीशुएरे लिगडे सेइं हथ लाव, त अकदम तैसेरो खुन चलनेरी बिमारी बेज्जोई। तैसां अपनि जानी मां बुज्जू कि अवं तैस बिमारी केरां बेज्जोरी आई। 30 यीशुए अकदम बुज्जू कि मीं मरां शक्ति निस्सोरीए। एल्हेरेलेड तैनी मैन्हु केरि भीडी मां चेत्रे पासन मुड़तां लोकन पुच्छू, “मेरे लिगडे सेइं केनि हथ लाव?” 31 तैसेरे चेलैई तैस सेइं ज़ोवं, “तू हेरतस कि मैन्हु केरि भीड़ तीं पुड़ बिछड़ने लग्गोरी, फिर भी तू किजो पुछतस कि ‘केनि मीं सेइं हथ लाव?’” 32 पन यीशु तैस हेरनेरे लेड, ज़ैनी एरू कियोरू थियू, चेत्रे पासन तकने लग्गो। 33 तैखन तै कुआन्श डरती ते थर्कती थी, किजोकि तै ज़ानती थी कि तैसां मूसरो कानून टलोडरोए। तै अग्गर आई ते यीशुएरे पावन पुड़ बिछड़तां, तैस सेइं सैरी गल्लां सच-सच ज़ोने लग्गी। 34 पन यीशुए तैस सेइं ज़ोवं, “हे कुईए, तेरे विश्वासे, ज़ै तीं मीं पुड़ रख्खोरो, तैनी तू बज्ज़ाई। खुशी सेइं घरजो गा, ते हुनी तू एस बिमारी केरां बेची जेई।” 35 ज़ताली यीशु ई गल मसां ज़ोई राओरो थियो, तैखन प्रार्थना घरेरे लीडरेरे घरेरां किछ मैनेई एइतां तैस सेइं ज़ोवं, “तेरी कुई मेरि जोरीए, हुनी गुरू किजो तकलीफ देतस?” 36 पन यीशुए तैन केरि गल न शुन्तां प्रार्थना घरेरे लीडरे सेइं ज़ोवं, “न डर। सिर्फ मीं पुड़ विश्वास रख।” 37 यीशु ते याईर चलने लाग्गे, पन यीशुए पतरस, याकूब ते तैसेरो ढला यूहन्नारे अलावा, होरो कोई एप्पू सेइं साथी एजने न दित्तो। 38 प्रार्थना घरेरे लीडरेरे घरे मां पुड़तां यीशुए हल्लो मचोरो लाव ते कने लोक बडे लेरां देते त शोग केरते लाए। 39 तैखन यीशुए घरे मां गेइतां तैन सेइं ज़ोवं, “तुस किजो रोलो मच्रातथ त लेरां देतथ? कुई मरीं नई, पन झुल्लोरीए।” 40 ज़ैखन तैन लोकेई एन शुन्, त तैना तैसेरो मज़ाक बनाने लग्गे, किजोकि तैना ज़ानते थिये कि कुई मेरि जोरीए। तैखन यीशुए सारे मैन्हु तैट्टां केढतां, सिर्फ कुईअरे हाज-बव त कने अपने टलाई चेलन सेइं साथी कमरेरे अन्तर जेव, ज़ेडी कुई पेव्री थी। 41 तैखन यीशुए कुईएरो हथ टलेइतां तैस सेइं अपनि भाषाई मां ज़ोवं, “तलीता कूमी!” जेसेरो मतलब कि, “हे निकडी कुईए, अवं तीं सेइं ज़ोतई, खडी उठ!” 42 अकदम कुई उठतां चलने फिरने लग्गी, किजोकि तै कुई 12 सालां केरि थी। एन हेरतां तैना बडे हैरान भोए। 43 पन यीशुए तैन हुक्म देइतां ज़ोवं कि, “ए गल केन्ची सेइं न ज़ोइयथ। एस कुईए किछ खाने जो देथ।”

**6** तैल्ला पत्ती, यीशु तैट्टां निस्तां अपने नगर नासरते जो जेव। तैसेरे चले तैस सेइं साथी चले। 2 आरामेरे दिहाडे, यीशु तैन केरे प्रार्थना घरे मां गेइतां तैन लोकन परमेशरेरी गल्लां केरि शिक्षा देने लग्गो। तैसेरी शिक्षा शुन्तां बडे लोक हैरान भोए ते एक्की होरि पुछने लग्गे, “एनी मैने एना गल्लां कोट्टां शिख्खी? एस एत्री अक्ल कोट्टां आई? एस एत्रे चमत्कार केरनेरी शक्ति कोट्टां मैल्ली! 3 ए त टलखान आए, ज़ैन मरियमारू मट्टू आए। ए त याकूब, योसेस, यहूदा, ते शमीनेरो ढला आए। एसेरी बेइनां

भी इश्शे इडी रेडचन!” एल्हेरेलेड तैनेई यीशुएरो इन्कार कियो। 4 तैखन यीशुए तैन लोकन अक कहावत ज़ोई, “नबी बेइरीए लोकन मां इज़्जतदार भोलो, पन अपने नगरेरे लोकन केरां ते कने अपने रिशतेदारन केरां त कने अपने घरेबालन मां बेइज़्जत भोलो।” 5 तैन लोकेई यीशु पुड़ विश्वास न केरनेरे वजाई सेइं, तैनी तैस नगरी मां सिर्फ थोडे ज़ेरे बिमार मैनन् पुड़ हथ रेखतां तैना बज्ज़ाए, तैन केरे अलावा होरो कोई चमत्कार न केरि सको। 6 यीशु नासरत नगरेरे लोकां केरो अविश्वास हेरतां हैरान भोव। तैल्ला पत्ती, तै अपने चलन सेइं साथी चेत्रे पासन केरे इल्लोव्वन मां परमेशरेरी गल्लां केरि शिक्षा देतो राव। 7 तैल्ला पत्ती, यीशुए अपने 12 चले एप्पू कां कुजेइतां, तैन दूई-दूई केरतां भेजने लग्गो। भेजने केरां पेइले, तैनी अपने चलन, लोकन मरां भूतां केरो सायो कढनेरो अधिकार दित्तो। 8 ते तैनी तैन हुक्म दित्तो, “बतां चलते-चलते सोटेरे अलावा होरू किछ न नेइयथ। न रोटी न झोलो त कने बेटेव मां पेंडसे भी न नेइयथ। 9 पन बूट लेइयथ, पन दूई-दूई कुरते न लेइयथ। 10 ज़ैखन तुस केन्ची इलोव्वे मां गाथ, अगर कोई अपने घरे बिशनेरेलेड तुसन कुजाए, त तैस्से घरे मां बिश्शथ, ज़ांतगर तैस इल्लोव्वेरां न निस्सथ। 11 अगर केन्ची इल्लोव्वेरे लोक तुसन कबूल न केरन त कने तुश्शी गल्लां न शुन्न, त तैट्टां चलते-चलते तुस अपने पावां केरि थूड झेडी छेडुथ ताके तैन केरे खलाफ गवाही भोए। (अवं तुसन सेइं सच ज़ोतई कि परमेशरेरे आदालतेरे दिहाडे बुरे लोकन सज़ा देलो, ज़ैना सदोम त कने अमोरा नगरन मां रहते थियो। पन ज़ैना लोक तुश्शी गल्लां न शुन्ले, तैस नगरेरे लोकन परमेशर बडी जादे सज़ा देलो)” 12 यीशुएरो हुक्म शुन्नेरे बाद, तैनेई तैट्टां निस्तां बडे नगरन मां गेइतां लोकन परमेशरेरी गल्लां शुनेई कि, “तुस अपने पापन केरां मनफिराथ।” 13 ते तैनेई बडे लोकन मरां भूतां केरो सायो भी कड्डो, त कने बडे बिमार मैनन् पुड़ तेल लेइतां बज्ज़ाए। 14 हेरोदेस राजे भी यीशुएरे बारे मां शुन्, किजोकि यीशुएरू नंब मुशूर भोरू थियू। तैनी यीशुएरे बारे मां ज़ोवं कि, “शायद, यूहन्ना, ज़ै बपतिस्मो देनेबालो थियो, मुड़दन मरां ज़ीतो भोरोए। एल्हेरेलेड, तै एना चमत्कार केरि सकते।” 15 होरेई मैनेई यीशुएरे बारे मां ज़ोवं कि, “शायद, तै मैन्हु एलिय्याह नबी आए!” पन किछ होरेई मैनेई ज़ोवं कि, “तै त पराने ज़मानेरे परमेशरेरी गल्लां ज़ोनेबालां केरो ज़ेरो अक नबी आए!” 16 पन हेरोदेस राजे लोकां केरि गल्लां शुन्तां ज़ोवं कि, “तै मैन्हु त यूहन्ना आए, ज़ेसेरी क्रोडी मीं कट्टेरी थी। तै मुड़दन मरां ज़ीतो भोरो आए!” 17 हेरोदेस राजे एन्चरां सोचू, किजोकि थोडे दिहाडना पेइले, तैनी एप्पू अपने सिपाही भेजतां यूहन्ना कैद केरतां छुट्टोरो थियो। तैनी अपने ढला फिलिप्पुसेरी लाडी हेरोदियासेरी वजाई सेइं एन्चरां कियोरू थियू ज़ैस सेइं तैनी इला बनोरो थियो। 18 एल्हेरेलेड, यूहन्ना हेरोदेस राजे सेइं बार-बार ज़ोतो थियो कि, “तीं अपने ढलाएरी लाडी सेइं इला बनानो जेइज नई।” 19 तैल्हेरेलेड

हेरोदियास रानी यूहन्ना सेइं दुश्मनी रखती थी ते तैस कल्ल जोवं, “ई सुनसान ठार आए, ते चिरि भी बडू भोरू आए। 36 एन केरनो चाती थी। पन तै तेन्चरां न केरि सकती थी, 20 किजोकि हेरोदेस राजे पतो थियो कि यूहन्ना अक धर्मी ते पवित्र मैन्हु थियो। तैह्हेरेलेइ, हेरोदेस राजा तैसरी बडी इज्जत केरतो थियो त कैदखाने मां हेरोदियास रैनी केरां बचेइतां रखतो थियो। त तै यूहन्नारी गल्लां शुन्तां बडी डरतो थियो, पन तैसरी गल्लां खुशी सेइं शुन्तो भी थियो। 21 आखकार यूहन्ना मारनेरो ठीक मौको मैल्लो। हेरोदेस राजे अपने जरमेरी दिहाडी मां अक धाम रख्खी। तैस धामी मां तैनी अपने बडे खास अफसरन, त कने फौजी अफसरन, त कने गलील इलाकेरे बडे-बडे मैन्हु कुजाए। 22 तैखन हेरोदियास रैनेरी कुई तैस कमरे मां आई, जेडी तैना बिशोरे थियो। त तैसां तैडी नेघतां हेरोदेस राजां त कने तैसरे मेहमान खुश कियो। तैखन राजे कुईए सेइं ज़ोवं, “जैन तू चास मीं केरां मग, अवं तीं देलो।” 23 त राजे तैस कुईए सेइं कसम भी खाइ कि, “जैन किछ तू मीं केरां मगगेली, अवं तीं देलो, इडी तगर कि अवं अपनू अश्वू राजा भी देलो।” 24 तैह्हेरेलेइ तैस कुइयां बेडर गेइतां, अपनि अम्मा पुच्छू, “अवं हेरोदेस राजे केरां कुन मगगी?” तैखन तैसरी अम्मा ज़ोवं, “यूहन्ना बपतिस्मो देनेबालेरी क्रोडी मगा।” 25 अकदम तै कुई अन्तर राजे कां आई त तैस कां मिन्नत की, “अवं चाताई कि, तू यूहन्ना बपतिस्मो देनेबालेरी क्रोडी केततां एक्की थाले मां हुन्ना आन।” 26 तैसरी गल शुन्तां राजा बडो दुखी भोव, पन अपनि कसमेरे वजाई सेइं त कने अपने मेहमानां केरे वजाई सेइं तैने इन्कार केरनो न चाव। 27 तैह्हेरेलेइ, तैनी अकदम एक्की सिपाही हुक्म दित्तो कि, “यूहन्नारी क्रोडी केततां आन।” 28 सिपाही कैदखाने मां गेइतां यूहन्नारी क्रोडी कट्टाई, त एक्की थाले मां रेखतां आनी न कुईए कां दित्ती। त कुइयां गेइतां अपनि अम्मा कां दित्ती। 29 ए गल शुन्तां यूहन्नारे चले तैडी आए, त तैसरी लाश नेइतां कब्री मां देखी छुट्टी। 30 परमेशेरी गल्लां लोकन शुनानेरे पत्ती, यीशुएरे प्रेरित तैस कां वापस आए, जैना तैनी भेजोरे थियो। जैन किछ तैनेई लोकन सेइं कियोरू ते शिक्षा दित्तोरी थी, तैन सारी गल्लां यीशु सेइं शुनाई। 31 बडे लोक यीशु त कने तैसरे चेलन कां एइते गाते थियो। एस वजाई सेइं, तैनन् रोटी खानेरे लेइ भी मौको न थियो मैल्लोरो। तैह्हेरेलेइ यीशुए अपने चेलन सेइं ज़ोवं, “मीं सेइं साथी केन्ची अकेन्ती ठैरी एज्जा, त थोडो जेरो आराम केरा।” 32 एल्लेरेलेइ तैना किशती मां च़ेदतां, अकेन्ती ठैरी ज़ेलि जे। 33 पन बडे लोकेई यीशु त तैसरे चले गाते लेइतां पिशानी छुट्टे कि तैना कोरां च़लोरेन। तैह्हेरेलेइ, सारे नगरेरे मैन्हु पैदल दौइतां तैन केरां पेइले तैडी पुज्तां अकोट्टे भोए। 34 ज़ैखन यीशु किशती पुडेरां ओस्सो, त तैनी मैन्हु केरि अक बडी भीड़ लेइतां तैन पुड़ तरस खाव, किजोकि तैना मैन्हु तैन भैडू केरे ज़ेरे थियो, जैन केरो कोई पुहाल न भोए। तैखन यीशु तैन लोकन परमेशेरेरे राज़ेरे बारे मां बेडि गल्लां केरि शिक्षा देने लागो। 35 ज़ैखन दिहाडी डुबने लागोरी थी, त यीशुएरे चलेई तैस कां एइतां

जोवं, “ई सुनसान ठार आए, ते चिरि भी बडू भोरू आए। 36 एन मैनन् भेज, ताके एना चेन्ने पासां केरे बेस्तन त कने इल्लोव्वन मां गेइतां अपने लेइ खाने जो रोटी घिन्ना।” 37 पन यीशुए तैनन् जुवाब दित्तो कि, “तुस्से एन खाने जो रोटी देथा।” पन तैनेई तैस सेइं ज़ोवं, “कुन अस दूई शौव दिहाडी केरि कमाई सेइं रोटी घिन्तां एन मैनन् खुवाम? एन न भोइ सके!” 38 एल्लेरेलेइ, यीशुए तैन सेइं ज़ोवं, “तुसन कां केन्नी रोटी आन? गेइतां हेरा।” पतो केरनेरे पत्ती, तैनेई यीशु सेइं ज़ोवं कि, “पंच रोटी त कने दूई मेछली आन।” 39 तैखन यीशुए अपने चेलन हुक्म दित्तो कि, “सारे मैन्हु नीले घासे पुड़ बिशाला।” 40 एल्लेरेलेइ तैना मैन्हु शौव-शौव त कने पज़ां-पज़ां केरि हुन्डी मां बिशशी जे। 41 तैखन यीशुए अपने हथ्ये मां पंच रोटी ते दूई मेछली टलेइ, त अम्बरेरे पासे तेकतां शुक्र कियूं तैल्ला पत्ती, यीशु तैना रोटी टलोइतां चेलन कां देते जेव कि लोकन खाने जो देन। तेन्चरां दूई मेछली भी तैन सारे लोकन बेंटी दित्ती। 42 ते सारे मैन्हु खेइतां रेज़्जी जे। 43 तैल्ला पत्ती, यीशुएरे चलेई बेच्चोरी रोटी त कने मेछली केरे टुकड़न सेइं 12 टोकरी भेरि। 44 जैनेई रोटी त मेछली खेइ, तैन मां 5000 मड़द थियो। 45 तैल्ला पत्ती, यीशुए अपने चेलन हुक्म दित्तो कि, “तुस किशती मां च़ेदतां मीं केरां पेइले समुन्दरेरे उस पार बैतसैदा नगरे जो च़ली गाथ, ज़ांतगर अवं एन लोकन न भेज्जी।” त तैना तैडू जे। 46 लोकन भेजनेरे पत्ती, यीशु तैडू निस्तां नेडे एक्की पहैडी पुड़ प्रार्थना केरनेरे लेइ जेव। 47 ज़ैखन इलोइ भोइ, त तै किशती, जैस मां यीशुएरे चले थियो, समुन्दरेरे मझाटे थी, त यीशु अकेल्लो ज़मीनी पुड़ थियो। 48 तैनी हेरू कि तैसरे चले किशती मां च़ेपू देइ-देइ परेशान भोने लगोरेन, किजोकि एग़ोवरां बडी तेज हवा च़लोरी थी। लगभग झेज़ेरे च़ेरे बजेई ज़ैखन हेजू आंधरू थियूं, यीशु समुन्दरेरे पैनी पुड़ च़ेलतां अपने चेलन कां अवं। तै तैन केरां अग़ोवं निस्नु चातो थियो। 49 पन ज़ैखन तैनेई यीशु समुन्दरेरे पैनी पुड़ च़लतो लाव, त तैनेई सोचो कि तै भूत आए। तैह्हेरेलेइ, तैनेई चिन्डां मैरी, 50 किजोकि तैना सारे तैस हेरतां बडे डेरि जोरे थियो। पन तैनी अकदम तैन सेइं गल्लां की ते ज़ोवं, “हिम्मत रखा! अवं आई। डरा न!” 51 तैखन तै तैन केरि किशती मां च़दो, ते तूफान च़लनो बन्ध भोइ जेव। तैखन चले बडे हेरान भोए, 52 किजोकि तैनेई न थियूं समझोरू कि यीशु केन्चरां रोटी त कने मेछली बधोरी थी, पन तैन केरे मन बेसमझो भोरे थियो। 53 तैल्ला पत्ती, यीशु त तैसरे चले गलील समुन्दर पार केरतां गन्नेसरत न्वंवेरे जगाई पुड़ पुज्जे। तैडी तैनेई किनारे पुड़ किशती बंधतां रख्खी। 54 ज़ैखन तैना किशती पुडेरां ओस्से, त तैट्टेरे लोकेई यीशु पिशेनी छुट्टो। 55 एल्लेरेलेइ, तैनेई सारे इलाके मां गेइतां लोकन खबर शुनाई कि यीशु ओरोए। जेडी-जेडी लोकेई शुनु कि यीशु ओरोए, तैडी लोकेई बिमार मैन्हु खट्टी पुड़ छुइतां यीशु कां आन्ने लागे, ताके तै तैनन् बज्ज़ाए। 56 जेडी कोन्ची इल्लोव्वन मां, नगरन या बेस्तन मां यीशु गातो थियो, तैडी लोक बिमार मैन्नु बज़ारन मां

यीशु कां एन्तां रखते थिये। तैना यीशु सेईं मिन्त केरते थिये कि, तैन सिर्फ तैसेरे लिगड़े सेईं हरने देन। जेत्रे बिमार मैन्हु यीशु सेईं हथ लाते थिये, तैना सारे बेज़्जोते थिये।

**7** एक्की दिहाड़े किछ फरीसी लोक त कने शास्त्री लोकन मरां किछ लोक, जैना यरूशलेम नगरेरां ओरे थिये यीशुए कां अकोट्टे भोए। 2 ते तैनेईं हेरू कि यीशुएरे किछ चले रीति रुवाज़ेरे खलाफ अधोए हथ्यन सेईं रोटी खेइ राओरेन। 3 किजोकि फरीसी लोक त कने सारे यहूदी लोक, ज़ांतगर हथ न धोन तांतगर रोटी न खाते थिये। अपने बुजुर्गां केरि परमपरा च़लानेरे लेइ तैना एन्चरां केरते थिये। 4 ज़ैखन तैना बज़ारेरां घरे एइते थिये, ज़ांतगर तैना निहान न देन तांतगर रोटी न थिये खाते। होरे भी बड़े रीति रुवाज़ थिये, जैना तैन केरे बुजुर्गन केरां ओरे थिये, जेन्चरां कटोरे, घड़े, दलामेरां भांडां रुवाज़ेरे मुताबिक धोना। 5 एल्हेरेलेइ फरीसी लोकेईं त कने शास्त्री लोकेईं यीशु पुच्छू, “तेरे चले इश्शे बुजुर्गां केरि परमपरा पुड़ की न चलन? पन तैना रुवाज़ेरे खलाफ अधोए हथ्यन सेईं रोटी खातन!” 6 तैखन यीशुए तैन सेईं ज़ोवं, “बड़े पेइले यथायाह नेबे तुशे जेरे पाखंडी केरे बारे मां ठीक भविष्यवाणी कियोरीए कि परमेशरे ज़ोवं, ‘एना लोक ऐशी सेईं त मेरी बड़ी तारीफ़ केरतन, पन एन केरे दिल मीं केरां बड़े दूर आन। 7 एना बेफाइदी मेरी आराधना (पूजा) केरतन, किजोकि एना त मैन्हु केरि बनोरी परमपरान, परमेशरे हुक्मां केरे जेरे लोकन शिक्षा देतन।” 8 तैखन यीशुए तैन सेईं ज़ोवं, “तुस भी तैन लोकां केरे जेरे आथ, जैना परमेशरेरे हुक्मन देलतां मैन्हु केरि बनोरी परमपरान मन्तन, जेन्चरां घड़े त कने कटोरे रुवाज़ेरे मुताबिक धोने, त कने एसेरे जेरे होरे भी बड़े रुवाज़न मन्तथ।” 9 फिरी तैनी तैन सेईं ज़ोवं, “तुस केरू गलत केरतथ, कि अपने रीति-रुवाज़ मन्नेरे लेइ परमेशरेरे हुक्म दलोइतथ। 10 किजोकि मूसा नेबे जोरूए कि, परमेशरे सारी मैनन ई हुक्म दितो कि, ‘तू अपने हाज बव्वेरी केरि इज़्ज़त केर। त ज़ै कोई अपने हाज बव्वे जो बरू ज़ोला, तै ज़रूर मारो गालो।’ 11 पन तुस ज़ोतथ कि अगर कोई मैन्हु अपने हाज बव्वे सेईं सिर्फ एन ज़ोए, त तैन बड़ू आए कि, ‘मीं केरां ज़ै किछ मद्दत तुसन मैल्ली सकती थी, तै पेइली बलिदान भोरीए, यानी परमेशरे जो च़दतल च़ाढोरीए। एल्हेरेलेइ, अवं तुसन किछ न देइ सकी।’ 12 एरी शिक्षा देइतां तुस लोकन तैन केरे हाज बव्वां केरि किछ मद्दत केरने न देथ। 13 एन्चरां तुस अपनि परमपरा च़लानेरे लेइ, परमेशरेरी गल्लां टेली छइतथ। एरी ज़ेरि तुस होरि भी बेइ गलत परमपरा मन्ते ओरेथ।” 14 तैखन यीशुए फिरी सारे लोक एप्पू कां कुजेइतां तैन सेईं ज़ोवं, “तुस सारे लोक, मेरी गल ध्याने सेईं शुना ते समझा। 15 एरी कोई चीज़ नईं ज़ै बेइरेरां मैनेरे अन्तर गेइतां तैस जुट्टो केरे। पन जैना बुरी चीज़ां मैनेरे अन्त्रां, यानी तैसेरे दिले मरां बेइर निस्चन, तैनां तैस जुट्टो केरचन। 16 अगर कोई समझनो चाते, त तै ध्याने सेईं शुने!” 17 बादे मां, यीशु मैन्हु केरि भीडी मरां घरे जो जेव। तैखन तैसेरे

चेलेईं तैस मिसालारे मतलबेरे बारे मां तैस पुच्छू। 18 तैनी तैन सेईं ज़ोवं, “होरि मैन्हु केरे जेरे कुन तुस भी न समझथ? कुन तुस न समझथ कि ज़ै चीज़ बेइरां मैनेरे अन्तर गाचे, तै तैस जुट्टो न केरि सके? 19 किजोकि तै तैसेरे दिले मां नईं, पन तैसेरे पेदे मां गाचे ते बादे मां पेदे मरां निस्सी गाचे!” एन ज़ोइतां यीशुए समझावं कि खानेरी चीज़ कोई भी असन जुट्टो न केरे। 20 तैखन तैनी अपने चलन सेईं ज़ोवं, “जैन मैनेरे अन्त्रेरां निस्ते, तैन्ने परमेशरेरी नज़री मां मैन्हु जुट्टो केरते, 21 किजोकि मैनेरे अन्त्रेरां, यानी मैनेरे दिले मरां बुरे खियाल, बदमाशी, चोरी, कत्ल केरनो, 22 अइलाए देइने गलत कम केरनू, लालच, दुष्ट कम केरनू, बेइमानी, बदचलन, जलन, तुहीन, घमण्ड, ते बेवकूफी एचन। 23 एना सैरी बुरी गल्लां मैनेरे अन्त्रेरां, यानी दिले मरां निस्तां मैन्हु जुट्टो केरचन।” 24 तैल्ला पत्ती, यीशु तैट्टां निस्तां सूर त सैदा नगरेरे आसेपासेरे इलाकेरे नेइे अव। ते तैडी तै एक्की घरे मां जेव। ते तै चातो थियो कि कोई न जैनी सके कि अवं इडी आई। पन तै छेप्पी न सको। 25 तैडी अक कुआन्शा थी, जेसेरी निकडी कुईए पुड़ भूतेरो सायो थियो। तै यीशुएरे बारे मां शुन्तां अकदम तैडी आई ते तैसेरे पावन पुड़ पेई। 26 त तै कुआन्शा गैर कौमरी थी ते सुरुफिनिकी इलाकेरी थी। तैसां यीशु सेईं मिन्त की कि, “मेरी कुईए पुड़ेरां भूतेरो सायो केडी देथ।” 27 पन यीशुए तैस सेईं ज़ोवं, “पेइले बचन रज़ने दे, किजोकि बच्चां केरि रोटी नेइतां कुतरन जो देनी ठीक नईं!” 28 तैसां जुवाब दितो, “सच्चे, प्रभु! पन कुतरां भी मेजे हेठोरां बच्चां केरि रोटन मरां बिछड़ोरे टुकड़े खातन।” 29 तैखन यीशुए तैस सेईं ज़ोवं, “मीं पुड़ तीं एजो विश्वास रखोरोए, एल्हेरेलेइ तू आरामे सेईं घरे जो गा। तेरी कुईए मरां भूतेरो सायो निस्सी जोरोए।” 30 तैसां कुआन्शां तैट्टां अपने घरे वापस एइतां हेरू कि कुई खटी पुड़ आरामे सेईं झुल्लोरी थी, त भूतेरो सायो तैस मरां निस्सी जोरो थियो। 31 यीशु फिरी अपने चलन सेईं साथी सूर त सैदारे नगरेरे इलाकन मरां निस्तां, दिकापुलिस इलाके मांमेइं भोइतां गलील समुन्दरेरे नेइे पुज्जो। 32 तैडी किछ लोकेईं अक टोव्ने मैन्हु, ज़ै खेखो भी थियो, यीशु कां एन्तां तैस सेईं मिन्त की कि, “तू अपनो हथ एस पुड़ रख कि ए मैन्हु बेइज़्जोए।” 33 यीशुए मैन्हु केरि भीडी मरां तै मैन्हु अलग नीयो। तैखन तैनी अपनि एंगलोईं तैस मैनेरे कन्ना मां छेडी, त अपनि एंगलोईं सेईं थुक तैस मैनेरी जिभभी सेईं लावं। 34 तैल्ला पत्ती, यीशु अम्बरेरे पासे तेकतां ओशा छुट्टो, त तैस मैन्हु सेईं अपनि (इब्रानी) भाषाईं मां ज़ोवं, “इप्फतह!” जेसेरो मतलब “खुल्ली गा!” 35 अकदम ते रोड़ेचारे शुन्ने लगे ते तैसेरी जिभ भी ठीक भोइ जेई, ते तै साफ-साफ गल्लां केरने लगे। 36 तैखन यीशुए तैन मैनन हुक्म दितो कि, “ए गल केन्ची सेईं न ज़ोइयथ।” पन जेत्रू जादे यीशुए तैनन हुक्म दितोरो थियो, तेत्रू जादे तैना होरि लोकन ए गल शुनाने लगे। 37 यीशुएरे चमत्कारेरां कम्मां केरे वजाईं सेईं, तैना बड़े हैरान भोइतां ज़ोने लगे, “कमाल आए!

यीशुए जैन किछ भी कियूं सब किछ रोडू कियोरुए! तै टोवन शुन्नेरी ते लट्टन गल्लां केरनेरी शक्ति देते।”

**8** तैन दिहाइन मां एरू भोव कि, मैन्हु केरि बड़ी भीड़ यीशु कां फिरी अकोट्टी भोइ। तैन कां किछ खाने जो न थियूं। तैखन यीशुए अपने चले एप्पू कां कुजेइतां तैन सेइं ज़ोवं, **2** “मीं एन मैन्हु केरि भीड़ी पुड़ तरस एइते, किजोकि एना ट्लेइ दिहाइं केरे देते मीं सेइं साथी आन, ते एन कां खाने जो किछ नईं राओरू। **3** अगर अवं एन दलुखखोरें घरे जो भेज्जी, त चलते-चलते बत्ती मां थकतां रेइ गानेन, किजोकि एन मरां कोई-कोई दूरं भी आना।” **4** तैसेरे चलेईं तैस जुवाब दित्तो, “इड़ी सुनसान ठैरी एन मैन्हु जो एत्री रोटी कोट्टां आनम कि एन मैन्हु रेजतां खान?” **5** तैखन यीशुए तैन पुच्छू, “तुसन कां केत्री रोटी आन?” तैनेईं जुवाब दित्तो, “सत रोटी आना।” **6** तैखन यीशुए मैन्हु केरि भीड़रे पासे मुडतां तैन जो हुक्म दित्तो कि, “ज़मीनी पुड़ बिशशी गाथा।” तैखन तैनी तैन सत रोटी ट्लेइतां परमेशेरू शुक्र केरतां ट्लोडी, ते अपने चलन कां देते जेव कि तैना लोकन खाने जो देन। ते चलेईं मैन्हु रोटी दित्ती। **7** तैन कां थोड़ी ज़ेरि निक्की मेछली भी थी। यीशुए मेछली केरे लेइ भी परमेशेरू शुक्र केरतां अपने चलन सेइं ज़ोवं, “इना भी लोकन खाने जो देथा।” तेन्चरां तैसेरे चलेईं कियूं। **8** तैना सारे मैन्हु रोटी खेइतां रेज्जी जे। तैल्ला पत्ती, यीशुएरे चलेईं मेछली त कने रोटी केरे बच्चोरें टुकडन मरां सत टोकरे भरतां सल्ले। **9** तैडी लगभग 4000 मडद थिये। लोकन रोटी खुवानेरे पत्ती यीशुए मैन्हु भेज्जी दित्ते। **10** तैखन तै अकदम अपने चलन सेइं साथी किशती मां च़ेइतां दलमनूता इलाके जो च़लो जेव। **11** फिरी किछ फरीसी लोक यीशु कां एइतां तैस सेइं बेंस केरने लागे। तैना तैस अज़मानेरे लेइ तैस पुछने लागे, “असन अम्बरेरां कोई निशान हिरा।” **12** ज़ैखन यीशुए एन शुनू, त तैनी अक बड्डो ओशा छेइतां ज़ोवं, “इस ज़मानेरे लोक मीं केरां किजो निशान मगतन! अवं तुसन सेइं सत्र ज़ोतईं कि इस ज़मानेरे लोकन, यानी तुसन अवं कोई भी निशान न हिरैईं।” **13** तैल्ला पत्ती, यीशु तैन लोकन छेइतां, फिरी किशती मां च़ढो ते गलील समुन्दरेरे पार च़लो जेव। **14** ज़ैखन यीशुएरे चले किशती मां च़ढे, त तैना एप्पू सेइं साथी रोटी नेनी बिसरी जे। किशती मां तैन कां अक्के रोटी थी। **15** ज़ैखन तैना समुन्दरे पार केरि राओरे थिये, त यीशुए तैन समझावं कि, “खबरदार! फरीसी लोकां केरे खमीरैरे बारे मां ते कने हेरोदेस राज़ेरे खमीरैरे बारे मां होशियार रेइयथा।” **16** चले यीशुएरी गल गलत सेमझतां एप्पू मांमेइं गलबात केरने लागे कि, “असन कां त रोटी नईं, एल्हेरेलेइ यीशुए एन्चरां ज़ोवं।” **17** तैखन यीशुए तैन केरि गल ज़ेनतां, तैन सेइं ज़ोवं, “तुस एप्पू मांमेइं एन्चरां किजो सोची राओरेथ कि असन कां रोटी नईं? कुन तुस हेजू भी मेरी गल न समझी ते कने न बुझी? कुन तुशे मन बेसमझ भोइ जोरेन? **18** कुन तुसन एछ्छी भोइतां भी न लेइहोए? ते कन भोइतां भी न शुनोए? कुन तुसन याद नईं? **19** ज़ताली

5000 मैन्हु केरे लेइ पंच रोटी ट्लोइतां दित्तोरी थी, त तुसेईं बादे मां बच्चोरी रोटी केरे केत्रे टोकरे भरतां सल्लोरे थिये?” तैनेईं तैस जुवाब दित्तो, “बारहे टोकरे।” **20** तैखन तैनी तैन पुच्छू, “ज़ताली मीं 4000 मैन्हु केरे लेइ सत रोटी ट्लोइतां दित्तोरी थी, त तुसेईं रोटी केरे केत्रे टोकरे भरतां सल्लोरे थिये?” तैनेईं तैस जुवाब दित्तो, “सत टोकरे।” **21** तैखन तैनी तैन पुच्छू, “कुन तुसन हेजू भी समझ न आई?” **22** तैल्ला पत्ती, यीशु त तैसेरे चले बैतसैदा नगरे मां आए। लोकेईं अक कानो मैन्हु यीशु कां आनो ते तैस कां मिन्नत की कि, “एस मैन्हु सेइं हथ लाथ ताके ए बेज्जोए।” **23** तैखन यीशुए तैस काने मैनेरो हथ ट्लेइतां इलोव्वे केरां बेइर नीयो। तैखन तैनी तैस काने मैनेरी एछ्छन पुड़ थुकतां, तैस पुड़ हथ रखे, ते तैस पुच्छू, “कुन तू किछ लातस?” **24** तैखन तैनी मैने उबरे तेकतां ज़ोवं, “हाँ, अवं मैन्न हेरी सकतईं, तैना मीं च़लते बुटां केरे ज़ेरे लेइहोतन।” **25** तैखन यीशुए दुइयोवं हटे तैसेरी एछ्छन पुड़ हथ रखे। तै कानो ध्यान सेइं लाने लागे। तैसेरी एछ्छी ठीक भोइ जेईं, त तै सब किछ साफ-साफ हेरने लागे। **26** तैल्ला पत्ती, यीशुए तै मैन्हु एन ज़ोइतां घरे जो भेज्जी, “तू इस इलोव्वे मां पाव भी न रेखां (ते कने ईं गल केन्ची सेइं न ज़ोइयां।)” **27** तैल्ला पत्ती, यीशु ते तैसेरे चले बैतसैदा नगरे मरां निस्तां कैसरिया-फिलिप्पी नंवेरे नगरेरे इलोव्वन मां च़ेलि जे। बत्तां च़लते-च़लते यीशुए अपने चलन पुच्छू, “ज़ैखन लोक मेरे बारे मां गल्लां केरतन, त तैना मेरे बारे मां कुन ज़ोतन कि अवं कौन आई?” **28** तैसेरे चलेईं जुवाब दित्तो, “किछ ज़ोतन कि तू यूहन्ना आस, ज़ै बपतिस्मो देनेबालो थियो, पन किछ होरे मैन्हु ज़ोतन कि तू एलिय्याह आस, ज़ै नबी थियो, पन किछ होरे मैन्हु एन भी ज़ोतन कि तू परमेशेररी गल्लां ज़ोनेबालन मरां अक मैन्हु आस।” **29** तैखन यीशुए अपने चलन पुच्छू, “पन तुस मेरे बारे मां कुन सोचतथ कि अवं कौन आई?” पतरसे जुवाब दित्तो, “तू मसीह आस।” **30** त यीशुए तैन समझावं कि, “मेरे बारे मां ईं गल केन्ची सेइं न ज़ोइयथ।” **31** तैखन यीशु अपने चलन शिक्षा देनो लगे कि, “मैनेरे मट्टेरे लेइ, यानी मेरे लेइ एन ज़रूरी आए कि मीं बड़े दुख झल्लनेन। यहूदी लोकां केरे बुजुर्गन, प्रधान याजकन, त कने शास्त्री लोकन केरां अवं निकम्मो समझो गानोईं त मारो गानोईं। पन ट्लेइ दिहाइना पत्ती अवं फिरी ज़ीतो भोनोईं।” **32** यीशुए एन गल्लां तैन सेइं साफ-साफ ज़ोईं। तैखन पतरस तैस अलग नेइतां डॉटने लगे, “मसीह न मरो।” **33** पन यीशुए मुडतां अपने बाकी चेलां केरे पासे तक्कू, ते पतरसे सेइं झिड़केइतां ज़ोवं, “हे शैतान, मीं केरां दूर भो! (मतलब एन्चरां न सोच! शैतान तीं केरां एन्चरां जुवाते) मीं केरां दूर भोइ गा। तू परमेशेररी गल्लन पुड़ नईं, पन मैन्हु केरि गल्लन पुड़ मन लातस।” **34** तैखन यीशुए अपने चले त कने मैन्हु केरि भीड़ एप्पू कां कुजेइतां सेबभन सेइं ज़ोवं, “तुस अगर मेरे चेलो बन्नू चातथ, त तुस अपने आपरो इन्कार केरा त कने तुस अपनू क्रूस छुइतां मीं पत्ती

चला। 35 किजोकि जै कोई अपनि ज़िन्दगी बचानी चाते, त तै हमेशारी ज़िन्दगी गुवालो। पन जै कोई मेरे वजाई सेइं त कने मेरे बारे मां खुशखबरी होरि लोकन शुनानेरी वजाई सेइं अपनि ज़िन्दगी गुवाते, यानी बलिदान केरते, त तै तैस बचालो, यानी हमेशारी ज़िन्दगी हासिल केरेलो। 36 मैन्हु अगर सारी दुनियाई हासिल केरे त अपनि हमेशारी ज़िन्दगी गुवाए, त तैस फिरी कुन फैइदो भोलो? 37 मैन्हु अगर अपनि हमेशारी ज़िन्दगी गुवालो, त गुवानेरे पत्ती तै कुन देइतां तैस वापस घिन्नी सकते? 38 अज़्जेरे ज़मानेरे लोक परमेशरे केरां दूरन त कने पापी आन। एस ज़माने मां, अगर कोई मैन्हु मीं केरां त कने मेरी गल्लन केरां शरमाते, त मैनेरू मट्टू भी, यानी अवं भी तैस केरां शरमालो। ज़ेइस अवं अपने बाजी केरि महिमा सेइं साथी त कने पवित्र स्वर्गदूतन सेइं साथी वापस एज्जलो, त तेइस अवं तैस केरां भी शरमालो।”

**9** तैखन यीशुए तैन सेइं ज़ोवं, “अवं तुसन सेइं सत्र ज़ोतई कि ज़ैना इड़ी खडे आन, तैन मरां किछ मैन्हु एरे आन कि ज़ांतगर तैना परमेशरेरे राज़्जेरी शक्ति न हेरेले, तांतगर तैना न मरेले।” 2 शेइ दिहाइना बाद, यीशु अपने चले पतरस, याकूब त कने यूहन्ना सेइं साथी एक्की पहाड़े पुड़ चढ़ो, जेड़ी कोई भी न थियो। तैड़ी तैन केरे सामने यीशुएरी शकल बेदलोई जेई। 3 तैसेरां लिगड़ां हियुवेरां जेरां बड़ां चमकने लगगां कि एत्रे छित्तां भुआं कि धरती पुड़ कोई भी लिगड़ां धोनेबालो एरां जेरां छित्तां न केरि सके। 4 तैखन तैड़ी मूसा नबी त कने एलिय्याह भी यीशु सेइं साथी लेइहोए। ते तैना यीशु सेइं गल्लां केरने लागे। 5 ज़ैखन पतरसे एन हेरू, त तैनी यीशु सेइं ज़ोवं, “हे गुरू, इश्शू इड़ी रानू रोडू आए! एल्हेरेलेइ, अस ट्लाई डेरे बनाम, अक तेरे लेइ, अक मूसेरे लेइ, त कने अक एलिय्याहेरे लेइ।” 6 पतरसे एन्चरां एल्हेरेलेइ ज़ोवं किजोकि तैस पतो न थियो कि कुन ज़ोई, किजोकि तै त कने होरे दूई चले भी बडे डेरि ज़ोरे थियो। 7 तैखन तैड़ी तैन पुड़ बिदलार आई ते तैस बिदलारी मरां परमेशरेरी आवाज़ आई, “एन मेरू ट्लारू मट्टू आए। ध्याने सेइं एसेरी गल शुना!” 8 अकदम, ज़ैखन यीशुएरे चलेई चेत्रे पासन तक्कू, त यीशुएरे अलावा तैड़ी तैन कोई भी न लेइहोव। 9 पहाड़े पुड़ेरां ओस्ते-ओस्ते यीशुए अपने चलन हुकम दित्तो कि, “ज़ांतगर मैनेरू मट्टू, यानी अवं, मेरतां ज़ीतो न भोई, तांतगर ज़ैन किछ तुसेईं पहाड़े पुड़ लावरूए, तैन केन्ची सेइं न ज़ोइयथ।” 10 तैनेई तैन केन्ची सेइं न ज़ोवं, ते तैना एण्पू मांमेइं गलबात केरने लागे कि, “मेरतां ज़ीतो भोनेरो कुन मतलब भोइ सकते।” 11 तैखन तैनेई यीशुए पुच्छू, “शास्त्री लोक किजो ज़ोतन कि मसीहेरे एजनेरां पेइले एलिय्याह नेबेरू दुनियाई मां एजनू ज़रूरी आए?” 12 यीशुए तैन जुवाब दित्तो, “ते तै सज़्गी गल आए कि मसीहेरे एजने केरां पेइले एलिय्याह एजतां सैरी गल्लां ठीक केरनिन। पन परमेशरेरी किताबी मां मैनेरे मट्टेरे बारे मां, यानी मेरे बारे मां एन किजो लिखोरूए कि, “मीं बडे दुख झल्लनेन त लोक मीं निकम्मो समझेले?” 13 पन अवं तुसन सेइं ज़ोतई कि

‘एलिय्याह’ त पेइले ओरोए, (यूहन्ना, एलिय्याहेरे जगाई अवं) त ज़ेन्चरां तैसेरे बारे मां परमेशरेरी किताबी मां लिखोरू थियू, तेन्चरां तैनेई तैस सेइं कियू, यानी ज़ेन्चरां तैना चाते थिये, तेन्चरां तैनेई तैस सेइं बुरू कियू।” 14 तैल्ला पत्ती, यीशु त तैसेरे ट्लाई चले पहाड़े पुड़ेरां ओस्तां, होरि चलन कां पुज़्जे, ज़ैना बुन थियो। तैड़ी एजतां यीशुए तैन चलन केरे चेत्रे पासन मैन्हु केरि बड़ी भीड़ लाई। शास्त्री तैन चलन सेइं बेंस केरि राओरे थिये। 15 यीशु लेइतां सारे लोक बडे हेरान भोए। तैना तैसेरे पासे दौइतां आए ते तैस जो नमस्कार कियू। 16 तैखन यीशुए तैन पुच्छू, “मेरे चलन सेइं कुन बेंस केरि राओरेथ?” 17 मैन्हु केरि भीड़ी मरां एक्की मैने यीशु जुवाब दित्तो, “हे उस्ताद, मीं अपनू मट्टू तीं कां आनेरू थियू, ताके तैन ठीक भोए। किजोकि तैस पुड़ भूतेरो सायो आए, ते तैस गल केरने न दे। 18 कोन्ची भी ठैरी तैन भूत मेरे मट्टे ट्लाते, ते ज़मीनी पुड़ बिछोइते। तैखन तैसेरे ऐशी मरां शैम्फ्र एच्चे ते तैन दंत कटते ते ठठमुकर भोइ गाते। मीं तेरे चलन सेइं ज़ोरू थियू कि, ‘मेरे मट्टे पुड़ेरां भूतेरो सायो केड्डी देथ।’ पन तैना केड्डी न सके।” 19 एन गल्लां शुन्तां यीशुए तैन जुवाब दित्तो, “हे गैर विश्वासी मैनाव! अवं केइस तगर तुसन सेइं साथी रालो? त केइस तगर अवं तुश्शो अविश्वास झैल्लली? तैस मट्टे मीं कां आनां!” 20 तैखन तैनेई तैन मट्टू यीशु कां आनू। ज़ैखन तैनी भूते यीशु लाव, त तैनी अकदम तैन मट्टू मरोडू, ते मट्टू तल्ले बिछडू। ते तैसेरी ऐशी मरां शैम्फ्र निस्ने लगगी त तैन डूलेडने लगगू। 21 यीशुए तैसेरे बाजी पुच्छू, “एसेरी ए हालत केइसेरी देंती आए?” तैसेरे बाजे ज़ोवं, “बचपनेरी देंती। 22 एस मारनेरे लेइ एन भूत बडे बार कधी अग्गी मां ते कधी पैनी मां बिछोइतू राते, पन अगर तू किछ केरि सकतस, त असन पुड़ तरस खेइतां इश्शी मद्दत केर।” 23 यीशुए तैस मट्टेरे बाजी सेइं ज़ोवं, “तू ए को गल केरतस! अगर तू विश्वास केरस, त एन भोइ सकते। किजोकि मीं पुड़ विश्वास केरनेबालां केरे लेइ सब किछ भोइ सकते।” 24 तैस मट्टेरे बाजे अकदम ज़ोरे सेइं लेरां देइतां ज़ोवं, “हे प्रभु, अवं विश्वास केरतई, मेरी मद्दत केर कि अवं शक न केरि।” 25 ज़ैखन यीशुए हेरू कि बडे लोक दौइतां अकोट्टे भोने लागोरेन, त तैनी भूत एन ज़ोइतां डांटू, “हे भूता, जै एस मट्टे टोवू त लट्टू बनातस। अवं तीं हुकम देताई, एस मट्टे मरां निस्सी गा, ते एसमां फिरी कधी भी न एज्जां!” 26 तैखन तैनी भूते चिन्डां मारी त तैन मट्टू मरोडू, फिरी तैन तैस मट्टे मरां निस्सी जेव। त मट्टू मरू ज़ेरू भोइ ज़ोवं, इड़ी तगर कि बडे लोक ज़ोने लागे कि मट्टू मेरि ज़ोवं। 27 पन यीशुए मट्टेरो हथ टलेइतां खडू कियू। ते मट्टू ठीक भोइतां खडू भोवं। 28 तैल्ला पत्ती, यीशु ते तैसेरे चले घरे जो जे। ज़ैखन तै अकैल्लो थियो तैखन तैसेरे चलेई तैस पुच्छू, “अस तैस मट्टे मरां भूतेरो सायो की न केड्डी सके?” 29 यीशुए तैन सेइं ज़ोवं, “बगैर प्रार्थनारे (त कने बगैर बरत रखनेरे) अलावा, होरि केन्ची तरीके सेइं, तुस एरे ज़ेरे भूतेरो सायो न केड्डी सकतथ।” 30 तैल्ला पत्ती, यीशु त तैसेरे

चेले तैट्टां निस्तां गलील इलाके मामेइं ज़ेलि राओरे थिये। यीशु न किजोकि तैखन तै अपने चेलन शिक्षा देतो ते तैन सेइं ज़ोतो थियो कि, “मेरे दुश्मनेईं मैनेरू मडू, यानी अवं कैद केरनोईं। त तैनेईं अवं मारनोईं, पन मारनेरां टलेइयोवं दिहाडे अवं मुड़न मरां फिरी ज़ीतो भोनोईं।” 32 पन यीशुएरी ए गल चलां केरि समझीं मां न आईं, ते तैना एस गल्लारो मतलब पुछने केरां भी डरते थियो। 33 तैल्ला पत्ती, यीशु ते तैसेरे चले कफरनहूम नगरे मां आए। तैना तैडी एक्की घरे मां जे। तैखन यीशुए अपने चेलन पुच्छू, “बत्तां चलते-चलते तुस एप्पू मामेइं कोस गल्लारे बारे मां बेंस केरि राओरे थिये?” 34 तैना सब शरमेइतां चुप राए, किजोकि तैनेईं बत्तां एप्पू मामेइं एसेरे बारे मां बेंस कियोरी थी कि असन मां बड्डो मैन्हु कौन आए। 35 तैखन यीशुए तल्ले बिश्तां अपने 12 चले कुजाए ते तैन सेइं ज़ोवं, “अगर कोई परमेशेरी नज़री मां बड्डो बनू चाते, त ते सेबन केरां निकडो बने, ते कने सेबनी मैन्हु केरो सेवक बने।” 36 तैखन यीशुए अक निकडो बच्चो हथ्यन मां टलेइतां, तैन केरे मड्डाटे खड्डो कियो। तैनी ते बच्चो अपने कुम्मे मां रेखतां अपने चेलन सेइं ज़ोवं, 37 “जैना लोक मीं सेइं प्यार केरनेरे वजाईं सेइं एरे जेरे बच्चन मरां अक भी कबूल केरतन, तैना मीं कबूल केरतन। जैना मीं कबूल केरतन, तैना सिर्फ मीं नईं, पन तैना परमेशेरे भी कबूल केरतन, जैनी अवं इडी भेजोरोईं।” 38 तैखन यूहन्ने यीशु सेइं ज़ोवं, “हे गुरु, असेईं अक मैन्हु लाव, जै तेरू नवं घिन्तां लोकन मरां भूतेरो सायो केडी राओरो थियो। एल्हेरेलेइ, असेईं ते मैन्हु ठाको, किजोकि ते असन सेइं साथी तीं पत्ती नईं चले।” 39 पन यीशुए जुवाब दितो, “तैस न ठाका, किजोकि अगर कोई मेरे नवं घिन्तां चमत्कारेरां कम्मां केरे, त ते मेरे बारे मां लूशी बुरी गल्लां न जोए। 40 किजोकि जैना इश्शे खलाफ कम न केरन, तैना इश्शे पासेन। 41 अगर कोई मेरे नव्वे सेइं तुश्शी मद्दत केरे, अक गिलास पानी भी तुसन पियाए, कि मसीहेरे आथ, त अवं तुसन सेइं सत्र ज़ोतां कि ते मैन्हु परमेशेरे केरां अपनो फल ज़रूर हासिल केरेलो। 42 “जै कोई इन निकडे बच्चन मरां जैना मीं पुड़ विश्वास केरतन, केन्ची भी पाप करवाए, त तैस मैनेरे लेइ एन रोडू आए कि द्वालेटोरे अक बड्डो द्वालेटोल तैसेरे गल्ले सेइं बेंधतां समुन्द्रे मां शारो गाए। 43 अगर तेरो हथ तीं पाप केरनेरे लेइ ठोकर खुवाए, त तैस केटी छड। किजोकि तेरे लेइ दूईं हथ भोंते सांते सज़ा मैलनेरे लेइ नरकेरी अग्गी मां गाने केरां एन रोडू आए, कि तू डोण्डो भोइतां हमेशारी ज़िन्दगी मां दाखल भोस। किजोकि नरकेरी अग कधी भी न हिश्शे। (Geenna g1067) 44 तैडी तैन केरे कीडे, जैना तैन खातन न मरन ते कने अग भी न हिश्शे। 45 त अगर तेरो पाव तीं पाप केरनेरे लेइ ठोकर खुवाए, त तैस केटी छड। किजोकि तेरे लेइ दूईं पाव भोंते सांते सज़ा मैलनेरे लेइ नरकेरी अग्गी मां गाने केरां एन रोडू आए, कि तू टोंटो भोइतां हमेशारी ज़िन्दगी मां दाखल भोस।

किजोकि नरकेरी अग कधी भी न हिश्शे। (Geenna g1067) 46 तैडी तैन केरे कीडे, यानी जैना तैन खातन न मरन त अग भी न हिश्शे। 47 अगर तेरी अछ तीं पाप केरनेरे लेइ ठोकर खुवाए, त तैस केटी छड। किजोकि तेरे लेइ दूईं एछछी भोंते सांते नरकेरी अग्गी मां छड्डे गाने केरां एन रोडू आए, कि एक्की अछछी सेइं तू परमेशेरे राज़े मां दाखल भोस। (Geenna g1067) 48 नरके मां तैन केरे कीडे, जैना तैन खातन न मरन त अग भी न हिश्शे। 49 जेन्चरां हर बलिदाने मां लून छडनू जरूरी आए, तेन्चरां परमेशर हर एक्की मैनेरी अज़मैइश घिन्लो, जै बडी दुखे वाली भोनी आए, जेन्चरां कि अग्गी मामेइं निसनूए। 50 लून त रोडू आए, पन अगर लूनरो स्वाद ज़ेलि गाए, त फिरी दुबारा केन्चरे तैसेरो स्वाद वापस आनेले? तेन्चरां तुस भी एप्पू मां लून रखा, यानी परमेशेरो हुक्म मन्ना, त एप्पू मामेइं मेल मिलापे सेइं राथ।”

**10** तैल्ला पत्ती, यीशु त तैसेरे चले तैट्टां उठतां यहूदिया इलाके मां आए, त फिरी यरदन दरियारे उस पार चले जे। तैडी मैन्हु केरि भीड़ फिरी तैस कां अकोटी भोइ। त ते अपने रीतेरे मुताबिक तैन फिरी शिक्षा देने लगे। 2 तैखन फरीसी लोकेईं यीशु कां एइतां तैस अज़मानेरे लेइ तैस पुच्छू, “कुन एन जेइज़ आए कि मडूद अपनि कुआन्शी फारख्ती दे?” 3 पन यीशुए तैनन् पुच्छू, “बडे पेइले मूसा नेबे तुसन कुन केरनेरो हुक्म दित्तोरो थियो?” 4 तैखन तैनेईं यीशुए जुवाब दितो, “मूसे मडूदे अज़ाज़ात दित्तोरीए कि ते लिखतां फारख्ती दे।” 5 तैखन यीशुए तैनन् जुवाब दित्तो, “तुश्शे सखत दिलेरी वजाईं सेइं, मूसे तुश्शे लेइ ए हुक्म दित्तोरो थियो। 6 पन दुनियारी शुरुआती मां, जैखन परमेशेरे मैन्हु केरि रचना की, तैखन तैनी तैना मडूद ते कुआन्श बनोरेन। 7 एल्हेरेलेइ, इलाएरे पत्ती मडूद अपने हाज-बव्वे केरां अलग भोइतां अपनि कुआन्शी सेइं साथी रालो, 8 ते तैना दुइये अक्के जान भोले।” तैल्ला पत्ती यीशुए ज़ोवं, “एल्हेरेलेइ तैना हुनी परमेशेरी नज़री मां दूईं नईं, पन तैना अक्के आन। 9 एल्हेरेलेइ जैना परमेशेरे ज़ोडोरेन, तैनन् कोई मैन्हु अलग न केरे!” 10 बादे मां, जैखन यीशु ते तैसेरे चले घरे मां थिये, तैखन तैसेरे चलेईं फारख्ती देनेरे बारे मां तैस फिरी पुच्छू। 11 यीशुए तैन सेइं ज़ोवं, “जै कोई अपनि कुआन्शी फारख्ती देइतां होरो इला बनाए, त ते तैस पेइली कुआन्शारे खलाफ बदमाशी केरते। 12 त अगर कुआन्श अपने मडूदे छेइतां होरो इला बनाए, त ते अपने पेइले मडूदेरे खलाफ बदमाशी केरचे।” 13 तैल्ला पत्ती, किछ लोक अपने निक्के बच्चन यीशु कां आन्ने लगगे ताके ते तैन पुड़ हथ रेखतां आशिर्वाद दे, पन तैसेरे चलेईं तैना लोक डांटे। 14 यीशुए एन हेरतां सेरकोइतां अपने चेलन सेइं ज़ोवं, “निक्के बच्चन मीं कां एजने देथ, तैनन् न ठाका, किजोकि परमेशेरे राज़ एरे जेरे लोकां केरे लेइ आए। 15 अवं तुसन सेइं सत्र ज़ोतईं कि जै कोई परमेशेरे राज़े निकडे बच्चेरू जेरू कबूल न केरे, त ते परमेशेरे राज़े मां कधी भी दाखल न भोइ सके।” 16 तैखन यीशुए तैना बच्चे कुम्मे मां रेखां, तैन पुड़ हथ



रेखतां तैनन् आशिर्वाद दित्तो। 17 तैल्ला पत्ती, ज़ैखन यीशु त तैसेरे चले घरेरां बेइर निस्तां बत्तां चेलि राओरे थिये, ते अक मैन्हु यीशु कां दौडतो अव। तैनी तैस कां मथ्यो टेकतां तैस पुच्छू, “हे रोडे गुरु, हमेशारी जिन्दगी हासिल केरनेरे लेइ अवं कुन केरि?” (aiōnios g166) 18 पन यीशुए तैस पुच्छू, “किजो तू मीजो रोडू ज़ोतस? परमेशरेरे अलावा होरो कोई भी रोडो नई। 19 तू त परमेशरेरे हुकमन जानतस, यानी ‘खून न केरा, बदमाशी न केरा, चोरी न केरा, झूठी गवाही न देथ, धोखो न देथ, अपने हाज-बच्चां केरि इज़्जत केरा।” 20 पन तैनी मैने यीशु जुवाब दित्तो, “हे गुरु, एना सब हुकम अवं बचपनेरो मन्तो ओरोई।” 21 तैखन यीशुए तैस तेकतां तैस सेइं प्यार कियो, त तैस सेइं ज़ोवं, “तीं मां एक्की गल्लारी कमी आए। गा, ज़ैन किछ तीं कां आए तैन बेघतां गरीब मैन्न दे, तैखन तीं स्वर्गं मां खज़ानो मैलेलो। तैल्ला पत्ती, एइतां मेरो चेलो बना, त अपनू क्रूस छुइतां मीं पत्ती चला।” 22 यीशुएरी ए गल श्रुतां तैस मैनेरू तुत्तर टूलक्कू, त तै बडो दुखी भोइतां चलो जेव, किजोकि तै बडो अमीर थियो त तै अपनो धन छुडने न चातो थियो। 23 तैखन यीशुए चेरे पासन अपने चेलन तेकतां तैन सेइं ज़ोवं, “अमीर मैन्हु केरू परमेशरेरे राज़े मां दाखल भोनू बडू मुश्किल आए।” 24 यीशुएरे चले तैसेरी गल्लां श्रुतां हैरान भोए। पन यीशुए फिरी तैन सेइं ज़ोवं, “हे मट्टाव, ज़ैना धने पुइ भरोसो रखतन, तैन केरे लेइ परमेशरेरे राज़े मां दाखल भोनू बडू मुश्किल आए! 25 परमेशरेरे राज़े मां अमीर मैनेरू दाखल भोने केरां ऊँटेरू सांधनेरे पाए मरां निस्नू सुखू आए!” 26 तैखन तैना बडे हैरान भोइतां एप्पू मांमेई ज़ोने लगगे, “अगर अमीर मैनेरे लेइ मुक्ति हासिल केरनि नमुमकिन आए, त फिरी केसेरी मुक्ति भोइ सकचे?” 27 यीशुए तैन केरे पासे तेकतां ज़ोवं, “मैन्हु अपने आपे न बचेइ सकन, यानी मुक्ति हासिल न केरि सकन, पन परमेशर एन केरि सकते, किजोकि परमेशर सब किछ केरि सकते।” 28 तैखन पतरस यीशु सेइं ज़ोने लगगे, “ताक, अस त सब किछ छेइतां तीं पत्ती चलोरेम! असन कुन इनाम मैलेलू?” 29 यीशुए अपने चेलन सेइं ज़ोवं, “अवं तुसन सेइं सत्र ज़ोतई कि, ज़ैनेई मेरे लेइ त कने मेरे बारे मां खुशखबरी होरे लोकन शुनानेरे लेइ अपने घर या ढूला या बेइन या हाज या बव या बच्चे या ऊडारां शारोरन, 30 तैनन् इस दुनियाई मां शौव गुणा मैलेलू। तैना घरन, ढूलान, बेइनन, हेईयन, बच्चन त कने ऊडारां हासिल केरेले। लोक भी तैनन् सताले, पन एजनेबाली दुनियाई मां परमेशर तैनन् हमेशारी जिन्दगी देलो। (aiōn g165, aiōnios g166) 31 पन बडे मैन्हु ज़ैना हुन्ना पेइले आन, तैना बादे मां पत्रोवं भोनेन। त ज़ैना हुन्ना पत्रोवं आन, तैना बादे मां पेइले भोनेन।” 32 तैल्ला पत्ती, यीशु त तैसेरे चले ते किछ लोक यरूशलेम नगरे जो चलते-चलते, तैना हेजू बत्तां थियो। यीशु तैन केरे अग्री-अग्री पासे चेलि राओरो थियो। ते तैसेरे चले हैरान भोए त होरे लोक डरते-डरते तैस पत्ती चली राओरे थियो। तैखन यीशु अपने 12 चेलन बत्ती मरां

अलग नेइतां फिरी तैन सेइं तैना गल्लां ज़ोने लगगे, ज़ैना तैस सेइं भोनेबैली थी। 33 तैनी ज़ोवं, “शुना, अस सारे यरूशलेम नगरे जो गेइ राओरेम। तैडी मैनेरू मट्टू (यानी अवं) प्रधान याजकन त कने शास्त्री लोकन केरां कैद कियो गानोई, त तैना मीं मारनेरो हुकम देले त गैर यहूदी लोकां केरे हवाले केरले। 34 त होरि कौमां केरे लोक मेरो मज़ाक बनाले, त मीं पुइ थुकेले, त मीं कोडे मारेले, त तैना मीं मैरी छेइले, पन टूलेइ दिहाइना पत्ती अवं मुइदन मरां फिरी ज़ीतो भोलो।” 35 तैखन याकूब त यहून्ना, ज़ैना जब्दी नंवेरे मैनेरां मट्टां थियां, यीशुएरे नेडे एइतां तैस सेइं ज़ोने लगगे, “हे गुरु, अस चातम कि ज़ैन किछ अस तीं केरां मगम, तैन तू असन देइयथ।” 36 यीशुए तैन पुच्छू, “तुसन कुन लोइते, ज़ैन अवं तुसन देई?” 37 तैनेई तैस सेइं ज़ोवं, “असन एन दे कि ज़ैखन तू महिमा सेइं साथी राज़ केरेलो, तैखन तीं सेइं साथी राज़ केरनेरे लेइ असन मरां अक तेरे देइने पासे त होरो तेरे बाएं पासे राज़गेदी पुइ बिशेशे।” 38 पन यीशुए तैन सेइं ज़ोवं, “तुस न जानथ कि तुस कुन मगने लगगेरेथ! ज़ेन्चरे दुख अवं झलने बालोई, कुन तुस झेल्ली सकतथ? ज़ेन्चरे अवं मारनोई कुन तुस भी मारे गानेरे लेइ तियारथ?” 39 तैनेई तैस जुवाब दित्तो, “हाँ, अस एन केरि सकतम।” एल्हेरेलेइ, यीशुए तैन सेइं ज़ोवं, “सच्चे, ज़ेन्चरे अवं दुख झलने बालोई, तेन्चरे तुस झललेले? ज़ेन्चरे अवं मारनोई तेन्चरे तुस मारे गाले। 40 पन तै ठार ज़ैन केरे लेइ पेइले तियारी कियोरीए, तैन छेइतां होरे केन्ची अपने देइने पासे त कने अपने बाएं पासे राज़गेदी पुइ बिशालनू मेरू कम नई।” 41 एन श्रुतां यीशुएरे बाकी दश चले याकूब त कने यहून्ना सेइं नराज़ भोइ जे। 42 तैखन यीशुए अपने सारे चले नेडे कुजेइतां, तैन सेइं ज़ोवं, “तुसन पतोए कि ज़ैना होरि कौमां केरे लोकां केरे राज़ केरनेबाले समझे गातन, तैना अपने लोकन पुइ राज़ केरतन। तैन मरां ज़ैना बड्डे अफसर आन, तैना अपने लोकन पुइ हकोमत चलातन। 43 पन तुसन मां एरी ज़ेरि गल न लोडे, पन ज़ै कोई तुसन मां बड्डो बनू चाए, त तै निकडो बेनतां तुशशो सेवक बने। 44 त ज़ै कोई तुसन मां प्रधान मैन्हु बनू चाए, त तै सारे मैन्हु केरो सेवक बने। 45 किजोकि मैनेरू मट्टू, यानी अवं एस दुनियाई मां एल्हेरेलेइ नई ओरो कि कोई मेरी सेवा केरे, पन एल्हेरेलेइ ओरोई कि अवं होरि लोकां केरि सेवा केरि त कने बडे लोकां केरे लेइ अपनि जान बलिदान केरि, ताके तैन अपने पापां केरे सज़ाई केरां छुटकारो मैल्ले।” 46 तैल्ला पत्ती, यीशु त तैसेरे चले यरीहो नगरे मां पुज्जे। बादे मां, ज़ैखन तैना मैन्हु केरि बडी भीडी सेइं साथी यरीहो नगरी मरां निस्सी राओरे थिये, त तैखन बरतिमाई नंवेरो कानो भिखारी सडुकेरे इलेखी बिशतां भीख मेग्गी राओरो थियो। तैसेरे बाजी केरू नंवं तिमार्ड थियू। 47 ज़ैखन तैनी शुनू कि नासरत नगरेरो यीशु इलमेई निस्सी राओरोए, त तै भिखारी ज़ोरे सेइं ज़ोने लगगे, “हे यीशु, दाऊद राज़ेरा मट्टा! मीं पुइ दया केर!” 48 त बडे लोकेई तै डांटो कि, “चुप रा।” पन तै पेइले

केरां जादे चिन्डां मारने लगे, “हे दाऊद राजेरा मट्टा, मीं पुड दया केर!” 49 तैखन यीशुए रुकतां लोकन सेइं ज़ोवं, “तुस तैस इरां कुजाथ।” लोकेईं तै कानो कुजेइतां तैस सेइं ज़ोवं, “हिम्मत रख! उठ! यीशु तीं एप्पू कां कुजाने लग्गोरेन।” 50 तै अपनि च़ारद शैरतां लूशी उठो, ते यीशु कां अव। 51 तैखन यीशुए तैस पुच्छू, “तीं कुन लोइते कि अवं तेरे लेइ केरि?” काने मैने जुवाब दित्तो, “हे गुरू, अवं लानू चाताई।” 52 तैखन यीशुए तैस सेइं ज़ोवं, “तू गा। तीं मीं पुड विश्वास कियूं एल्हेरेलेइ अवं तीं बज़्जाताई।” अकदम तै लाने लगे त कने यीशु पत्ती च़लो।

**11** ज़ैखन यीशु त तैसेरे चले यरूशलेम नगरेरे नेडे आए, त तैखन ज़ैतून नंवेरे पहाड़ेरे नेडे, बैतफगे त कने बैतनिय्याह इल्लोव्वन कां पुज्जे। तैखन यीशुए अपने चेलन मरां दुइयन सेइं एन ज़ोइतां पेइले भेजे कि, 2 “अपने सामनेबाले इल्लोव्वे मां गाथ। तैड़ी पुज्जेत तुसन अक गैधेरो बच्चो बंधोरो मैलेलो, ज़ैस पुड कधी कोई नईं च़ढोरो। तैस खोलतां इड़ी मीं कां आनां। 3 अगर तुसन कोई पुच्छे, ‘किजो एन केरने लग्गोरेथ?’ त तैस सेइं ज़ोइयथ, ‘प्रभुए एसेरी ज़रूरत आए।’ त तै अकदम गधेरे बच्चे तुसन सेइं साथी इड़ी भेजेलो।” 4 तैना दूईं चले तैस इल्लोव्वे मां जो। तैड़ी गैधरो बच्चो एक्के घररे दारे बेइर बंधोरो लाव, त तैना तैस खोलने लग्गे। 5 ज़ैना तैड़ी खडे थिये, तैन मरां किछ मैनेईं तैन पुच्छू, “एन कुन केरने लग्गोरेथ, गधेरे बच्चे किजो खोलने लग्गोरेथ?” 6 ज़ेन्चरां यीशुए अपने चेलन सेइं ज़ोरु थियूं, तेन्चरां तैनेईं तैन मैनु सेइं ज़ोवं। तैखन तैन मैनेईं चले तैट्टां गाने दित्ते। 7 यीशुएरे चलेईं बच्चो यीशु कां एन्तां यीशुए तैस पुड बिशालनेरे लेइ, तैस पुड अपने लिगडां छुडो। त यीशु तैस पुड बिशो (त तैना यरूशलेम नगरेरे पासे जो च़लने लग्गे)। 8 तैखन बडे लोकेईं (तैसेरी इज़्जत केरनेरे लेईं) अपना लिगडां बत्ती मां बिछां त कने किछ मैनेईं पटलनबाली डैलडी एन्तां बत्ती मां बिछेईं। 9 ज़ैना यीशुएरे अग्री-अग्री त कने पत्ती-पत्ती च़लने लग्गोरे थिये, तैना खुशी सेइं ज़ोरे सेइं ज़ोने लग्गे, “होशाना! (परमेशेरी तारीफ़ भोए) परमेशर तैस बरकत दे, ज़ै प्रभु-परमेशेरे अधिकारे सेइं साथी एज्जी राओरोए!” 10 “परमेशर तीं आशिर्वाद दे, ज़ैखन तू इश्शे पडदादे दाऊदेरू राजेरू जेरू राज़ केरे! परमेशेरी होशाना (तारीफ़) भोए, ज़ै उच्चे स्वर्गं मां आए!” 11 तैल्ला पत्ती, तैन लोकन सेइं साथी, यीशु यरूशलेम नगरी मां पुज्जां मन्दरे मां जेव। यीशु मन्दरे मां च़ेरे पासन तक्कू कि ज़ैन तैड़ी भोइ राओरू थियूं। तै अपने 12 चेलन सेइं साथी नगरे मरां निस्तां, राती बिशनेरे लेइ बैतनिय्याह इल्लोव्वे जो वापस च़लो जेव, किजोकि इलोइ भोइ जोरी थी। 12 त एग्री दिहाड़ी, ज़ैखन यीशु त तैसेरे चले बैतनिय्याह इल्लोव्वेरां निस्तां यरूशलेम नगरे जो वापस एज्जी राओरे थिये, तैखन यीशुए दलुख लग्गी। 13 तै दूरेरां फ़ेगरो अक नीलो बुट लेइतां तैसेरे नेडे जेव कि खाने जो शायद तैस मां किछ मैल्ले। पन, ज़ैखन तै बुटे कां जेव, त तैड़ी पट्लां केरे अलावा तैस किछ न मैल्लू, किजोकि तै फल्लेरो मौसम न

थियो। 14 तैखन यीशुए तैस बुटे फिटकार देइतां तैस सेइं ज़ोवं, “हुन्नेरे पत्ती, तीं मां कोई फल कधी न लागलो!” त तैसेरे चले एन शुनी राओरे थियो। (aiōn g165) 15 तैल्ला पत्ती, तैना फिरी यरूशलेम नगरे मां पुज्जे, त यीशु मन्दरेरे अंगने मां जेव। तैड़ी लोक जानवरां केरू त कने मन्दरे मां च़ाढनेरू सामान घिन्नेरू त कने बेचनेरो कारोबार केरि राओरे थिये। यीशु तैनन् बेइर कढने लग्गे, ते तैनी तैड़ी पेंइसे बदलनेबालन केरे मेज़न त कने कबूतर बेचनेबालन केरि कुर्सी उलटेइ दित्ती। 16 त मन्दरेरी ठैरी मां केन्ची बेचनेरे लेइ कोई चीज एन्तां च़लने न दित्त्। 17 तैखन यीशुए तैन लोकन शिक्षा देइतां ज़ोवं, “परमेशेरी किताबी मां एस मन्दरेरे बारे मां एन लिखोरूए कि परमेशेरे ज़ोवं, मेरू मन्दर सैरी कौमां केरे लोकां केरे लेइ प्रार्थनारू घर भोलू! पन तुस लोकेईं इन मन्दर डैकू केरो अड्डो बनोरोए।” 18 एन शुन्तां प्रधान याजक त कने शास्त्री लोक यीशु कल्ल केरनेरो मौको तोपने लग्गे। पन तैना यीशु केरां डरते थिये, किजोकि सारे लोक तैसेरी शिक्षाई शुन्तां हैरान भोते थिये। 19 ज़ैखन इलोइ भोइ, त यीशु त तैसेरे चले (रात गुज़ारनेरे लेइ) नगरां बेइर च़ेले जे। 20 एग्री दिहाड़ी, ज़ेज्जारां यीशु त तैसेरे चले तैट्टां यरूशलेम नगरे जो च़ले त तैनेईं तै फ़ेगरो बुट लाव, ज़ैस यीशुए पेइले फिटकार दित्तोरो थियो। तै बुट ज़ीलन तगर शुक्की जोरो थियो। 21 पतरसे तै गल याद आई कि यीशुए एस बुटे फिटकार दित्तोरो थियो, त तैनी यीशु सेइं ज़ोवं, “हे गुरू, तक! ए फ़ेगरो बुट ज़ैस तीं फिटकार दित्तोरो थियो, शुक्की जोरोए! (एन केन्चरां भोवं)” 22 यीशुए अपने चेलन जुवाब दित्तो, “तुस परमेशेरे पुड विश्वास रखा। 23 अवं तुसन सेइं सच ज़ोताई कि ज़ै कोई एस पहाड़े सेइं ज़ोए, ‘तू उखडतां समुन्द्रे मां बिछुडी गा,’ त एन्चरां ज़ोइतां अपने दिले मां शक न केरे, पन विश्वास केरे कि ‘ज़ैन अवं ज़ोतईं तैन भोइ गालू,’ त तैसेरेलेइ तैन्ने भोलू। 24 एल्हेरेलेइ अवं तुसन सेइं ज़ोतईं कि, ज़ैखन तुस प्रार्थना केरतां परमेशेरे केरां ज़ैन भी मगले, त विश्वास केरा कि तुसन तैन ज़रूर मैल्ली गालू, तैखन परमेशेरे केरां तैन तुसन दित्त् गालू। 25 ते ज़ैखन कधी तुस खडे भोइतां परमेशेरे कां प्रार्थना केरतथ, त अगर तुसन केन्ची सेइं गिलो भोए, त पेइले तुस तैस माफ़ केरा, ताके तुश्शो स्वर्गो बाजी भी तुश्शे पाप माफ़ केरे। 26 अगर तुस होरि लोकन माफ़ न केरथ, त तुश्शो बाजी परमेशर भी, ज़ै स्वर्गं मां आए, तुश्शे पाप माफ़ न केरेलो।” 27 तैल्ला पत्ती, यीशु त तैसेरे चले फिरी यरूशलेम नगरे मां आए। ज़ैखन यीशु मन्दरेरे अंगने मांमेइं हंठने लग्गोरो थियो, त तैखन प्रधान याजक त कने शास्त्री त कने यहूदी लोकां केरे बुजुर्ग तैस कां आए, त तैस सवाल पुछने लग्गे, 28 “तू एन कम्मां कोस अधिकारे सेइं केरतस, त कने एन कम्मां केरनेरो तीं केनि अधिकार दित्तोरोए?” 29 पन यीशुए तैन सेइं ज़ोवं, “अवं भी तुसन अक सवाल पुछतईं। मीं तैसेरो जुवाब देथ, तैखन अवं भी तुसन ज़ोलो कि अवं एन कम्मां कोस अधिकारे सेइं केरतईं। 30 मीं जुवाब देथ। यूहन्ना

जै बपतिस्मो देनेबालो थियो, तैस बपतिस्मो देनेरो अधिकार कोट्टां मैल्लो, परमेशेरी तरफां मैल्लो या मैन्हु केरि तरफां?” 31 तैखन तैना एप्पू मामेइं गलबात केरने लागे कि, “अगर अस ज़ोम कि, ‘परमेशेरी तरफां मैल्लो,’ त एनी पुछ्नुए कि, ‘फिरी तुसेई तैसेरो विश्वास की न कियो?’” 32 पन अस एन भी नई ज़ोई सकम कि, ‘यूहन्ना अधिकार, मैन्हु केरि तरफां मैल्लो,’ किजोकि असन लोकां केरो डर आए कि तैना असन पुड क्रोध केरले, किजोकि सारे लोक समझते थिये कि सच्चे यूहन्ना नबी आए।” 33 एल्हेरेलेइ तैनेई यीशु एन जुवाब दितो कि, “असन नई पतो।” यीशुए तैन सेइं ज़ोवं, “अवं भी तुसन सेइं न ज़ोई कि अवं एन कम्मां कोस अधिकारे सेइं केरतई।”

**12** तैल्ला पत्ती, यीशु यहूदी लोकां केरे लीडरन सेइं मिसालन मां गल्लां केरने लागो, “एक्सां, एक्की मैने दाछरी बाग लाई, ते बागारे चेत्रे पासन बाड़ दितो, त दाछारो रस कढनेरे लेइ कुण्ड बनावं, ते तैनी तैस बागारी रखवाली केरनेरे लेइ अक उच्ची कूडी बनाई। तैल्ला पत्ती, तै मैन्हु तैस बागारो ठेको किछ ज़मीनदारन देइतां होरि मुल्ले जो चलो जेव। 2 ज़ैखन फल्लेरो मौसम अव, त तैनी ज़मीनदारन कां अक नौकर भेजो कि ज़मीनदारन केरां दाछारे बागारे फल्लां केरो अपनो हिस्सो आने। 3 पन ज़ैखन तै नौकर बागी मां पुज्जो, त तैन किसानेई तै टलेइतां मट्टो त खाली हथ्येइं वापस भेजो। 4 ज़ैखन बागारे मालिके शुनु कि तैनेई एन कुन कियुं, त तैनी होरो अक नौकर फिरी भेजो। पन तैनेई तैसेरो भी दोग बननो ते तैसेरी बेजती केरतां भेजो दितो। 5 फिरी तैनी मालिके होरो अक नौकर तैन कां भेजो। तैनेई तै भी मैरी छट्टो। तैखन तैनी होरे जादे नौकर भेजो। तैन मरां तैनेई किछ मट्टे, ते किछ मारे। 6 तैस मालिके कां अक्के रेवरो थियो, ज़ैन तैसेरू ट्कारू मट्टू थियुं। आखरी मां, तैनी तै भी तैन कां एन सोचतां भेजू कि तैना मेरे मट्टेरी इज्जत केरले। 7 पन ज़ैखन मालिकेरू मट्टू तैन कां अव, त तैन किसानेई एप्पू मामेइं ज़ोवं, ‘ए त एस बागारो वारिस आए। एज्जा, अस एस भी मैरी छट्टम, तैखन एसेरी जेइदात इश्शी भोनी।’ 8 एल्हेरेलेइ, तैनेई तै टलेइतां मैरी छट्टो, ते बागारे बेइर शेरी छट्टो।” 9 तैखन यीशुए तैन मैन्नु पुछ्छू, “हुनी बागारो मालिक तैन ज़मीनदारन सेइं कुन केरेलो? अवं ज़ोतई कि तैनी कुन केरनु, तै एइतां तैन किसानां केरो नाश केरेलो, ते बागारो ठेको होरि केन्ची ज़मीनदारन देलो!” 10 “कुन तुसेईं पवित्रशास्त्रे मां मसीहेरे बारे मां ई गल नई पढोरी? तैस मां लिखोरूए कि, ‘जै घोड़ राज-मिस्त्रेई निकम्मो ठहरेवरो थियो, तै मकानेरो खास घोड़ बेनि जेव। 11 एन प्रभु परमेशेरी तरफां एन्चरां भोव, ते कने इश्शी नज़री मां ए हैरान भोनेरी गल आए।” 12 ज़ैखन यहूदी लोकां केरे लीडरेई एन शुनु, त तैनेई सेमझी छट्टु कि यीशुए ई मिसाल इश्शे खलाफ ज़ोरीए। एल्हेरेलेइ, तैना सैरकोए। त तैनेई यीशु कैद केरनु चाव। पन तैना लोकन केरां डरे, एल्हेरेलेइ तैस छेइतां चेलि जे। 13 तैल्ला पत्ती, यहूदी लोकां केरे लीडरेई यीशु कां

किछ फरीसी लोक त कने हेरोदेस राजेरे लोक भेजे, ताके तैना यीशुए अपनि गल्लन मां फसान। 14 तैनेई यीशु कां एइतां तैस सेइं ज़ोवं, “हे गुरु, अस ज़ानतम कि तू सच्चो आस, त केन्चेरी परवाह न केरस, किजोकि तू सारे मैन्नु बराबर समझतस, त तू परमेशेरी गल्लां लोकन सच्चोई सेइं शुनातस। एल्हेरेलेइ असन ज़ो, कुन रोम-मुल्लेरे महाराजे जो चुंगी देनी जेइज आए कि नई? 15 अस देम या न देम?” यीशुए तैन केरू पाखंड ज़ेनतां तैन सेइं ज़ोवं, “मीं किजो अज़मातथ? अक सिक्को (दीनार) मीं कां आनां कि अवं तैस हेरी।” 16 तैनेई आनो, तैखन यीशुए तैन पुछ्छू, “इस सिक्के पुड केसेरी शकल त केसेरू नवं आए?” तैनेई जुवाब दितो, “महाराजेरू आए।” 17 यीशुए तैन सेइं ज़ोवं, “ज़ैन महाराजेरू आए तैन बड्डे राजे देथ, ते ज़ैन परमेशेरेरू आए तैन परमेशेरे देथ।” ज़ैखन फरीसी लोकेई ते कने हेरोदेस राजेरे लोकेई एन शुनु, त तैखन तैना बडे हैरान भोए। 18 तैल्ला पत्ती, सदूकी लोक यीशु कां आए। तैना ज़ोतन मुडदे ज़ीते न भोन। त तैनेई यीशु पुछ्छू, 19 “हे गुरु, बडे पेइले मूसे असन जो कानूने मां लिखोरू थियुं कि अगर कोई मैन्हु बेओलाद मेरि गाए त तैसेरी कुआन्श रेइ गाए, त तैसेरो ढूला तैसेरी लैडी सेइं इला बनाए, त अपने ढूलाएरे लेइ ओलाद पैदा केरे, ताके तैसेरी खानदानी राए। 20 सत ढूला थिये। पेइलो ढूला इला बनेइतां बेओलाद मेरि जेव। 21 तैखन दुइयोवं ढूलाए तैस कुआन्शी सेइं इला बनाव। तै भी बेओलाद मेरि जेव। तेन्चरां टलेइयोवं ढूलाए भी कियुं। 22 त सते ढूलाएई तैस कुआन्शी सेइं एक्केरे पत्ती एक्के इला कियो, पन ओलाद न भोइ। सैरन पत्ती तै कुआन्श भी मेरि जेई। 23 एल्हेरेलेइ, परमेशर लोक मुडदन मरां ज़ीते केरनेरे पत्ती, यानी ज़ैखन लोक ज़ीते भोले, त तैखन तै कुआन्श तैन सत्तन मरां केसेरी लाडी भोली? किजोकि तै इडी धरती पुड सत्तां केरि लाडी भोरी थी।” 24 यीशुए तैन सेइं ज़ोवं, “तुश्शी सोच केत्री गलत आए! कुन तुसन पतो किजो? किजोकि तुस पवित्रशास्त्रे मां लिखोरी गल्लन त कने परमेशेरी शक्ति न जानथ। 25 तुसेईं जै कहानी ज़ोई, तैस मां ते कुआन्श तैन सत्तन मरां केन्चेरी लाडी नई भोनी, किजोकि ज़ैखन लोक मुडदन मरां ज़ीते भोले, त तैखन कोई केन्ची सेइं इला न बनारो, पन तैना स्वर्ग मां परमेशेरे स्वर्गदूतां केरे जेरे भोले, ज़ैना इला न बनान। 26 मुडदां केरे ज़ीतो भोनेरे बारे मां, कुन तुसेईं मूसेरी किताबी मां एन नई पढोरू ज़ैखन मूसे बलतू ड्रिल्ल लाव, तैखन (यानी अब्राहम, इसहाक त याकूब मरनेरे बडे सालना पत्ती) परमेशेरे मूसा सेइं ज़ोवं, ‘अवं अब्राहमेरो परमेशर, ते इसहाकेरो परमेशर, ते याकूबेरो परमेशर आई?’ 27 परमेशर मुडदां केरो परमेशर नई, पन ज़ीतां केरो परमेशर आए, एल्हेरेलेइ तुश्शी सोच बिलकुल गलत आए।” 28 तैखन शास्त्री लोकन मरां एक्की मैने एजतां यीशु ते सदूकी लोकां केरि गलबात शुनी। तैस पतो चलो कि यीशुए तैनन् ठीक जुवाब दितो, ते तैनी यीशु कां एइतां तैस पुछ्छू, “परमेशेरे सारे हुक्मन मरां बडो खास

हुकम को आए?” 29 यीशुए तैस जुवाब दित्तो, “सारे हुकमन मरां बड़ो खास हुकम ई आए, जेन्चरां परमेशरेरी किताबी मां लिखोरूए कि, ‘हे इस्राएलरे लोकव शुना, प्रभु इशशो परमेशर, अक्के प्रभु आए, 30 एल्हेरेलेइ प्रभु अपने परमेशरे सेइं तुस अपने सारे दिले सेइं, त अपनि सैरी जानी सेइं, त अपनि सैरी अक्ली सेइं, त अपनि सैरी ताकती सेइं प्यार केरा।’ ए बड़ो खास हुकम आए। 31 तैसेरो जेरो दुइयोवं बड़ो खास हुकम ई भी आए कि, ‘तू अपने पेड़ोसन सेइं अपने बराबर प्यार केर।’ एन दूई हुकमन केरां होरो कोई भी बड़ो हुकम नई।” 32 तैखन शास्त्री मैन्हु यीशु सेइं ज़ोवं, “हे गुरु, तीं बडू ठीक ज़ोवं! त तीं सत्र ज़ोवं कि परमेशर अक्के आए, ते तैसेरे अलावा होरो कोई नई। 33 त असेईं परमेशरे सेइं अपने सारे दिले सेइं, ते अपनि सैरी जानी सेइं, ते अपनि सैरी अक्ली सेइं, त अपनि सैरी ताकती सेइं प्यार कियोरो लोड़े। ते कने असेईं अपने पेड़ोसन सेइं अपने बराबर प्यार कियोरो लोड़े। जानवरां केरू बलिदान केरनू या होरि चीज़ां केरि चढ़तल चढ़ने करां भी बेधतां, एना दुइये हुकमन मन्ने परमेशरेरे लेइ बड़े खास आन।” 34 ज़ैखन यीशुए हेरू कि तैनी अक्ली सेइं जुवाब दित्तो, त तैनी तैस सेइं ज़ोवं, “तू परमेशरेरे राज़े मां दाखल भोने करां दूर नई।” ते तैल्ला पत्ती, केन्ची यीशु किछ पुछनेरी हिम्मत न भोइ। 35 मन्दरे मां शिक्षा देते बार यीशुए लोकन अक सवाल पुछ्को, “शास्त्री किजो ज़ोतन कि ज़ै मसीह आए, तै दाऊद-राजेरी औलादी मरां भोलो? 36 बड़े पेइले दाऊद राजे एप्पू पवित्र आत्मार शक्ति सेइं एन्चरां ज़ोरू थियू कि, प्रभु परमेशरे मेरे प्रभु मसीहे सेइं ज़ोवं, ‘तू मेरे देइने पासे बिश, ज़ांतगर कि अवं तेरे दुश्मन बिलकुल न हारेई।’ 37 दाऊद राजे त एप्पू मसीहेरे बारे मां एन ज़ोवं कि ‘तै मेरो प्रभु आए,’ फिरी मसीह तैसेरू मट्टू केन्चरां भोइ सकते?” त मैन्हु केरि भीड़ यीशुएरी गल्लां खुशी सेइं शुन्ती थी। 38 यीशुए शिक्षा देते बार लोकन सेइं ज़ोवं, “शास्त्री लोकन करां खबरदार राथ, ज़ैना लम्मे-लम्मे चोले लेइतां हन्ठनू चातन, ताके लोक समझन कि तैना बड़े धर्मी आन, त तैना चातन कि बज़ारन मां लोक असन बड़ी इज़्जती सेइं नमस्कार केरन। 39 त कने प्रार्थना घरन मां बड़े खास मैन्हु केरे लेइ रख्खोरी कुर्सी पुड़ बिशनू चातन, त धामन मां भी गेइतां बड़े खास मैन्हु केरे लेइ रख्खोरी कुर्सी पुड़ बिशनू चातन। 40 तैना विधवां केरे घरन लुटतन त कने होरि मैन्हु हिरानेरे लेइ लेम्मी-लेम्मी प्रार्थना केरतन, ताके लोक समझन कि तैना बड़े धर्मी आन। परमेशर तैन् बड़ी जादे सज़ा देलो।” 41 लोकन शिक्षा देनेरे पत्ती, यीशु मन्दरेरे दान-पेट्टेरे सामने बिशतां एन तकने लगगोरो थियो कि, लोक दान-पेट्टी मां केन्चरां पेंइसे छड़तन। बड़े मैनेई, ज़ैना अमीर थिये, तैड़ी एइतां तैस मां बड़े पेंइसे छड़ने लगगोरे थिये। 42 तैखन अक गरीब विधवां एइतां दूई सिक्के छड़े, ज़ैन केरि कीमत बड़ी घट थी। 43 ज़ैखन यीशुए तैन हेरू, तैनी अपने चले एप्पू कां कुजेइतां तैन सेइं ज़ोवं, “अवं तुसन सेइं सत्र ज़ोतई कि मन्दरेरे दान-पेट्टी मां

पेंइसे छड़नेबालन मरां, एस गरीब विधवां तैन सारे मैन्हु करां जादे छड़ोरेन। 44 किजोकि तैन सैरेई अपने जादे पेंइसन मरां थोड़े ज़ेरे छड़े, पन ए विधवा त बड़ी गरीबी आए, फिरी भी तैसां सब किछ ज़ैन तैस कां थियू छेड़ी दित्तू, यानी अपनि ज़रूरते लेइ रख्खोरे पेंइसे भी छेड़ी दित्तो!”

**13** ज़ैखन यीशु त तैसेरे चले मन्दरे मरां निस्सी राओरे थिये, तैखन तैसेरे चलन मरां एक्के तैस सेइं ज़ोवं, “हे गुरु, इड़ी हेर! केत्रे बड़े-बड़े घोड़न सेइं बनोरी दिवारां कने केत्रू रोड़े भवन आए!” 2 यीशुए तैन सेइं ज़ोवं, “हुन्ना त तुस एना बड़े-बड़े घोड़न सेइं बनोरे भवनन लातथ, पन एक्की दिहाड़े इड़ी घोड़े पुड़ घोड़ भी न रालो, यानी सब नाश भोइ गालू!” 3 तैल्ला पत्ती, यीशु ज़ैतून नंवेरे पहैड़ी पुड़ चढ़ता पार मन्दरेरे सामने बिशशो। तैखन पतरस, याकूब, यूहन्ना ते अन्द्रियास यीशु कां अलग गेइतां तैस केरां पुछने लागे, 4 “असन ज़ो कि एना गल्लां केइस भोनिन? तैन दिहाड़ी केरो कुन निशान आए, ज़ैखन एना सब गल्लां पूरी भोनिन?” 5 तैखन यीशु तैन सेइं ज़ोने लागो, “खबरदार राथ कि कोई तुसन धोखो न दे। 6 किजोकि बड़े मैन्हु मेरे नंवे सेइं एइतां ज़ोले कि, ‘अवं मसीह आई।’ ते तैना बड़े मैन्हु धोखो देले। 7 ज़ैखन तुस लड़ाई ते कने लड़ाइयां केरि अफवाह शुनेले, त तुस घबरेइयथ न, किजोकि लड़ाइयां केरू भोनू ज़रूरी आए, पन एस दुनियारो अन्त अकदम न भोलो। 8 किजोकि एक्की ज़ातारे लोक होरि कौमरे लोकां केरे खलाफ लड़ाई केरले, त अक मुलख होरि मुलखेरे खलाफ लड़ाई केरेलो। हर ठैरी भुंजल एज्जले, त काल पेलो। एन सब त सिर्फ मुसीबतां केरि शुरुआत आए। 9 “पन तुस अपने बारे मां खबरदार राथ, किजोकि लोक तुसन सभां केरे हवाले केरले, प्रार्थना घरन मां नेइतां मड्डले, त तुस मेरे वजाई सेइं गवर्नरन ते कने राजन कां खड़े किये गाले, ताके तुस तैन केरे सामने मेरे गवाह भोथ। 10 पन इस युगगोरो अन्त भोनेरे पेइले एरू भोनू ज़रूरी आए कि परमेशरेरे राज़ेरे बारे मां खुशखबरी सैरी कौमां केरे लोकन शुनेई गाए।” 11 ज़ैखन लोक तुसन नेइतां आदालतां केरे हवाले केरले, त पेइले फिक्न न केरथ त न सोचथ कि अस कुन ज़ोमेले, पन ज़ैन किछ परमेशर तुसन तैस घड़ी ज़ोनेरे लेइ ज़ोवं गालू, तैन्ने ज़ोइयथ। किजोकि ज़ोनेबाले तुस नई, पन पवित्र आत्मा तुशे ज़िरिये ज़ोलो। 12 ढ़ला (ज़ै मां पुड़ विश्वास न केरे, ते) अपने ढ़लाए मरानेरे लेइ हवाले केरेलो। त बाजी भी अपने मट्टे तेन्चरां हवाले केरेलो, ते बच्चे अपने हाज-बच्चेरे खलाफ भोइतां तैन् मैरी छडेले। 13 मां पुड़ विश्वास केरनेरे वजाई सेइं सारे लोक तुसन सेइं नफरत केरले, पन ज़ै मरने तगर विश्वासे मां बनोरो रालो, तैस परमेशर मुक्ति देलो। 14 तैल्ला पत्ती, यीशुए तैन सेइं ज़ोवं, “बड़ी बुरी गंदी चीज़, ज़ै नाश केरचे, एजनेबाली आए। तै भिटी चीज़ तैस जगाई पुड़ खड़ी भोली, ज़ेड़ी तैसारू खडू भोनू जेइज नई। बड़े पेइले दानिय्येल नेबे तैस चीज़ेरे बारे मां ज़ोरू थियू। (ज़ै कोई एन पढ़े, तै ए गल समझे।) ज़ैखन तुस

तै चीज़ी तैड़ी खड़ी लाएले, त तैखन ज़ैना लोक यहूदिया इलाके मां रातन, तैना बचनेरे लेइ पहाइन पुड़ नेश्शी गान। 15 ते अगर कोई मैन्हु अपने घरेरे छते पुड़ भोलो, त तै अकदम तैङ्गां नेश्शी गाए, ते अपने घरेरां किछ नेने अन्तर न गाए (ताके वक्त बरबाद न भोए)। 16 ते अगर कोई मैन्हु ऊदरे मां कम केरि राओरो भोलो, त तै भी अकदम तैङ्गां नेश्शी गाए। तै अपना लिगड़ां भी नेनेरे लेइ पत्रोवं न एज्जे। 17 तैन दिहाइन मां ज़ैना दोज़ींती त दुद्ध पियाती कुआन्शां भोली, तैन केरे लेइ अफ़सोस! (किजोकि तैन केरे लेइ बड़ी मुश्किल भोली।) 18 ते तुस प्रार्थना केरा कि एन हियूतड़े दिहाइन मां न भोए। 19 किजोकि तैन दिहाइन मां लोकन बड़ी मुसीबत भोली, कि दुनितयारी शुरुआती केरां देंती ज़ैन परमेशारे बनोरीए, अज़ तगर एरी मुसीबत नई ओरी। ते एरी ज़ेरि मुसीबत फिरी कधी न भोली।” 20 “अगर प्रभु परमेशार तैन मुसीबतेरी दिहाइन न घटाए, त कोई मैन्हु भी न बचलो। पन परमेशार अपने चुनोरे लोकां केरे वजाई सेइं तैन दिहाइन घटालो। 21 तैस मुसीबतेरे दिहाइन मां, अगर कोई तुसन सेइं जोए कि, ‘तक्का, मसीह इड़ी आए!’ या ‘तक्का, उड़ी आए!’ त विश्वास न केरथ। 22 किजोकि झूठे मसीह ते कने झूठे नबी एज्जले। तैना लोकन धोखो देनेरे लेइ निशान ते कने चमत्कारेरां कम्मां हिराले, कि अगर भोइ सके, त तैना परमेशारे चुनोरे लोकन भी धोखो देले। 23 एल्हेरेलेइ, तुस होशियार राथ! हेरा, मीं तुसन सैरी गल्लां भोनेरे पेइले ही ज़ोरिन।” 24 तैल्ला पत्ती, यीशुए तैन सेइं ज़ोवं, “तैन दिहाइन मां, तैस मुसीबतेरे वक्तेरे पत्ती, ‘दिहाडो कालो भोइ गालो, त चाँदनी लौ न देली, 25 त अम्बरेरां तारे बिछड़ने लगगेले, त अम्बरेरी सैरी शक्ति हिल्लेली।” 26 “तैखन लोक मैनेरे मट्टे (यानी मीं) बड़ी शक्ति त कने बड़ी महिमा सेइं साथी धरती पुड़ जो बिदलारी मां एजते हेरेले। 27 तैखन अवं अपने स्वर्गदूतन सारी दुनियाई मां भेजतां धरतारे हर पासेरां अपने चुनोरे लोकन अकोट्टे केरेलो।” 28 तैल्ला पत्ती, यीशुए तैन सेइं ज़ोवं, “फेगरे बुटेरे मिसाले केरां अक सबक शिख्खा! ज़ैखन तैसेरी डैलड़ी नरम भोइतां, त नंवां पट्लां निरने लगतन, ते तुस बुज्झी छड़तथ कि गोमेरो मौसम एजनेबालो आए। 29 एसेरो ज़ेरो, ज़ैखन तुस एना गल्लां, ज़ैना मीं ज़ोई, भोते हेरेले, त तुस बुज्झी छड़्हा कि मैनेरू मट्टू, यानी अवं बड़े नेड़े पुज्जोरोई। 30 अवं तुसन सेइं सच ज़ोतई कि ज़ांतगर एना सैरी गल्लां न भोली, तांतगर एना लोक, ज़ैना हुन्ना ज़ीतेन, तैना न मरेले। 31 अम्बर त कने धरती टेली गाली, पन मेरी गल्लां कधी न टेलेली।” 32 तैल्ला पत्ती, यीशुए तैन सेइं ज़ोवं, “मेरे वापस एजनेरे दिहाड़ेरे बारे मां, या तैस वक्तेरे बारे मां कोई भी न ज़ाने कि तै कताली भोलो, स्वर्गेरे स्वर्गदूते भी न ज़ानन त परमेशारेरू मट्टू यानी अवं भी न ज़ैनी, पन सिर्फ मेरो बाजी परमेशार ज़ानते। 33 एल्हेरेलेइ, मेरे वापस एजनेरे लेइ हमेशा तियार राथ, ते प्रार्थना केरते राथ, किजोकि तुस न ज़ानथ कि तै वक्त कताली एज्जलो। 34 मैनेरे मट्टेरू, यानी मेरू वापस एजनु तैस मैनेरू

जेरू आए, ज़ै अपनु घर छेडतां होरे मुल्खे जो गाते। गाने केरां पेइले, तै अपने नौकरन कुजेइतां अपने घरेरी रखवाली केरनेरो अधिकार देते, ते हर एककी अपनु-अपनु कम देते, त दारे पुड़ रखवाली केरनेरे लेइ संत्री बँडो रानेरो हुक्म भी देते, किजोकि तै कधी भी वापस एज्जी सकते।” 35 “एसेरे ज़ेरे, तुस भी हमेशा मेरे वापस एजनेरे लेइ तियार राथ, किजोकि तुस न ज़ानथ कि घरेरो मालिक यानी अवं कताली वापस एज्जेलो। शायद इलोइजी या एथ्थी राती या कुकड़ेरे बांग देनेरे मौके या झेज्जां। 36 एल्हेरेलेइ तियार राथ! एरू न भोए कि अवं अचानक एइतां लेई कि तुस तियार नई। 37 ज़ैन अवं तुसन सेइं ज़ोतई, तैने सारे मैन्नू सेइं भी ज़ोतई कि, ‘हमेशा तियार राथ!’”

**14** फ़सहेरू तिहार त कने अखमीरी रोट्टारू तिहार दूई दिहाइन पत्ती एजनेबालां थियां। प्रधान याजक त कने शास्त्री मौको तोपने लगगेरे थिये कि अस यीशु केन्चरां चुपचारे ट्लाम ते तैस मैरी छड्डम। 2 पन तैनेई एप्पू मांमेइं ज़ोवं कि, “अस तिहारेरे दिहाइन मां यीशुए कैद न केरम, किजोकि तैन दिहाइन मां बड़े लोक चेत्रे पासन भोतन, ते एरू न भोए कि यीशुएरे कैद भोनेरे वजाई सेइं लोकन मां दंगोफ़साद भोइ गाए।” 3 यीशु बैतनिय्याह इल्लोव्वे मां शमौन नंवेरे मैनेरे घरे मां थियो, ज़ैस पेइले कोद्रेरो रोग थियो। ज़ैखन यीशु तैड़ी रोटी खेइ राओरो थियो, त तैखन अक कुआन्शा संगमरमेरे सेइं बनोरे भांडे मां इत्र एन्तां यीशु कां आई, ज़ै बड़ो कीमती थियो त कने ज़ैस जो जटामासी ज़ोतन। तैसां तै इत्र बोतल ट्लोइतां खोल्ली ते यीशुएरी इज़्जत केरनेरे लेइ तैसेरे दोग्गे पुड़ इत्र उलटव। 4 पन किछ मैन्हु, ज़ैना तैड़ी खड़े थिये, तैस कुआन्शी हेरतां अपने दिले मां सेरकोइतां एप्पू मांमेइं ज़ोने लगगे, “ए कुआन्शा किजो एस बड़ी कीमतारो इत्र ज़ाया केरचे? 5 ए इत्र त एककी सालेरी मज़दूरेरे पेंडसन केरां भी जादे भाए मां बेचतां, ते तैना पेंडसे गरीब मैन्नू देइ सकती थी!” ते तैना सेरकोइतां तैस सेइं डांटने लगगे। 6 पन यीशुए तैन सेइं ज़ोवं, “एस छेड़ी देथ! एस किजो तंग केरतथ? एसां त मीं सेइं भलाई कियोरीए। 7 गरीब मैन्हु त हमेशा तुसन सेइं साथी रातन। ज़ैखन भी तुस चाथ, तैखन तैन सेइं भलाई केरि सकतथ, पन अवं तुसन सेइं साथी हमेशा न रालो। 8 ज़ैन किछ ए कुआन्शा केरि सकती थी, तैन एसां कियूं। एसां मेरी जानी पुड़ खुशबूदार तेल लेइतां मेरे मरनेरां पेइली मेरी जान दबनेरे लेई तियार कियोरीए। 9 अवं तुसन सेइं सच ज़ोतई कि सैरी दुनियाई मां ज़ेड़ी कोन्वी मेरे बारे मां खुशखबरी लोकन शुनाई गाली, तैड़ी ज़ैन कम एसां मीं सेइं कियोरूए तैन भी एसेरी यादी मां ज़ोवं गालू।” 10 तैल्ला पत्ती, यहूदा इस्करियोती, ज़ै 12 चेलन मरां अक थियो, प्रधान याजकन कां जेव कि तै यीशु ट्लुवानेरे लेइ तैन केरि मद्दत केरे। 11 एन शुन्तां तैना बड़े खुश भोए, ते तैसेरे मद्दतेरे लेइ तैनेई चैदरे रूपेइये देनेरो वादो कियो। एल्हेरेलेइ, तै ठीक मौके बलगने लगगे कि यीशु केन्चरां सेइं ट्लुवाए। 12 अखमीरी रोट्टारे तिहारेरी पेइली दिहाड़ी, ज़ैखन

लोक फ़सहरे तिहाररे गबड़े बलिदान करते थिये, तैखन यीशुएरे चेलेई तैस पुच्छू, “तू कोड़ि चातस कि अस गेइतां तेरे लेइ फ़सह तिहाररेरी रोटी तियार केरम?” 13 तैखन यीशुए अपने दूई चले एन जोइतां भेजे, “यरूशलेम नगरे मां गाथ, ते अक मैनु तुसन पैनरो घड़ो छुवोरो मैलेलो, तैस पत्ती-पत्ती गेइयथ। 14 ते तै जैस घरे मां गालो, तैस घरेरे मालिके सेइ तुस एन जोइयथ कि, इश्शे गुरे जोवरूप कि, ‘मेरे लेइ तियार कियोरो मेहमान कमरो कोड़ि आए, जेड़ी अवं अपने चलन सेइ साथी फ़सह तिहाररी रोटी खेइ?’ 15 तैखन घरेरो मालिक तुसन दुइयोवं छती पुड़, तियार कियोरो, अक बड्डो कमरो हिरालो। तैड़ी इश्शे लेइ रोटी तियार केरथ।” 16 ते चले तेइटां निस्तां नगरे मां आए, त जेन्चरां यीशुए तैन सेइ जोरू थियूं। तेन्चरां तैनेई लावं। ते तैनेई फ़सह तिहाररी रोटी तियार की। 17 जैखन ड्लोइल भोइ, त यीशु अपने 12 चलन सेइ साथी मेहमान कमरे मां अव। 18 जैखन तैना बिश्तां रोटी खेइ राओरे थिये, त यीशुए तैन सेइ जोवं, “अवं तुसन सेइ सच जोतई कि तुसन मरां अक, जै मीं सेइ साथी रोटी खेइ राओरोए, मीं धोखे सेइ ट्लुवालो।” 19 एन शुन्तां तैना सारे चले उदास भोए, ते तैना अक-अक केरतां यीशु सेइ पुछने लग्गे, “कुन अवं आई? कुन अवं आई?” 20 यीशुए तैन सेइ जोवं, “तै तुसन बारहन मरां अक आए, जै मीं सेइ साथी बिश्तां इश्शी एककी थैली मां रोटी खेइ राओरोए। 21 जेन्चरां मैनेरू मट्टू यानी मेरे बारे मां परमेशेरी किताबी मां लिखोरूप, तेन्चरां अवं मारो गानोई। अफ़सोस! (किजोकि तैस मैनु बड़ी सज़ा मैल्लनीए एजने बालीए) जेसेरे वजाई सेइ मैनेरू मट्टू यानी अवं ट्लुवाव गानोई। अगर तै मैनु ज़रमोरो न भोथो, त तैसेरे लेई तैन भलू थियूं।” 22 जैखन यीशु त तैसेरे चले फ़सहरी रोटी खेइ राओरे थिये, यीशुए अक रोटी ट्लेइतां परमेशेरू शुक्र केरतां ट्लोडी। तैल्ला पत्ती, तैनी तै अपने चलन दित्ती, ते तैन सेइ जोवं, “ट्लाथ ते खाथ। ई मेरो जिसम आए।” 23 फिरी यीशुए दाछारे रस्सेरो कटोरो ट्लेइतां परमेशेरू शुक्र कियूं। तैल्ला पत्ती, तैनी तै अपने चलन दित्तो, ते तैनेई सैरेई पियो। 24 तैखन तैनी तैन सेइ जोवं, “ए दाछारे रस मेरो खून आए, जै परमेशर त कने लोकां केरे मट्टाटे नव्वों करार बनाते, जै बड़े लोकां केरे मैफारे लेइ बगाव गालो। 25 अवं तुसन सेइ सच जोतई कि अवं दाछारो रस तैस दिहाड़ी तगर फिरी कधी न पीलो, जांतगर परमेशेरे राज़्जे मां अवं नव्वो दाछारे रस पीं। 26 तैल्ला पत्ती, यीशु त कने तैसेरे चले परमेशेरू भजन जोइतां, यरूशलेम नगरेरे बेइर जैतून नव्वेरे पहेड़ी पुड़ चले जे।” 27 तैखन यीशुए अपने चलन सेइ जोवं, “तुस सारे मीं छेइतां नशशेले, किजोकि परमेशेरी किताबी मां लिखोरू कि, ‘अवं पुहाले मैरेलो ते तैसेरी भैइटां इरां उरां नेशशी गाली।’ 28 पन अवं मेरतां मुडदन मरां फिरी ज़ींतां भोनोई। तैल्ला पत्ती, अवं तुसन केरां पेइले गलील इलाके जो गालो त तैड़ी तुस मीं लाएले।” 29 तैखन पतरसे यीशु सेइ जोवं, “अगर सारे तीं छेइतां नशशेले त नशशन, पन अवं कथे न

नेशशेलो।” 30 यीशुए पतरसे सेइ जोवं, “अवं तीं सेइ सच जोतई कि अज़्जेरी राती कुकड़ेरे दूई बार बांग देने केरां पेइले, तू ट्लार्इ बार मेरो इन्कार केरेलो कि तू मीं न ज्ञानस।” 31 पन पतरसे मना ज़ोरे सेइ यीशु सेइ जोने लग्गे, “अगर मीं तीं सेइ साथी मरनू भी पे, त फिरी भी अवं तेरो इन्कार कधी न केरेलो।” एन्चरां होरि चेलेई भी जोवं। 32 तैल्ला पत्ती, यीशु ते तैसेरे चले गतसमनी नव्वेरे एककी बागी मां जे, ते तैड़ी यीशुए अपने किछ चलन सेइ जोवं, “इड़ी बिश्शोरे राथ, जां तगर अवं प्रार्थना न केरि।” 33 फिरी यीशुए पतरस ते याकूब ते यूहाना एण्पू सेइ साथी बागी मां अगगर निये, ते तैड़ी तै बड़े परेशान भोने ते कने घबराने लग्गे। 34 ते तैखन यीशुए तैन सेइ जोवं, “मेरो दिल बड़ो उदास आए, इड़ी तगर कि अवं मरनेबालोई। तुस इड़ी बलगा, ते बींझे राथ।” 35 फिरी तै बागी मां थोड़ी ज़ेरे अगगर गेइतां, तल्ले मां जैनु केरे भारे बिश्तां प्रार्थना केरने लग्गे कि अगर भोइ सके त ए दुखखेरी घड़ी मीं पुडेरं टेली गाए। 36 ते तैनी प्रार्थनाई मां एन जोवं, “बैपू! हे मेरे बाजी, तुसन केरां सब किछ भोइ सकते। एस दुखखेरो कटोरो मीं केरां दूर केरा। फिरी भी जैन अवं चाताई तैन नई, पन जैन तुस चातथ तैन्ने भोए।” 37 फिरी तै अपने ट्लार्इ चलन कां वापस अव, त तैना झुल्लोरे मैल्ले, ते तैनी तैना बींझाए, त तैनी शमौन-पतरसे सेइ जोवं, “हे शमौन, कुन तू झुल्लोरोस? कुन तू अक घड़ी भी बींझो न रेइ सकस?” 38 तैखन यीशुए तैन सैरेन सेइ जोवं, “बींझे ते प्रार्थना केरते राथ ताके तुस अज़मैइशी मां न पेथ। तुस त अज़मैइश रोकनी चातथ, पन तुसन कां रोकनेरी ताकत नई।” 39 ते यीशु फिरी अपने चलन केरां थोड़े दूर चलो जेव, त ज़ैना गल्लां तैनी पेइले जोइतां प्रार्थना कियोरी थी, तैनां गल्लां दुबारां जोइतां प्रार्थना की। 40 ते फिरी वापस एइतां हेरू कि तैना चले झुल्लोरेन, किजोकि तैन एत्री निड्ली थी, कि तैन केरि एछछी भी न थी लोरी खुलने। जैखन यीशुए तैना बींझाए, त तैना शरमाने लग्गे कि यीशुए कुन ज़ुवाब देम! 41 फिरी ट्लेइयोवं बार गेइतां यीशुए प्रार्थना की ते वापस एइतां फिरी तैन सेइ जोवं, “कुन तुस हेजू झुल्लोरेथ! बडू आए! हुनी घड़ी एज्जी जोरी! हेरा, मैनेरू मट्टू (यानी अवं) पापी मैनु केरे हथ्थन मां ट्लुवेइयोव गानोई। 42 उठा, चलम। हेरा! मीं ट्लुवानेबालो नेडे पुज़्जी जोरो!” 43 यीशु एन्ने जोई राओरो थियो कि अकदम यहूदा जै 12 चलन मरां अक थियो, एण्पू सेइ साथी मैनु केरि अक बड्डी भीड़ एन्तां तैड़ी पुज़्जी जेव, जैन कां तलवारां ते डंडे थिये। तैना प्रधान याजक ते शास्त्री लोक ते कने यहूदी लोकां केरे बुजुर्गां केरि तरफां यीशु कैद केरनेरे लेइ भेजोरे थिये। 44 यीशुएरो ट्लुवानेबालो यहूदा तैड़ी पुजने केरां पेइले, तैन मैनुन जो निशान दित्तोरो थियो कि जैस अवं फुम्मड़ी देलो तैए यीशु आए, तैस ट्लेइतां ध्याने सेइ नेइयथ। 45 जैखन यहूदा ते मैनु केरि भीड़ बागी मां आई, त तैनी अकदम यीशु सेइ जोवं, “हे रब्बी (गुरु)” ते तैस फुम्मड़ी दित्ती। 46 तैखन तैनेई यीशु ट्लेइतां कैद कियो। 47 यीशुएरे

चेलन मरां, जैना तैसेरे नेडे खडे थिये, एक्के अपनि तलवारे सेइं महायाजकेरे एक्की नौकरे पुड़ चलाई त तैसेरो अक कन केठी छट्टो। 48 यीशुए तैन मैनन् सेइं जोवं, “कुन तुस मीं डैकु समझतां दलानेरे लेइ तलवारां ते डंडे घिन्तां ओरेथ? 49 अवं त हर दिहाड़ी मन्दरे मां तुसन सेइं साथी रेइतां परमेशरेरे बारे मां लोकन शिक्षा देतो थियो, पन तैखन तुसेईं अवं न ट्लावा। पन एन एल्हेरेलेइ भोने लगेरू कि पवित्रशास्त्रे मां मेरे बारे मां जैना गल्लां लिखोरिन तैना पूरी भोन।” 50 तैखन यीशुएरे सारे चले तैस छेइतां नेशशी जे। 51 ते अक जवान जैनी अपनि नगगी जानी पुड़ अक लिगड़ पलेट्रेरू थियूं, यीशु पत्ती चलो। ते भीडी मरां किछ मैनेईं तै ट्लावा। 52 पन तै तैन केरे हथथन मां अपनू लिगड़ छेइतां नगगी नेशशी जेव। 53 तैल्ला पत्ती, मैन्हु केरि भीडां यीशु महायाजकेरे घरे मां नीयो। ते सारे प्रधान याजक ते कने बुजुर्ग त कने शास्त्री यीशुएरू इमतिहान नेनेरे लेइ महायाजके सेइं साथी तैडी अकोट्टे भोए। 54 यीशु त कने मैन्हु केरि भीडी केरा दूर-दूर रेइतां पतरस तैन पत्ती-पत्ती महायाजकेरे महल्लेरे अंगने तगर पुज्जरी जेव। ते तैडी तै महायाजकेरे पैरदारे सेइं साथी बिश्तां अग तपने लगो। 55 मेहल्लेरे अन्तर, प्रधान याजक त कने सारी महासभा यीशुएरे खलाफ गवाही तोपनेरी कोशिश केरि राओरे थिये, ताके तैना तैस मैरी सकन, पन तैनन् किछ न मैल्लू। 56 किजोकि बडे मैन्हु यीशु पुड़ झूठी गवाही देने लगगेरे थिये, पन तैन केरि गवाही अक्कां जेरि न थी। 57 आखरी मां किछ मैनेईं उठतां तैसेरे खलाफ ई झूठी गवाही दिती कि, 58 “असेईं एस केरां एन जोते शुनेरू कि, ‘अवं मैन्हु केरू बनोरू एस मन्दरे बिछोइतां टलेइ दिहाइन मां होरू मन्दर बनालो, जैन मैन्हु केरू बनोरू न भोलू।” 59 पन एन जोइतां भी तैन केरि गवाही अक्कां जेरि न निस्सी। 60 तैखन महायाजके आदालतेरे मझाटे खडे भोइतां यीशु पुच्छू, “एना लोक तेरे खलाफ गवाही देतन, कुन तू कोई जुवाब नई देस?” 61 पन यीशु चुप राव, ते किछ जुवाब न दिती। तैखन महायाजके तैस फिरी पुच्छू, “कुन तू परमेशरेरू मट्टू मसीह आस?” 62 यीशुए जोवं, “हाँ, अवं तै आईं। ते जेन्चरां परमेशरेरी किताबी मां लिखेरू कि ‘तुस सारे लोक, मैनेरू मट्टू (यानी मीं) सर्वशक्तिमान परमेशरेरी देइने पासे बिश्शारे त अम्बरे मरां बिदलारे सेइं साथी धरती पुड़ एजते हेरेले।” 63 तैखन महायाजके सेरकोइतां, अपना चोगो छिन्दतां आदालतेरे मैनन् सेइं जोवं, “हुनी असन होरि केन्चेरी गवाहेरी ज़रूरत नई! 64 तुसेईं एप्पू परमेशरेरी तुहीन शुनी! ते तुस एसेरो कुन फैसलो करतथ?” तैखन तैनेईं सारे मैनेईं जोवं कि, “ए मैन्हु दोषी आए किजोकि एनी परमेशरेरी तुहीन की, एल्हेरेलेइ, एस मौतरी सजा दे।” 65 तैखन तैन मरां किछ मैन्हु, तैसेरी बेजती केरनेरे लेइ, तैस पुड़ थुकने लगगे। ते किछ मैन्हु तैसेरी एछ्छी लिगड़े सेइं ढेकतां तैस मुक्केईं बाने लगगे ते तैस सेइं जोने लगगे, “भविष्यवाणी केर कि केनि तीं बाईं।” ते नौकरेईं भी तैस टलेइतां थप्पड बाए। 66 जैखन पतरस,

महायाजकेरे महल्लेरे अंगने मां थियो, त महायाजकेरे नौकरेनन मरां अक कुआन्श तैडी आईं। 67 तैसां पतरस अग तपतो लाव। ते तै कुआन्श पतरस तेकतां तैस सेइं जोने लगगी, “तू भी एस नासरत नगरेरो यीशु सेइं साथी थियो।” 68 पन पतरसे यीशुएरो इन्कार कियो ते जोवं, “अवं न जैनी ते न सेमझी कि तू कुन लगोरिस जोने।” फिरी तै तैड्डां बेइर डेवढी मां जेव। तैखन कुकड़े बांग दिती। 69 जैखन तैसां नौकरेनां फिरी पतरस लव, त तै तैन सेइं, जैना नेडे खडे थिये, जोने लगगी, “ए मैन्हु तैसेरे चेलन मरां अक आए!” 70 पन पतरसे फिरी यीशुएरो इन्कार कियो। थोडे चिरे बाद, जैना पतरसेरे नेडे खडे थिये, तैनेईं तैस सेइं जोवं, “पक्को तू भी तैसेरे चेलन मरां अक आस, किजोकि तू गलील इलाकेरो मैन्हु भी आस।” 71 तैखन पतरस कसम केरतां जोने लगगे, “मीं फिटकार लगगे, अगर अवं झूठ जोईं कि अवं एस मैन्हु ज्ञानतो भोईं, जेसेरे बारे मां तुस गल्लां केरने लगगेरेथ!” 72 तैखन अकदम दुइयोवं बार कुकड़े बांग दिती। जै गल यीशुए पतरसे सेइं पेइली जोरी थी, तै गल तैस याद आई कि, “कुकड़ेरे दूईं बार बांग देने केरां पेइले तू टलाई बार मेरो इन्कार केरेलो कि तू मीं न ज्ञानस।” तैखन तैनी बड़ी लेरां दिती, किजोकि तैनी यीशुएरो इन्कार केरनेरे वजाईं सेइं बड़ी दुखी भोव।

**15** झेज्ज़ भोंते, अकदम प्रधान याजकेईं, ते यहूदी लोकां केरे बुजुर्गेईं, ते कने शास्त्री लोकेईं ते कने सारे महासभारे मैनेईं यीशुएरे खलाफ सलाह केरतां तै बन्धाव ते तैड्डां नेइतां रोमी गवर्नर पिलातुसेरे हवाले कियो। 2 पिलातुसे यीशु पुच्छू, “कुन तू यहूदी लोकां केरो राजो आस?” यीशुए तैस जुवाब दिती, “तू एप्पू जोईं राओरोस।” 3 तैखन प्रधान याजक तैस पुड़ बेइ गल्लां केरो झूठो इलजाम लेइ राओरे थियो। पन यीशुए किछ न जोवं। 4 पिलातुसे तैस फिरी पुच्छू, “तू किछ भी जुवाब की न देस? हेर, एना लोक तीं पुड़ केत्री गल्लां केरो इलजाम लेइ राओरेन!” 5 हांलाकि यीशुएरी किछ भी गलती न थी, तैनी किछ जुवाब न दिती, इडी तगर कि पिलातुस बड़ी हैरान भोव। 6 हर साल फ्रसह तिहारिरे वक्ते पुड़ यहूदी लोकां केरे लेइ केन्ची एक्की कैदी, जैस तैना लोक चाते थिये तैस पिलातुस छेडी देतो थियो। 7 तैन दिहाइन बरअब्बा नंवेरो अक मैन्हु किछ दंगेफसाद केरनेबालन सेइं साथी कैदखाने मां थियो, जैनेईं दंगेफसादे मां कल्ल कियोरो थियो। 8 तैखन मैन्हु केरि भीड पिलातुसे कां गेइतां मिन्नत केरने लगगी कि, “जैन तू इश्शे लेइ हर साल केरतो ओरोस तैने केर।” 9 पन पिलातुसे तैनन् पुच्छू, “तुस कुन चातथ कि अवं तुश्शे लेइ यहूदी केरे राजे यानी तुश्शे राजे छेडी देई?” 10 पिलातुसे लोकन एन्चरां पुच्छू, किजोकि तै ज्ञानतो थियो कि प्रधान याजक यीशु पुड़ जलतन तांए तैनेईं तै ट्लुवोरोए। 11 पन प्रधान याजकेईं लोक बमकाए, ताके पिलातुस तैन केरे लेइ यीशुएरे बदले बरअब्बा छेडी दे। 12 पन शुन्तां पिलातुसे लोकन फिरी पुच्छू, “अगर अवं बरब्बे छेडी देई, त जैस तुस यहूदी लोकां केरो राजो जोतथ, तैसेरू अवं कुन

केरि?" 13 तैना पिलातुसे सेइं फिरी शोर केरतां ज़ोने लागे कि, "एस क्रूसे पुड़ चाढ़!" 14 पिलातुसे तैननु पुच्छू, "किजो ए क्रूसे पुड़ चाढ़नो, एनी कुन बुराई कियोरीए?" पन तैना लोक पेड़ले केरां जादे शोर केरने लागे कि, "एस क्रूसे पुड़ चाढ़!" 15 तैखन पिलातुसे लोक खुश केरनेरे इरादे सेइं, बरअब्बा तैन केरे लेइ छुट्टी दित्तो, ते यीशु कोड़े लुवेइतां सिपेही केरे हवाले कियो कि तैना यीशु क्रूसे पुड़ चाढ़न। 16 तैखन सिपाही यीशुए पिलातुसेरे महलरे अंगने मां नेइ जे, ज़ैस जो प्रीटोरियम ज़ोतन। ते तैनेई सारी रोमी पलटन कुजेइतां आनी। 17 तैखन तैनेई यीशुएरो मज़ाक बनानेरे लेइ तैसेरां लिगड़ां खोल्लां, ते तैस लाल रंगेरो चोलो लुवाव ते कने कंटां केरू ताज बनेइतां तैसेरे दोग्गे पुड़ रख्खू। 18 ते एन ज़ोने लागे कि, "हे यहूदी केरा राज़ा, नमस्कार!" 19 तैना यीशुएरे दोग्गे पुड़ अक्केरे पत्ती अक केरतां सोटी सेइं बाने लागे, ते तैसेरी बेज़ती केरनेरे लेइ तैस पुड़ थुकने लागे, ते मज़ाक बनानेरे लेइ तैसेरे अगगर ज़ैन्थु केरे भारे बिश्तां तैस नमस्कार केरते राए। 20 तैसेरो मज़ाक बनानेरे पत्ती, तैनेई तैस पुड़ेरां लाल रंगेरो चोगो खोलतां तैसेरां लिगड़ां लुवा। तैखन तैना यीशु क्रूसे पुड़ चाढ़नेरे लेइ यरूशलेमेरे नगरे केरां बेइर नीयो। 21 ज़ताली तैना तैट्टां च़ेलि राओरे थिये, त तैखन शमौन नंवेरो मैन्हु इलॉव्वेरां तैलमेइं एज्जी राओरो थियो। तै मैन्हु कुरेनी नंवेरे नगरेरां ओरो थियो ते तै सिकन्दर ते कने रूफुसेरो बाजी थियो। तैखन सिपाहेई शमौन मजबूर कियो कि तै यीशुएरे लेइ तैसेरी क्रूसे छुइतां च़ले। 22 ते तैनेई यीशु गुलगुता नंवेरी ठेरी पुड़ आनो, ज़ेसरो मतलब "खोपड़ा रोठ" आए। 23 फिरी किछ लोकेईं मुर्द नंवेरी दवाई, दाछारे रस्से मां मिलेइतां यीशु पीने जो दित्ती, पन तैनी तैसेरो इन्कार केरतां न पी। 24 तैखन तैनेई यीशु क्रूसे पुड़ चाढ़ो ते तैसेरां लिगड़ां केरे लेइ पेरची छुट्टी कि तैसेरां लिगड़ां केस मैलतन। तैल्ला पत्ती, तैनेई तैसेरां लिगड़ां बेन्टी छुट्टां। 25 ज़ैखन तैनेई तै क्रूसे पुड़ चाढ़ो, तैखन झेज़ेरे नौ बज़ेरे थिये। 26 ते एक्की फेटी पुड़ तैसेरी सज़ारी वजा लिखतां तैसेरे क्रोड़ी केरां बां लेइ छुट्टी। तैस मां लिखोरू थियूं कि, "ए यहूदी लोकां केरो राज़ो आए।" 27 सिपाहेई यीशु सेइं साथी होरे दूई डेकू भी, अक तैसेरे देइने पासे ते अक तैसेरे बाए पासे अलग-अलग क्रूसन पुड़ चाढ़े। 28 तैखन परमेशेरी किताबी मां लिखोरी गल पूरी भोइ। तैस मां मसीहेरे बारे मां एरू लिखोरू थियूं कि, "ते पापी मैन्हु केरे साथी गनो गालो।" 29 तैखन बत्तां च़लनेबालन मरां किछ मैन्हु अपनि क्रोड़ी हिलेइ-हिलेइतां ते कने एन ज़ोइतां तैसेरी तुहीन केरते थिये कि, "वाह! वाह! मन्दर बिछोइनेबालो, त कने टलेइ दिहाइन मां बनानेबालो! 30 अगगर तू शक्तिशाली आस त क्रूसे पुड़ेरां ओस्तां अपने आपे बचा!" 31 एन्चरां प्रधान याजक भी शास्त्री लोकन सेइं साथी तैसेरो मज़ाक बनेइ राओरे थिये, त तैना एप्पू मांमेइं ज़ोते थिये कि, "एनी होरे मैन्हु त बचाए, पन अपने आपे बचेइ न सको। 32 ए ज़ोरो थियो कि 'अवं इस्राएल लोकां केरो राज़ो

आई, यानी मसीह आई,' अगगर ए गल सत्र आए त हुन्ना क्रूसे पुड़ेरां ओस्से, ताके अस हेरतां विश्वास केरम कि ए इश्शो राज़ो आए।" त दूई डेकू, ज़ैना तैस सेइं साथी क्रूसे पुड़ चाढ़ोरे थिये, तैनेई भी तैसेरी बेज़ती की। 33 दीसारे बारे बजेई सारे मुल्खे मां आंधरू भोवं, ते टलेइ बज़न तगर रावं। 34 टलेइ बजेई यीशुए बड़ी ज़ोरे सेइं अपनि बोली मां ज़ोवं कि, "इलोई, इलोई, लमा शबक्तनी!" ज़ेसेरू मतलब, "हे मेरे परमेशर, हे मेरे परमेशर, तीं किजो अवं छेट्टी दित्तो!" 35 तैखन ज़ैना तैड़ी नेड़े खड़े थिये, तैन मरां किछ मैनेई एन शुन्तां गलत सेमझतां एप्पू मांमेइं ज़ोवं, "हेरा, ए मैन्हु एलियाहा जे मद्दत केरनेरे लेइ कुजेई राओरोए।" 36 तैखन तैन मरां एक्की मैने दौइतां स्पन्जे (ज़ै पेनेरी ज़ेरि चीज चूसी सकचे) खटे दाछारे रस्से मां डुबेइतां डांगी पुड़ रेखतां यीशु जो चुसावं त ज़ोवं, "बलगा, हेरम, एलियाहा एस क्रूसे पुड़ेरां उसालने एजते कि नई।" 37 तैखन यीशुए बड़े ज़ोरे सेइं आवाज़ देइतां प्राण दित्ते। 38 ते तैखन मोट्टो पर्दो, ज़ै मन्दरे मां लोरो थियो, बां देंता बुन तगर फेटतां दूई टुकड़े भोइ जे। 39 ज़ैखन फौजी-अफसर, ज़ै यीशुएरे सामने खड़ो थियो, यीशु एन्चरां ज़ोरे सेइं आवाज़ देइतां प्राण देंतो लाव, तैखन तैनी ज़ोवं, "सच्चे, ए मैन्हु परमेशेरू मट्टू थियूं!" 40 किछ कुआन्शां भी दूरेरां एन हेरी राओरी थी। तैन मां मगदलीन नगरेरी मरियम, निकडो याकूब ते योसेसेरी अम्मा मरियम, त कने सलोमी भी थी। 41 ज़ैखन यीशु गलील इलाके मां थियो, त तैखन एना कुआन्शां तैस पत्ती-पत्ती च़लती थी त तैसेरी सेवा केरती थी। त तैड़ी होरि भी बड़ी कुआन्शां थी, ज़ैना तैस सेइं साथी गलील इलाके मरां यरूशलेम नगरे मां ओरी थी। 42 ज़ैखन इलोइ भोइ, ते एल्हेरेलेइ कि तै तिहारेरी दिहाड़ी थी, यानी आरामेरे दिहाड़े पेड़ली दिहाड़ी ज़ैखन लोक आरामेरी दिहाड़े लेइ तियार भोते थिये, त तैखन 43 अरिमतियाह नगरेरो रानेबालो यूसुफ नंवेरो मैन्हु तैड़ी अव, ज़ै यहूदी लोकां केरे बड़े आदालतेरे खास मैन्न मरां अक थियो। तै एप्पू भी परमेशेरे राज़े बलगने लोरो थियो। तै मैन्हु हिम्मत केरतां गवर्नर पिलातुसे कां जेव ते यीशुएरी लाश मग्गी, ताके तै तैस दबनेरे लेइ ने। 44 तैखन पिलातुस हैरान भोव कि केन्चरां तै एत्री लूशी मेरि जेव। त तैनी फौजी-अफसर कुजेइतां पुच्छू, "कुन तै मेरि जोरोए?" 45 ज़ैखन तैनी फौजी-अफसरे केरां हाल ज़ानो कि यीशु सच्चे मेरि जेव, त तैनी यूसुफे लाश नेनेरी अज़ाज़त दित्ती। 46 तैखन यूसुफे अक कीमती लिगड़ धिन्नु ते यीशुएरी लाश क्रूसे पुड़ेरां ओसैलतां यहूदी लोकां केरि रसमेरे मुताबिक तैस लिगड़े मां पलेटतां एक्की कब्री मां छेट्टी, ज़ै पहेड़ी पुड़ एक्की घोड़े मां घडोरी थी। त तैस कब्रेरे बेइर दारे पुड़ अक बड्डो घोड़ घिसेइतां छुट्टो। 47 मगदलीन इलव्वेरी मरियम, ते योसेसेरी अम्मा मरियम, एना दुइये हेरी राओरी थी कि यीशुएरी लाश कोड़ि रखतन।

**16** होरसां इलोइ, ज़ैखन आरामेरी दिहाड़ी खतम भोरी थी, त तैखन मगदलीन इलव्वेरी मरियम, त कने याकूबेरी



अम्मा मरियम, त कने सलोमी, एन सेब्भेई रोड़ी मुशकी बालो तेल आनो, ताके यहूदी लोकां केरि रसमेरे मुताबिक यीशुएरी लाशी पुड तेल लान। 2 हफ्तेरे पेइले दिहाड़े झेज़्ज़ां-झेज़्ज़ां, ज़ैखन मसां दिहाड़ो निस्सी राओरो थियो, त तैना कब्री कां जेई ज़ैस मां यीशुएरी लाश रखोरि थी। 3 तैखन तैना एप्पू मांमेइं ज़ोती थी, “इशे लेइ कब्रेरे दारे पुड़ेरां घोड़ कौन गिसालो?” 4 किजोकि तै घोड़ बड़ो बड़ो थियो। पन तैड़ी पुजनेरे बाद, तैनेई कब्रेरे पासे उब्री तक्कू त हेरू कि घोड़ पेइलो कब्रेरे दारे पुड़ेरां गिस्सोरो थियो। 5 तैनेई कब्रेरे अन्तर गेइतां अक जवान लाव ते तैना बेड़ि हैरान भोइ जेई। तैस छित्तां लिगइं लेग्गोरां थियां, ते तैड़ी तैन केरे सिध्थे पासे बिशशोरो थियो। 6 तैनी जवाने तैन सेइं ज़ोवं, “डरा न, अवं ज़ानताई कि तुस नासरत नगरेरे यीशु तोप्पी राओरिथ, ज़ै कूसे पुड चाढ़रो थियो। तै मुइदन मरां ज़ीतो भोरोए। तै इड़ी नई। हेरा, ई तैए ठार आए, जेड़ी तैसेरी लाश रख्खोरी थी। 7 पन तुस गेइतां तैसेरे चलन सेइं त कने पतरसे सेइं भी ज़ोइयथ कि यीशु तुसन करां पेइलो गलील इलाके जो गालो। जेन्चरां तैनी पेइलू तुसन सेइं ज़ोरू थियूं, तेन्चरां तुस तैस तैड़ी लाले।” 8 तैना कुआन्शां कब्री मरां बेइर निस्तां तैटां नेश्शी जेई, किजोकि तैनन् थर्क लग्गोरी त घेबरोरी थी। बत्तां तैनेई केन्ची सेइं किछ न ज़ोवं, किजोकि तैना डेरी थी। 9 (note: The most reliable and earliest manuscripts do not include Mark 16:9-20.) हफ्तेरे पेइले दिहाड़े झेज़्ज़ा भोते, यीशु मुइदन मरां ज़ीतो भोइतां पेइले मगदलीन नगरेरी मरियमी लेइहोव, ज़ैस मरां तैनी पेइलां सत भूतां केरो सायो कड्डोरो थियो। 10 मरियमां यीशु लानेरे पत्ती, गेइतां तैसेरे चलन खबर दित्ती, ज़ैना यीशुएरे लेइ शोग केरने लग्गोरे ते कने लेरां देने लग्गोरे थिये। 11 पन ज़ैखन तैनेई तैसारी गल शुनी कि यीशु फिरी ज़ीतो भोरोए ते तैसां लेवरोए, त तैनेई तैसारी गल्ली पुड याकीन न कियूं। 12 तैल्ला पत्ती, यीशु अपने चलन मरां दूई चलन होरि रूपे मां लेइहोव, ज़ैखन तैना (यरूशलेम) नगरेरां अपने इल्लोव्वे जो च़लारे थिये। 13 तैखन तैनेई भी नगरे वापस एजतां यीशुएरे होरे चलन खबर दित्ती, पन तैनेई तैन केरि गल्लारो भी विश्वास न कियो। 14 तैल्ला पत्ती, यीशु अपने 11 चलन भी लेइहोव, ज़ैखन तैना रोटी खेइ राओरे थिये। त तैन केरे अविश्वास त कने सखत दिलेरे वजाई सेइं यीशुए तैना डांटे, किजोकि तैनेई तैन केरो विश्वास न कियो, ज़ैनेई यीशु ज़ीतो भोनेरे पत्ती ते लेवरो थियो। 15 यीशुए अपने चलन ज़ोवं, “तुस सैरी दुनियाई मां गेइतां सारे लोकन मेरे बारे मां खुशखबरी शुनाथ। 16 ज़ै कोई मीं पुड़ विश्वास केरे ते बपतिस्मो ने, तैस पापां केरि सज़ाई करां मुक्ति मैलेली। पन ज़ै कोई विश्वास न केरे, तैस अपने पापां केरि सज़ा मैलेली। 17 ज़ैना मीं पुड़ विश्वास केरतन, तैना एरां चमत्कारेरां कम्मां (निशाना) केरले कि तैना मेरे नंवे सेइं लोकन मरां भूतां केरो सायो कढेले, ते नंवी-नंवी बोली केरले। 18 ते अगर तैना ज़ेहरीले सप्पन ट़लाले त कने ज़ेहरीली चीज़ भी पीले,

तांभी तैनन् किछ नुकसान न भोलो। ते ज़ैखन तैना बिमारन पुड़ हथ रख्खेले, ते तैना बेज़्ज़ोइ गाले।” 19 यीशु अपने चलन सेइं गल्लां केरनेरां पत्ती, परमेशरे तै स्वर्गे जो नीयो। ते यीशु परमेशरेरे देइने पासे राज्गेदी पुड़ बिशशी जेव। 20 ते यीशुएरे चेलेई बेइर हर जगाई गेइतां लोकन खुशखबरी शुनाने लग्गे। ते प्रभु तैन सेइं साथी कम केरतो राव। तैना चमत्कारेरां कम्मां (निशानन) केरे ज़िरिये, ज़ैना साथी-साथी भोतां थियां, प्रभु साबत केरतो राव कि तैन केरि गल्लां सत्र आन। आमीन।

# लूका

1 जनाब थियुफिलुस, बडे लोकेई तैना गल्लां हेरी जैना प्रभु-यीशुए कियोरी थी, जैखन तै असन सेईं साथी थियो, जेइसेरां तैनी अपनू सेवारू कम शुरू कियोरू थियू। तैन मैनेईं होरि मैनु यीशुएरे बारे मां शिक्षा देइतां परमेशरेरी सेवा की। बडे मैनेईं तैन केरि गल्लां शुन्तां यीशुएरे बारे मां इशे लेइ इतिहासेरी किताब लिखी। 3 मीं एप्पू तैन सैरी गल्लां केरि बडे रोइचारे छानबीन की। एल्हेरेलेइ, मीं एन रोडू लग्गू, कि अवं भी तुशे लेइ तैन गल्लां केरे बारे मां ठीक डंगे सेईं इतिहासेरी किताब लिखी। 4 अवं चाताई कि तीं पतो लग्गे कि यीशुएरे बारे मां तैना गल्लां सच्चरी आन, जैन केरे बारे मां तुसन शिक्षा मैल्लोरी थी। 5 यहूदिया इलाके मां, जैखन हेरोदेस राज़ो राज़ केरतो थियो, त तैखन जकयाह नंवेरो अक यहूदी याजक थियो। तै मैनु याजकां केरे टोली मां अबिग्याह नंवेरो टोली मरां थियो। तैसेरी कुआन्शा नवं एलीशिबा थियूं। एलीशिबा हारुनेरे खानदेनी मरां थी, (हारुन इस्राएल लोकां केरो पेइलो याजक थियो)। 6 तैना दुइये प्रभु-परमेशरेरी नज़री मां धर्मी थियां ते कने परमेशरेरे सारे कानून ते सारे हुकमन पुइ बेइलज़ाम च़लनेबालां थियां। 7 पन तैन केरि कोई औलाद न थी, किजोकि एलीशिबा बाँइ थी, ते तैना दुइये बुढां थियां। 8 एक्की फेरे, जकयहिरी टोली यरूशलेम नगरेरे मन्दरे मां सेवारू कम केरि राओरे थी, तैखन तै प्रभु परमेशरेरी हज़ूरी मां अपनू याजकेरू कम लोगोरो थियो केरने। 9 याजकां केरे रीतेरे मुताबिक तैनेईं परची छेइतां जकयाह चुनो कि तै प्रभु-परमेशरेरे मन्दरे मां गेइतां गुग्गल बाले। 10 जैखन तै गुग्गल बालने लोरो थियो, त तैखन मैनु केरि सारी भीइ मन्दरेरे बेइर प्रार्थना केरि राओरी थी। 11 तैखन अचानक प्रभु-परमेशरेरो अक स्वर्गदूत गुग्गल बालनेरी ठारोरे देइने पासे खडे भोइतां जकयाह लेइहोव। 12 जैखन जकयाह स्वर्गदूत लाव, त तै घेमरोव ते बडो डेरि जेव। 13 पन स्वर्गदूते तैस सेईं ज़ोवं, “हे जकयाह, न डर! जैखन तीं प्रार्थना की, त परमेशरे तेरी प्रार्थना शुनी। एल्हेरेलेइ, तेरी कुआन्शा एलीशिबाई मट्टू भोनूए, ते तू तैसेरू नवं यूहन्ना रेख्खां। 14 तैसेरे ज़र्म भोने सेईं तू बडो खुश भोलो। त बडे लोक भी खुश भोले। 15 तै प्रभु-परमेशरेरी नज़री मां महान भोलो, ते तैनी कोन्ची भी किसमेरी नशे बाले चीज़ ते कने शराब कथे न लोइे पियोरी, ते तै अपनि अम्मारे पेटे मां भोते वक्तेरां परमेशरेरी पवित्र आत्मारी शक्ति सेईं भरपूर भोलो। 16 तै इस्राएली लोकन मरां बडे लोक परमेशरेरे पासे ज़ै तैन केरो प्रभु परमेशरे वापस तैस कां आनेलो, जैना अपने पापां केरि वजाई सेईं परमेशरे करां दूर भोरे थियो। 17 ते तै एरो मैनु भोलो जैस पुइ एलियाहारी आत्मा ते कने शक्ति भोलो। तै परमेशरेरी बत तियार केरेलो, तैस अग्री-अग्री च़लेलो ताके हाज बच्चां केरो दिल औलादरे पासे ते परमेशर न मन्नेबाले लोकन धेर्मी लोकां केरे बन्तां केरे पासे बदलेलो, ताके जैखन

प्रभु एज्जे त लोक तियार भोन।” 18 जकयहि स्वर्गदूते पुच्छू, “अवं केन्चरे मेन्नी एन असन सेईं भोनूए, अवं त बुढोई ते मेरी कुआन्शा भी बुढी भोरीए।” 19 स्वर्गदूते जुवाब दितो, “अवं जिब्राईल आई अवं परमेशरे कां खडो भोताई, अवं एल्हेरेलेइ भेजोरोई, कि अवं तीं सेईं गल केरि ते तीं ए खुशखबरी शुनेई। 20 ते हेर ज़ां तगर एना गल्लां पूरी न भोन तेरी ज़बान बंद भोली, ते तू गल न केरि सकेलो किजोकि तीं मेरी गल्लां केरू याकीन नईं कियोरू जैना अपने वक्ते पुइ पूरी भोनिन।” 21 ते जैखन जकयाह ते स्वर्गदूत मन्दरे मां गल्लां लोरे थिये केरने त लोक मन्दरेरे बेइर अंगने मां जकयाह बलगने लोरे थिये, तैना बडे हैरान भोइजेइ कि जकयहि मन्दरे मां एत्रू च़िर किजो लाव। 22 जैखन तै बेइर निरसो, त तै कुजी न बटो ते तैन लोकेई बुझी छडू, कि एनी मन्दरे मां किछ दर्शन लाहेरूए किजोकि तै इशारो केरतो थियो, पन कुजी न थियो बटतो। 23 जेइस यरूशलेम नगरेरे मन्दरे मां जकयाहरू एक्की हफतेरे याजकेरी सेवारू कम पूरू भोवं, त तै अपने घरे जो च़लो जेव। 24 किछ वक्तेरां बाद तैसेरी कुआन्शा एलीशिबा दोर्जीतीए भोइ, ते तै पंच महीन्न तगर बेइर लोकन मां न जेई। तैसां ज़ोवं, 25 “प्रभुए मीं पुइ दया केरतां केत्रू महान कम कियूं, ते अवं दोर्जीती भोइ, ते जैस गल्लरे वाजाई सेईं लोक मीं घटिया समझते थिये, तै गल दूर की।” 26 एलीशिबारे दोर्जीती भोनेरे शेइयोवं महीने जिब्राईल स्वर्गदूत परमेशरेरी तरफां गलील इलाकेरे नासरत नगरे मां, 27 एक्की अड्लैई कुइये कां भेजो। तैसारी कुइमाइ दाऊदरे खानदाने मरां एक्की मडदे सेईं भोरी थी जेसेरू नवं यूसुफ थियूं, ते तैस कुइयरू नवं मरियम थियूं। 28 स्वर्गदूते तैस कां एइतां ज़ोवं, “आनन्द ते ज़ीत तेरी भोए, तीं पुइ परमेशरेरी बडी दया भोरीए, प्रभु तीं सेईं साथियो!” 29 मरियम स्वर्गदूतेरी गल शुन्तां परेशान भोइतां सोचने लगी एन केरहु नमस्कारे? 30 स्वर्गदूते तैस सेईं ज़ोवं “हे मरियम, डर न, किजोकि परमेशरेरो तीं पुइ बडो अनुग्रह भोरोए। 31 तू दोर्जीती भोली तीं अक मट्टू भोलू, ते तू तैसेरू नवं यीशु रेखां। 32 तैन महान भोलू ते तैस जौ परमप्रधान परमेशरेरू मट्टू ज़ोले, ते परमेशर तैस तैसेरे पूर्वज दाऊद राज़ेरे ज़ेरो राज़ो बनालो। 33 ते तै याकूबेरे खानदाने पुइ हमेशा राज़ केरेलो, ते तैसेरू राज़ कथे खतम न भोलू।” (αἰὼν ἡμῶν) 34 मरियमा स्वर्गदूते पुच्छू, “एन केन्चरे भोइ सकते? अवं त अड्लैई आई।” 35 स्वर्गदूते जुवाब दितो, “पवित्र आत्मा तीं पुइ उतरेलो, ते परमप्रधान परमेशरेरी शक्ति तीं पुइ सैयो केरेली एल्हेरेलेइ तै बच्चो ज़ै ज़र्मएलो तै पवित्र भोलो तैस जो परमेशरेरू मट्टू ज़ोले। 36 ते हेर तेरी रिशतेदार एलीशिबाई भी बुडे बारे मट्टू भोने बालूए तैस जो लोक बाँइ ज़ोते थिये, तैस दोर्जीती शा महीने भोरेन। 37 किजोकि परमेशरेरे लेइ किछ भी नमुमकिन नई।” 38 मरियमा स्वर्गदूते जुवाब दितो, “अवं परमेशरेरी सेवा केरती ज़ैन तीं ज़ोरूए तैन भोए।” तैखन स्वर्गदूत तैस करां च़लो जेव। 39 किछ दिहाइन पती मरियम तियार

भोइतां यहूदियारे इलाकेरे एककी पहाड़ी नगरे मां जेई। 40 ते जकर्याहरे घरे मां गेइतां एलीशिबा जो नमस्कार कियूं। 41 जैखन एलीशिबा मरियमारू नमस्कार शूनू त बच्चो तैसारे पेटे मां उछड़ने लगे ते एलीशिबा पवित्र आत्माई सेइं भेरोई जेई। 42 ते बड़े ज़ोरे सेइं ज़ोने लगी, “तू कुआन्थन मां धन आस ते ज़ै बच्चो तीं ज़ांनोए ते भी धने! 43 ते मेरे लेइ बड़ी इज़्जतरी गल आए कि, मेरे प्रभुएरी अम्मा मीं कां आई! 44 किजोकि हेर ज़ेरि तेरे नमस्कारेरी आवाज़ मीं शूनी त बच्चे खुशी सेइं मेरे पेटे मां छालां लगे मारने। 45 तू धन आस तीं तैन गल्लन पुड़ विश्वास कियो ज़ैना प्रभुए तीं सेइं जोई कि, तैना पूरी भोली।” 46 ते मरियमा ज़ोवं, “अवं प्रभुएरी तारीफ़ करेती। 47 ते मेरी आत्मा मेरे मुक्ति देनेबाले परमेशरे सेइं खुशी भोइ। 48 किजोकि तैनी अपन सेवा केरने बैलरी गिरोरी हालती पुड़ नज़र की, अज़ेरां देइतां हर ज़मानेरे लोक मींजो धन ज़ोले। 49 किजोकि परमेशरे मेरे लेइ बड़ां-बड़ां कम्मां कियोरन ते तैसेरू नवं पवित्र भोए। 50 तैसेरी दया तैस करां डरने बालन पुड़ पीड़ी-पीड़ी तगर राचे। 51 तैनी अपने शक्ति सेइं बड़ां-बड़ां कम्मां कियोरन तैनी घमण्डी तितर-बितर कियो। 52 तैनी राज़े राज़े केरने करां रोके, ते तैनी नम्र लोकन आदर दिती। 53 तैनी नियन्ने रोड़ी-रोड़ी चीज़ेइं सेइं रज़ाने ते धन दौलती बाले खाली हथेइं भेजे। 54 तैनी अपने वादे ज़ैना तैनी इश्शे दादन-पड़दादन सेइं कियोरे थियो याद कियो, तैनी अपन सेवा केरनेबाले इस्राएली लोकां केरि मद्दत की, 55 तैनी हमेशारे लेइ अब्राहमे पुड़ ते तैसेरी औलादी पुड़ दया केरनि याद रख्खी।” (aiōn g165) 56 मरियम कोई ट्लाई महीन्न तगर एलीशिबा सेइं साथी राई ते फिरी अपने घरजो आई। 57 एलीशिबारो गल्हे बिशनेरो वक्त एज्जी अव ते तैस मट्टू भोवं। 58 तैसारे आसेपासेरे रिशतेदारें एन शूनू कि परमेशरे तैस पुड़ बड़ी दया कियोरियो ते तैस सेइं साथी खुशी मनाई। 59 अठोवं दिहाड़े तैना मट्टूरो खतनो केरने आए, ते तैना तैसेरू नवं तैसेरे बाजी केरे नव्वें पुड़ जकर्याह रखनू चाते थियो। 60 पन तैसेरी अम्मा ज़ोने लगी, “नई एसेरू नवं यूहन्ना भोलू।” 61 किछ तैस जो ज़ोने लगे, “तुश्शी खानदेनी मां कोई भी एस नव्वेरो नई।” 62 तैखन तैन लोकेई जकर्याहरे पासे इशारे सेइं पुच्छू कि तू मट्टेरू नवं कुन रखनू चातस? 63 ते तैनी पटारी मगी ते तैस पुड़ लिखू, “एसेरू नवं यूहन्ना आए,” ते सब लोक हैरान रेइजे। 64 तैखने तैसेरी जिभ खुल्ली ते जकर्याह गल्लां लगे केरने ते परमेशरेरी तारीफ़ केरने लगे। 65 ते आसे-पासेरे लोक एस तमाशे हेरतां हैरान रेइजे, ते यहूदियारे इलाकेरे एककी पहाड़ी नगर मां एस गल्लरी चरचा भोने लगी। 66 ते शून्ने बाले अपने-अपने मन्न मां सोचते थियो, “एन मट्टू बट्टू भोइतां केरहु भोनूए?” किजोकि परमेशरेरी शक्ति अज़ेरी देती एस सेइं साथीए? 67 तैखन तैसेरो बाजी जकर्याह पवित्र आत्माई सेइं भेरोवं ते भविष्यवाणी केरने लगे। 68 “प्रभु इस्राएलेरो परमेशर धन भोए, किजोकि तैनी एइतां अपने लोकन मुक्ति दितोरियो। 69 ते तैसेरे दास दाऊदरे घराने

मरां इश्शे लेइ अक मुक्ति देनेबालो भेजोरोए। 70 (बड़े पेइले ज़ेन्चरे पवित्र नेबी केरे ज़िरियो ज़ोरू थियूं, ज़ैन शुरु करां देते ओरूए।) (aiōn g165) 71 असां अपने दुश्मन करां ते बैर रखने बालन करां मुक्ति हासिल केरम। 72 ते ते इश्शे दादे पड़दादन पुड़ दया केरे ते अपनो पवित्र करार याद केर। 73 ते करार ज़ै तीं इश्शे पूर्वज अब्राहमे सेइं कियोरो थियो। 74 कि तै असन हिम्मत देलो, कि असां अपने दुश्मन करां बगैर केन्ची भी डरे सेइं बेची सखम। 75 ते अपन जिन्दगी तैस सॉफम ते सारी जिन्दगी पवित्रेइ ते धार्मिकता ज़ीम। 76 ते हे बच्चां तू नबी भोलो किजोकि तू परमेशरेरे अग्री-अग्री चेलतां लोकन तियार केरेलो कि परमेशर एज्नोए। 77 तै अपने लोकन तैन केरे पाप माफ़ केरनेरे ज़िरियो मुक्तेरे बारे मां ज्ञान देलो। 78 ते इश्शे परमेशरेरी दया एरी भोली ज़ेन्चरे दिहाड़ो लौ देते तेन्चरे मसीह स्वर्गोरां एज्जेलो। 79 ताके तैन केरे लेइ ज़ैना पापे मां जीतन ते हमेशारे मौतरे खतरे मां रातन लौ दे, ते तै असन बत हिराए ताके अस सुखे सेइं जिन्दगी ज़ीम।” 80 तैन मट्टू यानी यूहन्ना बेडोतो जेव ते आत्माई मां बढ्ढतो जेव ते इस्राएलेरी लोकन प्रचार केरने तगर सुनसान ठेरन मां राव।

**2** तैन दिहेइन मां रोम मुलखेरे महाराजे औगुस्तुसे एलान कियूं कि, दुनियारे सारे मैन्हु केरि गिनती की गाए। 2 ए पेइली मैन्हु केरि गिनती थी, ज़ै सीरिया इलाकेरे गवर्नर क्विरिनियुसेरे वक्ते मां भोइ। 3 ते सारे लोक, मैन्हु केरि गिनतरे लेइ नवं लिखाने अपने-अपने पूर्वजां केरे नगर जो चले जे। 4 युसुफ भी गलील इलाकेरे नगर नासरते मरां यहूदिया इलाके मां दाऊदरे नगर बैतलहम मांजो चलो, किजोकि ते दाऊद राज़ेरे खानदाने मरां थियो। 5 ताके तैडी मरियमी सेइं साथी ज़ैस सेइं तैसेरी कुड़माइ भोरी थी ते ते दोज़ीती थी नवं लिखाए। 6 तैन केरे तैडी रेइतां तैसारे गल्हे बिशनेरो वक्त अव। 7 ते तैस पेइलू मट्टू भोवं ते तैसां तैन फैल्हडी मां पलेटतां खुरली मां रख्खू किजोकि तैन धर्मशाली मां कोन्च ठार न थी मैल्लोरी। 8 किछ पुहाल राती एककी इलबड़े मां गब्बां केरो पैरहो केरते थियो। 9 ते परमेशरेरो स्वर्गदूत तैन कां बांदो भोव ते परमेशरेरी महिमारी लौ तैन केरे ज़ेरे पासन बलने लगी ते तैना बड़े डेरि जे। 10 तैखन स्वर्गदूते तैन जो ज़ोवं, “डरा नन्ना, किजोकि अवं तुसन अक बड़ी खुशखबरी शूनाने ओरोई, ज़ै खुशी सैरी लोकां केरे लेइ भोली। 11 अज़ बैतलहमे मां ज़ैन दाऊद राज़ेरू नगर थियूं, तुश्शे लेइ अक मुक्ति देनेबालो ज़रमोरोए यानी यीशु मसीह प्रभु। 12 तैसेरो तुश्शे लेइ ए निशान भोलो कि तुसन अक मट्टू फैल्हडी मां पलैटेरू गाल्हरे बेइर खुरली मां मैलेलू।” 13 ते अकदम तैस स्वर्गदूते सेइं हारे भी स्वर्गदूत बांदे भोए ते तैना परमेशरेरी तारीफ़ केरने लगे ते एन ज़ोने लगे, 14 “स्वर्ग मां परमेशरेरी महिमा भोए, ते ज़मीनी पुड़ तैन मैन्न शान्ति मैल्ले, ज़ैन पुड़ परमेशर खुशो।” 15 ज़ैखन स्वर्गदूत पुहालां केरे सामने वापस स्वर्ग मांजो चले जे। पुहाल एप्पू मांमेइं ज़ोने लगे, “एज्जा अस बैतलहम नगरे मां गाम ज़ै

बिस्तार प्रभुए असन दित्तोरिए तैस हेरम।” 16 एल्हेरेलेइ तैना लूशी तैट्टां चले जे ते तैडी पुजे ते सच्चरे तैडी मरियम, यूसुफ ते निकडो बच्चो फैल्हडी मां पलेट्टोरि गोरू केरि गाल्हरे बेडर खुरली मां मैल्लो। 17 ते पुहाल एन हेरतां जै गल तैन एस बच्चरे बारे मां ज़ोरी थी सेबन सेइं ज़ोने लगे। 18 पुहालां केरि गल्लां शुन्तां सारे लोक हैरान रेइजे। 19 पन मरियम सैरी गल्लां अपने दिले मां रेखतां सोचने लगी। 20 ते पुहालन ज़ेन्चरे तैनी स्वर्गदूते ज़ोरू थियू, तैनेई अपनि एछ्छेई तैन सब किछ लेइतां परमेशेरी तारीफ़ केरते वापस घरजो चले जे। 21 अठोवं दिहाड़े ज़ेइस तैसेरो खतनो केरनेरो वक्त अव त तैसेरू नवं यीशु रखबू। एन तैन नवं आए, ज़ैन स्वर्गदूते मरियमारे दोर्जीतीए भोने करां पेइले रखेरू थियू। 22 ज़ैखन मूसरे कानूनरे मुताबिक तैसेरे शुच्चे भोनेरे दिहाड़े पूरे भोए, त यूसुफे ते मरियमा यीशु यरूशलेम नगरे मांजो नीयो ताके तैस प्रभुए कां अर्पण केरन। 23 ज़ेन्चरे प्रभुएरे कानूने मां लिखोरूए, “सारां पेइलां मट्टां परमेशेरे लेइ पवित्र भोलां।” 24 ज़ेन्चरे प्रभुएरे कानूने मां लिखोरूए कि, “अक जोडी गूघु केरि या कबूतररे दूई बच्चे बलिदानेरे लेइ आन।” 25 तैस वक्ते यरूशलेम नगरे मां अक मैन्हु थियो, तैसेरू नवं शमौन थियू, तै बड़ो धर्मी ते भक्त मैन्हु थियो, तै मसीह बलगने लोरो थियो, कि तै एज्जेलो ते इस्राएली लोकन शान्ति देलो, ते तैस पुड पवित्र आत्मा थियो। 26 पवित्र आत्मा तैस पुड बांदू कियू, “मट्टां तीं असन सेइं एन कुन कमाव? तेरे हाज बव तीं तोपते-कि ज़ां तगर तू प्रभुएरे मसीह न लाएलो तांतगर न मरेलो। 27 तैस दिहाड़े शमौन पवित्र आत्मा चलाव, तै आत्मिक शक्ति सेइं मन्दरे मां अव तैखन यीशु भी तैसेरे अम्मा बाजेई अन्तर आनोरो थियो, कि तैसेरेलेइ मूसरे कानूनरे मुताबिक कमाव। 28 त शमौने बच्चो कुम्मे मां टलातो ते परमेशेरी तारीफ़ केरने लगे। 29 “हे प्रभु तीं ज़ै अपनो वादो कियोरोए अपने दासे आनन्दे सेइं मरने दे। 30 किजोकि मीं अपने एछ्छेई सेइं मुक्ति देनेबालो लाव, ज़ै तीं सैरी लोकां केरे लेइ भेजोरोए। 31 ज़ै तीं सैरी कौमां केरे सामने तियार कियोरोए। 32 तै, परमेशर गैर कौमन पुड बांदो केरनेरे लेइ लौ आए, ते इस्राएली लोकां केरे लेइ अक बड़ी महिमा भोए।” 33 यीशुएरे अम्मा बाजी शमौनेरी एना गल्लां शुन्तां हक्के-बक्के भोए। 34 तैखन शमौने तैन बरकत दित्ती, ते तैसेरी अम्मा मरियम सेइं ज़ोवं, “हेरा, इन मट्टू एल्हेरेलेइ ठहरावरो, कि इस्राएले मां बड़े लोकां केरे लेइ नाश भोनेरी ते मुक्ति मैलनेरी वजा भोए, तै परमेशेरी तरफां अक निशान आए पन बड़े लोक तैसेरे खलाफ भोले। 35 ताके बड़े दिलां केरे खियाल खुल्ली गान ते तीं बड़ो दुःख भोनेओ ज़ेन्चरे तलवार कटतीए।” 36 तैडी अक कुआन्श थी ज़ै नबिन थी, तैसारू नवं हन्नाह थियू, अशेरेरे खानदाने मरां अक मैन्हु ज़ेसेरू नवं फनूएल थियू, हन्नाह तैसेरी कुई थी तै बड़ी बुडी थी तै अपने इलाहेरां बाद सत साल अपने मुन्शे सेइं साथी रहोरी थी। 37 तै विधवा थी तैसारी उमर चूरासी साल थी तै मन्दरे मरां न थी गाती ते रात दिहैडी प्रार्थना ते कने बरतां रखती ते परमेशेरी आराधना

केरती रहती थी। 38 तैखन तै भी तैडी एइतां परमेशेरू शुक्र केरने लगी ते बच्चरे बारे मां तैन सेबन सेइं गल्लां लाई केरने, ज़ैना बलगने लोरे थिये कि परमेशेरे यरूशलेम नगरेरे लोकन छुटानेरे लेइ मसीह भेज्जोए। 39 ज़ैखन मरियम ते यूसुफे मूसरे कानूनरे मुताबिक यीशुएरो खतनो कियो, त तैना गलील इलाके मरां अपने नगर नासरते मांजो जे। 40 तैन मट्टू बडोटू जेवं ते अक्लमन्द भोटू जेवं किजोकि परमेशेरो तैस पुड बड़ो अनुग्रह थियो। 41 यीशुएरे अम्मा बाजी हर साल फ़सह तिहारेरी दिहाड़ी बनाने यरूशलेम नगरे मां गाते थिये। 42 ज़ैखन यीशु 12 सालां केरो भोव त तैना रीतरे मुताबिक यरूशलेम नगरे मां जे। 43 ज़ैखन तिहार बीतू त यीशुएरे अम्मा बाजी वापस घरजो आए त यीशु यरूशलेम नगरे मां रेइ जेव ते तैसेरे अम्मा बाजी कोई पतो न थियो। 44 तैनेई बुझू कि यीशु होरि मैन्नु सेइं साथी अग्रोवं जोरोए, तैना अपने रिशतेदारन ते ज़ान पिशानी बालन मां तोपने लगे। 45 ज़ैखन तैन यीशु न मैल्लो त तैना वापस तोपते-तोपते यरूशलेम नगरे मां पुजे। 46 टलेइयोवं दिहाड़े तैन यीशु मन्दरेरे अंगने मां बुजुर्ग लोकन सेइं गलबात केरतो ते तैन सेइं सवाल जुवाब केरतो मैल्लो। 47 ज़ैना लोक तैसेरी गल्लां शुन्ने लोरे थिये तैना यीशुएरी गल्लां शुन्तां हैरान रेइजे। 48 ज़ैखन तैसेरे हाज बच्चेई यीशु लाव त तैना हैरान रेइजे ते ज़ोने लगे, “मट्टां तीं असन सेइं एन कुन कमाव? तेरे हाज बव तीं तोपते-तोपते परेशान भोइ जे।” 49 यीशु तैन सेइं ज़ोवं तुस मीं किजो तोपने लगगोरो थिये? “तुसन पतो नई कि मीं अपने बाजेरे घरे मां रानू ज़रूरी थियू?” 50 पन तैन तैना गल्लां केरि समझ न आई कि, एन केरो कुन मतलब आए। 51 तैखन तै अपने अम्मा बाजी सेइं साथी नासरत नगरे मां अव ते अपने अम्मा बाजी कां राव ते मरियमा एना सैरी गल्लां अपने दिले मां रेख्खी। 52 यीशु अक्ली मां भी ते कदे मां भी बेडोतो जेव ते परमेशेरी ते इन्सानेरी कृपाई मां बद्धतो जेव।

**3** तिबिरियुस महाराजरे हुकुमतेरे परनोहूँ साले मां जेइस पुन्तियुस पिलातुस यहूदिया इलाकेरो गवर्नर थियो, ते गलीलेरे इलाके मां हेरोदेस गवर्नर थियो, तैसेरो दूला फिलिप्पुस इतुरैया ते त्रखोनीतिस इलाकां केरो गवर्नर थियो, लिसानियास, अबिलेन इलाकेरो गवर्नर थियो। 2 तैस वक्ते हन्ना ते कैफा महायाजक थिये, तेइस परमेशेरे जकर्याहरे मट्टे यूहन्ना सेइं गल्लां की। ज़ैन सुनसान ठैरी मां रातू थियू। 3 ते यूहन्ना यरदन दरियारे आसेपासेरे इलाकन मां गेइतां ई प्रचार केरने लगे, कि अपने पापन करां मनफिराथ, ते बपतिस्मो नेथ ताके परमेशर तुशो पाप माफ़ केरे। 4 ज़ेन्चरे यशायाह नेबेरी किताबी मां लिखोरूए, “सुनसान ठैरी मां फुकारने बालेरी आवाज़ एइचे कि, ‘प्रभुएरी बत बनाथ ते तैसेरी बत्तां पैठ्ठी केरा।’” 5 “डुग्घी ठारां सैरी भेरोई गैनिन, हर अक पहाड़ ते च़ौदू बछोइनोए ते ज़ैना टलेडी बत्तन तैना सिधी केरनिन ज़ैना उन्डी उबरिन तैना पैठ्ठी केरनिन। 6 ते सब लोक तैस हेरेले, ज़ै परमेशेरे तैन मुक्ति देने

भेजोरोए।” 7 ते यूहन्ना तैन लोकन सेई ज़ोवं, ज़ैना जथन मां तैस करां बपतिस्मो नेने ओरे थियो, “तुस जेहरीले सप्पेरे ज़ेरे बुरे आथ! तुसन केनि ज़ोवं कि, एजनेबाले परमेशरेरे कोपे करां नशा? 8 बरसा, सज़ाई करां बचनेरे लेइ तैना कम्मां केरा, ज़ैन सेई पतो लगगे तुसेई सच्चरे पापन करां मन फिरावरोए। ते अपने-अपने मने मां एन न ज़ोथ कि, अब्राहम जेन्चरे इशशो बाजीए, किजोकि अवं तुसन सेई ज़ोताई कि परमेशर इन घोड़न मरां अब्राहमेरे लेइ औलाद पैदा केरि सकते। 9 ते हुन्ना त बुट्टां केरे ज़ीलन पुड़ परमेशरेरो मैक्कु रख्खोरोए, एल्हेरेलेइ ज़ै कोई तैस बुट्टेरो ज़ेरो भोते, ज़ै रोडो फल न दे, तै कटनोए ते अग्गी मां छड़नोए।” 10 लोकेई तैस पुच्छू, “फिरी असां परमेशरेरी सज़ाई करां केन्चरे बचम?” 11 यूहन्ना तैन सेई ज़ोवं, “ज़ैस कां दूई कुरतेन त अक कुरतो तैस देथ ज़ैस कां अक भी नई ते ज़ैस कां रोटी आए त तै भी रोटी बंटे ज़ैन कां नई।” 12 ते धड़त नेनेबाले भी बपतिस्मो नेने ओरे थियो तैनेई तैस पुच्छू, “हे गुरू जी असां कुन केरम?” 13 तैनी तैन सेई ज़ोवं, “ज़ैन तुशे लेइ सरकारी कानूनेरे हिसाबे सेई रख्खोरोए तैस करां जादे धड़त न नेइयथ।” 14 ते तैखन होरि सिपाहीएई भी तैस पुच्छू, “असां कुन केरम?” यूहन्ना तैन सेई ज़ोवं, “केन्ची पुड़ जुलम केरतां बेहक न नेइयथ, ते न केन्ची पुड़ झूठो दोष लेइयथ, पन अपनि तनखुवाही पुड़ गुजारे केरथ।” 15 तैखन लोक इंतज़ारे मां थियो कि, मसीह जल्दी एजनीए, ते सब लोक अपने दिले मां यूहन्नारे बारे मां सोचते थियो कि ज़ै ओरोए तै मसीह आए या नई? 16 त यूहन्ना तैन जुवाबे मां तैन सेई ज़ोवं, “अवं त तुसन पैनी सेई बपतिस्मो देताई पन ज़ै मीं करां महाने तै एजनेबालो आए। अवं तैसेरो गुलाम बेनतां तैसेरी जुट्टी केरे तसमे भी खोलनेरे काबल नई। तै तुसन पवित्र आत्माई ते अग्गी सेई बपतिस्मो देलो। 17 तैसेरु छज्ज तैसेरे हथ्ये मां आए ते तै खलाइ रोडेचारे साफ केरेलो, ते गेहुं अपने कोठारे मां रखेलो पन झाझी तैस अग्गी मां फुकेलो ज़ै कधी हिशनेरी न भोली।” 18 बरसा तै बडे रोडेचारे लोकन समझेइतां परमेशरेरी खुशखबरी शुनातो राव। 19 हेरोदेस त्रेवरोवं मुलखे पुड़ राज़ केरतो थियो। यूहन्ना तै झिड़कावरो थियो, कि हेरोदेस अपने दूला फिलिप्पुसेरी कुआन्श हेरोदियास ज़ै थी तैस सेई इला कियोरो थियो, ते होरां भी बड़ां बुरां कम्मां कियोरां थियां। 20 हेरोदेस एन सेबनन करां जादे बुरू कम कियू कि यूहन्ना कैद केरतां छड़ो। 21 ज़ैखन सब लोक बपतिस्मो नेने लोरे थियो तै यीशुए भी बपतिस्मो नीयो, ते ज़ैखन तै प्रार्थना लोरो थियो केरने, त एरू भोवं कि स्वर्ग खुल्ली जेवं। 22 ते पवित्र आत्मा कबूतरेरी शकली मां यीशु पुड़ उत्रो ते अम्बरे मरां ई आवाज़ अई, “तू मेरू टलारू मट्टू आस, अवं तीं पुड़ बड़ो खुश आई।” 23 ज़ैखन यीशुए अपने सेवारां कम शुरु कियू त तैसेरी उमर 30 साल थी (जेन्चरे समझू गातू थियो) एन यूसुफेरू मट्टूए, ते तैन एलेरू 24 एली मत्तातेरू ते तैन लेवेरू ते तैन मलकेरो ते तैन यन्नेएरो ते तैन यूसुफेरू मट्टू थियू.

25 ते तैन मत्तियाहेरू ते तैन आमोसेरो ते तैन नहूमेरू ते तैन असल्याहेरू ते तैन नग्गीएरू मट्टू थियू। 26 ते तैन मत्तातेरो ते तै मत्तियाहेरू ते तैन शिमीएरू ते तैन योसेखेरू ते तैन योदाहेरू मट्टू थियू। 27 ते तैन यूहन्नारू ते तैन रेसारू ते तै जरुब्बाबेलेरू ते तैन शालतियेलेरू ते तैन नेरेरू मट्टू थियू। 28 ते तैन मलकीएरू ते तैन अदीयेरू ते तैन कोसामेरू ते तैन एल्मदामेरू ते तैन एरेरू मट्टू थियू। 29 ते तैन येशूएरू ते तैन एलीएजेरेरू ते तैन योरीमेरू ते तैन मत्तातेरू ते तैन लेवेरू मट्टू थियू। 30 ते तैन शमौनेरू ते तैन यहूदेरू ते तैन यूसुफेरू ते तैन योनेनेरू ते तैन एलयाकीमेरू मट्टू थियू। 31 ते तैन मलेआहेरू ते तैन मिन्नाहेरो ते तैन मत्ततेरो ते तैन नातानेरो ते तैन दाऊदेरू मट्टू थियू। 32 ते तैन यिशैएरो ते तैन ओबेदेरो ते तैन बोआजेरो ते तैन सलमोनेरो ते तैन नहशोनेरू मट्टू थियू। 33 ते तैन अम्मीनादाबेरू ते तैन अरनेरू ते तै हेसोनेरू ते तैन पेरेसेरू ते तैन यहूदेरू मट्टू थियू। 34 ते तैन याकूबेरू ते तैन इसहाकेरो ते तैन अब्राहमेरू ते तैन तेरहेरो ते तैन नाहोरेरू मट्टू थियू। 35 ते तैन सक्कोरो ते तैन रऊएरो ते तैन पेलेगेरो ते तैन एबेरेरू ते तैन शिलहेरू मट्टू थियू। 36 ते तैन केनानेरू ते तैन अरफक्षदेरो ते तैन शेमेरो ते तैन नूहेरो ते तैन लेमेकेरू मट्टू थियू। 37 ते तैन मथूशिलहेरू ते तैन हनोकेरो ते तैन यिरिदेरू ते तैन महललेलेरू ते तैन केनानेरू मट्टू थियू। 38 ते तैन एनोशेरू ते तैन शेतेरू ते तैन आदमेरो ते तैन परमेशरेरू मट्टू थियू।

**4** फिरी यीशु पवित्र आत्मा सेई भरपूर भोइतां यरदन दरियाए मरां वापस अव त 40 दिहाड़े पवित्र आत्मा रे च़लाने सेई सुनसान ठेरी जो च़लो जेव। 2 तैन 40 दिहाड़न मां शैतान तैस अज़मातो राव, तैन दिहेइन मां तैनी किछ न खाव पीवं ते ज़ैखन तैना दिहाड़े पूरे भोए त तैस ढलुख लगगी। 3 शैताने तैस जो ज़ोवं, “अगर तू परमेशेरू मट्टू आस त इन घोड़न जो ज़ो कि एना रोटी बनना।” 4 यीशु तैस जुवाब दित्तो, “पवित्रशास्त्रे मां लिखोरूए, ‘मैन्हु सिर्फ रोडेइ सेई ज़ींतो न राए।’” 5 फिरी शैताने यीशु एक्की उच्चे पहाड़े पुड़ धिन्तां जेव ते तैटां एक्की पले मां तैस तैडी दुनियारां सारां राज़ां हिरां। 6 ते तैनी यीशु सेई ज़ोवं, “एन सब किछ मेरे अधिकारे मां आए, ते एसेरी सारी धन दौलत अवं तीं देलो एन मेरे स्पुदें। अवं ज़ैस चाताई तैस देइ सकताई। 7 बस अगर तू मीं कां मथ्यो टेकस त एन सब किछ तेरू भोलू।” 8 यीशुए तैस जुवाब दित्तो, “पवित्रशास्त्र मां लिखोरूए, ‘तू सिर्फ अपने प्रभु परमेशरे कां मथ्यो टेकतां ते सिर्फ तैसेरी भक्ति केरां।’” 9 ते तैनी यीशु यरूशलेम नगरेरे मन्दरेरी उच्ची छम्पी पुड़ नेइतां खडो कियो ते तैस सेई ज़ोवं, “अगर तू परमेशेरू मट्टू आस त अपनो आप इट्टां उन्ढो बछोइ। 10 किजोकि पवित्रशास्त्रे मां लिखोरूए, ‘तै तेरे लेइ अपने स्वर्गदूतन ज़ोलो ते तैना तेरी हफाज़त केरेले।’ 11 ते ‘तैना तीं अपने हथ्यन पुड़ छूले ताके एरू न भोए कि तेरे पावन घोड़न सेई ठोकर लगगे।’” 12 यीशु तैस जुवाब दित्तो, “पवित्रशास्त्रे मां इन भी लिखोरूए तू अपने प्रभु परमेशरेरी अज़मैइश न केरां।” 13 ज़ैखन शैताने तैसेरी बडे

तरीकेई अजमैइश की, त किछ चिंरें बाद तैस करं चलो जेव। 14 फिरी यीशु पवित्र आत्मारी शक्ति सेईं भरपूर भोइतां गलील इलाके मां वापस अव, ते सारे इलाके मां तैसेरी मुशूरी भोइजेइ। 15 यीशु तैन केरे प्रार्थना घरन मां शिक्षा देतो राव, ते सब लोक तैसेरी तारीफ़ केरते थिये। 16 फिरी तै नासरत नगर मां वापस अव ज़ैडी तै पलोरो थियो। अपने रीतेर मुताबिक आरामेर दिहाड़े तै प्रार्थना घरे मां जेव ते वचन पढ़नेरे लेइ खड़ी भोव। 17 ते तैस यशायाह नेबेरी किताब दिती ते तैनी खोलतां तैन वचन कढ़ू ज़ैडी लिखेरू थियूं, कि, 18 “प्रभुएरी आत्मा मीं पुड़े, एल्हेरेलेइ कि तैनी गरीबन खुशखबरी शुनानेरे लेइ मेरू अभिषेक कियोरूए, तैनी अवं भेजोरौई कि कैदन हथरां छेड़ी (जैना शैतानेरे कब्जे मां आन) ते कांन केरि एछछन ठीक भोनेरी खबर शुनेई, ते जैन पुड़ जुलम भोते तैन लोकन आज़ाद केरि। 19 ते तैस वक्तेरू एलान केरि जेइस परमेशर लोकन पुड़ दया केरेलो।” 20 फिरी तैनी तै किताब बंद केरतां सेवके कां वापस देइतां बिशशी जेव। जेते प्रार्थना घरे मां थिये सब तैसेरां तकते थिये। 21 ते तै तैन सेइं ज़ोने लगे, “अज पवित्रशास्त्रेरू तैन वचन तुशे सामने पूरू भोवं।” 22 ते सब तैसेरी तारीफ़ केरने लगे, ते तैसेरी गल्लन पुड़ बड़ो अनुग्रह थियो, जैना गल्लां तैसेरे ऐशेरां निसती थी, ते लोक हैरान भोइतां ज़ोने लगे, “कुन एन यूसुफेरू मढ़ू नई?” 23 यीशु तैन सेइं ज़ोने लगे, “ए कहावत तुस मीं पुड़ ज़ुरर ज़ोले, कि हे बेईद जी अपने आप त ठीक केर, जैन किछ असेई कफरनहूम नगर मां केरतू शुनेरूए, तैन इड़ी अपने नगरे मां भी केर।” 24 ते तैनी इन भी ज़ोवं, “अवं तुसन सेइं सत्र ज़ोताई, कि कोई नबी अपने मुलखे मां कबूल न कियो गाए। 25 अवं तुसन सेइं सत्र ज़ोताई कि एलिय्याह नेबेरे वक्ते मां ज़ैखन साड़े टलाई साल अम्बर बंद भोवं (यानी झड़ी न भोइ) ते इड़ी तगर कि सैरी मुलखे मां बड़ो काल पेई जेव ते तैस वक्ते बेडि विधवा कुआन्शां इस्राएले मुलखे मां थी। 26 पन एलिय्याह नबी, तैन मरां केन्ची कां नई पन सैदा नगरेरे नेडे सारफत नगर मां एक्की विधवा कां भेजो, जै यहूदी न थी। 27 ते एलीशा नेबेरे ज़माने मां इस्राएलेरे मुलखे मां बड़े कोढ़ी थिये पन तैन मरां कोई भी कोढ़े करं साफ न थियो भोरो, पन सिर्फ अक सीरियारो रानेबालो नामान कोढ़े करं साफ भोरो थियो, जै गैर कौमी मरां थियो।” 28 जेते लोक प्रार्थना घरे मां थिये एना गल्लां शुन्तां सरकी सेइं लाल-लाल भोइ जे। 29 ते खड़े उट्टतां तैस नगर करं बेइर निस्से ते तै तैस पहाड़ेरी चोटी पुड़ घिन्तां जे जैस पुड़ तैन केरू नगर आबाद थियूं ताके तैस तैइं उन्हे बछोइतां मारन। 30 पन यीशु तैन मरां निस्तां चलो जेव। 31 फिरी तै गलील इलाकेरे कफरनहूम नगरे मांजो जेव। ते आरामेरे दिहाड़े तैन शिक्षा देने लगगोरो थियो। 32 ते लोक तैसेरी शिक्षा शुन्तां हैरान रहते थिये किजोकि तैसेरी शिक्षा बड़े अधिकारे सेइं थी। 33 प्रार्थना घरे मां अक मैन्हु थियो, जैस पुड़ भूतेरो सायो थियो। ते बड़े जोरे सेइं चिन्डां मारने लगे। 34 “हे नासरत नगरेरे यीशु! असन तीं सेइं कुन कम? कुन तू

असन नाश केरनेरे लेइ ओरोस? अवं ज़ानताई कि तू कौन आस, तू परमेशेरू पवित्र मढ़ू आस!” 35 यीशुए तैस झिडक देइतां ज़ोवं, “चुप रा, एस मैन्हु मरां निस्सी गा!” तैखन भूते तै मैन्हु ज़मीनी पुड़ शैरी दित्तो, ते तैस मरां निस्सी जेव। 36 एन हेरतां सारे लोक बड़े हैरान भोए ते एप्पू मांमेइं ज़ोने लगे, “ए कुन गल आए! तै अधिकारे ते शक्ति सेइं भूतन हुकम देते ते तैना तैस मरां निस्सी गातन।” 37 ते सारे मुलखेरे मां च़ेरे पासन तैसेरी खबर फैली जेई। 38 फिरी तै प्रार्थना घरे मरां उट्टतां शमौनेरे घरे जेव ते शमौनेरी शिखी बड़ो भुखार थियो, ते लोकेई तैसारे बारे मां यीशु सेइं ज़ोवं। 39 तै खड़ी भोइतां तैसारे पासे फिरो ते बिमारी झिडकी, ते तैसारे सारो भुखार उतरी जेव ते तै खड़ी भोइ, ते तैन केरि सेवा केरने लगी। 40 ज़ैखन दिहाड़ी लाई डुबने त लोकेई तैना सब लोक ज़ैन मां किसमां-किसमां केरि बिमैरी थी तैस कां आने, ते यीशुए तैन पुड़ हथ रेखतां तैना सब बड़ज़ाए। 41 भूतां भी चिन्डां मारतां थियां, ते ज़ोतां थियां, “तू परमेशेरू मढ़ूस!” ते बड़े लोकन मरां भूतां केरो सैयो निस्सी जेव, ते तै तैन झिडकतो थियो, ते तैन गल भी न थियो देतो केरने, किजोकि तैना भूतां ज़ानतां थियां कि ए मसीह आए। 42 ज़ैखन झेइ भोइ त यीशु उट्टतां बेइर एक्की सुनसान ठैरी मां जेव, ते पतोरां सारे लोक तैस तोपते-तोपते तैस कां पुज़े ते रोकने लगे कि तू असन करं न गा। 43 पन यीशुए तैन सेइं ज़ोवं, “मीं होरि नगरन मां भी परमेशेरे राज़ेरी खुशखबरी शुनानी ज़रूरीए किजोकि अवं एल्हेरेलेइ भेजोरौई।” 44 ते तै यहूदिया इलाकेरे प्रार्थना घरन मां प्रचार केरतो राव।

**5** एक्की दिहाड़े यीशु गन्नेसरतेरे समुन्देरे बन्ने पुड़ खेड़ोरो थियो, ते बड़े लोक तैस कां करं परमेशेरू वचन शुन्नेरे लेइ तै उन्हे बिछड़ी गाते थिये। 2 तैनी दूई किशती बन्ने लेगोरी लेई, ते मेछली टलानेबाले किशती इलेखी छेइतां अपना ज़ालां धोने लगगोरो थियो। 3 यीशु एक्की किशती मां चढ़ो ते किशतेर मालिके शमौने सेइं ज़ोने लगे, तुस किशती इट्टां बन्ने पुड़ेरां नेइतां थोड़ी दूर लाथ। फिरी यीशु किशती मां बिश्तां तैन लोकन उपदेश देने लगे। 4 ज़ैखन तैनी लोकन शिक्षा दिती त तै शमौने सेइं ज़ोने लगे, “तुस किशती डुग्घी ठैरी च़लाथ ते मेछली टलानेरे लेइ ज़ाल छडा।” 5 शमौने जुवाब दित्तो, “हे गुरू, असेई सैरी राती तरले कियोरेन ते अक मेछली भी नई टलेइयोरी, पन असां तेरे ज़ोने सेइं ज़ाल छडतम।” 6 आखकार पतरस ते तैसेरे सैथेई ज़ालां छैडी दित्तां ते एत्री मेछली लेगि, कि ज़ालां छिन्दीइतां मेछली बेइरोवं निस्सने लेगि। 7 तैखन तैनेई अपने सैथन जो जैना होरि किशती पुड़ थिए, इशारो कियो कि एज्जा इशमी मद्दत केरा, ते तैना भी आए ते किशती मेछलेई सेइं एत्री भेरोई जेई कि किशती डुबने लगी। 8 शमौन पतरस एन हेरतां यीशुएरे पावन पुड़ पेइतां ज़ोने लगे, “हे प्रभु, अवं पापी मैन्हु आई तू मीं करं दूर भो!” 9 गल ए थी कि तै त तैसेरे साथी एत्री मेछली लेइतां हैरान भोइ जोरे थिये। 10 तेरहो हाल जेबेरे मट्टां केरो

यानी याकूब त कने यूहन्नारो भी थियो, जैना शमौने सेइं साथी थियो, यीशुए शमौने सेइं ज़ोवं, “डर नन्ना अज़्जेरे बाद तू मेछली टलाने बालो नई, बल्के मैनन् अकोट्टे केरतां मेरे चले बनानेबालो भोलो।” 11 तैनेई किशती इलेखी एन्तां लेई, ते अपनू सब किछ छेडतां यीशु पत्ती चले जे। 12 जैखन यीशु एक्की नगर मां थियो, ते एरू भोवं कि तैडी अक मैन्हु थियो, जेसेरे सैरी जानी कोढ़ थियूं, तैनी यीशु लाव, ते तै ज़ैन्धु केरे भारे बिशतां तैस कां मिन्नत केरतां ज़ोने लगे, “हे प्रभु तू चास त मेरू कोढ़ बज़्जोई सकतस।” 13 यीशुए अपनो हथ तैस पुड़ रख्खो ते ज़ोवं, “अवं चाताई, तू बज़्जोसा।” ते तैखने तैसेरू कोढ़ साफ भोइ जेवं। 14 तैखन यीशुए तैस मैन्हु हुकम दित्तो, “हेर, एसेरे बारे मां केन्ची सेइं किछ न ज़ोइयां। बल्के अपनो आपे याजके हिरा। तैल्ला पत्ती, तू अपने बेज़्जोमेरे वजाई सेइं चढ़तल चाढ़, जेसेरे बारे मां मूसा नेबे कानूने मां हुकम दित्तोरोए। ताके लोकन पतो चले कि तू बेज़्जोरोसा।” 15 पन यीशुएरे बारे मां सेबन पतो लगे ते लोक दूररां देंते एजने लगे ताके यीशुएरी गल्लां शुन्न कने अपनि बिमरन करां बेज़्जोना। 16 पन यीशु जादे केरतां सुनसान ठैरी चलो गातो थियो, ते प्रार्थना केरतो रातो थियो। 17 एक्की दिहैडी एरू भोवं कि यीशु शिक्षा देने लगगोरो थियो, ते तैखन किछ फरीसी ते शास्त्री लोक ज़ोते थिये, तैना गलील इलाके ते यहूदियारे सैरी इलाकन मरां यरूशलेम नगरे मां ओरे थिये; ते परमेशेरी शक्ति यीशु सेइं साथी थी, ते बिमार बेज़्जोइतां गाते थिये। 18 किछ मैनेई अक अधरंगी मैन्हु खट्टी पुड़ छुइतां आनोरोए थियो, ते तैना कोशिश लगे केरने कि एस अन्तर नेइतां यीशु कां पुज़ाम। 19 पन अन्तर एत्री तंगी थी कि तैना अन्तर न गेइ सके फिरी तैनेई तैस घरेरी छत पुट्टी ज़ैस घरे मां यीशु थियो, ते खट्टां सने तै अधरंगी मैन्हु अन्तर यीशुएरे तुतरे अगर ओसालो। 20 यीशु तैन केरो विश्वास हेरतां ज़ोवं, “हे दोस्त तेरे पाप माफ़ भोए।” 21 शास्त्री ते फरीसी लोक सोचने लगे, “ए कौन मैन्हु आए, ज़े परमेशेरी तुहीन केरते, परमेशेरे अलावा कौन पाप माफ़ केरि सकते?” 22 यीशुए तैन केरि गल्लां बुझी ते तैन जुवाब दित्तो, “तुस अपने-अपने मने मां एन्चरां किजो सोचने लगगोरेथ? 23 कुन ज़ोनू सुखतुए, ‘तेरे पाप माफ़ भोए,’ या एन ज़ोनू ‘उठ, ते चल फिर?’ 24 पन तुसन पतो लगगे, मैनेरे मट्टे ज़मीनी पुड़ पाप माफ़ केरनेरो अधिकारे,” फिरी यीशुए तैस बिमारे जो ज़ोवं, “अपनि खट सल्ल ते घरजो चलो गा।” 25 तै अधरंगी बिमार मैन्हु सेबनी केरे सामने ते खडे उठो ते ज़ैस खट्टी पुड़ तै झुलतो थियो, अपने दोगे पुड़ छुइतां परमेशेरी बड़याई केरतो-केरतो घरजो चलो जेव। 26 तैना सारे लोक हैरान राए ते परमेशेरी तारीफ़ केरने लगे ते कने ज़ोने लगे, “ए त असेई अज़ नर्वीं गल लाई।” 27 एना गल्लां बीतनेरां बाद यीशु तैड्डां निस्सो, ते एक्की चुंगी धिन्ने बाले कां चले जेव, तैसेरू नवं लेवी थियूं। ते ते चुंगी नेनेबाले दफ़्तरें मां बिश्शोरो लाव, ते यीशुए तैस जो ज़ोवं, “तू मीं पत्ती चल ते मेरो चेलो बना।” 28 तै तैखने

यीशु पत्ती चलो जेव। 29 ते फिरी लेवी यीशुएरे लेइ अपने घरे अक बडी धाम दित्ती। ते तैडी चुंगी नेनेबाले ते होरे भी बडे लोक थिये ज़ैना तैस सेइं साथी रोटी खाने बिश्शे। 30 फरीसी लोक ते शास्त्री यीशुएरे चलन सेइं ज़ोने लगगे, “तुस चुंगी नेनेबालन ते पापी लोकन सेइं साथी किजो खातथ पीतथ?” 31 यीशुए तैन सेइं ज़ोवं, “बिमारन डाक्टरेरी ज़रूरत भोचे, न कि सज़्जर लोकन। 32 अवं धर्मी लोकन नई, पन पापी लोकन कुजाने ओरोई कि, तैना अपने पापन करां मन फिरान।” 33 तैना लोक यीशु सेइं ज़ोने लगे, “यूहन्नारे चले त बरत रखतन ते प्रार्थना भी केरतन ते एन्चरे फरीसी लोक भी केरतन, पन तेरे चले त खातन पीतन?” 34 यीशुए तैनन् जुवाब दित्तो, “इलाएरे दिहाडे, कुन लाडो साथी भोंते सांते जन बरत रेखी सकतथ? 35 पन तैना दिहाडे एज्जले, ज़ैखन लाडो तैन केरां अलग कियो गालो (यानी मारो गालो)। तैन दिहैडन मां तैना (अपने दुखेरे वजाई सेइं) बरत रखेले।” 36 फिरी यीशु तैन अक होरि मसाल दित्ती, “पुराने लिगडे पुड़ नंवे लिगडेरी टलोई कोई न लाए, नता तै टलोई तैस मरां होरू भी छिंदेली, ते कने पुराने सेइं तै मिले भी नन्ना। 37 नंवे दाछारो रस पुरैनी मसकी मां कोई न छुडे, नन्ना त नंवे दाछारो रस सेइं मसक भी फैट्टी गाचे, ते दाछारो रस भी डुल्ली गाते, ते तै मसक भी बरबाद भोचे। 38 किजोकि नंवे दाछारो रस नर्वीं मसकन मां भररो लोइते। 39 कोई मैन्हु पुरानो दाछारो रस पीतां नर्वीं न पीनो चाए, किजोकि तै ज़ोते कि पुरानो दाछारो रस जादे रोडोए।”

**6** एक्की फेरे यीशु त तैसेरे चले आरामेरे दिहाडे ऊडारन मांमेइं एक्की बत्तां चलारे थिये, ते तैसेरे चले शिल्लां हथेइं सेइं प्रोइतां खाने लगगे। 2 एन लेइतां किछ फरीसी लोकेई तैन सेइं ज़ोवं, “तुस एन कम किजो लोरेथ केरने, ज़ैन आरामेरे दिहाडे केरनू जेइज नई?” 3 यीशुए तैन जुवाब दित्तो, “कुन तुसेईं पवित्रशास्त्रे मां कधे नई पढेरू कि जेइस इश्शो पूर्वज दाऊद राज़ो त तैसेरे साथी दूलुखारे थिये त तैनेई कुन कियेरू थियूं? 4 तैनेई केन्चरे परमेशेरे घरे मां गेइतां चैद्वोरी रोटी खोरी थी, ते अपने सैथन भी दित्तोरी थी। तैना रोटी खैनी सिर्फ़ याजकां केरे लेइ जेइज थी।” 5 फिरी तैन तैन सेइं ज़ोवं, “मैनेरू मट्टू, यानी अवं आरामेरे दिहाडेरो भी प्रभु आई।” 6 एक्की बार यीशु प्रार्थना घरे मां गेइतां उपदेश शुनेई राहोरो थियो, ते तेइस भी आरामेरी दिहाडी थी तैडी अक मैन्हु थियो, जेसेरो देइनो हथ शुक्कोरो थियो। 7 शास्त्री त फरीसी लोक यीशुएरी ताके मां थिये कि अगर यीशु आरामेरे दिहाडे केन्ची बझालो त असन इलज़ाम लानेरो मौको मैलनोए। 8 पन यीशु तैन केरे बारे मां सेमझी जेव, यीशुए तैस शुक्कोरे हथेबाले मैन्हु सेइं ज़ोवं, “मझाते खडे भो।” ते खडे भोव। 9 तैखन यीशु तैन सेइं ज़ोवं, “अवं तुसन पुछतां कि आरामेरे दिहाडे भलाई केरनि रोडीए या बुराई केरनि रोडीए, मैनेरी जान बचानी या मारनी?” 10 ते तैनी चेत्रे पासना तैन केरां तक्कू ते तैस मैन्हु जो ज़ोवं, “अपनो हथ हिरा।” तैनी

मैने अपनो हथ अग्रोव कियो। त अकदम तैसेरो हथ बेज्झोव। 11 पन याजकन त फरीसन बडी सरक अई तैना एप्पू मांमेइ बंस केरने लगगे, कि असां यीशुए सेइं कुन केरम? 12 तेइस एरू भोव कि यीशु प्रार्थना केरनेरे लेइ एक्की पहाड़े पुइ ज़दो, ते सैरी राती परमेशरे कां प्रार्थना केरतो राव। 13 ज़ैखन टूलेकड़ोने लगू त तैनी अपने चले एप्पू कां कुजाए ते तैन मरां 12 प्ररित चुने। 14 अक शमौन ज़ैस जो पतरस भी ज़ोते थिये तैसेरो ढूला अन्द्रियास, याकूब, यूहन्ना, फिलिप्पुस, बरतुलमै, 15 मत्ती, थोमा, हलफईरू मट्टू याकूब, ते शमौन ज़ैस जो जेलोतेस ज़ोतन। 16 ते याकूबेरू मट्टू यहूदा ते यहूदा इस्करियोती ज़ै तैसेरो ट्लुवाने बालो बनो। 17 तैखन यीशु तैन सेइं साथी चौरस ठैरी मां खड़ो भोव, ते तैसेरे चले भी तैडी अकोट्टे भोए ते सारे यहूदिया ते यरूशलेम नगरन त कने सूरे ते सैदारे आसेपासेरे लोक समुन्दरेरे बन्नेरे बड़े लोक ज़ैना तैडी थिये। 18 एन लोक यीशु करां ज्ञान शुन्ने ते अपनि-अपनि बिमैरी तैस कां बड्जाने ओरे थिये, ते ज़ैन लोकन पुइ भूतां केरे सैये सेइं दुखे मां थिये तैना भी बेज्झोइ जे। 19 सब लोक तैस सेइं हथ लानेरी कोशिश केरते थिये किजोकि तैस मां शक्ति थी ज़ैस सेइं तैना बेज्झोते थिये। 20 तैखन यीशु अपने चेलां केरे तकने लगगे ते ज़ोने लगगे, “परमेशर तुसन बरकत देलो ज़ैना नमरथ, किजोकि स्वर्गरू राज़ तुशू आए। 21 परमेशर तुसन बरकत देलो ज़ैना ढलुखोरेथ, किजोकि तुस रज़नेथ, परमेशर तुसन बरकत देलो ज़ैना अज़ लेरां देतथ, किजोकि तुसेईं हसनुए।” 22 “परमेशर तुसन बरकत देलो, ज़ैखन मैनेरे मट्टे, यानी मेरे चेलो भोनेरे वाजाई सेइं लोक तुशू ती तुहीन केरन, ते तुसन भाईघारे करां कनारे छड़ेले, ते तुसन बेइजत केरेले, ते तुशू नव केटी छड़ेले।” 23 “तैस दिहाड़े खुशी भोइतां उछड़थ, किजोकि हेरा तुशे लेइ स्वर्ग मां बड् इनामे। तैन केरे दादे-पड़दादे नेबन सेइं भी एरो ज़ेरो बर्ताव केरते थिये।” 24 “पन अफ़सोस! तुसन पुइ ज़ैना दौलतमन्दथ, किजोकि तुसन सब किछ मैलेरूए। 25 अफ़सोस! तुसन पुइ, ज़ैन तुस चाते थिये, तुसन तैन मैल्लू, किजोकि तुस नियन्ने भोले, अफ़सोस! तुसन पुइ ज़ैना अज़ हसतथ किजोकि तुस शोग केरेले ते लेरां देले। 26 पन अफ़सोस! तुसन पुइ ज़ैखन लोक तुसन जो भलू ज़ोन, किजोकि तुशे दादे-पड़दादेई भी झूठे नेबन सेइं एरो बर्ताव कियोरो थियो।” 27 “अव तुसन शुन्नेबालन सेइं ज़ोताई कि अपने दुश्मन सेइं प्यार केरा। ज़ैना तुसन सेइं बैर रखतन तैन केरू भलू केरा। 28 ज़ैना तुसन जो बरू ज़ोतन तुस तैन केरे लेइ बरकत मग्गा, ज़ैन तुसन बेइजत केरन तुस तैन केरे लेइ प्रार्थना केरा। 29 अगर कोई तुशे एक्की खैखोडी पुइ थप्पड़ बाहे त होरो पासो भी तैसेरे पासे रखा, ते अगर कोई तुशू कोट नेते त कमीज़ भी तैस देथ। 30 ज़ै कोई तीं करां किछ मग्गे त तैस देथ अगर कोई तेरो सबाब नेते ते तैस करां वापस न मग्गा। 31 ते ज़ेन्चरे तुस चातथ कि लोक तुसन सेइं केरन तेन्चरे तुस भी तैन सेइं तेरहु केरा। 32 अगर तुस तैन्ने सेइं प्यार केरथ ज़ैना

तुसन सेइं प्यार केरतन त तुशू कुन एवसाने? किजोकि पापी लोक भी अपने प्यार केरनेबालन सेइं प्यार केरतन। 33 अगर तुस तैन केरू भलू केरतथ ज़ैना तुशू भलू केरतन त तुशू कुन एवसाने? किजोकि पापी लोक भी अपने प्यार केरनेबालन सेइं प्यार केरतन। 34 अगर तुस तैन्ने ओधार देतथ ज़ैन करां तुसन वापस भी मैलनेरी उमीदे, त परमेशर तुशू बड्याई किजो केरे? किजोकि बुरे लोक भी अपने प्यार केरनेबालन पेंइसे देतन ताके तैन करां वापस मैलन। 35 पन तुस अपने दुश्मन सेइं प्यार केरा ते तैन केरू भलू केरा, ओधार देइयथ पन तैन करां वापस मैलनेरी उमीद न रेखथ, एल्हेरो स्वर्ग मां तुशे लेइ अक बडो फले, किजोकि तुस परमप्रधान परमेशररे बच्चे भोले, किजोकि ते परमेशर न मन्ने बालन पुइ ते ज़ालमन पुइ भी दया केरते। 36 ज़ेरो दया दिल तुशो बाजी तेरेहे दया दिल तुस भी भोथा।” 37 “दोष न लाथ, तुसन पुइ भी दोष न लव गालो, निन्दा न केरा, तुशू भी निन्दा न की गाली, तुस होरन माफ़ केरेले त तुसन भी माफ़ कियू गालू। 38 तुस होरि किछ देले त तुसन भी किछ दिनु गालू तुशू बरकतरू भांड ज़ेन्चरे अन्नेरी हाटी हिलेइतां देतां तैन भी तेन्चरे ज़ैस हैटी सेइं तुस होरि केरे लेइ मिनतथ तेस्से सेइं तुशे लेइ भी मिनेले।” 39 यीशुए तैन अक मिसाल शुनाई, “कुन कानो होरि काने बत हेरेई सकते? तैना त दुइये गढे मां बिछड़ेले? 40 चेलो अपने गुरू करां बड्डो न भोए पन हर एक्की गल्ली मां ज़ैखन सब शिखेलो त अपने गुरो ज़ेरो भोलो। 41 तू अपने ढूलाएरी एछड़ी मां कूड़ो किजो तकतस, पन तेरी एछड़ी मां त नग आए, ते तैसेरो तू खियाल भी न केरस? 42 तू अपने ढूलाए केन्चरे ज़ोई सकतस कि, ‘तेरी एछड़ी मरां कूड़ो केढी?’ हे पाखंडी पेइले अपनि एछड़ी मरां नग कढ फिरी अपने ढूलाएरी एछड़ी मरां कूड़ो केढी सकतस।” 43 “किजोकि केन्ची भी रोड़े बुटे बुरो फल न लगगे ते न केन्ची बुरे बुटे रोड़ो फल लगगे। 44 हर बुट अपने फले सेइं पिशैनोते। किजोकि न झलन सेइं फेगू लगन ते न झल्लन सेइं दाछ लगगे। 45 रोड़ो मैन्हु अपने दिलेरे रोड़े खज़ाने मरां रोड़ी चीज़ां कढते ते बुरो मैन्हु अपने दिलेरे बुरे खज़ाने मरां बुरी चीज़ां कढते किजोकि ज़ैन दिले मां भरेरू भोते तैन्ने ज़बानी पुइ एइते।” 46 “ज़ैखन तुस मेरे ज़ोने पुइ अमल न केरथ त मींजो, ‘हे प्रभु, हे प्रभु,’ किजो ज़ोतथ? 47 ज़ै मीं कां एइते ते मेरी गल्लां शुन्तां तैन पुइ अमल केरते त अव तुसन सेइं ज़ोताई कि ते केसरो ज़ेरो भोलो? 48 ते तैस मैनेरो ज़ेरोए ज़ैनी अपनू घर डुग्घी खाइ केढतां पेक्की ठैरी घर बनाव ज़ैखन हडाई आई त तैस घरे किछ न भोव, किजोकि तैसेरी मुनीयाद पेक्की ठैरी थी। 49 पन ज़ै मेरी गल्लां शुन्तां तैन पुइ अमल न केरे त तैस मैनेरो ज़ेरोए, ज़ैनी अपनू घर रेती पुइ बनाव ते ज़ैखन हडाई अई त तैन घर डुल्ली जेवं ते तब्बा भोइ जेवं।”

**7** ज़ैखन तैनी लोकन एपनी सब गल्लां शुनेई छैडी, त ते कफरनहूम नगर मां अव। 2 तैडी केन्ची सूबेदारो अक ट्लारो सेवक बिमार थियो ते मरने बालो थियो। 3 तैनी यीशुएरी





तैस कुआन्शरे पासे तेकतां शमीने ज़ोवं, “कुन तू इस कुआन्शरां तक्तस? अवं तेरे घरे अव, तीं मीं (रीतरे मुताबिक) पव धोने जो पानी न दिन्नु, पन इसां मेरे पाव एंखेई सेइं पव धोए ते अपने दोगरे बालेई सेइं पाँछे।” 45 तीं मीं (रीतरे मुताबिक) फुम्मड़ी न दिती, पन एसां ज़ैखनेरो अवं इड़ी ओरोई मेरे पव्वन फुमड़ी देनी न उडैई। 46 तीं मेरे दोगरे पुड़ तेल न मल्लो, पन एसां मेरे पावन पुड़ इत्र मल्लो। 47 “एल्हेरेलेइ अवं तीं सेइं ज़ोताई कि, एसांरे जादे पाप ज़ैना एसां कियोरे थिये, माफ़ भोए, किजोकि एसां जादे प्यार कियो, पन ज़ेसैरे थोड़े पाप माफ़ भोतन तै थोड़ो प्यार केरते।” 48 यीशुए तैस कुआन्शी जो ज़ोवं, “गा तेरे पाप माफ़ भोए।” 49 एस गल्ली पुड़ ज़ैना तैस सेइं साथी रोटी खाने बिशोरे थिये, अपने-अपने मने मां सोचने लगे, “ए कौने ज़ै पाप भी माफ़ केरते, पाप त सिर्फ परमेशर माफ़ केरते?” 50 पन यीशुए तैस कुआन्शी सेइं ज़ोवं, “परमेशरे तू एल्हेरेलेइ बचाई कि तीं मीं पुड़ विश्वास कियो, हुनी तू खुशी सेइं गा।”

**8** थोड़े चिंरें बाद एरू भोवं यीशु अपने तैन 12 चेलन सेइं साथी नगर-नगर ते इलव्वे-इलव्वे हंठतो ते प्रचार केरतो राव, ते परमेशरें राज़ेरी खुशखबरी शुनातो राव। 2 किछ कुआन्शां भी तैन सेइं साथी थी, ज़ैन मरां भूतां केरो सैयो कढोरो थियो। ते ज़ैन केरि बिमैरी दूर भोरी थी, तैना केरां नव्वां इना आन, मरियम ज़ै मगदलीन इलव्वेरी राने बाली थी, ज़ैस पुड़ां सत भूतां केरो सैयो कढोरो थियो, 3 हेरोदेस राज़ेरे भण्डारी खोज़ेरी कुआन्शा योअन्ना ते सूसन्नाह ते होरि भी काई कुआन्शां थी ज़ैना अपनि जेइदात देइतां यीशु ते तैसैरे चेलां केरि सेवा केरती थी। 4 फिरी ज़ैखन बड़े लोक तैस कां अकोठे भोए, ज़ैस मां नगरां-नगरां केरे लोक तैस कां एइते थिये। यीशुए तैन मिसाल देइतां ज़ोवं। 5 “एकसां अक बीज़ बेनेबालो बीज़ बेने जो जेव। बीज़ बेते बार किछ बीज़ बत्तरे इलेखी बिछड़ू ते अम्बरेरे चुडोल्लेई एइतां तैन बीज़ चुनु। 6 ते किछ बीज़ घोइनबाली ज़मीनी पुड़ बिछड़ू, ते लग्गू पन जल्दी शुक्की जेव, एल्हेरेलेइ कि तैस पानी न मैल्लू। 7 किछ बीज़ कंटां केरे झैल्लन मां बिछड़ू। ज़ैखन तैड़ी बूटो लगे, त कंटां केरे झैल्लेई भी बेडोइतां तै बूटो दबेइ छुड्डो। 8 ते किछ बीज़ रोड़ी ज़मीनी मां बिछड़ू, ते लग्गू ते शौव गुणा फल लगे,” एन शुनेइतां तैनी तैन सेइं उच्चि आवाजी मां ज़ोवं, “जै कोई समझनू चाते, तै ध्याने सेइं शुने ते समझे।” 9 तैसैरे चेलेई तैस पुच्छू, “एस मिसालरो कुन मतलबे?” 10 यीशुए तैन ज़ोवं, “तुसन परमेशरें राज़ेरे भेदां केरि समझ दितोरीए, पन अवं होरि लोकन मिसाल देइतां ज़ोताई, तैन तैना बार-बार शुनेले, पन मेरी गल न समझोले।” 11 “एस मिसालरो ई मतलबे, कि बीज़ परमेशरें वचने। 12 ज़ैना मैन्हु परमेशरें गल्लां शुन्तन, तैन मरां किछ लोक तैस बत्तरे ज़ेरे आन, ज़ैड़ी बीज़ बिछड़ते। तैना त परमेशरें गल्लां शुन्तन, पन शैतान अकदम एइतां तैन मैन्हु केरे दिले मरां तैन वचन धिनी गाते, कि एरू न भोए कि तैना विश्वास केरन ते तैन मुक्ति मैल्ले। 13 ते घोड़नबाले

ज़मीनी मां बेवरू बीज़ तैने, ज़ैना वचन शुन्तां खुशी सेइं मन्तन पन ज़ील न छुडने सेइं तैना थोड़े चिंरे तगर विश्वास रखतन ते अज़मैइशरे मौके मुड़ी गातन। 14 ते ज़ैन झल्लन मां बीज़ झुडू तैना इना आन, ज़ैना वचन शुन्तन, पन अग्रोवं चेलतां फिक्र ते दौलत ते ज़िन्दगरो एशो-अशरती मां फेसी गातन ते तैन केरो फल न पक्के। 15 पन रोड़ी ज़मीनी पुडेरूए बीज़ तैन, ज़ैना वचन शुन्तन ते अमल भी केरतन, ते रोड़ेचारे दिले मां बसातन ते सबरी सेइं फल भी लगते। 16 “कोई दीयो बैलतां केन्ची भांडे हैठ ओइकतां न रखे, ते न खट्टी हैठ रखे बल्के उच्चि ठैरी रखतन ताके दीयो अन्तर एजने बालन लौ दे। 17 किजोकि कोई एरी चीज़ छपारी नई, ज़ै बांदी नई भोनी, ते कोई भेद छपोतो न रालो, पन सारो भेद बांदो भोलो। 18 बस्सा हुशार राथ, कि तुस केन्चरे शुन्तथ? ज़ैस कां परमेशरें मर्ज़ी समझनेरी इच्छा आए, तैस परमेशर जादे समझ देलो। पन ज़ैस कां परमेशरें मर्ज़ी समझनेरी इच्छा नई, तैस केरां थोड़ी ज़ेरी समझ, ज़ै तैस कां आए, तै भी नी गाली।” 19 फिरी तैसैरी अम्मा ते तैसैरे ढूला तैस कां आए, पन हछे मैन्हु केरि वजाई सेइं तैस कां न पुज़ी सके। 20 ते यीशुए पतो दित्तो, “तेरी अम्मा ते तेरे ढूला बेइर खड़े आन ते तैना तीं सेइं गल केरनि चातन।” 21 यीशुए तैन जुवाब दित्तो, “मेरी अम्मा ते मेरे ढूला इना आन ज़ैना परमेशरें वचन शुन्तन ते तैस पुड़ अमल भी केरतन।” 22 फिरी एककी दिहाड़े एरू भोवं, कि यीशुए अपने चेलन सेइं ज़ोवं, “एज्जा, समुन्दरे पार गाम ते तैना किशती मां च़ेढतां समुन्दरे पार च़ले जे।” 23 पन ज़ैखन किशती च़लोरी थी, त यीशुए झुली जेव ते समुन्दरे पुड़ बड़ी तूफान अव, ते किशती पैनी सेइं भरोने लग्गी, ते तैन खतरो भोइ जेव। 24 चेलेई तै बींझेइतां तैस सेइं ज़ोवं, “हे गुरू, असां मेरि गातम यीशु खडे उठो ते हवाई जो ते पैनी जो ज़ोवं, रुकी गाथ ते तूफान रुकी जेव।” 25 यीशुए अपने चेलन सेइं ज़ोवं, “तुशो विश्वास कोरां जेव?” तैना डेरि जे ते हैरान भोइतां एप्पू मांमेइं ज़ोने लगे, “ए कौने! ए हवाई त पैनी भी हुक्म देते ते तैना एसेरो हुक्म मन्तन।” 26 फिरी तैना गिरासेनी इलाके मां पुजे, ज़ै गलील समुन्द्रे सामने पारे। 27 ज़ैखन तै बन्ने पुड़ ओस्सो, त तैस नगरेरो अक मैन्हु मैल्लो ज़ैस पुड़ भूतां केरो सायो थियो, ते तै बड़े दिहाड़े केरो देंतो न लिगड़ां लातो ते न घरे रातो थियो, बल्के कन्नन मां रातो थियो। 28 तैनी मैने यीशु लाव ते चिन्डां लगे मारने, ते तैसैरे सामने झुकतां ज़ोरे सेइं ज़ोने लगे, “हे यीशु परमप्रधान परमेशरें मट्टां! तीं मीं सेइं कुन कम्मे? अवं तीं कां मिनत केरताई मीं दुख न दे।” 29 किजोकि यीशु तैस भूते तैस मैन्हु मरां निसनेरो हुक्म देने लोरो थियो, एल्हेरेलेइ तै बड़े बुरे तरीके सेइं देल्लेइतां रखोरो थियो, ते लोक तैस कैबू केरनेरे लेइ अग्री भी रसन ते शंगलन सेइं बेंधतां रखते थिये, ते तै तैन भी टलोइतो थियो, ते भूत तैस मैन्हु जंगले मां नेतू थियू। 30 यीशुए तैस पुच्छू, “तेरू कुन नवं आए?” तैनी ज़ोवं “मेरू नवं फौज आए,” किजोकि तैस मां बड़ां भूतां थियां।

31 ते तैनेई तैस कां मिन्नत की, “असन अथाह कुण्डे मां गानेरो हुक्म न दे।” (Abyssos g12) 32 तैड़ी पहैड़ी पुड़ अक सूरं केरो बड़ो घान थियो, ते तैनेई तैस कां मिनत की, “असन एन मां गाने दे ते यीशुए गाने दितां।” 33 ते तैना भूतां तैस मैनु मरां निस्तां तैन सूरन मां चेलि जेआं, ते सूरं केरो सारो घान उत्रेई उन्डे छालां मेरतां समुन्दरे मां डुबतां मेरि जेव। 34 सूरं केरे चारनेबाले एन हेरतां नेश्शी जे, ते नगर मां ते ड्लोव्वन मां एस गल्लरी खबर शुनाई। 35 लोक तै तमाशो हेरने आए, ते यीशु कां जैस मैनु मरां भूतां केरि फौजरो सैयो निसोरो थियो, तैनी लिगडां लां ते होशी मां एडतां यीशु कां बिशशोरो लाव ते डेरि जे। 36 जैनेई तैना गल्लां पेडले लेवरी थी, तैनेई ज़ोव, इस मैनु पुड़ भूतां केरो सैयो थियो ते ए केन्चरे बेज़्ज़ोव। 37 ते गिरासेनियो इलाके मां चेत्रे पासां केरे लोक यीशु कां मिनत केरने लगगे, कि इट्टां चलो गा, किजोकि तैना बड़े डरं थियो, ते यीशु किशती मां बिशतां वापस चलो जेव। 38 पन जैस मैनु मरां भूतां निस्सोरां थियां तै यीशु कां मिनत केरतां ज़ोने लगगे, मीं एप्पू सेइं साथी रख पन यीशुए तै भेजे ते ज़ोव। 39 “अपने घरे चलो गा ते लोकन सेइं ज़ो, कि प्रभु परमेशरे तीं पुड़ दया केरतां तेरे लेइ केतू बडू कम कियोरूए। तैखन तै चलो जेव ते सारे नगर मां एस गल्लारी प्रचार केरने लगगे, कि यीशुए मेरे लेइ केतू बडू कम कियोरूए।” 40 ज़ैखन यीशु वापस एज्जी राहोरो थियो, ते लोक बड़े खुशी सेइं तैस सेइं मिले, किजोकि तैना सब तैस बलगते थियो। 41 ते हेरा यार्डर नर्वोरो अक मैनु ज़ै प्रार्थना घरेरो अक प्रधान थियो, यीशु कां अव ते तैसेरे पावन पुड़ पेइतां मिनत केरने लगगे, “तू मेरे घरे चल।” 42 किजोकि तैसेरी अक्के कुई ज़ै 12 सालां केरि थी, तै मरनेबाली थी। ते ज़ैखन यीशु चलोरो थियो, त लोक तैस उन्डे बिछड़ते थियो। 43 ते अक कुआन्श भी थी, ज़ैस 12 सालां केरि खून चलनेरी बिमारी थी। ते तैसां अपनो सारो जिन्दगरो पेंडसो हकीमन कां अल्लाजरे लेइ खर्च कियोरो थियो, ते तै केन्चरे हथ्थे ठीक न भोइ। 44 तै कुआन्श यीशु पतोरं एडतां तैसेरे चोगे सेइं हुरी, त अकदम तैसेरी खून चलनेरी बिमारी बेज़्ज़ोई। 45 यीशुए ज़ोव, “मेरे लिगड़े सेइं केनि हथ लाव?” ज़ैखन सब लोक इन्कार केरने लगगे, त पतरसे ते तैसेरे सैथेई ज़ोव, “ए गुरु, लोक तीं दूलांचने ते तीं उन्डे बिछड़ने लोरेन।” 46 पन यीशु ज़ोव, “केन्चे मीं सेइं हथ लोरोए किजोकि मीं पतो लगगे कि मीं मरां शक्ति निसोरिए।” 47 तैखन तैस कुआन्शां हेरू, कि अवं छेप्पी न बेटि, त तै डरती-डरती सामने अई ते यीशुएरे पावन पुड़ बिछड़तां सैरी लोकां केरे सामने ज़ोने लगी, मीं तीं सेइं हथ लोरोए, ते ज़ेरो मीं हथ लोरोए अवं अकदम बेज़्ज़ोरी। 48 यीशुए तैस कुआन्शी ज़ोव, “हे कुईए, तेरे विश्वास तू बज़्ज़ाई ते खुशी सेइं चली गा।” 49 यीशु एन हेजू ज़ोतो थियो, त प्रार्थना घरेरे प्रधानेरे तैट्टां केन्चे मैने एडतां ज़ोव, “तेरी कुई मेरि जेवरिए, हुनी गुरु तकलीफ न दे।” 50 पन यीशु एन शून्तां जुवाब दितो, “न डर। सिर्फ मीं पुड़ विश्वास रख कुई बेंची

गानीए।” 51 ज़ैखन तै तैस घरे मां जेव, त तैनी पतरस यूहन्ना ते याकूब ते कुइयरे हाज बव्वेरे अलावा होरो कोई अन्तर एजने न दितो। 52 सब लोक तैस कुइयरे लेइ लेरां देते थियो, पन यीशुए ज़ोव, “लेरां न देथ, ए कुई मूओरी नई बल्के झूलोरोए।” 53 लोक एन शून्तां हसने लगगे, किजोकि तैना ज़ानते थियो कुई मेरि जेवरिए। 54 पन यीशुए तैस कुइयरो हथ द्लाव ते ज़ोव, “कुइये खड़ी उठ!” 55 ते तैसारे प्राण वापस आए ते तै लूशी खड़ी भोइ, ते यीशुए तैन ज़ोव, एस कुइये किछ खाने जो देथ। 56 तैस कुइयरे हाज बव हैरान रेइजे, पन तैनी तैन सेइं समझेइतां ज़ोव, ज़ैन किछ इड़ी भोव एन केन्ची सेइं न ज़ोइयथ।

9 यीशुए अपने 12 चले एप्पू कां कुजाए ते तैन शक्ति ते अधिकार दितो कि सैरी भूतन कडन ते बिमैरी दूर केरन। 2 ते यीशुए तैना परमेशरेरे राज़ेरो प्रचार केरनेरे लेइ ते बिमार बज़्ज़ानेरे लेइ भेजे। 3 तैनी तैन सेइं ज़ोव, “बतां जो किछ न नेइयथ, न सोटी न झोलो न रोटी न पेंडसे ते न दुइयोव लिगडां। 4 ज़ैस घरे मां गाथ त तैड़ी बिशरी रेइयथ ज़ां तगर तुस तैस नगरे मरां न गाथ। 5 ते ज़ैस नगरेरे लोक तुसन कबूल न केरन त तैस नगर मरां गांते बार अपने पांवां केरि धूड़ ठुड़कथ, ताके तैन पुड़ गवाही भोए।” 6 बस्सा, तैना चले जे, ते इलोव्वे-इलोव्वे गेइतां परमेशरेरी खुशखबरी शुनाते, ते लोकन बिमैरन करां बज़्ज़ाते चले जे। 7 मुलखेरो च़ेवरोव हिस्से पुड़ हेरोदेस राज़ो राज़ केरतो थियो, तै एन सब शून्तां डेरि जेव। किजोकि किछ ज़ोते थियो यूहन्ना मुडन मरां ज़ीतो भोरोए। 8 ते किछ ज़ोते थियो एलिय्याह लेइहोरोए, ते किछ ज़ोते थियो नेबन मरां कोई ज़ीतो भोरोए। 9 पन हेरोदेसे ज़ोव, “यूहन्नारी क्रोड़ी त मीं कट्टेरी थी, पन ए कौन आए, ज़ेसेरे बारे मां एरी ज़ेरि गल्लां शून्ने मां एजने लोरिन?” ते हेरोदेस यीशु हेरनेरी इच्छा की। 10 फिरी प्रेरितेई वापस एडतां ज़ैन किछ कियेरू थियूं, यीशु सेइं शूनाव, ते यीशु तैन अलग नेइतां बैतसैदा नव्वेरे नगर मां चलो जेव। 11 ते बड़े लोक तैस पत्ती चले, ते यीशु बड़े खुशी सेइं तैन सेइं मिलो। ते तैन सेइं परमेशरेरे राज़ेरी गल्लां केरने लगगे, ते ज़ैना बिमार ठीक भोनु चाते थियो, तैनी तैना बज़्ज़ाए। 12 ज़ैखन दिहाड़ी डुबने लगी त तैन 12 चलेई यीशु सेइं ज़ोव, “एन लोकन भेजे छुड एना कोस्कोई ड्लोव्वन मां गेइतां बिशन ते रोट्टारो इंतज़ाम केरन। किजोकि असां गैर आबाद ठैरी आम।” 13 तैनी तैन सेइं ज़ोव, “तुस्से एन किछ खाने जो देथ।” तैनेई ज़ोव, “असन कां पंच रोटी ते दूई मेछलीन करां जादे किछ भी नई, पन असां गेइतां एन जेई रोटी मुल्ले धिन्तां आनतम, त इन भोइ बटते।” 14 (किजोकि तैन लगभग 5000 मडद थियो।) यीशुए अपने चेलन सेइं ज़ोव, “एन लोकन 50-50 मैनु केरि हुन्डी मां बिशाला।” 15 ते चलेई तैन्ने कियूं ते तैना तेन्चरे बिशाले। 16 तैखन तैनी तैना पंच रोटी ते दूई मेछली नी, ते अम्बरेरां तेकतां शुक्र कियूं, फिरी तैनी तैना रोटी ट्लोडी ते चेलन कां दिती, कि तैन बिशालोरे लोकन खाने जो देन। 17 सारे मैनु खेइतां

रेज़्ज़ी जे। तैल्ला पत्ती, यीशुएरे चेलैई बजोरे टुकड़न सेइं 12 टोकरी भेरि। 18 एककी बार यीशु अकेल्लो प्रार्थना केरने लोरे थियो, ते चले भी तैस सेइं थियो। यीशुए तैन पुच्छू, “कि लोक मींजो कुन ज़ोतन?” 19 चेलैई जुवाब दित्तो, “किछ ज़ोतन यूहन्ना बपतिस्मो देनेबालो, ते किछ ज़ोतन एलिय्याह, ते किछ ज़ोतन नेबन मरां कोई अक ज़ींतो भोरोए।” 20 तैखन यीशुए चेलन पुच्छू, “पन तुस मेरे बारे मां कुन सोचतथ कि अवं कौन आई?” पतरसे जुवाब दित्तो, “तू परमेशरेरो मसीह आस।” 21 तैखन तैनी तैन खबरदार केरतां ज़ोवं, “कि ए गल केन्ची सेइं न ज़ोइयथ।” 22 यीशुए ज़ोवं, “मैनेरे मट्टेरे लेइ ज़रूरी आए, कि तै बड़ो दुःख झैल्ले, यहूदी लोकां केरे बुजुर्गन, प्रधान याजकन, ते शास्त्री तैस घटिया सेमझतां मारेले, ते ते ट्लेइयोवं दिहाड़े फिरी ज़ींतो भोलो।” 23 फिरी यीशुए तैन सेबभन ज़ोवं, “अगर कोई मीं पत्ती एजनो चाए, त अपने आपरो इन्कार केरे, ते रोज़ अपनू क्रूस छूए ते मीं पत्ती चले। 24 किजोकि ज़ै कोई अपनि जान बचांनी चाते ते तैस गुवालो, पन ज़ै मेरे लेइ अपनि जान गुवालो त तै तैस बचालो। 25 मैन्हु अगर सारी दुनिया हासिल केरे, ते अपनि जानरो नुकसान केरे, या अपनो आप गुवाए, त तैस कुन फैइदो? 26 किजोकि अगर कोई मैन्हु मीं करां त कने मेरी गल्लन करां शरमाते, त मैनेरू मट्टू यानी अवं भी तैस केरां शरमालो। ज़ेइस अवं अपने बाजी केरि महिमा सेइं साथी त कने पवित्र स्वर्गदूतन सेइं साथी वापस एज्जलो, त तेइस अवं तैस केरां भी शरमालो।” 27 “अवं तुसन सेइं सच ज़ोतई कि ज़ैना इड़ी खड़े आन, तैन मरां किछ मैन्हु एरे आन कि ज़ांतगर तैना परमेशरेरे राज़्ज़ेरी शक्ति न हेरेले, तांतगर तैना न मरेले।” 28 एन गल्लां केरे लगभग अठ दिहाड़ना बाद पतरस, ते यूहन्ना ते याकूब साथी नेइतां एककी पहाड़े पुड़ प्रार्थना केरने चले जे। 29 ते ज़ैखन यीशु प्रार्थना लोरो थियो केरने, त तैसेरी शकल बेदलोई जेई, ते तैसेरां लिगड़ां लोआरां ज़ेरां चमकने लगो। 30 ते हेरा, मूसा, ते एलिय्याह, इन्ना दूई मड़द तैस सेइं गल्लां केरने लगो। 31 इन्ना महिमा सेइं साथी लेइहोए, ते तैसेरे मरनेरी गलबात केरने लोरे थियो, ज़ैन किछ यरूशलेम नगरे मां भोनेबालू थियूं। 32 पन पतरस ते तैसेरे सैथी केरि एछ्छी निडली सेइं गिरकी भोरी थी, ज़ैखन तैना बींझे, त तैनेई तैसेरी महिमा ते तैना दूई मड़द भी लाए, ज़ैना तैस सेइं साथी खड़े थियो। 33 ज़ैखन तैना तैस करां चले, त पतरसे यीशु सेइं ज़ोवं, “हे गुरु, इश्शू इड़ी रानू रोड़ोए, कि असां ट्लाई डेरे बनाम, अक तेरे लेइ, ते अक मूसरे लेइ, ते एलिय्याहरे लेइ।” तैस पतो न थियो, कि तै कुन लोरोए ज़ोने। 34 ते इन ज़ोई राओरो थियो, तैन पुड़ बिदलार घिरी जेई, ते ज़ैखन तैन केरे चेन्ने पासन बिदलारी घिरी त तैना डेरि जे। 35 तैखन तैस बिदलारी मरां अक आवाज़ अई, “एन मेरू ट्लारू मट्टू आए। ध्यान सेइं एसेरी गल शुना!” 36 ते तैस आवाज़ी सेइं साथी तैनेई यीशु अकेल्लो लाव, ते तैना चुप राए ते ज़ैन किछ लाहेरू थियूं, तैन केन्ची सेइं न ज़ोवं। 37 होरसां

एरू भोवं कि ज़ैखन तैना पहाड़े पुड़ेरां उन्हे ओरे थियो, त बड़े मैन्हु केरि भीड़ तैन कां आई। 38 ते हेरा, एककी मैने तैन लोकन मरां बड़े ज़ोरे सेइं हक देइतां ज़ोवं, “ए गुरु अवं तीं कां ज़ोवले हथ केरतां कि मेरे मट्टे पुड़ दया केर; तैन मेरू अक्के मट्टूए। 39 ते हेर, अक भूत तैस अपने कब्जे मां केरते, ते तैन अकदम चिन्डां मारते, ते कम्बने लगते, ते तैसेरे ऐशेरां शैमफ निसचे, ते भूत तैस बड़े बुरे तरीके सेइं ज़ख्खी केरतां शारते। 40 ते मीं तेरे चेलन कां बिनती कियोरी थी, कि तैस कडन, पन तैना न केढी सके।” 41 यीशुए जुवाब दित्तो, “हे विश्वास न केरने बालाव ते ढीठ लोकव, अवं केइस तगर तुसन सेइं साथी रेइलो ते तुश्शी झैल्लेलो? अपने मट्टे इड़ी आन।” 42 ते मसां ओरो थियो, त भूते तैन मट्टू मुरोड़तां शाऱू, पन यीशुए भूत झिड़कतां कदू, ते तैन मट्टू बज़्ज़ेइतां तैसेरे बाजेरे हवाले कियूं। 43 ते सब लोक परमेशरेरी बेडि कुदरती हेरतां हेरान रेइजे, ते ज़ैखन सब लोक तैन कम्मां ज़ैन यीशु केरतो थियो हेरान रहते थियो। त तैनी अपने चेलन सेइं ज़ोवं। 44 “मेरी इन गल्लां रोड़ेचारे शुना किजोकि मैनेरू मट्टू मैन्हु केरे हवाले भोने बालूए।” 45 पन यीशुएरी ए गल चेलीं केरि समझी मां न आई, किजोकि तैन करां ए गल छपोरी थी। कि तैन न समझन, ते चले एस बारे मां यीशु पुच्छने करां डरते भी थियो। 46 फिरी चेलन एप्पू मामेई बड़ी बेंस भोइ, कि असन मां बड्डो कौन आए? 47 यीशु तैन केरि दिलेरी गल्लां बुझतां निकडो बच्चो आनो ते तै एप्पू कां खडू कियूं। 48 ते अपने चेलन सेइं ज़ोवं, “ज़ै इस बच्चे मेरे नंवे सेइं कबूल केरते, तै मीं कबूल केरते, ते ज़ै मीं कबूल केरते, तै मेरे भेजने बाले कबूल केरते। किजोकि ज़ै तुसन मां निकडे करां निकडोए तै सेबभन करां बड्डोए।” 49 तैखन यूहन्ना यीशु सेइं ज़ोवं, “ए गुरु, असेई अक मैन्हु तेरे नंवे सेइं भूतां केरो सैयो कढतो लाव, ते असेई तैस ठाकू किजोकि तै असन सेइं साथी मिलतां तीं पत्ती न चले।” 50 पन यीशुए जुवाब दित्तो, “तैस न ठाका, किजोकि ज़ै तुश्शे खलाफ नई ते तुश्शो पासे।” 51 ज़ैखन यीशुएरे उबरे नेनेरे दिहाड़े पूरे भोने पुड़ थी त तैनी पक्के चारे यरूशलेम नगरेरे पासे गानेरो खियाल कियो। 52 ते एप्पू करां अग्री-अग्री किछ बिस्तार देनेबाले लोक भेजे। ते लोक सामरी लोकां केरे एककी इलोव्वं मां जे ताके यीशुएरे एजनेरी ठार तियारी केरन। 53 पन लोकेई तै एजने न दित्तो, किजोकि तै यरूशलेम नगरे जो चलोरो थियो। 54 एन हेरतां तैसेरे चले याकूब ते यूहन्ना ज़ोने लगे, “हे प्रभु, कुन तू चातस, कि अस हुकम देम, अम्बरेरां अग बखेनतां एन लोकन भस्म केरे?” 55 पन तैनी बेदलोइतां तक्कू, ते तैना झिड़के (ते ज़ोवं, “तुस न ज़ानथ कि तुस कौस आत्मारे आथ। 56 किजोकि मैनेरू मट्टू लोकां केरे प्राणन नाश केरने लेइ नई बल्के बचांने ओरोए।” तैखन तैना होरि इलोव्वेरे पासे चले जे। 57 ज़ैखन तैना बत्तां चलोरे थियो, त केन्चे तैस सेइं ज़ोवं, “तू ज़ैड़ी-ज़ैड़ी भी गालो, अवं तीं पत्ती चलेलो।” 58 यीशुए तैस सेइं ज़ोवं, “लौई केरि कूडां ते अम्बरेरे चुड़ोल्लू केरे आले भोतन, पन

मैनेरे मट्टे यानी मीं कां कोई ठार नई ज़ैडी अवं झुल्ली सेक्खी।” 59 फिरी यीशु एककी होरि जो ज़ोवं, “मीं पत्ती च़ल, ” पन तैनी मैने ज़ोवं, “हे प्रभु मीं घरे गानेरी अज़ाज़त दे, मेरे बाजरे मरनेरां बाद अवं तैस देबतां एज्जेलो ते फिरी तीं पत्ती च़लेलो।” 60 यीशुए तैस जो ज़ोवं, “ज़ैना लोक आत्मिक तरीके सेइं मरंन तैन अपने मैन्हु मरने बलगने दे, पन तू गा ते परमेशरेरे राज़्जरे बारे मां लोकन मां प्रचार केर।” 61 एकके होरे भी ज़ोवं, “ए प्रभु अवं तीं पत्ती च़लेलो, पन पेइले मीं भेज कि अवं अपने घरेबालन जोई।” 62 यीशुए तैस सेइं ज़ोवं, “ज़ै कोई हल्ली पुड़ हथ रेखतां पत्रोवं फिरतां तकते, तै परमेशरेरे राज़्जरे काबल नई।”

**10** ते इन गल्लां केरे बाद प्रभुए 70 होरे चले ठहराए, कि तै ज़ैस-ज़ैस नगर ते ठैरी तैनी एप्पू गानेरे बारे मां सोचोरू थियूं, तैडी दूई-दूई मैन्हु एप्पू अग्री भेजे। 2 ते तैनी तैन सेइं ज़ोवं, “पकोरी फसलरे ज़ेरे बड़े लोक तियार आन ज़ैना परमेशरेरे वचने पुड़ विश्वास केरनू चातन, पन कम केरनेबाले थोड़े आन ज़ैना तैन परमेशरे राज़्जरे बारे मां ज़ोन। एल्लेरेलेइ तुस फसलरे मालिके कां प्रार्थना केरा कि तै जादे कम केरनेबाले भेजे, कि तैना लोकन परमेशरेरे राज़्जरे बारे मां ज़ोन।” 3 गाथ, अवं तुसन भेड्डां केरे ज़ेरे गिदन मां भेजताई। 4 एप्पू सेइं साथी न बेटवे, न झोलो, न बूट नैइयथ, ते न बत्तां केन्ची जो नमस्कार जोइयथ। 5 जेसेरे घरे मां गाथ त पेइले ज़ोथ कि, “इस घरे मां शान्ति भोए।” 6 अगर तैडी एरे लोक ज़ैना परमेशरेरी शान्ति चातन तैडी रहते भोलो, त तुशशी शान्ति तैस पुड़ राली, नई त तुशशी शान्ति तुसन पुड़ एज्जेली। 7 तैस्से घरे मां राथ, ते ज़ैन किछ तैन करां मैल्ले, तैन्ने खाथ-पीथ किजोकि मज़दूर अपनि मज़दूरारो हकदार भोते, घरे-घरे न गेइयथ। 8 ते ज़ैस नगर मां गाथ, ते तैट्टेरे लोक तुसन अपने घरे मां नेन, त ज़ैन किछ तुशशे सामने रख्खू गाए तैन्ने खाथ। 9 तैट्टेरे बिमारन बड़्झाथ, ते तैन सेइं ज़ोथ, “परमेशरेरू राज़ नेडे ओरूए।” 10 पन ज़ैस नगर मां गाथ, ते तैट्टेरे लोक तुसन कबूल न केरन, त तैट्टेरे बज़ारन मां गेइतां ज़ोथ। 11 “कि तुशशे नगरेरी धूड भी इशशे पावन सेइं ज़ै लगरीए अस तुशशे सामने ठुड़कतम ते फिरी भी बुड्झा कि परमेशरेरू राज़ तुशशे नेडे पुजेरूए।” 12 अवं तुसन सेइं सत्र ज़ोताई, तैस दिहाड़े तैस नगरेरी हालत सदोम नगरेरी हालत झैल्लेनेरे काबल भोली। 13 “हे खुराजीन! तीं पुड़ अफ़सोस! हे बैतसैदा तीं पुड़ अफ़सोस! कि एना चमत्कार मीं तुसन इडी हिराए अगर मीं एना कम्मां सूर ते सैदा मां हरेवरां भोथां, त तैन लोकेई केइसेरे देते टाट पलेटतां ते दोग्रे पुड़ मांज़न छेइतां पापन करां मनफिरावरो भोथो। 14 पन फिरी भी इन्साफेरे दिहाड़े तुशशे हाल सूर ते सैदारे हाले करां जादे बुरो भोली। 15 ते हे कफरनहूम नगरेरे लोकव, कुन तुस सोचतथ कि स्वर्ग मां तुशशी आदर भोनीए! ई तुस त नरके गाले ज़ैडी पैपी लोकन सज़ा मैलेली! (Hadēs 886) 16 ज़ै तुशशी शुन्ते, तै मेरी शुन्ते ज़ै तुसन घटिया समझते ते मीं घटिया समझते, ते ज़ै मीं घटिया समझते ते मेरे भेजने बाले घटिया समझते।” 17

तैना सतर चले खुशी सेइं वापस आए, ते ज़ोने लगे, “हे प्रभु तेरे नव्वे सेइं भूतां भी इशशो हुक्म मन्तन।” 18 तैनी तैन सेइं ज़ोवं, “मीं शैतान एन्चरे बिछड़तो लाव जेन्चरे चड़क अम्बरेरां पेचे। 19 हेरा, मीं तुसन सप्पन ते बिचन इल्लेनेरे, ते दुशमनेरी (शैतानेरी) सैरी शेक्ति पुड़ अधिकारे दितोरोए, ते केन्ची चीज़ी सेइं तुसन नुकसान न भोलो। 20 फिरी भी तुस इस गल्ली सेइं खुशी न भोइयथ कि भूतां तुशशो हुक्म मेनचन, पन इस गल्ली सेइं खुश भोइयथ कि तुशशू नवं स्वर्ग मां लिखोरूए।” 21 तैखन यीशु पवित्र आत्मा सेइं मघन भोवं, ते ज़ोने लगे, “हे बाजी, स्वर्गेर त धरतेर प्रभु, अवं तेरू शुक्र केरताई, कि तीं इना गल्लां, अक्लमन्द ते समझदारन करां छपेइतां रेख्खी, ते बच्चन पुड़ बेंदी की, हॉ, हे बाजी, किजोकि तेरी खुशी एस्से मां थी। 22 सैरी चीज़ां मेरे बाजरी तरफां मेरे सुपर्द कियोरिन, कोई होरो मट्टे न ज़ाने, सिर्फ बाजी ज़ानते; कोई बाजी न ज़ाने सिर्फ मट्टू ज़ानते, या तै मैन्हु बाजी ज़ानते ज़ैस पुड़ मट्टू बांदो केरने चाए।” 23 तैखन तैनी अपने चेलां केरे पासे फिरो अकैल्ले मां ज़ोवं, “धन आन तैना एछ्छी ज़ैना एना गल्लां हेरचन ज़ैना गल्लां तुस लातथ, 24 किजोकि अवं तुसन सेइं ज़ोतां, कि बड़े नेबन ते राजां केरि खुवैइश थी, कि एना गल्लां हेरन, ज़ैना तुसेईं लेई, पन न लेई सके, ते एना गल्लां शुन्नु ज़ैना तुस शुन्तथ पन न शुनी बेटि।” 25 एक्सां यीशु लोकन शिक्षा देने लोरो थियो, ते हेरा, अक शास्त्री खडो भोव, ते इन ज़ोइतां तैस अज़माने लगे, “ए गुरु, हमेशारी ज़िन्दगी हासिल केरनेरे लेइ अवं कुन केरि?” (aiōnios 166) 26 तैनी तैस जुवाब दितो, “मूसेरे कानूने मां कुन लिखोरूए? तू केन्चरे समझतस?” 27 तैनी जुवाब दितो, “तू प्रभु अपने परमेशरे सेइं अपने सारे दिले, सैरी जानी सेइं, ते अपनि सैरी ताकती सेइं ते अपनि सैरी अक्ल सेइं प्यार रख, ते अपने पडोसी सेइं अपने बराबर प्यार केर।” 28 तैनी तैस सेइं ज़ोवं, “तीं ठीक जुवाब दितो एन्ने केर, फिरी तीं हमेशारी ज़िन्दगी मैलेली।” 29 पन तैनी अपनो आप धर्मा ठहरानेरे लेइ यीशु पुच्छ, “फिरी मेरो पडोसी कौने?” 30 यीशुए तैस मिसाल देइतां जुवाब दितो, “अक मैन्हु यरूशलेम नगरेरां यरीहो नगरे जो च़लरो थियो, ते तै डैकेइं तैस पुड़ हमलो कियो, ते ज़ैन किछ तैस कां थियूं नेव। ते तैसेरां लिगइां खोल्लां, ते मारो कुट्टो ते ज़ख्मी केरतां अधमरो बनेइतां तैडी ज़ेरे छड़तां च़ले जे। 31 ते एरू भोवं कि, अक याजक तैस बत्तां च़लरो थियो, तैनी तै लव ते थरकतो तैसेरी मद्दत केरने बगैर ड़लखमेइं निस्सो। 32 एन्चरे अक मन्दरे मां कम केरनेबालो लेवी भी निस्सो, ते तैस लेइतां तै भी ड़लखमेइं निस्सो। 33 फिरी अक सामरी मुसाफर भी तैस बत्तां निस्सो, ते तैस लेइतां तैस बड़ो तरस अव। 34 ते तै तैस कां जेव, ते तैसेरे ज़खमन तेल मल्लो ते दाछोरो रस लाव, ते तैसेरे ज़खमन पट्टी बंधी ते अपने गधे पुड़ चेइतां एककी धर्मशाली मां तैसेरी सेवा की। 35 होरसां तैनी दूई दीनार केइतां धर्मशालेरे मालिके कां दिते, ते ज़ोवं, ‘एसेरी हेरगेश करां अगर

जादे लग्गले त अवं वैपसी पुड देलो।’ 36 तेरे समझी मां एन द्लेइन मरां कौन तैसेरो पडोसीए ज़ै डैकेइं दलातोरो थियो?” 37 तैनी जुवाब दित्तो, “जैनी तैस पुड दया की।” यीशुए तैस सेइं ज़ोवं, “गा, तू भी एरू केर।” 38 फिरी ज़ैखन यीशु त कने तैसेरे चले गेइ रावरे थियो, त तैना एककी इलव्वें मां जे, ते मारथा नव्वेरी एककी कुआन्शां यीशु अपने घरे नीयो। 39 ते मरियम नव्वेरी तैसेरी अक बेइन थी, तै यीशुएरे पावन कां बिश्तां तैसेरी गल्लां शुनती थी। 40 पन मारथा किछ खास चीज बनेइ रावरी थी, ते यीशु कां आई ते ज़ोने लगी, “हे प्रभु तुसन ज़रां भी खियाल नई कि, मेरी बेइनां अवं कम केरनेरे लेइ अवं अकैल्ली छडोरी? ते एस ज़ोथ, ते मेरी मदत केरे।” 41 प्रभुए तैस जुवाब दित्तो, “मारथा, हे मारथा, तू बेइ गल्लां केरे फिक्र केरतिस, 42 पन अक गल ज़रूरीए, मरियमा तै रोडो हिस्सो चुनोरोए, ज़ै तैस करां कोई न नेइ सके।”

**11** फिरी यीशु एककी ठैरी प्रार्थना लोरे थियो केरने। ते ज़ैखन तैनी प्रार्थना की, त तैसेरे चेलन मरां एक्के ज़ोवं, “हे प्रभु, जेन्चरे यूहन्ना अपने चेलन प्रार्थना केरनि शिखालोरिये तेन्चरे तू भी असन शिखाल।” 2 यीशुए तैन सेइं ज़ोवं, “ज़ैखन तुस प्रार्थना केरथ, त एन ज़ोइयथ, ‘हे बाजी, लोक तेरी आदर केरन किजोकि तू पवित्र परमेशर आस। ते तेरू राज़ एज्जे।’ 3 ‘इश्शी रोजेरी रोटी असन दे। 4 इश्शे पाप माफ़ केर, किजोकि अस भी जैना इश्शे खलाफ़ बुराई केरतन, तैन माफ़ केरतमा। अज़मैइशेरे ज़िरिये असन पाप केरने न दे।” 5 फिरी यीशुए तैन सेइं ज़ोवं, “फ़र्ज केरा तुसन मरां केन्चरो अक दोस्त एध्नी राती अपने दोस्ते ज़ोए, ‘तू मीं दलाई रोटी दे। 6 किजोकि मेरो अक दोस्त बडे दूरेरां हंतो मेरे कां ओरोए, ते मेरे कां रोटी नई, कि अवं तैस रोटी देइ सेखी।’ 7 ते तै तैसेरो दोस्त अत्रां जुवाब दे, मीं दुःख ने दे, हुनी त दार बंदे, मीं कां मेरे बच्चे झूलोरेन, ते अवं तीं रोटी न देइ सेखी। 8 अवं तुसन सेइं ज़ोताई कि, अगर ते तैसेरो दोस्ते ते तैस रोटी न दे, त तैसेरो दोस्तेरे बार-बार मिनत केरने सेइं ज़रूर तैस रोटी देलो ते ज़ेत्री रोटी केरि तैस ज़रूरत भोली देलो। 9 ते अवं तुसन सेइं ज़ोताई, मग्गा त तुसन दित्तू गालू। ते तोप्पा, त तुसन मैल्ली गालू। ते दार गुडकाथ, त तुश्शे लेइ खोल्लू गालू। 10 किजोकि ज़ै कोई मगते तै हासिल केरते, ते ज़ै कोई तोपते तैस मैल्ली गाते, ते ज़ै कोई दार गुडकाते त तैसेरेलेइ खोल्लू गाते। 11 तुसन मरां कौन ज़ेरो बाजी एरो भोए, कि ज़ैखन तैसेरू मट्टू रोटी मग्गे त तैस घोइ दे? या मखली मग्गे, ते तै सप दे? 12 या ठूल मग्गे त तैस बिच्चू दे? 13 ते तुस बुरे भोनेरे बावजूद भी अपने मट्टुन रोडी चीजां देनी ज़ानतथ त तुश्शो स्वर्गोरो बाजी तैन, ज़ैना तैस करां मगतन पवित्र आत्मा किना देलो।” 14 फिरी तैनी एककी लट्टे मरां भूतेरो सैयो कढो, ज़ैखन भूतेरो सैयो निस्सो, त तै लट्टो गल्लां लगी केरने, ते लोक हैरान रेइजे। 15 पन तैन मरां किछ मैनेई ज़ोवं, “ए त भूतां केरे गुरू शैतानेरे मदती सेइं भूतां कढते।” 16 ते किछेई अज़मानेरे लेइ तैस करां

कोई अक अम्बेरो निशान मग्गो। 17 पन यीशुए तैन केरे मन्नां केरे खियाल ज़ैनतां तैन सेइं ज़ोवं, “जैस-जैस राज़े मां फूट पेचे, तैन राज़ बनोरू न राए, ते ज़ैस खानदाने मां फूट पेचे, तैन भी बनोरू न राए। 18 अगर शैतान अपनि खलाफत एण्णू केरे, त फिरी तैसेरू राज़ केन्चरे रेइ सकते? फिरी तुस केन्चरे ज़ोतथ कि अवं शैतानेरे मदती सेइं भूतां कढताई। 19 अगर अवं शैतानेरी मदती सेइं भूतां कढताई त तुश्शी औलाद कसेरे मदती सेइं कढती? तैन्ना तुश्शो फैसलो केरनेबाले हाकिम भोले। 20 पन अगर अवं परमेशरेरे शक्ति सेइं भूतां कढताई त परमेशेरू राज़ तुश्शे नेडे पुजोरूए। 21 ज़ैखन कोई ज़ोरेबाले मैन्हु अपने घरेरो पैरहो केरते, त तैसेरू सब किछ बन्चेरू रहते। 22 पन ज़ैखन तैस करां कोई निगर मैन्हु तैस पुइ हमलो केरते त तैस अपने कब्जे मां केरतां तैसेरे सारे हथियार धिनी गाते ज़ैस पुइ तैसेरो भरोसो थियो, ते तैसेरी सारी जेइदाद लुटी गाते। 23 ज़ै मीं सेइं साथी नई तै मेरे मुखालफे, ते ज़ै मीं सेइं साथी अकोट्टु न केरे ते तै खिलारते। 24 “ज़ैखन केन्ची मैन्हु मरां भूत निस्ते त तैन शुक्कोरो ठैरन मां आराम तोपते ते ज़ैखन तैस तै आराम न मैल्ले त ज़ोते कि अवं वापस तैस्से घरे मां गालो ज़ेइं अवं निसोरोई। 25 ते तैखन तैन भूत वापस एइतां तैन घर साफ़ सुथरू रोडू लाते। 26 तैखन तै एण्णू सेइं साथी सत होरां भूतां साथी धिन्तां तैस मां अन्तर गेइतां बिश्शतन, ते तैस मैनेरो हाल पेइले हाले करां जादे बुरो भोते।” 27 ज़ैखन यीशु इना गल्लां ज़ोने लग्गोरो थियो, त भीडी मरां अक कुआन्शा ज़ोरे सेइं ज़ोने लगी, “धने तै कुआन्शा ज़ैसां तीं ज़र्म दित्तू ते तू पालो।” 28 पन यीशुए ज़ोवं, “हाँ, पन धन आन तैना लोक ज़ैना परमेशेरू वचन शुन्तन ते तैस पुइ अमल केरतन।” 29 ज़ैखन हछे लोक भोने लगे त यीशु ज़ोवं, “इस ज़मानेरे लोक बुरेन, तैना निशान तोपतन, पन योनेरे निशानेरे अलावा एन होरो कोई निशान न दित्तो गालो। 30 किजोकि जेन्चरे योना नबी नीनवेरे लोकन जो निशान बनो तेन्चरे मैनेरू मट्टू भी इस ज़मानेरे लोकां केरे लेइ निशान बनेलू। 31 पन दक्षिणेरी रानी आदालतरे दिहाड़े इस ज़मानेरे लोकन दोषी बनाली, किजोकि तै बडे दूरेरां सुलैमानेरे ज़ानेरे बारे मां शुन्तां ओरी थी। ते इडी हेरा सुलैमाने करां भी बड्डोए। 32 नीनवेरे लोक आदालतरे दिहाड़े इस ज़मानेरे लोकन सेइं साथी खडे भोइतां मुर्जम बनाले। किजोकि तैनेई योनारे प्रचारे सेइं पापन करां मनफिरावरो थियो, पन इडी हेरा तै आए, ज़ै योना करां भी बड्डोए। 33 “कोई मैन्हु दीयो बैलतां भांडे हैठ या ओइकतां न छडे, बल्के उच्ची ठैरी रखतन ताके अन्तर एजने बालन लौ भोए। 34 अछ जानेरे लेइ दीयेरी ज़ेरि आए, अगर तेरी अछ रोडीए, त तेरी जानी मां भी लौए, ते अगर तेरी अछछे बुरीए त तेरी जान भी आंधरीए। 35 एल्हेरेलेइ खबरदार रेइयां, कोस्कोई एरू न भोए कि ज़ै लौ तीं मां आए तै आंधरू न भोए। 36 अगर तेरी जानी मां लौए, त तैसेरो कोई भी हिस्सो आंधरो न भोए, त सब एरू भोलू, ज़ैखन दीयो चमकतां लौ देते।” 37 ज़ैखन तै एना

गल्लां ज़ोने लोरो थियो, त केन्चे फरीसे यीशु कां मिनत की, कि मीं सेइं साथी रोटी खा, ते यीशु तैसेरे घरे जेव ते तैसेरे कां गेइतां रोटी खाने बिश्शो। 38 फरीसी लोक एन हेरतां हैरान भोव, कि ए गैर हथ-पाव धोने रोटी खाने बिश्शी जेव। 39 पन प्रभुए फरीसी सेइं ज़ोवं, “हे फरीसाव तुस कटोरो, ते थाली बेडरमेईं त बडी साफ केरतथ, पन तुश्शे अन्तर जुलम ते लालच भरताए। 40 हे बेअक्लाव, ज़ैनी बेरीयोवं हिस्सो बनावरोए, तैनी आंट्लेइयों हिस्सो नईं बनेरो?” 41 बस्सा एन्त्री चीज दान केरा, त हेरा, सब किछ तुश्शे लेइ साफ भोइ गालू। 42 पन हे फरीसाव, तुसन पुइ अफ्रसोस! तुस पुतनेरो ते ज़ीरिरो ते कने सेब्जारो दशोवं हिस्सो देतथ, पन तुस इन्साफ केरने करां त परमेशरेरे प्यारे करां दूर रातथ, लोइतू थियूं कि दशोवं हेसे सेइं साथी इन भी केरेथे। 43 हे फरीसाव, तुसन पुइ अफ्रसोस! तुस लोक चातथ कि प्रार्थना घरन मां तुसन एग्री कुर्सन पुइ बिशालन ते बज़ारन मां लोक तुसन कां झुकतां नमस्कार केरन। 44 पन हे फरीसाव तुसन पुइ अफ्रसोस! तुस तैन छेपोरी कब्रां केरे ज़ेरेथ, ज़ैन पुइ लोक झलतन, पन तैन पतो न भोए।” 45 तैखन शास्त्री मरां एक्के तैस जुवाब दित्तो, “हे गुरु एना गल्लां ज़ोइतां तू इश्शी तुहीन लोरोस केरने।” 46 यीशुए ज़ोवं, “हे शास्त्री लोकव, तुसन पुइ अफ्रसोस! तुस मैन्न पुइ त एत्रो भारो लदतथ ज़ै छूनो असुखतो भोते ते पन एप्पू अपने कानूने मन्नेरी कोशिश भी न केरन। 47 तुसन पुइ अफ्रसोस! तुस नेबी केरि कब्रां बनतथ ते तुश्शे दादे-पड़दादेईं तैना मारोरे थिये। 48 बस्सा, तुस शहातथ कि तुस अपने दादे-पड़दादां केरे कम्मां केरि पूरी तेइद केरतथ, किजोकि तैनेईं त नबी कल्ल कमाए ते तुस तैन नेबी केरि कब्रां बनातथ। 49 एल्हेरेलेइ प्रभु परमेशरेरी अक्लां ज़ोवं, नबी त प्रेरित तैन कां भेजनेन तैना तैन मरां किछ कल्ल केरेले ते किछन सताले। 50 बस्सा ई कौम सारे नेबी केरे खूनेरे ज़ै दुनियारे शुरू करां देंतो बगेवरोए ज़िमेवार भोली। 51 हाबिलेरे खूने करां देंतो ते जकय्याहरे कल्ले तगर ज़ै तुसेईं मन्दरेरे ते बलिदान केरनेरे ठारोरे मझाटे मन्दरेरे अंगने मां कल्ल कियोरो थियो। अवं ज़ोताईं कि ए कौम तैन केरे खूनेरी ज़िमेवार भोली। 52 पन हे फरीसाव तुसन पुइ अफ्रसोस! तुसेईं शास्त्री लोकेईं चाबी त अपने कब्जे मां रखबी, पन तुस एप्पू भी दाखल न भोए ते ज़ैना दाखल भोनु चाते थिये तैना भी रोके।” 53 ज़ैखन यीशु तैट्टां निस्सी जेव त शास्त्री ते फरीसी लोकेईं तै घेरो ते सरकरे मारे चेन्ने पासना बड़े असुखते सवाल पुच्छने लगे। 54 ताके यीशुएरे ज़बा एरी गल निस्से ज़ैस सेइं लोक तैस पुइ गलती लांन।

**12** एत्रे मां हज़ारेईं मैन्हु अकोट्टे भोइ जे, ते एककी होरि उन्डे खिरकते थिये त यीशुए सेबनन करां पेइले अपने चलन खडे भोइतां ज़ोवं, “फरीसी लोकां केरे पाखंडेरे खमीरे यानी तैन केरे रीति रूवाज़न करां हुशार रेइयथ। 2 कोई चीज ओइकोरी नईं ज़ै बांदी न भोए, ते न कोई चीज छेपोरीए ज़ै ज़ानी न गाए। 3 एल्हेरेलेइ ज़ैना गल्लां तुसेईं आंधरे मां ज़ोरिन तैना गल्लां लोईं

मां शुनोनिन, ते ज़ैना गल्लां तुसेईं अन्तर ज़ोरिन तैन केरू एलान लाए पुइ भोनुए। 4 “दोस्तव अवं तुसन सेइं सच ज़ोताईं कि तैन करां न डेरथ ज़ैना जानी नुकसान पुजातन तैसेरे बाद तैना किछ न केरि बटन। 5 पन अवं तुसन सेइं सच ज़ोताईं कि केस करां डरू लोइते, ज़ैस जानी मारनेरे बाद तैसेरी आत्माईं नरके मां छडनेरो अधिकारे, हॉ अवं तुसन सेइं सच ज़ोताईं कि तैस करां डरा। (Geenna g1067) 6 कुन दूईं पेंडसन मां पंच चडोली न बिकन? पन परमेशर तैन मरां केन्ची भी न बिसरे। 7 बल्के तुश्शे दोगेरे सारे बाल गानोरेन डरा नन्ना तुस त काई चुडोलन करां भी जादे कीमती आथ। 8 “अवं तुसन ज़ोताईं कि ज़ै कोई मैन्हु केरे सामने मेरो इकरार केरेलो, त अवं मैनेरू मट्टू भी परमेशरेरे स्वर्गदूतां केरे सामने इकरार केरेलो 9 पन ज़ै मैन्हु केरे सामने मेरो इन्कार केरेलो त तैसेरो इन्कार परमेशरेरे स्वर्गदूतां केरे सामने कियो गालो। 10 “ज़ैना लोक मैनेरे मट्टेरे खलाफ किछ ज़ोले तै तैस माफ़ केरेलो पन ज़ै पवित्र आत्मारी तुहीन केरेलो तैस माफ़ न केरेलो। 11 “ज़ैखन तैना तुसन प्रार्थना घरन मां ते बड़े-बड़े ते अधिकैरन कां नेले त फिक्र न केरथ कि अस कुन ज़ोम ते केन्चेरे जुवाब देम। 12 किजोकि पवित्र आत्मा तुसन तैस वक्ते ज़ोलो कि तुसेईं कुन ज़ोनुए।” 13 फिरी भीड़ी मरां केन्चे एक्के यीशु सेइं ज़ोवं, “हे गुरु जी मेरे दूलाए जो ज़ो, कि इश्शे बाजी केरि जेइदाती मरां मेरो हिस्सो मेरे हवाले केरे।” 14 यीशुए तैस जुवाब दित्तो, “अवं केनि तुश्शो हाकिम या बंटने बालो बनेवरोइ?” 15 ते यीशुए तैन सेइं ज़ोवं, “हर किसमेरे लालच करां दूर भोइयथ ते न केन्चेरी जेइदाद केन्चेरी जानी करां जादे भोए।” 16 तैखन यीशुए तैन अक मिसाल शुनाईं, “केन्ची अमीरेरे ज़मीनी मां बडी फसल बनी। 17 तै अपने दिले मां सोचतां ज़ोने लगे, कि अवं कुन केरि, मीं कां ठारे नईं कि ज़ैडी अवं अन्न रेख्खी सेखी? 18 तैखन तैनी ज़ोवं कि, ‘अवं अक कम केरताईं, अपने पुराने कोठार पुटतां होरे बड्डे कोठार बनेइ ते अपनू सारू अन्न तैस मां रखलो। 19 फिरी मीं अपने आपे सेइं ज़ोनुए कि, मीं कां त बड़े सालन तगर अन्न जम्हां भोरूए, मेरी जान आरामे सेइं खा ते एश केरा।’ 20 पन परमेशरे तैस मैन्हु जो ज़ोवं, ‘हे बेवकूफ अजे राती तू मरेलो, ते ज़ैन किछ तीं अपने लेइ जम्हां केरतां रखेरूए तैन केसेरू भोलू?’ 21 एल्हेरेलेइ ज़ै अपने लेइ दौलत जम्हां केरते, पन परमेशरेरी नज़री मां तै अमीर न भोए एसेरो भी एरो हाल भोनुए।” 22 तैखन यीशुए अपने चलन सेइं ज़ोवं, एल्हेरेलेइ तुस न अपने ज़िन्दगरी ज़रूरते लेइ फिक्र केरा, कि तुस कुन खाले, ते न अपने जानारी कि कुन लामेले। 23 किजोकि प्राण रोटी करां ते जान लिगडे करां बेधतां भोते। 24 कांवां करां तक्का, तैना न बेन ते न कटन ते न तैन कां गुदाम या कोठार भोन, तांभी परमेशर तैन खाने जो देते ते तुस त चुडोलन करां भी जादे कीमती आथ। 25 तुसन मां एरो कौन आए, ज़ै फिक्र केरतां अपनि उमर अक घड़ी भी बधेईं सकते? 26 बस्सा, ज़ैखन तुस ए अक निकडी ज़ेरि गल भी न केरि बटथ,

त बाकी बेड़ी चीजां केरि फिक्र किजो केरतथ? 27 सोसनेरे फूडू बेड़माना केरि जेरि भोली। 47 हर तै नौकर जै ज्ञानते कि तैसेरे केरे तक्का कि तैना केन्चरे बडोतन? तैना न मेहनत केरन ते न कत्तन, फिरी भी अवं तुसन सेइं जोताई कि राजो सुलैमाने भी अपने सारे धन दौलतरे बावजूद भी तैन केरां जेरां लिंगड़ा न लां। 28 बस्सा जैखन परमेशरे मैइदानेरो घास, जै अज आए ते कालां लौवने मां फुकनोए, एरी खूबसूरती देते, त हे घट विश्वासे बाले लोकव, कुन तै तुसन लिगाइ न देलो? 29 ते एस फिक्रे मां न रेइयथ, कुन खामेले, या कुन पीमेले, या कुन लामेले, ते न शक केरथ। 30 किजोकि दुनियारी सैरी कौमां एस्से फिक्रे मां लेगोरी रेइचन, पन तुशशो बाजी ज्ञानते, कि तुसन कोनां-कोनां चीजां केरि ज़रूरत आए। 31 पेइले परमेशररे राज़रे तलाश केरा, फिरी तुसन एना सैरी चीजां मैल्ली गैली। 32 “तुस भेइं केरे निकड़े केन्चरे ज़ेरथ, तुस कोन्ची गल्लरे लेइ न डरा, किजोकि तुशशे बाजेरी खुशी एस्से मां आए, कि तै तुसन राज दे। 33 अपनू घरबार बेचतां धर्मरथ देथ, ते एप्पू जो अक बेटुवो बनाथ, जै पुरानो न भोए, स्वर्ग मां दौलत जम्हां केरा जै कथे न मुक्के, जैडी न चोर पुजे ते न कीड़ो खाए। 34 किजोकि जैडी तेरी दौलत भोली, तैडी तेरो दिल भी लग्गेलो। 35 “सेवा केरनेरे लेइ रोड़ेचारे कमर बेंद्वतां तियार भोथ, ते तुशशे दीये सैरी राती बलते रान। 36 तुस मेरे एजनेरे लेइ एन्चरे तियार राथ, जेन्चरे मैनु केरे अपने मालिके, जै इलाएरे धामी मरां वापस एजने बलगतन, कि जैखन तै एज्जे ते दार गुड़कान त अस दार खोल्लम। 37 तैना नौकर धन आन जैना अपने मालिकेरे वापस एजने पुड़ बींझो मैलतन, अवं तुसन सेइं सच ज़ोताई, कि तै एप्पू तैन रोड़ेचारे नौकरन लिगाइं लेइतां तियार लाएलो, ते मालिक तैन सेइं खुश भोइतां एप्पू सेइं साथी रोटी खाने बिशालेलो ते तैन केरि सेवा केरेलो। 38 अगर मालिक एध्धी राती या झेइरेपार एइतां अपने नौकरन बींझो लाए त तैन नौकरां केरे लेइ केत्री रोड़ी गल्ले। 39 पन याद रखा, अगर घरेरे मालिके, चोर एजनेरो पतो भोए त तै बींझो राथो ते अपने घरे चोरी न देथो भोने। 40 बस्सा, तुस भी मेरे वापस एजनेरे लेइ तियार राथ, मैनेरू मट्टू यानी अवं तैस वक्ते एज्जेलो जेइस तुसन खियाल भी न भोलो।” 41 पतरसे पुच्छू, “हे प्रभू जै मिसाल तीं शुनाई तै सिर्फ इशशे लेइए या सेव्भी केरे लेइए?” 42 प्रभुए ज़ोवं, “कौने ईमानदार अक्लमन्द नौकर जेसेरो मालिक तैस अपने नौकरन पुड़ मुन्शी रखे ताके तैन केरि खूराक ठीक मौके पुड़ रोड़ेचारे बंटतो राए? 43 तै नौकर धने कि जेसेरो मालिक एज्जे ते मालिक तैस रोड़ेचारे कम केरतू लाए। 44 अवं तुसन सेइं सच ज़ोताई कि तै अपने सारे घरबारेरी हेरगैशरो अधिकार तैसेरे सुपुर्द केरेलो। 45 पन अगर तै नौकर अपने दिले मां ज़ोए कि मेरे मालिके एजने हेजू बडू चिरे ते होरि नौकरन ते नौकरनेन मार धाड़ केरिन शुरू केरे ते खेइ पीतां नशे मां मसत भोइ गाए। 46 ते तैस नौकरेरो मालिक केन्ची एरे दिहाड़े एज्जे जेइस तैस नौकरे एजनेरो पतो न भोए ते ते मालिक एज्जी गाए त तैस नौकरेरे टुकड़े-टुकड़े केरतां ते तैसेरी हालत

मालिकेरी कुन मर्जी आए, कि तै कुन केरे, मगर तै अपने आपे कम केरनेरे लेइ तियार न केरे ते अपने मालिकेरी मर्जी पूरी न केरे तैस पक्की मार बजनीए। 48 पन अगर कोई नौकरे जैस नई पतो कि मेरे मालिकेरी कुन मर्जी, कि अवं कुन केरि, ते तैन केरे जैस सेइं तैस सज़ा मैल्ले, त तैस घट सज़ा मैलेली।” 49 यीशुए ज़ोवं, “अवं धेरती पुड़ अग लाने ओरोई ते अगर अग लग्गोरी भोथी त रोडू थियू। 50 पन मीं बड़े जल्दी दुःख झैल्लनोए, ते अवं बडो परेशानई ज़ां तगर दुख न झैल्ली। 51 कुन तुस एन सोचतथ कि अवं धेरती पुड़ मेल कराने लेइ ओरोई? नई! अवं तुसन सेइं ज़ोताई, कि अलग केरने ओरोई। 52 अज़्जेरे बाद अगर एक्की घरे मां पंच मैनु भोले त तैना एप्पू मामेइं बेंडोले, ट्लाई जैना मीं पुड़ विश्वास न केरन तैना दुइयां केरे खलाफ भोले, ते दूई, टलेइयां केरे खलाफ भोले। 53 बाजी मट्टेरे खलाफ भोलो ते मट्टू बाजेरे खलाफ भोलू, हैई कुइयरे खलाफ ते कुई हैईयरे खलाफ ते शिख नुशारे ते नुश शिखारे खलाफ भोनीए।” 54 फिरी यीशुए बड़े मैनु मां ज़ोवं, “कि जैखन तुस बिदलार डुबते पासेरां च़लती लातथ त तुस ज़ोतथ कि झड़ी एजने बालीए ते तैन्ने भोते। 55 ते दक्षिणेरे पासेरां हवा च़ली त तुस ज़ोतथ गर्मी भोरीए ते तैन्ने भोते। 56 हे पाखंडी लोकव, तुस धरती ते अम्बरेरो हाल हेरतां मौसमेरो अंदाज़ो केरनो ज्ञानतथ, पन इन न जैनी बटथ कि, परमेशर कुन चाते? 57 “तुस एप्पू फैसलो केरा कि, तुशशे लेइ कुन रोइए। 58 जैखन तू लीडरे सेइं साथी हाकिमे कां गाथ त बत्ते मां तेस सेइं फैसलो की न केरस, एरू न भोए तै तीं हाकिमे कां ने ते हाकिम सिपाहीएरे हवालै केरे, ते तू कैद भोइ गास। 59 अवं तुसन सेइं ज़ोताई कि ज़ां तगर तू पाई-पाई न देले त तांतगर तैइं छुट्टी न सकेलो।”

**13** तैस मौके किछ लोक तैडी आए, तैना यीशु सेइं तैन गलील इलाकेरे लोकां केरे बारे मां ज़ोने लगे, जैन केरो खून, रोमेरे गवर्नर पिलातुसे मन्दरे मां जानवरां केरे बलिदाने सेइं साथी मलेवरो थियो। 2 यीशुए तैन जुवाब दित्तो, “कुन तुस एन समझतथ कि तैन गलीलेरे लोकां केरो एत्रो बुरो हाल एल्हेरेलेइ भोवं, कि तैना बाकी गलीलेरे लोकन करां जादे पापी थिये? 3 अवं तुसन सेइं ज़ोताई कि, अगर तुस भी पापन करां मन न फिराले त सब एन्चरे नाश भोनेथ। 4 या कुन तैना अठारे ज़न्हे जैन उन्धो शील्लोहेरो गुम्मत बिछड़ोरो थियो, ते तैना सब तैस हैठ मेरि जे, ते तैना यरूशलम नगररे होरि लोकन करां पापी थिये? 5 अवं तुसन सेइं सच ज़ोताई, कि नई बल्के अगर तुस भी पापन करां मन न फिराले त तुस सब एन्चरे नाश भोइ गानेथ।” 6 तैसरां बाद यीशुए तैन अक मिसाल देइतां ज़ोवं, “केन्चे मैने अपनि बागी मां अक फेगरो बुट लोरो थियो, ते तैस बुट्टे पुड़ हर साल फल तोपने अवं पन तैस फल न मैल्लो। 7 तैखन तैनी बागबने सेइं ज़ोवं, ‘हेर अवं ट्लाई सालां केरो देंतो इस फेगरे बुट्टे पुड़ फल लोरोई तोपने, पन अज तगर एस पुड़ फल न



मैल्लो एस केट्टी छड एनी किजो रोड़ी ठार चिकतां रखोरीए? 8 पन तैनी तैस जुवाब देइतां ज़ोवं, मीं निदतां एसेरे चेत्रे पासन खाद छडनिये। 9 अगर फिरी भी फल न लगे त फिरी केट्टी देनोए। 10 एक्की आरामेरे दिहाड़े यीशु प्रार्थना घरे मां शिक्षा देने लोरो थियो। 11 हेरा, तैडी अक कुआन्श थी ज़ैस अठारे सालां केरि देंती भूतेरे सैइयेरे वजाई सेइं कुबड़ी भोरी थी। तै सिधी न थी भोइ बटती। 12 यीशुए तै कुबड़ी कुआन्श लाई त एप्पू कां कुजाई ते ज़ोवं, “हे कुआन्श, तू अपनि तकलीफी करां छुटी जेई।” 13 ते यीशुए तैस कुआन्शी पुइ हथ रखे ते तै लूशी बेइज्जोइं ते परमेशेरी तारीफ़ केरने लगी। 14 पन प्रार्थना घरेरो प्रधान यीशु पुइ नराज़ भोव कि, एनी ए कुआन्श, आरामेरे दिहाड़े किजो बइज्जाई ते ज़ोने लगे, “हफते मां शा दिहाड़े कम काज़ केरनेरे लेइ आन, ते तेन्ने मां कोई बइज्जावरो भी लोइचे, ते आरामेरी दिहैडी न।” 15 प्रभु यीशुए तैस जुवाब दित्तो, “ए पाखंडी लोकव कुन तुस आरामेरी दिहाड़ी अपने दांत या गधे खोलतां तैन पानी पियाने न नेथ? 16 त कुन एन रोइ न भोवं कि ज़ै कुआन्श बेइज्जोइं तै अब्राहमेरे खानदाने मरां ए, ज़ै अठारे सालां केरि देंती शेताने गुलैमी मां रखोरि थी त आरामेरे दिहाड़े ए कुआन्श छुटानी न थी?” 17 ज़ैखन यीशुए एना गल्लां जोईं त तैसेरे खलाफ ज़ोने बाले सेब्भी केरि बेइज्जती भोइ, ते सारे लोक यीशुए ज़ैना महिमारां कम्मां अपने हथेइं कियोरां थियां खुशी मनाने लगे। 18 तैखन यीशु तैन सेइं ज़ोने लगे, “परमेशेरू राज़ कौस चीज़री ज़ेरूए अवं केस सेइं जोईं? 19 तन शोरीएरे बीजेरू ज़ेरू आए, ज़ैन एक्की मैने एन्तां अपनि बागी मां बेवं, पन ज़ैखन तैन बीज बेव गाते, तै उगतां सारे निक्के-निक्के बुटन केरां बड्डो भोते। ते अम्बरेरां चुड़ोल्लू भी तैस पुइ बिशने लगां।” 20 यीशुए फिरी ज़ोवं, “अवं परमेशेररे राज़ेरी मसाल केस सेइं देईं? 21 तैन खमीररू ज़ेरूए, ज़ैन केन्ची कुआन्शां आनु, ते हछे अट्टे मां मलाव ते सारू अट्टू खमीर बेनि ज़ोवं।” 22 यीशु अपने चेलन सेइं साथी यरूशलेम नगरे मांमेइं गांते बार नगरन मां ते इल्लोव्वन मां शिक्षा देंतो च़ल्लोरो थियो। 23 केन्ची यीशु पुच्छू, “हे प्रभु कुन थोड़े ज़ेरे लोक हमेशारी सज़ाई करां बचेले?” यीशु तैन सेइं ज़ोवं। 24 “परमेशेररे राज़े मां सुन्कडे दारेरां बत्तां गानेरी कोशिश केरा, किजोकि अवं तुसन सेइं ज़ोताई कि बड़े लोक अन्तर गानेरी कोशिश केरेले पन न गेइ सकेले। 25 ज़ैखन घरेरो मालिक एक्की बार दार बंद केरि छडते, त तुस बेइर खड खडे दार गुडकाते, ते बिनती केरते राथ कि, ‘हे प्रभु इश्शे लेइ दार खोल्ल,’ ते तै तुसन जुवाब देते कि अवं तुसन न ज़ैनी तुस कौन आथ ते कोट्टां ओरेथ? 26 तैखन तुस ज़ोले कि, ‘असेईं तीं सेइं साथी खोरी पियोरी नई, ते तीं इश्शे अंगने मां असन शिक्षा नई दित्तोरी।’ 27 पन तै तुसन सेइं ज़ोलो, ‘अवं तुसन न ज़ैनी तुस कौन आथ, ते कोट्टां ओरेथ हे बेइमानव मीं करां दूर भोथ।’ 28 ज़ैखन तुस अब्राहम, इसहाक ते याकूब ते सब नेबन परमेशेररे राज़े मां सामने लाएले ते अपनो आप बेइरोवं कढते लाएले, त

लेरां देते ते दंत चापते राले। 29 लोक पूर्वरां ते पछमेरां ते उत्तर ते दक्षिणेरे देंते यानी दुनियारे सारे लोकन मरां लोक परमेशेररे राज़ेरी धामी मां एइते लाएले। 30 ते हेरा किछ एरेन कि ज़ैना पेइले आन, तैना पत्रोवं भोनेन ते ज़ैना पत्रोवं आन, तैना पेइले भोनेन।” 31 तैखने किछ फरीसी लोक यीशु कां आए ते ज़ोने लगे, “इट्टां निस ते च़लो गा, किजोकि हेरोदेस तीं मारने चाते।” 32 पन यीशुए तैन ज़ोवं, तैस मैन्हु सेइं ज़ै लोई अरो ज़ेरो आए, गेइतां तैस सेइं ज़ोथ कि, “अवं अज़ ते कालां भूतां केरो सैयो कढने ते बिमारन बइज्जानेरू कम केरने लोरोईं ते एन कम टलेइ दिहाइन मां मीं पूरू केरनूए। 33 बस्सा मीं अज़ ते कालां ते टलेईदी मीं सफर केरनूए, किजोकि नबी सिर्फ यरूशलेम नगरे मां मारे गाले। 34 “हे यरूशलेमे नगरेरे लोकव, हे यरूशलेमे नगरेरे लोकव, तुसेईं केत्रे नबी कल्ल किये, ज़ैना बड़े पेइले तुसन कां आए, ते ज़ैना तुसन कां भेजे तैन घोडेईं बेई, मीं केही फेरेईं सोचू कि तेरे बच्चन अकोट्टे केरि ज़ेन्चरे कुकडी अपने बच्चन अपने फंगन हैठ रखचे, पन तुस राज़ी न भोए। 35 हेरा तुशू घर तुशे लेइ छडू गाते, ते अवं तुसन सेइं ज़ोताई कि तुस मीं केन्ची तरीके भी न लेई सकेले, ज़ांतगर तुसन एन ज़ोनेरो मौको न एज्जेलो, धने तै ज़ै प्रभुपरे नंवे सेइं एइते।”

**14** यीशु फिरी आरामेरे दिहाड़े एक्की फरीसेरे घरे रोटी खाने जेव त बड़े फरीसी लोक ध्याने सेइं लोरे थिये तकने, ताके तैसेरी कोई गलती टलान। 2 तैडी अक बिमार मैन्हु थियो ज़ेसेरी जंघां पैखड़ी शोजती थी ते पस-पाक च़लती थी, तै तैडी बिशोरो थियो। 3 यीशुए शास्त्री ते फरीसी लोकन पुच्छू, “कि आरामेरे दिहाड़े कानूनेरे मुताबिक कोई बइज्जानो जेइजे की नई?” 4 तैना चुप राए, तैखन यीशुए तैस बिमारे पुइ अपनो हथ रखो ते तै बइज्जाव, ते घरजो भेजो। 5 ते फरीसन सेइं ज़ोवं, “तुसन मरां एरो कौने, ज़ेसेरू मट्टू या दांत खट्टे मां खिरके ते आरामेरी दिहाड़ी भोए, ते तैस तैट्टां बेइर न कढे?” 6 ते तैन लोकेई यीशुएरी गल्लां केरो जुवाब न देइ बटो। 7 ज़ैखन यीशुए हेरू कि, ज़ैना लोक धाम ज़ोइतां रोटी खाने कुजोरेन केन्चरे खास लोकां केरि ठार चुनतन, तैनी तैन अक मिसाल दित्ती। 8 “ज़ैखन तुसन कोई इलाएरी धामी मां कुजाए। ज़ै तैनेई खास मैन्हु केरे लेइ ठार रखोरी भोए, तुस तैडी न बिश्शथ, भोइ सकते कि होरो कोई तुसन करां जादे खास मैन्हु कुजेवरो भोए। 9 ते तुसन दुइये ज़न्न कुजाने बालो तुसन कां एइतां जोए, ए ठार होरि केरे लेइए ते तुसन शरमेइतां खडे उठनू पे, ते सेबभन करां पत्र बिश्नू पे। 10 ज़ैखन भी कोई तुसन धाम ज़ोइतां कुजाए त सेबभन करां पत्र बिश्शा, ताके ज़ैखन तेरो कुजाने बालो एज्जे ते जोए, ‘दोस्त, अगर एइतां खास ठैरी बिश्,’ त तैन लोकां केरे सामने तेरी केत्री बइयाई भोनीए। 11 किजोकि ज़ै कोई अपनो आप बड्डो बनालो त तै निकडो बनाव गालो ते ज़ै कोई अपनो आप निकडो बनालो त तै बड्डो बनाव गालो।” 12 फिरी यीशुए, तैस फरीसी मैन्हु सेइं ज़ैनी तै कुजोरो थियो ज़ोवं, “ज़ैखन

तुस दिसेरी या रातरी धामी मां मैनन् कुजाथ, त अपने दोस्तन भोइसखे। 34 “लून रोडी चीजे, पन अगर लूनरो लूनार मुकी गाए त तैन कोस सेइं लूने बनाव गालू? 35 लोक तैस बेइरोवं शेरी देले, जै कोई समझनू चाते, तै ध्याने सेइं शुने ते समझे।”

13 बल्के जैखन तुस धाम देथ त टोंटे, कानो, गरीब गुरबे, परदेशी कुजेइयथ। 14 ते परमेशर तुसन बरकत देलो, किजोकि तैन कां किछ भी नईं जैस सेइं तैना तुशू एवसान मुकेइ बटन, ते तेरे एस एवसानेरो फल धेर्मी लोकन जीते भोने सेइं साथी फैसलेरी दिहैडी मैलेलो। 15 टलाहनन् मरां एकके एन गल्लां शुन्तां यीशु सेइं जोंवं, “परमेशरेर राज्जेरी धामी मां खाने बालो धन भोलो।” 16 यीशुए तैस जुवाब दितो, “केन्चे मैने अक बड़ी धाम दिती ते बड़े लोक कुजाए। 17 जैखन रोटी खानेरो वक्त अव त तैनी अपनो नौकर भेजो कि तैन लोकन जैन जो इलाएरी धाम बनोरी थी, ‘एज्जा, रोटी बनोरोए।’ 18 पन धामी बालेईं सेभेईं मिलतां एतराज कियो ते पेइले मैने जोंवं, ‘मी ऊडार घिन्नेरू आए, मीं तैस हेरने गानूए ते अवं तीं कां मिनत केरतां कि मीं राने दे।’ 19 त होरो ज़ोने लगे, ‘मीं पंच हल्लां दांत घिन्नेरेन ते अवं तैन लाने परखने च़लोरोईं। अवं तीं कां मिनत केरतां कि मीं राने दे।’ 20 अक होरो मैन्हु लगे ज़ोने, ‘मीं इला बनावरोए, एल्हेरेलेइ अवं न एज्जी बेटि।’ 21 तैखन नौकरे वापस एइतां एन सैरी गल्लां अपने मालिके शुनेईं, त मालिके बड़ी सरक अईं, तैनी अपने नौकरे जो ज़ोवं, ‘इस नगर मां गा ते लेंगे लुथे, गरीब गुरबे नग्रे, नियन्ने भत्ते, टोंटे, कानो इरां कुजा।’ 22 नौकरे ज़ोवं, ‘हे मालिक ज़ैन तीं ज़ोवं, मीं तैन्ने कमाव, पन फिरी भी ठार खाली आए।’ 23 मालिके नौकरे सेइं ज़ोवं, ‘बत्तारे आसे पासे ऊडारन मांमेइं गा ते लोक मजबूर केरतां आन, ताके मेरू घर भरतां भोए। 24 किजोकि अवं तीं सेइं ज़ोताईं कि ज़ैन लोक पेइले कुजेवरे थिये, यानी खास ठैरारे लेइ कुजेवरे थिये, तैन मरां कोई भी मेरी धामी मां रोटी न खेइ सकेलो।” 25 बड़े लोक यीशु पती च़लोरे थिये, यीशुए पत्रोंवं तक्कू ते ज़ोवं। 26 “अगर कोई मीं कां एज्जे, ते अपने अम्मा बाजी, कुआन्था, बच्चन, दलान ते बेइन्न् ते अपने जानी करां जादे प्यार मीं सेइं न केरे त तै मेरो चेलो न भोइ सके। 27 ते ज़ै कोई मेरो चेलो भोनेरी वजाईं सेइं दुःख झैल्लनेरे लेइ त कने मरनेरे लेइ तियार नईं, त तै मेरो चेलो न भोइसखे। 28 तुसन मरां एरो कोई भोए, ज़ै गुम्मत बनानू चाए, ते पेइले बिश्तां हिसाब न केरे, कि पूरो केरनेरे लेइ मीं कां खर्चों आए कि नईं। 29 कथे एरू न भोए कि खाइ कटनेरे बाद तैस बनेइ न सके ते तकने बाले हसते रान। 30 ‘ते ज़ोन एनी मैने बनानू त शुरू कियूं, पन बनेइ न बटो।’ 31 या फर्ज केरा कि कोई राज़ो होरि राज़े सेइं लड़ाई केरनेरे लेइ सोची राहोरो भोए त कुन पेइले एन न सोचे कि 10000 फौजी जवानन् सेइं अवं 20000 फौजी जवानव सेइं तैसेरो मुकाबलो केरि सकतां कि नईं? 32 अगर तै मुकाबलो न केरि सखे त तैस फौजी सेइं ज़ै दूरे, मैन्हु भेजतां तैस सेइं सल्लारी मिनत केरेलो। 33 एन्चरे अगर ज़ै कोई तुसन मरां अपनू सब किछ न छड़े त मेरो चेलो न

भोइसखे। 34 “लून रोडी चीजे, पन अगर लूनरो लूनार मुकी गाए त तैन कोस सेइं लूने बनाव गालू? 35 लोक तैस बेइरोवं शेरी देले, जै कोई समझनू चाते, तै ध्याने सेइं शुने ते समझे।”

15 बड़े लोक धइत घिन्ने बाले ते पापी लोक यीशु कां एइतां तैसेरी गल्लां शुन्ने लोरे थिये। 2 फरीसी ते शास्त्री लोक शिकयत केरतां ज़ोने लगे, “कि ए मैन्हु पापी लोकन सेइं तालमेल रखते, ते तैन सेइं साथी खाते पीते।” 3 यीशुए तैन अक मिसाल देइतां ज़ोवं। 4 “तुसन मां एरो कोई आए जैस कां 100 भैड्ठां भोन ते तैन मरां अक हेरोए ते 99 भैड्ठां तैडी ज़ेरे जंगले मां छेइतां तोपने न गाए, ज़ां तगर तैस मैल्लोरी नईं? 5 ते ज़ैखन ते तैस मैल्ले त खुशी सेइं कंधे पुइ छुइतां आने। 6 ते अपने घरे एइतां अपने दोस्तन ते भियालन कुजेइतां ज़ोए कि, ‘अज़ मीं सेइं साथी खुशी मनाथ, किजोकि अज़ मेरी हेरोरि भैड मैलोरीए।’ 7 अवं तुसन सेइं ज़ोताईं कि, एन्चरे 99 धर्मी ज़ैनेईं पेइले अपने पापन करां मनफिरावरो तैन करां जादे ज़ैखन अक पापी, पापन करां मन फिराते स्वर्ग मां बड़ी खुशी बनाईं गाचे। 8 “कुन एरी भी कोई कुआन्था भोली जैस कां चेंदरे दश सिके भोन ते अक हेरोए ते ते दीयो बैलतां घरे अन्तर धूनी न दे, ते ज़ां तगर मैल्ले न तांतगर तोपती न राए? 9 ते तोपनेरे बाद अपने पडोसन ते अपनि सेहेलन कुजेइतां एन न ज़ोए कि, ‘एज्जा मीं सेइं साथी खुशी मनाथ किजोकि अज़ मेरो हेरोरो सिको मैलोरोए।’ 10 बस्सा, अवं तुसन सेइं ज़ोताईं कि एक्की पैपेरे, पापन करां मन फिराने सेइं परमेशरेरे स्वर्गदूतां केरे सामने बड़ी खुशी मनाईं गाचे।” 11 यीशु फिरी होरि मिसाल दिती, “केन्वी मैनेरां दूईं मट्टां थियां। 12 तैन मरां निकडे मट्टे अपने बव्वे सेइं ज़ोवं, ‘हे बाजी जेइदाती मां ज़ै मेरो हिस्सो बनते ते मीं दे।’ तैनी दुइने हिस्सो बेटतां दितो। 13 थोडे दिहैइना पती निकडे मट्टे अपनू सब किछ जेइदात होरि मुलखे जो नी, ते बुरे कम्मन मां लुट्टाईं। 14 ज़ैखन तैनी सब किछ मुकेइ छडू त तैस मुलखे मां बड़ो काल पेव, ते तैस कां खाने जो किछ न राऊं। 15 तैखन तै तैस मुलखेरे एक्की रानेबाले कां कम तोपने पुजो। तैनी तै अपने ऊडारन मां सूर च़ारनेरे कम्मे लाव। 16 तैडी तै बड़ो दलुखोरो थियो, तै तैन खाने मां राज़ी थियो ज़ैन सूर खाते थिये, किजोकि तैस केन्चे किछ खाने जो न दिन्तू। 17 तैखन तैस समझ आईं ते ज़ोने लगे, ‘मेरे बाजी केरे मजदूर रेजतां रोटी खातन, पन अवं इडी फाके लोरोईं मरने। 18 मीं खडे उठतां अपने बाजी कां गानूए ते तैस सेइं ज़ोनूए हे बाजी अवं परमेशरेरी नज़री मां ते तुशूी नज़री मां पापी आईं। 19 हुनी अवं एस काबल त नईं, कि तुशू मट्टू भोइ, पन मीं भी अपने मजदूर मां रखा।” 20 “बस्सा, तैनी तै मुलख शारो ते वापस अपने बाजी कां च़लो, ते हेजू ते बड़े दूरे थियो, ते तैसेरे बाजे तै लाव ते तैसेरे बाजी तैस पुइ बड़ो तरस अव, ते तै दौवइतो अपने मट्टे कां जेव, ते तैन गले लाव ते बड़ी खुशी भोव। 21 मट्टे अपने बाजी सेइं ज़ोवं, ‘ए बाजी अवं परमेशरेरी नज़री मां ते तुशूी नज़री मां पापी आईं। हुनी अवं एस काबल त नईं कि,

अपने आपे जो तुशू मट्टू जोई।’ 22 पन बाजे अपने नौकरन सेईं ज़ोवं, ‘लूश केरा ते सेबन करं पेड़ले रोड़ां लिगड़ां एस मट्टू लुवाथ, ते एसेरे हथ्ये आंवठी ते पावन बूट लुवाथ। 23 ते अक जानवर मारो ते बड़ी धाम बनेइतां बड़ी खुशी मनाई। 24 किजोकि मेरू मट्टू ज़ैन जेन्चरे मेरि जोरू थियूं, अज़ ज़ींतू भोरूए, हेरोरू थियो, ते मैलोरूए।’ बस्सा तैना खुशी मनाने लगे।” 25 “तेइस बडू मट्टू ज़ैन ऊडारे मां कम केरतां घरजो ओरू थियूं, ज़ैखन तै घरे नेईं पुजो त तैनी गीतां केरि त नचनेरी शौर शुनी। 26 तैनी अक नौकर कुजाव ते तैस पुच्छू, ‘ए शौर कीजेई लोरी भोने?’ 27 नौकरे तैस सेईं ज़ोवं, ‘तेरो निकड़ो ढूला वापस घरे ओरोए ते तेरे बाजे अक जानवर मैरतां धाम बनोरीए, किजोकि तै ठीक ठाक घरे पुजोरोए।’ 28 पन तैस मैनेरू बडू मट्टू नाराज़ भोवं ते अन्तर घरे मां भी न लगे एजने, पन तैसेरो बाजी बेडर अव, ते तैस मिठानेरी कोशिश की, कि घरे अन्तर एज्जे। 29 बडे मट्टू अपने बाजी सेईं ज़ोवं, ‘हेरा अवं केत्रे सालां केरि देंती तुशूशी सेवा केरने लोरोई, ते कथे तुशूशो हुक्म नईं मोडोरो ते तुसेईं कथे कोई छेडू नईं दित्तोरोए कि अवं भी अपने दोस्तन सेईं खुशी मनेई। 30 पन ज़ैखन तुशू निकडू मट्टू अपनू सब किछ लुटेइतां वापस अव, त तैसेरेलेइ जानवर मारो ते अक बड़ी धाम बनाई।’ 31 तैसेरो बाजी ज़ोने लगे, ‘भेरा मट्टां तू त मीं कां आस ते ज़ैन किछ मीं कांए तैन सब तेरूए। 32 पन असेईं खुशी मनानी ज़रूरी थी किजोकि तेरो ए निकड़ो ढूला ज़ै जेन्चरे मेरि जोरो थियो, अज़ ज़ींतो भोरोए, हेरोरो थियो ते अज़ मैलोरोए।”

**16** फिरी यीशुए अपने चेलन अक होरि मिसाल दिती कि, “केन्ची अमीरेरो अक मुन्शी थियो, लोकेई तैसेरी शकैइत तैसेरे मालिके सेईं लाई कि, ए तेरो माल बरबाद केरने लोरोए। 2 मालिके तै कुजाव ते ज़ोवं, ‘एन कुने ज़ैन अवं तेरे बारे मां शुन्ने लोरोई? सारो हिसाब-किताबे मां अजेरां बाद तू मेरो मुन्शी नईं रालो।’ 3 मुन्शे अपने दिले मां सोचू मेरो मालिक मेरे कम्मे करं मीं कढने लोरोए, मीं मजदूरी भी न केरोए ते शमरिमारे भीख भी न मैगोए। 4 ‘अवं ज़ानताई कि, मीं कुन केरनूए इट्टां कढनेरे बाद मीं लोक खुशी सेईं अपने घरे मां कबूल केरतन।’ 5 बस्सा तैनी अपने मालिकेरो अक कर्जदार तोपते, पेड़ले एककी पुच्छू तीं कां मेरे मालिकेरे केत्रे रुपइयेन? 6 तैनी जुवाब दित्तो, ज़ैतूनेरे तेलेरे 100 पीपां केरि कीमते, तैनी ज़ोवं इना रां तेरां काकलां, ते बिश्तां 50 पीपे बना। 7 फिरी तैनी मुन्शे होरि सेईं ज़ोवं, ‘तीं कां केत्रो कज़ोए?’ तैनी ज़ोवं, ‘गेहुं केरि 100 बोरी,’ तैनी ज़ोवं, ‘यां काकलां ते बिश्तां 80 लिखी।’ 8 मालिके तैस बेईमान मुन्शेरी तारीफ़ की, एल्हेरेलेइ कि तैनी बेडि च़लैकी सेईं कम कियेरू थियूं। किजोकि इस दुनियारे लोक अपने लोकन सेईं सौदो केरनो परमेशरेरे लोकन करं बडे हुशारी सेईं केरतन। (aiōn g165) 9 अवं तुसन सेईं ज़ोताई कि दौलत खर्च करतां इस दुनियारे लोकन दोस्त बनाथ, तुसन मरनेरां बाद हमेशारू घर मैलनूए। (aiōnios g166) 10 ज़ै थोड़े ज़ेरे मां इमानदेरी सेईं रहते

ते हळे मां भी ईमानदार रहते। ज़ै थोड़े करं थोड़े मां भी बेइमाने तै हळ्छे मां भी बेइमाने। 11 बस्सा अगर तुस बेइमानेरे धन दौलती मां ईमानदार न भोए, त अपनि सच्ची दौलत ज़ै स्वर्गे मां आए, कौन तुशो हवाले केरेलो? 12 अगर तुसेईं होरि केरे माले मां ईमानदार न भोए, त ज़ै तुशो अपनो माले कौन तुसन देलो? 13 कोई नौकर दूई मालिकां केरि सेवा एककी वक्ते मां न केरि सके। न त एककी सेईं दुश्मनी केरेलो ते होरि सेईं प्यार केरेलो, या एककेरो बेनतां रालो त होरि न सुखालो। तुस परमेशेरी ते दौलतरी, दुदुयां केरि सेवा न केरि सकतथा।” 14 तैखन फरीसी लोक ज़ैना दौलतरे लालची थिये, एन गल्लां शुन्तां यीशुएरी हासी बनाने लगे। 15 यीशु तैन जो ज़ोवं, “तुस तैना आथ ज़ैना लोकन मां अपनो आप बड़ी धर्मी हिरातन। पन परमेशर तुशो दिलेरी हालत ज़ानते किजोकि ज़ै चीज़ लोकां केरे लेइ बड़ी बड्डीए ते तै परमेशेरी नज़री मां भिटी आए।” 16 “मूसेरे कानून ते नेबी केरि गल्लां यूहन्ना बपतिस्मो देनेबाले तगर रेइ, ते फिरी परमेशेरेरे राज़ेरी खुशखबरी शुनाने लगे ते हर कोई तैस मां दाखल भोनेरी बड़ी कोशिश केरने लगारेन। 17 पन धरती अम्बर टेली गालू पन परमेशेरे कानूने मरां अक बिंदी भी न मिटेली। 18 ज़ै कोई अपनि कुआन्श शेरतां होरि सेईं इला बनाते तै तैस सेईं बदमाशी केरते ते ज़ै शैरोरी कुआन्शी सेईं इला बनाते तै भी बदमाशी केरते।” 19 “अक मैन्हु बडो अमीर थियो, ते तै बैंगनी लिगड़ां लातो थियो, ते बड़ां माघो लिगड़ां लातो थियो। ते रोज़ एश अशरती मां मसत रातो थियो। 20 अक बडो गरीब मैन्हु जेसेरू नवं लाज़र थियूं तैसेरे दारे कां एन्तां रखोरो थियो, तैसेरी सारी जान खेराडेइं सेईं भेरतां थी। 21 तै चातो थियो, कि अमीर मैनेरे टुकेईं सेईं अपनू पेट भेरि, पन तैडी कुतरां एइतां थियां ते तैना तैसरां खेरडां भी च़टतां थियां। 22 फिरी एरू भोवं कि तै गरीब लाज़र मेरि जेव स्वर्गदूतेईं ते छुइतां अब्राहमे कां पुजव, ते अमीर मैन्हु भी मेरि जेव ते तै दैब्बी छुडो। 23 ज़ैखन तैनी पातालारे दुखे मां अपनि एछुछी घेडी? त दूरेरां तैनी अब्राहम ते तैस कां नेडे लाज़र लाव। (Hadēs g86) 24 तै चिन्डां मैरतां ज़ोने लगे, ‘ए बाजी अब्राहम मीं पुइ दया केर, एस लाज़रे भेज ते ए अपनि अंगलोई पैनी सेईं सेलतां मेरे ज़िभी पुइ लाए, किजोकि अवं अग्गी मां तडफने लोरोई।’ 25 पन अब्राहमे ज़ोवं, ‘मट्टां याद केर तीं त अपनि जवेंनी मां सब रोडी चीज़ां मैल्ली ते इस लाज़रे सिर्फ़ बुरी चीज़ां मैल्ली, पन ए हुन्ना इडी आरामे मांए ते तू तकलीफी मां आस। 26 ते एन गल्लां केरे अलावा इश्शे ते तुशो मझाटे अक बड्डी खाईए, ताके ज़ै कोई पार गानू चाए न गोइ सखे ते ज़ै वार एजनु चाए न एज्जी सखे।’ 27 तैनी मैने ज़ोवं, ए बाजी अब्राहम, अवं ज़ोवले हथ केरतां ज़ोताई कि, तू लाज़रे दुनियाई मां मेरे बाजी केरे घरे भेज। 28 तैडी मेरे पंघ ढूला आन ते तै तैन हदायत दे कि, एरू न भोए ते तैना भी इस अग्गी मां एज्जन। 29 पन अब्राहमे तैस ज़ोवं, ‘तैन केरि हदायतरे लेइ तैन कां मूसेरो कानूने ते नेबी केरि किताबां त आन तैना तैन शुनन् ते

मनन! 30 तैनी मैने ज़ोवं, 'नई ए बाजी अब्राहम अगर कोई मुडदन मरां ज़ीतो भोइतां गाए त तैना ज़रूर पापन करां मन फिराले।' 31 पन अब्राहम तैस सेइं ज़ोवं, 'अगर तैना मूसेरी ते नेबी केरि न शुनी ते अगर कोई मुडदन मरां ज़ीतो भोइतां गाए त तैना तैसेरू भी याकीन न केरेले।' 1"

**17** फिरी तैनी अपने चलन सेइं ज़ोवं, "एन न भोइसखे कि लोकन ठोकर न लागे, पन अफ़सोस तैस मैन्हु पुड़ ज़ै होरि केरे लेइ ठोकर बनते। 2 तैसेरेलेइ त एन्ने रोडू थियूं, कि दूलाटेरो दूलेइटोल तैसेरे गल्ले उन्डो छेडतां ते समुन्द्रे मां शैरतां छुट्टो गाथो, ताके ते होरि जो ज़ैना विश्वासो मां कमज़ोरन ठोकर न बने। 3 बरसा हुशार राथ तुस कुन केरतथ, अगर तुशशो विश्वासी दूला पाप केरते त तैस समझाथ ते अगर तै पापन करां मन फिराए त तैस माफ़ केरा। 4 अगर तै एक्की दिहैड़ी मां तेरो सत्ते बार तेरो पाप केरे त अगर ते सत्ते फेरेई तीं कां एइतां माफ़ी मग्गे त तू सत्ते फेरेई तैस माफ़ केरां।" 5 प्रेरितेई प्रभु सेइं ज़ोवं, "हे प्रभु, इश्री मदत केर कि अस हारे भी मज़बूती सेइं विश्वास केरम।" 6 प्रभु यीशुए ज़ोवं, "अगर तुशशो विश्वास सिबलारे गलेवे बराबर भी भोलो त तुस इस तूतेरे बुटे जो ज़ोई सकतथ इट्टां उखड़ ते समुन्द्रे मां लग त तै तुशशो हुक्म मनेलो। 7 "तुसन मां एरो कौन आए, ज़ेसेरो नौकर उडारां बेंतो भोए या गोरू च़ारतो भोए ते ज़ैखन तै उडारे मरां घरे एज्जे त तैसेरो मालिक तैस ज़ोए कि, 'लूशी बिशथ ते रोटी खा।' 8 या एन न ज़ोए कि मेरी रोटी तियार केरथ ते ज़ां तगर अवं खेइ पीं नन्ना ते ज़ां तगर अवं रेज़्ज़ी नन्ना तू मेरी सेवा केरतो राए, तैल्ला पत्ती तू भी खा? 9 कुन तै एल्हेरेलेइ नौकरेरू अहसान केरेलो कि, तीं तैन कियूं ज़ैन तीं केरनेरे लेइ ज़ोवरू थियूं? 10 एन्चरे ज़ैखन तुस एन सब केरेले ज़ैस केरनेरो तुसन हुक्म दित्तोरो थियो, त ज़ोथ कि, 'असां निकम्मे नौकर आम? असेई तैन्ने कियूं ज़ैन केरनु चाते थियो।' 11 एक्की फेरे यीशु त कने तैसेरे चले यरूशलेम नगरेरे पासे च़लारे थियो। तैना सामरिया ते गलीले इलाके मांमेइं च़लारे थियो। 12 ज़ैखन तैना एक्की इलव्वें मां पुज़ने बाले थियो त तैड़ी दश कोढ़ी मैल्ले ज़ैना दूर खेडारे थियो। 13 तैनेई बडे ज़ोरे सेइं ज़ोवं, "हे यीशु, हे प्रभु, असन पुड़ दया केर।" 14 यीशुए तैन लेइतां ज़ोवं, "यरूशलेम नगरेरे मन्दरे मां गाथ ते अपनो आप याजकन हिराथ, ते सच्छे एरू भोवं कि गाते बार बत्तां तैन केरू कोढ़ साफ़ भोइ जेवं।" 15 पन तैन मरां अक कोढ़ी अपनू कोढ़ हेरतां कि, तैसेरू कोढ़ साफ़ भोरौए खुशी भोइतां बडे ज़ोरे सेइं परमेशेरी तारीफ़ केरतो वापस यीशु कां अवं 16 ते ते यीशुएरे पावन पुड़ दोग्ग रेखतां शुक्रु लगो केरने। ए मैन्हु सामरी थियो। 17 यीशुए तैस पुच्छू, "कुन तैन दश कोढ़ी केरू कोढ़ साफ़ नई भोवरू? फिरी तैना कोरां जे? 18 कुन एस गैर यहूदी मैनेरे अलावा तैन होरन एत्री हिम्मत न अई, कि गेइतां परमेशेरी महिमा केरम?" 19 तैखन यीशुए तैस ज़ोवं, "खडो उठ ते च़लो गा तीं मीं पुड़ विश्वास कियो तांए तू बेज़्ज़ोरोस।"

20 फरीसी लोक यीशु पुच्छने लगे, "कि परमेशेरेरू राज़ केइस एजनूए? यीशुए तैन जुवाब दित्तो कि परमेशेरेरू राज़ एरू नई कि कोई तैस लेई बटे। 21 ते ज़ोन कि हेरा इड़ी या उडीए एन्चरे नई बल्के परमेशेरेरू राज़ तुशशे मझाटे।" 22 यीशुए अपने चलन सेइं ज़ोवं, "तै दिहाड़ी भी एजनीए कि, ज़ेइस तुस परमेशेरी दिहैइन मरां अक दिहाड़ी हेरनेरी इच्छा रखले, ज़ेइस मैनेरू मट्टे यानी अवं वापस एजनोंई, पन तुस न लेई बटेले। 23 लोक तुसन सेइं ज़ोले कि, 'हेरा, मसीह इड़ीए,' या 'उडीए या हेरा तै इड़ीए!' पन तुस तैरां न गेइयथ ते न तैन पत्ती न च़ेलथ। 24 किजोकि ज़ेन्चरे बिजली अम्बरे मरां चेमकतां एक्की पासेरां होरि पासे च़ली गाचे, तेन्चरे मैनेरू मट्टू यानी अवं तैस दिहैड़ी बांदो भोलो। 25 पन ज़रूरीए कि ते पेइले दुःख झैल्ले ते इस ज़मानेरे लोक तैस घटिया समझन। 26 ते ज़ेरू इशशे पूर्वज नूहेरे ज़माने मां भोरू थियूं, तेरहु मैनेरे मट्टेरे ज़माने मां भी भोलू। 27 तेइस भी लोक खाते पीते थिये ते डूला भोते रहते थिये। ते ज़ां तगर नूह किशती मां न थियो जोरो तांतगर सब किछ भोतू राव। ते फिरी तूफान अवं ते सब किछ खतम भोइ जेवं। 28 ते ज़ेरू इशशे पूर्वज लूतेरे ज़माने मां भोरू थियूं, कि लोक खाते पीते थिये बुपार केरते, बागां लाते ते घरां बनाने मां मघन थिये। 29 पन ज़ैस दिहैड़ी लूत सदोम नगरे मरां बेडर निस्सो त पत्रोवं अम्बरेरां गंधकेरी अग बैखतां सब किछ खतम केरि छुडू। 30 ते मैनेरे मट्टू यानी मेरू वापस एजनू भी अचानक भोलू। 31 "तैस दिहैड़ी ज़ै लाए पुड़ भोलो त तैसेरो माल सबाब अगर घरे मां भोलो त तैस नेने तै अन्तर न एज्जे, ते ज़ै उडारे मां भोलो तै भी वापस न गाए। 32 लूतेरी कुआन्शी सेइं कुन भोवं याद रख्खा। 33 ज़ै अपनि जान बचानेरी कोशिश केरेलो तै तैस गुवालो, ते ज़ै तैस गुवालो तै तैस बचालो। 34 अवं तुसन सेइं ज़ोताई कि तैस राती दूई मैन्हु एक्की खट्टी पुड़ झुल्लोरे भोले, ते अक नीयो गालो, ते दुइयोवं तैड़ी रालो। 35 दूई कुआन्शां हिट्लाट पइती भोली त अक नेनीए ते अक तैड़ी छडनिये। 36 दूई मैन्हु उडारे मां भोले त अक नेनीए ते अक तैड़ी छडनोए।" 37 एन शुन्तां तैनेई यीशुए पुच्छू, "हे प्रभु असन सेइं ज़ो, एन कोइ भोलू?" यीशुए तैन ज़ोवं, "ज़ैड़ी ज़िग्ग भोते तैड़ी इल्लां जम्हां भोइचन।"

**18** यीशु अपने चलन अक मिसाल देइतां ज़ोवं, कि हिम्मत हारनेरे बगैर प्रार्थना केरती रावरी लोड़। 2 "एक्की नगर मां अक हाकिम रातो थियो। तैन परमेशेरे करां डरतो थियो, ते न कोन्ची मैनेरी परवाह केरतो थियो। 3 तैस नगर मां अक विधवा कुआन्श रहती थी ज़ै तैस हाकिमे कां एइती रहती थी, ते तैस कां मिनत केरती रहती थी कि, मेरो इन्साफ़ केरतां मीं मेरे दुश्मने करां छुटा। 4 पेइले त तैनी एत्रो खियाल न कियो पन ज़ैखन ए हिसाब च़लतो राव, त तैनी अपने मने मां ज़ोवं, 'अवं न परमेशेरे करां डेरि ते न मैनेरी परवाह केरि। 5 पन ए विधवा कुआन्श मीं परेशान केरती राचे, एल्हेरेलेइ अवं एसारो इन्साफ़ केरेलो, नई त एसां अवं बडो ज़लील केरनोई।' 6 तैखन प्रभु

यीशुए ज़ोवं, “शुना ए बेईमान हाकिम कुन लोरोए ज़ोने। 7 बस कुन परमेशर अपने चुनोरे लोकां केरो फैसलो केरने मां चिर लालो, ज़ैना रात दिहैडी फरयाद केरते रातन? 8 अवं ज़ोताई, कि तै तैन केरो फैसलो केरेलो ते लूशी केरेलो। पन फिरी भी ज़ेइस मैनेरू मट्टू यानी अवं एज्जेलो त कुन लोक मीं पुड़ हेजू तगर विश्वास केरते भोलो?” 9 यीशुए किछ एरो लोकन अक मिसाल दित्ती कि, ज़ैन अपनो आपे बड़ो धर्मी समझते थिये ते होरन किछ न थिये बुझते। 10 “दूई मैन्हु प्रार्थना केरने मन्दरे मां जे अक फरीसी मैन्हु थियो, ते होरो धड़त (टेकस) घिन्ने बालो थियो। 11 फरीसी मैन्हु खड़ो भोइतां प्रार्थना केरने ते अपने बारे मां सोचने लगे, कि हे परमेशर अवं तेरू शुक्र केरताई, अवं होरि मैन्हु केरो ज़ेरो नई ज़ैना डैकू, अधर्मी, बदमाशी केरनेबाले, ते इस धड़त नेने बालेरो ज़ेरोई नई, 12 अवं हफते मां दूई बार बरत रखताई, ते अपनि कमेईयरो दशोंव हिस्सो तींजो देताई। 13 “पन तै धड़त नेनेबालो ज़ै दूर खड़खड़ो थियो, तैनी एत्रू भी न केरि बटु, कि अम्बरेरे पासे तक्के बल्के छाती पिट्टतां ज़ोने लगे, ‘हे परमेशर मीं पैपी पुड़ दया केरतां माफ़ केर!’ 14 अवं तुसन सेइं सत्र ज़ोताई, ए धड़न नेनेबाले मैन्हु तैस फरीसी मैन्हु करां धर्मी निस्तां अपने घरजो जेव। किजोकि ज़ै कोई अपनो आप बड़ो बनालो तै निकड़ो बनाव गालो ते ज़ै अपनो आप निकड़ो बनालो तै बड़ो बनाव गालो।” 15 फिरी किछ लोक निक्के बच्चन यीशु कां आन्ने लगे ताके यीशु तैन पुड़ हथ रेखतां बरकत दे। चलेई तैन लाव त तैन धमकाए ते ठाकू। 16 पन यीशुए बच्चे एप्पू कां कुजाए ते चेलन सेइं ज़ोवं, “बच्चन मीं कां एजने देथ एन न ठाका, किजोकि परमेशेरू राज एरां ज़ेरां केरूए। 17 अवं तुसन सेइं सत्र ज़ोताई, ज़ै कोई परमेशेररे राज मां गानेरे लेइ अपनो आप निक्के बच्चन बराबर न बनाए, तांतगर परमेशेररे राज्जे मां दाखल न भोइसखे।” 18 केन्ची यहूदी मैने यीशुए पुच्छू, “हे रोड़े गुरू हमेशारी जिन्दगी हासिल केरनेरे लेइ अवं कुन केरि?” (aiōnios g166) 19 यीशु जुवाब दित्तो, “तू मींजो रोड़ू किजो ज़ोतस? परमेशेररे अलावा होरो कोई भी रोड़ो नई। 20 तू त परमेशेररे हुकमन जानतस, यानी ‘खून न केरा, बदमाशी न केरा, चोरी न केरा, झूठी गवाही न देथ, धोखो न देथ, अपने हाज-बच्चां केरि इज़्जत केरा।” 21 तैनी मैने ज़ोवं, “एना सब हुकम अवं बचपनेरो मन्तो ओरोई।” 22 ज़ैखन यीशुए एन शुन्तां ज़ोवं, “तीं मां एक्की गल्लारी कमी आए, तू ज़ैन किछ तीं कां आए, तैन बेचतां गरीब मैन्नु दे, तैखन तीं स्वर्गें मां खज़ानो मैलेलो। ते एइतां मीं पत्ती च़ल।” 23 ए गल शुन्तां तै बड़ो उदास भोइ जेव किजोकि तै बड़ो अमीर थियो। 24 यीशुए तैस हेरतां ज़ोवं, “अमीरां केरू परमेशेररे राज्जे मां दाखल भोनू केरू आसुखतुए। 25 परमेशेररे राज्जे मां अमीर मैनेरू दाखल भोने केरां ऊँटेरू सांधनेरे पाए मरां निस्नू सुखतू आए!” 26 ज़ैनेई ए गल शुनी त तैना पुच्छने लगे, “फिरी कसेरी मुक्ति भोइ सख्बे।” 27 यीशुए जुवाब दित्तो, “मैन्नु करां त एन न भोइ सके पन

परमेशेर करां सब किछ भोइ बटते।” 28 पतरसे यीशु सेइं ज़ोवं, “हेर असां त सब किछ छेइतां तीं पत्ती च़लोरैम।” 29 यीशु तैन सेइं ज़ोवं, “अवं तुसन सत्र ज़ोताई, कि एरो कोई नई ज़ैनी परमेशेररे राज्जेरे लेइ अपनू घर या कुआन्श ते हाज या बव, दूला या बच्चे शारोरे भोन। 30 तैस इस दुनियाई मां बड़ू जादे, ते एजने बेली दुनियाई मां हमेशारी जिन्दगी मैलनीए।” (aiōn g165, aiōnios g166) 31 यीशुए अपने 12 चले एप्पू सेइं साथी निये ते तैन ज़ोने लगे, हेरा, “अस यरूशलैम नगरे जो च़लोरैम ते नेबेई ज़ैन किछ मैनेरे मट्टेरे बारे मां लिखोरूए तैन पूरू भोलू। 32 तै गैर कौमां केरे हथ्थे देनोए, ते तैना तैसेरो मज़ाक बनाले ते तैस बे इज़्जत केरेले ते तैसेरे तुतरे पुड़ थुकनूए। 33 तैस कोड़े मारले ते तैस मैरी छेइले पन ते दूलेइयोवं दिहाड़े फिरी ज़ाँतो भोलो।” 34 तेनेई ए गल न सेमझी बटी ते यीशुफरी एस गल्लरो मतलब तैन करां छप्पोरो राव। 35 ते एरू भोवं कि ज़ैखन तैना यरीहो नगरेरे नेड़े पुज़्जे त अक कानो मैन्हु बत्तारे इलेखी बिशोरो भीख मगतो थियो। 36 ज़ैखन तैनी हछे मैन्हु केरि छेइं शुनी त ते पुच्छने लगे, “ए कोलहेरी शौर लोरी भोने?” 37 लोकेई तैस ज़ोवं, “यीशु नासरी कोस्कोई च़लरोए।” 38 तै चिन्डां मैरतां ज़ोने लगे, “हे यीशु नासरी दाऊदेरा मट्टां मीं पुड़ दया केर।” 39 यीशुए सेइं साथी च़लने बाले लोक तैस काने मैन्हु झिड़कने ते ज़ोने लगे, चुप रा, पन तै मना जादे ज़ोरे-ज़ोरे चिन्डां मैरतां ज़ोने लगे, “हे यीशु नासरी दाऊदेरे मट्टा मीं पुड़ दया केर।” 40 यीशु खेइवो ते हुकम दित्तो, एस मीं कां आनां ज़ैखन तै तैस कां अव त यीशुए तैस पुच्छू। 41 ज़ो, “अवं तेरे लेइ कुन केरि?” तैनी काने मैने ज़ोवं, “हे प्रभु अवं चाताई कि अपनि एछ्छेईं सेइं लेई बेटि।” 42 यीशुए तैस सेइं ज़ोवं, “बेज्जोई गा तेरे विश्वासे तू बज़्ज़ावरिस।” 43 तै तैखने बेज्जोव ते लहने लगे ते परमेशेररी तारीफ़ केरतो यीशु पत्ती च़लो जेव। एन हेरतां सब लोक परमेशेररी तारीफ़ केरने लगे।

**19** यीशु यरीहो नगरे मांमेइ निस्तां च़लोरे थियो। 2 तैडी अक मैन्हु थियो, ज़ेसेरू नवं जक्कई थियू, तै धड़त घिन्ने बालां केरो अफसर थियो, तै बड़ो अमीर थियो। 3 तैस यीशु हेरनेरो चाऊ थियो, पन तैसेरू कद छोटू थियू, तांए तै हछे मैन्नु मरां लेई न थियो बटतो। 4 एल्लेरेलेइ तै देवइतां अगर जेव ते फ्रेगेरे बुट्टे उबरो गुस्सो किजोकि ज़ैखन यीशु एज्जे त तै तैस रोड़ेचारे लेई सके। 5 ज़ैखन यीशु तैस ठैरी पुजो त तैनी उबरू तेकतां ज़ोवं, “जक्कई लूशी उन्ढो ओस, किजोकि अज़ मीं तेरे घरे दूलाहन च़ारेई एजन्ए।” 6 जक्कई तैखने उन्ढो ओस्सो ते यीशु बेड़ि खुशी सेइं अपने घरे नीयो। 7 एन हेरतां सब लोक शकैइत केरतां ज़ोने लाए, “कि यीशु त एक्की पैपी मैनेरो मेहमान बनोरौए।” 8 जक्कई रोटी खांते बारे खड़ो भोइतां प्रभु सेइं ज़ोने लगे, “हे प्रभु यीशु तक अवं अपनि अध्डी जेइदात कंगालन देताई, अगर केन्चेरू किछ खोरू भोलू त तैस सेत्रे हिस्से वापस देइलो।” 9 तैखन यीशुए तैस सेइं ज़ोवं, “अज़ इस घरे मां मुक्ति ओरिए,

एल्हेरेलेइ इन भी पूर्वज अब्राहमेरू अक मट्टुए। 10 किजोकि मीं कां आनां। 31 ते अगर तुसन कोई पुच्छे, कि तुस एस किजो मैनैरू मट्टु यानी अवं होरि लोकन हमेशारी सजाई करां मुक्ति देने लोरेथ खोलने त तुस जोइयथ, कि प्रभुए एसेरी ज़रूरत आए।” 32 अग्रोवं गानेबाले चेलैई तैन्ने कियू जैन यीशुए जोरू थियुं। 33 एवरोई।” 11 ज़ैखन लोक यीशुएरी गल्लां शुन्ने लगगोरो थिये त ज़ैखन तैना गधेरो बच्चे खोलने लगगोरो थिये त तैसेरो मालिक तैनी तैन अक मिसाल देइतां ज़ोवं, किजोकि तैना यरूशलेम नगरेरे नेड़े पुजोरे थिये ते लोकां केरो खियाल थियो परमेशरेरू तैन पुच्छेने लगे, “तुस एस बच्चे किजो लोरेथ खोलने?” 34 राज लूशी एजन्नु आए। 12 तैनी तैन ज़ोवं, “अक बड़ो अमीर तैनेई जुवाब दित्तो, “प्रभुए एसेरी ज़रूरते।” 35 तैनेई ते बच्चो मैनहु होरि मुलखे मां चलो, ताके तैस मुलखेरो मेंत्रेरो ओदो घिन्तां खोलतां यीशु कां आनो, ते यीशुए तैस पुड़ अपना लिगाड़ां छेइतां वापस एज्जे। 13 तैनी अपने सेवादारन मरां दश ज़न्हे कुजाए, ते तैस पुड़ च्चेइतां चलो जेव। 36 ज़ैखन तैना चलोरे थिये त लोकेई तैन दश मोहरां देइतां ज़ोवं, ‘मेरे वापस एजने तगर इस पेंडसे अपना लिगाड़ां बत्ती मां बिछां। 37 ज़ैखन तैना यरूशलेम नगरे सेइं कारोबार केरथा।’ 14 पन तैस ठैरी लोक तैस सेइं नफरत नेड़े पुजे त ज़ैइं बत ज़ैतन पहाड़े पुड़ेरां उन्दी गातीए तैड़ी सारे केरते थिये, तैनेई किछ लोक भेजतां तैस जो बिस्तार भेजो, चेलैई एना चमत्कार हेरतां ते खुशी भोइतां परमेशरेरी तारीफ़ कि अस न चाम ए मैनहु असन पुड़ राज़ केरे।” 15 “ज़ैखन ते केरने लगे कि, 38 “धने तै राजो ज़ै परमेशरे नव्वं सेइं एइते! हुकुमतरो ओदो हासिल केरतां वापस अव त तैनी अपने सेवादारे ते स्वर्गं मां महिमा ते अम्बरे मां शान्ति भोए।” 39 तैन मैनन् जो समदा भेजो। ज़ैना तैनी कारोबारे लेइ पेंडसे दित्तोरे थिये मां किछ फरीसी लोक भी थिये। तैना यीशु सेइं ज़ोने लगे, “हे ताके सेब्मी केरो पतो केरे कि केनि केरू कियेरू आए। 16 पेइले गुरू अपने चलन ज़ो कि चुप केरन।” 40 यीशुए तैन जुवाब मैनै एइतां ज़ोवं, ‘हे मालिक मीं तेरी दश अश्रेफेइं सेइं दश होरि कमेई।’ 17 तैनी तैस सेइं ज़ोवं, ‘तीं दश अश्रेफेइं सेइं इमानदेरी दित्तो, “अवं तुसन जोताई, अगर एना लोक चुप केरन त इना सेइं कम कियू गा तीं दश नगरन पुड़ अधिकार दित्तो गाते।’ 18 घोड़ ज़ोरे सेइं परमेशरेरी तारीफ़ केरेले।” 41 यरूशलेम नगरे मां पुजतां यीशु यरूशलेम नगरेरो हाल हेरतां तैस लेरां छुटी। 42 ते ज़ोने लगे, “अगर तुस सिर्फ़ इस दिहेइरे बारे मां जानते भोथे, ज़ै तुसन शैन्तरे पासे नेती! पन ई गल हुना तुशुए एछ्छन करां छपोरीए। 43 तीं तैना दिहाड़े हेरने पेनेन ज़ेइस तेरे दुश्मन तेरे ज़ै तुसन शैन्तरे पासे नेती! पन ई गल हुना तुशुए एछ्छन करां च्चेरे पासन मोरच्चो बंधतां ते तीं घेरो देले, ते हर पासेरां तीं पुड़ देतो थियो, पन प्रधान याजक ते शास्त्री लोकेई यीशु मारनेरी हमलो केरेले। 44 तुशुशे दुश्मन तुसन नाश केरेले, ते सैरी लोकन मारेले, ते तीं पुड़ घोड़े पुड़ घोड़ बाकी न रालो। किजोकि ज़ेइस परमेशर तुसन बघानेरे लेइ ओरो थियो तुसेईं न पिशानो।” 45 तैखन तै मन्दरे मां जेव ते तैड़ी तैने बुपारी ते गाक बेइरोवं कढने तैखन तै मन्दरे मां जेव ते तैड़ी तैने बुपारी ते गाक बेइरोवं कढने शुरू किये। 46 तैनी तैन सेइं ज़ोवं, “पवित्रशास्त्रे मां लिखोरू ‘मेरू मन्दर प्रार्थनारू घर भोलू,’ पन तुसेईं त डैकू केरो अट्टो बनेइतां रखोरोए।” 47 ते तै तैस पवित्र दहेड़ी मन्दरे मां शिक्षा देतो थियो, पन प्रधान याजक ते शास्त्री लोकेई यीशु मारनेरी कोशिश मां लगगोरो थिये। 48 पन तैन एन केरनेरो मौको न थियो मैलतो, किजोकि सारे लोक यीशुएरी गल्लां शुन्नेरे लेइ च्चेरे पासन बिश्शोरे रहते थिये।

**20** एक्की दिहाड़े ज़ैखन यीशु मन्दरे मां शिक्षा लोरो थियो देने, ते तैन खुशखबरी लोरो थियो शुनाने त प्रधान याजक ते शास्त्री ते यहूदी बुजुर्ग यीशु कां पुजे। 2 ते तैना ज़ोने लगे, “तू एन सैरी गल्लां कसरे अधिकारे सेइं केरतस या तीं ए अधिकारे केनि दित्तोरोए?” 3 यीशु तैन जुवाब दित्तो, “अवं भी तुसन अक गल पुछतई, मीं ज़ोथ। 4 यूहन्नारो बपतिस्मो स्वर्गे तरफां थियो या मैनहु केरे तरफां थियो?” 5 तैना एप्पू मांमेइ बँस केरने लगे, “कि अगर अस ज़ोम, ‘स्वर्गे तरफां थियो,’ त तै पुछेलो कि, ‘फिरी तुसेईं याकीन की नई कियेरू?’ 6 पन अगर अस ज़ोम कि, ‘मैनहु केरे तरफां थियो,’ त लोकेई असन घोड़ेईं देनिन, किजोकि तैना यूहन्ना नबी मन्ते थिये।” 7 एल्हेरेलेइ तैनेई जुवाब

दित्तो, “कि अस न ज्ञानम कि केसेरी तरफां थियो।” 8 यीशु तैन सेइं ज़ोवं, “त अवं भी तुसन सेइं न ज़ोईं कि एना कम्मां कसेरे अधिकारे सेइं केरताई।” 9 फिरी यीशु तैन लोकन अक मिसाल देइतां ज़ोने लगे, “एक्की मैने दाछरी बाग लाईं ते तै ठेकेदारन ठेके पुइ देइतां एप्पू खरे घिरे कोस्कोईं दूर मुखखे चलो जेव। 10 ज़ेइस दाछ पकनेरो मौसम अव त तैनी अपनो हिस्सो नेनेरे लेइ अक नौकर बागी मां भेजो। पन तैनेईं तै खूब कुटो ते खाली वापस भेजो। 11 ते फिरी तैनी अक होरो नौकर भेजो, पन तैनेईं तैसेरी भी बेइजती की, ते तै भी झूस कुट केरतां खाली वापस भेजो। 12 फिरी तैनी अक टलेइयोवं होरो नौकर भेजो, पन तैनेईं तैसेरी भी बेइजती की ते ज़ख्मी केरतां कढो। 13 तैखन बागारे मालिके ज़ोवं, ‘अवं अपनू ट्लारू मट्टू भेजताईं शेइद तैना तैसेरो लिहाज केरेलो।’ 14 पन ज़ैखन ठेकेदारें तै लाव त एप्पू मांमेंइं मुशोरो केरने लगे, ए मालिके, एज्जा एस्से मारम ताके जेइदात इशशी भोइ गाए। 15 तैनेईं तैन मट्टू बागी मरां बेइर शैरी छुट्टु, ते मारू तुस सोचा कि फिरी बागारे मालिके तैन सेइं कुन केरेलो। 16 ते मालिके एइतां तैन मैरी छड़ेलो ते बाग होरि केरे हवाले केरेलो।” तैनेईं पन शुन्तां ज़ोवं, “परमेशर न केरे एरू न भोए।” 17 तैनी तैन केरे पासे तेकतां ज़ोवं, “फिरी इन कुने ज़ैन पवित्रशास्त्रे मां लिखोरूए कि, ‘ज़ै घोइ मिस्त्रेईं रद्दी कियो, तैए घोइ कूनेरो घोइ भोलो।’ 18 ज़ै मन्हु इस घोड़े पुइ बिछड़ेलो त तैसेरे टुकड़े-टुकड़े भोइ गाले, ते ज़ैस उन्ढो ए घोइ बिछड़ेलो तैस ए पितां छड़ेलो।” 19 शास्त्री लोकेईं ते प्रधान याजकेईं यीशु ट्लानेरी कोशिश की। किजोकि तैना बुझी जोरे थिये, कि तैनी ए मिसाल एन केरे बारे मां शुनेवरी थी, पन तैना लोकन करां डरते थिये। 20 तैना लोक यीशुए ट्लानेरो मौको तोपने लोरे थिये, तैनेईं विशवैसी केरे रूपे मां जासूस भेजे ताके तैसेरी कोई गल टलेइ सखन ते फिरी राजेरे अधिकारे मां देइ देन। 21 तैनेईं यीशु पुच्छू, “हे गुरु अस ज्ञानतम कि तू सच्चो आस ते सच्चैरी शिक्षा देतस, ते केन्चेरी तरफदारी न केरस बल्के सच्चै सेइं परमेशरेरी बत्तरी शिक्षा देतस। 22 कुन असन महाराजे जो थइत देनी जेइजे कि नेईं?” 23 यीशुए तैन केरि चलाकी बुझतां तैन जो ज़ोवं। 24 “मीं अक दीनार हिराथ ते एस पुइ केसेरी शकल ते केसेरू नंवे?” तैनेईं ज़ोवं, “महाराजेरी।” 25 यीशु तैन सेइं ज़ोवं, “ज़ैन महाराजेरू तैन महाराजे जो देथ, ते ज़ैन परमेशरेरू ए, तैन परमेशरे जो देथ।” 26 ते तैना लोकां केरे सामने तैसेरी कोई गल न टलेइ सखे बल्के तैसेरे जुवाबे सेइं तैना हैरान भोइतां चुप रेइजे। 27 फिरी सदूकी ज़ैन ज़ोते थिये कि मुवोरे ज़ीते न भोन ते फिरी किछ यीशु कां एइतां पुच्छने लगे। 28 “हे गुरु असन जो मूसरो हुक्मे कि अगर केन्चेरो ढला अपनि कुआन्शारे भोंते संते ओईट्ल मेरि गाए त तैसेरो ढला तैस कुआन्शी सेइं इला बनाए, ताके तै अपने ढलाएरे लेइ औलाद पैदा केरे। 29 सत ढला थिये पेइले इला बनाव ते ओईट्ले मेरि जेव। 30 फिरी होरे तैस सेइं इला बनाव। 31 फिरी तैल्ला पत्ती टलेइयोवं तै

कुआन्श रखवी फिरी एन्चरे सेइं सत्तेईं ज़नेईं इला बनाव, पन सब बेऔलाद मेरि जे। 32 ते आखकारि तै कुआन्श भी मेरि जेईं। 33 ते ज़ीते भोने पुइ तै केसेरी कुआन्श भोली? किजोकि तै सत्ते ढलां केरि कुआन्श बनोरी थी।” 34 यीशुए तैन सेइं ज़ोवं, “इस दुनियारे लोकन मां त इला बनानेरो दस्तूर। (aiōn g165) 35 पन ज़ैना लोक एजने बैली दुनियारे काबल भोले, ते ज़ैना मुइदन मरां ज़ीते भोले तैना इला न बनाले। (aiōn g165) 36 तैना मरेले भी नन्ना एल्हेरेलेइ की तैना स्वर्गदूतां केरे ज़ेरे भोले ते तैन जो ज़ीते भोनेरां ते परमेशरेरां मट्टां ज़ोले। 37 ते ज़ैडी तगर मुइदां केरो ज़ीते भोनेरी गल्ले, जेन्चरे मूसा नेबेरे ज़लते झैल्लोवेरे बारे मां, तेन्चरे इशारो कियो किजोकि तै परमेशर अब्राहमेरो परमेशर, इसहाकेरो परमेशर ते याकूबेरो परमेशर जोइतां फुकारतो थियो। 38 पन परमेशर मुइदां केरो नईं बल्के ज़ीतां केरो परमेशरे। किजोकि तैसेरे नेडे सब ज़ीतेन।” 39 शास्त्री लोकन मरां किछेईं जुवाब दित्तो, “हे गुरु तीं त बडू रोडू ज़ोवं।” 40 फिरी तैन मरां केन्वी हिम्मत न अई, कि एस होरू किछ पुछन। 41 फिरी यीशुए तैन सेइं ज़ोवं, “फिरी मसीह जो दाऊदेरू मट्टू केन्चरे सेइं ज़ोतन? 42 किजोकि दाऊद त एप्पू भजना केरे किताबी मां ज़ोते, परमेशरे मेरे प्रभु सेइं ज़ोवं, मेरे देइने पासे बिश। 43 कि ज़ां तगर अवं तेरे दुश्मन तेरे पावन हैठ न बिशेली। 44 दाऊद त तैस जो प्रभु ज़ोते, फिरी तैन तैसेरू मट्टू केन्चरे भोवं?” 45 ज़ैखन सब लोक शुनी राहोरे थिये त यीशुए अपने चलन सेइं ज़ोवं। 46 “शास्त्री लोकन करां हुशार रेइयथ तैना लम्मे-लम्मे कुरते लाने पसंद केरतन, ते होरू एन चातन कि लोक बज़ारन मां तैन जो नमस्कार ज़ोन, ते तैना प्रार्थना घरे मां उच्ची कुर्सीं तोपतन ते धामन मां बडे खास बनू चातन। 47 तैना विधवां कुआन्शां करां घरां लुटतन ते लोकन हिरानेरे लेइ बडी लम्मी प्रार्थना केरतन। तैन हछछी सज़ा मैलनीए।”

**21** यीशु अमीर लोकां केरे पासे तकने लगे, ज़ैना-ज़ैना दान-पेट्टी मां दान लोरे थिये छडने। 2 तैनी अक बडी गरीब विधवा कुआन्श लाईं ज़ैसां दूईं पेंडसे यानी अक धेलो च़ाढो। 3 तैखन यीशुए ज़ोवं, “अवं तुसन सेइं सज़ ज़ोताईं कि दान-पेट्टी मां दान देने बालन मरां सेबभन करां जादे इस विधवा कुआन्शां दान दित्तू। 4 किजोकि तैनेईं त अपनि दौलती मरां सिर्फ धगसेरे पेंडसे परमेशरे घरे मां दित्तोरेन पन इस कुआन्शां अपनि गरीब हालती सेइं ज़ैन किछ एसाेरे पल्ले थियूं सब किछ देइ छडू।” 5 किछ लोक मन्दरे बारे मां ज़ोने लोरे थिये, कि बडे माघे घोड़ेईं सेइं ते दान कियोरी चीज़न सेइं बनोरूए, त यीशुए ज़ोवं। 6 “तैना दिहाड़े एजने बालेन कि इन चीज़ां ज़ैना तुस इडी लहने लोरेथ इडी घोड़े पुइ घोइ नईं रानो ज़ै बछोडो न गालो।” 7 तैनेईं यीशुए पुच्छू, “हे गुरु जी एन गल्लां केइस भोनिन? ते तैन केरो दुनियाईं मां एजनेरो कुन निशान भोनीए।” 8 यीशुए तैन ज़ोवं, “खबरदार टेपलोईयथ नन्ना, किजोकि काई लोक मेरे नंवे सेइं एजनेन ते तैनेईं ज़ोनूए कि अक्वे मसीह आई, ते मौको भी नेडे

पुजोरोए तुस तैन पत्ती न गेइयथ। 9 ते ज़ैखन तुस लडेइयरी त उलझनरी अफुवां शुनेले त डेरथ नन्ना, किजोकि एन गल्लां केरू पेइले भोनू ज़रूरीए, पन तेइसे खातमों नई भोनो।” 10 तैखन यीशुए ज़ोवं, “किजोकि कौमी पुड कौम, ते राज़े पुड राज़ ज़िन्दगरे फिक्रे सेइं कमजोर भोए, ते तैस दिहाड़े तुशशे लेइ अक चढहाई केरेलू। 11 ठारी-ठारी बडे-बडे भुंजल एजनेन ते काल पेनोए ते बिमारी फैलनिएं ते बुरी-बुरी गल्लां भोनिन ते अम्बरे मां आजीब निशान लेइहोनेन। 12 एन सब गल्लां भोने करां पेइले तुशशे दुश्मन तुसन सिर्फ मेरे नख्खेरे वजाई सेइं ढप्पेले ते तुसन सताले ते प्रार्थना घरेरी आदालती मां हाज़र केरेले ते कैद केरेले ते गवर्नरन ते कने राज़न कां पैश केरेले। 13 तैखन तुसन मेरी गवाही देनेरो रोडो मौको मैलेलो। 14 पन तुसन कोई ज़रूरत नई, कि पेइले फिक्र केरने लगथ कि अस कुन ज़ोमेलो। 15 किजोकि अवं तुसन एरी ज़बान ते अक्ल देइलो, कि कोई भी मुखालफ तुशशे सामने खडो न भोइ सकेलो ते न लोक तुशशे खलाफ किछ ज़ोई सकेलो। 16 ते तुशशे हाज बव ते ढूला ते रिशतेदार ते दोस्त तुसन सेइं बैर केरेले ते तुसन मरां किछन मारेले भी। 17 ते मेरे नख्खेरे वजाई सेइं सारे लोक तुसन सेइं नफरत केरेले। 18 पन तुशशे दोगगरो कोई बाल बांको न भोलो। 19 सब किछ झेलतां तुस अपनि जान बचेइ साखेलो।” 20 “ज़ेइस तुस यरूशलेम नगर चेत्रे पासन फौवजेइं सेइं घेरू लाले, त बुझथ कि एस नाश भोनेरे दिहाड़े नेडे ओरेन। 21 तैस मौके ज़ैन यहूदिया मां भोले तैना पहाड़े पुड जो नेशशी गान ते ज़ैना यरूशलेम नगरे मां भोले त तैन बेइरोवं निसन ते ज़ैना इल्लोवन मां भोले त तैना नगर मांजो न गान। 22 किजोकि एना बदलेरे दिहाड़े भोले, एन मां तैन सब किछ ज़ैन पेइलू पवित्रशास्त्रे मां लिखोरूए तैन पूरू भोनूए। 23 तैन दिहाड़न मां ज़ैना दोर्जीती त दुद्ध पियाती कुआन्श भोली, तैन केरे लेइ अफसोस! किजोकि धेरती पुड बड़ी मुसीबत एजनीए ते एस कौमी पुड बड़ी आफत एजनीए। 24 तैना सब तलवारी सेइं मारे गाले ते गुलाम बेनतां सेबभी कौमन मां पुजेले ते गैर कौमां केरो मौको पूरो भोने तगर यरूशलेम नगर गैर कौमेईं सेइं पस्त भौंतो रालू। 25 “दिहाड़े चेंदनरी ते तारन मां निशान बांदे भोनेन ते धेरती पुड कौमन बड़ी तकलीफ पुजनिंये, किजोकि समुन्द्रेरी लैहेरां केरि शौरी सेइं तैना डेरि गानेन। 26 डेरं मारे एजने बैली मुसीबतरे इंतज़ार केरते-केरते तैन केरे होश उड़ी गानेन, किजोकि अम्बरेरी सैरी शक्ति हिल्लेली। 27 तैखन लोक मैनेरू मट्टे बेडि शक्ति ते महिमा सेइं बिदलारी मां एंडतू लाएले। 28 ज़ैखन एन गल्लां भोनी शुरू भोली त सिधे खडे भोइतां उबरू तेकथ, किजोकि तुशशो छुटकारो भोने बालोए।” 29 फिरी यीशुए तैन अक मिसाल देइतां ज़ोवं, “तुस फ्रेगरे बुट ते होरि बुट्टन भी हेरतथ। 30 ज़ेरि तैस गुडी लेगनी शुरू भोइचन? त तुस हेरतां बुझतथ कि नेला ओरोए। 31 एसेरो ज़ेरो, ज़ैखन तुस एना गल्लां, ज़ैना मीं ज़ोई, भोते हेरेले, त तुस बुझ्जी छड्डा कि परमेशरेरू राज़ नेडे ओरूए। 32 अवं तुसन सेइं सज़ ज़ोताई, कि ज़ां तगर एन गल्लां पूरी

न भोन, एस कौमरो खातमों न भोलो। 33 धरती अम्बर टेली गालू पन मेरी गल्लां कथे न टेलेली। 34 “बस्सा खबरदार भोथ कोस्कोई एरू न भोए कि तुशशो दिल नशे मां मसत भोइतां इस ज़िन्दगरे फिक्रे सेइं कमजोर भोए, ते तैस दिहाड़े तुशशे लेइ अक मुसीबत बने। 35 किजोकि ते इस सैरी धेरती पुड ज़ेरे लोकन तैन सेबभन पुड एन्चरे एजनीए। 36 बस्सा, हर वक्त तियार राथ ते प्रार्थना केरते राथ, ताके तुस एन गल्लन करां ज़ैना भोने बैलिन बेंचतां राथ, ते मैनेरे मट्टे कां खडे भोनेरे काबल भोथ।” 37 यीशु रोज़ मन्दरे मां शिक्षा देतो थियो, ते राती ज़ैतन पहाड़े पुड रातो थियो। 38 झेझां सारे लोक यीशुएरी गल्लां शुन्नेरे लेइ मन्दरे मां तैस कां एइते थियो।

**22** अखमीरी तिहारेरी दिहाड़ी ज़ैस जो फ़सह ज़ोतन नेडे ओरी थी। 2 प्रधान याजक ते शास्त्री मौको तोपने लोरे थिये कि यीशु केन्चरे मारम। किजोकि तैना लोकन करां डरते थिये। 3 ते शैतान यहूदा मां बेस्सी जेव तैस जो इस्करियोती भी ज़ोते थिये, ते तै यीशुएरे 12 चेलन मां गनो गातो थियो। 4 दे तै प्रधान याजकन ते प्रार्थना घरेरे किछ खास पुच्छने गन्ने लोकन कां जेव ते तैन सेइं मुशारो केरने लगी कि केन्चरे सेइं यीशु तैन केरे हवाले केरी बटते। 5 तैना बडे खुशी भोए ते तैस पेंडसे देनेरो वादो कियो। 6 तैनी तैन केरि गल मन्नी ते मौको तोपने लगी, कि यीशु केन्चरे सेइं तैन केरे हावाले केरे ते केन्ची पतो न लगगे। 7 अखमीरी रोट्टरू तिहार नेडे ओरू थियू, ज़ैस फ़सह तिहारे मां गबडेरू बलिदान देनू ज़रूरी थियू। 8 यीशुए पतरस ते यूहन्ना एन जोइतां भेजे, “कि गथ ते इश्शे लेइ फ़सह तिहारेरी रोटी तियार केरा।” 9 चलेईं पुच्छू, “कि तू कोडि चातस कि अस तींजो फ़सह तिहारेरी रोटी तियार केरम?” 10 यीशुए तैन जुवाब दित्तो, “नगर मां गाते तुसन अक मैन्हु मैलनोए ज़ै पैनरो घडो घिन्तां चलोरो भोनोए, तैस पत्ती गेइयथ ते ज़ैस घरे मां तै गालो तुस भी गेइयथ। 11 तैसेरे मालिके सेइं ज़ोइयथ कि गुरे ज़ोरूए कि ट्लाहना केरि ठार कोडि आए, ज़ैडी अवं अपने चेलन सेइं साथी फ़सह तिहारेरी रोटी खेइ सेखी? 12 ते तुसन दोपरे नेइतां अक बड्डो कमरो हिरालो ज़ै खूब रोड़ेचारे सज़ेवरो भोनोए तैडी इश्शे लेइ तियारी केरथ।” 13 तैनेईं तैडी गेइतां सब किछ तेरहु लाव ज़ेरू तैनी ज़ोरू थियू, ते तैडी फ़सह तिहारेरी रोटी तियार की। 14 ज़ैखन रोटी खानेरो मौको अव त यीशु अपने प्रेरितन सेइं साथी बिश्शारे थिये। 15 ते यीशुए तैन सेइं ज़ोवं, “मेरी ए बड़ी इच्छा थी, कि अपनो दुःख झल्लने (मरने) करां पेइले एक्की बार फ़सह तिहारेरी रोटी तुसन सेइं साथी खेइ। 16 किजोकि अवं तुसन सेइं ज़ोताई, कि अज़ेरां पत्ती तांतगर न किछ खेइ सेखी, ज़ां तगर परमेशरेरे राज़ेरू कम पूरू न भोए।” 17 फिरी यीशुए दाछरे रसेरो कटोरो ट्लातो ते परमेशरेरू शुक्र केरतां चेलन दित्तो ते ज़ोवं, “यांथ ते एप्पू मांमेइं बंटा। 18 किजोकि अवं तुसन सेइं ज़ोताई कि अज़ेरां पत्ती दाछारो ए रस फिरी तांतगर न पीलो ज़ां तगर परमेशरेरू राज़ न एज्जे।” 19 फिरी यीशुए रोटी ट्लाती ते



परमेश्वर शुक्रेण कर्तां दलोडी ते तैसरे दुक्डे बनेइतां अपने चलन एन ज़ोइतां दित्ती, “कि ई मेरी जाने ज़ै तुशशे लेइ अवं देताई ते तुस भी मेरी यादगैरी मां एन्ने करते रेइयथा।” 20 एन्चरे रोट्टी खानेरे बाद तैनी कटोरो द्लातो ते चलन कां दित्तो ते ज़ोवं, “कि ई कटोरो मेरो तैस खूनरो नंक्वो करारे ज़ै तुशशे लेइ दित्तोरोए। 21 पन हेरा मीं द्लुवाने बालो मीं सेइं साथी खाने लोरोए। 22 किजोकि मैनेरू मट्टू त हुनी च़ल्लोरोस ज़ेन्चरे कि तैसरेलेइ पेइले एन पक्कू भोरूए पन तैस मैन्हु पुइ अफ़सोस ज़ेसरे हथेइं तै गिरफ़तार भोए।” 23 एन शुन्तां तैना एप्पू मांमेइं पुच्छने लगे, “असन मां एरो ज़ेरो कौने ज़ै एन कम केरेलो?” 24 तैन एस गल्ली पुइ एप्पू मांमेइं बेंस भोइ कि असन मां बड्डो कौने? 25 यीशु तैन सेइं ज़ोवं, “गैर कौमन पुइ तैन केरे राज़े राज़ केरतन, ते ज़ैन केरो तैन पुइ अधिकारे भोते तैन जो भलाई केरनेबाले ज़ोतन। 26 पन तुसन मां एरू लोडे भोवरू, तुसन मां ज़ै बड्डोए तै निकडेरें बराबर बने ते ज़ै खास आए तै सेवकेरे बराबर बने। 27 किजोकि बड्डो कौने? ज़ै तैस कां साथी बिशोरोए या तै ज़ै तैसेरो चेलोए? कुन ते तैस कां नई बिशोरो? पन अवं त तुसन मां अक सेवकेरे बराबर आईं। 28 पन तुस तैना आथ ज़ैना मेरी अज़मैइशरे मौके बराबर मीं सेइं साथी रातथ। 29 ज़ेन्चरे बाजी मीं अक राज़ दित्तोरूए अवं भी तुसन अक राज़ देताई। 30 ताके तुस मेरे राज़े मां मीं सेइं साथी बिशतां खाथ पीथ, बल्के बडे-बडे शाही तखतन पुइ बिशतां इसाएलैरे 12 गोत्रां केरो इन्साफ़ केरेले।” 31 “शामौन, शामौन, खबरदार रा, शैताने परमेश्वरे करां अज़ाज़त मग़ोरीए कि तुसन सेबभन परखे, कि रोडे बुरे करां अलग केरे ज़ेन्चरे ज़मीनदार गेहुंन करां झाझ अलग केरते। 32 पन मीं तेरे लेइ प्रार्थना की, कि तू मीं पुइ विश्वास केरनो न शारस, ज़ैखन तू मन फिरास त अपने विश्वासी दलान मज़बूत केरां।” 33 पतरसे यीशु सेइं ज़ोवं, “हे परमेश्वर तीं सेइं अवं कैद भोने बल्के मरनेरे लेइ भी तियार आईं।” 34 पन यीशुए ज़ोवं, “हे पतरस अवं तीं सेइं ज़ोताई कि अज़ कुकडे बांग देने करां पेइले तू मेरो द्लाई बार इन्कार केरेलो कि अवं एस न ज़ैनी।” 35 यीशुए तैन सेइं ज़ोवं, “कि ज़ेइस मीं तुस खुशखबरी शुनाने, बगैर बेटवे, बूटां ते झोलैरे बगैर भेजोरे थिये त तुस केन्ची चीज़ारे घटी भोइ?” तैनेई ज़ोवं, “केन्ची चीज़री नई।” 36 यीशु तैन सेइं ज़ोवं, “पन हुनी ज़ैस कां बेटवो भोए ते साथी रखे ते एन्चरे झोलो भी ते ज़ैस कां तलवार न भोए तै अपनू कोट बेचतां भी तलवार घिन्ने। 37 अवं तुसन सेइं ज़ोताई कि ई गल्ले ज़ै पवित्रशास्त्रे मां लिखोरीए, कि तै पूरी भोए। तै बुरे लोकन सेइं साथी गनो जेव! एल्हेरेलेइ मेरे बारे मां लिखोरी गल्लां पूरी भोने लोरिन।” 38 तैनेई ज़ोवं, “हे प्रभु हेर इडी दूई तलवारन।” तैनी तैन सेइं ज़ोवं “बेडि आन।” 39 फिरी तै बेडर निस्सो ते ज़ेन्चरे तैसेरो दस्तूर थियो, ते ज़ैतून पहाडे पुइ जो च़लो जेव ते तैसेरे चले भी तैस सेइं साथी च़ले जे। 40 तैस ठैरी पुजतां तैनी तैन सेइं ज़ोवं, “प्रार्थना केरा ताके तुस अज़मैइशी मां न पेथा।” 41

यीशुए तैन करां थोडे ज़ेरे अगगर गेइतां ज़ैधू केरे भारे बिशतां प्रार्थना केरने लगे। 42 “हे बाजी अगर तेरी मर्ज़ी भोए त ई दुखेरो कटोरो मीं करां दूर केर, पन फिरी भी मेरी मर्ज़ी पूरी न भोए बल्के तेरी मर्ज़ी पूरी भोए।” 43 तैखन तैनी अम्बरेरां अक स्वर्गदूत लाव ज़ै तैस शक्ति देतो थियो। 44 ते तै परेशान भोइतां होरि जादे दिले सेइं प्रार्थना केरने लगे ते तैसेरो पिस्सीनो बुझा कि खूनैरे बडे-बडे तेप्पु तल्ले झइते थिये। 45 प्रार्थना केरनेरे बाद यीशु अपने चलन कां वापस अव ते तैना गम्मेरे मारे झूलोरे मैल्ले। 46 यीशुए तैन सेइं ज़ोवं, “तुस किजो झूलोरेथ उठा ते प्रार्थना केरा ताके अज़मैइशी मां न राथा।” 47 हेजु यीशुए गल ज़ोने लोरो थियो, त मैन्हु केरो अक जथो तैडी पुजो ते बारहन मरां अक ज़ेसेरू नवं यहूदा थियू, तैन सेइं अग्री-अग्री थियो, ते तै यीशु फुम्मडी देने अगर अव। 48 पन यीशुए तैस सेइं ज़ोवं, “यहूदा कुन तू एक्की फुम्मडी सेइं मीं मैनेरे मट्टे द्लुवातस?” 49 ज़ैखन यीशुएरे सैथेई एन सब हेरू त तैनेई ज़ोवं, “हे प्रभु कुन अस तलवार च़लाम?” 50 ते तैन मरां एक्के महायाजकेरे नौकरे पुइ तलवारां च़लाई ते तैसेरो तैनी कन्न उडाव। 51 पन यीशुए जुवाब दित्तो, “बस्सा बडू भोइ जेवं।” ते यीशुए तैसेरो कन्न तैखने हथ लेइतां बज़ाव। 52 तैखन यीशुए प्रधान याजकन ते मन्दरेरे सिपाही ते बुजुर्ग ज़ैन तैस गिरफ़तार केरने ओरे थिये तैन जो ज़ोवं, “तुस कुन तलवारां ते डंडे घिन्तां मीं डैकू बुझतां दलाने ओरेथ? 53 ज़ेइस अवं तुसन सेइं साथी मन्दरे मां भोतो थियो, त तुसेई मीं सेइं हथ न लाव, पन ई त तुशशे आंधरेरे मौकेरो अधिकारे।” 54 ज़ैखन तैनेई यीशु द्लातो तैस तेट्टां नेइतां महायाजकेरे घरे नीयो, पतरस मीं पत्तपति बल्हे-बल्हे तैरां जेव। 55 तैनेई अंगने मां अग बालोरी थी ते सब बिशतां अग तपने लोरे थिये ते पतरस भी तैन मां थियो। 56 ते अक कुआन्श अगगी कां बिशोरी तकने लोरी थी ते पतरसेरां तेकतां ज़ोने लगी, “कि ई मैन्हु भी तैस सेइं साथी थियो।” 57 पन पतरसे इन्कार केरतां ज़ोवं, “हे कुआन्शे अवं एस न ज़ैनी ए कौने।” 58 थोडी सैइत्रां पत्ती होरे एक्के पतरसेरां तेकतां ज़ोवं, “तू भी तैना केरो साथिस।” पन पतरसे ज़ोवं, “नई अवं नई।” 59 कोई एक्की घंटेरे बाद केन्चे होरे बडे याकीने सेइं ज़ोवं, “ई मैन्हु पक्को तैस सेइं साथी थियो, किजोकि ए भी गलीली आए।” 60 पन पतरसे इन्कार केरतां ज़ोवं, “अवं एस न ज़ैनी तू कुन ज़ोतस?” हेजु पतरसे ए गल ज़ोने लोरो थियो, त कुकडे बांग दित्ती। 61 ते प्रभुए फिरतां पतरसेरे पासे तक्कू ते पतरसे परमेश्वरेती तै गल याद आई, ज़ै तैनी पतरसे सेइं ज़ोरी थी, “कि अज़ कुकडे बांग देने करां पेइले तू मेरो द्लाई बार इन्कार केरेलो।” 62 ते पतरस बेडर गेइतां ज़ोरे-जोरे लेरां देने लगे। 63 ज़ैने मैनेई यीशु अपने तैस बाते थिये। 64 तैना यीशुएरी एछ्छन पुइ पट्टी बेन्थां बाते थिये ते पुछते थिये, “भविष्यवाणी केर ते जो केनि बाहोरिए?” 65 ते तैनेई एन्चरे होरि भी बेडि गल्लां ज़ोई ते तैसेरी तुहीन की।

66 झेझां बुजुर्ग लोक ते प्रधान याजक ते शास्त्री लोकेई यीशु भोरो थियो। 20 पिलातुसे यीशु हथरां छडनेरे इरादे सेई लोकन अपने महासभाई मां आनो, 67 ते ज़ोने लगे, “अगर तू मसीह आस त ज़ो!” यीशुए तैन सेई ज़ोवं, “अगर अवं तुसन ज़ोई भी त तुस मेरू याकीन न केरेले। 68 ते अगर अवं तुसन पुछी त तुस जुवाबे न देले। 69 पन अज़ेरां बाद मैनेरू मट्टू परमेशरेरे देइने पासे बिशोरू लाएले।” 70 एस गल्ली पुड़ तैना सब ज़ोने लगे, “तू परमेशरेरू मट्टू आस?” यीशुए जुवाब दितो, “तुस एप्पू मींजो ज़ोतथ कि तू आस?” 71 तैनेई ज़ोवं, “हुनी असन होरि शाहादातां केरि कुन ज़रूरीए? किजोकि असेई एसेरी ज़बान शुनेरूए।”

**23** तैखन तैना सब तैठ्ठां उठे ते यीशुए पिलातुसे कां घिन्तां जे। 2 ते तैस जो एन ज़ोइतां ए इलज़ाम लाने लगे, “कि ए इश्शे लोकन भडकाते ते महाराजे जो धडत देनेरे लेइ ठाकते, ते अपने आपे जो मसीह राज़ो ज़ोते।” 3 तैखन पिलातुसे यीशुए पुच्छू, “तू यहूदी केरो राज़ोस?” यीशु तैस जुवाब दितो, “तू एप्पू ज़ोतस!” 4 पिलातुसे प्रधान याजकन ते लोकन सेई ज़ोवं, “कि अवं एस मैन्हु मां कोई कसूर न लेई।” 5 पन तैना बड़े घमण्डे सेई ज़ोने लगे, “ए यहूदियारे इलाके करां गलील इलाके तगर बल्के इडी तगर लोकन अपनि शिक्षाई सेई भडकाते।” 6 ज़ैखन पिलातुसे एन शुनू त तैनी पुच्छू, “कुन ए मैन्हु भी गलील इलाकेरो आए।” 7 ते ज़ेरो तैस पतो लगे, कि ए हेरोदेसेरे इलाकेरो रानेबालोए, त पिलातुसे तै हेरोदेस कांजो भेजो। किजोकि तैस वक्ते मां तै एप्पू भी यरूशलेम नगरे मां थियो। 8 ज़ैखन हेरोदेसे यीशु लाव त बड़ो खुशी भोव। किजोकि तैस चरोक्नी देती यीशु हेरनेरी इच्छा थी। तैनी तैसेरे बारे मां बेड़ि गल्लां शुनोरी थी, ते तैस बड़ी उमीद थी, कि यीशुएरो कोई चमत्कार हेरे। 9 तैनी यीशुए बडू किछ पुच्छू, पन यीशुए तैस कोई जुवाब न दितो। 10 पन याजक ते प्रधान याजक ते कने शास्त्री लोक बड़े ज़ोरे शोरे सेई यीशु पुड़ इलज़ाम लाने लगे। 11 तैखन हेरोदेस भी अपने सैथन सेई मिलतां यीशुएरी तुहीन की, ते तैसेरी हासी बनाई फिरी तैस अक चमकतो कुरतो लुवेइतां पिलातुसे कां वापस भेजो। 12 पेइले पिलातुस त हेरोदेस दुश्मन थिये, तैस दिहाड़े तैना दोस्त बेनि जे। 13 तैखन पिलातुसे प्रधान याजक ते सरदार ते होरे लोक अकोट्टे किये। 14 “ते पिलातुसे तैन सेई ज़ोवं तुसेई ए मैन्हु मीं कां एन ज़ोतो आनोरोए कि, ए लोकन भडकाते ते मिमी एसेरी पुछू गन की, पन ज़ैस जुर्मोरो दोष तुस एस पुड़ लातथ, अवं एल्हेरो एसमां कोई कसूर न लेई। 15 ते न हेरोदेस ज़ैनी ए असन कां भेजोरोए तैस भी कोई दोष न मैल्लो, ते असन कां एरू कोई सबूत बरॉमद न भोवं, ज़ैस सेई ए कत्ल कियो गए। 16 तैल्हेरेलेइ अवं एस कोडेइं बाएतां छैडी देताई।” 17 पिलातुस यहूदी केरे फ़सह तिहाररे मौके पुड़ अक कैदी हथरां छडतो थियो। 18 तैना सारे लोक चिन्डां लगे मारने, “कि एस मैन्हु सज़ा देथ ते बरअब्बा इश्शे लेइ हथरां छड्ठा।” 19 बरअब्बा नगर मां गडबडी केरनेरे ते कतलेरे बारे मां पावं

भोरो थियो। 20 पिलातुसे यीशु हथरां छडनेरे इरादे सेई लोकन दुबारू पुच्छू। 21 पन तैना लोक मना चिन्डां लगे मारने, “कि तू एस कूसे पुड़ चाढ एस कूसे पुड़ चाढ।” 22 तैखन पिलातुसे तैन टलेइयोवं फेरे फिरी ज़ोवं, “किजो आखर एनी कुन जुर्म कियोरोए? हेरा एसमां एरू कोई सबूत बरॉमद न भोवं, कि ए मौतरे सज़ारो हकदार भोए, तैल्हेरेलेइ अवं एस कुटेइतां छैडी देताई।” 23 पन तैना चिन्डां मैरी-मैरी ज़ोने लगे, ए कूसे पुड़ चाढोरो लोइते, ते तैन केरि चिन्डां मारनेरी उमीद पूरी भोइ। 24 बस्सा, पिलातुसे ज़ोवं कि तैन केरे मेरज़ेरे मुताबिक कियूं गए। 25 ते ज़ै मैन्हु हुकुमतरे खलाफ ते खूनेरे जुर्म मां कैद थियो, ते ज़ैस हथरां छडनेरे लेइ तैनेई दरखुवास कियोरी थी, ते हथरां छड्ठो पन यीशु तैन केरि मेर्ज़ा सेई सिपाही केरे हवाले कियो। 26 ज़ैखन तैना यीशु नेइतां चलोरे थियो, त तैनेई शमीन कुरेनी ज़ै एक्की डल्लोवोरां ओरो थियो, टलातो ते कूसे तैस कां छूने जो दित्तू, कि तू ई कूसे छुइतां यीशु पत्ती चला। 27 ते बड़े लोक तैस पत्ती चलोरे थिये ते किछ कुआन्शां भी थी ज़ैना यीशुएरे लेइ शौग बनैती थी। 28 यीशुए तैन केरे पासे मुड़तां ज़ोवं, “हे यरूशलेम नगरेरी कुइयाव मेरे लेइ लेरां न देथ, बल्के अपने बच्चां केरे लेइ लेरां देथ। 29 किजोकि तैना मुशकिल दिहाड़े एजने बालेन ज़ैखन लोक एन ज़ोले कि, “धन आन तैना कुआन्शां ज़ैना बेओलादन ते बच्चे न पाले।” 30 “तैस वक्ते लोक पहाइन सेई ज़ोले, “असन उन्हे बिछुइते ते उच्ची ठारन जो ज़ोले, कि असन छपाथ।” 31 किजोकि ज़ैखन तैनेई सब्ज बुट्टे सेई एन केरू, त शुक्कोरे बुट्टे सेई कुन न केरेले?” 32 ते सिपाहेई दूई होरे मुर्जम भी यीशु सेई साथी चलवरे थिये ताके तैन भी मारन। 33 ज़ैखन तैना तैस ठैरी पुज़े ज़ैस जो “खोपडी” ज़ोतन त तैडी यीशु कूसे पुड़ चाढो, ते तैना दूई मुर्जमन भी एक्की यीशुएरे देइने पासे ते होरि बांए पासे कूसे पुड़ चाढे। 34 यीशु ज़ोवं, “हे बाजी एन माफ़ करां एन न ज़ानन् कि एना कुन लोरेम केरने।” ते तैनेई तैसेरे लिगडां केरे लेइ पेरची छेइतां शर्त रख्खू ते एप्पू मामेइं बंटां। 35 लोक खडखडे एन सब किछ हेरने लोरे थिये ते सरदार ज़ोरे-जोरे सेई ज़ोते थिये, “एनी होरे त बचाए ते अगर ए मसीहे ते परमेशरोरो चुनोरे त अपने आपे किजो न बचाए।” 36 सिपाही भी तैस कां एइतां तैसेरी हासी बनाने लगे (किजोकि तै अपनो आप राज़ो बनातो थियो), ते घटया दाछारो रस पीनेरे लेइ तैस देने लगे। 37 “ते ज़ोते थिये तू अगर यहूदी केरो राज़ोस त अपनो आप बचा!” 38 ते तैस कूसे पुड़ यानी यीशुएरे दोग्गे करां बहा अक पखडी लिखतां लेवरी थी, ते तैस पुड़ एन लिखेरू थियूं, “ए यहूदी केरो राज़ आए।” 39 तैन दूई डैकू ज़ैना मारे जे तैन मरां एक्के यीशु जो तुहीन केरतां ज़ोवं, “अगर तू मसीह आस त एप्पू भी बंच ते असन भी बचा।” 40 पन होरे दुइयोवं डैके तैस जो झिड़कतां ज़ोवं, “तीं परमेशरोरो भी डर नई? ज़ै सज़ा तैस मैलने लावरी तीं भी त तैए सज़ा मैलने लोरीए। 41 असन त इन्साफेरे मुताबिक अपने बुरे कम्मां केरि सज़ा मैलने

लोरी पन एनी त कोई गलत कम नई कियेरु।” 42 तैखन तैनी ज़ोवं, “हे यीशु ज़ैखन तू अपने राज़े मां एज्जेलो त मीं भी याद केरां।” 43 यीशुए तैस जो ज़ोवं, “अवं तीं सेइं सच ज़ोताई कि तू अज़े मीं सेइं साथी स्वर्गो मां भोलो।” 44 दीसारे 12 बजेईं सारे मुलखे मां आंधरु भोवं, त ट्लेइ बज़न तगर रावं। 45 दिहाड़ो भी कालो भोव ते मन्दरेरो पड़दो बां देंता बुन तगर फेटतां दूई टुकड़े भोइ जे। 46 यीशुए बड़े ज़ोरे सेइं ज़ोवं, “हे बाजी अवं अपनि आत्मा तेरे हथ्ये मां सोंफताई,” ते एन ज़ोइतां यीशुए प्राण दिते। 47 ज़ैखन रोमी सूबेदार एन सब हेरु त परमेशेरी तारीफ़ केरते ज़ोवं, “ए मैन्हु सच्चे धर्मी थियो।” 48 ते सारे लोक ज़ैना तैडी थियो ए अनर्थ हेरतां छाती पिट्टते चले जे। 49 पन यीशुए सारे दोस्त ते तैना कुआन्शां ज़ैना गलील इलाके मरां यीशुए पत्पती ओरी थी दूर ज़ेरे खेड़ोइतां, ज़ैन किछ भोइ रावरु थियूं सब किछ हेरी रेवरी थी। 50 अक मैन्हु थियो, ज़ेसेरु नवं यूसुफ़ थियूं, तै यहूदी केरि आदालतरु अक मुलाज़म भी थियो, ते अक बड़ो नेक ते धर्मी मैन्हु थियो। 51 तै बेडी आदालत अफसरं केरे फैसलेरे हके मां न थियो। तै यहूदी केरे नगर अरिमतियाह रानेबालो थियो, ते परमेशेरे राज़ेरे तलाशीं मां थियो। 52 तैनी पिलातुसे कां गेइतां यीशुएरी लाश मगी। 53 ते लाश कूसे पुड़ेरां ओसेलतां मलमलेरे कपड़े मां पलेटतां ते एक्की कब्री मां रख्खी, ज़ै एक्की शफ़ड़ी मां बनेवरी थी, तैस कब्री मां पेइले कोई लाश न थी रखोरि। 54 तै तियेरां दिहाड़ी थी ज़ै आरामेरी दिहाड़ी शुरू भोने बाली थी। 55 ते तैना दूई कुआन्शां ज़ैना गलील इलाके मरां यीशुए पत्पती ओरी थी, यूसुफ़ पत्पती जेईं ते तैनेईं तै कब्र हेरी, कि यीशुएरी लाश एसमां केन्वरे सेइं रखोरिए। 56 तैखन तैना अपने घरे वापस आए, ते खुशबूदार चीज़ां ते इत्र तियार कियो ते आरामेरे दिहाड़े मूसरे कानूनेरे मुताबिक आराम कियो।

**24** हफतेरी पेइले दिहेड़ी झेइं किछ कुआन्शां खुशबूदार चीज़ां नेइतां जेईं, ज़ैना तैनेईं तियार कियोरी थी ते एन्तां कब्री कां पुज़ी। 2 पन तैनेईं तै घोड़ कब्री करां बिछड़ोरो लाव। 3 ज़ैखन तैना अन्तर जेईं त तैन यीशुएरी लाश न मैल्ली। 4 तैखन तैना एन हेरतां परेशान भोइ त दूई मैन्हु ज़ैन छित्तां लिगड़ां लेगोरां थियां, तैन कुआन्शन कां एइतां खेड़ोए। 5 तैना कुआन्शां डेरि जेईं ते तैना ज़मीनेरे पासे तकने लगगी। तैन मैनेईं तैन जो ज़ोवं, “तुस ज़ींति, मुइदन मां किजो लोरिथ तोपने। 6 तै इडी नईं बल्के ज़ींति भोरुए तुसन याद नईं कि जेइस तै गलीले मां थियो, त तैनी तुसन ज़ोरु थियूं कि, 7 मैनेरु मट्टु यानी अवं पापी लोकां केरे हथ्ये देनोए ते कूसे पुड़ च़ाढ़नोईं ते फिरी ट्लेइ दिहाड़ां बाद फिरी ज़ींतो भोनोईं।” 8 तैखन तैना यीशुएरी गल्लां याद एईं। 9 तैखन तैना कब्री करां ज़ेलि जेईं, त तैनेईं यीशुएरी 11 चलन ते बाकी होरि चलन भी एस गल्लरो पतो दित्तो। 10 ज़ैनेईं प्रेरितन सेइं गल्लां की, मरियम मगदलीनी योअन्ना ते याकूबेरी अम्मा मरियम ते तैस सेइं साथी होरि भी काई कुआन्शां थी। 11 पन तैन, तैन केरि गल्लां कहानी लगगी, ते

तैनेईं तैन केरु याकीन न कियूं। 12 पन पतरस उठो ते तै कब्रेरे पासे दौवड़तो तैस ठेरी कां जेव, ते तैडी तैनी लिक्तां अन्तर तकू ते सिर्फ कफन तैडी लाव, ते एस गल्ली पुड़ हेरान भोइतां तैट्टां चलो जेव। 13 फिरी एरु भोवं कि तैन मरां दूई चले तैस दिहेड़ी एक्की ड़्लोव्वेरे पासे च़ल्लोरे थियो, तैस ड़्लोव्वेरु नवं इम्माऊस थियूं। तैन यरूशलेम नगरेरां 11 किलोमीटर दूर थियूं। 14 तैना एप्पू मांमेइं एस्से बारे मां गल्लां केरते च़ल्लोरे थियो ज़ै बितना बीतोरी थी। 15 ज़ैखन तैना गल्लन मां मसत थियो, ते एप्पू मांमेइं गलबत लोरे थियो केरने त यीशु एप्पू तैन कां नेडे एइतां तैन सेइं साथी-साथी चलने लगे। 16 पन तैनेईं यीशु न पिशानो किजोकि परमेशेरे तैना पिशान्ने करां रोकोरे थियो। 17 यीशुए तैन जो ज़ोवं, “तुस लोक एप्पू मांमेइं कुन गल्लां केरने लोरिथ?” तैना रूकी जे, ते तैन केरु तुतर उदास लेइहोने लग्गु। 18 तैखन तै ज़ेसेरु नवं क्लियुपास थियूं, तैस सेइं ज़ोने लगे, “यरूशलेम नगरे मां सिर्फ तू अक मैन्हु आस ज़ैस पतो नईं कि, आखरी दिहाड़न मां कुन-कुन भोने लोरुए।” 19 यीशुए ज़ोवं, “कुन लोरुए भोने?” तैनेईं तैस सेइं ज़ोवं, “नासरत नगरेरो यीशु, ज़ै नबी थियो, तै परमेशेरे ते मैन्हु केरे सामने कम्मन मां ते शिक्षा देने मां बेडि शेक्ति बालो थियो। 20 तै प्रधान याजकेईं ते हाकिमेईं केन्वरे सेइं रोमी गवनेरि हवाले कियो ते तैस जो कतलेरे हुकम देइतां ते कूस पुड़ च़ाढ़ो। 21 पन असन त उमीद थी कि ए मैन्हु, ज़ै इस्राएली लोकन रोमेरे राज़े करां आज़ाद केरेलो, एन गल्लन अज़ ट्लेइयोवं दिहाड़ीए। 22 हुन्ना असन मरां किछ कुआन्शां अज़ झेइं कब्री कां जोरी थी, तैन केरे ज़ोने सेइं असां हेरान भोए। 23 ज़ैखन तैन लाश न मैल्ली त तैना एन ज़ोती एईं, असेईं स्वर्गदूत लाए ते तैनेईं ज़ोवं, कि यीशु ज़ींतो भोरुए। 24 तैखन किछ इश्शे साथी भी कब्री कां जे, ते ज़ेन्वरे कुआन्शेईं ज़ोरु थियूं, तेरहु लाव पन यीशु न लाव।” 25 यीशु तैन दूई चेलन सेइं ज़ोवं, “हे बेअक्ल लोकव! तुश्शे लेइ पवित्रशास्त्र मां नेबी केरि ज़ोरी गल्लन पुड़ भी विश्वास केरनो केत्रो मुशकले। 26 कुन मसीहेरे लेइ ज़रूरी न थियूं, कि दुःख झल्लले ते फिरी अपनि महिमा मां दाखल भोए?” 27 यीशु अपने बारे मां तैना सैरी गल्लां समझेइ, ज़ैना पवित्रशास्त्रे मां मूसा करां देंते सारे नेबेईं ज़ोरिन। 28 एत्रे मां तैना तैस ड़्लव्वे नेडे पुजे ज़ैडी तैनेईं गानु थियूं, तैनेईं बुझ कि यीशु अग्रोवं गानुए। 29 पन तैनेईं एन जोइतां मजबूर कियो, “कि असन कां बिश किजोकि दिहाड़ी ड़ुबोरिए आंधरु भोने बालुए।” बस्सा तै बिशनेरे लेइ तैन सेइं साथी अन्तर च़लो जेव। 30 ज़ैखन तै तैन सेइं साथी रोटी खाने बिश्शो त तैनी रोटी ट़लाती ते बरकत देइतां ट़लोडी ते तैन देने लगे। 31 तैखन तैन केरि एछ़्छी खुल्ली ते तैनेईं तै पिशानो, पन तै तैन करां आलोप भोइ जेव। 32 तैना एप्पू मांमेइं ज़ोने लगे, “ज़ैखन ते बत्तां असन सेइं साथी गल्लां लोरो थियो केरने, ते असन पवित्रशास्त्रेरो मतलब मसमझातो थियो, त असन केरी उमीद भोरी थी।” 33 तैना तैखने तैट्टां उठे ते यरूशलेम नगरे मां

आए ज़ैडी तैना यारहे चले ते हारे तैन केरे साथी एक्की ठैरी मैल्ले। 34 तैना ज़ोने लोरे थिये, “कि प्रभु सच्चे ज़ीतो भोरोए ते शमौन पतरसे लाहोरोए।” 35 तैनेई बत्तरी सैरी गल्लां शुनेई ते फिरी केन्चरे असेई यीशु रोटी टलोडते बार पिशानो। 36 तैना गल्लां केरने लोरे थिये त यीशु तैन केरे मझाटे खड्डो भोइतां ज़ोने लमो, “तुसन शान्ति मैल्ले।” 37 पन तैना एत्रे डेरि जे, कि तैना समझने लगे कि असां आत्मा लहने लोरेम। 38 यीशुए तैन सेइं ज़ोवं, “तुस किजो डरेंथ ते तुशशे मने मां शक किजो भोतीए। 39 मेरे हथ पाव हेरा अवं तैए आई, मीं हथ लेइतां हेरा, किजोकि आत्माई हड्डी त कने मास न भोए ज़ेरू तुस मीं मां लातथा।” 40 एन ज़ोनेरे पत्ती तैनी अपने हथ पाव हिराए। 41 पन खुशी सेइं तैन याकीन न भोवं, कि यीशु ज़ीतोए, ते तैना हैरान भोए, यीशुए तैन सेइं ज़ोवं, “तुसन कां खाने जो किछ आए?” 42 तैनेई तैस टलाडोरी मेछलरो अक टुकडो दित्तो। 43 तैनी टलाती ते तैन केरे सामने खाइ। 44 तैनी तैन सेइं ज़ोवं, “ज़ैखन अवं तुसन सेइं साथी थियो, त मीं तुसन एना गल्लां ज़ोरी थी, कि मूसेरे कानूने मां ते नेबी केरि किताबन मां ते भजना केरि किताबी मां मेरे बारे मां ज़ैन किछ लिखोरूए तैन पूरू भोनू ज़रूरीए।” 45 तैखन तैनी तैन केरि मदत की, ताके पवित्रशास्त्रे सेमझी सखन। 46 ते तैन सेइं ज़ोवं, “एन पवित्रशास्त्र मां लिखोरूए कि मसीह दुःख झूल्लेलो ते टलेइयोवं दिहाडे मुडदन मरां ज़ीतो भोलो। 47 ते तैसेरे नंवे सेइं यरूशलेम नगरेरां शुरू केरतां सैरी कौमन मां पापन करां मनफिरानेरे मैफारो प्रचार कियो गालो। 48 किजोकि तुस एना सैरी गल्लां केरे गवाहथ। 49 हेरा, अवं एप्पू तुसन पवित्र आत्मा देइलो, ज़ेसेरो वादो बाजी परमेशरे कियोरोए। पन ज़ां तगर स्वर्गेरां शक्ति न मैल्ले तांतगर इस नगर मां राथ।” 50 फिरी यीशुए तैना नगरेरे बेइर बैतनिय्याह डलॉव्वेरे नेडे ने। ते अपनो हथ खड्डो केरतां तैन बरकत दित्ती। 51 ज़ैखन तै तैन बरकत देने लोरो थियो, त तैन करां अलग भोइ जेव ते परमेशरे तै स्वर्गे जो नीयो। 52 चलेई तैसेरी आराधना की ते फिरी खुशी सेइं यरूशलेम नगरे जो वापस चले जे। 53 ते तैना हर वक्त मन्दरे मां एइतां परमेशरेरी तारीफ़ केरते थिये।

# यूहन्ना

1 (दुनियारे रचनेरे पेड़लो) शुरुआती मां वचन थियूं। तैन वचन परमेशरे सेइं साथी थियूं। तैन वचन परमेशर थियूं। 2 शुरुआती मां परमेशरे सेइं साथी तैन वचने थियूं। 3 सब किछ वचनेरे जिरिये बनाव जेव। त जैन किछ बनाव ज़ोवं, तैस मरां कोई भी चीज़ तैसेरे बागैर न बनाई जेई। 4 तैस (वचने) मां जिन्दगी थी; ते तै जिन्दगी सारे मैनन लौ देचे। 5 त तै लौ आंधरे मां (हमेशा) चमकचे, त आंधरु लोई कधी कबू न केरि सके। 6 परमेशरेरी तरफां अक मैन्हु भेजो जेव, जेसेरु नवं यूहन्ना थियूं। 7 तै तैस लोअरे बारे मां ज़ोने ओरो थियो, ताके सब लोक तैसेरे जिरिये सेइं (तैस लोई पुड़) विश्वास केरन। 8 तै एप्पू लौ न थियो, पन लोअरे बारे मां लोकन गवाही देने ओरो थियो। 9 सच्च्ची लौ ज़ै हर एककी मैन्हु (परमेशरेरे बारे मां ज़ान्नेरी) लौ देचे, तै दुनियाई मां एजनेबाली थी। 10 तैन वचन दुनियाई मां (ओरु) थियूं, त दुनिया तैसेरे जिरिये बनाई जेई, पन दुनियारे लोकेई तैन न पिशानू (कि ते कौन आए)। 11 तै अपने लोकन कां अव, पन तैसेरे अपने लोकेई तै कबूल न कियो। 12 पन जेत्ते लोकेई तै कबूल कियो, तैनी तैनन परमेशरेरे बच्चे भोनेरु हक दिनु; यानी सारे लोकन ज़ैना तैसेरे नंवे पुड़ विश्वास केरतन। 13 तैना न हाज-बच्चे सेइं, न मैन्हु केरे मेर्जी सेइं, न तैस मैनेरे मेर्जी सेइं ज़ै बच्चे पैदा केरनेरी इच्छा रखते, बल्के परमेशरेरे मेर्जी सेइं पैदा भोरेन। 14 तैन वचन मैन्हु बेनतां किछ वक्त असन सेइं साथी रावं, ते (इस दुनियाई मां) डेरो कियो। तैनी असन पुड़ बड़ो अनुग्रह कियो ते परमेशरेरे बारे मां सारी सच्च्चाई हिराई। (जताली तै इडी थियो, तैखन) असेई तैसेरी महिमा लाई। (जेन्चरां की) तै अपने बाजी परमेशरे करां अव, त तैसेरी ज़ेरि महिमा कोन्ची मां नई थी। 15 यूहन्ने तैसेरे बारे मां गवाही दिती, ते ज़ोरे सेइं लोकन सेइं ज़ोवं, “ई तै आए, जेसेरे बारे मां मीं ज़ोरु थियूं, कि ज़ै मेरे बाद एज्जी राओरोए, तै मीं करां बड़ो महान आए, किजोकि तै मीं करां पेड़लो थियो। 16 तैसेरी भरपूरी सेइं (यानी, तैसेरे सारे अनुग्रह ते सच्च्चाई सेइं) असन सेबन आशिर्वाद पत्ती आशिर्वाद मैल्लू। 17 मूसा नेबेरे जिरिये असन कानून मैल्लो, पन यीशु मसीहरे जिरिये असन कां (परमेशरे करां) अनुग्रह ते सच्च्चाई पुज्जी। 18 परमेशर केन्चे कधी भी नई लावरो, पन तैसेरु अक्के मट्टू (यीशु) ज़ैन बाजी परमेशरेरे कुम्मे मां आए, तैन्ने असन परमेशर हिराव।” 19 यूहन्ने यीशु मसीहरे बारे मां ई गवाही दिती, (एक्सां) ज़ैखन यहूदी लोकां केरे लीडरेई यरूशलम नगरेरां यूहन्ना कां किछ याजक त लेवी भेजे, त तैनेई तैस पुच्छू, “तू कौन आस?” 20 यूहन्ने तैन सेइं सच ज़ोवं ते किछ भी छपानेरी कोशिश न की, त तैनी तैन सेइं ज़ोवं, “अवं मसीह नई।” 21 तैखन तैनेई तैस पुच्छू, “फिरी तू कौन आस? कुन तू एलिय्याह नबी आस?” यूहन्ने तैनन जुवाब दित्तो, “अवं तै नई।” तैनेई फिरी पुच्छू,

“कुन तू कोई नबी आस?” तैनी जुवाब दित्तो, “नई।” 22 तैखन तैनेई तैस पुच्छू, “फिरी तू कौन आस? (असन ज़ो) ताके अस तैनन जुवाब देम ज़ैनेई अस भेजोरेम। तू अपने बारे मां कुन ज़ोतस?” 23 तैनी जुवाब दित्तो, “जेन्चरे यशायाह नेबे (मेरे बारे मां) ज़ोरुए, तेन्चरे अवं सुनसान ठैरी मां लोकन हक देइतां ज़ोताई कि, ‘तुसन कां प्रभु एजनेबालो आए, तैसेरेलेइ बत तियार केरा।’ (यानी, प्रभुपरे लेइ तुस अपने दिल साफ केरा)” 24 फरीसी लोकां केरे तरफां किछ मैन्हु यूहन्ना कां भेजोरे थियो। 25 तैनेई यूहन्ना पुच्छू, “अगर तू न मसीह आस, न एलिय्याह, त न नबी, त फिरी (तीं कुन अधिकार आए) लोकन बपतिस्मो किजो देतस?” 26 यूहन्ने जुवाब दित्तो, “अवं त (लोकन) पैनी सेइं बपतिस्मो देताई, पन तुसन सेइं साथी रानेबालो अक एरो आए, ज़ैस तुस हकीकति मां न पिशानथ। 27 ई तै आए, ज़ै मेरे बाद एजनेबालो आए, तै मीं करां महान आए। अवं त तैसेरो गुलाम भोनेरे काबल भी नई कि तैसेरे बूटेरे तसमे खोल्ली।” 28 एना गल्लां, यरदन दरियारे पार बैतनिय्याह नगरे मां भोइ, ज़ैडी यूहन्ना लोकन बपतिस्मो देतो थियो। 29 एग्री दिहाड़े यूहन्ने यीशु अपने पासे एइतो लाव, त तैनी यीशुपरे बारे मां लोकन सेइं ज़ोवं, “तक्का, परमेशरे तरफां भेजोरु (बलिदानेरु) गबडू, ज़ैन सैरी दुनियारे लोकां केरे पाप नेते। 30 ई तै आए, जेसेरे बारे मां मीं ज़ोरु थियूं कि, ‘अक मैन्हु मेरे बाद एजनेबालो आए, ज़ै मीं करां बड़ो महान आए, किजोकि तै मीं करां पेड़लो थियो।’ 31 हुन्ना तगर अवं त एप्पू भी तैस पिशानतो न थियो। पन एल्हेरेलेइ अवं (इडी) एजतां लोकन पैनी सेइं बपतिस्मो देताई, ताके तै मैन्हु इस्राएलेरे लोकन मां बांदो भोए।” 32 तैखन यूहन्ने लोकां केरे सामने गवाही दिती, “मीं पवित्र आत्मा कबूतररे शकली मां अम्बरेरां एइतो लाव, ते तै तैस पुड़ बिश्शो। 33 अवं त एप्पू पिशानतो न थियो कि यीशु हकीकति मां कौन थियो, पन परमेशरे ज़ैनी अवं लोकन पैनी सेइं बपतिस्मो देने भेजो, तैनी मीं सेइं ज़ोवं, ‘ज़ैस पुड़ तू पवित्र आत्मा एइतो त बिश्तो लाएलो, तैए लोकन पवित्र आत्मा सेइं बपतिस्मो देनेबालो आए।’ 34 तै मीं लाव, त अवं तुसन गवाही देताई, कि ए मैन्हु परमेशरु मट्टू आए!” 35 दुइयोवं दिहाड़े, फिरी यूहन्ना त तैसेरे चेलन मरां दूई तैडी खडे भोरे थियो, 36 त यीशु तैलमेइं च़ल्लो थियो। ज़ैखन यूहन्ने यीशु लाव, त तैनी यीशुपरे बारे मां अपने चेलन सेइं ज़ोवं, “तक्का, इन परमेशरे तरफां भेजोरु (बलिदानेरु) गबडू आए!” 37 ज़ैखन यूहन्नेरे दुइये चेलेई एन शुनू, त तैना यीशु पत्ती च़ले। 38 यीशुए बेदलोइतां तैना एइते लाए ते तैन पुच्छू, “तुस केस लगेरेथ तोपने?” तैनेई ज़ोवं, “हे गुरु, तू कोइ रातस?” 39 तैनी तैन ज़ोवं, “च़ला तुस एप्पू हेरेले।” तैखन तैनेई गेइतां तैसेरे रानेरी ठार हेरी, ते तैस दिहाड़े तैना तैस साथी राए। तै कोई इलोइती च़ेरे बज़ां केरो मौको थियो। 40 तैन दूई चेलन मरां, ज़ैना यूहन्नेरी गल्लां शुन्तां यीशु पत्ती च़ल्लोरे थियो, अक अन्द्रियास थियो, ज़ै शमौन-पतरसेरो ढूला थियो।

41 तैनी पेड़लू एन कम कियूं कि अपने ढूला शमौन-पतरस तोप्तां तैस सेइं ज़ोवं, “असन मसीह मैलोरोए!” 42 तैखन अन्द्रियासे यीशु कां शमौन आनो। यीशुए तैसेरे पासे तक्कू ते ज़ोवं, “तू यूहन्नेरू मट्टू शमौन आस। पन अज़्जरे बाद तेरू नवं कैफा भोलू।” यूनानी भाषाई मां कैफारो मतलब “पतरस” आए। (एसेरो मतलब घोड़।) 43 होरसां दुइयोवं दिहाड़े यीशुए गलील इलाके मां गानू चाव। तैनी फिलिप्पुस लेइतां तैस सेइं ज़ोवं, “मीं सेइं साथी च़ल (ते मेरो चेलो बन)।” (फिलिप्पुस यीशु सेइं साथी च़लो।) 44 फिलिप्पुस बैतसैदा नगरे मां रातो थियो, ज़ैडी अन्द्रियास त पतरस भी राते थियो। 45 तैल्ला पत्ती फिलिप्पुस गेइतां नतनएले सेइं मिलो त ज़ोने लगे, “असन मसीह मैलोरोए, ज़ेसरे बारे मां (बड़े पेड़ले) मूसेरे कानूने मां लिखोरोए त कने नेबेई भी अपनि किताबी मां लिखोरोए। तै यूसुफेरू मट्टू नासरत नगरे बालो यीशु आए, ज़ै नासरत नगरेरो आए!” 46 नतनएले तैस सेइं ज़ोवं, “कुन नासरते मरां कोई रोडी चीज़ निस्सी सकतीए?” फिलिप्पुसे ज़ोवं, “एइतां एप्पू हेर।” (त नतनएल फिलिप्पुसे सेइं साथी च़लो।) 47 यीशुए नतनएल अपने पासे एइतो लाव ते तैनी तैसेरे बारे मां एन ज़ोवं, “ई असली इस्राएली मैन्हु आए, एसमां कोई पाखंड नई!” 48 नतनएले यीशु पुच्छू, “तू मीं केन्चेरे ज़ानतस?” यीशुए तैस जुवाब दित्तो, “फिलिप्पुस तीं कुजाने करां पेड़ले ज़ैखन तू फेगरे बुट्टे हैठ थियो, मीं तू तैड़ी लावरो थियो।” 49 तैखन नतनएले ज़ोवं, “हे गुरु, (हुन्ना अवं ज़ानतां कि) तू परमेशेरू मट्टू आस! तू इस्राएल लोकां केरो राज़ो आस!” 50 यीशुए तैस जुवाब दित्तो, “कुन तू मीं पुड़ एल्हेरेलेइ विश्वास केरतस कि मीं तीं सेइं एन ज़ोवं, कि मीं तू फेगरे बुट्टे हैठ लावरो थियो? तू इस करां भी बेड्डी-बेड्डी गल्लां लाएलो!” 51 फिरी तैल्ला पत्ती यीशुए ज़ोवं, “अवं तुसन सेइं सच-सच ज़ोताई कि, तुस स्वर्ग खुल्लू त कने परमेशेरें स्वर्गदूतन उबरे गाते त मैनेरे मट्टे पुड़, यानी मीं पुड़ उतरते लाएलो।”

2 तैल्ला पत्ती, टलेइयोवं दिहाड़े गलील इलाकेरे काना नगरे मां केन्चेरो इला थियो। यीशुएरी अम्मा भी तैड़ी थी। 2 यीशु ते तैसेरे चलन भी धाम कियोरी थी। 3 ज़ैखन दाछेरो रस मुक्को, त यीशुएरी अम्मा तैस सेइं लगी ज़ोने, “एन कां दाछेरो रस मुकोरोए।” 4 यीशु लगे ज़ोने, “अम्मा, मीं तीं सेइं कुन कम? हेजू मेरो वक्त नई ओरो।” 5 तैसेरे अम्मा नौकरन सेइं ज़ोवं, “ज़ैन किछ यीशु तुसन सेइं ज़ोए, तैन्ने केरथ।” 6 तैड़ी नेड़े घोड़ां केरे शा (बट्टे) घड़े रखोरे थियो, ज़ैन मां दूई-दूई टलाई-टलाई मन (पानी) लगतू थियूं। यहूदी लोक अपने रुवाज़ेरे मुताबिक (अपने आपे त कने चीज़न) धोनेरे लेइ एन घड़े (मां पानी भरतां) इस्तेमाल केरते थियो। 7 यीशुए नौकरन सेइं ज़ोवं, “घड़न मां पानी भरा।” तैनेई पूरे घड़े भरे। 8 तैखन यीशुए तैन सेइं ज़ोवं, “हुन्ना, घड़े मरां किछ पानी केइतां धामारे प्रधाने कां (चखनेरे लेइ) देथ। तैनेई तैस कां नेव। 9 ज़ैखन

धामारे प्रधाने तैन पानी च़खवू, ज़ैन दाछेरो रस बनोरू थियूं, तैन थियो ज़ानतो कि एन कोइं ओरूए, पन नौकर ज़ानते थियो, ज़ैनेई तैन केइतां आनेरू थियूं। एल्हेरेलेइ धामारे प्रधाने लाडो कुजाव, ते तैस सेइं ज़ोवं, 10 “हर कोई मैन्हु (आम तौर, धामी मां) पेड़लो रोडो दाछारो रस देते, त ज़ैखन लोक पीतां रज़तन, त बादे मां घट रोडो ज़ेरो दाछारो रस देते, पन तीं रोडो हेजू पज़ोवं रखोरो थियो।” 11 गलील इलाकेरे काना नगरे मां यीशुए पेड़लो चमत्कार कियो। एन केरतां तैनी अपनि महिमा बांदी की, त तैसेरे चलेई तैस पुड़ (होरो भी जादे) विश्वास कियो कि तै मसीह आए। 12 तैल्ला पत्ती यीशु त तैरीरी अम्मा ते तैसेरे ढूला ते कने तैसेरे चले कफरनहूम नगरे मां जे, ते किछ दिहाड़े तैड़ी राए। 13 ज़ेइस यहूदी लोकां केरू फ़सह तिहार नेड़े अवं, त यीशु यरूशलेम नगरे जो च़लो जेव। 14 त तैड़ी मन्दरेरे अंगने मां तैनी (बलिदानेरे लेइ) दांत, भैड्डां त कबूतर बेचने बाले लाए त कने पेंडसे बदलनेबाले भी अपने मेज़न पुड़ बिश्शोरे लाए। 15 तैखन तैनी रेस्सरो अक कोडो बनेइतां, तैनन् सेबनन त भैड्डां त दांत मन्दरे मरां बेइर कढे, त बुपारी केरे पेंडसे (इरां उरां) शारे, त तैन केरे मेज़ उलटाए। 16 त कबूतर बेचनेबालन सेइं ज़ोवं, “इना इट्टां नेइ गाथ! मेरे बाजी केरे मन्दरे बुपारी लोकां केरू घर न बनाथ।” 17 ज़ैखन तैसेरे चलेई एन शुन्नु, त तैनन् याद अवं कि (परमेशेरी किताबी मां) लिखोरूए कि (मसीहे परमेशेरे सेइं ज़ोवं) “तेरे घरेरे लेइ मेरी भक्ति, (हे परमेशेरे) मेरे अन्तर अगारी ज़ेरे ज़लतीए।” 18 तैखन यहूदी लोकां केरे किछ लीडेरेई तैस सेइं ज़ोने लगे, “तू असन कोई निशान (चमत्कार) हिरा कि मन्दरेरे अंगने मरां लोकन कढनेरे लेइ तीं कां परमेशेरे तरफां अधिकार आए?” 19 यीशुए तैन जुवाब दित्तो, “एस मन्दरे डोला, ते अवं टलेइ दिहेइन मां एस (दुबारो) बनेइलो।” 20 यहूदी लोकेई यीशु जुवाब दित्तो, “कुन इस मन्दरे बन्ने मां 46 साल लगेरेन, कुन तू एस टलेइ दिहेइन मां (दुबारो) बनेइ सकतस?” 21 तैनेई गलत समझू यीशुए ज़ैस मन्दरेरी गल कियोरी थी, ते तैसेरी अपनि जान थी। 22 एल्हेरेलेइ (बादे मां) ज़ैखन यीशु (कूसे पुड़ मरो त) मुइदन मरां ज़ीतो भोव, त तैखन तैसेरे चलन याद अवं कि यीशुए (अपने मौत त कने ज़ीतो भोनेरे बारे मां) असन ई गल ज़ोरी थी। त (एसेरे वजाई सेइं) तैनेई पवित्रशास्त्रे मां लिखोरी गल्लन पुड़ त कने यीशु मसीहेरी ज़ोरी गल्लन पुड़ होरो भी जादे विश्वास कियो। 23 ज़ताली यीशु फ़सह तिहारेरे मौके यरूशलेम नगरे मां थियो, त बड़े लोकेई तैसेरे चमत्कार, ज़ैना तैनी कियो, लेइतां तैस पुड़ विश्वास कियो। 24 पन फिरी भी यीशुए तैन पुड़ अतबार न कियो, किजोकि तै सेबभी केरो इन्सानी सोच ज़ानतो थियो। 25 तैस ए ज़रूरत न थी कि कोई मैन्हु तैस केन्वी होरि मैनेरे बारे मां ज़ोए, किजोकि तै (पेड़ले) मैन्हु केरि सोच ज़ानतो थियो।

3 फरीसी लोकन मां अक मैन्हु थियो ज़ेसेरू नवं नीकुदेमुस थियूं। तै यहूदी लोकां केरो अक लीडर थियो। 2 एक्की

राती तै यीशु कां एइतां ज़ोने लगे, “हे गुरु, अस ज्ञानतम कि तू परमेशरेरी तरफां गुरु भोइतां ओरोस; किजोकि ज़ैना चमत्कार तू हेरातस, होरो कोई न हेरेई सके, ज्ञांतगर परमेशर तैस सेइं साथी न भोए।” 3 यीशुए जुवाब दित्तो, “अवं तुसन सेइं सघ-सघ जोतां कि ज्ञांतगर कोई मैन्हु दुबरो ज़र्म न घिन्ने, त तै परमेशरेरू राज़ न लेई सके।” 4 नीकुदेमुस पुच्छने लगे, “ज़ैखन मैन्हु बुद्धो भोते, त तै केन्चरे सेइं दुबरो पैदा भोइ सकते? कुन तै अम्मारे पेटे मां गेइतां दुबरो ज़ेरमी सकते?” 5 यीशुए जुवाब दित्तो, “अवं तुसन सेइं सघ-सघ जोताई कि ज्ञांतगर कोई मैन्हु पैनी सेइं ते आत्माई सेइं पैदा न भोए, तै परमेशरेरे राज़े मां दाखल न भोइ सके। 6 किजोकि हाज-बव अपने बच्चन सिर्फ़ एस जानेरी ज़िन्दगी देइ सकतन, पन सिर्फ़ (पवित्र) आत्मा लोकन आत्मिक ज़िन्दगी देइ सकते। 7 हैरान न भो कि मीं तीं सेइं कुन ज़ोवं कि, ‘तीं दुबरो ज़र्म घिन्नु ज़रूरीए।’ 8 हवा ज़ेरां चलनू चातीए तैरां चलचे, त तू तैसारी आवाज़ त शुनतस, पन एन न ज्ञानस कि तै कोइं एइचे त कोरां गाचे। तेन्चरे कोई भी न हेरी सके त न समझी सके कि केन्चरां पवित्र आत्मा लोकन (नर्वीं) ज़िन्दगी देते।” 9 तैखन नीकुदेमुसे पुच्छू, “एना गल्लां केन्चरे सेइं भोइ सेकतिन पवित्र आत्मा केन्चरां लोकन नर्वीं आत्मिक ज़िन्दगी देते?” 10 यीशुए तैस सेइं ज़ोवं, “तू इस्राएली लोकां केरो (अक खास) गुरु भोइतां भी कुन इना गल्लां न समझस? 11 अवं तीं सेइं सघ-सघ जोताई, ज़ैन अस ज्ञानतम तैन्ने (लोकन) ज़ोतम, त ज़ैन असेई लावरूप तैसेरे बारे मां (लोकन) गवाही देतम, पन फिर भी तुस लोक इशरी गवाही न मन्थ। 12 मीं त तुसन सेइं धेतरां गल्लां केरे बारे मां गल की, त तुसेई (मीं पुइ) विश्वास न कियूं, त अगर अवं स्वर्गेरी गल्लां ज़ोई त तुस केन्चरे विश्वास केरेले? 13 (स्वर्गेरी गल्लां ज़ानेरे लेइ कधी) कोई मैन्हु स्वर्गं मां नई जोरो, सिर्फ़ तैए ज़ै स्वर्गं ओरो, यानी अवं मैनेरू मट्टू ज़ैन स्वर्गं मां आई। 14 जेन्चरे मूसा सुनसाने मां (परमेशरेरे लोकन बच्चानेरे लेइ पितल सेइं बनोरो) सप (खंभे पुइ) उच्चे पुइ चढ़ाव, तेन्चरे एन ज़रूरी आए कि (अवं) मैनेरू मट्टू भी उच्चे पुइ चढ़ू गाए। 15 ताके ज़ै कोई तैस पुइ विश्वास केरे, तैस हमेशारी ज़िन्दगी मैल्ले।” (aiōnios g166) 16 “किजोकि परमेशरे दुनियारे लोकन सेइं एत्रो प्यार कियो कि तैनी अपनू अक्के मट्टू दित्तू, ताके ज़ै कोई तैस पुइ विश्वास केरे, तै नाश न भोए, बल्के हमेशारी ज़िन्दगी हासिल केरे। (aiōnios g166) 17 किजोकि परमेशरे अपनू मट्टू दुनियाई मां एल्हेरेलेइ नई भेजोरू कि तै दुनियारे लोकन (तैन केरे पापां केरि) सज़ा दे, बल्के एल्हेरेलेइ कि दुनियारे लोक तैसेरे ज़िरिये सेइं (पापां केरि सज़ाई करां) मुक्ति हासिल केरन। 18 ज़ै तैस पुइ विश्वास केरते, तैस सज़ा न मैल्ले। पन ज़ै मट्टू पुइ विश्वास न केरे, तै पेइलोए दोषी भोइ जोरोए, किजोकि तैनी परमेशरेरे अकैल्ले मट्टेरे नव्वे पुइ विश्वास नई कियोरो। 19 परमेशर लोकन सज़ा देनेरी वजा ई आए कि ज़ैस जो लौ ज़ोतन तै दुनियाई मां ओरिए, परमेशरे

अपनि लौ दुनियाई मां भेज़ी, पन लोक ते कने तैन केरां कम्मां बुरां थियां, एल्हेरेलेइ तैनेई तैस लोई करां जादे पापेरू आंधरू पसंद कियूं। 20 ज़ै कोई बरू कम केरते, तै लोई सेइं नफरत केरते त लोअरे नेडे न एज्जे, एरू न भोए कि तैसेरे कम्मन पुइ दोष लाव गाए। 21 पन हर कोई ज़ै परमेशरेरी सच्चवाई पुइ च़लते, तै लोई कां एइते, ताके लोई सेइं बांदो भोए कि तैसेरे सब कम्मां परमेशरेरी शक्ति सेइं साथी कियो गातन।” 22 एना गल्लां केरे बाद यीशु त तैसेरे चले यहूदिया इलाके मां आए, त तैड़ी रेइतां लोकन बपतिस्मो देने लगगे। 23 यूहन्ना भी शालेम नगरेरे नेडे ऐनोन नव्वेरे ठेरी लोकन बपतिस्मो देतो थियो। किजोकि तैड़ी हच्छु पानी थियूं त लोक बपतिस्मो नेनेरे लेइ तैस कां एइते राते थियो। 24 किजोकि यूहन्ना हेजू कैदखाने मां न थियो छड्डोरो। 25 एक्सां यूहन्नारे चेलां केरि केन्ची यहूदी मैन्हु सेइं (रुवाजरे मुताबिक) शुद्ध भोनेरे बारे मां बेंस भोइ। 26 एल्हेरेलेइ यूहन्नारे चले तैस कां एइतां ज़ोने लगगे, “हे गुरु, (तीं पतो आए) तै मैन्हु ज़ै यरदन दरियारे पार तीं सेइं साथी थियो त कने तीं तैसेरे बारे मां गवाही दित्तोरी थी, हेर, तै भी लोकन बपतिस्मो देते त सब लोक तैस कां गातन।” 27 यूहन्ना जुवाब दित्तो, “(तै रोड़ी गल आए, किजोकि) मैन्हु किछ न हासिल केरि सके, ज्ञांतगर तैस स्वर्गं (यानी परमेशरे करां) न मैल्ले। 28 तुस एप्पू मेरे गवाह आथ, कि मीं तुसन सेइं ज़ोरू थियूं कि अवं मसीह नई, पन अवं तैस करां पेइले (परमेशरेरां तरफां) भेजोरोई। 29 जेसेरी महरनीए त तै महरावे, पन महरावोरो दोस्त ज़ै खडोए महरावोरी हर गल खुशी सेइं शुनतो रहते; हुनी मेरी ई खुशी पूरी भोइ। (कि सब लोक तैस कां गातन)। 30 एन ज़रूरीए कि तै बधे ते अवं घेटी।” 31 “(मसीह) ज़ै स्वर्गं एइते तै होरि सेबभन करां महान भोते। त ज़ै मैन्हु धेरती पुइरां भोते, तै धेतरांए त धेतरां गल्लां केरते। ज़ै स्वर्गं एइते तै सेबभना उच्चो महान भोते। 32 तैनी (परमेशरे तरफां) ज़ैन किछ लाव ते शुनेरू, तैसेरे बारे मां लोकन शुनाते, पन तैसेरी गवाही कोई न शुने। 33 ज़ै कोई तैसेरी गवाही पुइ विश्वास केरते, तै तैसेरी तसदीक केरते कि परमेशर सच्चो आए। 34 किजोकि (मसीह) ज़ै परमेशरे भेजोरोए, तै परमेशरेरी गल्लां ज़ोते, किजोकि परमेशर तैस पवित्र आत्मा नैपतां न दे। 35 (परमेशर) बाजी मट्टे सेइं प्यार रखते, त तैनी सब किछ तैसेरे हावाले कियोरूए। 36 ज़ै (परमेशरेरे) मट्टे पुइ विश्वास केरते तैस हमेशारी ज़िन्दगी मैल्ले, पन ज़ै मट्टे पुइ विश्वास न केरे तै ज़िन्दगी करां दूर रालो, ते तैस पुइ परमेशरेरो क्रोध (हुन्ना करां लेइतां हमेशा) राते।” (aiōnios g166)

**4** फिरी ज़ैखन प्रभु पतो लगे कि फरीसी लोकेई शुनोरूए, यीशु, यूहन्ना करां जादे चले बनाते ते बपतिस्मो देते। 2 (हालांकी सघ एन थियूं यीशु एप्पू नई बल्के तैसेरे चले बपतिस्मो देते थियो), 3 तैखन तेना यहूदिया इलाके शैरतां गलील इलाके जो च़ले जे। 4 ते तैसेरू सामरिया इलाके मामेई भोइतां गानू ज़रूरी थियूं। 5 एल्हेरेलेइ तै सामरिया इलाकेरे सूखार नगर मां

अव, तै ठार तैस ज़मीनरे नेड़े थी ज़ै याकूबे अपने मट्टे यूसुफे दित्तोरी थी। 6 याकूबे ज़ैन खुह बनोरू थियूं तैन तैड़ी थियूं, ते यीशु सफर केरतां थकोरो थियो, ते तैस खुहे पुड़ बिशशो। तैखन दुपाहरां केरो मौको थियो। 7 एत्रे मां अक सामरी कुआन्श तैड़ी पानी भरने आई। यीशुए तैस जो ज़ोवं, “मीं पानी पीया।” 8 किजोकि तैसरे चले रोटी आन्नेरे लेइ नगर मां जोरे थियो। 9 तैस सैमरी कुआन्शां तैस जो ज़ोवं, “तू यहूदिस ते अव त सामरी, तू मीं पानी पीयानेरे लेइ किजो ज़ोतस?” किजोकि यहूदी सैमरन सेइं मिलनू जुलनु न थिये सुखाते। 10 यीशुए तैस जुवाब दित्तो, “अगर तू ज़ानेथी कि परमेशर तीं कुन देनू चाते, त एन भी ज़ानेथी कि, तीं करां कौन पानी मगने लोरोए, त तू तैस करां मगोथी, ते ते तीं ज़िन्दगरू पानी देथो।” 11 तैस कुआन्शां ज़ोवं, “हे प्रभु, तीं कां पानी भरनेरे लेइ कोई भांड नई, ते खुह बड़ डुघू आए, ते तीं ज़िन्दगरू पानी कोट्टां मैल्लू? 12 कुन तू इशशे पूर्वज याकूबे करां भी बट्टोस, ज़ैनी एन खुह असन दित्तेरूप, ते तैनी एप्पू भी ते तैसरी औलादां ते तैसरे गोरू गब्बेइं भी एस्से मरां पिव?” 13 यीशुए तैस जुवाब दित्तो, “ज़ै कोई एस खुहे मरां पियेलो तैस फिर भी ट्लिश रानीए। 14 पन ज़ै कोई तैन पानी पीते ज़ैन अव देताई तै हमेशारे लेइ ट्लिशोरो न रालो, बल्के ज़ैन पानी अव तैस देलो तैन तैस मां अक नाग बनेलो ज़ै पानी देतो रालो, ज़ैस सेइं तैस हमेशारी ज़िन्दगी मैलेली।” (aiōn g165, aiōnios g166) 15 तैस कुआन्शां यीशु जो ज़ोवं, “हे प्रभु, मीं भी तैन पानी दे ताके मीं ट्लिश न लगगे ते मीं बार-बार पानी भरने इस खुहे पुड़ न एजन पे।” 16 यीशुए तैस जो ज़ोवं, “गा, अपनो मुन्श कुजा।” 17 तैसां कुआन्शां जुवाब दित्तो, “मेरो कोई मुन्श नई।” यीशुए तैस जो ज़ोवं, “तीं सज़ ज़ोवं, कि मेरो कोई मुन्श नई।” 18 किजोकि तीं पंच मुन्श बनोरेन ते ज़ैस सेइं साथी तू हुन्ना आस, ते तेरो मुन्श नई, तीं ज़ैन किछ ज़ोवं तैन सज़्जे ज़ोरूप। 19 तैस कुआन्शा ज़ोवं, “हे प्रभु, मीं लगगते तू कोई नबी आस। 20 इशशे दादे-पड़दादेई इस पहाड़े पुड़ आराधना की, पन तुस यहूदी लोक ज़ोतथ कि ज़ैड़ी आराधना कियोरी लोड़चे, तै ठार सिर्फ यरूशलेम आए।” 21 यीशुए तैस कुआन्शी जो ज़ोवं, “हे कुआन्शा, मेरी गल्लरो विश्वास केर, कि तै मौको भी एज्जी राहोरोए, कि तुस लोक बाजी केरि आराधना न त इस पहाड़े पुड़ केरेले ते न यरूशलेमे मां केरेले। 22 तुस सामरी लोक ज़ेसैरी आराधना केरतथ तैस न ज़ानथ, पन अस यहूदी लोक ज़ेसैरी आराधना केरतम तैस ज़ानतम, किजोकि मुक्ति यहूदन मरां आए। 23 पन तै मौको एज्जी राहोरोए बल्के ओरोए, ज़ैखन सज़्जे भक्त बाजेरी आराधना आत्मा ते सचैई सेइं केरेले, किजोकि बाजी एरे ज़ेरे सज़्जे भक्त तोपते। 24 परमेशर आत्मा आए, एल्हेरेलेइ तैसरे भक्त तैसरी आराधना आत्मा ते सचैई सेइं केरन।” 25 कुआन्शां तैस सेइं ज़ोवं, “अव ज़ानती कि मसीह, ज़ैस जो ख्रिस्त ज़ोतन एजनेबालोए, ज़ैखन तै एज्जेलो तै सब किछ समझालो।” 26 तैखन यीशुए ज़ोवं, “अव ज़ै तीं सेइं

गल्लां लगरोइं केरने तैए मसीह आई।” 27 एत्रे मां तैसरे चले आए ते तैनेई तै एक्की कुआन्शी सेइं गल्लां केरतो लेइतां हैरान राए, पन केन्चे तैस एन न पुच्छू, “तू कुन चातस?” या “एस कुआन्शी सेइं किजो गल्लां लगरोस केरने?” 28 तै कुआन्शा पैनैरो घड़ो तैड़ी छेइतां वापस नगर मां जेई ते मैनू सेइं ज़ोने लगी। 29 “एज्जा, एक्की मैन्हु सेइं मिला तैनी मीं सेइं सब किछ ज़ोवं ज़ैन मीं अज़ तगर कियेरू थियूं, कुन ए तै मसीह त नई?” 30 तैना मैन्हु नगर मरां निस्तां यीशु हेरनेरे लेइ तैसरे पासे चलने लगे। 31 यीशुएरे चले तैस कां मिनत केरने लगगे, “हे गुरू, रोटी खा।” 32 पन यीशुए तैन सेइं ज़ोवं, “मीं कां खानेरे लेइ अक एरी रोटी आए, पन तुसन तैसरे बारे मां कोई पतो नई।” 33 तैखन चले एप्पू मांमेइं ज़ोने लगे, “कुन केन्चे पेइलू एसेरे लेइ किछ खाने जो आनोरूप?” 34 यीशुए तैन सेइं ज़ोवं, “मेरी रोटी ईए कि, परमेशेरी मर्ज़ी पूरी केरि ज़ैनी अव भेजोरोईं ते तैन कम पूरू केरि ज़ैन तैनी दित्तेरूप। 35 कुन तुस न ज़ोथ कि, फसल पकने हेजू चेरे महीन्न बाकिन? अव तुसन जो ज़ोताई कि, अपनि एछड़ी घाड़ा! ते एजनेबाले मैनू हेरा, ज़ैना पक्कोरे ऊडारां केरि फसलारे ज़ेरे आन। 36 फसल कटने बालन कम केरतां मज़दूरी मैल्ली राओरीए, यानी तैना लोकन अकोट्टे केरि राओरेन ज़ैना लोकन हमेशारी ज़िन्दगी हासिल केरेले, ताके ज़ै बेते ते कटते साथी खुशी मनान। (aiōnios g166) 37 एल्हेरेलेइ अक कहावते कि बेनेबालो कोईए ते कटने बालो होरो कोईए, तैन सज़्जे। 38 मीं तुस भेजे कि गाथ तैस फसली कट्टा ज़ै तुसेईं नई बेवरी, होरेईं मेहनती सेइं कम कियूं ते तुसन तैन केरि मेहनतरो फल मैल्लो।” 39 नगररे बड़े लोकेईं तैस सैमरी कुआन्शरी गल शुन्तां यीशु पुड़ विश्वास कियो, किजोकि तैसां तैन लोकन सेइं ज़ोवं कि तैनी मीं सेइं सब किछ ज़ोवं, ज़ैन मीं कियेरू थियूं। 40 ज़ैस नगररे सामरी लोक यीशु कां ओरे थिये, मिनत केरतां ज़ोने लगे, असन कां बिश फिरी तै दूई दिहाड़े तैड़ी राव। 41 होरे भी बड़े लोक थिये ज़ैनेई तैसरी गल्लां शुन्तां तैस पुड़ विश्वास कियो। 42 तैनेई तैस कुआन्शी जो ज़ोवं, “असेईं तेरी गल्लां शुन्तां विश्वास नई कियोरो, बल्के असेईं अपने कन्नेई शुनेरूप ते असेईं एन हुनी बुझू कि ए मैन्हु सज़्जे दुनियाई मुक्ति देनेबालोए।” 43 दूई दिहैइना बाद यीशु फिरी गलीलेरे पासे चलो जेव। 44 ते यीशुए एप्पू ज़ोरू थियूं, कि कोई नबी अपने मुलखे मां इज़्जतरें काबल न समझो गाए। 45 ज़ैखन तै गलीले मां अव त गलीली लोक तैस सेइं खुशी सेइं मिले, एल्हेरेलेइ कि तैनेई तैन सब किछ ज़ैन तैनी फसहरे मौके यरूशलेम नगर मां कियेरू थियूं, तैनेई अपनि एछछेईं सेइं लावरू थियूं तैखन तैना एप्पू भी तैड़ी थियो। 46 दुइयोंवं बार ज़ैखन तै गलील इलाकेरे काना इलब्बें मां ओरो थियो ज़ैड़ी तैनी पानी दाछारो रस बनोरो थियूं। तैड़ी अक बड़ो बड़ो राज़ेरो अफसर थियो तैसरू मट्टू कफरनहूम नगर मां बिमार भोरू थियूं। 47 ज़ैखन तैनी अफसर शूनु कि यीशु यहूदिया इलाकेरां गलील इलाके मां ओरोए त तै यीशु कां



पुजो ते मिनत केरतां ज़ोने लमो मेरू मट्टू मरने बालूए तू चल ते थियो। 17 एस पुड़ यीशुए तैन सेइं ज़ोवं, “मेरो बाजी यानी तैस बड़्झा, किजोकि तैन मरने बालू थियूं। 48 यीशुए तैस सेइं ज़ोवं, “जांतगर तुस लोक निशान ते चमत्कार न लाएले कथे विश्वास न केरेले कि, अवं मसीह आई।” 49 तैनी बड्डे अफसरे ज़ोवं, “प्रभु लूश केर एरू न भोए कि मेरू मट्टू मेरि गाए।” 50 यीशुए जुवाब दित्तो, “चल तेरू मट्टू ज़ींतू भोनूए।” तैनी तैसेरी गल्लरो विश्वास कियो ते तैट्टां चलो जेव। 51 तै हेजू बत्तां थियो त तैसेरे नोकर तैस मैल्ले ते ज़ोने लगे, “तेरू मट्टू ज़ींतूए।” 52 तैखन तै पुच्छने लगे, “मेरू मट्टू कैखन ज़ेरे बेड़्झोने लगगेरू थियूं?” ते तैनेईं ज़ोवं “तैसेरो भुखार हीज दीसां एक्की बजे उतरी जोरो थियो।” 53 तैखन तैसेरे बाजी याद अवं कि, तैए मौको थियो, जैखन यीशुए ज़ोरू थियूं, “गा तेरू मट्टू ज़ींतूए” तैखन तैनी भी ते तैसेरे पूरे टब्बरे यीशु पुड़ विश्वास कियो। 54 ई दुइयोवं चमत्कारेरो निशान थियो जै यीशुए यहूदिया इलाकेरां वापस एजनेरां बाद गलील इलाके मां कियोरो थियो।

**5** एन गल्लन पत्ती यहूदी केरू अक तिहार भोवं, ते यीशु यरूशलम नगरे जो जेव। 2 यरूशलम नगरे मां भैट्टां केरे दारे कां अक हावदे, जैस जो इब्रानी भाषाईं मां बैतहसदा ज़ोतन, तैसेरां पंच अंगना थियां। 3 एन मां बडे बिमार, काने, टोंटे, नीपाते (पानी हीलनेरे इंतज़ारे मां) भोते थियो। 4 (किजोकि वक्ते पुड़ परमेशेरो स्वर्गदूत हावदे पुड़ एइतां पानी हिलातो थियो, ते पानी हिलनेरां पत्ती ज़े कोई पेइलो हवदे मां गातो थियो ते ठीक भोतो थियो, चाए तैसेरी कोई भी बिमारी किना भोए)। 5 तैड़ी अक मैन्हू थू ज़ै 38 सालां केरो बिमार थू। 6 यीशुए तै तैड़ी बिशोरो लाव ते एन जेनतां कि ए बडो चरोकनो इस हालती मांए, ते तैस पुच्छू, “कुन तू ठीक भोनू चातस?” 7 तैने बिमारे जुवाब दित्तो, “हे प्रभु, मीं कां कोई मैन्हू नई, कि ज़ताली पानी हिलावं गाए त मीं कोई हावदे मां गाने लेइ मेरी मदत केरे, मेरे पुजते-पुजते तांतगर होरो कोई गाते।” 8 यीशुए तैस सेइं ज़ोवं, “उठ अपनि खट सल्ल ते चल फिर।” 9 तै मैन्हू तैखने ठीक भोव, ते अपनि खट छुइतां चलने फिरने लगे। 10 तै आरामेरी दिहाड़ी थी एल्हेरेलेइ यहूदी लीडर तैस सेइं ज़ै ठीक भोरो थियो, ज़ोने लगगे, “अज त आरामेरी दिहाड़ी आए, तीं खट छूनी जेइज नई।” 11 तैने तैन जुवाब दित्तो, “जैने अव ठीक कियो, तैने मीं सेइं ज़ोवं, ‘अपनि खट छू ते चल फिर।’” 12 तैनेईं तैस पुच्छू, “तै कौन मैनूए ज़ैने तीं सेइं ज़ोवं, ‘खट छुइतां चल फिर?’” 13 ज़ै ठीक भोरो थियो तै न थियो ज़ानतो कि तै कौन आए, किजोकि तैस ठैरी भीड़ भोनेरे वजाईं सेइं यीशु तैस ठैरां होरि पासे चुपचारे चलो जोरो थियो। 14 एन गल्लन पत्ती यीशु तै मन्दरेरे अंगने मां मैल्लो, यीशुए तैस सेइं ज़ोवं, “तक, तू ठीक भोरोस, फिरी पाप न करां, एरू न भोए कि, एस करां बड्डी आफत एज्जे।” 15 तैने मैने यहूदी लीडरन सेइं ज़ोवं, कि ज़ैने अवं ठीक कियोरोईं तै यीशुए। 16 एल्हेरेलेइ यहूदी लीडर यीशु सताने लाए, किजोकि तै एरां ज़ेरां कम्मां आरामेरे दिहाड़े केरतो

थियो। 17 एस पुड़ यीशुए तैन सेइं ज़ोवं, “मेरो बाजी यानी परमेशर हमेशा कम केरते, मीं भी कम कियोरू लोड़े।” 18 एस वजाईं सेइं यहूदी लीडर मनां जादे तैस मारनेरी कोशिश केरने लाए, किजोकि तै न सिर्फ आरामेरे दिहाड़ेरो हुकम न थियो टूलतो बल्के परमेशरे अपनो बाजी ज़ोतो थियो ते अपनो आप परमेशरेरे बराबर बनातो थियो। 19 यीशुए तैन सेइं ज़ोवं, “अवं तुसन सेइं सच-सच ज़ोताईं, मट्टू यानी अवं एप्पू किछ न केरि बेटि, सिर्फ तैन ज़ैन बाजी परमेशरे करां केरतू लाताईं, किजोकि ज़ैना-ज़ैना कम्मां बाजी करां केरतो लाते तैन मट्टू भी तैरसे तरीके सेइं केरते। 20 किजोकि बाजी, मट्टू सेइं प्यार केरते, ते ज़ैना-ज़ैना कम्मां तै एप्पू केरते, तैना सब मट्टू भी हिराते, ते तैन एस करां भी बड्ठां कम्मां हिरालू, ताके तुस हैरान भोथ। 21 किजोकि ज़ेन्चरे बाजी मुड़दन ज़ीतो केरते, तेन्चरे मट्टू भी ज़ैस चाते तैस ज़ीतो केरते। 22 बाजी केन्चेरी इन्साफ न केरे, पन तैने इन्साफ केरनेरू सारू कम मट्टू दित्तेरूए। 23 कि सब लोक ज़ेन्चरे बाजेरी आदर केरतन तेन्चरे मट्टेरी भी आदर केरन, ज़ै मट्टेरी आदर न केरे, तै बाजी केरि ज़ैने तैन भेजोरूए तैसेरी आदर न केरे। 24 अवं तुसन सेइं सच ज़ोताईं ज़ै मेरू वचन शुन्तां मेरे भेजने बाले पुड़ विश्वास केरते, हमेशारी ज़िन्दगी तैसेरीए, ते तैस पुड़ सज़ारो हुकम न भोए, बल्के ते मौतरां पार भोइतां हमेशारे ज़िन्दगी मां दाखल भोते।” (aiōnios g166) 25 “अवं तुसन सेइं सच-सच ज़ोताईं, कि तै वक्त एजनेबालोए, बल्के हुन्नाए ज़ैस मां मुड़दे परमेशरेरे मट्टेरी यानी मेरी आवाज़ शुनेले, ते ज़ैना शुनेले तैना हमेशा ज़ोएले। 26 किजोकि ज़ेन्चरे बाजी अपने आपे मां ज़िन्दगी रखते तेन्चरे तैने मट्टू भी ए अधिकार दित्तोरोए, कि अपने आपे मां ज़िन्दगी रखे एल्हेरेलेइ तैन मैनेरू मट्टूए। 27 बल्के बाजी परमेशरे तैस सैरी लोकां केरि आदालत केरनेरो भी अधिकार दित्तोरोए, एल्हेरेलेइ कि तैन यानी अवं मैनेरू मट्टू आई। 28 एसमां हैरान न भोथ, किजोकि तै वक्त एइते कि ज़ेरे कब्रन मां आन तैसेरी आवाज़ शुन्तां ज़ीते भोनेन। 29 ज़ैनेईं भलाई कियोरीए हमेशारे ज़िन्दगीरे लेइ ज़ीते भोनेन ज़ैनेईं बुरी ज़िन्दगी ज़ियोरीए तैना सज़ारी लेइ ज़ीते भोनेन।” 30 “अवं अपने आपे सेइं किछ न केरि बेटि, ज़ेन्चरे मेरो बाजी मीं ज़ोते तेन्चरे अवं लोकां केरि आदालत केरताईं, ते मेरी आदालत सच्छीए, किजोकि अवं अपने मेज्जीं सेइं नई पन अपने भेजने बालेरी मेज्जीं सेइं चाताईं। 31 अगर अवं अपनि गवाही एप्पू देई, त मेरी गवाही सच्छी नई। 32 अक होरो आए, यानी मेरो बाजी ज़ै मेरी गवाही देते, ते अवं ज़ानताईं ज़ै गवाही तै मेरे बारे मां देते तै सच्छीए। 33 तुसेईं मैन्हू यूहन्ना कां मेरे बारे मां पुच्छने भेजे, ते तैनी सच्छेरी गवाही दित्तोरीए। 34 पन अवं अपने लेइ मैनेरी गवाही न चैई, पन यूहन्ना ज़ै गवाही दित्ती तैसेरे बारे मां मीं एल्हेरेलेइ ज़ोवं ताके तुसन मुक्ति मैल्ले। 35 तै त बलतो ते चमकतो दीयेरो ज़ेरो थियो, पन तुसन थोड़े चिरेरे लेइ तैसेरी लोईं मां खुश भोनू रूडू लग्गू। 36 पन मीं कां ज़ै गवाहीए तै यूहन्नारी

गवाही करां भी बड्डीए। किजोकि ज़ैन कम बाजे मीं केरनेरे लेइ दितेरु मतलब इन्ने कम्मां ज़ैना अवं केरताई, तैना मेरी गवाही देतन कि बाजे अवं भेजोरोई। 37 ते बाजी ज़ैने अवं भेजोरोई तैने मेरी गवाही दित्तोरीए, तुसेई न कथी तैसेरी आवाज़ शुनोरी, ते न तै आमने सामने लोरोए। 38 तुसेई तैसेरी शिक्षा अपने मने मां नई रख्खोरी, किजोकि तुसेई मीं पुइ विश्वास न कियो, कि अवं परमेशरे भेजोरोई। 39 तुस पवित्रशास्त्रे मां एन पढतथ, किजोकि तुस सोचतथ कि हमेशारी ज़िन्दगी तैस मां मैलतीए, तै ईए, ज़ै मेरे बारे मां गवाही देते। (aiōnios g166) 40 फिरी भी तुस हमेशारे ज़िन्दगी हासिल केरनेरे लेइ मीं कां न एजनु चाथा। 41 अवं मैनन् करां तारीफ़ न चैई। 42 पन अवं तुसन ज्ञानताई तुशुशे दिले मां परमेशररे लेइ प्यार नई। 43 अवं अपने बाजरे अधिकारे सेइ ओरोई, ते तुस मेरी गल न मन्नथ। अगर होरो कोई अपने अधिकारे सेइ एज्जे, त तैसेरी गल मन्नेले। 44 तुस मीं पुइ विश्वास न केरि बटथ, किजोकि तुस एककी होरि करां तारीफ़ चातथ, ते तुस तै तारीफ़ न चाथ ज़ै सिर्फ परमेशररे तरफां। 45 इन न समझा कि अवं बाजरे सामने तुसन पुइ दोष लेइएलो, तुसन पुइ दोष लानेबालोए त मूसोए, ज़ैस पुइ तुसेई भरोसो रख्खोरोए। 46 किजोकि अगर तुसेई मूसोरो विश्वास कियोरो भोथो, त मेरो भी विश्वास केरेथे, किजोकि तैने मेरे बारे मां लिखोरुए। 47 तुस त तैसेरे कानूनेरे गल्लन पुइ विश्वास न केरथ, ते फिरी तुस किजो मेरी गल्लन पुइ विश्वास केरेले?”

**6** एन गल्लन पत्ती यीशु गलीलेरे समुन्दररे मतलब तिबिरियुसेरे समुन्दररे पार जेव। 2 ते अक बडी भीइ तैस पत्ती चली, किजोकि ज़ैना चमत्कार तै बिमारन पुइ हीरतो थियो, ते तैना ठीक भोते थिए ते लोक एन हेरते थिए। 3 तैखना यीशु पहाड़े पुइ च़ेढतां अपने चलन साथी तैडी बिशशो। 4 ते यहूदी केरे फ़सहेरु तिहार नेडू थियू। 5 ज़ैखन यीशुए अक बडी भीइ अपने पासे एइती लाई, त तैने फिलिप्पुसे सेइ ज़ोव, “असां एना केरे लेइ रोटी कोट्टां घिन्म?” 6 पन तैनी ते गल तैस अज़मानेरे लेइ जोई, किजोकि तै एप्पु ज्ञानतो थियो कि तै कुन केरेलो। 7 फिलिप्पुसे तैस जुवाब दित्तो, “एन केरे लेइ 200 दीनारां केरि रोटी भी पूरी न भोली कि तैन थोडी-थोडी मैली गैली।” 8 तैसेरे चलन मरां शमौन पतरसेरे दूलाए अन्द्रियासे तैस सेइ ज़ोव। 9 “इडी अक मडूए ज़ैस कां जोआं केरि पंच रोट्टिन, तै दूई मेछलीन, पन एत्रे लोकन जो कुन तैना पूरी भोनिन?” 10 यीशुए ज़ोव, “लोकन बिशाला।” तैडी बडो घास थियो। तैखन लोक ज़ैना लगभग 5000 मडूद बिशशोरे थियो। 11 तैखन यीशुए रोटी दलेइ ते शुक्र केरतां बिशने बलना दित्ती, ते तेन्चरे मेछलीन मरां भी ज़ेत्री तैना चातो थियो बेन्टी। 12 ज़ैखन तैना खेइतां रज़्जे त तैनी अपने चलन सेइ ज़ोव, “बचोरे टुकड़े अकोट्टे केरा, ताके किछ शाखू न गाए।” 13 ते तैनेई अकोट्टे केरे, ते जोआं केरे पंच रोटी केरे टुकड़न मरां ज़ैना खाने बालन करां बचोरे थिए 12 टोकरे थिए। 14 तैखन तै चमत्कार ज़ै तैनी कियोरो थियो

लोक हेरतां ज़ोने लाए, “तै नबी ज़ै दुनियाई मां एजनेबालो थियो सञ्जे ईए।” 15 यीशुए एना ज़ेनतां कि एना मीं राज़ो बनानेरे लेइ ट़लानो चातन, फिरी तै अकैल्लो पहाड़े पुइ जेव। 16 ज़ैखन इलोइज़ भोइ, त तैसेरे चले समुन्दररे बन्ने जे। 17 ते किशती मां च़ेढतां समुन्दररे पार कफरनहूम नगर जो च़ले, तैस वक्ते आंधरु भोरु थियू, ते यीशु हेजु तगर तैन कां न थियू ओरो। 18 ते बडी तेज़ हवा च़लोरी थी ते समुन्दरे मां छेल्ली उठने लेइ। 19 ज़ैखन तै लगभग ट़लाई च़ेरे मील नेडे अव, त तैनेई यीशु समुन्दरे पुइ च़लतो लाव ते किशतरे नेडे एइतो लाव ते डरे। 20 पन यीशुए तैन सेइ ज़ोव, “अवं आई डरा न।” 21 ते तै तैस किशती मां च़डनेरे लेइ तियार भोव, ते तैखने किशती तैस ठैरी पुइ पुज़ी ज़ैडी तैना च़लोरे थियो। 22 दुइयोंव दिहाड़े तैस मैनु केरि भीडां ज़ै समुन्दररे पार खडी थी, इन हेरतां कि एककी किशतरे अलावा होरि कोई न थी, यीशु अपने चलन साथी तैस किशती पुइ न च़ढोरो थियो, पन सिर्फ तैसेरे चले थियो। 23 (तैखन होरि किशती तिबिरियुस नगरां तैस ठैरी ईई, ज़ैडी तैनेई प्रभुएरु शुक्र केरतां रोटी खोरी थी) 24 एल्हेरेलेइ ज़ैखन लोकेई हेरु कि इडी न यीशु ते न तैसेरे चले, ते तैना फिरी तैना निक्की-निक्की किशतन पुइ च़ेढतां यीशु तोपते कफरनहूम नगर ए पुजे। 25 समुन्दररे पार ज़ैखन तैना तैस मैल्ले त तैने ज़ोव, “हे गुरु, तू इडी कताली अव?” 26 यीशुए तैन जुवाब दित्तो, “अवं तुसन सेइ सच-सच ज़ोताई, तुस मीं एल्हेरेलेइ न तोपथ कि तुसेई चमत्कार लाव, बल्के एल्हेरेलेइ कि रोटी खेइतां रज़्जे। 27 नाश भोनेबैली रोट्टेरे लेइ मेहनत न केरा। पन तैस रोट्टेरे लेइ मेहनत केरा ज़ै हमेशारी ज़िन्दगी देतीए, ज़ै मैनेरु मट्टु यानी अवं तुसन देइलो, किजोकि बाजी परमेशरे मीं एन्चरां केरनेरो अधिकार दित्तोरोए।” (aiōnios g166) 28 तैनेई तैस्से सेइ ज़ोव, “परमेशरेरु कम केरनेरे लेइ अस कुन केरम?” 29 यीशुए तैन जुवाब दित्तो, “परमेशर तुसन करां एन कम चाते कि तुस तैस पुइ यानी मीं पुइ विश्वास केरा ज़ैनी अवं भेजोरोई।” 30 तैखन तैनेई तैस सेइ ज़ोव, “फिरी तू कुन निशान हीरातस कि अस तैस हेरतां तेरो विश्वास केरम? तू कोन ज़ेरु कम हीरातस? 31 इशशे दादेई-पड़दादेई जंगले मां स्वर्गोरी रोटी खेइ, ज़ैस जो मन्नो ज़ोतन। ज़ेन्चरे पवित्रशास्त्रे मां लिखोरुए, तैनी तैन खानेरे लेइ स्वर्गोरां रोटी दित्ती।” 32 यीशुए तैन सेइ ज़ोव, “अवं तुसन सेइ सच-सच ज़ोताई कि मूसा तुसन ते रोटी स्वर्गोरां न दित्ती, पन मेरो बाजी तुसन सञ्जी रोटी स्वर्गोरां देते। 33 किजोकि ज़ै रोटी परमेशर देते, ते ते ईए ज़ै स्वर्गोरां एइतां दुनियारे लोकन ज़िन्दगी देतीए।” 34 तैखन तैनी तैस्से सेइ ज़ोव, “हे प्रभु, ए रोटी असन स्वर्गोरां देतो रा।” 35 यीशुए तैन सेइ ज़ोव, “ज़िन्दगरी रोटी (ज़ै ज़िन्दगी देनेबाली रोटी) अर्वे आई, ज़ै मीं कां एजते तै कथी निअन्नो न भोलो, ते ज़ै मीं पुइ विश्वास केरेलो तै कथी ट़लिशोरो न भोलो। 36 पन मीं तुसन सेइ पेइलू जोरुए, कि तुसेई अवं लोरोई फिरी भी मीं पुइ विश्वास न केरथ। 37 ज़ैन किछ बाजी मीं देते तैन सब किछ मीं

कां एजनूए, ते ज़ै कोई मीं कां एज्जेलो अवं तैस ज़रूर कबूल केरेलो। 38 किजोकि अवं अपनि मर्जी नई, बल्के परमेशेरी मर्जी पूरी केरनेरे लेइ स्वर्गं ओरोई ज़ैनी अवं भेजोरोई। 39 ईए मेरे बाजेरी मर्जी आए ज़ैनी अवं भेजोरोई कि ज़ैन किछ तैनी मीं दितोरोए तैस मरां अवं किछ न हिरेई, पन आखरी दिहैडी फिरी तैस ज़ीतो केरेलो। 40 किजोकि मेरे बाजेरी मर्जी ईए कि ज़ै कोई मट्टे हेरे ते तैस पुइ विश्वास केरे, तैस हमेशारी जिन्दगी मैल्ले, ते अवं तैस आखरी दिहैडी फिरी ज़ीतो केरेलो।” (aiōnios g166) 41 एल्हेरेलेइ यहूदी लोक तैस पुइ कुडकुडाने लगे, किजोकि तैनी ज़ोरू थियू, “जै रोटी स्वर्गं ओरिए तै अवं आई।” 42 ते तैनेई ज़ोवं, “कुन एन यूसुफेरू मट्टू यीशु नई, जेसेरे अम्मा बाजी अस ज्ञानतम? त ते केन्चरे ज़ोते कि अवं स्वर्गं ओरोई?” 43 यीशुए तैन जुवाब दितो, “एप्पू मांमेइं न कुडकुडाथ। 44 कोई मीं कां न एज्जी बट्टे ज्ञांतगर बाजी, ज़ैनी अवं भेजोरोई, तैस मीं कां न आने, ते अवं तैस आखरी दिहैडी फिरी ज़ीतो केरेलो। 45 नेबी केरे पवित्रशास्त्रे मां एन लिखोरूए, ‘तैना सब परमेशेरे तरफां शिखवोरे भोनेन।’ ज़ैनी बाजी करां शुनोरूए त शिखवोरोए तै मीं कां एइते। 46 एसेरो मतलब ई नई कि केन्चे बाजी लोरोए, पन ज़ै परमेशेरे तरफांए यानी मीं बाजी लोरोए। 47 अवं तुसन सेइं सन्न-सन्न ज़ोताई ज़ै कोई विश्वास केरते हमेशारी जिन्दगी तैसेरीए। (aiōnios g166) 48 जिन्दगी रोटी (जिन्दगी देनेबाली रोटी) अवं आई। 49 तुशे दादे-पड़दादेई जंगले मां मन्नो खाऊ ते मरे। 50 ई तै स्वर्गरी रोटीए कि मैन्हु खान ते न मरन। 51 जिन्दगी रोटी ज़ै स्वर्गं ओरिए अवं आई। अगर कोई इस रोटी मरां खाए, त हमेशा ज़ीतो रालो, ते ज़ैस रोटी सेइं दुनियारे लोकन हमेशारी जिन्दगी मैलचे, तैन मेरू मासे।” (aiōn g165) 52 एस पुइ यहूदी लोक एप्पू मांमेइं बेंस केरने लाए, “ई मैन्हु असन अपनू मास केन्चरे खाने जो देइ बटते?” 53 यीशुए तैन सेइं ज़ोवं, “अवं तुसन सेइं सन्न-सन्न ज़ोताई, कि ज्ञांतगर तुस मैनेरे मट्टेरू यानी मेरू मास न खाले, ते मेरो खून न पीले, तुसन हमेशारी जिन्दगी न मैलेली। 54 ज़ै मेरू मास खाते ते मेरो खून पीते हमेशारी जिन्दगी तैसेरीए ते आखरी दिहैडी अवं फिरी तैस ज़ीतो केरेलो। (aiōnios g166) 55 किजोकि हकीकति मां मेरू मास खानेरी चीजे ते मेरो खून पीनेरी चीजे। 56 ज़ै मेरू मास खाते ते खून पीते तै मीं मां बनोरो राते, ते अवं तैस मां। 57 जेन्चरे ज़ीते बाजी अवं भेजोरोई, ते अवं बाजी केरे कारन ज़ोताई, तेन्चरे तै भी ज़ै मीं खालो मेरे कारन ज़ीतो रालो। 58 ज़ै रोटी स्वर्गं ओरिए, तैस रोटी ज़ेरी नई ज़ै तुशे दादे-पड़दादेई खाइ ते बादे मां मरे, पन ज़ै कोई ई रोटी खालो तै हमेशा ज़ीतो रालो।” (aiōn g165) 59 इना गल्लां तैनी कफरनहूम नगरेरे एक्की प्रार्थना घरे मां जोई। 60 एल्हेरेलेइ तैसेरे चलन मरां बडेई एन शुन्तां ज़ोवं, “ए शिक्षा सकते, एस कौन मेन्नी बटते?” 61 यीशु अपने मने मां एना बुझतां कि मेरे चले एस गल्ली पुइ एप्पू मांमेइं कुडकुडाने लोरेन, तैन पुच्छ,

“कुन इना गल्लां तुसन मीं पुइ विश्वास केरने करां रोकतिन?” 62 अगर तुस मैनेरू मट्टू यानी अवं ज़ैडी पेइलो थियो उबरे (स्वर्गं) गातो लाएले, त कुन भोलू? 63 परमेशेरी आत्मा त जिन्दगी देने बालीए, मैन्हु केरि ताकती सेइं किछ न केरोए, ज़ैना गल्लां मीं तुसन सेइं जोई तैना परमेशेरी आत्मा तरफां आन ते तैना जिन्दगी भी आन। 64 पन तुसन मां किछ एरे आन ज़ैना विश्वास न केरन। किजोकि यीशु पेइलो ज्ञानतो थियो कि ज़ैना विश्वास न थी केरते तैना कौन आन, ते तैस कौन दलवालो। 65 ते तैनी ज़ोवं, “एल्हेरेलेइ मीं तुसन सेइं ज़ोरू थियू, ज्ञांतगर बाजी केरे तरफां एन वरदान न मैल्ले तांतगर कोई मीं कां न एज्जी बट्टे।” 66 एस पुइ तैसेरे चलन मरां बडे उलटे फिरे, ते तैल्ला पती तैस साथी न चले। 67 तैखन यीशुए 12 चलन सेइं ज़ोवं, “कुन तुस भी चलू गानू चातथ?” 68 शमौन पतरस तैस जुवाब दितो, “हे प्रभु अस केस कां गाम? हमेशारी जिन्दगी देने बैली गल्लां त तींए कां आन। (aiōnios g166) 69 ते असेई तीं पुइ विश्वास कियो ते ज्ञानू कि तू परमेशेरो पवित्र मैन्हु आस।” 70 यीशुए तैन जुवाब दितो, “कुन मीं तुस 12 न चुने। फिर भी तुसन मरां अक मैन्हु शैताने।” 71 तैने इन तैस शमौन इस्करियोतेरे मट्टे यहूदा इस्करियोतेरे बारे मां ज़ोवं। हालांकि तै तैन 12 चलन मरां अक थियो, ज़ै यीशु दलवाने बालो थियो।

**7** एना गल्लन पती यीशु गलील इलाके मां फिरतो राव, किजोकि यहूदी लीडर तैस मारनेरी कोशिश केरि राओरे थियो, एल्हेरेलेइ तै यहूदिया इलाके मां फिरनू न चातो थियो। 2 यहूदी केरू झांफडी केरू तिहार (तेम्बु) नेडू थियू। 3 एल्हेरेलेइ तैसेरे दूलाएई तैस ज़ोवं, “इडी न रा। यहूदिया इलाके मां गा ज़ैडी तिहार मनाने लोरेन, कि ज़ैना चमत्कार तू केरतस तैना तेरे तैना चले भी हेरन, ज़ैना यहूदिया इलाके मां रातन। 4 किजोकि एरो कोई न भोलो कि ज़ै मशूर भोनु चाए, ते छेपतां कम केरे। अगर तू कम केरतस, त अपनो आप हिरा।” 5 किजोकि तैसेरे दूला भी तैसेरो विश्वास न थी केरते। 6 तैखन यीशुए तैन सेइं ज़ोवं, “मेरो लेइ ठीक वक्त हेजू नई ओरो, पन तुस केन्ची वक्त मां भी गेइ सकतथ। 7 इस दुनियारे लोक तुसन सेइं बैर न केरि सकन, पन मीं सेइं बैर रखतन किजोकि अवं तैन केरे खलाफ इन ज़ोताई कि तैना बुरां कम्मां केरतन। 8 तुस तिहारे मां गाथ, मीं हुना एस तिहारे मां नई एजनू, किजोकि मेरो हेजू ठीक वक्त नई ओरो।” 9 ते तै तैन सेइं एना गल्लां केरतां गलीले मां राव। 10 पन ज़ैखन तैसेरे दूला तिहारे मां चले जे त तै बांदो न पन छेपतां जेव। 11 यहूदी लीडर तिहारे मां यीशु तोपने लाए। तैना लोकन पुछ्छी राओरे थिये, “तै मैन्हु कोइ आए?” 12 ते लोकन मां तैसेरे बारे मां बल्हे-बल्हे बेडि गल्लां भोइ, किछ ज़ोते थी, “तै रोडो मैनुए।” ते किछ ज़ोते थी, “नई तै मैनु गुमरा केरते।” 13 फिरी भी यहूदी लोकां केरे प्रधानां केरे डरे सेइं केन्ची भी मैन्हु तैसेरे बारे मां खुलतां तैसेरे बारे मां गल केरनेरी हिम्मत न भोइ। 14 ज़ैखन तिहारेरे अध्ये दिहाड़े बीते, त

यीशु मन्दरेरे अंगने मां गेइतां शिक्षा देने लगी। 15 तैखन यहूदी लीडरेई हैरान भोइतां ज़ोवं, “एनी त पवित्रशास्त्रेरी शिक्षा केन्ची करां नई पढेरीए, फिरी एस केन्चरे एना गल्लां एई?” 16 यीशुए तैन जुवाब दित्तो, “मेरी शिक्षा मेरी अपनि नई, बल्के परमेशरेरे तरफां आए, ज़ैने अवं भेजोरोई। 17 अगर कोई तैसेरी मेर्जी पुड़ चलनू चाए, त तै इस शिक्षारे बार मां ज़ानेलो कि ए परमेशरेरे तरफांए या अवं अपने तरफां ज़ोताई। 18 ज़ै अपने तरफां किछ ज़ोते तै अपनि बड्यार्ई चाते, पन ज़ै अपने भेजने बालेरी बड्यार्ई चाते तै ईमानदार आए, ते तैस मां कोई बेइमानी नई। 19 तुसन मूसे कानून दित्तो, पन तुसन मरां कोई भी तैस पुड़ न चले। पन तुस लोक मीं मारनेरी कोशिश केरतथ।” 20 लोकेई जुवाब दित्तो, “तीं पुड़ भूतेरो सैयोए! कौन तीं मारनेरी कोशिश केरते?” 21 यीशुए जुवाब दित्तो, “मीं अक चमत्कार कियो, ते तुस हैरान भोए। 22 एल्हेरेलेइ मूसा तुसन खतनेरो हुक्म दित्तो (एना नई कि मूसरे तरफांए बल्के बाप दादां करां चलतो ओरोए) ते तुस आरामेरे दिहाड़े मैनेरो खतनो केरतथ। 23 एल्हेरेलेइ आरामेरे दिहाड़े मैनेरो खतनो कियो गाते ताके मूसरे कानूनरो हुक्म न टले, त तुस मीं पुड़ किजो क्रोध केरतथ, कि मीं आरामेरे दिहाड़े अक मैन्हु रोड़ेवारे ठीक केरो। 24 तुतर हेरतां इन्साफ न केरा बल्के ठीक-ठीक आदालत केरा।” 25 तैखन किछ यरूशलेम नगरेरे रानेबाले एप्पू मामेइं एक्की हीरे पुच्छने लगे, “कुन ए तै नई, ज़ैस मारनेरी कोशिश चलोरेए? 26 पन तक्का, तै त खुले आम गल्लां केरते, ते कोई एस किछ न ज़ोए। कुन लीडरेई सच्चे, सच ज़ानू कि ए मसीहे? 27 पन ए मैन्हु मसीह केन्चरे भोइ सकते? एस त अस ज़ानतम कि ए कोट्टां ओरोए, पन ज़ेइस मसीह एज्जेलो त कोई न ज़ानेलो कि तै कोट्टां एज्जेलो।” 28 तैखन यीशुए मन्दरे अंगने मां शिक्षा देते बारे ज़ोरे सेइं ज़ोवं, “तुस मीं ज़ानतथ ते इन भी कि अवं कोट्टां ओरोई। अवं एप्पू नई ओरो, पन मेरो भेजने बालो सच्चोए, तैस तुस न ज़ानाथ। 29 पन अवं तैस ज़ानताई, किजोकि अवं तैसेरे तरफां ओरोई, ते तैनी अवं भेजोरोई।” 30 एस पुड़ लीडरेई तै ट्लानो चाव, फिरी भी केन्चे तैस सेइं हथ न लव, किजोकि तैसेरो मरनेरो वक्त हेजू न थियो ओरो। 31 फिरी भी भीडी मरां बडे लोकेई तैस पुड़ विश्वास कियो, ते ज़ोने लाए, “मसीह ज़ैखन एज्जेलो ते एट्टां जादे चमत्कार हिरालो ज़ैना एने हीराहे?” 32 फरीसी लोकेई, लोक तैसेरे बारे मां बल्हे-बल्हे एना गल्लां केरते शुने, ते प्रधान याजकेई ते फरीसी लोकेई तैस ट्लानेरे लेइ मन्दरेरे पहरदार भेजे। 33 एस पुड़ यीशुए ज़ोवं, “अवं थोड़े चिरे तगर हेजू तुसन साथी आई, फिरी अवं अपने भेजने बाले कां वापस गानोई। 34 तुस मीं तोप्पेले, पन अवं नई मैलनो, ते ज़ैडी अवं आई, तैडी तुस न एज्जी बटथ।” 35 एस पुड़ यहूदी लीडर एप्पू मामेइं ज़ोने लगे, “ए कोरां चलारे, ज़ेरां अस न गेइ बटम? कुन ए तैन कां गालो ज़ैना यूनान नगरे मां तितर-बितर भोइतां रातन, ते यूनानेरे लोकन भी शिक्षा देलो?” 36 एस गल्लरो कुन मतलबे ज़ै एनी

जोई, कि तुस मीं तोप्पेले, पन अवं तुसन न मैलेलो, ते ज़ैडी अवं आई तैडी तुस न एज्जी बटतथ? 37 तिहारेरे आखरी दिहाड़े, ज़ै खास दिहाडी भोतीए, तेइस यीशु खडो भोइतां ज़ोने लगे, “अगर कोई ट्लिशशोरो भोए त मीं कां एज्जे ते पीये। 38 ज़ै मीं पुड़ विश्वास केरे, ज़ेन्चरे पवित्रशास्त्रे मां लिखेरूप, तैसेरे दिले मरां तै पैनेरे दरिया निस्सेले ज़ैना ज़िन्दगी देतन।” 39 यीशुए एना गल्लां पवित्र आत्मारे बारे मां ज़ोई, ज़ै विश्वास केरेने बालन पुड़ एजनेबाली थी, किजोकि पवित्र आत्मा हेजू तगर न थी दित्तोरी, किजोकि यीशु हेजू तगर अपनि महिमा मां वापस न थियो जोरोए। 40 तैखन भीडी मरां किछेई एना गल्लां शुन्तां ज़ोवं, “सच्चे ई तै नबी आए, ज़ेसेरे एजनेरी अस उमीदी मां आम।” 41 किछ लोकेई ज़ोवं, “ई मसीहे,” पन किछेई ज़ोवं, “कुन मसीह गलील इलाकेरां एजनेरो? 42 पवित्रशास्त्र मां लिखेरूप कि मसीह दाऊदेरे खानदाने ते बैतलहम इलव्वें मरां एज्जेलो, ज़ैडी दाऊद राज़ो रातो थियो।” 43 यीशुएरे बारे मां लोकां केरो अलग-अलग खियाल थियो, एल्हेरेलेइ तैन एप्पू मामेइं अनबन भोइ। 44 किछ तैन मरां तैस ट्लाने चाते थिये, पन केन्चे तैस सेइं हथ न लव। 45 तैखन मन्दरेरे पहरदार, प्रधान याजकन ते फरीसन कां एइतां तैन सेइं ज़ोवं, “तुसेई तै किजो न आनो?” 46 पहरदारेई जुवाब दित्तो, “केन्चे मैने कधी एत्री रोड़ो गल्लां न कियोरी, ज़ेरि गल्लां ए मैन्हु केरते।” 47 फरीसेई तैन जुवाब दित्तो, “कुन तुस भी टेपलोरेथ? 48 कुन सरदारन ते फरीसन मरां केन्चे तैस पुड़ विश्वास कियोरोए? 49 पन एन लोक ज़ैना मूसरे कानून न ज़ानन् तैन पुड़ परमेशरेरो फिटकार भोते।” 50 नीकुदेमूसे ज़ै पेइलो तैस कां राती ओरो थियो, ते तैना मरां अक थियो, तैनी ज़ोवं, 51 “कुन इश्शे कानून केन्ची मैन्हु सज़ा देनेरी अज़ाज़त देते, ज़ातगर तैसेरी गल शुन्तां इन न ज़ानम कि तै कुन केरते?” 52 तैनेई तैस जुवाब दित्तो, “कुन तू भी गलील इलाकेरो आस! पवित्रशास्त्रे मां तोप ते ज़ान, कि गलीलरां कोई नबी त नई निसने बालो!” 53 (तैखन सब अपने-अपने घरे चले जे)।

**8** पन यीशु अपने चेलन सेइं साथी ज़ैतून पहाड़े पुड़ जेव। 2 होरसां तै झेझां-झेझां मन्दरेरे अंगने मां जेव, बडे लोक तैस कां आए ते तै बिश्तां तैन शिक्षा देने लगी। 3 तैखन शास्त्री ते फरीसी लोक एक्की कुआन्शी ज़ै बदमशीं मां ट्लेइयोरी थी, तै मज़ाटे खडी केरतां यीशु सेइं ज़ोवं, 4 “हे गुरु, ई कुआन्शा बदमाशी केरते वक्त ट्लोरीए। 5 मूसरे कानून मां मूसा असन हुक्म दित्तोरोए कि एरी ज़ेरि कुआन्शी घोड़ेई बैइतां मारा, ते तू एस कुआन्शरे बारे मां कुन ज़ोतस, कि अस एस कुन केरम?” 6 तैनेई यीशु परखनेरे लेइ ए गल ज़ोई, ताके तैस पुड़ दोष लाने जो गल मैलले। पन यीशु उन्डे लिक्तां एंगलोई सेइं ज़मीनी पुड़ लिखने लव। 7 ज़ैखन तैना तैस पुछते राए, त तैनी उबरे तेकतां तैन सेइं ज़ोवं, “तुसन मरां ज़ैनी पाप न भोए कियोरोए, तैए पेइलो घोड़े बाए।” 8 ते फिरी उन्डे लिक्तां एंगलोई सेइं ज़मीनी

पुड लिखने लव। 9 पन तैना एना शुन्तां बडुन करां निकडन तगर सारे एक्की पत्ती अक तैट्टां चले जे, ते यीशु अकैल्लो राव, ते तै कुआन्शा मझाते खडी राई। 10 यीशुए उबरे तेकतां तैस पुच्छू, “हे कुआन्शा, तैना कोरां जे? कुन केन्चे तीं पुड सजारा हुक्म न दित्तो?” 11 तैसां ज़ोवं, “हे प्रभु केन्चे नई!” यीशुए ज़ोवं, “अवं भी तीं सजारा हुक्म न देई। अपने घरे जो गा ते फिरी पत्ती पापेरी न ज़िन्दगी जीयां।” 12 यीशुए फिरी लोकन सेइं ज़ोवं, “दुनियारी लौ अर्वे आई, ज़ै मीं पत्ती एज्जेलो त तै आंधरे मां न चलेलो, पन तै लौ हासिल केरेलो ज़ै ज़िन्दगरी देचे।” 13 फरीसी लोकेईं तैस सेइं ज़ोवं, “तू अपनि गवाही एप्पू देतस, तेरी गवाही सच्चरी नई।” 14 यीशुए तैन जुवाब दित्तो, “भला अवं अपनि गवाही एप्पू देताईं फिरी भी मेरी गवाही सच्चरीए, किजोकि अवं ज़ानताईं कि अवं कोट्टां ओरोईं ते कोरां गाताईं? पन तुस न ज़ानाथ कि अवं कोट्टां ओरोईं ते कोरां गाताईं। 15 तुस इन्सानेरी सोचरे मुताबिक इन्साफ केरतथ, अवं केन्चेरी इन्साफ न केरि। 16 ते अगर अवं इन्साफ केरि भी त मेरो इन्साफ सच्चोए, किजोकि अवं अकैल्लो नई, पन अवं ते मेरो बाजीए, ज़ैनी अवं भेजोरोईं। 17 मूसरे कानूने मां भी लिखोरोए कि दूईं ज़नां केरि गवाही मिलतां सच्चरी भोतीए। 18 अक त अवं अपनि गवाही देताईं, ते दुइयोवं गवाही मेरो बाजी देते ज़ैनी अवं भेजोरोईं।” 19 तैनेईं तैस पुच्छू, “तेरो बाजी कोडि आए?” यीशुए जुवाब दित्तो, “न तुस मीं ज़ानतथ न मेरे बाजी, अगर मीं ज़ानते त मेरे बाजी भी ज़ानते।” 20 एना गल्लां तैनी मन्दरेरे अंगने मां शिक्षा देते भण्डार घरे मां ज़ोईं, ते केन्चे तै न ट्लाव, किजोकि तैसेरो वक्त हेजू न थियो ओरो। 21 यीशुए फिरी तैन सेइं ज़ोवं, “अवं ज़ानताईं कि तुस मीं तोप्येले ते पाप केरते-केरते मरेले, ज़ैदी अवं गाताईं तैडी तुस न एज्जी बटथ।” 22 एस पुड यहूदी लीडरेईं ज़ोवं, “कुन एने अपनो आप मारनोए, ज़ैन ज़ोते कि ज़ैदी अवं गाताईं तैडी तुस न एज्जी बटतथ?” 23 यीशुए तैन सेइं ज़ोवं, “तुस इस दुनियाईं मां ज़मारेथ, अवं स्वर्गारां ओरोईं। तुस दुनियारेथ, अवं दुनियारो नई। 24 एल्हेरेलेइं मीं तुसन सेइं ज़ोरू थियूं, कि तुस अपने पापन मां मरेले, किजोकि अगर तुस विश्वास न केरेले कि अवं तैए आईं त अपने पापन मां मरेले।” 25 यहूदी लीडरेईं तैस सेइं ज़ोवं, “तू कौन आस?” यीशुए तैन सेइं ज़ोवं, “ज़ैन शुरू करां ज़ोतो ओरोईं, अवं तैए आईं। 26 तुशे बारे मां मीं बडू किछ ज़ोनोए ते फैसलो केरनोए, पन मेरो भेजने बालो सच्चोए, ते ज़ैन मीं तैस करां शुनोरूप तैन दुनियारे लोकन सेइं ज़ोताईं।” 27 तैनेईं एन न समझू कि असन सेइं बाजी केरे बारे मां कुन ज़ोने लोरोए। 28 तैखन यीशुए ज़ोवं, “ज़ैखन तुस मैनेरे मट्टे यानी मीं उच्चे पुड चाहेले, त ज़ानेले कि अवं तैए आईं, अवं अपने आपे सेइं किछ न केरि, जेन्चरे मेरो बाजी मीं शिखालते तेन्चरे तैना गल्लां केरताईं। 29 मेरो भेजने बालो मीं साथीए, तैनी अवं अकैल्लो नई शारोरो किजोकि अवं हमेशा तैन कम केरताईं ज़ैस सेइं तै खुश भोते।” 30 बडे लोकेईं

यीशुएरी तैना गल्लां शुन्ते वक्त ज़ैना ते जोईं राओरो थियो तैस पुड विश्वास कियो। 31 तैखन यीशुए तैन यहूदन सेइं ज़ैनेईं तैस पुड विश्वास कियोरो थियो ज़ोवं, “अगर तुस मेरे वचने मां बनेरे राले, त सच्चे मेरे चले भोले। 32 तुस सच्च ज़ानेले ते सच्च तुसन आज़ाद केरेलू।” 33 तैनेईं तैस जुवाब दित्तो, “अस त अब्राहमेरे औलादी मरां आम, ते कधी केन्चेरे गुलाम नईं भोरे, फिरी तू केन्चेरे ज़ोतस कि तुस आज़ाद भोले?” 34 यीशुए तैन जुवाब दित्तो, “अवं तुसन सेइं सच्च-सच्च ज़ोताईं कि ज़ै कोई पाप केरते तै पापेरो गुलामे। 35 गुलाम हमेशा घरे न रेड सके, मट्टू हमेशा रहते। (ai0n g165) 36 एल्हेरेलेइं अगर मट्टू तुसन आज़ाद केरे त सच्चे तुस आज़ाद भोले। 37 अवं ज़ानताईं कि तुसा अब्राहमेरे औलादी मरां आथ, फिरी भी मेरी शिक्षा तुस मन्थ, एल्हेरेलेइं तुस मीं मारने चातथ। 38 अवं तैने ज़ोताईं ज़ैन मीं लव, ज़ैखन अवं अपने बाजी सेइं साथी थियो, ते तुस तैने केरतथ ज़ैन तुसेईं अपने बाजी केरां शुनोरूप।” 39 तैनेईं तैस जुवाब दित्तो, “इशो पूर्वज त अब्राहमे।” यीशुए तैन सेइं ज़ोवं, “अगर तुस अब्राहमेरे औलादी मरां भोथे त अब्राहमेरां ज़ेरां कम्मां केरथ। 40 पन हुन्ना तुस मीं मारनो चातथ, किजोकि मीं तुसन तैना सच्चरी गल्लां जोईं ज़ैना मीं परमेशरे करां शुनी, एरू त अब्राहमे न थियूं कियोरू। 41 तुस अपने बाजेरां ज़ेरां कम्मां केरतथ।” तैनेईं तैस सेइं ज़ोवं, “अस बदमैशी सेइं नईं ज़मारे, इशो अक्के बाजीए, ते तै परमेशरे।” 42 यीशुए तैन सेइं ज़ोवं, “अगर परमेशर तुशो बाजी भोथो, त तुस मीं सेइं प्यार केरथ, किजोकि अवं परमेशरेरे करां ओरोईं, अवं अपने तरफां नईं ओरो, बल्के तैनी भेजोरोईं। 43 तुस मेरी गल्लां किजो न समझथ? एल्हेरेलेइं कि तुस मेरी शिक्षा मन्नी न चाथ। 44 तुस अपने बाजी शैतानेरेथ, ते तैसेरी मर्जां पूरी केरनि चातथ। तै त शुरू करां खूनी आए ते सच्चे पुड बनोरो न राव, किजोकि सच्च तैस मां अस्थी नईं। ज़ैखन तै झूठ ज़ोते त अपने सुभावेरे मुताबिक ज़ोते, किजोकि तै झूठो बल्के झूठेरो बाजीए। 45 पन अवं सच्च ज़ोताईं तांए तुस मेरो विश्वास न केरथ। 46 तुसन मां मीं कौन पापेरो दोष लाते? अगर अवं सच्च ज़ोताईं त फिरी मेरो विश्वास की न केरथ? 47 ज़ै परमेशरेरे तरफां भोते तै परमेशरेरी गल्लां केरते, ते तुस एल्हेरेलेइं न शुनथ किजोकि तुस परमेशरेरे तरफां नईं।” 48 एना शुन्तां यहूदेईं तैस सेइं ज़ोवं, “कुन अस ठीक न थिये ज़ोते, कि तू सामरी मैन्हु आस, ते तीं मां भूते!” 49 यीशुए जुवाब दित्तो, “मीं मां भूत नईं, पन अवं अपने बाजेरी इज्जत केरताईं, ते तुस मेरी निरादर केरतथ। 50 पन अवं अपनि बडयाईं न चैईं, हाँ अक्के ज़ै चाते कि लोक मेरी बडयाईं केरन, ते तै आदालत केरनेबालो भी आए। 51 अवं तुसन सेइं सच्च-सच्च ज़ोताईं कि ज़ै कोई मैन्हु मेरे वचने पुड चले तै कथे न मरेलो।” (ai0n g165) 52 यहूदेईं तैस सेइं ज़ोवं, “हुनी त असेईं बुझू, कि तीं मां भूते, अब्राहम ते नवी भी मरे, ते तू ज़ोतस, अगर कोई मेरे वचने पुड चले त तै कधी न मरेलो। (ai0n g165) 53 इशो पूर्वज अब्राहम मरो,

कुन तू तैस करां भी बड्डो आस? ते नबी भी मरे, तू अपने बारे मां कुन सोचतस कि तू कौन आस?" 54 यीशुए जुवाब दितो, "अगर अवं अपनि बड्यार्इ केरि त मेरी बड्यार्इ किछ भी नई। पन मेरी बड्यार्इ केरनेबालो मेरो बाजीए, ज़ैस तुस ज़ोतथ कि तै तुशुओ परमेशरे। 55 तुसेई त तै न ज़ानो, पन अवं तैस ज़ानताई, अगर अवं ज़ोई कि तैस न ज़ैनी, त तुशुओ ज़ेरो झूठो भोइ। पन अवं तैस ज़ानताई ते तैसेरे वचने पुड़ च़लताई। 56 तुशुओ पूर्वज अब्राहम मेरी दिहाड़ी हेरनेरे उमीदी पुड़ बडी खुश थियो, ते तैनी हेरी, ते खुश भोव।" 57 यहूदेई तैस्से सेइं ज़ोवं, "हेजू तू 50 साला केरो भी नई भोरो फिरी भी तीं अब्राहम लोरोए?" 58 यीशुए तैन सेइं ज़ोवं, "अवं तुसन सेइं सच-सच ज़ोताई कि अब्राहम पैदा भोने करां पेइलो, अवं आई।" 59 तैखन तैनेई तैस मारनेरे लेइ घोड़ सल्ले, पन यीशु छेपतां मन्देरे मरां निस्सी जेव।

**9** फिरी यीशुए अपने चेलन सेइं साथी च़ललो थियो, ते तैनेई अक मैन्हु लाव, ज़ै ज़र्मनरो कानो थियो। 2 तैसेरे चेलेई तैस पुच्छू, "हे गुरु, केने पाप कियो कि ए कानो ज़रमो, एने मैने या एसेरे अम्मा बाजे?" 3 यीशुए जुवाब दितो, "न एने पाप कियो, न एसेरे अम्मा-बाजेइ, पन ते एल्हेरेलेइ कानो ज़रमो ताके परमेशरेरे चमत्कार एसमां लेईहोन। 4 ज़ैने अवं भेजोरोई, असेई तैसेरू कम लूशी केरनू ज़रुरीए, ज़ैन कम तैनी असन दितोरूए, ते रात एजने बालीए ज़ैस मां कोई भी कम न केरि सके। 5 ज़ांतगर अवं दुनियाई मां आई, अवं दुनियारी लौ आई।" 6 एन ज़ोइतां तैनी ज़मीनी पुड़ थुकू, ते तैस थुके सेइं मिती सन्नी, ते तै मिती कानेरे एछ़न पुड़ लाई। 7 ते तैस सेइं ज़ोवं, "गा शीलोह नंवेरे हावदे मां अपनू तुत्तर धो" (शीलोहेरे मतलब भेजरो) तैनी गेइतां धोवं, ते लांतो वापस अव। 8 तैखन तैस मैनेरे पड़ोसेई त ज़ैनेई तै भीख मगतो लावरो थियो, एक्की होरि सेइं ज़ोने लगगे, "कुन ई तैए मैन्हु नई ज़ै पेइलो बिश्तां भीख मगतो थियो?" 9 किछ मैन्हु ज़ोने लाए, "ई तैए," होरेई ज़ोवं, "नई तैसेरो ज़ेरो कोई होरो भोनोए," तैनी ज़ोवं, "अवं तैए आई।" 10 तैखन तैना तैस पुच्छने लगगे, "तेरी एछ़न केन्चरां लौ आई?" 11 तैनी जुवाब दितो, "यीशु नंवेरे एक्की मैने मिती सन्नी, ते मेरी एछ़न पुड़ लेइतां मां सेइं ज़ोवं, गा शीलोह हावदे मां गेइतां अपनू तुत्तर धो, ते अवं जेव ते मां तुत्तर धोवं, ते लांने लाव।" 12 तैनेई तैस पुच्छू, "तै मैन्हु कोइ आए?" तैनी ज़ोवं, "मां नई पतो।" 13 लोकेई तै ज़ै पेइलो कानो थियो फरीसी लोकन कां नेव। 14 ज़ैस दिहाड़े यीशुए मिती सैनतां तैसेरी एछ़नी लौ दितो थी, तै आरामेरी दिहाड़ी थी। 15 फिरी फरीसी लोकेई भी तैस पुच्छू, "तैसेरी एछ़न लौ केन्चरे आई?" तैनी तैन सेइं ज़ोवं, "तैनी मेरी एछ़न पुड़ मिती लाई, फिरी मां तुत्तर धोवं, ते अवं हुनी लाताई।" 16 एस पुड़ किछ फरीसी लोक ज़ोने लगगे, "ए मैन्हु परमेशरेरे तरफां नई, किजोकि ए आरामेरी दिहाड़ी न मन्ने।" होरेई ज़ोवं, "एरो ज़ेरो पापी मैन्हु एरे चमत्कार केन्चरे हिरेई बटते?" ते तैन एप्पू मांमेई अनबन भोइ। 17 तैनेई काने

फिरि पुच्छू, "ज़ैने तेरी एछ़नी खोलोरेन, तू तैसेरे बारे मां कुन ज़ोतस?" तैनी ज़ोवं, "तै नबी आए।" 18 पन यहूदी लीडरन विश्वास न भोव, कि तै कानो थियो ते हुनी लाते, ज़ांतगर तैनेई, तैसेरे अम्मा-बाजी न कुजाए। 19 तैन पुच्छू, कुन एन तुशु मट्टूए, "ज़ैस तुस ज़ोतथ कि कानो ज़र्मोरू थियू? फिरी हुना केन्चरां लाते?" 20 तैसेरे अम्मा बाजीए जुवाब दितो, "असां त ज़ानतम कि एन इशू मट्टूए, ते कानो ज़र्मोरू थियू। 21 पन अस इन न ज़ानतम कि अज़ केन्चरे लाते, ते न इन ज़ानतम कि केने एसेरी एछ़न लौ दित्ती, एन हुनी बड्डूए एस पुछ़ा, ए अपने बारे मां एप्पू ज़ोलो।" 22 एना गल्लां तैसेरे अम्मा बाजे एल्हेरेलेइ ज़ोई तैना यहूदी लीडरन करां डरते थिये, किजोकि यहूदी लीडर सारे अक भोरे थी, कि अगर कोई जोए, कि ए मसीहे त तै प्रार्थना घरे मरां कट्टो गाए। 23 एल्हेरेलेइ तैसेरे अम्मा बाजे ज़ोवं, "एन बड्डूए, एस्से पुछ़ा।" 24 तैखन तैस मैन्हु ज़ै कानो थियो, दुइयोवं बार कुजेइतां ज़ोवं, "सच ज़ोइतां परमेशरेरी बड्यार्इ केर, अस ज़ानतम तै मैन्हु पापीए।" 25 तैनी जुवाब दितो, "अवं न ज़ैनी कि ए पापी कि नई, अवं अक गल ज़ानताई, कि अवं कानो थियो हुनी लाताई।" 26 तैनेई तैस पुच्छू, "तैने तीं सेइं कुन कियू? तैनी केन्चरे तेरी एछ़न लौ दित्ती?" 27 तैनी तैन सेइं ज़ोवं, "मीं त तुसन सेइं ज़ोवरूए, ते तुसेई न शुनू हुनी दुइयोवं बार किजो शुनू चातथ? कुन तुस भी तैसेरे चले बन्ने चातथ?" 28 तैखन तैना तैस बुरु भलू ज़ोने लाए, "तूए तैसेरो चेलोस, अस त मूसेरे चलेमा।" 29 अस ज़ानतम परमेशरे मूसा सेइं गल्लां की, पन एस न ज़ानम कि ए कोट्ठां ओरोए। 30 तैनी तैन जुवाब दितो, "ए त बडी बड्डी गल्ले कि तुस न ज़ानाथ कि ए कोट्ठां ओरोए, फिरी भी तैनी मेरी एछ़न लौ दित्ती। 31 अस ज़ानतम की परमेशर पापी केरि न शुने, पन कोई परमेशरेरो भक्त भोए त तैसेरे मेर्जी पुड़ च़लतो भोए, त परमेशर तै तैसेरी शुनते। 32 दुनिया रचनेरे वक्ते करां कथे शुन्ने मां नई ओरोए कि केन्चे ज़र्मनेरे कानेरी एछ़न लौ दित्तोरी, (aiōn g165) 33 अगर ए मैन्हु परमेशरेरे तरफां न भोथो त किछ न केरि सकेथो।" 34 तैनेई तैस ज़ोवं, "तू त बिलकुल पापन मां ज़र्मोरिस, तू असन शिखालतस?" ते तैनेई तै प्रार्थना घरे मरां बेइरोवं कट्टो। 35 यीशुए शुनू कि तै बेइरोवं कट्टोरोए, ते ज़ैखन तैसेरी तैस सेइं मुलाकात भोइ, त तैस सेइं ज़ोवं, "कुन तू मैनेरे मट्टे पुड़ विश्वास केरतस?" 36 तैनी तैस जुवाब दितो, "हे प्रभु, मां सेइं ज़ो कि ते कौने, ताके अवं तैस पुड़ विश्वास केरि?" 37 यीशुए तैस सेइं ज़ोवं, "अव्वे आई, तीं अवं पेइलो लोरोई, ज़ै तीं सेइं गल्लां केरि राओरोए।" 38 तैनी ज़ोवं, "हे प्रभु, अवं तीं पुड़ विश्वास केरताई।" ते तैस कां मथ्यो टेको। 39 तैखन यीशुए ज़ोवं, "अवं इस दुनियाई मां ई इन्साफ केरने ओरोई, ज़ैना न लान तैना लान, ते ज़ैना लातन तैना काने भोन।" 40 ज़ैना फरीसी लोक तैस सेइं साथी थिये तैनेई ज़ोवं, "कुन तू असन जो भी काने ज़ोतस?" 41 यीशुए तैन सेइं ज़ोवं, "अगर तुस काने भोथे त

पापी न भोधे, पन हुनी ज़ोतथ कि अस लातम, एल्हेरेलेइ तुशे पाप माफ़ न भोले।”

**10** “अवं तुसन सेइं सन्न-सन्न ज़ोताई, कि ज़ै कोई दारेरे बत्तां बाड़े मां न गाए, पन होरि बत्तां गाते, ते चोर ते डैकूए। 2 पन भैड्डां केरो पुहाल दारेरे बत्तां गाते। 3 तैसेरेलेइ दरबान दार खोलते, ते भैड्डां तैसेरी गल पिशैनतिन, ते तै अपनि भैड्डन नंवे सेइं कुजाते ते बेडर नेते। 4 ते ज़ैखन ते अपनि सैरी भैड्डां बेडर कढते, त तैन केरे अग्री-अग्री चलते, ते भैड्डां तैस पत्ती-पत्ती गैतिन, किजोकि तैना तैसेरी आवाज़ पिशैनचन। 5 तैना बखले पत्ती न गैली, पन तैस करां नशशेली, किजोकि तैना बखलेरी आवाज़ न पिशानन्।” 6 यीशुए तैन सेइं मिसाल देइतां ज़ोवं, पन तैनेई न समझू कि एसेरी गल्लां केरो कुन मतलबे, ज़ैना तै असन सेइं ज़ोते। 7 तैखन यीशुए तैन सेइं फिरी ज़ोवं, “अवं तुसन सेइं सन्न-सन्न ज़ोताई, भैड्डां केरू दार अवं आई। 8 ज़ेत्रे मीं करां पेइले आए सब चोर ते डैकून, पन मेरी भैड्डेई तैन केरि न शुनी। 9 दार अवं आई, अगर कोई मेरे ज़िरिये अन्तर गालो, त परमेशर तैस मुक्ति देलो, ते तै अन्तर बेडर एइतो गालो ते खूराक पालो। 10 चोर होरि कोन्ची कम्मरे लेइ न एज्जे, बल्के चोरी केरने ते मारने ते नाश केरने एइते, अवं एल्हेरेलेइ ओरोई कि तैन भरपूर ज़िन्दगी जीन। 11 रोडो पुहाल अवं आई, रोडो पुहाल भैड्डां केरे लेइ अपनि जान देते। 12 ज़ैखन नौकर गिद एंडतू लाते त तै भैड्डां शैरतां नेशशी गालो। किजोकि तै तैन केरो न पुहाले न मालिके, ते गिद तैन पुड हमलो केरतां तितर-बितर केरते। 13 तै एल्हेरेलेइ नशते कि तै नौकर आए, ते तैस भैड्डां केरि फिक्क नई। 14 रोडो पुहाल अवं आई, अवं अपनि भैड्डां पिशानताई, ते मेरी भैड्डां मीं पिशैनचन। 15 ज़ेन्चरे बाजी मीं जानाते, तेन्चरे अवं भी तैस ज्ञानताई, ते अवं भैड्डां केरे लेइ अपनि जान देताई। 16 ते मेरी होरि भी भैड्डन, ज़ैना इस बाड़े मां नई, मीं तैना भी ऐनिन ज़रुरिन, तैना मेरी आवाज़ पिशैनेली, फिरी अक्के डेरो ते अक्के पुहाल भोनोए। 17 अवं अपनि जान देताई, एल्हेरेलेइ बाजी मीं सेइं प्यार केरते, कि अवं फिरी ज़ीतो भोई। 18 कोई मेरी ज़िन्दगी मीं करां न थसोड़े, बल्के अवं एप्पू देताई, मीं तैस देनेरू भी अधिकारे ते नेनेरो भी अधिकारे, ई हुक्म मीं मेरे बाजी करां मैलोरोए।” 19 एल्लां पत्ती, यहूदन मां फिरी अनबन भोइ। 20 तैन मरां बड़े ज़ोने लाए, “तैस मां भूते, ते तै पागले, तैसेरी किजो शुनातथ?” 21 हारे लोकेई ज़ोवं, “एना गल्लां एरे मैनेरी नई ज़ैस मां भूत भोए, कुन भूत कांन केरि एछ्छी खोल्ली बटते?” 22 यरूशलेम नगरे मां तिहार भोवं, ते हीवतडेरो मौसम थियो। 23 यीशु सुलैमानेरे मन्देरे अंगने मां हंठने फिरने लगगोरो थियो। 24 तैखन यहूदेई ते घेरो ते पुच्छू, “तू केइस तगर इश्शे दिले डामाडोल केरतस? असन सेइं साफ-साफ ज़ो। कुन तू मसीह आस?” 25 यीशुए तैन जुवाब दित्तो, “मीं तुसन सेइं ज़ोवं पन तुस विश्वास न केरथ। ज़ैना कम्मां अवं अपने बाजी केरे अधिकारे सेइं केरताई तैना मेरे गवाह आन। 26 पन तुस

एल्हेरेलेइ विश्वास न केरथ कि मेरी भैड्डन मरां नई। 27 मेरी भैड्डां मेरी आवाज़ पिशैनचन, अवं तैन ज्ञानताई, ते तैना मीं पत्ती-पत्ती खेलचन। 28 ते अवं तैन हमेशारी ज़िन्दगी देताई, तैना कधी नाश न भोले, ते कोई तैन मेरे हथ्थे मरां न थसोडी सके। (aiōn g165, aiōnios g166) 29 मेरो बाजी, ज़ैनी तैना मीं दित्तोरिन, सेबनन करां महान आए, ते कोई तैन बाजी केरे हथ्थे मरां न नेइ बटे। 30 अवं त बाजी अक्के आम।” 31 दुबारां फिरी, यहूदेई तैस घोडेव देनेरे लेइ फिरी घोड़ सल्ले। 32 एस पुड़ यीशुए तैन सेइं ज़ोवं, “मीं अपने बाजी केरे तरफां बड़ां रोड़ां कम्मां हिरां, तैन मरां कोस कम्मरे लेइ घोडेव देतथ?” 33 यहूदेई तैस जुवाब दित्तो, “रोड़ां कम्मां केरे लेइ अस तीं पुड़ घोडेव नई केरने लेवरे, पन परमेशरेरी तुहीन केरनेरे लेइ, एल्हेरेलेइ कि मैन्हु भोइतां अपनो आप परमेशर बनातस।” 34 यीशुए तैन जुवाब दित्तो, “मूसेरे कानूने मां एन लिखोरू कि परमेशरे अपने लोकां केरे लीडरन सेइं ज़ोवं कि तैना ईश्वरन। 35 (तुसन पतोए पवित्रशास्त्रेरी गल कोई भी बेदली न बटे) अगर परमेशरे तैन लोकन जो ईश्वर ज़ोवं ज़ैन कां परमेशरेरू वचन पुज्जू, 36 फिरी तुस किजो ज़ोतथ कि तू तुहीन केरतस, ज़ैखन अवं ज़ोताई कि अवं परमेशरेरू मडू आई? बाजी परमेशरे अवं पवित्र ठहरेइतां दुनियाई मां भेजो। 37 अगर अवं अपने बाजेरू कम न केरि, त मेरो विश्वास न केरा। 38 पन अगर अवं अपने बाजेरू कम केरताई, त चाए तुस मेरो विश्वास न भी केरा, पन तैन कम्मन पुड़ विश्वास केरा। तैखन तुस बुज्जले ते समझले कि बाजी मीं मां आए, ते अवं बाजी मां आई। 39 तैनेई फिरी तैस ट्लानेरी कोशिश की, पन ते तैन करां चलो जेव।” 40 फिरी यीशु यरदन दरियारे पार तैस ठैरी जेव, ज़ैडी यहून्ना पेइले बपतिस्मो देतो थियो, ते तैडी राव। 41 बड़े लोक तैस कां एइतां ज़ोते थिये, “यहून्ना त कोई चमत्कारी निशान न हिराव, पन ज़ैन किछ यहून्ना एसेरे बारे मां ज़ोवं, तैन सब सन्न थियू।” 42 ते तैडी बड़ेई यीशु पुड़ विश्वास कियो।

**11** मरियम ते तैसेरी बेइन माथरि इल्वं बैतनिय्याह मां लाज़र नच्वेरो अक मैन्हु थियो 2 ई तैए मरियम थी ज़ैसां बादे मां प्रभु पुड़ इत्र छेइतां अपने बालन सेइं तैसेरे पाव पूंछेरे थी, एसेरो ढला लाज़र बिमार थियो। 3 तैखन तैसेरी बेइने यीशु कां अक बिस्तार भेजो, “हे प्रभु, ज़ैस सेइं तू प्यार केरतस तै बिमारे।” 4 ज़ैखन यीशुए एन शुनू त ज़ोवं, “ए बिमारी मरनेरे लेइ नई बल्के परमेशरेरी महिमारे लेइ आए, ताके तैसेरे ज़िरिये परमेशरेरे मट्टेरी महिमा भोए।” 5 यीशु मार्था ते तैसेरी बेइन मरियम ते लाज़रे सेइं प्यार केरतो थियू। 6 ज़ैखन यीशुए शुनू कि, लाज़र बिमारे, पन फिर भी दूई दिहाड़े तैडी बिश्शो ज़ैडी ते थियो। 7 दूई दिहाड़ेना बाद यीशुए अपने चलन सेइं ज़ोवं, “एज्जा, अस फिरी यहूदिया इलाके मां गाम।” 8 चले ज़ोने लगे, “हे गुरू, थोड़े चिर पेइले यहूदी लीडर तीं घोड़ेई बाते थिये, ते तू फिरी तैडी गानू चातस?” 9 यीशुए जुवाब दित्तो, “कुन दिहाड़े मीं 12 घंटे न भोन? ज़ै दीसां चलते तैस ठोकर न लगे,

एल्हेरेलेड कि तै दुनियारी लोई मां चेलि सकते। 10 पन अगर तै राती च़लते त आंधरे मां तैस ठोकर लगचे, किजोकि तैस कां लौ नई।” 11 तैनी एना गल्लां जोई, ते अपने चलन सेइं जोने लगे, “इशशो दोस्त लाज़र झुलोरोए पन अवं तैस बीझाने च़लोरोई।” 12 तैसेरे चले जोने लगे, “हे प्रभु अगर तै झुलोरोए त तै बीझेलो।” 13 यीशुए लाज़रे मरनेरे बारे मां ज़ोरू थियू, पन तैसेरे चलेईं बुझू कि तैसेरो मतलब निडलारे बारे मां झुलोरोए, पन अवं तैस बीझाने च़लोरोई। 14 तैखन यीशुए रोडेचारे ज़ोवं, “लाज़र मेरि जेवरोए। 15 अवं खुश आई कि तुशशे लेड फैडदोए, कि अवं तैड़ी न थियो ज़ैस सेइं विश्वास केरथ। हुनी एज्जा अस तैड़ी गामा।” 16 तैखन थोमा ज़ैस जो दिदुमुस ज़ोतन, होरि चलन सेइं जोने लगे, “एज्जा, अस भी तैस सेइं साथी मरनेरे लेड गाम।” 17 ज़ैखन यीशुए बैतनिय्याह डलव्वे मां पुज्जो त तैस पतो लगे, कि लाज़र दब्बरे च़ेरे दिहाड़े भोरेन 18 बैतनिय्याह यरूशलेम नगरेरां कोई ट्लाई किलोमीटर दूर थियू। 19 बड़े यहूदी लोक मारथा ते मरियमी कां तैन केरे ढूला लाज़रेरे मरनेरां पती तैना तसल्ली देने ओरे थियो। 20 ज़ैखन मारथा शुनू कि यीशु ओरोए तै तैस सेइं मिलनेरे लेड बेडर निस्सी, पन मरियम बेडर न निस्सी। 21 मारथा यीशुए सेइं जोने लगी, “हे प्रभु, अगर तू इड़ी भोथो त मेरो ढूला न थियो मरनो। 22 पन अवं ज़ानती, हुनी ज़ैन किछ तू परमेशरे करां मगेलो, ते परमेशर तीं देलो।” 23 यीशुए तैस ज़ोवं, “तेरो ढूला ज़ीतो भोड गानोए।” 24 मारथा तैस सेइं ज़ोवं, “अवं ज़ानती तै आदालतरे दिहाड़े ज़ेइस सारे लोक ज़ीते भोनेन, तेइस तै भी ज़ीतो भोड गानोए।” 25 यीशुए तैस ज़ोवं, “मैनन् मुडदन मरां ज़ीते केरनेबालो अर्वे आई। ज़ै मीं पुड विश्वास केरते तै मरनेरां बाद भी ज़ीतो रालो। 26 ते ज़ै कोई ज़ीतोए, ते मीं पुड विश्वास केरते, तै कथे न मरेलो, कुन तू इस पुड विश्वास केरचस?” (aiōn g165) 27 मारथा जुवाब दितो, “हॉ प्रभु, मेरो विश्वास तीं पुडे, कि तू परमेशेरू मटू मसीह ज़ैन दुनियाई मां एजनेबालू थियू।” 28 ज़ैखन तैसां ए गल जोई त तै वापस च़ली जेई, ते अपनि बेडन मरियम कनारे कुजेइतां जोने लगी, “गुरू जी ओरेन ते तीं कुजाने लगोरेन।” 29 तै एन शुन्तां लूशी उट्टतां यीशु सेइं मिलने च़ली आई। 30 यीशु हेजू डलव्वे मां न थियो पुजोरो, पन तै तैड़ी थियो ज़ैड़ी मारथा तैस सेइं मिलोरी थी। 31 तैखन तैना यहूदी लोक ज़ैना मरियमी तस्सली देने ओरे थियो मरियम लूशी खड़ी उट्टतां बेडर जेई, त तैना भी तैस पती बेडर जे, कि भोड सकते ए लेरां देने कब्री पुड च़लोरे। 32 ज़ैखन मरियम तैस ठारी पुज़ी ज़ैड़ी यीशु थियो त तैस लेइतां तै तैसेरे पवन पुड बिछड़ी जेई ते जोने लगी, “हे प्रभु अगर तू इड़ी भोथो त मेरो ढूला न थियो मरनो।” 33 ज़ैखन यीशुए तै ते तैस सेइं साथी एजनेबाले यहूदी लोक लेरां देते लाए, तै आत्माई मां उदास भोइतां बड़ो दुःखी भोव। 34 ते पुच्छू, “तुसेईं लाज़र कोड़ि रखखोरोए?” तैना ज़ोने लगे, “हे प्रभु, असन सेइं साथी एइते एप्पू हेर।” 35 यीशु लेरां देने लगे। 36 तैखन यहूदी लोक

जोने लगे, “हेरा, ए लाज़रे सेइं केत्रो प्यार केरतो थियो।” 37 पन तैन मरां किछ जोने लगे, “कुन ज़ैनी कानेरी एछ्छन लौ दित्ती, इन भी न केरि बटू, कि ए मैन्हु न मरेथो?” 38 यीशु दुखी दिले सेइं कब्री कां अवं, तै अक कुड थी, ज़ैस पुड अक घोड छडोरो थियो। 39 यीशु जोने लगे, “घोड खडो केरा।” मारथा ज़ै लाज़री बेडन थी ते जोने लगी, “हे प्रभु एस मरां त मुशक लोरीए एजने, किजोकि एस च़ेरे दिहाड़े मरें भोरेन।” 40 यीशुए तैस सेइं ज़ोवं, किजोकि, “मीं तुसन न थियू ज़ोरू कि अगर तेरो विश्वास भोलो, त तू परमेशेरी महिमा हेरेली।” 41 तैखन तैनेई तै घोड घिसाव, ते यीशुए उबरे तेकतां जोने लगे, “हे बाजी, अवं तेरू शुक्र केरतां कि तीं मेरी शुनी। 42 अवं ज़ानतो थियो, कि तू मेरी प्रार्थना शुन्तस पन अवं एन लोकां केरे लेड ज़ैना च़ेरे पासन खेडोरेन एन ज़ोरू थियू कि एना भी विश्वास केरन, कि तीं अवं भेजोरोई।” 43 एन जोनेरां पती यीशुए ज़ोरे सेइं ज़ोवं, “लाज़र बेडर निस!” 44 ते तै मुओरो लाज़र बेडर निस्सो ज़ेसेरे हथ पाव कफने सेइं बंधोरे थियो ते दोगे अक कपडो बंधोरो थियो। यीशुए तैन सेइं ज़ोवं, “एस खोल्ला ते एस गाने देथ।” 45 बड़े यहूदी लोक ज़ैना मरियम सेइं मिलने ओरे थियो। ते तैसेरां इन्ना कम्मां हेरतां तैस पुड विश्वास कियो। 46 पन तैन मरां किछेई फरीसन कां गेइतां सब शुनावं ज़ैना यीशुए कियेरू थियू। 47 एस पुड प्रधान याजकन ते फरीसी लोक महासभारे लोक अकोट्टे कियो ते जोने लगे, “अस कुन केरम? ए मैन्हु त इड़ी बड़े चमत्कार लोरोए केरने। 48 अगर अस एस हुन्ना न रोकमेले त सारे लोक तैस पुड विश्वास केरेले, कि ए मसीह आए, ते फिरी रोमेइ इड़ी एइतां इशशे मन्दरे ते इशशी कोमी दुडने नाश केरेले।” 49 तैखन तैन केरे टोली मरां अक ज़ेसरे नवं कैफा थियू, ज़ै तैस साल मन्दरेरो महायाजक थियो जोने लगे, “तुस लोक किछ न ज़ानाथ, 50 तुसन इन न समझथ कि, तुशशे लेड रोडूए, इशशे लोकां केरे लेड अक मैन्हु मरे, न कि इशशे सारे लोक।” 51 ए गल तैनी अपने आपे सेइं न थी ज़ोरी, पन तैस साल महायाजक भोइतां भविष्यद्वाणी, कि यीशु इसएलेरे सारे लोकां केरे लेड अपनि जान देलो। 52 तै सिर्फ इसएलेरे लोकां केरे लेड नई, पन एल्हेरेलेड भी कि ज़ैना परमेशरे बच्चे तितर-बितर भोरेन तैन अकोट्टे केरतां अक बनाए। 53 बरसा, यहूदी लीडरेई तैस दिहाड़े बाद यीशु मारोरो इरादो कियो। 54 एल्हेरेलेड यीशुए तैस वक्ते करां यहूदन मां बांदि मां न फिरो, पन जंगलेरे नेडे एप्रैम नगरे मां जेव, ते अपने चलन सेइं साथी तैड़ी राने लगे। 55 तेइस यहूदी केरू फ्रसह तिहार नेडे अव, ते बड़े लोक आसेपासेरे इलाकन मरां यरूशलेम नगरे मांजो च़ले जे, ताके अपनो आप शुद्ध केरन। 56 तैना यीशु तोपते थियो तेइस तैना मन्दरे मां अकोट्टे भोए, ते एक्की होरि सेइं जोने लगे, “तुस कुन समझतथ? कोई पत्तोए कुन ते इड़ी फ्रसह तिहारे मां एज्जलो कि नई?” 57 ते प्रधान याजकेई ते फरीसी लोकेई हुक्म दितोरो



थियो कि अगर केन्ची पतो लगे कि यीशु कोडि आए त ज़ोथ दे ताके असां तैस गिरपतार केरम।

**12** फ़सह तिहारे करां शा दिहाड़े पेड़ले यीशु बैतनिय्याह ड़लव्वें मांजो च़लो अव, ज़ैडी लाज़र रातो थियो, ज़ै यीशुए मुडन मरां ज़ींतो कियोरो थियो। 2 तैडी तैनेई यीशुएरी खातरदारी केरनेरे लेइ धाम बनाई। ते मारथा सेवा लोरी थी केरने, लाज़र भी तैन मरां अक थियो ज़ैना यीशु सेइं साथी रोटी खाने बिशशोरे थियो। 3 तैखन मरियमा जटामासी सेइं बनोरो अध्थो लीटर खुशबूदार इत्र ज़ै बड़ो कीमती थियो, यीशुएरे पावन मल्लो, ते अपने दोग्गरे बालन सेइं पोंछने लगी, ते सारू घर रोड़ी मुशकी सेइं भेरोई जेव। 4 पन तैसेरे चलन मरां अक यहूदा इस्करियोती नव्वेरो अक चेलो, ज़ैनी यीशु टलुवेवरो थियो ज़ोने लगो, 5 “ई इत्र 300 दीनारन मां बेचतां गरीबन किजो न दित्तो?” 6 तैनी एना गल्लां एल्हेरेलेइ न थी ज़ोरी, कि तैस गरीबां केरो खियाल थियो, पन एल्हेरेलेइ ज़ोवं कि तै चोर थियो, तैस कां पेइंसां केरि झोली भोती थी, ते ज़ैन किछ तैस मां रखते थी तै कढतो थियो। 7 यीशुए ज़ोवं, “एस तंग न केरा, एसां वक्तेरे पेड़ले मेरी जान दबबनेरी तियारी कियोरीए। 8 किजोकि गरीब लोक त तुसन सेइं साथी सदा रातन, पन अवं तुसन सेइं साथी सदा नई रानो।” 9 मैनु केरि बड़ी भीड़ी तैडी आई ज़ैखन तैनेई शुनू कि यीशु तैडी अव। तैना सिर्फ यीशु नई बल्के लाज़रे भी हेरने ओरे थिये, ज़ै तैनी मुडन मरां ज़ींतो कियोरो थियो। 10 तैखन प्रधान याजके लाज़र भी मारनेरी सलाह की। 11 किजोकि बड़े लोक यहूदी लीडरन करां च़ले जे, ते तैनेई यीशु पुड़ विश्वास कियो। 12 होरसां मैनु केरि बड़ी भीड़ तिहारे मां आई। ज़ैखन तैनेई शुनू कि यीशु भी यरूशलेम नगरे मां एजनेबालोए, 13 त तैनेई खजुरां केरि डेलडी हथ्यन मां रेखतां नहरे देते तैस सेइं मिलनेरे लेइ निस्से ते ज़ोने लगे, “होशाना (तारीफ़) धने इसाएलेरो राज़ो, ज़ै प्रभुएरे नंवे सेइं एइते।” 14 ज़ैखन यीशु अक गधरो बच्चो मैल्लो, ते तै तैस पुड़ बिशतां यरूशलेम नगरे मांजो अव, ज़ेन्चरे पवित्रशास्त्रे मां लिखोरूए तेन्चरे एन भोवं, 15 “हे सिय्योनेरी कुई (यरूशलेमेरे लोक), तू न डर, हेर, तेरो राज़ो एज्जी राओरोए, ते तै गधरे बच्चे पुड़ च़ेदतां एज्जी राओरोए।” 16 पेड़लू त यीशुएरे च़ेलेई किछ न समझू, पन ज़ैखन यीशुएरी महिमा बांदी भोइ, तैनेई तैना सैरी गल्लां याद की, एन सब गल्लां तैसेरे बारे मां लिखोरी थी, ते लोकेई एरो ज़ेरो सलूख कियोरो थियो। 17 तैखन भीड़रे लोकेई ज़ैना तैस सेइं थी, ई गवाही दित्ती, कि तैनी लाज़र कब्री मरां कुजाव, ते मुडन मरां ज़ींतो कियो। 18 एल्हेरेलेइ लोक तैस सेइं मिलनेरे लेइ आए, किजोकि तैनेई शुनोरू थियूं, तैनी ई चमत्कार कियोरे। 19 फरीसी लोक एन हेरतां एक्की होरि सेइं ज़ोने लगे, “सोचा, तुस लोक किछ नई केरि लोरे बटने, हेरा सारी दुनिया एस पत्ती च़ली।” 20 ज़ैना लोक फ़सह तिहारे मां यरूशलेम नगरे मां आराधना केरने ओरे थिये, तैन मां किछ यूनानी थिये। 21

तैना फिलिप्पुसे कां जे ज़ै गलीलेरे नगर बैतसैदा मां रातो थियो, तै ज़ोवले हथ केरतां ज़ोने लगे, “जनाब अस यीशु सेइं मिलनू चातमा।” 22 फिलिप्पुसे अन्द्रियासे सेइं ज़ोवं, ते अन्द्रियास फिलिप्पुसे सेइं साथी जेव ते यीशु सेइं ज़ोवं। 23 यीशुए तैन जुवाब दित्तो, “कि मैनेरे मट्टेरी यानी मेरी महिमा बांदी भोनेरो वक्त ओरोए। 24 अवं तुसन सेइं सच-सच ज़ोताई, कि ज़ांतगर गेहुं केरो ग्लेव मित्ती मां न मरें, तै अक्के रहते, पन ज़ैखन मरते त बड़ो फल आनते, (तेन्चरे मीं सेइं साथी भोनूए)। 25 ज़ै अपनि जान टलारी रखते ते अपनि जान गुवाते, पन ज़ै अपनि जानी सेइं बैर रखते ते अक हमेशारी जिन्दगी बचालो। (aiōnios g166) 26 ज़ै कोई मेरी सेवा केरनि चाते त तैसेरेलेइ ज़रूरीए तै मेरो चेलो बने, ताके ज़ैडी अवं आई तैडी मेरो सेवक भी भोए, ज़ै मेरी सेवा केरते मेरो परमेशर तैस इज़्जत देलो।” 27 “हुना मेरो दिल बड़ो उदास भोरोए। एल्हेरेलेइ अवं कुन जोई? ‘हे बाजी इस दुखेरी घेडी करां मीं बचा,’ पन अवं इस दुनियाई मां एल्हेरेलेइ ओरोई कि दुःख झेल्ली। 28 हे बाजी तू केत्रो महिमा बालोस इन बांदू केरा।” तैखन स्वर्गोरां अक आवाज़ अई, “मीं तेरी केत्री महिमा बांदी कियोरीए ते फिरी भी केरेलो। 29 तैखन तैडी ज़ैना मैनु खड़े भोइतां शुनी रावरे थिये, तैनेई ज़ोवं, गुड़ने लोरूए,” ते होरेई ज़ोवं, “केन्चे स्वर्गदूते तैस सेइं गल की।” 30 यीशुए ज़ोवं, “ई आवाज़ मेरे फेइदेरे लेइ नई बल्के तुशो लेइ आए। 31 इस वक्त परमेशर दुनियारे लोकां केरो इन्साफ केरेलो, ते अवं इस शैतानेरी शक्ति नाश केरेलो ज़ै इस दुनियाई पुड़ राज़ केरते। 32 ते ज़ैखन अवं ज़मिनी पुड़ा उच्चे च़ाढ़ो गालो, तैखन अवं सैरी लोकन एण्णू कांजो आनेलो।” 33 एन जोइतां तैनी साफ च़ारे बांदू कियूं, ते तै केन्चरां मरने बालो। 34 एस पुड़ लोकेई ज़ोवं, “असेई मूसेरे कानूने मां ई गल शुनोरीए, कि मसीह हमेशा रानोए, फिरी तू केन्चरे ज़ोतस कि मैनेरू मट्टू उच्चे पुड़ च़ढनू ज़रूरीए? एन मैनेरे मट्टू कौने?” (aiōn g165) 35 यीशुए तैन सेइं ज़ोवं, “लौ तुसन कां थोड़े च़िरे तगरे आए, ज़ां तगर लौ तुसन साथीए, तांतगर च़लते राथ, एरू न भोए आंधरू तुसन घेरे, ज़ै आंधरे मां च़लते तैन न ज़ाने तै कोरां च़लरोए। 36 ज़ांतगर लौ तुसन सेइं साथीए, त लोई पुड़ विश्वास केरा ताके तुस लोअरे बच्चे बनथा।” इना गल्लां ज़ोइतां यीशु छेप्पी जेव। 37 तैनी तैन केरे सामने बड़े चमत्कार हिराए, फिरी भी तैनेई विश्वास न कियो। 38 ताके यशायाह नेबेरू ज़ोरू वचन पूरू भोए, “हे प्रभु, केन्चे इशशे खुशखेबरी पुड़ विश्वास न कियो, ते बड़े लोकेई परमेशरिरी शक्ति हेरतां भी कबूल न की।” 39 एल्हेरेलेइ तैना विश्वास न केरि सके यशायाह एक्की होरि ठैरी ज़ोते: 40 “तैनी तैन केरि एछछी केनि की, ते मन सखत कियोरोए, एरू न भोए कि तैना एछछन सेइं लान ते मने सेइं बुझन, ते माफ़ी मगन ते अवं तैन बड़्झई।” 41 यशायाह नबी एल्हेरेलेइ ज़ोतो थियो, कि तैनी यीशुएरी एजनेबाली महिमा लवरी थी, ते तैसेरे बारे मां गल भी की। 42 फिरी भी लीडरन मरां बड़ेई यीशु पुड़ विश्वास



लेइ अपनि जान देलो, अवं तीं सेइं सत्र-सत्र जोताई कि कुकड़ बांग देने करां पेइले तू मेरो टूलेइ बार इन्कार केरेलो।”

**14** “तुश्शो दिल उदास न भोए, तुस परमेशरे पुड़ विश्वास केरतथ, मीं पुड़ भी विश्वास केरा। 2 मेरे बाजरे घरे मां बड़े कमरेन, अगर न भोथी त अवं तुसन सेइं ज़ोथो, किजोकि अवं तुश्शो लेइ ठार तियार केरने च़लोरौई। 3 अगर गेइतां तुश्शो लेइ ठार तियार केरि त वापस एइतां तुसन एप्पू सेइं साथी नेलो, ताके ज़ैडी अवं भोलो तुस भी तैडी भोथ। 4 ते ज़ेरां अवं च़लोरौई तुस तैठीरी बत ज़ानतथा।” 5 थोमा तैस ज़ोवं, “हे प्रभु, असन नई पतो तू कोरां च़लोरौस, ते फिरी बत केन्चरे ज़ानम?” 6 यीशुए तैस सेइं ज़ोवं, “बत, सच्चरी ते हमेशारी ज़िन्दगी अखें आई, कोई मेरे ज़िरियेरे बगैर बाजी कां न एज्जी सके। 7 अगर तुसेईं अवं पिशानोरो भोथो त मेरे बाजी भी पिशानेथे, पन हुनी तुस तैस ज़ानतथ ते कने लाव भी।” 8 फिलिप्पुसे तैस सेइं ज़ोवं, “हे प्रभु असन बाजी हिरा, तैन्ने इश्शो लेइ बड़ आए।” 9 यीशुए तैस सेइं ज़ोवं, “फिलिप्पुस, एत्रे च़िरे अवं तुसन सेइं साथी राव कुन तू मीं न ज़ानस ज़ैनी अवं लाव तैनी बाजी भी लाव तू किजो ज़ोतस असन बाजी हिरा? 10 कुन तू विश्वास न केरस, कि अवं बाजी मां आई ते बाजी मीं मां आए? अवं ज़ैना गल्लां तुसन सेइं ज़ोताई तैना गल्लां अवं अधिकारे सेइं न जोई, बल्के बाजी मीं मां रेइतां अपनू कम करते। 11 मेरो विश्वास केरा, कि अवं बाजी मां आई ते बाजी मीं मां आए, नई त ज़ैना कम्मां केरताई तैन हेरतां मीं पुड़ विश्वास केरा।” 12 अवं तुसन सेइं सत्र-सत्र ज़ोताई, “कि ज़ै मीं पुड़ विश्वास केरते, एना कम्मां ज़ैना अवं केरताई तै भी केरेलो, बल्के मीं करां भी बडां कम्मां केरेलो, किजोकि अवं बाजी कां च़लोरौई। 13 ज़ैन किछ तुस मेरे नंवे सेइं मगले अवं तुसन देलो कि बाजी केरि महिमा मट्टेरे वजाई सेइं बांदी भोए। 14 अगर तुस मेरू नंवे सेइं किछ भी मगले त अवं तैन केरेलो।” 15 “अगर तुस मीं सेइं प्यार केरतथ त मेरे हुकमन मन्नेले। 16 ते अवं बाजी कां प्रार्थना केरेलो ते तै तुसन अक मद्दतगार देलो कि हमेशा तुसन सेइं साथी रालो। (aiōn g165) 17 मतलब तै आत्मा ज़ै परमेशरेरे बारे मां सत्र बांदू केरेली, ज़ै दुनिया कबूल न केरि सके, किजोकि न तैस लेइहोए न ज़ाने, तुस तैस ज़ातथ किजोकि तै तुसन साथी रहती, ते तै तुसन मां भोली। 18 अवं तुसन अकैल्लो न शोरेलो बल्के अवं तुसन कां एज्जेलो। 19 ई दुनिया किछ च़िरेरां बाद मीं न लाएली, पन तुस मीं लांते राले, किजोकि अवं ज़ींतोई ते तुस भी ज़ींते राले। 20 ज़ैखन अवं ज़ींतो भोलो तेइस तुसन पतो लग्गेलो, कि अवं अपने बाजी मां आई ते तुस मीं मां आथ ते अवं तुसन मां आई। 21 ज़ैस कां मेरे हुकम आन ते तैन मन्ते, त तैए मीं सेइं प्यार केरते ते मेरो बाजी तैस सेइं प्यार केरेलो, ते अवं तैस सेइं प्यार केरेलो, ते अपनो आप तैस पुड़ बांदो केरेलो।” 22 तैखन यहूदा (तै यहूदा इस्करियोती न थियो बल्के होरो चेलो थियो) तैस सेइं ज़ोवं, “हे प्रभु कुन भोव कि तू अपनो आप

असन पुड़ बांदो केरनो चातस ते दुनियारे लोकन पुड़ नई?” 23 यीशुए जुवाब दित्तो, अगर कोई मीं सेइं प्यार केरते त तै मेरी शिक्षाई मन्ते, ते मेरो बाजी भी तैस सेइं प्यार केरेलो, ते असन तैस कां एजमेले ते तैस सेइं साथी रामेले। 24 ज़ै मीं सेइं प्यार न केरे, तै मेरे शिक्षाई न मन्ते, ज़ै शिक्षा तुस शुन्ने लोरेथ, मेरी नई पन मेरे बाजी केरि ज़ैने अवं भेजोरौई। 25 “एना सैरी गल्लां मीं तुसन साथी रेइतां जोई। 26 पन तै मद्दतगार यानी पवित्र आत्मा ज़ैस बाजी मेरे ठैरी भेजेलो, तुसन सैरी गल्लां शिखालेलो, ते हर गल ज़ै मीं तुसन सेइं ज़ोरी याद करालो।” 27 अवं तुसन शान्ति देइतां ज़ै मीं कां आए, जेन्चरे दुनिया देचे तेन्चरे नई, तुश्शो दिल उदास न भोए ते न डेरथ। 28 तुसेईं शुन्नु, मीं तुसन सेइं ज़ोवं, अवं गाताई तुसन कां फिरी एज्जेलो अगर तुस मीं सेइं प्यार केरते भोते त खुशी भोने थिये, कि अवं बाजी कां च़लोरौई किजोकि बाजी मीं करां बड्डोए। 29 मीं सैरी गल्लां पेइले तुसन ज़ोरिन कि ज़ैखन तैना पूरी भोन त तुस विश्वास केरेले। 30 हुनी अवं तुसन सेइं जादे गल्लां न केरेलो, किजोकि शैतान एइते, ज़ै इस दुनियाई पुड़ राज़ केरनेबालोए। मीं पुड़ तैसेरो किछ अधिकार नई। 31 जेन्चरे बाजीए मीं हुकम दित्तो, अवं तेन्चरे केरताई। पन एन एल्लेरेलेइ भोते कि दुनिया ज़ाने, कि अवं बाजी सेइं प्यार केरताई। ते उठा इट्टां च़लम।

**15** यीशुए ज़ोवं “अवं दाछारू सच्चू बड़ह अखें आई, ते मेरो बाजी बागबाने। 2 ज़ै डालडी मीं मां आए, ते तैस फल न लगे, तै कट्टी गानीए, ते ज़ैस फल लगते तैस छांटते कि जादे फल लगे। 3 तुस तैस शिक्षाई सेइं ज़ै मीं तुसन दित्तोरीए शुद्ध आथ। 4 तुस मीं मां बनोरे राथ, ते अवं तुसन मां, जेन्चरे डालडी अगर बड़हे सेइं बनोरी न राए, त अपने आप सेइं तैस फल न लगे। तेन्चरे तुसन भी अगर मीं मां बनोरे न राले त तुस फलदार न भोइ सकेले। 5 अवं दाछारू बड़ह आई, तुस डेलडी आथ, ज़ै मीं मां बनोरो रहते तैस खूब फल लगते, किजोकि मीं करां अलग भोइतां तुस किछ न केरि सखत। 6 अगर कोई मीं मां बनोरो न राए, त तैस डेलडारो ज़ेरोए ज़ैस केटतां शारतन, ते शुक्की गाचे, ते लोक घेरतां अग्गी मां फुकी छड़तन। 7 अगर तुस मीं मां बनोरे रातथ ते मेरी गल्लां तुसन मां बेनोरी रैतिन त ज़ैन चाहेले ते मगले तुसन दित्तू गालू। 8 मेरे बाजरी महिमा एसमां आए कि तुस हछो फल आनां, फिरी तुस मेरे चले भोले। 9 जेन्चरे बाजे मीं सेइं प्यार कियो, तेन्चरे मीं भी तुसन सेइं प्यार कियो। मेरे प्यारे मां बनोरे राथ। 10 अगर तुस मेरे हुकमन मन्नेले, त मेरे प्यारे मां बनोरे राले, जेन्चरे मीं अपने बाजरे हुकम मन्ने, ते तैसेरे प्यारे मां बनोरो राव। 11 मीं एना गल्लां एल्लेरेलेइ तुसन ज़ोरिन, कि मेरी खुशी तुसन मां बनोरी राए।” 12 “मेरो हुकमे ई आए जेन्चरे मीं तुसन सेइं प्यार कियो, तुस भी एक्की होरि सेइं प्यार केरा 13 एस करां जादे प्यार केन्चे नई कियोरो, कि कोई अपने दोस्तां केरे लेइ अपनि जान दे। 14 ज़ै हुकम अवं देताई, अगर तुस तैस मन्न्थ, त मेरे दोस्त आथ। 15 अज्जेरे बाद अवं तुसन

जो नौकर न ज़ोड़लो, किजोकि नौकर न ज़ाने कि तैसेरो मालिक कुन केरते। मीं तुसन जो दोस्त ज़ोरूप, किजोकि ज़ैन किछ मीं बाजी करां शुनोरूप तुसन भी शुनावरु आए। 16 तुसेई अवं नई चुनोरो पन मीं तुस चुनोरेथ ते ठहरावरे भी आथ, ताके तुस गेइतां फल आनथ, ते तुशो फल बनोरो राए, कि तुस मेरे नंवे सेइं बाजी करां ज़ैन किछ मगथ, तै तुसन देलो किजो तुस मेरे चलेथ। 17 अवं इन गल्लां केरो हुकम एल्हेरेलेइ देताई, कि तुस एककी होरि सेइं प्यार केरा।” 18 “अगर दुनियारे लोक तुसन सेइं दुश्मनी रखतन, त याद रखा कि तैनेई पेइले मीं सेइं दुश्मनी रखेरो। 19 अगर तुस दुनियारे भोथे, त दुनिया अपने लोकन सेइं प्यार केरती, पन हुनी तुस दुनियारे लोक नई किजोकि मीं तुस दुनियाई मरां चुनोरेथ तांए दुनियारे लोक तुसन सेइं दुश्मनी रखतन। 20 तै गल ज़ै मीं तुसन सेइं ज़ोरी थी याद रखवा, नौकर अपने मालिके करां बड्डो न भोए, अगर दुनियां अवं सतेवरोइं त तैना तुसन भी सताले, अगर तैनेई मेरी गल्ली पुइ अमल कियुं त तुशु गल्ली पुइ भी अमल केरेले। 21 पन तैना लोक तुसन सेइं एरो ज़ेरो बर्ताव केरेले, किजोकि तुस मेरे चलेथ। तैना मेरे भेजने बाले परमेशरे न ज़ानन्। 22 अगर मीं एइतां तैन सेइं गल्लां न भोथी कियोरी त तैना पापी न थिये भोने, पन हुनी तैन केरे पापेरो तैन कां कोई बहानो नई। 23 ज़ै मीं सेइं दुश्मनी रखते, ते तै मेरे बाजी सेइं भी दुश्मनी रखते। 24 अगर मीं तैन केरे सामने तैना चमत्कार न भोथे कियोरे, ज़ैना कथी होरे केन्चे नई कियोरे त तैना पापी न थिये भोने, पन हुनी तैनेई सब किछ लाव, ते मीं भी ते बाजी सेइं दुश्मनी रखेथी। 25 पन एन एल्हेरेलेइ भोवं कि तैन केरे कानूने मां लिखोरी तै गल पूरी भोए, तैनेई मीं सेइं खामखा दुश्मनी रखेथी। 26 पन ज़ैखन तै मद्दतगार एज्जेलो ज़ैस अवं अपने बाजरे तरफां भेजेलो, मतलब सच्चेरी आत्मा, ज़ै बाजी केरि तरफां एइतीए, तै मेरी गवाही देली। 27 ते तुस भी गवाह आथ किजोकि तुस भी शुरू करां मीं सेइं साथी थिये।”

**16** “मीं तुसन एना सैरी गल्लां एल्हेरेलेइ ज़ोई कि तुशु विश्वास न ट्लुटे। 2 तैनेई तुस प्रार्थना घरन मरां कढनेथ, खास केरतां एरो ज़ेरो वक्त एज्जी राहोरोए, ज़ै तुसन मारेलो तै इन समझेलो कि तै परमेशेरी सेवा केरने लोरोए। 3 तैन एन सब एल्हेरेलेइ केरेले कि न तैनेई कथी मेरो बाजी ज़ांनो ते न कथी अवं। 4 पन मीं एना सैरी गल्लां एल्हेरेलेइ तुसन सेइं ज़ोई, कि ज़ैखन तैना पूरी भोनेरो वक्त एज्जेलो, त तुसन याद एज्जे, कि मीं तुसन एन पेइलू ज़ोरु थियूं, ज़ेइस तुस मेरे चले बनोरे थिये। मीं एना गल्लां केरे बारे मां पेइलू एल्हेरेलेइ न ज़ोवं, कि अवं एप्पू तुसन सेइं साथी थियो।” 5 “पन हुन्ना अवं अपने भेजने बाले कां चलोरोई, पन तुसेईं केन्चे भी न पुच्छू कि तू कोरां चलोरोस? 6 पन मीं तुसन सेइं ज़ोई छेइरूप एल्हेरेलेइ तुशु मन उदास आए। 7 फिरी भी अवं तुसन सेइं सच ज़ोताई कि मेरु इट्ठां गानू तुशु लेइ फैइदीए, अगर अवं न गेइलो त तै मद्दतगार तुसन कां नई एज्जो, पन अवं चलो जेव त तैस अवं

तुसन कां भेज्जी देलो। 8 ते ज़ैखन तै एज्जेलो त दुनियाई पाप ते धार्मिकता ते इन्साफेरे बारे मां सब किछ बांदू केरेलो। 9 पापेरे बारे मां एल्हेरेलेइ कि दुनियां मीं पुइ विश्वास न कियो, 10 धार्मिकतारे बारे मां एल्हेरेलेइ कि अवं वापस बाजी कां चलोरोई ते तुसेईं अवं फिरी नई लहनो, 11 इन्साफेरे बारे मां एल्हेरेलेइ कि, शैतान ज़ै दुनियाई पुइ राज़ केरनेबालो मुज्रम बनोरोए।” 12 “अवं तुसन सेइं होरु भी बडू किछ ज़ोनू चाताई, पन हुन्ना तुसेईं तैन झैली नई बटनू। 13 पन ज़ैखन तै मतलब सच्चेरी आत्मा एज्जेली त तै सच्चेरी बत हिराली, किजोकि तै अपने तरफां न ज़ोली, पन ज़ैखन किछ परमेशरे करां शुनेली तैने ज़ोली, ते एज्जने बैली गल्लां ज़ोली। 14 ते मेरी महिमा केरेली किजोकि तै मेरी गल्लां ज़ोली, किजोकि तै मेरी गल्लन मरां तुसन सेइं ज़ोली। 15 ज़ैन किछ बाजी केरूप, तैन सब मेरूप, एल्हेरेलेइ मीं ज़ोवं, कि तै मेरी गल्लन मरां शुनालो।” 16 “थोड़े चिरेरां पत्ती तुसेईं अवं फिरी नई लहनो, ते तैसेरे थोड़े चिरेरां पत्ती तुसेईं अवं फिरी लांनोई।” 17 तैखन तैसेरे किछ चलेई एप्पू मांमेइं ज़ोवं, इन कुने, “ए कुन ज़ोते, थोड़े चिरेरां पत्ती तुस मीं न लाएले, ते फिरी थोड़े चिरेरां पत्ती तुस मीं लाएले? कि अवं बाजी कां गाताई?” 18 तैखन तैनेई ज़ोवं, “थोड़े ज़ेरे चिरेरां बाद, एन ज़ै ए ज़ोते, कुन आए? अस न ज़ानम कि कुन?” 19 यीशुए एन ज़ैनतां, कि एना मीं पुछू चानत, “कुन तुस मेरी इस गल्लरे बारे मां एप्पू मांमेइं गलबात केरने लोरेथ, कि एस गल्लारो कुन मतलबे, थोड़े चिरेरां पत्ती मीं न लाएले, ते फिरी थोड़े चिरेरां पत्ती लाएले? 20 अवं तुसन सेइं सच-सच ज़ोताई, कि तुस लेरां देले ते शोग बनाले, पन दुनियारे लोक खुशी भोले, पन ज़ैखन तुस मीं दुबारां लाएले त तुशुओ दुःख, खुशी मां बेदलोई गानोए। 21 ज़ैखन कुआन्श ज़ातीए त तैस बडी तकलीफ भोतीए, किजोकि तैसेरे दुःखेरी घडी नेडे पुजोरीए, पन ज़ैखन बच्चो ज़र्मते त एस खुशी मां कि दुनियाई मां अक मैन्हु पैदा भोरोए अपनि तकलीफ बिस्सरी गाचे। 22 ते तुसन भी हुन्ना तेरही तकलीफे, पन अवं तुसन सेइं फिरी मिलेलो, ते फिरी तुशु मने मां खुशी भोली, ते खुशी तुसन करां कोई न नेही सकेलो। 23 तैस वक्ते तुस मीं कोई किछ न पुछेलो, अवं तुसन सेइं सच-सच ज़ोताई, तुस मेरे नंवे सेइं बाजी करां ज़ैन किछ मगथ, तै तुसन देलो किजो तुस मेरे चलेथ। 24 तुसेईं मेरु नवं घिन्तां हुना तगर बाजी करां किछ नई मगेरु, मगेले त तुसन मैल्ली गालू, ते तुशुशी खुशी पूरी भोली।” 25 “अवं तुसन एना गल्लां मिसाल देइतां ज़ोताई, पन तै वक्त ओरोए कि अवं कहेन्ना मां फिरी न ज़ोइलो, पन रोडे चारे बाजरे बारे मां तुसन सेइं गल्लां केरेलो। 26 तैस वक्त तुस मेरु नवं घिन्तां प्रार्थना केरेले, अवं इन न ज़ोई, कि तुशु लेइ बाजी सेइं बिनती केरि। 27 किजोकि बाजी परमेशार तुसन सेइं एप्पू प्यार केरते, एल्हेरेलेइ कि तुसेईं मीं सेइं प्यार कियो, ते तुसेईं विश्वास कियोरोए कि अवं परमेशेरी तरफां ओरोई। 28 अवं बाजी करां दुनियाई मां ओरोई, हुनी दुनियाई मरां भोइतां वापस

बाजी कां च़लोरोई।” 29 तेसेरे च़ेलेई ज़ोवं, “हुन्ना तू साफ-साफ गल लोरस केरने, ते कोई मिसाल देइतां न ज़ोस। 30 हुन्ना असेई बुझू कि तीं सब किछ पत्तोए, ते ज़रूरत नई कि कोई तीं पुछे, असां विश्वास केरतम कि तू परमेशरे करां ओरोस।” 31 यीशुए तैन सेइं ज़ोवं, “हुनी तुस विश्वास केरतथ! 32 हेरा, ते वक्त एज्जी राओरोए बल्के पुजोरोए, कि तुस सब नेशतां अपने-अपने बत्तां गानेथ, ते अवं अकैल्लो शारनोई पन फिरी भी अवं अकैल्लो नई, किजोकि मेरो बाजी मीं सेइं साथीए। 33 मीं तुसन एना गल्लां एल्हेरेलेइ ज़ोई, ताके तुसन शान्ति मैल्ले, किजो तुस मेरे च़ेलेथ, तुस दुनियाई मां मुसीबत त उठाताथ, पन हिम्मत रखा, मीं शैताने पुड़ ज़ींत हासिल कियोरीए, ज़ै इस दुनियाई पुड़ राज़ केरते।”

**17** ज़ैखन यीशुए अपने च़ेलन सेइं एना सब गल्लां ज़ोई, त तैनी उबरू स्वर्गोरां तेकतां ज़ोवं, “हे बाजी हुन्ना तै वक्त ओरोए कि तू अपने मट्टेरी महिमा केर, कि मट्टू भी तेरी महिमा केरे। 2 किजोकि तीं तैस सेबभी मैन्नु पुड़ अधिकार दित्तोरिए, ज़ैना तीं तैस दित्तोरिने हमेशारी ज़िन्दगी दे। (aiōnios g166) 3 ते हमेशारी ज़िन्दगी ते आए, कि तैना सिर्फ तीं एक्की सच्च़े परमेशरे ज़ानन् ते यीशु मसीहे भी ज़ानन् ज़ै तीं भेजोरोए। (aiōnios g166) 4 मीं तैन कम ज़ैन तीं मीं दित्तेरू थियू मुकेइतां धेरतली पुड़ तेरी महिमा की। 5 ते हुनी हे बाजी मीं एप्पू सेइं साथी मेरी तै महिमा केर ज़ै दुनियारे पेइली मेरी तीं साथी थी।”

6 “मीं तेरू नवं तैन कां बांदू कियू, ज़ैना तीं दुनियाई मरां चुनतां मीं दित्तोरिने तैना तेरे थिये, पन तीं मींजो दित्तोरिने ते तेनेई तेरे बचने पुड़ अमल भी कियोरूए। 7 हुनी तैना ज़ानतन, कि ज़ैन किछ तीं मीं दित्तेरू तैन सब तेरी तरफां। 8 एल्हेरेलेइ मीं तैना गल्लां ज़ैना तीं मीं दित्तोरी थी, मीं तैन पुजेई ते तेनेई तैन पुड़ विश्वास कियो, ते सच्च़े पिशानू, कि अवं तेरी तरफां ओरोई, ते ई भी विश्वास कियो कि तीं अवं भेजोरोई। 9 अवं तैन केरे लेइ प्रार्थना केरताई, दुनियारे लोकां केरे लेइ न केरि, पन तैन केरे लेइ ज़ैना तीं मीं दित्तोरिने, किजोकि तैना सब तेरे आन। 10 ते ज़ैन किछ मेरू आए, तैन सब किछ तेरूए, ते ज़ैन तेरू तैन मेरूए, ते इन सेइं मेरी महिमा बांदी भोई। 11 मीं हुनी इस दुनियाई मां नई रानू, पन तैना हेजू इस दुनियाई मां आन, ते अवं तीं कां एजताई, हे पवित्र बाजी, अपने तैस नंवे सेइं ज़ैन तीं मीं दित्तोरूए, तैन केरि हफ़ाज़त केर, कि तैना असन बराबर भोन। 12 ज़ैखन अवं तैन सेइं साथी थियो, मीं तेरे तैस नंवे सेइं, ज़ैन तीं मीं दित्तोरूए, तैन केरि हफ़ाज़त की, मीं तैन केरि देख भाल की, नाश भोनेबाले मैनेरे अलावा कोई नाश न भोव, एल्हेरेलेइ पवित्रशास्त्रेरी गल पूरी भोइ। 13 पन हुन्ना अवं तीं कां एजताई, ते इना गल्लां अवं दुनिया मां ज़ोताई, कि तैना मेरी खुशी एप्पू मां पूरी केरन। 14 मीं तैन तेरू वचन तैन कां पुजेवरुए, ते दुनियारे लोकेई तैन सेइं दुश्मनी रख्खी, किजोकि ज़ेन्च़रे अवं दुनियारो नई, तैना भी नई। 15 मेरी प्रार्थना ई नई कि

तू तैन दुनियाई मरां ने, पन तू तैन शैताने करां बचेइतां रख। 16 ज़ेन्च़रे अवं दुनियारो नई तैन भी इस दुनियारे नई। 17 तेरू वचन सच्च़े। सच्च़ेरे ज़िरिये सेइं तैन पवित्र केर। 18 ज़ेन्च़रे तीं अवं दुनियाई मां भेजोरोई तेन्च़रे मीं भी तैना दुनियाई मां भेजोरिने। 19 अवं अपने आप तैन केरे लेइ पवित्र केरताई, ताके तैना भी सच्च़ेरे ज़िरिये सेइं पवित्र भोन।” 20 “मेरी प्रार्थना सिर्फ च़ेले केरे लेइ नई, पन तैन केरे लेइ भी ज़ैना तैन वचनेरे ज़िरिये मीं पुड़ विश्वास केरेले। 21 कि तैना सब अक भोन, ज़ेन्च़रे तू बाजी मीं मां आस, ते अवं तीं मां आई तेन्च़रे तैना असन मां भोन, एल्हेरेलेइ दुनियारे लोक विश्वास केरन, कि तींए अवं भेजोरोई। 22 ते तै महिमा ज़ै तीं मीं दित्तोरीए, कि ज़ेन्च़रे अस अक आम तैन भी अक भोन। 23 अवं तैन मां भोइलो, ते तू मीं मां भोलो, ताके तैन पूरो अकीजो भोए, ते दुनिया ज़ाने कि तीं अवं भेजोरोई। ज़ेन्च़रे तीं मीं सेइं प्यार कियो, तेन्च़रे तीं तैन सेइं भी प्यार कियो। 24 हे बाजी अवं चाताई कि ज़ैना तीं मीं दित्तोरिने, ज़ैडी अवं आई तैडी तैना भी मीं सेइं साथी भोन, कि तैना भी मेरी महिमा हेरन, ज़ै तीं मीं दित्तोरीए। दुनियारे रच़ने करां भी पेइले तीं, मीं सेइं प्यार कियोरोए। 25 हे धर्मी बाजी, दुनियां तू न पिशानो, पन मीं तू पिशानो, ते तैन च़ेलेई भी अवं पिशानो कि तीं अवं भेजोरोई। 26 मीं तैन पुड़ बांदू कियू, कि तू कौन आस, ते बांदू केरतो रालो, ज़ैस प्यारे सेइं तीं मीं प्यार कियो, तै तैन मां भोए, ते अवं तैन मां बनोरो रेई।”

**18** यीशुए ए प्रार्थना केरतां झाड़ी, त अपने च़ेलन सेइं साथी किट्टोन वैदरे पार जेव। तैडी अक बाग थी ते ते तेसेरे च़ेले तैडी जे। 2 तैस दलुवाने बालो यहूदा तैस ठारारो बाकम थियो, किजोकि यीशु अपने च़ेलन सेइं साथी तैडी केही फेरेई जोरो थियो। 3 तैखन यहूदे, रोमी सिपाही ते किछ प्रधान याजक ते फरीसी केरे तरफां भेजोरिने लोकन सेइं साथी एन्तां दीये ते मिसालां ते हथियार घिन्तां तैडी पुजाए। 4 तैखन यीशु सब गल्लां ज़ैना तैस सेइं भोनेबैली थी, बुझतां तैन सेइं ज़ोने लगे, “तुस केस लोरेथ तोपने?” 5 तेनेई तैस जुवाब दित्तो, “यीशु नासरी।” यीशुए तैन सेइं ज़ोवं, “अवं तैए आई।” तैस दलुवाने बालो यहूदा भी तैन सेइं साथी खडखडो थियो। 6 ज़ैखन यीशुए ज़ोवं, “अवं तैए आई,” तैना पत्रोवं ज़मीनी पुड़ झाड़े। 7 एल्हेरेलेइ तैनी फिरी पुच्छू, “तुस केस लोरेथ तोपने?” तेनेई जुवाब दित्तो, “यीशु नासरी।” 8 यीशुए जुवाब दित्तो, “मीं त ज़ोवं कि अवं तैए आई, अगर तुस मीं तोप्पतथ, त एन लोकन गाने देथ।” 9 एन एल्हेरेलेइ भोवं, कि तैन वचन पूरू भोए, “ज़ैना तीं मीं दित्ते, तैन मरां मीं अक भी न हिरव।” 10 शमौन पतरसे कां अक तलवार थी, तैनी तलवार केढतां महायाजकेरे नौकरे बाई ते तैसरो देइने कन्न केटव। तैस नौकरे नवं मलखुस थियू। 11 तैखन यीशुए पतरसे ज़ोवं, “अपनि तलवार मियांने मां रख, कुन अवं तै दुखरो कटोरो न पीं ज़ै मेरे बाजे मीं पीनेरे लेइ दित्तोए?” 12 तैखन रोमी फौवजी ते तैन

केरे सूबेदार ते यहूदी केरे लीडरेई यीशु टलाव तै बंधे। 13 ते पेइलो हन्ना कां नीयो किजोकि तै कैफारो शेरहो थियो जै तैस सालेरो महायाजक थियो। 14 ई तैए कैफाए जैनी यहूदन सलाह दित्तोरी थी, कि इश्शे लोकां केरे लेइ एककी मैनेरु मरनु रोडू आए। 15 शमौन पतरस ते अक होरो चेलो यीशु पत्ती जे। ते चेलो महायाजकेरो बाकम थियो, तै यीशु सेइं साथी महायाजकेरे अंगने मां जेव। 16 पन पतरस बेइर दारे पुइ खडो थियो, तै होरो चेलो जै महायाजकेरो बाकम थियो वापस अव, ते तैस नौकरैनी सेइं जै दारे पुइ थी गल केरतां पतरस अन्तर नीयो। 17 तैस नौकरेनां जै दारे पुइ थी पतरसे पुच्छू, “कुन तू भी तैसेरे चलन मरां आस?” पतरस ज़ोव, “नई अवं नई।” 18 ठंडारे वजाई सेइं नौकरेई ते मन्दरेरे पहरदारेई अग बालोरी थी, ते पतरस भी तैन सेइं साथी अग लोरो थियो तपने। 19 तैखन महायाजक यीशुएरे चेलां त कने तैसेरी शिक्षारे बारे मां पुच्छने लगे। 20 यीशुए जुवाब दित्तो, “मीं त सेबभी केरे सामने सैरी गल्लां कियोरिन, मीं त रोइ तुशे प्रार्थना घरन ते मन्दरे मां, ते ज़ैडी यहूदी अकोडे भोतन तैडी शिक्षा दित्ती, ते छेपतां किछ भी न ज़ोव। 21 तू मीं ए सवाल किजो पुछतस? शुन्नेबालन पुच्छू, कि मीं तैन सेइं कुन ज़ोवरुए? हेर तैन पतोए, कि मीं कुन ज़ोवरुए।” 22 ज़ैखन तैनी ज़ोव, त मन्दरेरे पहरदारन मरां अक ज़ै तैडी खडो थियो, तैनी यीशुए थप्पड बैइतां ज़ोव, “कुन तू महायाजक एन्चरे जुवाब देतस?” 23 यीशुए तैस जुवाब दित्तो, “अगर मीं किछ बुरु ज़ोरुए त साबत केर, पन अगर रोडू ज़ोरुए त थप्पड किजो बातस?” 24 तैसेरां बाद हन्ना यीशुएरे हेजु बन्धोरो थियो तेन्चरे महायाजक कैफा कां भेजो। 25 शमौन पतरस खडखडो अग लोरो थियो तपने। तैखन केन्चे तैस पुच्छू, “कुन तू भी तैसेरे चलन मरां आस?” पतरस इन्कार केरतां ज़ोव, “नई अवं नई।” 26 महायाजकेरे नौकरन मरां अक ज़ै तैसेरो रिशतेदार थियो, जेसेरो कन्न पतरसे तलवारी सेइं कटोरो थियो, ज़ोने लगे, “कुन मीं तू बागी मां यीशु साथी नई लाहोरो?” 27 पतरसे फिरी इन्कार कियो, ते तैखन कुकडे भी बांग दित्ती। 28 तैनेई यीशु झेइं कां कैफा करां रोमी गवर्नर पिलातुसेरे महले मां नीयो, पन तैना एप्पू अन्तर न जे, ताके भिटे न भोन, ते फ़सह तिहारेरी रोटी खेइ बटन। 29 तैखन पिलातुस तैन कां बेइर अव ते ज़ोने लगे, “तुस इस मैन्हु पुइ कुन इलज़ाम लातथ?” 30 तैनेई तैस जुवाब दित्तो, “ए मैन्हु मुज़म न भोथो त असेई ए तीं कां न थियो आन्नो।” 31 पिलातुसे तैन सेइं ज़ोने लगे, “तुस एस नेथ ते अपने कानूनेरे हिसाबे सेइं फैसलो केरा।” यहूदी लीडर ज़ोने लगे, “असन त केन्ची भी मारनेरी अज़ाज़त नई।” 32 एन एल्हेरेलेइ भोवं कि ज़ैन गल्लां यीशुए ज़ोरी थी, कि तै केरही मौतां मरेलो पूरी भोन। 33 तैखन पिलातुस फिरी महले मां जेव ते तैनी यीशु कुजेइतां तैस पुच्छू, “कुन तू यहूदी केरो राज़ोस?” 34 यीशुए जुवाब दित्तो, “तू ए गल अपनि भोती ज़ोने लोरोस कि होरेई मेरे बारे मां तीं सेइं जेवरीए?” 35 पिलातुसे जुवाब

दित्तो, “कुन अवं यहूदी आई? तेरी कौमरे ते प्रधान याजकेई तू मेरे हवाले कियोरोस, तू ज़ो तीं कुन कियोरुए?” 36 यीशुए जुवाब दित्तो, “मेरु राज़ इस दुनियारु नई, अगर दुनियारु भोथु त मेरे चले जंग केरेथे, ते मीं यहूदी लोकां केरे प्रधांनं केरे हथ्थे टलेयोने न देथे, पन हन्ना मेरु राज़ इट्टेरु नई।” 37 पिलातुसे ज़ोवं, “त कुन तू राज़ोस?” यीशुए जुवाब दित्तो, “तू ज़ोतस कि, अवं राज़ोई, अवं एल्हेरेलेइ ज़रमोरोई, ते एल्हेरेलेइ दुनियाई मां ओरोई कि सच्छेरे बारे मां शिक्षा देई। ज़ैना सच्छेरे मन्तन तैना मेरी गल शुन्तन।” 38 पिलातुसे पुच्छू, “सच कुने?” एन ज़ोइतां तै यहूदी लीडरन कां जेव ते ज़ोने लगे, “अवं त एस मैन्हु मुज़म न सेमझी।” 39 पन तुशे रीतरे मुताबिक अवं फ़सह तिहारेरे मौके पुइ अक कैदी हथरां छडताई। कुन तुस चातथ कि अवं तुशे लेइ यहूदी केरे राज़े हथरां छेइ? 40 तैना फिरी ज़ोरे-ज़ोरे सेइं ज़ोने लगे, ए नन्ना इश्शे लेइ बरअब्बा हथरां छड। बरअब्बा अक डैकु थियो।

**19** पिलातुसे सिपेहिन हुक्म दित्तो, कि यीशु नेइतां कोडे बान। 2 ते सिपाहीयेइ कंटां केरु ताज बनेइतां यीशुएरे दोग्गे पुइ रख्खू ते तैस बैजनी रंगेरां लिगडां लुवां। 3 ते तैन केरे सामने तैन कां एइतां ज़ोने लगे, “हे यहूदी केरे राज़ा, नमस्कार!” ते तैस थप्पड बाहे। 4 तैखन पिलातुसे फिरी बेइर गेइतां लोकन सेइं ज़ोवं, हेरा, “अवं तैस तुसन कां फिरी बेइर आनताई, तुसन पतो लगे कि मीं एसमां कोई ज़ुरम न लेइहोव।” 5 ज़ैखन यीशु कंटां केरु ताज दोग्गे पुइ रेखतां ते बैजनी लिगडां लेइतां बेइर आनो त पिलातुसे तैन सेइं ज़ोवं, “हेरा ई मैन्हु।” 6 ज़ैखन प्रधान याजक ते मन्दरेरे पहरदारेई यीशु लाव त ज़ोरे-ज़ोरे चिन्डां मेरतां ज़ोने लगे, “एस क्रूसे पुइ च़ाढा, एस क्रूसे पुइ च़ाढा!” पिलातुसे तैन सेइं ज़ोवं, “तुसे एस नेथ ते क्रूसे पुइ च़ाढा, किजोकि अवं एसमां कोई दोष न लेही।” 7 यहूदी लीडर ज़ोने लगे, “इश्शो भी कानूने, ते तैसेरे कानूनेरे मुताबिक ए मोतरे सज़ारे काबले। किजोकि ए अपने आपे जो परमेशेरु मट्टू ज़ोते।” 8 ज़ैखन पिलातुसे एन शुनु त तै मन्ना डरो। 9 ते फिरी अपने महले मां जेव ते यीशु सेइं फिरी ज़ोवं, “तू कोट्टां ओरोस?” पन यीशुए तैस किछ जुवाब न दित्तो। 10 पिलातुसे तैस सेइं ज़ोवं, “तू मीं सेइं गल कि न केरस? कुन तीं पतो नई कि मीं अधिकार कि अवं तीं हथरां छेइ या क्रूसे पुइ च़ेढेई।” 11 यीशुए जुवाब दित्तो, “अगर ए अधिकार तीं परमेशेरे करां न भोथो मैलोरो त तेरो कोई अधिकार मीं पुइ न थियो भोनो, पन ज़ैनी अवं तेरे हवाले कियोरोई ते हछे पापेरो हकदार भोरोए।” 12 तैसेरां बाद पिलातुसे यीशु हथरां छडनो चाव, पन यहूदी लोक चिन्डां मेरतां ज़ोने लगे, “अगर तू एस मैन्हु हथरां छ़ाडेलो त तू महाराज़ेरे पासे नई, ज़ै कोई अपनो आप राज़ो बनाते तै महाराज़ेरे खलाफ भोते।” 13 ज़ैखन पिलातुसे एन शुनु त तैनी यीशु बेइर कुजेइतां अपने आदालतरे तखते पुइ बिश्शो ज़ैस जो इब्रानी भाषाई मां, गब्बता, ज़ोतन। 14 तै फ़सह तिहारेरी

तियेरारी दिहाड़ी थी ते दुपाहरां केरे करीब थियो, तैखन पिलातुसे यहूदी लोकन जो ज़ोवं, “हेरा, ई तुशुओ राज़ो!” 15 पन तैना ज़ोरे-ज़ोरे सेइं ज़ोने लगे, “एस इड्ठां दूर ने! इड्ठां दूर ने! ते एस क़ूसे पुड़ च़ाढ़!” पिलातुसे ज़ोवं, “कुन अवं तैस ज़ै तुशुओ राज़ो क़ूसे पुड़ च़ाढ़ी?” प्रधान याजकेई ज़ोवं, “महाराज़ेरे अलावा इशुओ कोई राज़ो नई!” 16 एसेरां बाद पिलातुसे यीशु तैन केरे हवाले कियो, ताके तैना तैस क़ूसे पुड़ च़ाढ़न। 17 यीशु अपन क़ूस छुड़तां खोपड़ी जो च़लो ज़ैस जो इब्रानी मां गुलगुता ज़ोतन। 18 तैड़ी तैनेई यीशु ते तैस सेइं साथी दूई डैकू भी क़ूसे पुड़ च़ाढ़ो, अक तैसेरे देइने पासे होरो बांए पासे ते यीशु मज़ाटे। 19 पिलातुसे एककी पेखड़ी पुड़ तैसेरो दोष लिखतां क़ूसे पुड़ लाई तैस पुड़ लिखरू थियूं, “यीशु नासरी यहूदी केरो राज़ो।” 20 काई यहूदेई तैन पढ़, किजोकि ज़ैस जगाई यीशु क़ूसे पुड़ च़ाढ़ो थियो ते जगा यरूशलेम नगरेरे नेड़े थी, ते पेखड़ी पुड़ इब्रानी, लातीनी ते यूनानी भाषाई मां लिखरू थियूं। 21 यहूदी केरे प्रधान याजकेई पिलातुसे कां दरखुवास की, “यहूदी केरो राज़ो न लिखा पन एन लिखा कि ए ज़ोते, ‘अवं यहूदी केरो राज़ोई!’” 22 पिलातुसे जुवाब दितो, “मीं ज़ैन लिखी छाडु, तैन लिखूं।” 23 ज़ैखन स्पेहियेई यीशु क़ूसे पुड़ च़ाढ़ो त तैनेई यीशुएरे लिगड़ा बंटां ते तैन केरे च़ेरे हिस्से किये, ताके सेबभन अक-अक हिस्सो मैल्ले सिर्फ तैसेरू कोट बाकी राऊं, ज़ैन बा ते बुना तगर अक्के थियूं। 24 तैना एप्यू मांमेइं ज़ोने लगे, “एसेरे टोटे केरनेरे बजाए शर्त रखम जेसेरे नंवे पुड़ परची निसेली लिगड़ां तैस भोलां।” एन एल्हेरेलेइ भोवं कि ज़ैन पवित्रशास्त्रे मां लिखरू थियूं तैन पूरू भोए कि, “तैनेई मेरां लिगड़ां बंटा ते मेरे कोटेरे लेइ शर्त रखवू ते सिपैहीयेइं एन कियूं।” 25 यीशुएरे क़ूसे कां तैसेरी अम्मा ते तैसेरी अम्मारी बेइन मरियम ज़ै क्लोपासेरी कुआन्श थी, मरियम मगदलीनी खडखड़ी थी। 26 यीशुए अपनि अम्मा ते अक अपनो चेलो ज़ैस सेइं तै प्यार केरतो थियो, तैस कां नेड़े खडखड़ो लाव त तैनी अपने अम्मा सेइं ज़ोवं, “हे कुआन्श, हेर, तेरू मट्टुए।” 27 ते चेले जो ज़ोवं, “अज़ेरां बाद, ई तेरी अम्मा आए, तैनी चेले तैखने तै अपने घरे नेइ।” 28 ज़ैखन यीशुए ज़ांनू कि हुनी सैरी गल्लां पूरी भोइजेइ, एल्हेरेलेइ जेन्चरे पवित्रशास्त्रेरे मां लिखरू थियूं तैन पूरू भोवं त तैनी ज़ोवं, “मीं ट्लिश लग्गोरीए।” 29 तैड़ी अक भांड सिरके सेइं भरतां रखरू थियूं, केन्चे जूफेरी डालड़ी तैस मां डोबतां यीशुएरे ऐशी सेइं हुराई। 30 ज़ैखन यीशुए च़ख़ू त तैनी ज़ोवं, “पूरू भोवं” ते क्रोड़ी ट्लोइतां अपने प्राण दिते। 31 ते एल्हेरेलेइ कि तै तियेरारी दिहाड़ी थी, होरसां आरामेरी दिहाड़ी ते कने फ़सह तिहार थियूं। ई यहूदी केरे लेइ खास दिहाड़ी थी, यहूदी न थिये चाते कि आरामेरे दिहाड़े लाशां क़ूसन पुड़ टंगोरी रान, एल्हेरेलेइ तैनेई पिलातुसे कां गइतां ज़ोवं, कि मुर्जमां केरि ज़न्धां ट्लोइतां तैन केरि लाशां उन्डी उसालम। 32 सिपाही आए तैनेई पेइले मैनेरी ज़न्धां ट्लोड़ी, फिरी होरेरी भी, ज़ैना यीशु सेइं साथी

क़ूसे पुड़ च़ाढ़ेरे थिये। 33 पन ज़ैखन यीशुएरी बारी अई त तैनेई हेरू कि ते पेइले मेरि जेवरोए, ते तैनेई तैसेरी ज़न्धां न ट्लोड़ी। 34 पन सिपेहिन मरां एक्के अपनि बलम एन्तां यीशुएरे देल्लोड़ी मां बाई ते तैखने खून त पानी बगने लगू। 35 ज़ैनी मैने एन हेरू, तैनी गवाही दित्ती, ते तैसेरी गवाही सच़्चीए, ते तै ज़ानते, कि सच़ ज़ोते कि तुस भी विश्वास केरा। 36 एना सैरी गल्लां एल्हेरेलेइ भोइ कि पवित्रशास्त्रे मां लिखरू पूरू भोए, “तैसेरी कोई हडी न ट्लोड़ी गाए।” 37 पवित्रशास्त्रेरे एककी होरि वचने मां लिखेरू, “तैस ज़ैनेई बलमी सेइं बाई तैना तैस हेरेले।” 38 एना गल्लां केरे पत्ती अक मैन्हु यूसुफ नंवेरो ज़ै अरिमतियाह इलॉंवेरो रानेबालो थियो, पिलातुसे कां बिनती केरने लगे, कि यीशुएरी लाश दे, ए मैन्हु यहूदी लोकां केरे प्रधानां केरे डरे सेइं छेपतां यीशुएरो चेलो थियूं, तै पिलातुसे तैस अज़ाज़त दित्ती, ते तैनी यीशुएरी लाश नेही। 39 नीकुदेमुस भी अव, ज़ैनी एककी बार राती यीशु सेइं मुलाकात कियोरी थी, तैनी गन्धरस ते एलवा आनोरे थिये, एन तेत्ती किल्लो थियूं। 40 तैखन तैनेई यीशुएरी लाश नेइतां यहूदी केरे दबनेरे रसमेरे मुताबिक तैस खुशबूदार चीज़ां लेइतां कफने मां पलेटतां रखवी। 41 ज़ैड़ी यीशु क़ूसे पुड़ च़ाढ़ोरे थियो तैड़ी बागी मां अक नंवी कब्र थी, ज़ैस मां पेइली कोई लाश न थी। 42 ते ए यहूदी केरि आरामेरी तियेरारी दिहाड़ी थी ते कब्र भी नेड़े थी तैनेई यीशुएरी लाश तैड़ी रखवी।

**20** हफतेरी पेइली दिहेड़ी झेझां हेजू आंधरू थियूं मगदलीन इलंवेरी मरियम कब्री पुड़ आई, तैसां हेरू कि कब्री करां घोड़ भी खड़ी कियोरोए। 2 ते दौवड़ती शमोन पतरस ते होरि चेले कां पुज़ी ज़ै यीशु सेइं प्यार केरतो थियो, ज़ोने लगी, “तैनेई प्रभुएरी लाश कब्री मरां केढतां नीयोरो, ते असन नई पतो तै कोइ रखखोरोए।” 3 एना शुन्तां पतरस त अक होरो चेलो कब्रारे पासे च़ले। 4 ते दुइये साथी-साथी दौवड़तां च़लोरे थिये, पन तै होरो दुइयोवं चेलो पतरस करां अग्रोवं निस्सी जेव, ते तैस करां पेइलो कब्री पुड़ पुज़ो। 5 तैनी लिकतां तक्कू ते कफन लाव ते अन्तर न जेव। 6 तैखन शमोन पतरस भी पत्ती-पत्ती तैड़ी पुज़ो ते सिधो कब्री मां जेव तैनी हेरू कि तैड़ी लिगड़ां थियां। 7 ते कफनेरो तै रुमाल भी ज़ै यीशुएरे दोगे सेइं पलेटोरो थियो, लिगड़न मां नई पन अलग ठैरी थियो। 8 तैखन तै होरो चेलो भी ज़ै कब्री पुड़ पेइलो पुज़ोरो थियूं अन्तर जेव तैस भी लेइतां याकीन भोवं। 9 किजोकि तैनेई पवित्रशास्त्रेरी ए गल न थी समझोरी जेसेरे बारे मां यीशुएरू मुडदन मरां ज़ींतू भोनू ज़रूरी थियूं। 10 तैखन एना चेले वापस घरजो च़ले जे। 11 पन मरियम कब्री करां बेइर लेरां देंती थी। लेरां देंती-देंती तैसां लिकतां कब्री मांजो तक्कू। 12 त तैड़ी तैसां दूई स्वर्गदूत जाए ज़ैन छित्तां लिगड़ां लग्गोरां थियां, ज़ैड़ी यीशुएरी लाश रखोरि थी तैड़ी अक शरेइंते ते होरो परइंते बिश्शारे जाए। 13 तैनेई तैस पुच्छू, “हे कुआन्शो तू किजो लोरिस लेरां देने?” मरियमा ज़ोवं, “तैनेई मेरे प्रभुएरी लाश नेवरीए ते पतो नई कोइ रखखोरोए।” 14 एना

जोते तै पत्रोवं बेदलोई त तैडी यीशु खडखडो लाव, पन तैस पिशान न आई कि ए यीशुए। 15 यीशुए ज़ोवं, “हे कुआन्शे तू किजो लेरां देने लोरिस? तू केस तोपने लोरिस?” तैसां समझू 4 झेझां सुबेलो यीशु बन्ने पुड़ एइतां खडो भोव, पन चलेई न कि कोई बागवाने, तैसां ज़ोवं, “हे जनाब अगर तीं तै नीयोरोए त जो कि तीं कोडि रखवोरोए ते अवं तैस नेइ।” 16 यीशुए तैस सेइं ज़ोवं, “मरियमा!” तैसां तैसेरे पासे फिरतां इब्रानी मां ज़ोवं, “रब्बूनी!” ज़ेसेरो मतलबे हे गुरू। 17 यीशुए ज़ोवं, “मीं सेइं न हुरा किजोकि अवं बाजी कां बाह हेजू नई जोरो, पन मेरे दूलान गोइतां जो कि अवं अपने बाजी ते तुशो बाजी ते अपने परमेशर ते तुशो परमेशरे कां बा चलोरोई।” 18 मरियम मगदलीनी तैट्ठां चली जेईं ते चलन कां गोइतां तैन पतो दित्तो, “मीं प्रभु लाहोरोए ते तैनी मीं सेइं एना गल्लां की।” 19 तैस्से दिहैडी ज़े हफतेरी पेइली दिहाडी थी ड्लोइरे मौके सारे चले एककी ठैरी थिये, ते यहुदी लोकां केरे प्रधानां केरे डरे सेइं दार बन्द केरतां बिशोरे थिये, तैखन यीशु अव ते मझाटे खडो भोइतां जोने लगे, “तुसन शान्ति मैलती राए।” 20 एन ज़ोइतां तैनी अपने हथ ते अपनि देल्लोडी तैन हिराई, चले तैस हेरतां खुशी भोए। 21 यीशुए फिरी ज़ोवं, “तुसन शान्ति मैलती राए, ज़ेन्चरे बाजी अवं भेजोरोई, तेन्चरे अवं भी तुसन भी इस दुनियाई मां भेजताई।” 22 एन ज़ोइतां तैनी तैन जो फुक दित्ती ते ज़ोवं, “पवित्र आत्मा नेथ। 23 ज़ैन केरे पाप तुस माफ़ केरेले त तैन केरे पाप माफ़ भोले, ज़ैन केरे तुस रखेले तैना राले।” 24 पन बादे मां 12 चलन मरां अक मैन्हु मतलब थोमा ज़ैस दिदुमुस ज़ोतन, ज़ैखन यीशु अव त तै तैन साथी न थियो। 25 ज़ेखन होरि चले तैस सेइं ज़ोवं, “कि असेईं प्रभु लाव,” तैखन तेनेईं ज़ोवं, “जां तगर अवं तैसेरे हथ्यन मां कीलां करां गत्तन मां एंगलोई न छेडी, तांतगर विश्वास न केरि।” 26 अठ दिहैडना बाद यीशुएरे चले एककी बार फिरी तैस्से ठैरी बिशोरे थिये, ते थोमा भी तैडी थियो ते दार भी बंद थियू, ते यीशु एइतां तैन मझाटे खडो भोव, ते तैन जो ज़ोने लगे, “तुसन शान्ति मैल्ले।” 27 फिरी तैनी थोमा जो ज़ोवं, “अपनि अंगलोई आन ते मेरो हथ हेर ते अपने हथ्ये सेइं मेरी दल्लोडी हेर, शक न केर बल्के मीं पुड़ विश्वास केर।” 28 थोमा तैस जो ज़ोवं, “हे मेरे प्रभु हे मेरे परमेशर!” 29 यीशुए तैस जो ज़ोवं, “तीं लेइतां तीं मीं पुड़ विश्वास कियो, धन तैना ज़ैना बगैर लाहने मीं पुड़ विश्वास केन।” 30 यीशुए अपने चेलां केरे सामने होरे भी बडे चमत्कार कियोरे थिये, ज़ैना इस किताबी मां नई लिखोरे। 31 पन ज़ैना लिखोरन, एल्हेरेलेइ लिखोरन, कि तुस विश्वास केरथ, कि यीशु परमेशेरू मडू, मसीहे आए, ते विश्वास केरतां तैसेरे नंबे सेइं हमेशारी जिन्दगी हासिल केरथ।

**21** बादे मां यीशुए एप्पू एककी फेरे फिरी अपने चलन पुड़ तिविरियुस समुन्देरो बन्ने एन्चरे बांदो भोव। 2 शमौन पतरस, थोमा ज़ैस जो दिदुमुस ज़ोतन, नतनएल ज़े गलीलेरे काना नगर मां रातो थियू, ते जेब्दू मडू ते होरे चले भी तैडी थियो। 3 शमौन पतरसे तैन सेइं ज़ोवं, “अवं मेछली टलाने

गाताई।” तैनेईं ज़ोवं, “अस भी तीं साथी चलतम।” तैना तैट्ठां निस्से ते किशती मां चेट्ठां जे, पन तैस राती तैन किछ न मैल्लू। पिशानो कि ए यीशुए। 5 तैखन यीशुए तैन ज़ोवं, “हे बच्चव, कुन तुसन कां किछ खाने जो आए?” तैनेईं जुवाब दित्तो, “नई।” 6 यीशुए ज़ोवं, “ज़ाल किशतरे देइने पासे छडथ त तुसन किछ मेछली मैलनिन।” तैनेईं ज़ाल छडु ते मेछली एनी ज़ाले मां लेगि कि ज़ाल खिचोने न लगू। 7 तैखन यीशु ज़ैस चले सेइं प्यार केरतो थियो तैनी पतरस सेइं ज़ोवं, “ए त प्रभुए।” ज़ेरू शमौन पतरसे शुन्नु कि प्रभुए, तैनी अपनो चोगो, ज़ै कम केरनेरे लेइ खोल्लोरो थियो लाव ते पैनी मांजो छाल मारी। 8 होरे चले ज़ैना किशती मां थिये ज़ाल ज़ैना मेछलेईं सेइं भेरतां थियू तैनेईं खिचतां आनु, किजोकि तैना 100 मीटर दूर थियो। 9 ज़ैखन तैना बन्ने पुड़ ओस्से, त तैनेईं मूरन पुड़ मेछली रेखोरिन ते डलेखी रोटी भी लेई। 10 यीशुए तैन सेइं ज़ोवं, “ज़ैना मेछली तुसेईं टलेतोरिन तैन मरां किछ इरां आनां।” 11 शमौन पतरस किशती मां चढो ते ज़ाल डलेखी पुड़ खिचतां आनु ज़ैस मां 153 मेछली लेगोरी थी, ते फिरी भी ज़ाल नई छींदोरे। 12 यीशुए तैन सेइं ज़ोवं, “एज्जा केलोव खाथ।” पन चलन मरां केन्ची हिम्मत न अई कि पुछन, “कि तू कौन आस?” तैना ज़ानते थिये कि ए प्रभुए। 13 यीशुए रोटी टलाती ते तैना भी दित्ती ते मेछली भी दित्ती। 14 यीशु मुड़दन मरां ज़ीतो भोनेरां पत्ती टलेइयोवं फेरे अपने चलन पुड़ बांदो भोइ जेव। 15 ज़ैखन तैनेईं केलोव खाव, त यीशुए शमौन पतरसे सेइं ज़ोवं, “शमौन,” यूहन्नेरे मट्टा, “कुन तू होरि चलन करां जादे मीं सेइं प्यार केरतस?” तैनी ज़ोवं, “हाँ प्रभु तू त मीं ज़ानतस कि अवं तीं सेइं प्यार केरताई।” यीशुए ज़ोवं, “मेरां गबडां चार।” 16 यीशुए फिरी तैन सेइं ज़ोवं, “शमौन, यूहन्नेरे मट्टा, कुन तू मीं सेइं प्यार केरतस?” तैनी ज़ोवं, “हाँ प्रभु, अवं तीं सेइं प्यार केरताई।” यीशुए तैस सेइं ज़ोवं, “मेरी भेइं सम्भाल।” 17 तैनी टलेइयोवं फेरे फिरी पुच्छू, “शमौन यूहन्नेरे मट्टा, कुन तू मीं सेइं प्यार केरतस?” पतरस दुःखी भोइतां ज़ोवं, “प्रभु तू एप्पू सैरी गल्लां ज़ानतस, तू ज़ानतस, कि अवं तीं सेइं प्यार केरताई,” यीशुए ज़ोवं, “मेरी भेइं चार।” 18 अवं तीं सेइं सत्र ज़ोताई, ज़ैखन तू नौजवान थियो त अपनू मज़ एप्पू बंधतो थियो, ते ज़ैडी चातो थियो, एप्पू गातो थियो, पन ज़ैखन तू बुढो भोलो, त अपने हथ अग्रोवं केरेलो, ते होरो तेरू मज़ बंधेलो ज़ैडी तू न चालो तैडी तीं नेले। 19 यीशुए ए गल ज़ोइतां इशारो कियो कि पतरस कोस मौतां मेरतां परमेशेरी महिमा बांदी केरेलो। तैखन यीशुए ज़ोवं, “मीं पत्ती चल!” 20 पतरसे फिरतां तककू, कि यीशु सेइं प्यार केरनेबालो चेलो तैस पत्ती चललोरोए थियो, ए त चेलो थियो ज़ैनी रोटी खाते यीशुएरे पासे लिकतां पुछेरू थियू, “हे प्रभु ते कौने, ज़ै तीं टलुवालो?” 21 पतरसे तैसेरे पासे तेकतां यीशुए पुच्छू, “हे प्रभु एस चले सेइं कुन भोलू।” 22 यीशुए जुवाब दित्तो,



अगर अवं चैई कि, “अगर मेरे वापस एजने तगर ज़ींतो राव त एसमां तीं कुन? तू मीं पत्ती च़ल।” 23 एन्चरे ढ़लान मां ए गल सेभीए फैली जेई, कि ए चेलो न मरेलो, पन यीशुए एन न थियूं ज़ोरू, कि तै न मरेलो अगर अवं चैई कि, “अगर मेरे वापस एजने तगर ज़ींतो राव, त एसमां तीं कुन?” 24 ई तै चेलोए, ज़ै इना गल्लां केरि गवाही देते, ते ज़ैनी एना गल्लां लिखोरिन, असां ज़ानतम कि तैसेरी गवाही सच़वीए। 25 यीशुए होरां भी बड़ां कम्मां कियोरां थियां, अगर सेब्भी केरे बारे मां लिखनू भोए त अवं समझताई, कि तैना किताबां अज़ भोथी त तैन केरे लेइ इस दुनियाई मां ठार न थी भोनी।

# प्रेरितों के काम

**1** जनाब थियुफिलुस, मीं अपने पेड़ली किताब मां तैना सैरी गल्लां लिखोरिन, जैना यीशु शुरु मां केरतो ते शिखालतो राव, 2 तैस दिहेड़ी तगर जेइस ते स्वर्ग मांजो नीयो जेव। तैस करां पेड़ले तैनी अपने चुनोरे प्रेरितन पवित्र आत्मारे शक्ते जिरिये सेइं किछ हुक्म भी दितोरे थी। 3 यीशुए दुःख झूलनेरां ते मौतेरे बाद तैनी अपने जीते भोनेरां काई पक्कां सबूतां तैन हिरां, ते 40 दिहाइन तगर तैन लेइहोतो राव, ते परमेशरे राजेरे गल्लां शुनातो राव। 4 एककी फेरे जैखन यीशुए अपने चलन सेइं साथी थियो तैनी तैन ठाकू, “कि तुस यरूशलेम नगरे मरां बेइर न गेइयथ ते मेरे बाजी परमेशरेरो तै वादो पूरो भोनेरो इंतजार केरथ, जेसेरे बारे मां तुसेईं मीं करां शनोरू भी आए। 5 किजोकि यूहन्ना त लोकन पैनी सेइं बपतिस्मो दितो, पन तुसन थोड़े दिहेइना पत्ती पवित्र आत्मा सेइं बपतिस्मो दितो गालो (यानी परमेशर पवित्र आत्मा भेजेलो जै तुसन सेइं साथी रालो)” 6 जताली प्रेरित दुबारा यीशु सेइं मिले, त तैनेईं तैस पुच्छू, “हे प्रभु, कुन तू इस वक्ते फिरी इस्राएले तैसेरू राज देने बालोस?” 7 तैनी तैन सेइं जोंव, “तैस वक्तेरो या जेइस तैना गल्लां भोली, तैन केरे बारे मां तुसन ज्ञानेरी कोई जरूरत नई, जैना बाजी परमेशरे अपने अधिकार मां रेखोरिन। 8 पन पवित्र आत्मा जैखन तुसन पुड़ उतरेली त तुसन शक्ति मैलेली, ते तुस यरूशलेम नगर ते सारे यहूदिया ते सामरिया इलाकन मां बल्के धेरतारे हर पासे मेरे गवाह भोले।” 9 एना गल्लां जोंनेरां पत्ती यीशु तैन केरे सामने हेरते-हेरते परमेशरे तै स्वर्ग जो नीयो, ते बिदलारां तै तैन केरे एछहन करां छुपाव। 10 जैखन तैना यीशुए अम्बरे मांजो गांतो तकने लोरे थिये, त अचानक, दूई मड़द जैन छित्तां लिगड़ां लगगारां थियां तैन कां एइतां खड़े भोए। 11 ते जोंने लगे, “हे गलीली मड़दाव तुस खड़खड़े अम्बरे पासे कुन तकने लोरेथ? एहे यीशु जेन्चरे तुशे सामने परमेशरे, स्वर्ग मांजो नीयो, जेन्चरे तुसेईं स्वर्ग मांजो गांतो लाहोरोए तेन्चरे फिरी एइतो लाएले।” 12 जैखन चले जैतून पहाड़े पुडेरं जैन यरूशलेम नगरेरे नेड़े एककी किलोमीटर दूरे, यरूशलेम नगरे मांजो वापस आए। 13 नगरे मां एइतां तैना तैस कमरे मां जे जैड़ी तैना रहते थिये, ते कमरो दुइयोवं छते थियो। तैना प्रेरित इना थिये, पतरस, यूहन्ना, याकूब, अन्द्रियास, फिलिप्पुस थोमा, बरतुलमै, मत्ती ते हलफर्डरू मडू याकूब ते शमौन जेलोतेस ते याकूबेरू मडू यहूदा रहते थिये। 14 एना सब मड़द ते किछ होरि कुआन्शां जैनेईं यीशुएरी मद्दत कियोरी थी, ते यीशुएरी अम्मा मरियम ते यीशुएरे दलान सेइं साथी अक मन भोइतां लगातार प्रार्थनाईं मां लगोरे थिये। 15 ते तैने दिहाइन मां पतरस तैन दूलां केरि टोली मां जैन केरि तैधात कोई 120 थिये, पतरस खडो भोइतां जोंने लगे। 16 “हे मेरे दूलाव, पवित्रशास्त्रेरी तै गल जै पवित्र आत्मा दाऊद राजेरी जिरिये पेड़ले जोरी थी, पूरी

भोनी जरूरी थी, तै गल यहूदारे बारे मां जोरी थी, जैनी यीशुएरे टलुवाने बालां केरि मद्दत कियोरी थी। 17 तै असन सेइं साथी सेवा केरनेबालो थियो, ते असन साथी तै गनो गातो थियो। 18 तैनी नीच कमयेरे लेइ यीशु टलुवाव, ते फिरी तैनी तैना पेइंसे यहूदी लीडरन वापस दिते, ते तैनेईं तैन पेइंसां केरू अक ऊडार धिन्नु, जैड़ी तै दोग्गरे भारे खिरकोरो थियो, ते तैसेरू पेट फेटतां तैसेरी एटलोड़ी बेइर निस्सी।” 19 यरूशलेम नगरेरे सारे लोकन ए पतो लगगोरो थियो, तैनेईं अपने भाषाईं मां तैस उडारेरू नवं हकलदमा रख्खू, जेसेरो मतलबे, “खूनेरू ऊडार।” 20 किजोकि दाऊदे भजना केरि किताबी मां लिखोरूए कि, “तैसेरू घर उजड़े, ते तैस मां कोई बसने बालो न भोए, ते इन भी लिखोरूए, तैसेरी पदवी कोई होरो ने।” 21 एल्हेरेलेइ एन जरूरीए कि अक एरो मैन्हु चुनो गाए, जै प्रभु यीशुएरे सारे कम्मां केरे गवाह भोए, यानी यीशुएरो यूहन्ना करां बपतिस्मो नेने करां लेइतां असन करां यीशुएरे स्वर्ग गाने तगर 22 तैन मरां अक मैन्हु चुनो गाए, जै असन सेइं साथी यीशुएरे जीते भोनेरो गवाह भोए। 23 तैखन तैनेईं दुइये जने नामजद किये, अक यूसुफ जैस जो बरसब्बास जोते थिये, जेसेरो खताब यूस्तुस थियो, ते दुइयोवं मत्तियाह थियो। 24 ते एन जोइतां प्रार्थना की, “हे प्रभु, तू सेबभी केरे दिले ज्ञानतस ते असन पुड़ बांदू केर, कि इन दुईन मां तीं कौन जेरो चुनोरोए। 25 कि तै इस सेवकाईं ते प्रेरिताइयोरो पद ने, जै यहूदा शैरतां अपने ठैरी जेवरोए।” 26 तैनेईं तैसेरे बारे मां शर्त रखेरू थियू, जैन मत्तियाह नंवे पुड़ निस्सू, एल्हेरेलेइ तै 12 प्रेरितन सेइं साथी गनो जेव।

**2** जेइस यहूदी केरे पिन्तेकुस्त तिहारेरी दिहाड़ी अई, त तैना सब एककी ठैरी अकोट्टे थिये। 2 अचानक अम्बरेरां आवाज आई, जेन्चरे बड़ो बात चलने लोगोरो थियो, ते तैस सेइं सारू घर घुमने लगू जैड़ी तैना बिशोरे थिये। 3 ते तैनेईं अगारी लप्परी जेरि जिभां लेई, जैना अलग-अलग भोइतां तैन सेबभन पुड़ एइतां टिकी। 4 ते तैना सब पवित्र आत्माईं सेइं भरपूर भोए, ते आत्मारे वरदाने सेइं तैना अलग-अलग भाषा केरने लगे। 5 तैस वक्ते मां, बड़े यहूदी भक्त जैना तिहारे मां दुनियारी सैरी मुलखन मरां ओरे थिये, तैना यरूशलेम नगरे मां राने लोरे थिये। 6 जैखन तैनेईं ए बातेरी जेरि आवाज शुनी त बड़े लोक जम्हां भोए, ते सब लोक बड़े हैरान रेइजे, किजोकि हर कोई चलन अपने-अपने भाषाईं मां गल्लां केरते शुन्ने लोरे थियो। 7 ते सब बड़े हैरान भोइतां जोंने लगे, हेरा, “कुन एना जोंनेबाले सारे गलील इलाकेरे रानेबाले नई? 8 फिरी एन कुन भोइ रावरूए कि, असन मरां हर कोई अपनि-अपनि भाषा शुन्ने लोरोए। 9 असन मरां किछ इन इलाकन मरां आन, पारथी, मेदी, एलामी ते मेसोपोटामिया, यहूदिया, कप्पूदकिया, पुन्तुस ते आसिया, 10 फ्रूगिया, पंफूलिया, मिस्र मुलख, ते लीबिया मुलखे जै कुरेन नगरेरे नेड़े, इन सब मुलखां केरे रानेबाले ते रोमी मुसाफर, 11 कुन यहूदी, ते कुन यहूदी पंथ धारण केरनेबाले, क्रेती ते अरब

मुल्खरे लोक भी आन, पन अस अपनि-अपनि भाषाई मां तैन करं परमेशरेरां बड्ठां-बड्ठां कम्मां केरि चर्चा शुन्ने लोरेमा।” 12 तैना सब बडे हैरान भोइ जे ते घबरेइतां एककी होरि पुच्छने लगे, “कि एन कुन भोइ रावरुए?” 13 पन किछ तैन केरि हासी बनेइतां जोने लगे, “कि एनेई सजरी शराप पियोरीए।” 14 तैखन पतरस 11 प्रेरितन सेई साथी खडो भोव, ते बडे ज़ोरे सेई जोने लगे, “हे लोकव हे यहूदियारे रानेबालव ते हे यरूशलेम नगररे राने बालाव, मेरी गल ध्याने सेई शुना, अवं तुसन ज़ोताई इडी एन कुन भोने लोरुए। 15 जैन तुस बुड्ठने लोरेथ तैन नई, एना मैन्हु नशे मां नई, किजोकि हुन्ना त झेझेरे नौ बजोरेन, 16 बल्के ए तै गल्ले, जै परमेशरे योएल नेबेरे ज़िरिये ज़ोरी थी, 17 परमेशर जोते कि, आखरी दिहैडन मां एरू भोलू अवं अपनि आत्मा सेबभी लोकन देइलो, ते तुशशां मट्टां कुड्यां भविष्यिवाणी केरेलां, ते तुशशे नौजवान दर्शन हेरेले, ते बुढे सुपना हेरेले। 18 बल्के अवं तैन दिहैडन मां अपने सेवादार मड्ठन ते सेवादार कुआन्शन पुड अपनि आत्मा उतरेलो, ते तैना भविष्यिवाणी केरेले। 19 अवं अम्बरे मां आजीब-आजीब कम्मां ते ज़मीनी पुड निशान, यानी अग, खून ते कालो तूपरी बिदलार हिरेयेलो। 20 प्रभुएरी दिहाड़ी एजने करं पेइले, दिहाड़ी आंधरो भोइ गानोए, ते चाँदनी खूनेरी ज़ेरी भोनीए, तै अक महान ते खास दिहाड़ी भोनीए। 21 ते ज़ै कोई परमेशरु नवं घिन्नेलो तैस मुक्ति मैलेली।” 22 “हे इस्राएल्लेरे लोकव, इना गल्लां शुना, यीशु नासरत नगररो अक मैन्हु थियो, जै परमेशर तुशशे लेइ भेजोरो थियो, ते एस गल्लारी तसदीक तैसेरे खास चमत्कारां केरे सबूतेई सेई भोचे, जैना परमेशरे तैसेरे ज़िरिये सेई इशशे सामने हिरां, जेन्चरे कि तुस एप्पू भी ज्ञानतथ। 23 जैखन तै परमेशरेरे इंतजामेरे पूरे मौके पुड ज्ञानेरे हिसाबे सेई टलुवाव, ते तुसेई तै अधर्मी लोकां केरे हथथे क्रूसे पुड टंगेइतां माराव। 24 पन परमेशरे तै मौतरे सकंजे मरां छुटेइतां जीतो कियो, किजोकि एन भोइ न थियू सकतु, कि तै मौतरे कब्जे मां राए। 25 किजोकि दाऊद मसीहेरे बारे मां एन ज़ोते, हेरा, प्रभु हर वक्त मेरे सामने, अवं तैन लोकन करं न डरेलो जैना मेरो नुकसान चातन। 26 तांए मेरो दिल बडो खुश भोव, ते अवं खुशी सेई ज़ोइलो, बल्के मेरी जान उमीदी सेई जीएली। 27 किजोकि तू मेरे प्राणन पाताले मां राने न देलो, ते न अपने पवित्र मैन्हु शडने देलो! (Hadēs 986) 28 तीं मीं ज़िन्दगरी बत हेरेवरिए, तू अपने हज़ूरी सेई मीं भरपूर केरेलो।” 29 “हे मेरे ढूलाव, अवं कौमारे बुजुर्ग दाऊदरे बारे मां तुसन सेई साफ-साफ जोई सकताई, कि तै मेरे भी जेव, ते दब्बो भी ते तैसेरी कन्न अज़ तगर इशशे सामने मौजूद। 30 तै नबी थियो, ते तै ज्ञानतो थियो, कि परमेशरे तैस सेई वादो कियोरो थियो, ‘अवं तेरी खानदेंनी मरां अक मैन्हु तैसेरे तखते पुड बिशैलेलो।’ 31 तैनी पेइले भोनेबेली गल्लां ते मसीहेरे मुड्ठन मरां जीतिं भोनेरे बारे मां बियांन कियेरू थियू, कि न तै पाताले मां राने देलो, ते न अपने पवित्र मैन्हु शडने

देलो! (Hadēs 986) 32 “एहे यीशु परमेशरे जीतो कियो जेसेरे अस सब गवाह आम। 33 ते हुना तै स्वर्ग मां खास ठेरी यानी परमेशरेरे देइने पासे आए। ते तैने बाजी परमेशरे करं पवित्र आत्मा हासिल की, जेसेरो तैने वादो कियोरो थियो, यीशुए असन पवित्र आत्मा भरपूरी सेई दित्तोरीए, जैन तुस लातथ ते शुन्तथ। 34 किजोकि दाऊद त एप्पू स्वर्ग मां नई जोरो, पन फिर भी तै एप्पू जोते, प्रभु परमेशरे मेरे प्रभु सेई ज़ोवं, मीं सेई साथी राज़ केर। 35 ज़ांतगर अवं तेरे दुश्मन तेरे अधीन न केरि। 36 एल्लेरेलेइ, इस्राएल्लेरे सारे लोकन पतो लग्गे, कि परमेशरे, यीशु जै तुसेई क्रूसे पुड चाढो तै प्रभु भी कियो ते मसीह भी कियो।” 37 एना गल्लां शुन्तां तैन बडो एसास भोव कि तैना पापिन, तैखन तैनेई पतरसे ते होरि प्रेरितन सेई ज़ोवं, “हे ढूलाव अस कुन केरम?” 38 पतरसे तैन सेई ज़ोवं, “पापन करं मनफिराथ ते तुसन मरां सारे यीशु मसीहेरे नंवे सेई बपतिस्मो घिन्ना, त परमेशर तुसन माफ़ केरेलो ते पवित्र आत्मा तुसन इनामे मां मैलेली। 39 एल्लेरेलेइ कि ए वादो तुसन त तुशशी औलादी सेई आए ते तैन सेबन्न सेई जैना दूर-दूर रातन, ते जैन इशशो प्रभु परमेशरे एप्पू कां कुजाते।” 40 पतरसे होरि भी बेडि गल्लां केरि गवाही दित्ती, ते तैन बार-बार ज़ोवं, कि अपना आप एस टैरी कौमी करं बचाथ। 41 ते तैनेई तैसेरी गल्लां कबूल की, तैनी तैन बपतिस्मो दित्तो, तैस दिहैडी लगभग कोई 3000 मैन्हु तैन मां शामिल भोए। 42 एना लोक प्रेरितन करं शिक्षा हासिल केरते थिये, ते संगती रखते थिये, ते साथी रोटी खाते थिये, ते प्रभु भोज मनाते थिये ते प्रार्थना केरने मां मघन रहते थिये। 43 प्रेरितां केरे ज़िरिये सेई बडे चमत्कार ते निशान भोते थिये, ते यरूशलेमेरे सारे लोक डेरि जे। 44 यीशु मसीह पुड विश्वास केरनेबाले सारे अकोट्टे रहते थिये, ते सैरी चीज़न मां एककी होरि बराबर हिस्सेदार रखते थिये। 45 ते तैना अपनि जेइदात ते माल सबाब बेघतां एककी होररी ज़रूरतेर मुताबिक रकम बेंटां सेबभी केरि ज़रूरत पूरी केरते थिये। 46 तैना रोज़ अक मन भोइतां मन्दरे मां अकोट्टे भोते थिये, ते घरन मां साथी रोटी खाते थिये ते प्रभु भोज मनाते थिये, ते अकोट्टे भोइतां खुशी सेई खाते थिये। 47 तैना परमेशरेरी तारीफ़ केरते थिये, तैना सैरी केरि नज़री मां रोइ थिये। जैन पापन करं मुक्ति मैलती थी, परमेशर तैन लोकन तैन केरि टोली मां शामिल केरतो थियो।

**3** एककी दिहाड़े पतरस ते यूहन्ना प्रार्थना केरने दीसेरे टूलेइ बजेइ मन्दरे मांजो च़ल्लोरे थियो। 2 ते मैनेई अक ज़र्मनेरो टोंटो छुइतां आनोरोए थियो, ते तैस मन्दरेरे दारे पुड छडते थिये, जैस दारेरु नवं “रोडू” थियू, ताके अन्तर गाने बालन करं भीख मग्गे। 3 जैखन तैनी पतरस ते यूहन्ना मन्दरे मांजो गांते लाए त तैन करं भीख मग्ने लगे। 4 पतरस ते यूहन्ना तैसेरे पासे खेडोइतां जोने लगे, “इशशे पासे तक।” 5 ते तैस उमीद भोइजेइ कि एन करं किछ मैलेलू, तै तैन केरे पासे तकने लगे। 6 पतरसे ज़ोवं, “सोन्नु चाँदी त असन कां अथ्थी नई, पन जैन मीं

कां आए तैन अवं तीं देताई, तू यीशु मसीह नैसरेरे नव्वे सेइं खडो उठ ते च़ल फिर।” 7 पतरसे ज़ेरो तैसेरो देइनो हथ दलेइतां खडो कियो, त तैसेरे पावन मां ते गुडन मां ताकत आई। 8 ते तै तैखने खडो भोव, ते च़लने फिरने लगे, ते फिरी छालां मारतो ते परमेशेरी तारीफ़ केरतो तैन सेइं साथी मन्दरेरे अंगने मां च़लो जेव। 9 ते सेब्भी लोकेई तै च़लतो फिरतो ते परमेशेरी तारीफ़ केरतो लाव। 10 ते पिशानो ई त तैए, ज़ै मन्दरेरे रोडे दारे पुड़ बिशतां भीख मगतो थियो, ते ज़ै चमत्कार एन लोकां केरे सामने भोव, त तैना लोक बडे हैरान राए। 11 ज़ैखन तै मैन्हु पतरस ते यूहन्ना दलेइतां खडखडो थियो, त सब लोक जैना तैडी खडखडे थिये, बडे हैरान भोइतां सुलैमानी अंगने मां देवइतां तैन कां आए। 12 पतरसे एन हेरू त तै लोकन कां एन्चरे खडो भोव, ते ज़ोने लगे, “हे इस्राएली लोकव तुस एस गल्ली पुड़ किजो हैरान भोरेथ, ते असन एन्चरे किजो तकने लोरेथ, असेई अपने शक्ति या भक्ति सेइं ए टोटो मैन्हु च़लने फिरनेरे काबल नई बनेवरोए। 13 अब्राहम ते इसहाक ते याकूबेरे परमेशेरे ते इश्शे पूर्वजां केरे परमेशर अपने दासे यीशु महिमा दिती, पन तुसेई तै यहूदी लीडरन कां दिती कि तैना तैस मारन। पिलातुसे तै हथरां छडनेरो इरादो कियो, पन तुसेई यीशुएरो इन्कार कियो। 14 तुसेई यीशु अक एरो पवित्र ते धर्मी मैन्हु रद कियो, ते पिलातुसे कां दरखुवास की, कि तै तुश्शे लेइ अक कातली हथरां छडे। 15 तुसेई त ज़िन्दगी देनेबालो मारो, पन अस गवाह आम, कि परमेशेरे तै मुड़दन मरां जीतो कियो। 16 तैसेरे नव्वेरी शक्ति एस टॉटे, ज़ै तुश्शे सामने ते ज़ैस तुस जानतथ शिफा दितोरिये ते ए मैन्हु यीशुएरे नव्वे सेइं ते यीशु पुड़ विश्वास केरने सेइं बिलकुल ठीक भोव, ते ए एण्णु तुश्शे सामने। 17 “हे मेरे दूलाव अवं ज़ानताई कि ज़ैन किछ तुसेई ते तुश्शे लीडरेई यीशु सेइं कियूं, तैन तुसेई अनजान भोइतां कियूं। किजोकि तुसन न थियो पतो कि तै मसीह आए। 18 पन परमेशेरे एना सेरी गल्लां ज़ैना तैनी अपने नेबी केरे ज़िरिये जोरी थी, कि मसीह दुःख उठालो ते मरेलो ते तैनी तैना एन्चरे पूरी की। 19 बस्सा पापन करां मनफिराथ ते परमेशेरेरे पासे फिरा ते तै तुश्शे पाप माफ़ केरेलो, ते परमेशेरी तरफां तुश्शे लेइ परमेशेरे तरफां रोडे दिहाडे एज्जेले। 20 ते तै मसीह यानी यीशु ज़ै तैनी ठहरावरो आए, तुश्शे लेइ भेजे। 21 पन ज़ांतगर तैना सेरी चीज़ां बहाल न केरे, ज़ैन केरे बारे मां परमेशेरे बडे पेइले अपने पवित्र नेबी केरि ज़बानी जोरूए, तांतगर यीशुएरू स्वर्गे मां रानू ज़रूरीए। (aiōn g165) 22 ज़ेन्चरे मूसा एस बारे मां जोरू थियूं, प्रभु परमेशर तुश्शे दूलान मरां तुश्शे लेइ मेरो ज़ेरो अक नबी भेजेलो, ज़ैन किछ तै तुसन सेइं जोए, तुस तैसेरी गल शुनथ। 23 पन ज़ै तैस नेबेरी गल न शुनेलो, तै लोकन मरां नाश कियो गालो। 24 ते शमूएल परमेशेरी गल्लां ज़ोनेबाले करां देइतां पेइले तमाम नेबेई इन दिहाड़ां केरे बारे मां शुनावरू। 25 तुस नेबी केरि खानदेंनी ते ज़ै करार परमेशेरे इश्शे पूर्वजन सेइं

कियोरो थियो, तैस मां तुस सब शामलथ, परमेशेरे अब्राहमे सेइं जोरू थियूं, कि तेरे मट्टेरे ज़िरिये सेइं दुनियाारी तमाम कौमन बरकत मैलेली। 26 परमेशेरे अपनो सेवक मुड़दन मरां जीतो कियो ते पेइलो तुसन कां भेजे, ताके तुसन तै बरकत दे, कि तुसन मरां हर कोई पापेरी ज़िन्दगी शैरतां परमेशेरेरे पासे फिरे।”

**4** हेजू पतरस ते यूहन्ना लोकन सेइं गल्लां केरते थिये, त किछ याजक ते मन्दरेरे पेरेहेदार ते किछ सदुकी लोक तैडी पुजे। 2 तैना बडे सेरकोए, कि पतरस ते यूहन्ना लोकन एरी शिक्षा देते कि परमेशेरे मरें लोकन जीतो केरेलो, ज़ेन्चरे तैनी यीशु मुड़दन मरां जीतो कियोरोए। 3 तैनेई तैना दुइयोवं दिहेडी तगर गिरफ्तार रखवे, किजोकि ते इलोइजारां मौको थियो। 4 पन केही लोकेई वचन शुन्तां यीशु पुड़ विश्वास कियो, ते तैन केरि तैधात 5000 मड़द भोइ। 5 होरसां एरू भोवं कि तैन केरे लीडर ते बुजुर्ग ते शास्त्री यरूशलेम नगरे मां जम्हां भोए। 6 हन्ना महायाजक तैडी थियो, ते कैफा ते यूहन्ना महायाजक ते सिकन्दर ते खानदेंनरे होरे लोक भी तैडी थियो। 7 तैनेई पतरस ते यूहन्ना मझाटे खडे किये ते तैन पुच्छू, “तुसेई केसेरे शेक्ति या केसेरे अधिकारे सेइं एन कम कियोरूए?” 8 तैखन पतरस पवित्र आत्माई सेइं भरपूर भोइतां तैन एन्चरे सेइं ज़ोने लगे, “हे कौमेरे लीडरवा ते बुजुर्गव। 9 अगर अज़ असन एल्हेरेलेइ पूछ ताछ की गातीए, कि असां एक्की रोडे कम्मरो जुवाब देम, ज़ैन असेई एक्की टॉटे मैनेरे लेइ कमाव ते तैस शिफा दिती। 10 ते तुसन ते सारे इस्राएलिन ए पतो लगगे, कि ए मैन्हु यीशु मसीह नैसरेरे नव्वेरी शक्ति सेइं बेज्जोइतां तुश्शे सामने खडोए, ज़ै यीशु तुसेई कूसे पुड़ चाढोरो थियो, पन परमेशेरे तै मुड़दन मरां जीतो कियोरोए। 11 ए तैए घोडे, ज़ै तुसेई मिस्त्रेई रदी कियोरो थियो, पन तैए घोड़ कूनेरो खास घोड़ भोइ जेव। 12 ते पापां केरि माफ़ी केन्ची होरेरे ज़िरिये सेइं नई, किजोकि अम्बरेरां बुन मैनु मां कोई होरू दुइयोवं नवं नई दितेरू, जेसेरे ज़िरिये सेइं मुक्ति मैल्ले, सिर्फ़ यीशुएरे नव्वे सेइं मुक्ति आए।” 13 ज़ैखन तैनेई पतरस ते यूहन्नारी दिलेरी हेरी, त तैखन तैन पतो लगगे, कि एना त अनपड़ ते मामुली मैन्हु आन ते तैना बडे हैरान भोए, तैखन तैनेई बुझू कि एना लोक यीशु सेइं साथी राहोरेन। 14 तैनेई पतरस ते यूहन्नारे खलाफ किछ न ज़ोई बट, एल्हेरेलेइ कि ज़ै मैन्हु बेज्जोरो थियो, तै मैन्हु तैन सेइं साथी खडखडो थियो। 15 तैखन तैनेई पतरस ते यूहन्ना महासभा करां बेइर नेनेरे लेइ ज़ोवं, ते एण्णु मांमेइं मुशोरो केरने लगे। 16 “असां एन लोकन सेइं कुन केरम? यरूशलेम नगरेरे सब लोक ज़ानतन कि एन लोकेई अक बडो चमत्कार कियोरोए, जेसेरो अस इन्कार न केरि बटम। 17 पन एल्हेरेलेइ अस एन न चाम कि ए गल लोकन मां जादे मुशूर न भोए, रोडू त एन्ने कि अस एन धमकेइतां ज़ोम कि अज़ेरे बाद एन नवं घिन्तां केन्ची सेइं गल न केरन।” 18 तैखन तैनेई पतरस ते यूहन्ना अन्तर कुजेइतां हदैयत दिती, “यीशुएरू नवं घिन्तां केन्ची सेइं गल न केरथ, ते न शिक्षा देइयथ।” 19 पन

पतरस ते यूहन्ना तैन जुवाब दितो, “तुस एप्पू ए फैसलो केरा, कुआन्शी भी पतो थियो, ते बाकी हारे पेंडसे एन्तां प्रेरितन दिते। कि कुन ए गल परमेशेरी नजरी मां ठीके, फिरी अस तुश्शी 3 पन पतरसे तैस सेइं ज़ोवं, “हे हनन्याह! शैताने तेरे मने मां गल मन्म कि परमेशेरी? 20 किजोकि एन नई कि जैन किछ ए गल केन्चरे छडी, कि तू पवित्र आत्माई सेइं झूठ ज़ोस, ते असेईं शूनू ते लाहू, ते तैसेरे बारे मां ज़ोतमा।” 21 तैखन तैनेई ज़मीनारे पेंडसन मरां किछ रेख्खी छडस? 4 कुन बेचने करां पतरस ते यूहन्ना धमकेइतां हथरां छडे, द्रासले मां तैना फैसलो पेडले ज़मीन तेरी न थी, पन बेचनेरां बाद कुन पेंडसो तेरो न न केरि सके, कि एन सज़ा त देम पन केन्चरे देम, किजोकि भोव? तीं अपने मने मां किजो सोचू? तीं मैन्हु सेइं नई बल्के तमाम लोक ए चमत्कार हेरतां परमेशेरी महिमा केरते थिये। परमेशेरे सेइं झूठ ज़ोरूए।” 5 हनन्याह एन शुनूते खिरकी जेव, 22 किजोकि ज़ैस मैन्हु पुड़ शिफ़ा देनेरो चमत्कार हिरावरो थियो, ते तैसेरे प्राण निस्से, ते ज़ैन लोकेई एन शुनू त तैना बडे डेरि तै 40 सालन करां जादे उमरारो थियो। 23 पतरस ते यूहन्ना जे। 6 तैखन किछ नौजवान आए ते तैनेई तैसेरी लाश कफने तैट्ठां छुटनेरां बाद अपने लोकन कां चले जे, ते ज़ैन किछ प्रधान मां पलेटतां ते बेडरोवं नेइतां देवतां छडी। 7 ट्लेइ धैन्टना पत्ती याजक ते बुजुर्गेई तैन ज़ोरू थियूं, तैन सेइं शुनावं। 24 ज़ैखन तैसेरी कुआन्श आई, ते तैस एस बारे मां कोई पतो न थियो। 8 तैनेई एना गल्लां शुनी त अक भोइतां बडे ज़ोरे सेइं परमेशेरे कां पतरस तैस पुच्छू, “मीं ज़ो, कुन तुसेईं दुइयेई ज़मीन एत्रे मां प्रार्थना केरने लगे, तीं धरती त कने अम्बर ते समुन्द्रे ते ज़ैन बेचोरी थी?” तैसां ज़ोवं, “हाँ कुल कीमत एत्री मैल्लोरी थी।” किछ एसमां आए बनोरूए। 25 तीं पवित्र आत्माे ज़िरिये सेइं 9 पतरसे तैस सेइं ज़ोवं, “प्रभुएरी आत्मा अज़मानेरे लेइ तुस अपने सेवक इश्शे पूर्वज दाऊदेरी ज़िरिये ज़ोरू थियूं, “कि केन्चरे सेइं राज़ी भोए, ते ज़ैन लोकेई तेरो मुन्श दबोरोए, तैन केरे पाव हेर दारे पुड़ आन, ते तैना तीं भी बेडरोवं धिनी गाले।” केरे पाव हेर दारे पुड़ आन, ते तैना तीं भी बेडरोवं धिनी गाले।” 10 तै कुआन्श तैखने तल्ले बिछड़ी, ते तैसारे भी प्राण निस्से, ते ज़ैखन नौजवान अन्तर आए त तै कुआन्श मरीं लेइतां ते भी छुइतां तैसारे मुन्शे इलाखोरां देवतां छडी। 11 सैरी यरूशलेमेरी कलीसिया ते एन गल्लां केरे शुन्ने बाले बडे डेरि जे। 12 प्रेरितां केरे ज़िरिये बडे चमत्कार ते निशान बांटे भोए, ते सारे विश्वासी अक भोइतां सुलैमानी अंगने मां जमहां भोते थिये। 13 हालांकी अकोट्टे भोरे थिये कि ज़ैन किछ तू अपनि कुदरतारो इरादेरे हारे लोक तैन केरि बडी इज़्जत केरते थिये, पन केन्ची हिम्मत न मुताबिक पेडले तैनी ठहरावरू थियूं, तैस पुड़ अमल केरमा। 29 आई कि तैन मां शामिल भोन। 14 बडे मडदेइं ते कुआन्शेई हिम्मत न हुनी हे प्रभु, तैन केरि धेमकीं शुन, ते अपने दासन इन वरदान दे, विश्वास कियो ते तेन लोकां केरि मेनडलीं मां शामिल भोए, ते कि तेरू बच्चन बेड़ि दिलेरी सेइं लोकन शुनेई बटमा। 30 अपनो परमेशर मन्ने बालां केरि तैथात बद्धती चली। 15 ज़ैन प्रेरितेई हथ अग्रोवं रख, ते अपने पवित्र सेवक यीशुएरे नन्वे सेइं शिफ़ा किंयूं तैसेरो नीतीजो ई भोव, कि लोक बिमारन खट्टन पुड़ ते दे, ते चमत्कार ते निशान हिरा।” 31 ते ज़ैखन तैनेई प्रार्थना पिठ्ठी पुड़ छुइतां सड़की मां रखते थिये, कि पतरस ज़ैखन तैस की, त ज़ैस ठैरी तैना अकोट्टे जमहां थिये, त तै ठार हिल्ली, ते बत्तां एज्जे त तैसेरी छाव त तैन पुड़ पे। 16 यरूशलेम नगरेरे चेत्रे तैना सब पवित्र आत्माई सेइं भेरोए, ते परमेशेरेरू बच्चन बेड़ि पासना इलोवां केरे बडे लोक बिमारन ते ज़ैन पुड़ भूतां केरो दिलेरी सेइं शुनाने लगे। 32 विश्वास केरनेबालां केरि मण्डली सैयो, एप्पू सेइं साथी आनते थिये, ते तैना सब बेड़्जोते थिये। अक मन ते अक जान थी, कोई भी एरो न थियो ज़ै अपनो माल 17 तैखन महायाजक ते तैसेरे साथी ज़ैना सदूकी केरे फिरके मरां अपनो समझतो भोए, बल्के होरन भी सैरी चीज़न मां शामल थिये, तैन बडी जलन भोने लगी ते तैना प्रेरितां केरे खलाफ खडे रखते थिये। 33 ते प्रेरित बेड़ि शक्ति सेइं प्रभु यीशुएरे मुडदन मरां भोए। 18 ते तैनेई प्रेरित ट्लुवेइतां कैद मां छेड्डी दित्ते। 19 पन ज़ींते भोनेरी गवाही देते थिये, ते तैन पुड़ परमेशेरो बडो अनुग्रह प्रभुएरो राती स्वर्गदूत कैदखाने मां दार खोलतां प्रेरितन कां जेव, थियो। 34 तैन मरां कोई भी गरीब न थियो, किजोकि ज़मीनी ते तैना बेडर केडतां तैन सेइं ज़ोने लगे। 20 “गाथ ते मन्दरेरे अंगने मां खडे भोइतां हमेशारे ज़िन्दगरे बारे मां लोकन बिस्तार देथ।” 21 तैना एन शुन्तां झेइं मन्दरेरे अंगने मां पुजे ते जेन्चरे तैन स्वर्गदूते हुक्म दित्तोरो थियो, तेन्चरे लोकन शिक्षा देने लगे, ते ज़ैखन इसाएली महायाजक ते तैसेरे साथी तैडी आए, त तैनेई महासभा ते सब यहूदी केरे सारे बुजुर्ग कुजाए, ते तैनेई यीशुएरे प्रेरित कैदखाने मरां कुजाए। 22 ज़ैखन मन्दरेरे परेहेदार तैना बेडर केडतां तैन सेइं ज़ोने लगे। 20 “गाथ ते मन्दरेरे अंगने मां खडे भोइतां हमेशारे ज़िन्दगरे बारे मां लोकन बिस्तार देथ।” 21 तैना एन शुन्तां झेइं मन्दरेरे अंगने मां पुजे ते जेन्चरे तैन स्वर्गदूते हुक्म दित्तोरो थियो, तेन्चरे लोकन शिक्षा देने लगे, ते ज़ैखन इसाएली महायाजक ते तैसेरे साथी तैडी आए, त तैनेई महासभा ते सब यहूदी केरे सारे बुजुर्ग कुजाए, ते तैनेई यीशुएरे प्रेरित कैदखाने मरां कुजाए। 22 ज़ैखन मन्दरेरे परेहेदार कैदखाने मां पुजे त तेन प्रेरित तैडी न मैल्ले, ते वापस एइतां तैन खबर दित्ती। 23 “असेईं कैदखानो रोडेचारे बंद कियोरी थियो, ते

**5** हनन्याह नन्वेरो अक मैन्हु थियो, ते तैसेरी कुआन्शरू नवं सफ़ीरा थियूं ते तैनेई अपनि जेईंदातरो किछ हिस्सो बेत्री छुड्डो। 2 ते कीमती मरां किछ पेंडसे एप्पू कां रखे, जेसेरो तैसेरी

पेरहेदार भी असन दारे मां खडखडे मैल्ले, पन ज़ैखन असेई कैदखानो खोल्लो त अन्तर कोई न मैल्लो।” 24 एना गल्लां शुन्तां मन्दरे पहेरेदारां केरो प्रधान, प्रधान याजक ते सारे लोक हैरान रेडजे, ते तैन केरि फिक्री मां पे कि हुनी कुन भोनुए! 25 तैखन केन्चे एइतां ज़ोवं, “तैना मैन्हु ज़ैना तुसेई कैदे मां छडोरे थिये, तैना मन्दरे मां खडे भोइतां शिक्षा देने लगेरेन।” 26 तैखन मन्दरे पहेरेदारां केरे प्रधान अपने सिपाही साथी घिन्तां जे, ते प्रेरित कुजेइतां आने पन ज़बरदस्ती नई, किजोकि तैना लोकन करां डरते थिये, कि एरू न भोए एना असन घोडेई बान। 27 तैनेई प्रेरित एन्तां महासभा मां पैश किये, ते महायाजके तैन पुच्छू। 28 “असेई तुसन ठाकेरू थियूं, कि यीशुएरू नवं घिन्तां शिक्षा न देइयथ? फिरी भी हेरा, तुसेई सारे यरूशलेम नगरे मां अपनि शिक्षा फैलाई, ते तैस मैनेरो खूनरो दोष असन पुड़ लानो चातथा।” 29 पतरस ते होरि प्रेरितेई जुवाब दित्तो, “असन मैन्हु केरो हुकम मन्दरे बजाहे परमेशेरो हुकम मनो जादे ज़रूरीए। 30 इश्शे दादे-पड़दादां केरे परमेशेरे ए यीशु मुड़दन मरां ज़ीतो कियो, जै तुसेई क्रूसे पुड़ चढ़तां मारो। 31 तैए परमेशेरे, प्रभु ते मुक्ति देनेबालो बनेइतां अपने देइने पासे बिशालो, ताके ते इस्राएलिन मन फिराने ते पापां केरि मैफारो मौको दे। 32 असां एन गल्लां केरे गवाह आम, ते पवित्र आत्मा भी, जै परमेशेरे तैनी अपनो हुकम मन्ने बालन दित्तोरीए।” 33 ज़ैखन तैनेई एन शुनु त फुकोई जे, ते तैन केरि मर्जी लगी ज़ोने कि एन मैरी छडम। 34 पन अक फरीसी मैन्हु जेसेरू नवं गमलीएल थियूं, ते ज़ै शास्त्री भी थियो, ते ज़ै सेब्भी लोकन मां इज़तदार थियो, तैनी महासभा मां खडे भोइतां हुकम दित्तो कि एना मैन्हु थोडे चिरे बेइर भेजा। 35 तै एन ज़ोने लगे, “हे इस्राएली लोकव तुस ज़ैन किछ एन मैनुन सेइं केरनु चातथ तैन रोडेचारे सोचा। 36 किजोकि थोडे चिरे पेइले थियूदास इन जोइतां खडो भोरो थियो, ते ज़ोतो थियो, अवं भी किछ आई, ते लगभग 400 मैन्हु तैस सेइं मिले, पन तै मारो जेव, ते तैसेरे मन्नेबाले सारे तितर-बितर भोइ जे, ते तैन केरो नामो निशान मिटी जेव। 37 तैसेरां पत्ती मैन्हु केरे गिनतरे वक्ते गलील इलाकेरो यहूदा निसोरो थियो, ते तैनी काई लोक अपने पासे खिचोरे थिये, तै भी मारो जेव, ते तैसेरे जेरे साथी थिये, सब तितर-बितर भोइ जे। 38 हुनी अवं तुसन एन्ने ज़ोताई कि एन मैनुन करां दूर भोथ, ते एन गाने देथ, किजोकि अगर एना चमत्कार, मैन्हु केरि तरफां भोले त एण्णु खतम भोइ गानेन। 39 पन अगर एना कम्मां परमेशेरी तरफां भोलां, त तुस एन मैन्हु केरू किछ न बिगैडी सकत, ते तुस परमेशेरे खलाफ लइनेबाले भोले, तैनेई तैसेरी सल्लाह मन्नी।” 40 ते प्रेरित अन्तर कुजेइतां तैन डंडेई बावैहीतां तैन ज़ोवं, कि अजेरां बाद यीशुएरे नंवे सेइं कोई गल न केरथ, ते तैना हथरां छडे। 41 प्रेरित महासभा मरां चले जे, तैना एस गल्ली पुड़ खुशी थिये, कि असां यीशुएरे नंवे सेइं बेइजत भोनेरे काबल त भोए। 42 तैनेई शिक्षा देनी बंद

न की, बल्के रोज़ मन्दरे मां गेइतां ते घर-घर गेइतां लगातार खुशखबरी शुनाते राए कि यीशु ही मसीह आए।

6 ई गल तेइसेरीए ज़ेइस चले केरि गिनती बधने लगोरी थी, यूनानी भाषा ज़ोनेबालो यहूदी चलेई इब्रानी भाषा ज़ोनेबाले यहूदी चेलां केरि शकैइत केरने लगे, कि हर दिहैडरे सेवाई मां विधवां केरि खबर न की गाए। 2 एन शुन्तां 12 प्रेरितेई सारे यरूशलेमेरे सारे विश्वासी लोक (चले) अकोट्टे किये, ते ज़ोवं, “इश्शे लेइ एन मुनासब नई कि अस परमेशेरी वचनेरू प्रचार केरनो छेइतां खाने पीनेरी सेवाई मां लगगम 3 एल्हेरेलेइ हे मेरे ढूलाव, अपने लोकन मरां सत भलमानस मैन्हु चुना, ज़ैना पवित्र आत्माई सेइं भरपूर ते अक्लमन्द भोन, ताके आस तैन एस कम्मरी ज़िमेबारी सोंफम।” 4 पन अस त प्रार्थना केरने ते बच्चन शुनानेरी ते शिक्षा देनेरी सेवाई मां लगगोरो रानेन। 5 ए गल सारे लोकन पसंद आई, ते तैनेई अक स्तिफनुस ज़ै विश्वास ते पवित्र आत्माई सेइं भरपूर थियो चुनो, ते होरे ज़ैना चुने तैन केरां नव्वां इना आन, फिलिप्पुस प्रुखुरुस, नीकानोर, तीमोन, परमिनास ते नीकुलाउस ज़ै अन्ताकिया नगरेरो रानेबालो थियो, ते यहूदी फिरके मां ओरो थियो। 6 ते तैना प्रेरितन कां हाज़र किये, ते तैन केरे लेइ तैनेई प्रार्थना की, ते तैन पुड़ हथ रखे। 7 एन्चरे सेइं परमेशेरेरू बच्चन फैलतु जेवं, ते यरूशलेम नगरे मां चेलां केरि गिनती बद्धती जेई, ते याजकां केरि अक टोली विश्वासे मां आई ते मसीही भोइजेइ। 8 स्तिफनुस अनुग्रह ते शेक्ति सेइं भरपूर भोइतां लोकन चमत्कार ते निशान हिरातो थियो। 9 आज़ाद भोरे यहूदी लोकां केरू अक प्रार्थना घर थियूं, कुरेनी ते सिकन्दरिया ते किलिकियारे ते आसियारे किछ लोकन मरां किछ स्तिफनुसे सेइं बेंस केरने लगे। 10 तैना तैन गल्लां केरो जुवाब न देइ बटे, ज़ैना पवित्र आत्मा तैस ज़ोनेरी समझ दित्ती। 11 तैखन तैनेई किछ लोक शिखले, कि तुस झूठ जोइयथ कि, “असेई स्तिफनुस मूसरे त कने परमेशेरे खलाफ तुहीन केरते शुनोरोए।” 12 तैखन तैनेई किछ लोक, बुजुर्ग ते शास्त्री स्तिफनुसेरां खलाफ बमकाए ते तै टूलेइतां महासभा मां पैश कियो। 13 तैनेई बडे झूठे गवाह पैश किये, “ते तैनेई गवाही दित्ती कि ए मैन्हु पवित्र ठारारे ते मूसरे कानूनेरे खलाफ तुहीन केरने करां बाज़ न एज्जे। 14 ते असेई एस मैन्हु करां एन भी ज़ोतू शुनु, कि यीशु नासरी इस मन्दरे डोलेलो, ते तैना रसमां ज़ैना मूसा नेबे दित्तोरिन बदलेलो।” 15 तैखन लोक ज़ैना महासभा मां बिश्शोरे थी, तैसेरे पासे तक्कू कि तैसेरू तुतर स्वर्गदूतेरे ज़ेरू लेइहीतू थियूं।

7 तैखन महायाजके स्तिफनुसे सवाल पुछो, “कुन एना इलज़ाम सच्चे आन?” 2 तैनी ज़ोवं, “हे ढूलाव ते मेरे बुजुर्गाव, मेरी गल शुना, इश्शो पूर्वज अब्राहमे हारान नगरे मां बसने करां पेइलो मेसोपोटामिया इलाके मां थियो, ते महिमा बाले परमेशेरे तैस दर्शन दित्तू 3 ते परमेशेरे तैस सेइं ज़ोवं, अपनो देश त अपने रिशतेदारन शैरतां तैस मुलखे मां गा, जै



पड़दादेई तैसेरो हुक्म न मन्नो चाव, बल्के इकारा कियो, ते तैना मिस्र मुलखेरे जो वापस गानू चाते थियो। 40 तैनेई मूसेरे द्वालाए हारूने सेईं जोंवं, तू इश्शे लेइ अक देबतो बना, जै असन अग्री-अग्री मिस्र मुलखे जो चले, किजोकि अस न ज्ञानम कि मूसा जैनी असां मिस्र मुलखे मरां केढतां आनोरेम, तैस कुन भोवं? 41 तैस वक्ते तैनेई बछड़ेरी अक मूरत बनाई, ते तैस कां बलिदान च्हाट्टू, ते अपने हथ्थां केरे बनेवरी मूरती कां बड़ी खुशी मनाने लाए। 42 एल्हेरेलेइ परमेशेरे तैन करां अपनू तुतर फिराव, ते तैना दिहाड़ेरी ते च्चैदनरे ते अम्बरेरे तारां केरि ईश्वरेरे रूपे मां तैन केरि आराधना केरनेरे लेइ शारे, जेन्चरे नेबी केरि किताबी मां लिखोरूपे, हे इस्राएली लोकव, कुन तुस 40 सालन तगर सुनसान ठेरी मां जानवरां केरू बलिदान ते होरू बलिदान मेरे लेइ केरते राए? 43 बल्के तुसेईं एप्पू सेईं साथी मोलेक देबतेरी मूरती ते रिफान देबतेरे तारे छुड़तां चलते थिये, एना तैना मूरतिन जैन कां तुस मथ्थो टेकते थिये, एल्हेरेलेइ अवं तुसन बाबेले करां भी दूर बसेइलो। 44 “सुनसान ठारी मां इश्शे दादन पड़दादान कां गवाहेरो तेम्बु थियो, परमेशेरे तै ठहराव ते तैनी मूसा सेईं जोंवं, जेन्चरे तीं लोरूपे तैसेरे मुताबिक बना। 45 बडे सालना बाद तैए तेम्बु इश्शे दादे-पड़दादेईं यहोशू सेईं साथी इड़ी आनो, जैस वक्ते तैनेई गैर कौमन पुड़ अधिकार हासिल कियो, जैना परमेशेरे इश्शे दादे-पड़दादां केरे सामने कढे, ते तै तेम्बु दाऊद राजेरे वक्ते तगर राव। 46 दाऊदे पुड़ परमेशेरे अनुग्रह कियो, ते तैनी मिनत की, कि अवं याकूबेरे परमेशेरे लेइ अक घर बनेईं। 47 पन तैसेरे मट्टे सुलैमाने तैसेरेलेइ मन्दर बनाव। 48 पन परमप्रधान परमेशर हथ्थां केरे बनेवरे मन्दरन मां न राए, जेन्चरे यशायाह नेबेरे किताबी मां लिखोरूपे, 49 प्रभु जोंते, स्वर्ग मेरो तखते, ते जमीन मेरे पांवां केरि चौकीए, तुस फिरी मेरे लेइ केरू जेरू मन्दर बनाले? ते मेरे आराम केरनेरी ठार केरही जेरि भोली? 50 कुन मीं एप्पू सैरी चीजां नई बनेवरी? 51 “हे ढीठ लोकव, तुस तैसेरी शुन्नी ते मन्नी न चाथ, तुस पवित्र आत्माही हमेशा खलाफत केरतथा। जेन्चरे तुश्शे दादे-पड़दादे केरते थिये, तुस भी तेन्चरे केरतथा। 52 नेबन मरां को तुश्शे दादे-पड़दादेईं नई स्तेवरो? जैनेईं तैस एजनेबाले मसीहेरे बारे मां जोंवं जै धर्मी आप, ते जैखन मसीह अव ते तुसेईं धोखे सेईं तै दलुवेइतां मारो। 53 तुसन स्वर्गदूतन करां मूसेरे कानून त मैल्लो, पन तैस पुड़ अमल न कियूं।” 54 जैखन तैनेई एना गल्लां शुनी त यहूदी लीडर फुकोईं जे, ते स्तिफनुसे जो दंत लगे च्चापने। 55 पन तैनी पवित्र आत्माईं सेईं भेरोइतां अम्बरेरे पासे तक्कू, ते तैनी परमेशेरी महिमा ते यीशु परमेशेरे देइने पासे खड़खड़ो लाव। 56 तैनी जोंवं, “हेरा, अवं स्वर्ग खुल्लू लाताई, ते मैनेरे मट्टे परमेशेरे देइने पासे खड़खड़ो लाताई।” 57 एन शुन्तां तैना ज़ोरे सेईं चिन्डां मारने लगे, ते अक भोइतां सेल्भेईं तैस पुड़ हमलो कियो। 58 ते तै दीलतां यरूशलेम नगर करां बेइर नीयो ते तैस जो घोड़ेईं बाने लगे ते तै मारो, तैखन तैस पुड़ दोष लाने बालेईं

अपने चोगे खोलतां शाऊल नव्वेरे एककी मैन्हु कां रेखतां छुट्टे। 59 ते जैखन तैना स्तिफनुसे जो घोड़ेईं बाने लगगोरो थिये, ते तै स्तिफनुस इन जोइतां प्रार्थना केरने लगे, “हे प्रभु यीशु, मेरी आत्मा कबूल केर। 60 फिरी तैनी जैधू केरे भारे बिश्तां ज़ोरे सेईं जोंवं, “हे प्रभु एन इस पापेरो दोषी न बनेइयां।” एन ज़ोनेरां पत्ती तैनी प्राण दित्ते।

**8** शाऊल तैसेरी मौती सेईं राजी थियो। तैस्से दिहाड़े यरूशलेम नगरेरे कलीसियाईं पुड़ जुलम भोने लाव ते प्रेरितां केरे अलावा सारे लोक यहूदिया ते सामरियारे इलाकन मांजो तितर-बितर भोए। 2 किछ परमेशेरे भक्त मैनेईं स्तिफनुस नेइतां देबतां छुट्टो, ते तैसेरे मरने पुड़ बडो शोग कियो। 3 पन शाऊल कलीसियाईं सताने लोरो थियो, ते तै घर-घर गातो थियो, ते विश्वासी मड़दन ते कुआन्शन बेइरोवं घसीटतो थियो, ते कैद केरतां छुडतो थियो। 4 पन जैना विश्वासी तितर-बितर भोते थिये तैना खुशखबरी शुनाते चले। 5 ते फिलिप्पुस सामरियारे एककी नगर मां गेइतां मसीहेरो प्रचार केरने लगे। 6 जैना गल्लां तैन लोकेईं फिलिप्पुसेरी करां शुनी, ते जैना निशान ते हिरातो थियो, तैन हेरी-हेरी, तैनेईं अक भोइतां मन लाव। 7 जैखन फिलिप्पुसे हुक्म दित्तो, त बडे लोकन मरां भूतां चिन्डां मैरतां निस्सी जेआं, ते बडे लोक अधरंगी ते टोंटे बेइज्जोइ जे। 8 ते तैन केरे वजाईं सेईं नगरेरे बडे लोक खुश भोइजेइ। 9 शमौन नव्वेरे एककी मैने सामरियारे नगर मां सारे लोक अपने जैदेईं सेईं हैरान कियोरे थिये, ते अपने आपे बड्डो खास मैन्हु बनातो थियो। 10 निक्के बडे सब तैसेरे पासे भोइतां ज़ोने लगे, “ए मैन्हु परमेशेरेरी तै शक्ति जैस ज़ो महान ज़ोतन।” 11 तैनी अपने जैदू सेईं बडे चिरेरां देंते सब हैरान कियोरे थिये, एल्हेरेलेइ तैना लोक तैसेरी बड़ी इज्जत केरते थिये। 12 पन जैखन फिलिप्पुसे परमेशेरे राजेरे ते यीशु मसीहेरी खुशखबरी प्रचार की त लोकेईं विश्वास कियो, ते मड़देईं कुआन्शेईं बपतिस्मो नेव। 13 तैखन शमौने भी फिलिप्पुसेरे प्रचारे पुड़ विश्वास कियो, ते बपतिस्मो नेइतां फिलिप्पुसे सेईं साथी राने लगे ते तै बडे चमत्कार ते निशान हेरतां हैरान रेइ जेव। 14 जैखन यरूशलेम नगरे मां प्रेरितेईं शुनू कि सामरियारे लोकेईं परमेशेरेरू बचचन कबूल कियोरूपे ते तैनेईं पतरस त यहून्ना तैन कां भेजे। 15 जैखन तैना तैड़ी पुजे त तैनेईं तैन लोकां केरे लेइ प्रार्थना की, कि एन पुड़ पवित्र आत्मा उतरे। 16 एल्हेरेलेइ कि तैन पुड़ पवित्र आत्मा हेजू न थी उतरोरी, तैनेईं सिर्फ प्रभु यीशु मसीहेरे नव्वे सेईं बपतिस्मो निहीयोरो थियो। 17 तैखन यहून्ना ते पतरसे तैन पुड़ हथ रेखतां प्रार्थना की, ते तैन भी पवित्र आत्मा उतरी। 18 जैखन शमौने हेरू कि प्रेरितां केरे हथ रखने सेईं पवित्र आत्मा उतरते, त शमौने पेंइसे एन्तां प्रेरितन कां पैश कियो। 19 ते शमौन ज़ोने लगे, “मीं भी शक्ति देथ, कि अवं भी जैस पुड़ हथ रेख्खी त तैस पुड़ पवित्र आत्मा उतरे।” 20 पतरसे तैस सेईं जोंवं, “तेरे पेइंसे तीं सेईं साथी गर्क भोन, किजोकि तू पेंइसन सेईं परमेशेरेरू दान घिन्नु



चातस। 21 एस सेवाई मां तेरो कोई भी हिस्सो नई किजोकि तेरो मन परमेशरे कां साफ नई। 22 तू अपनि इस बुरैई करां मनफिरा, ते प्रभु कां प्रार्थना केर, शैड प्रभु तेरी इस बुरे खियाले माफ केरे। 23 मनफिरा अवं हेरताई कि तू बडे जलनी ते पापेरी गुलैमी मां आस।” 24 तैखन शमौने जुवाब दित्तो, “मेरे लेइ प्रभु कां प्रार्थना केरा, कि जैन किछ तुसेई जोरूप, तैन मीं पुड़ न एज्जे।” 25 ते पतरस ते यूहन्ना गवाही देइतां ते प्रभु यीशुएरू वचन शुनेइतां यरूशलेम नगरे मां वापस आए, ते एइते बारे सामरी लोकां केरे बडे इलॉव्न मां खुशखबरी शुनाई। 26 फिरी एरू भोवं कि परमेशरे एककी स्वर्गदूते फिलिप्पुसे सेइं ज़ोवं, “उठ ते दक्षिणरे बत्तां गा, जै यरूशलेम नगरेरां गाज़ा नगरे जो गातीए। ई रेगिस्तानी बत आए।” 27 ते उठो ते चलो जेव, ते बत्ती मां तैस अक कूश मुलखेरो खोजो मैल्लो, जै कूशी केरि रानी कन्दाकारो खज़ानची थियो, तै आराधना केरने यरूशलेम नगरे मां ओरो थियो। 28 तै अपने रथे पुड़ चेदटां अपने मुलखे जो वापस ओरो थियो, ते यशायाह नेबेरी किताब ज़ोरे-ज़ोरे सेइं पढ़ने लगगोरो थियो। 29 पवित्र आत्मा फिलिप्पुसे सेइं ज़ोवं, “नेडे गेइतां रथे सेइं साथी च़ल।” 30 फिलिप्पुसे देवइतां रथे कां नेडे पुजो, त तैस करां यशायाह नेबेरी किताब पढ़ती शुनी, ते तैस पुच्छू, “तू जैन पढ़ने लोरोस कुन तैन समझतस?” 31 तैनी ज़ोवं, “ज़ां तगर कोई मीं न समझाए त अवं केन्चरे सेमझी?” ते तैनी फिलिप्पुसे कां मिनत की, कि एई रथे पुड़ बिश। 32 पवित्रशास्त्रे मरां ज़ैन तै पढ़ने लगगोरो थियो, त तैन इन थियूं, “तैनेई ते भैडारो ज़ेरो मारने जो नीयो, ज़ेन्चरे गबडू अपनि उन्ना बरधाने बालां केरे सामने चुप राते, तेन्चरे तैनी भी अपनू आशी न खोल्लू।” 33 ते घटया समझो जेव ते तैस कोई इन्साफ न मैल्लो, ते कोई भी तैसेरे वंशेरे बारे मां न ज़ोई सके, किजोकि धरती पुड़ तैसेरे वंश भोने करां तैस मारतन। 34 खोजे फिलिप्पुसे पुच्छू, “अवं तीं कां मिनत केरतां, मीं सेइं ज़ो कि ए नबी कसेरे बारे मां ज़ोते, अपने या होरि केन्चरे बारे मां ज़ोते?” 35 तैखन फिलिप्पुसे ज़ोनू शुरू कियूं, तैनी पवित्रशास्त्रे करां शुरू केरतां यीशुएरो खुशखबरी शुनाई। खोजे तैना गल्लां शुनी ते विश्वास कियो। 36 बत्तां चलते-चलते तैना एककी तालाबे कां पुजे, तैखन खोजे ज़ोवं, “इडी तालाब आए, हुनी मीं बपतिस्मो नेने करां कौन रोकी सकते?” 37 फिलिप्पुसे ज़ोवं, “अगर तू जुवाब दित्तो, “अवं विश्वास केरताई कि यीशु ही परमेशरेरू मट्टूए।” 38 फिरी तैनी रथ रोकनेरे लेइ हुकम दित्तो, ते खोजो ते फिलिप्पुस दुइये तालाबे मां जे, ते फिलिप्पुसे तैस बपतिस्मो दित्तो। 39 ज़ैखन तैना पैनी मरां बेइर निस्से त प्रभुएरी पवित्र आत्मा फिलिप्पुस तैट्टां नेव, ते खोजे तै फिरी न लाव, परमेशरे तै बचाव ते तै बडी खुशी सेइं वापस अपने मुलखे जो जेव। 40 ते फिलिप्पुस अशदोदे मामेइं निसतो च़लतो सारे इलॉव्न मां खुशखबरी शुनातो कैसरिया मां पुजो।

9 शाऊल प्रभुएरे चलन धमकाने ते मारने मां मघन थियो, ते तै महायाजके कां जेव। 2 ते तैस करां दमिश्क नगरेरे प्रार्थना घरां केरे लेइ चिट्ठी मेग्गी, कि चाए कोई मडव भोए या कुआन्श ज़ै यीशु पत्ती च़लने बालो भोए, तैस टलेइतां यरूशलेम नगरे मां आने। 3 ज़ैखन तै च़लतो-च़लतो दमिश्क नगरेरे नेडे पुजो, त अचानक अम्बरेरां लौ आई ते तैसेरे च़ेरे पासन चमकने लग्गी। 4 ते शाऊल ज़मीनी पुड़ खिरको, ते तैस प्रभुएरी आवाज़ आई, “हे शाऊल, हे शाऊल तू मीं किजो स्तातस?” 5 शाऊले एन पुच्छू, “हे प्रभु, तू कौन आस?” तैनी ज़ोवं, “अवं यीशु आई, ज़ैस तू सतातस। 6 हुनी उठ ते नगरे मां गा, तैडी तीं सेइं ज़ोवं गालू, कि तीं कुन केरनूए।” 7 ज़ैना लोक तैस सेइं साथी थियो, तैना चुपचारे रेइजे, तैन आवाज़ त शुनोती थी, पन लेइहोतू किछ भी न थियूं। 8 तैखन शाऊल ज़मीनी पुड़ां खडे उठो, त तैनी अपनि एछ्छी घैडी त तैस किछ भी न लगू लेइहोने, ते तै तैसेरे सैथेई हथेरां टलेइतां दमिश्क नगरे मां पुजाव। 9 ते तैनी टलाई दिहाइन तगर न लेई बट, ते न तैनी किछ खाव ते पिव। 10 दमिश्क नगरे मां यीशुएरो अक चेलो रातो थियो, प्रभु यीशुए तैस दर्शन देइतां ज़ोवं, “हे हनन्याह!” तैनी ज़ोवं, “हाँ प्रभु ज़ो।” 11 तैखन प्रभुए तैस जो ज़ोवं, “उस गेली मां गा ज़ैस जो ‘सिद्धी’ ज़ोतन, ते यहूदारे घरे गा तैडी शाऊल नच़ेरो अक मैनुए, ज़ै तरसुस नगरेरो रानेबालोए, तू तैसेरे बारे मां पुछां, किजोकि हेरा तै प्रार्थना केरने लोरोए। 12 तैनी हनन्याह नच़ेरो अक मैनुए अन्तर एइतो लाव, ते एप्पू पुड़ हथ रखतो लाहोरोए कि तै अपनि एछ्छेई सेइं फिरी लाए।” 13 हनन्याह जुवाब दित्तो, “हे प्रभु, मीं एस मैनेरे बारे मां लोकन करां बेइडि गल्लां केरती शुनोरिन, ते एन भी कि एनी तेरे लोकन सेइं यरूशलेम नगरे मां कुन-कुन बुरू कियोरूप। 14 एस प्रधान याजकन करां अधिकार मैलोरोए, कि इडी भी ज़ैना लोक तीं पुड़ विश्वास केरतन, तैन गिरफ्तार केरतां यरूशलेम नगरे जो ने।” 15 पन प्रभुए तैस सेइं ज़ोवं, “तू गा किजोकि मीं तै मैनुए चुनोरोए, कि ते गैर कौमन, राज़न, ते इस्राएलेरे लोकन मेरे बारे मां प्रचार केरे, ते ते मीं चुनोरोए कि ते मेरी सेवा केरे। 16 ते अवं तैस ज़ोइलो, लोकन मेरे बारे मां ज़ोनेरे वजाई तैस केत्रे-केत्रे दुःख झैलनो पेनोए।” 17 तैखन हनन्याह तैस घरे मां जेव, ज़ैडी शाऊल थियो, ते तैस पुड़ हथ रेखतां ज़ोवं, “हे ढूला शाऊल, प्रभु, मतलब यीशु, ज़ैस बत्तां तू ओरोस ते तीं लेइहोरो थियो, तैनी अवं भेजोरोई, कि तू फिरी लास ते पवित्र आत्माई सेइं भेरोस।” 18 ते तैखन तैसेरे एछ्छन मरां ज़ेरां शेकड़ां झड़ां ते तै लहने लगो, ते खडे उठतां बपतिस्मो नीयो। 19 ते किछ रोटी खेइतां तैस हिम्मत आई, ते किछ दिहाडे तै चलन सेइं साथी दमिश्क नगरे मां राव। 20 तैसेरां बाद अकदम तै दमिश्क नगरेरे प्रार्थना घरन मां प्रचार केरने लगो, कि यीशु परमेशरेरू मट्टूए। 21 सब शुन्ने बाले हैरान भोइतां ज़ोने लग्गे, “कुन ई तैए मैनुए नई, ज़ै यरूशलेम नगरे मां ज़ैना यीशु मसीह पुड़ विश्वास केरते थियो मारतो थियो? ते इडी भी एल्हेरेलेइ ओरो थियो, कि

एन लोकन टलेइतां प्रधान याजकां केरे हवाले केरे?" 22 पन एसेरां बाद शाऊल होरो भी शक्ति सेइं प्रचार केरतो राव, ते एस गल्लरु सबूत देइ-देइ कि यीशु ही मसीहे, दमिश्क नगरेरे रानेबालां यहूदी केरु आशी बंद केरतो राव। 23 जैखन शाऊले दश्मिके मां बड़ो वक्त बीतो त यहूदेई मिलतां तैस मारनेरो मुशोरो कियो। 24 पन शाऊले एस गल्लरो पतो लगे, तैना त तैस मारनेरे लेइ रात दिहैडी दारन पुड़ रहते थिये। 25 पन राती तैसेरे चेलेई तै टोकरे मां रख्खो, ते नगरेरे दुवारी पुड़ा रस्से सेइं टोकरी मां ओसैलतां बुन पुजाव। 26 जैखन शाऊल यरूशलेम नगरे मां पुजो त तैनी चेलन सेइं मिलनेरो इंतजाम कियो, पन सब तैस करां डरते थी कि तै भी चेलोए। 27 पन बरनबासे शाऊल एप्पू सेइं साथी प्रेरितन कां आनो ते तैन ज़ोवं, कि केन्चरे दमिश्क नगरेरे बत्तां चलते-चलते एस प्रभु यीशु लेइहोरोए, ते प्रभुए एस सेइं गल्लां कियोरिन, ते एनी केत्रे दिलेरी सेइं दमिश्क नगरे मां यीशुएरे नव्वेरो प्रचार कियोरोए। 28 प्रेरितेई बरनबासेरी गल्लां केरो विश्वास कियो, ते शाऊल तैन सेइं साथी राव, ते यरूशलेम नगरे मां गातो राव। 29 ते यूनानी भाषा केरनेबाले यहूदन सेइं भी गलबात केरतो थियो, दिलेर भोइतां प्रभुएरो प्रचार केरतो थियो, पन तैना तैस मारनेरी कोशिश मां रहते थी। 30 एल्हेरेलेइ विश्वासी दूलाएई तै कैसरिया नगरे मांजो नीयो, ते तैट्टां तरसुसे नगरे जो भेजो। 31 त सारे यहूदिया इलाके मां ते गलील इलाके ते सामरिया इलाकेरी कलीसियान मां चैन भोव, ते तरक्की भोती जेई, ते तै प्रभुएरे डरे मां ते पवित्र आत्मा रे शैन्ति मां चलती ते बड़े लोकेई यीशु मसीहे पुड़ विश्वास कियो। 32 फिरी एरु भोवं कि पतरस सारे इलाके मां हंठतो फिरो, ते तैन पवित्र लोकन साथी भी पुजो, जैना लुद्दा नगरे मां रहते थिये। 33 त तैस तैडी ऐनियास नव्वेरो अक मैन्हु मैल्लो, तैस अधरंग थियो, ते अठे सालां केरो देंतो खट्टी पुड़ राहोरो थियो। 34 पतरसे तैस जो ज़ोवं, "हे ऐनियास! यीशु मसीहे तीं बझाते, उठ अपनू बछान खडू केर," तैखने ते बेज़्जोइतां खडो भोव। 35 तैखन लुद्दा नगरेरे ते शारोनेरे राने बालेई एन हेरतां प्रभु यीशु पुड़ विश्वास कियो। 36 याफा नगरे मां अक कुआन्श थी, जेसारू नवं तबीता थियूं (यूनानी भाषाई तैसेरु दोरकास थियूं जेसेरो मतलब हिरनी) तै विश्वासी थी, ते रोडां-रोडां कम्मां केरती ते गरीबां केरि मद्दत केरती थी। 37 तैन दिहाइन मां जेइस पतरस लुद्दा मां थियो, तै बिमार भोइतां मेरि जेई, ते तैसारी लाश नेइतां दोपरेरे कमरे मां रखोरि थी। 38 लुद्दा याफारे नेइ थियूं ते जैखन चेलेई शुनू कि पतरस लुद्दा मां आए, त दूई मैन्हु भेजतां मिनत की, "कि असन कां एजने मां ठढ न ला।" 39 तैखन पतरस तैन सेइं साथी चलो जेव, ते जैखन तैडी पुजो त तै बा तैस कमरे मां नीयो, सैरी विधवां कुआन्शां लेरां देती थी, ते तैस इलखमेइं खेडि थी, ते तैना लिगडां जैना दोरकास सियोरां थियां हिराने लेगि। 40 पतरसे तैना सब बेइरोवं कढे, ते एप्पू जैधू केरे भारे प्रार्थना केरने लगे, फिरी तैनी लाशारे पासे तुत्तर फरेइतां

जोवं, "हे तबीता, उठ।" तैखन तैसां अपनि एछ्छी खोल्ली, ते पतरसे तेकतां खडी भोइ। 41 पतरसे हथेरां टलेइतां खडी की, ते विश्वासी ते विधवां कुआन्शां कुजेइतां ज़ींती ते होशी मां तैन केरे सुपुर्द की। 42 एस गल्लरी खबर सारे याफा नगरे मां फैली जेई, ते बड़े लोकेई प्रभु यीशु पुड़ विश्वास कियो। 43 पतरस किछ चिरे तगर याफा नगरे मां शमौन नव्वेरो एक्की मैनेरे कां राव, जै चमड़ेरु कम केरतो थियो।

**10** कैसरिया नगरे मां अक मैन्हु थियो, तैसेरु नवं कुरनेलियुस थियूं, ते तै अक इतालियानी फौवजरो सूबेदार थियो। 2 कुरनेलियुस त तैसेरे घरे सारे लोक परमेशरे करां डरने बाले थिये, कुरनेलियुस यहूदी लोकन बडू दान देतो थियो, ते परमेशरे कां लगातार प्रार्थना केरतो रातो थियो। 3 एक्की दिहाइ कुरनेलियुस दीसां अक रोडे चारे दर्शन हेरु, परमेशरेरो अक स्वर्गदूत तैस कां अव, ते ज़ोने लगे, "हे कुरनेलियुस।" 4 तैनी तै रोडे-चारे लाव ते डेरतां ज़ोवं, "हे मालिक कुने?" तैनी तैस सेइं ज़ोवं, "तेरी प्रार्थना ते तेरु दान यादगैरर लेइ परमेशरे कां पुजैरु आए। 5 हुनी तू मैन्हु याफा नगरे मां भेजतां तैस मैन्हु जेसेरु नवं शमौन पतरसे अपने घरे कुजा। 6 तै शमौनेरे घरे बिशोरो थियो, जै चमड़ेरु कम केरनेबालो थियो, जेसेरु घर समुद्रेरु बन्ने।" 7 जैखन स्वर्गदूत एना गल्लां केरतां चलो जेव, त कुरनेलियुस अपने दूई सेवकन ते अपने सिपेहिन मरां अक भक्त सिपाही कुजाव। 8 ते तैन सारो बिस्तार ज़ोइतां याफा नगरे जो भेजे, कि पतरसे कुजान। 9 होरसां जैखन तैना भेजोरे लोक चलते-चलते नगर नेडे पुजे। तै दुपारहरां केरो वक्त थियो, तैस वक्ते पतरस बा छती पुड़ प्रार्थना केरने लावरो थियो। 10 तैस दल्लुख लग्गी ते तै किछ खानू चातो थियो, पन जैखन मैन्हु रोटी बनाने लगे त तैस बेहोशी ज़ेरे भोइजेइ। 11 ते तैनी हेरु कि अम्बर खुल्लूए, ते अक चादर लाई जै च़ेरे कूना गेंगोरी अम्बरेरे पासेरां उन्ढी ज़मीनेरे पासे ओरी। 12 जैस मां ज़मीनेरे सारे जानवर ते पेटेरे भारे चलने बाले जन्तू ते अम्बरेरां चुडोलू तैस ज़ादरी मां थियां। 13 तैखन अक आवाज़ आई, "हे पतरस, उठ ते मार ते खा।" 14 पन पतरसे जुवाव दित्तो, "नई प्रभु, कधे नई, किजोकि मीं अज़ तगर कोई अपवित्र ते भिट्टी चीज़ नई खोरी।" 15 फिरी दुइयोवं बार तैनी आवाज़ शुनी, "जैन किछ परमेशरे शुद्ध कियोरुए, तू तैस जो भिटू न ज़ो।" 16 टलेइ बार ए आवाज़ आई, ते फिरी तै चादर अम्बरेरे पासे चली जेई। 17 पतरस दिले मां सोचने लग्गोरो थियो, कि एस दर्शिनरो कुन मतलब भोइ सकते, जैन अज़ मीं लाव, एत्रे मां कुरनेलियुसेरे भेजोरे मैन्हु शमौनेरु घर तोपते-तोपते दारे मां पुजे। 18 तैनेई हक देइतां पुच्छू, "शमौन जैस जो पतरस ज़ोतन इडी तुश्शे कां आए?" 19 हेजू पतरस दर्शिनरे बारे मां सोचने लग्गोरो थियो, त पवित्र आत्मा तैस जो ज़ोवं, "शमौन, हेर दूलाई मैन्हु तीं पुच्छने लगोरेन। 20 खडो उठ ते बुन गा, तैन सेइं साथी गाने करां न डेरां, किजोकि तैना मीं भेजोरेन।" 21 पतरस बुन अव, ते तैन

मैनन् सेइं ज़ोने लगी, “जैस मैन्हु तुस तोपने लगारेथ तै अवं आई, ते तुस किजो ओरेथ?” 22 तेनेईं जुवाब दितो, “असां कुरनेलियुस सूबेदारे ज़ै धर्मी ते परमेशरे करां डरने बालोए, ते सारे यहूदी तैसेरी तारीफ़ केरतन, एक्के पवित्र स्वर्गदूते तैस जो ज़ोरूप, तू शमौन पतरसे अपने घरे कुजेइतां तैसेरी गल्लां शुन।” 23 तैखन पतरसे तैना अन्तर कुजाए, ते तैन केरि खातरदारी की। होरसां पतरस तैन सेइं साथी च़लो जेव, ते याफा नगररे काई ढ़लान मरां किछ तैस सेइं साथी च़ले जे। 24 एग्री दिहाड़े तैना कैसरिया नगरे मां पुजे, कुरनेलियुस अपने रिशतेदारन ते अपने दोस्तन अकोट्टे केरतां तैन बलगाने लाव। 25 पतरस ज़ैखन कुरनेलियुसेरे घरे पुजो, त कुरनेलियुसे तैसेरी बड़ी आदर खातरी सेइं इज़्ज़त की, ते क्रोड़ी पव्वन कां रेखतां तैस कां मथ्थो टेको। 26 पन पतरसे तै खड़ो कियो ते ज़ोवं, “खड़ो भी किजोकि अवं भी त अक मैन्हु आई।” 27 फिरी तै कुरनेलियुसे सेइं गल्लां केरतो अन्तर जेव, तैड़ी बड़े लोक अकोट्टे बिशारे लेइतां, 28 तैस सेइं ज़ोवं, “तुसन पत्तोए इश्शे यहूदी केरे लेइ गैर कौमी सेइं मिलनू जुलनू कानुनेरे खलाफे, पन परमेशरे मीं सेइं ज़ोरूप कि अवं केन्चीं मैन्हु जो अपवित्र या भिट्टी ज़ोई। 29 एल्हेरेलेइ तुसेईं अवं कुजाव त अवं चुपचारे च़लो अवं। हुनी अवं तुसन पुछताई कि तुसेईं अवं किजो कुजेवरोई?” 30 कुरनेलियुसे ज़ोवं, “अवं च़ेरे दिहाड़ना पेड़ले अपने घरे मां इस मौके कोई टलेइ बजेइं प्रार्थना लोरो थियो केरने, त अचानक अक मैन्हु चमकतां लिगड़ां लगगोरे मेरे तुत्तरे अगर खड़ो भोव। 31 ते ज़ोने लगी, हे कुरनेलियुस, तेरी प्रार्थना परमेशरे शुनोरीए ते तेरू दान भी कबूल कियोरूप। 32 एल्हेरेलेइ कोन्ची याफा नगरे मां भेजतां शमौन ज़ैस जो पतरस ज़ोतन, कुजा। तै शमौनेरे कांए ज़ै चमड़ेरू कम केरनेबालो, ते समुद्रेरे बन्ने रहते। (ज़ैखन तै एज्जेलो त तै परमेशरे बारे मां ज़ोलो) 33 तैखन मीं मैन्हु भेजे, ते तीं बड़ रोइ कियू कि तू अवं। हुनी अस परमेशरेरे सामनेम, ताके ज़ैन किछ परमेशरे ज़ोरू तैन शुनमा।” 34 तैखन पतरस ज़ोने लगी, हुनी मीं याकीन भोव, कि परमेशर केन्चेरो तरफदार नई। 35 बल्के हर कौमी मरां ज़ै परमेशरे करां डरते ते रोड़ां कम्मां केरते परमेशर तैस कबूल केरते। 36 इस्राएली लोकां केरे लेइ परमेशरेरे भेजारे सन्देशेरे बारे मां तुसन पतो आए। परमेशरे यीशु मसीहरे ज़िरिये सेइं ज़ै सेबभी केरो प्रभुए शैनतरी खुशखबरी शुनाई। 37 यूहन्नेरे बपतिस्मोरो प्रचार केरने करां लेइतां गलील इलाके करां शुरू भोइतां सारे यहूदिया इलाके मां कुन-कुन भोवं, तुस भी ज़ानतथ। 38 केन्चेरे प्रभु यीशु नासरी पवित्र आत्माई सेइं ते शक्ति सेइं अभिषेक कियूं, ते ते लोकां केरू भलू केरतो राव, तैनी सब ज़ैना शैतानेरे ज़ाले मां फासोरे थिये, तैना छुटाए, किजोकि परमेशर तैस सेइं साथी थियो। 39 तैनी ज़ैन किछ यहूदी केरे मुलखे मां ते यरूशलेम नगरे मां कमाव, असां तैसेरे गवाह आम, ते तैए यहूदी लीडरेईं यरूशलेमे मां क्रूसे पुड़ टेंगेइतां माराव। 40 परमेशरे तैए टलेइयोवं दिहाड़े फिरी जीतो केरतां

हिराव। 41 तै सैरी लोकेईं नईं बल्के गवाहईं लाव, ज़ैना परमेशरे पेड़ले चुनतां रखेरे थिये, यानी असां ज़ैनेईं तैसेरे मुड़दन मरां जीते भोनेरां बाद तैस सेइं साथी रोटी खोरीए। 42 ते तैनी असन हुक्म दितो कि लोकन मां प्रचार केरम ते गवाही देम, कि ई तेए ज़ै परमेशरे जीते ते फटरां केरो हाकिम भोए। 43 सारे नबी तैसेरे बारे मां गवाही देतन, कि ज़ै कोई तैस पुड़ विश्वास केरेलो त तैस तैसेरे न्वंचे सेइं पापां केरि माफ़ी मैले। 44 पतरस हेजू एन ज़ोतो थियो, त पवित्र आत्मा तैन पुड़ उतरी, ज़ैना बच्चन शुन्ने लोरे थिये। 45 ते ज़ेरे यहूदी विश्वासी पतरसे सेइं साथी ओरे थी, तैना सब हेरान भोए कि गैर कौमन पुड़ भी पवित्र आत्मा उतरोरीए। 46 किजोकि तैनेईं तैना किसमे-किसमेरी भाषां केरते, ते परमेशररी तारीफ़ केरते शुनोरी थिये, तैखन पतरसे ज़ोवं। 47 “ज़ेन्चेरे परमेशरे असन पवित्र आत्मा दितोरीए एन ज़ेरे तैन भी दितोरीए, कुन कोई एन मैनन् पैनोरो बपतिस्मो नेने करां रोकी सकते?” 48 एल्हेरेलेइ पतरसे हुक्म दितो, कि एन लोकन यीशु मसीहरे न्वंचे सेइं बपतिस्मो देथ, तैखन तैनेईं पतरसे कां मिनत की, कि किछ दिहाड़े असन कां हेजू बिश।

**11** यहूदिया मां रानेबाले प्रेरितेईं ते विश्वासी ढ़लाएईं ए खबर शुनी, कि गैर यहूदेईं भी परमेशररे बच्चन कबूल कियूं। 2 ते ज़ैखन पतरस वापस यरूशलेम नगरे मां अवं, त यहूदी विश्वासी लोक तैस सेइं बेंस केरने लगे। 3 “तू गैर कौमां केरे घरे जेव, ते तैन सेइं साथी बिशतां रोटी भी खाइ।” 4 पतरसे तैन सेइं सारो बिस्तार पत्रां देतो ते आखरी तगर एन्चेरे शुनाव, कि कुरनियुसेरे घरे कुन भोवं। 5 “अवं याफा नगर मां प्रार्थना केरने मां मघन थियो, त मीं किछ बेहोशी ज़ेरि भोइजेइ, ते मीं अक दर्शन लाव, ते अक चादर ज़ेरि च़ेरे कूना टेंगेइतां अम्बरेरे पासेरां उन्डी एइतां मीं तगर पुज्जी। 6 अवं तैस मां तकने लगी त कुन हेरताई कि, तैस मां ज़मीनेरे सारे च़ेरे ज़ंघेईं च़लने बाले जानवर ते पेटेरे भारे च़लने बाले जीप ते अम्बरे मां उडरने बालां चुड़ोलू थियां। 7 तैखन मींजेईं अक आवाज़ आई, ज़ै ज़ोने लगी, ‘हे पतरस खड़ो उठ ते इन मार ते खा।’ 8 मीं जुवाब दितो, प्रभु नई, किजोकि मीं अज़ तगर कोई भी अपवित्र या भिट्टी चीज़ नई खोरी। 9 एसेरे जुवाबे मां अम्बरेरां होरि आवाज़ आई, ‘ज़ैन किछ परमेशरे पवित्र बनेवरीए, तू तैस जो भिट्टू न ज़ो।’ 10 ए आवाज़ टलेइ बार आई, ते फिरी तै चादर अम्बरेरे पासे खिचोइतां च़ली जेई। 11 ठीक तैस्से मौके टलाई मैन्हु ज़ैना कैसरिया नगरे मरां कुरनियुसे मीं कां भेजारे थिये, तैस घरे कां सामने खड़े भोए, ज़ैड़ी अवं थियो। 12 तैखन पवित्र आत्मा मीं सेइं ज़ोवं, बेधड़क च़ारे एन सेइं साथी गा, एना 6 ढ़ला भी मीं सेइं साथी आए, ते असां तैस मैनेरे घरे जे। 13 तैनी असन सेइं ज़ोवं, कि केन्चेरे सेइं तैनी अक स्वर्गदूत घरे लाव ते ज़ोने लगी, याफा मां केन्चीं मैन्हु भेजतां शमौन ज़ैस जो पतरस ज़ोतन, तैस अपने घरे कुजा। 14 तै एइतां तीं अक एरो बिस्तार देलो, ज़ेसेरे ज़ोने सेइं तेरी खानदानेरे सारे मैनन् परमेशर मुक्ति देलो। 15 ज़ैखन मीं तैड़ी

गेइतां तैन सेइं गल्लां शुरु की, त पवित्र आत्मा तैन पुइ उतरी, जेन्चरे पेइले असन पुइ उतरोरी थी। 16 तैखन मीं प्रभुएरु तैन वचन याद आऊं, जैन तैने ज़ोवरो थियूं, कि यूहन्ना त पैनी सेइं बपतिस्मो दित्तो, पन तुसन पवित्र आत्माई सेइं बपतिस्मो मैलेलो। 17 बस्सा अगर परमेशरे तैन भी तैए तोफो दित्तो, जै असन प्रभु यीशु मसीह पुइ विश्वास करेने सेइं मैल्लो, त अवं कौन भोताई कि परमेशरे रोकी?" 18 जैखन यहूदी विश्वासी लोकेई एन शुनू त चुप रेइजे, "ते परमेशरेरी तारीफ़ करेने लगे, तां त सच्चे कि परमेशरे गैर कौमन भी पापन करां मन फिरेइतां यीशु पुइ विश्वास केरतां हमेशारी जिन्दगी हासिल केनेरो तोफो दित्तोरोए।" 19 त तैना लोक जैना तैस दुखेरे मारे जै सितफनुसेरे मौतरे वक्ते शुरु भरो थियो, तितर-बितर भोजेइ, ते च़लते-च़लते फीनीके इलाके ते साइप्रस ते अन्ताकिया नगरे तगर पुजे, पन तैना यहूदी केरे अलावा होरन परमेशरेरु वचन न थिये शुनाते। 20 पन तैन मरां किछ साइप्रसेरे रानेबाले ते किछ कुरेनेरे रानेबाले थिये, जैना अन्ताकिया नगरे मां एइतां यूनानी लोकन भी प्रभु यीशु मसीहेरी खुशाखबरी शुनाने लगे। 21 ते प्रभुएरी शक्ति तैन पुइ थी, ते बडे गैर कौमरे लोकेई तैन केरे सनदेशे पुइ विश्वास कियो, ते प्रभु यीशु पुइ भरोसो केरनो शुरु कियो। 22 तैखन तैन केरि खबर यरूशलेम नगरेरे कलीसियारे लोकन तगर पुजी, ते तैनेई बरनबास अन्ताकिया नगरे जो भेजो। 23 तै तैडी पुजतां, ते परमेशरेरो अनुग्रह हेरतां बडो खुशी भोव, ते तैन ए गल जोई कि अपने तने मने सेइं प्रभु सेइं लिपटोरे रान। 24 बरनबास अक रोडो मैनु थियो, तै पवित्र आत्माई ते विश्वासे सेइं भरपूर थियो, ते बडे लोक प्रभु मां आए। 25 तैखन बरनबास अन्ताकिया नगर शैरतां शाऊले तोपने तरसुस नगरे जो च़लो जेव। 26 तैनी शाऊल तोपतां अन्ताकिया नगरे मां आनो, तैडी तैना एक्की साले तगर दुइये जन्हे कलीसियाई मां लोकन प्रभु यीशुएरी शिक्षा देते राए, ते लोक चलन जो सेबन करां पेइले अन्ताकिया नगरे मां मसीही ज़ोने लगे। 27 तैन्ने दिहाइन मां किछ विश्वासी जैना नबी थिये, यरूशलेम नगरेरां अन्ताकिया नगरे मां आए। 28 तैन मरां अक नबी ज़ेसेरु नवं अगबुस थियूं खडे भोइतां ते पवित्र आत्मारे ज़ोने सेइं एन ज़ोने लगे, कि सैरी दुनियाई मां अक बडो काल पेनोए। ए काल क्लौदियुस हाकिमेरे वक्ते पेव। 29 तैहरेलेइ च़ेलेई फैसलो कियो कि, असन मरां हर कोई अपनि-अपनि हैसयतरे मुताबिक किछ दान देथ, ताके यहूदिया इलाके मां रानेबाले मसीही दूलां केरि मद्दत भोइसखे। 30 बस्सा तैनेई किछ रकम अकोट्टी की ते बरनबास ते शाऊलेरे हथ्थे यरूशलेम नगरेरे बुजुर्गन कांजो भेजो।

**12** तैस्से वक्ते मां हेरोदेस राजो कलीसियारे किछ मैनु दुःख देनेरे लेइ तैना ट्लाने शुरु कीए। 2 ते यूहन्ना प्रेरितेरो दूला याकूब तलवारी सेइं मराव। 3 जैखन तैनी हेरु कि यहूदन ए गल बडी खुशी आई, त तैन दिहाइन मां पतरस भी ट्लाव। तैना दिहैडी अखमीरी रोट्टरी तिहारेरी थी। 4 ते तैस ट्लानेरां बाद

हेरोदेस ते कैदखाने मां छुडो, ते तैसेरी निगरेनारे लेइ च़ेरे टोली बनाई, हर टोली च़ेर-च़ेर सिपाही केरि थी, हेरोदेसेरो खियाल थियो कि फ़सह तिहारेरे बाद तै कैदे मरां केढतां लोकां केरे सामने पैश केरे। 5 कैदखाने मां पतरस बडे दिहाइन तगर पेरहे मां थियो, पन सारी कलीसिया तैसेरेलेइ परमेशरे कां प्रार्थना करेने लगोरी थी। 6 हेरोदेसे, पतरस लोकां केरे सामने आने करां पेइले अक रात जैखन पतरस दूई पहरेंदारां केरे मझाटे बंधोरो झूलोरो थियो, ते सिपाही कैदखानेरे डेवढी पुइ पैरहो देंते थिये। 7 त अचानक परमेशरेरो स्वर्गदूत कैदखाने मां अव, ते सारो कैदखानो टलकडो भोइ जेव, स्वर्गदूते पतरसे खित्ती देइतां बींजाव ते ज़ोवं, "उठ, ते लूश केर।" ते शंगलां पतरसेरे हथ्थन सेहीयां खुल्ली जेई। 8 स्वर्गदूते पतरसे सेइं ज़ोवं, "अपनू मज़ बन्ध ते बूट ला।" पतरसे तैन्ने कियूं, ते फिरी ज़ोवं, "अपनो चोगो ला ते मीं पत्पती एई।" 9 पतरस स्वर्गदूत पत्पती कैदखाने मरां बेइर अव, पन तैस ए पतो न थियो, कि स्वर्गदूते जैन केरने लगोरोए एन सच्चे या कोई दर्शन हेरने लगोरोइ। 10 तै दुइयां पेरहेदारे करां बेइर निस्तां अव, ते लोहरे फाटके कां पुजो, जै नगरेरे पासे खुलतो थियो, तै फाटक तैन केरे लेइ अपने आप खुल्लो, ते तैना तैटां निस्तां दूर पुजे, स्वर्गदूत पतरसे तैडी पुजेइतां गैइब भोइ जेव। 11 तैखन पतरस होशी मां अव, ते ज़ोने लगे, "हुनी मीं पूरू याकीन भोवं, कि परमेशरे अपनो स्वर्गदूत भेजतां अवं हेरोदेसेरे हथ्थे मरां छुटाव, ते यहूदी लीडेई जैन सोचेरु थियूं, तैन बन्ने न दित्तू।" 12 जैखन तै एस बारे मां सोचने लगगोरो थियो, त मरियमेरे घरे पुजो, जै यूहन्ना जैस जो मरकुस ज़ोते थिये तैसेरी अम्मा थी। तैडी बडे विश्वासी लोक अकोट्टे भोइतां प्रार्थना केरने लगगोरो थिये। 13 पतरसे बेइरु दार गुडकावं त अक नौकरानी ज़ेसारु नवं रुदे थियूं, तै दार खोलने आई। 14 तैसां पतरसेरी गल शुनी ते तैसां गल पिशानी ते बगैर दार खोलनेरां दौवइती खुशी भोइतां आई, ते ज़ोने लगी, पतरस बेइर दारे मां ओरोए। 15 तैना मैनु ज़ोने लगे, "तू कुन पागल भोरिस।" पन जैखन तैसां रोडेच़ारे ज़ोवं, कि ते पतरसे, त तैना ज़ोने लगे "पतरस त नई पन पतरसेरो स्वर्गदूत भोलो।" 16 ते पतरस बेइर दार गुडकातो राव, ते जैखन तैनेई दार खोल्लू त पतरस लेइतां हैरान रेइजे। 17 पतरसे तैन जो हथ्थे सेइं इशारो कियो, कि चुप राथ, ते फिरी अन्तर एइतां सारो बिस्तार शुनाव, कि अवं केन्चरे परमेशरे कैदखाने मरां बेइर कढो, ते फिरी ज़ोवं, "याकूबे त तैसेरे होरि मसीह दूलान भी पतो देइयथ।" ते एप्पू केन्ची होरि जगाई जो च़लो जेव। 18 जैखन झेइ भोइ त सिपेहिन एप्पू मांमैंदे खलबली मैचि जेई, कि पतरस कोरां जेव। 19 जैखन हेरोदेसे तैस तोप्पनेरो हुक्म दित्तो त तैनी सिपेही केरु बियांन घिन्नेरां पत्ती तैन जो कतलेरो हुक्म दित्तो, ते पतरस यहूदिया इलाके मरां केसरिया नगरे जो च़लो जेव, ते किछ च़िरे तगर तैडी राने लाव। 20 हेरोदेस सूरे ते सैदारे नगरेरे लोकन पुइ बडो नाराज थियो, तैखन तैना लोक मिलतां

तैस कां आए, ते बलास्तुसे ज़ै राज़ेरो खास मैन्हु थियो, मनेइतां मेल केरनो चाव, किजोकि राज़ो एरे मुलखेरां तैन केरे मुलखे खर्चों मैलतो थियो। 21 तैखन तैनी अक दिहाड़ी ठुवहलाई ते हेरोदेस राज़ो अपना राज़ेरां लिगड़ां लेइतां आदालतेरे तखते पुड़ बिश्तां लोकन सेइं ज़ोने लगे। 22 तैनेईं ज़ैखन शुनू त ज़ोने लगे, “ए मैन्हु केरि आवाज़ नईं बल्के परमेशेरी आव़ाजे।” 23 किजोकि हेरोदेसे परमेशेरी तारीफ़ न की, तैहरेलेइ तैस परमेशेरे स्वर्गदूतेरी एरी मार पेई कि तैसेरी सैरी जानी कीड़े लगे, ते तै मेरि जेव। 24 पन परमेशेरे बचन अग्रोवं बद्धतू जेवं, ते विश्वासी लोकां केरि गिनती बद्धती जेईं। 25 ज़ैखन बरनबास ते शाऊल अपनि सेवा ज़ै तैन केरे सुपर्द कियोरी थी, तैनेईं पूरी की त अन्ताकिया नगरेरां यरूशलेम नगरे जो वापस आए, ते यूहन्ना ज़ैस जो मरकुस ज़ोते थिये, एप्पू सेइं साथी आनो।

**13** अन्ताकिया नगरेरे कलीसियाईं मां काई नबी ते गुरू थिये, मतलब बरनबास, शमौन ज़ैस जो नीगर भी ज़ोतन, लूकियुस कुरेनी, ते मनाहेम ज़ै मुलखेरे च़ेवरोवं हिसे पुड़ हाकिम थियो ज़ै हेरोदेसेरो दुद्ध ढ़ला थियो, ते शाऊल थियो। 2 ज़ैखन तैना बरत रेखतां प्रभुएरी आराधना केरने लगगोरो थिये, त पवित्र आत्मा तैन सेइं ज़ोवं, “ज़ैस सेवारे लेइ बरनबास ते शाऊल मीं कुजोरेन, तैसेरेलेइ तैन अलग केरा।” 3 तैखन तैनेईं बरत रेखतां प्रार्थना की, ते तैन पुड़ हथ रेखतां तैना परमेशेरे कम्मरे लेइ भेजे। 4 शाऊल ते बरनबास पवित्र आत्माारी तरफां भेजेरे सिलूकिया नगरे जो जे, ते तैट्टां तैना ज़िहाजे पुड़ च़ेढतां साइप्रस टैपू जो च़लो। 5 ज़ैखन तैना सलमीसे मां पुजे, त तैड़ी तैना यहूदी केरे प्रार्थना घरे मां परमेशेरे वचन शुनाव, ते यूहन्ना मरकुस भी तैन केरि मद्दत केरनेरे लेइ तैड़ी थियो। 6 ज़ैखन तैनेईं सारे ज़ीरे ते नगरन-नगरन मां हंठु फ़िरू, त तैना पाफ़ुसे नगरे मां पुजे, त तैन केरि मुलाकात एक्की डैइंनोडे यहूदी ते झूठे नेबी सेइं भोड़, ज़ेसेरू नवं बार-यीशु थियू। 7 ते तैट्टेरे हाकिम सिरगियुस, पौलुस सेइं साथी थियो, ज़ै अक अक्लमन्द मैन्हु थियो, ते तैनी बरनबास ते शाऊल कुजाए ते परमेशेरे वचन शुन्नू चाऊ। 8 पन एलीमास डैइंनोडे (किजोकि तैसेरे नंवेरो मतलब डैइंनोडे ए) तैन केरि खलाफत केरने लगे, तैने हाकिम यीशु पुड़ विश्वास केरने करां रोकनो चाव। 9 तैखन शाऊल ज़ेसेरू नवं पौलुस भी आए, पवित्र आत्माईं सेइं भेरोइतां ध्याने सेइं एलीमास डैइंनोडेरे पासे तकने लगे, ते तैस सेइं ज़ोवं, 10 “हे शैतानेरे कोआ, तू हर किसमेरी पाखंडे सेइं ते च़लैकी सेइं भरतस, ते नेकारो दुश्मन, कुन तू परमेशेरी बत बगाइने करां बाज़ न एजस? 11 हुनी प्रभु तेरे खलाफे, तू कानो भोड़गानोस, ते किछ च़िरे तगर तू दिहाड़ो न लाएलो।” तैखने तैस आंधरू लेइयोने लगू, ते तै इरां-उरां तोपने लगे, ताके कोई तैस हथेरां टलेइतां च़लाए। 12 तैखन हाकिमे एन हेरतां, ते प्रभुएरी शिक्षा शुन्तां हेरान राव, ते प्रभु यीशु पुड़ विश्वास कमाव। 13 पौलुस ते तैसेरो साथी पाफ़ुस नगरेरां ज़िहाजे मां पंफ़ुलिया इलाकेरे पिरगा नगरे मां आए, ते

यूहन्ना तैन शैरतां वापस यरूशलेम नगरे जो च़लो जेव। 14 ते तैना पिरगा नगरेरां निस्तां पिसिदिया इलाकेरे अन्ताकिया नगरे मां पुजे ज़ै गलतिया इलाके मां आए। ते आरामेरे दिहाड़े प्रार्थना घरे मां गेइतां बिश्वी जे। 15 मुसेरो कानून ते नेबी केरि किताबी मां पढनेरे बाद तैट्टेरे प्रार्थना घरेरे प्रधाने तैन ज़ोवं, “अगर मैन्हु केरि भलेइयरे लेइ तुस भी किछ ज़ोनु चातथ त ज़ोथ।” 16 तैखन पौलुस खड़ो उठो ते हथ्ये सेइं इशारो केरो कि चुप रान ते ज़ोने लगे, “हे इस्राएली लोकव ते परमेशेरो डर मन्नेबाले गैर कौमां केरे लोकव मेरी गल शुना। 17 इन इस्राएली लोकां केरे परमेशेरे इश्शे दादे-पड़दादे चुने, ज़ैखन तैना मिस मुलखे मां परदेशी भोइतां रहते थिये, तैन परमेशेरे तरक्की दिती, ते बड़े शक्ति सेइं तैट्टां कढे। 18 ते तै सुनसान ठैरी मां लगभग 40 सालन तगर तैन केरि झैल्लतो राव, तैना बार-बार हुक्म टलोइते राए। 19 कनान मुलखे मां परमेशेरे सत कौमां नाश केरतां तैन केरि ज़मीन अपने इस्राएली लोकन विरासती मां दिती। 20 एना गल्लां पूरी भोने लगभग 450 साल लगे, तैसेरां बाद परमेशेरे तैन केरे लेइ शमूएल नेबेरे वक्ते तगर हाकिम रखे। 21 ज़ैखन हेजू शमूएल तैन केरो हाकिम थियो त तैन लोकेईं राज़ो बनानेरे लेइ दरखुवास की, ते परमेशेरे बिन्यामीनेरे गोत्रे मरां कीशेरू मट्टू शाऊल राज़ो बनाव ते तैनी 40 साल यरूशलेम नगरे मां राज़ कियू। 22 फिरी तैनी शाऊल हटेइतां दाऊद तैसेरी ठैरी तैन केरो राज़ो बनाव, ज़ेसेरे बारे मां तैनी गवाही दिती, मीं यिशेरू मट्टू दाऊद मेरे मनरे मुताबिक मैलोरूप, तैस पुड़ अवं खुश आईं, ते तैए मेरी मर्ज़ां पूरी केरेलो। 23 परमेशेरे अपने वादेरे मुताबिक तैसेरे वंशेरे मरां पापन करां मुक्ति देनेरे लेइ इस्राएले कां यीशु मसीह भेजे। 24 ज़ेसेरे एजने करां पेइले यूहन्ना इस्राएलेरे सारे लोकन प्रचार कियो, कि पापन करां मनफिराथ ते बपतिस्मो नेथ।” 25 ज़ैखन यूहन्नारू कम पूरू भोनेबालू थियू, त तैनी ज़ोवं, “तुस मीं कुन समझतथ? ‘अवं मसीह नईं!’ बल्के हेरा, तै मेरे बाद एजनेबालोए, किजोकि अवं त एस काबल नईं कि तैसेरे बूटां केरे तसमे भी खोल्ली सेखी।” 26 “हे मेरे ढ़लाव, तुस ज़ैना अब्राहमेरे औलादारे लोकव, ते परमेशेरो डर मन्नेबाले गैर कौमां केरे लोकव, इस मुक्तेरो बिस्तार तुसन कां भेजेरोए। 27 यरूशलेम नगरेरे रानेबाले लोकेईं ते तैन केरे प्रधानेईं यीशु मसीह न पिशानो, ते न नेबी केरि गल्लां सोमझी, ज़ैना हर आरामेरे दिहाड़े पेढतां शुनेईं गैती थी। 28 हालांकी तैन मौतरी सज़ारे काबल सबूत न मैल्लू, पन फिरी भी तैनेईं पिलातुस गवर्नरे कां दरखुवास की, कि ए मारो गाए। 29 ते तैनेईं सब किछ ज़ैन तैसेरे बारे मां पवित्रशास्त्रे मां लिखेरू थियू, पूरू कियू, त तै क्रूसे पुड़ कील देइतां मारो, ते ओसैलतां एक्की कब्री मां छुट्टो। 30 पन परमेशेरे तै मुडदन मरां भी ज़ींतो कियो। 31 ते ज़ैना लोक गलील इलाके मरां तैस सेइं साथी यरूशलेम नगरे मां ओरे थिये, तैन चेलन काई दिहाड़न तगर यीशु लेइयोतो राव, ते हुनी तैना लोक ज़ैनेईं तै लाहोरोए गवाही देतन। 32 असां तुसन

खुशखबरी शुनातम, कि जै वादो परमेशरे इशशे दादे-पड़दादन सेइं कियोरो थियो। 33 कि परमेशरे यीशु मसीह मुडदन मरां जीतो केरतां तै वादो पूरू कियो, ते भजना केरि किताबी मां परमेशर मसीहेरे बारे मां जोते, तू मेरू मटूस ते अवं तेरो बाजी भोव। 34 एन सच्छे, कि परमेशरे तै मुडदन मरां भी जीतो कियो, ताके तै न शडे, परमेशरे बचने मां एन्ने बियांन कियोरूए, कि अवं तीं पवित्र ते सच्छी बरकत देलो, जैन केरो वादो परमेशरे दाऊदे सेइं कियोरो थियो। 35 ते होरि भजने मां दाऊद जोते, तू अपने पवित्र मैन्हु शडने न देलो। 36 किजोकि दाऊद त अपने वक्ते मां परमेशरी मर्जी पूरी केरनेरां पत्ती मेरि जेव, ते अपने दादन-पड़दादन सेइं साथी दफन भोव, ते तैसेरी जान शैडी जेई। 37 पन जै (यीशु मसीह) परमेशरे मुडदन मरां जीतो कियो, त तैसेरे शडनेरी नौबत न आई। 38 “एल्हेरेलेइ, हे दूलाव, बुझा कि यीशुएरे जिरिये सेइं तुसन पापां केरि मैफारी खबर शुनाई गावे। 39 तुस मूसा नेबेरे कानूने मुताबिक धर्मी न थी भोने, पन जै कोई यीशु पुड़ विश्वास केरे तै धर्मी भोए। 40 “एल्हेरेलेइ खबरदार राथ, कोस्कोई एरू न भोए कि नेबी केरि ए गल तुसन पुड़ सच्छे बीते, 41 तुस जैना होरि केरि तुहीन केरतथ, हेरा, ते हेरान भोथ, ते बरबाद भोथ, किजोकि अवं तुशशे जीतिं ज़ागते एरू कम केरनेबालोई, कि अगर कोई तुसन सेइं तैसेरे बारे मां गलबात भी केरे, त तुस कथे विश्वास न केरेले।” 42 जैखन पौलुस ते बरनबास प्रार्थना घरे मरां चले, त लोक तैन कां मिनत केरतां जोने लगे, कि होरि आरामेरी दिहाड़ी भी एन्ने गल्लां केरे बारे मां जोवं गाए। 43 जैखन लोक आराधनारे बाद बेडर निस्से, त बडे लोक पौलुस ते बरनबासे पत्ती चले, ते तैन मां किछ यहुदी थिये, ते किछ नव्वे यहुदी पंथ धारण कियोरे थिये, ते तैनेई तैन सेइं गलबात केरतां तैन समझाव, कि परमेशरे अनुग्रहे मां बनोरे राथ। 44 होरि आरामेरे दिहाड़े लगभग सारू नगर परमेशरेरू वचन शुन्नेरे लेइ अकोट्रू भोवं। 45 जैखन यहुदी लीडरेई एत्रे हछे लोक लाए त तैन जलन भोइ, ते पौलुसेरे खलाफ गल्लां लग्गे केरने। 46 तैखन पौलुस ते बरनबासे दिलेर भोइतां तैन जोवं, “ज़रूरी एन थियूं, कि असां पेइले तुसन परमेशरेरू बच्चन शुनाम, पन तुस त इन्कार केरने लोरेथ, ते अपनो आप हमेशारी जिन्दगरे काबल न समझथ, त हेरा हुनी असां गैर कौमां केरे पासे गातम। (aiōnios g166) 47 किजोकि प्रभुए असन ई हुकम दित्तोरोए, मां तू मीं तू गैर कौमां केरे लेइ लौ बनोरस, ताके तुशशे जिरिये सारे ज़मीनी पुड़ मुक्ति आनी गाए, ते तू ज़मीनेर हर पासे मुक्तरू दार भोसा।” 48 इन शुन्तां गैर कौमां केरे लोक बडे खुशी भोए, ते परमेशरी तारीफ़ केरने लगे, ते जैना परमेशरे हमेशारी जिन्दगरे लेइ ठहरावरे थिये, तैनेई विश्वास कियो। (aiōnios g166) 49 ते प्रभुएरू बच्चन सारे मुलखे मां फैली जेवं। 50 पन यहुदी लीडरेई बडे भक्त ते इज़्जतदार कुआन्शां ते नगरेरे काई खास मैन्हु भडकाए, तैनेई पौलुस ते बरनबासे सिंतेइतां तैना तैस इलाके मरां भी केडी छडे। 51 तैखन पौलुस ते बरनबासे तैन केरे

सामने अपने पावां केरि धूड़ ठुड़कतां तैना इकुनियुम नगरे जो चले जे। 52 ते चले इकुनियुम नगरे मां खुशी ते पवित्र आत्माई सेइं भरपूर भोते राए।

**14** इकुनियुम नगरे मां पौलुस ते बरनबास दुइये जने प्रार्थना घरे मां जे, ते एरू भाषण केरने लगे ते बडे यहुदी लोकेई ते यूनानी लोकेई विश्वास कियो। 2 पन विश्वास न केरनेबाले यहुदेई, गैर यहुदी लोक भडकाए ते तैनेई विश्वासी मैन्हु विश्वासे करं दूर किये, ते तैन केरे खलाफ क्रोध पैदा कियो। 3 ते पौलुस ते बरनबास काई दिहाड़े तैडी राए, ते प्रभुएरी भरोसे पुड़ दिलेरी सेइं गल्लां केरते थिये, ते प्रभु तैन केरे जिरिये चमत्कार ते निशान करेइतां अपने अनुग्रहेरे वचने सच्छो साबत केरतो राव। 4 पन नगरेरे लोकन एप्पू मांमेई फूट भोइजेइ, किछ लोक यहुदी केरे पासे भोए, ते किछ प्रेरितां केरे पासे भोए। 5 यहुदी ते गैर यहुदी अपने प्रधान सेइं मिलतां तैन बेइज़त केरने ते तै घोड़ेई बाने लगे। 6 त तैन एस गल्लरो पतो लगे, तैना तैट्टां नेशशी जे, ते लुकाउनिया इलाकेरे नगरन लुस्त्रा ते दिरबे मां ते तैसेरे आसे-पासेरे इलाके मां चले जे। 7 ते तैडी तैना खुशखबरी शुनाने लगे। 8 लुस्त्रा नगरे मां अक मैन्हु बिशोरो थियो, जै पावां केरो कमज़ोर थियो, तै ज़मनेरो टोन्टो थियो, ते तै कधी न थियो चल्लोरो। 9 तै पौलुसेरी गल्लां ध्याने सेइं शुन्ने लग्गोरो थियो, पौलुसे तैसेरे पासे ध्याने सेइं तक्कू त ज़ांनु, कि एसमां एत्रो विश्वासे कि ए बेज़्जोइ सकते। 10 ते पौलुसे तैस मैन्हु जोरे सेइं जोवं, “अपने पावन पुड़ खडो भो।” ते तै तैखने खडो भोव, ते चलने लगे। 11 जैखन लोकेई पौलुसेरू एन कम हेरू त लुकाउनिया भाषाई मां जोरे सेइं जोने लगे, “कि देबतो असन कां मैनेरो शकली मां ओरोए।” 12 ते तैन लोकेई बरनबासेरू नवं ज्यूस रख्खू, (जैन यूनानी देबतेरू नवं थियूं), ते पौलुसेरू हिंमस नवं रख्खू, (जै होरि देबतां केरो बिस्तार देने बालन मरां प्रधान थियो) किजोकि तै गल्लां केरने मां जादे माहिर थियो। 13 ते ज्यूस देबतेरू मन्दर नगरेरे सामने थियूं, तैसेरो पुजारी दांत ते फूडू केरे हार एन्तां नगरेरे फाटके पुड़ पुजो, किजोकि तैना लोक चाते थिये कि असां प्रेरितां केरे लेइ बलिदान केरन। 14 जैखन बरनबास ते पौलुस प्रेरितेई एन शुनु, त तैना दुखी भोए, ते तैनेई अपना लिगड़ां छिन्दां ते मैनन् मां जे ते जोरे-जोरे जोने लगे। 15 “लोकव तुस एन कुन केरने लगोरेथ? असां भी तुशशे जेरे दुःख सुख झैल्लने बाले मैन्हु आम, ते तुसन खुशखबरी शुनातम, ताके तुस एना फुजूल चीज़ां शैरतां जीते परमेशरेरे पासे एज्जथ, जैनी धरती त कने अम्बर ते समुन्द्रे ते जैन किछ भी एसमां आप तैनी बनोरूए। 16 तैनी बीतोरे वक्ते मां सैरी कौमन अपनि-अपनि बत्तां चलने दित्तू। 17 फिरी भी तैनी अपनो आप बेगवाह न बनाव, पन अपनि भलाई हेरानेरे लेइ तैनी अम्बेरां झड़ी दित्ती, ते फसलां केरे लेइ मौसम बनाए, ताके तुसन हछु अन भोए ते तुशशे दिल खुशी सेइं भरे।” 18 एना गल्लां जोइतां तैनेई लोक बेडि मुशकली सेइं रोके, कि एना इशशे लेइ बलिदान न देन।

19 तैखन किछ यहूदी अन्ताकिया नगरे ते इकुनियुम नगरे मरां आए, ते तैनेई लोक अपने पासे केरतां पौलुसे पुड़ पथराव केरने लगे, ते ते मओरो बुझतां नगर करां बेइरोवं घसीटतां नीयो। 20 जैखन चले तैडी पुजे त तैनेई पौलुस घरे मां आनो ते तै खडो उठो ते वापस नगर मां अव, ते होरसां बरनबासे सेइं साथी दिरबे नगरे जो चलो जेव। 21 पौलुस ते बरनबासे तैस नगर मां खुशखबरी शुनाई ते बडे चेले बनाए, ते तैसेरां बाद तैना लुस्त्रा ते इकुनियुम नगरे ते अन्ताकिया नगरे मां वापस आए। 22 तैना हर एक्की नगरे चेलां केरे मन मज्जबूत केरते ते ई शिक्षा देते थिये कि विश्वासे मां बनोरे राथ, ते इन जोते थी, “ते असेई बडो दुःख झैल्लतां परमेशरेरे राज्जे मां दाखल भोनूप।” 23 ते तैनेई हर कलीसियाई मां तैन केरे बुजुर्ग ठहराए, ते बरतां रेखतां प्रार्थना की, ते तैना प्रभुएरे सुपुर्द किये, जैस पुड़ तैनेई विश्वास कियोरो थियो। 24 फिरी तैना पिसिदिया इलाके मरां निस्तां पंफूलिया इलाके मां पुजे। 25 ते पिरगा नगरे मां वचन शुनेइतां त अत्तलिया नगरे मां आए। 26 तैट्ठां जिहाजे मां चेढतां वापस अन्ताकिया नगरे मां आए, ते तैडी तैनेई तैस सेवारे लेइ जै तैनेई पूरी कियोरी थी, परमेशरेरे अनुग्रहेरे सुपुर्द कियोरी थी। 27 अन्ताकिया नगरे मां पुजतां तैनेई कलीसियारे लोक अकोट्टे किये, कि परमेशरे असन सेइं साथी भोइतां केरहां-केरहां बडां कम्मां कियां! ते गैर कौमां केरे लेइ बत खोल्ली, कि तैना भी यीशु पुड़ विश्वास केरन। 28 ते तैना चलन सेइं साथी बडे दिहाइन तगर राए।

**15** फिरी किछ लोक यहूदिया इलाके मरां आए, ते विश्वासी ढलान ए शिक्षा देने लगे, “अगर मूसेरे रसमरे मुताबिक तुश्शो खतनो नई भोरो त तुसन मुक्ति न मैल्ली बटे।” 2 एस गल्ली पुड़ पौलुस ते बरनबासेरो तैन लोकन सेइं बडो मतभेद ते बडी बेंस भोइ, ते कलीसियारे लोकेई पौलुस ते बरनबास ते किछ होरे मैन्हु चुने कि तैना यरूशलेम नगरे मां गेइतां तैडी एस मसले पुड़ प्रेरितन ते बुजुर्गन सेइं गलबात केरतां हल कढन। 3 तैखन कलीसियारे लोकेई तैना खर्वां देइतां भेजे, ते जैखन तैना फीनीके ते सामरियारे इलाकन मांमेइं चलोरे थिये, तैनेई जोवं, कि केन्चरे गैर कौमां केरे लोक खुशखबरी शुन्तां मसीह पुड़ विश्वास कियो, ते कलीसियाई मां शामल भोए, एन शुन्तां सारे मसीह ढला बडे खुश किये। 4 जैखन तैना यरूशलेम नगरे मां पुजे, त तैठेरी कलीसियारे लोक ते प्रेरित ते बुजुर्ग तैन सेइं बेडि खुशी सेइं मिले, ते तैखन पौलुस ते बरनबासे सब किछ बिस्तार दित्तो, कि परमेशरे तैन केरे जिरिये सेइं केत्रा-केत्रा कम्मां कियां। 5 पन फरीसी पंथेरे किछ लोकेई जैनेई विश्वास कियोरो थियो, तैन मरां किछ जोने लगे, “गैर कौमन मरां विश्वास केरनेबालां केरो खतनो कियोरो लोडे, ते एन मूसा नेबेरे कानूने पुड़ अमल केरनेरो हुक्म दित्तोरो लोडते।” 6 तैखन प्रेरित ते बुजुर्ग ए गलबात केरनेरे लेइ अकोट्टे भोए। 7 बडी बेंस भोनेरे बाद पतरसे तैन खडे भोइतां जोवं, “हे मेरे ढलाव, तुस जानतथ कि बडे चिरे पेइले परमेशरे अवं तुसन लोकन मरां

चुनो, ताके गैर कौमन मेरे जिरिये खुशखबरी शुनाई गाए ते तैना विश्वास केरन। 8 परमेशर जै दिलेरो हाल जानते, तैनी तैन भी इश्शी जेरि पवित्र आत्मा देइतां इन हिराव, कि परमेशरे तैना अपने लोकां केरे जेरे कबूल किये। 9 ते विश्वास केरनेरे जिरिये सेइं तैन केरे मन पवित्र केरतां असन मां ते तैन मां कोई फर्क न रख्यो। 10 त हुनी तुस परमेशरेरी अजमैइश किजो केरतथ? कि गैर कौमन मरां ओरे चलन (यानी विश्वासी लोकन) पुड़ एत्रो बोझ किजो रखतथ, जैन न असेई छुडयोए ते न इश्शे दादे-पडदादे छुडयोए। 11 एरू केरनू ठीक नई, किजोकि इश्शू याकीन त इने कि प्रभु यीशु मसीहेरे अनुग्रह सेइं तैन केरे पापां केरि मुक्ति भोली, तेन्चरे इश्शी मुक्ति भोली, न कि मूसेरे कानूने सेइं।” 12 तैखन सारे लोक चुपचाप बरनबास ते पौलुसेरी गल्लां शुन्ने लगे, कि परमेशरे केन्चरे गैर कौमन मां तैन केरे जिरिये केरहे-केरहे निशान ते चमत्कार किये। 13 जैखन तैना चुप भोए त याकूब जोने लगे, “मेरे ढलाव मेरी गल शुना।” 14 शामीन पतरसे रोडेचारे जोवं, कि परमेशरे पेइले केन्चरे गैर कौमन पुड़ सिद्धी नजर की, ताके तैन मरां मैन्हु चुनतां अपने लोक बनाए। 15 नेबी केरू बच्चन भी एसेरू जेरूए जेन्चरे लिखोरूपे कि। 16 एसेरां बाद अवं फिरी एइतां दाऊदेरू राज बनेइलो, जैन तैसेरे दुश्मनेई नाश कियोरू थियुं। 17 ताके बाकी सारे लोक ते गैर कौमन समेत जैना मी कुजोरेन मेरे लोक भोन, ते मी तोप्पन। 18 ए तैए प्रभु जोते जै दुनियारे शुरुआती करां इन गल्लां केरि खबर देतो अव। (aiōn g165) 19 “एल्हेरेलेइ मेरो खियाल ईए, गैर कौमन मरां जैना लोक परमेशरे कां एइतन, तैन अस यहूदी केरो कानून मन्नेरे लेइ मजबूर न केरम। 20 बल्के तैन चिट्ठी लिखतां एन जोम कि मूरतन कां त्रैढेरी चीजां करां दूर रान, ते बदमैशी ते गलचैटी देइतां मारोरे जानवरां केरू मास न खान ते खून न खान। 21 किजोकि बडे पेइले नगर-नगरे मां मूसेरे कानूनेरो प्रचार केरनेबाले भोते आए, ते तैना हर आरामेरे दिहाडे प्रार्थना घरे मां पेढी गाती थी।” 22 तैखन प्रेरित ते बुजुर्ग ते सारी यरूशलेमेरे सारे कलीसिया मिलतां एन रोडू समझू, कि असन मरां किछ मैन्हु चुने गान, मतलब यहूदा, जैस जो बरसब्बास जोतन ते सीलास जैना ढलान मां खास आन, ते तैन पौलुस ते बरनबासे सेइं साथी अन्ताकिया नगरेरे कलीसियाई मां भेजम। 23 ते तैनेई तैन केरे हथ्ये इन लिखतां भेजू, “अन्ताकिया नगरे ते सीरिया ते किलिकिया इलाकां केरे रानेबाले विश्वासी ढलान जैना गैर कौमन मरां आन, प्रेरितां ते बुजुर्ग ढलां केरू नमस्कार! 24 असेई शुनेरूपे, कि किछ मैन्हु बगैर अजाजतां तुश्शे इडी आए, ते तैनेई अपनि गल्लेई सेइं तुश्शो दिल परेशान कियो। 25 एल्हेरेलेइ असेई एन ठीक समझू, कि इट्ठां दूई मैन्हु अपने ढलारे बरनबास ते पौलुस सेइं साथी तुसन कां भेजम। 26 एना एरे मैन्हु आन कि जैन इश्शे प्रभु यीशु मसीहेरे लेइ अपनि जानरी भी परवाह नई। 27 एल्हेरेलेइ असेई यहूदा ते सीलास भेजोरेन, ते तैना एप्पू भी एना गल्लां शुनाले। 28 पवित्र आत्मा, ते असेई

एन ठीक समझू, कि इना जरूरी गल्लां केरे अलावा तुसन पुड़ होरो बोझ न देम। 29 बस्सा तुस मूरतन कां चाढ़ोरे बलिदाने ते खून करां ते गल दुबेइतां मारोरे जानवरे करां ते बदमाशी केरने करां दूर राथ एन तुशे लेइ रोडू भोलू। अग्रवं जो शुभकामना” 30 बस्सा तैना मैनुहु चलते-चलते अन्ताकिया नगरे मां पुजे, तैड़ी तैनेई कलीसियारे लोक अकोठे केरतां ए चिट्ठी तैन केरे हवालै की। 31 तैना चिट्ठी मां लिखोरी गल्लां पेढ़तां बड़े खुशी भोए। 32 यहूदा ते सीलास एप्पू भी नबी थिये, तैनेई तैट्टेरे विश्वासी ढलान शिक्षा दित्ती ते तैना विश्वासे मां पक्के बनाए। 33 किछ दिहाइना बाद तैट्टेरे विश्वासी ढलाएई आनन्दे सेइं ते प्रार्थना केरतां वापस भेजे, ताके अपने भेजने बालन कां वापस गान। 34 सीलासे अन्ताकिया नगरे मां रानेरो फेसलो कियो ते यहूदा अकैल्लो वापस यरूशलेमे जो अव। 35 ते पौलुस ते बरनबास अन्ताकिया नगरे मां रुकी जे, तैड़ी तैना काई होरि लोकन सेइं मिलतां लोकन प्रभु यीशुएरे वचनेरी शिक्षा देंते राए ते खुशखबरी शुनाते राए। 36 किछ चिरेरां बाद पौलुसे बरनबास सेइं जोंव, “चल असां तैन सारे नगरन मां गाम, ज़ैड़ी असेईं खुशखबरी शुनावरी थी, ते तैन विश्वासी ढलान सेइं मुलाकात केरम, ते हेरम कि तैन केरो कुन हाले।” 37 तैखन बरनबासे यूहन्ना ज़ैस जो मरकुस ज़ोतन, साथी नेनो चाव। 38 पन पौलुसे ठीक न समझू, कि यूहन्ना तैन सेइं साथी गाए, किजोकि तै पंफूलिया इलाके मां कम शैरतां अलग भोरो थियो। 39 पौलुस त बरनबासे एप्पू मांमेइं बड़ी अनबन भोइ, ते तैना अलग भोए, बरनबास ते मरकुस ज़िहाजे मां साइप्रस जो चलो जे। 40 पन पौलुसे सीलास एप्पू साथी नीयो, ते विश्वासी ढलाएई तैन केरे लेइ प्रार्थना की, ते तैना परमेशेरे अनुग्रहेरे सुपुई किये ते तैना तैट्टां चले जे। 41 पौलुस सीरिया ते किलिकिया इलाकन मांमेइं निस्सो चलतो ते कलीसियां केरे विश्वासी लोकन मज़बूत केरतो जेव।

**16** तैना फिरी दिरबे नगरे ते लुस्त्रा नगरे मां आए, तैड़ी अक चेलो तीमुथियुस नव्वेरो रातो थियो, तैसेरी अम्मा यहूदी थी, ते तै मसीह पुड़ विश्वास केरती थी, पन तैसेरो बाजी यूनान मुलखेरो रानेबालो थियो। 2 तीमुथियुस लुस्त्रा नगरे मां ते इकुनियुम नगरेरे विश्वासी ढलान मां बड़ो रोडो मैनु थियो। 3 पौलुसेरी इच्छा ई थी, कि तै तैस साथी ने, तैन यहूदी केरि वजाई ज़ैना तैड़ी रहते तैसेरो खतनो कियो, किजोकि तैना सब ज़ानते थी कि तैसेरो बाजी यूनान मुलखेरो रानेबालो थियो। 4 पौलुस ते तैसेरे साथी नगर-नगरे मांमेइं चलते जे, तैट्टेरे विश्वासी लोकन तैना हुक्मां केरे बारे मां ज़ोंते जे, ज़ैना यरूशलेम नगरे मां प्रेरितेईं ते बुजुर्गेईं मिलतां ठहरावरे थिये, ताके लोक तैन पुड़ अमल केरन। 5 बस्सा कलीसियां विश्वासे मां पेक्की भोती जेई, ते तैन केरि कलीसियां केरि तैधात बढ़ती जेई। 6 पौलुस ते तैसेरे साथी फ्रुगिया ते गलातिया इलाकन मांमेइं निस्तां जे, किजोकि पवित्र आत्मा तैना आसिया इलाके मां बचन शुनाने करां रोकोरे थियो। 7 ते तैना मूसिया इलाकेरे नेडे पुज़तां, बितूनिया इलाके मां गानू

चाते थिये, पन यीशुएरे आत्मा गाने न दित्ते। 8 एल्हेरेलेइ तैना मूसिया इलाकेरे नेडेरां त्रोआस नगरे मांजो चले जे। 9 राती पौलुसे अक मैनुहु दशने मां लाव, “तै मकिदुनी इलाकेरो थियो, तै खड़ो भोइतां पौलुसे कां मिनत केरने लोरो थियो, कि पार समुन्दरेरे मकिदुनिया इलाके मां एइते इशशी मदत केरा।” 10 तैसेरे इस दर्शन हेरनेरां पत्ती लूशी अस पार मकिदुनिया इलाके मां गानेरे लेइ तियार भोइ जे, किजोकि असेईं बुझू कि परमेशेरी असां तैड़ी खुशखबरी शुनानेरे लेइ कुजवरेम। 11 असां त्रोआस नगरेरां ज़िहाजे मां जे, ते पौलुस सफर केरतां सुमात्राके टैपू पुड़ आए, ते तैट्टां होरसां नियापुलिस नगरे मां आए। 12 तैट्टां असां फिलिप्पी नगरे मां पुजे, ज़ैन मकिदुनिया इलाके मां खास नगरे, ते रोमी केरि बेसती मांए, ते अस तैस नगरे मां किछ दिहाड़े राए। 13 आरामेरे दिहाड़े असां नगरेरे फाटके मरां निस्तां दरियाए पुड़ पुजे, किजोकि असन उमीद थी कि तैड़ी यहूदी केरि प्रार्थना केरनेरी कोई ठार भोनीए, असां तैड़ी गेइतां बिशशी जे, तैड़ी किछ कुआन्शां थी, असां तैन सेइं गल्लां केरने लगे। 14 इशशी गल्लां शुन्ने बैली कुआन्शन मां अक परमेशेरी भक्त लुदिया नव्वेरी थी, ते थुआतीरा नगरेरी राने बाली थी, ते बैंगनी लिगड़ां बेचने बाली थी, ते प्रभुए तैसेरो मन खोल्लो, कि तै पौलुसेरे गल्लन पुड़ ध्यान केरे। 15 ज़ैखन तैसां ते तैसारे पूरे टब्बरे बपतिस्मो नीयो त तै बिनती केरतां ज़ोने लगी, “अगर तुस लोक मीं प्रभुएरी ईमानदार दासी समझतथ, त मेरे घरे चला ते बिशशी राथ,” ते तैसारी मिनत शुन्तां असां खुशी भोए। 16 एककी फेरे असां प्रार्थना केरनेरी ठारी जो चलोरे थिये त असन अक दासी मैल्ली ज़ै भूतां केरे मदती सेइं एजनेबाले वक्तेरे बारे मां ज़ोती थी। ते अपने मालिकां केरे लेइ बड़े पेंडसे कमती थी। 17 तै पौलुसे पत्ती ते असन पत्ती चली ते ज़ोने लगी, “ए मैनुहु परमप्रधान परमेशेरोरे दासे, ते एना असन पापां केरि मुक्करी बत हिरातन।” 18 तै काई दिहाड़े एन्ने केरती राई, पन पौलुसे जिच भोव, ते मुड़तां तैस भूते जो जोंव, “अव तीं यीशु मसीहेरे नव्वे सेइं हुक्म देताई निस्सी गा, ते तै तैखने तैस मरां निस्सी जेई।” 19 ज़ैखन तैसेरे मालिकेईं हेरू कि इशशी कमैइयरी उमीद टलुटी जेई, त तैनेई पौलुस ते सीलास टलेइतां चौके मां प्रधानां केरे हवाले किये। 20 तैनेई पौलुस ते सीलास हाकिमन कां पेश किये, ते ज़ोने लगे, “एना यहूदीन ते इशशे नगर मां बड़ी खलबली मज़ाने लगारेंन। 21 ते एरे रुवाज़ेरी शिक्षा देतन, ज़ैन केरू केरनू ते मन्नु असन रोमे मां रानेबालान केरे इशशे लेइ बिलकुल भी ठीक नई।” 22 एन शुन्तां सारे लोक पौलुस ते सीलासेरे खलाफ अकोठे भोए, ते हाकिमेईं तैन केरां लिगड़ां खोलतां छिन्दां ते सोटेईं बानेरो हुक्म दित्तो। 23 सिपैहीयेईं तैन खूब बेंतेईं बैही ते कैदखाने मां छड़े, ते कैदखानेरे प्रधाने हुक्म दित्तो, कि रोडेचारे पेरहो दित्तो गाए। 24 तै हुक्म शुन्तां तैना आँधरी कोठी मां छड़े, ते तैन केरे पावन लेकड़री बेड़ि लेइ। 25 एध्दी राती पौलुस ते सीलास प्रार्थना केरने मां मघन थिये, ते परमेशेरां भजना लोरे



थी ज़ोने, ते होरे कैदी भी शुन्ने लोरे थियो। 26 अचानक अक भुंजल अव, ते कैदखानेरे बुनीयाद हिल्ली ते सारां दारां खुल्ली जेआं, ते सैरी कैदी केरि बेडि भी खुल्ली जेई। 27 कैदखानेरो प्रधान बींझो ते खडो उठो, ते तकने लगे, ते हेरते कि कैदखानेरां दारां खुल्ली जोरेन, त तैनी समझू कि सारे कैदी नशारेन, ते तैनी अपनि तलवार खिच्यी कि अवं अपनो आप मैरी छेड़ी। 28 पन पौलुसे जोरे सेईं जोवं, “अपनो आप न मार किजोकि असां सब इडी आम।” 29 तैखन ते दीयो बैलतां अन्तर जेव, ते पौलुसे ते सीलासेरे पावन पुड पेव, 30 फिरी तैनी तैना बेडर आने ते ज़ोने लगे, “जनाब अवं कुन केरि, कि मेरी मुक्ति भोए?” 31 तैनेईं जोवं, “प्रभु यीशु मसीह पुड विश्वास केर, त तीं ते तेरे टब्बरे पापन करां मुक्ति मैलनीए।” 32 ते तैनेईं तैस त तैसेरे टब्बरे प्रभुएरू वचन शुनाव। 33 तैखने तैने राती पौलुस ते सीलास नेइतां तैन केरे ज़खम धोए, ते तैनी तैसेरे सारे टब्बरे बपतिस्मो नीयो। 34 फिरी तैनी तैना अपने घरे ने, ते तैन खाने जो रोटी दित्ती, ते सारे टब्बरे परमेशरे पुड विश्वास केरतां बडे खुश थियो। 35 होरसां झेइइ हाकिमेईं सिपाही भेजतां बिस्तार भेजो, कि तैन मैनु हथरां छेड़ी देथ। 36 दरोगा पौलुसे जो जोवं, “हाकिमे हुक्म दित्तोरोए कि पौलुस ते सीलास कैदखाने मरां हथरां छडा, एल्हेरेलेइ तुस खुशी सेईं चले गाथ।” 37 पन पौलुसे तैन सेईं जोवं, “तैनेईं अस जैना रोम मुलखेरे राने बालेम, बगैर कसूरे सेबभी केरे सामने मारे कुटे ते कैदखाने मां छडे, ते हुनी चुपचारे हथरां छडने चाते? पन एन न भोइसखे, तै एप्पू एज्जे ते असन बेडर कढे।” 38 सिपैहीयेईं गेइतां हाकिमन बिस्तार दित्तो, कि पौलुस ते सीलास रोम मुलखेरे राने बालेन, ते तैना डेरि जे। 39 तैनेईं तैडी एइतां तैन करां माफ़ी मग्गी, ते फिरी तैना कैदखाने मरां बेडर आने ते मिनत की, कि नगर मरां चले गाथ। 40 बस्सा पौलुस ते सीलास कैदखाने मरां बेडर निस्से ते लुदियारे घरे जे, ते तैडी विश्वासी ह्लान सेईं मिले ते तैन शान्ति देइतां चले जे।

**17** पौलुस ते सीलास तैसेरां बाद अम्पिपुलिस ते अपुल्लोनिया नगरन मामेईं गेइतां थिस्सलुनीके नगरे मां आए, तैडी यहूदी केरू अक प्रार्थना घर थियूं। 2 पौलुस अपने रीतरे मुताबिक प्रार्थना घरे मां ट्लाई आरामेरे दिहाइन तगर पवित्रशास्त्रेरी किताबी मरां तैन सेईं बेंस केरतो राव। 3 पौलुस तैन केरो मतलब खोल्ली-खोल्ली समझातो थियो, “कि यीशु मसीहेरो दुःख झैल्लनो ते मुइदन मरां जीतू भोनू ज़रूरी थियूं, कि ज़ैस यीशुएरे बारे मां अवं प्रचार केरतम, तैए मसीह आए।” 4 तैन मरां किछ यहूदी ते गैर कौमां केरे लोक ज़ैनेईं विश्वास कियोरो थियो, ते होरि भी बेडि भक्त कुआन्शां ज़ैनेईं विश्वास कियोरो थियो पौलुसे ते सीलासे सेईं मिली जेईं। 5 पन यहूदेईं जलनी सेईं काई नगरन मां बुरे लोक अकोट्टे केरतां हंगामो केरनो शुरू कियो। तैनेईं यासोनेरे घरे पुड हमलो कियो ताके पौलुसे ते सीलासे लोकां केरे सामने आनन। 6 पन ज़ैखन तैना न मैल्ले त यासोन त काई होरे विश्वासी ह्ला घसीटतां

नगरेरे हाकिमन कां आने, ते ज़ोरे-ज़ोरे सेईं ज़ोने लगे, “एन मैनेईं हर ठैरी परेशानी फैलावरी, ते अज़ इडी भी पुजोरेन। 7 ते एना यासोने अपने घरे मां रखोरेन, ते एना लोक महाराजोरे हुक्मेरी खलाफत केरतन, ते ज़ोतन कि राजो त यीशु आए।” 8 ए गल शुन्तां नगरेरे हाकिम ते सारे लोक परेशान भोए। 9 ते तैनेईं यासोन ते बाकी लोक ज़मानती पुड हथरां छडे। 10 इलोइजां विश्वासी ह्लाएईं पौलुस ते सीलास तैटां बिरीया नगरे जो भेजे, ज़ैखन तैना तैडी पुजे त तैना यहूदी केरे प्रार्थना घरे मां जे। 11 बिरीया नगरेरे लोक थिस्सलुनीके नगरेरे यहूदन करां भले थियो, तांए तैनेईं खुशखबरी बेडि खुशी सेईं कबूल की, तैना रोज़ एना गल्लां केरे बारे मां गलबात केरते थियो, कि पौलुसेरी गल्लां सेच्छी आन कि नईं। 12 एल्हेरेलेइ काई यहूदेईं ते काई होरि यूनानी इज़्जतदार कुआन्शेईं भी यीशु पुड विश्वास कियो। 13 ज़ैखन थिस्सलुनीके नगरेरे यहूदन पतो लगे कि पौलुस बिरीया नगरे मां परमेशरेरू वचन शुनाते, ते तैना लोकन भटकाने ते हलचल मचाने लगगे। 14 तैखन विश्वासी ह्लाएईं पौलुस समुन्दरेरे बन्ने भेजो, पन सीलास त तीमुथियुस तैडी राए। 15 ते पौलुसेरी मदत केरनेबाले एथेंस नगरे तगर जे, ते सीलास ते तीमुथियुसेरे लेइ बिस्तार नेइतां चले जे, कि मीं कां जल्दी एज्जे। 16 ज़ैखन पौलुस एथेंस नगरे मां तैन बलगने लगगोरो थियो, त एन तकते कि सारू नगर मूरती सेईं भेरतांए त तैसेरो दिल बडो उदास भोव। 17 एल्हेरेलेइ तै प्रार्थना घरे मां यहूदन ते तैन सेईं जैना परमेशरेरो डर मन्नेबाले (भक्त) गैर कौमन मरां यहूदन मां ओरे थियो चौके मां गेइतां मिलतो थियो, ते तैन सेईं रोज़ बेंस केरतो थियो। 18 किछ इपिकूरी ते किछ स्तोईकी उस्ताद तैस सेईं बेंस केरने लगे, ते तैन मरां किछ ज़ोने लगे, “बकवादी कुन ज़ोनू चाते?” ते किछ ज़ोने लगे, “ए त होरि देबतां केरो पतो देनेबालो भोइ सकते, किजोकि पौलुस यीशुएरो ते कने जीते भोनेरी खुशखबरी शुनातो थियो।” 19 तैखन तैनेईं तै एप्पू सेईं साथी अरियुपगुस नव्वेरे मन्दरे मां नेव, ते तैस पुच्छू, “कुन अस जैनी सकतम कि ज़ैस नव्वे पंथेरी तू शिक्षा देतस, तै कुने? 20 असां तेरे ऐशेरां बेडि आजीब गल्लां शुन्ने लोरेम, ते असां एन ज़ानून चातम कि एन केरो कुन मतलबे?” 21 (द्रासले मां एथेंसेरे लोक कुन देशी कुन परदेशी अपनि फुरस्तरो सारो मौको होरि कम्मां केरे बजाहे सिफ नव्वीं-नव्वीं गल्लां ज़ोने ते शुन्ने मां गुज़ारते थियो।) 22 तैखन पौलुस अरियुपगुसे नव्वेरे मन्दरे मझाटे खडो भोइतां ज़ोने लगे, “हे एथेंसेरे लोकव, अवं हेरताईं कि तुस हर गल्ली मां देबतन बडो उच्चो द्रजो देतथ। 23 ज़ैखन अवं तुश्शे नगर मां हंठतो फिरतो थियो, त मेरी नज़र तुश्शे पूजनरी चीज़न पुड ते बलिदानेरी ठारी पुड पेईं, ज़ैस पुड लिखोरू थियूं, अनज़ान परमेशरेरे लेइ, बस्सा तुस ज़ैस ज़ानथ नन्ना ते तैसेरी पूजा केरतथ, अवं तुसन तैसेरे बारे मां ज़ोताईं। 24 ज़ैनी परमेशरे दुनिया ते सैरी चीज़ां बनेवरिन, तै धेरतरो ते अम्बरेरो मालिक, तै हथ्यां केरे बनेवरे मन्दरन मां न राए। 25 तैस मैनेरे मद्दतरी

ज़रूरत नई, किजोकि तै केन्ची चीज़री ज़रूरत नई, तै सैरन 9 एककी राती प्रभुए पौलुसे सेइं दशनि मां गल की, ते ज़ोवं, “डर ज़िन्दगी ते सांस ते सब किछ देते। 26 तैनी एककी मैन्हु सेइं हर कौमारे लोक पैदा किये, ताके सारे ज़मीनी पुड़ आबाद भोन, तैनी तैन केरि ज़िन्दगरे दिहाड़े बनाए ते रानेरे लेइ ठार बनाई। 27 परमेशरे एन कियूं ताके लोक तैस तोप्पन ते शैइद तोपते-तोपते तैन मैल्ली गाए, हालांकी तै असन केन्ची करां दूर नई। 28 किजोकि तै असन सेइं साथी आए ते ज़ींते रातम ते च़लतम फिरतम, ज़ेन्चरे कि तुशे लिखने बालेई भी ज़ोरूप, ‘असां त तैसेरे बच्चेम।’ 29 ते परमेशररे बच्चे भोइतां सोचेरू लोड़े, कि ईश्वरत्व सोन्ने, चैदरी, या घोड़ेरी मूरतरीए ते ज़ै केन्ची मैनेरे हाथां केरि कारीगिरीए ते खियाले सेइं आए। 30 एन्हरेलेइ परमेशरे लोकां अज्ञानतारे वक्ते पुड़ ध्यान न दित्तू, ते हुनी ते मैन्नू सेबभी ठैरन हुकम देते कि मन फिरान। 31 किजोकि तैनी अक दिहाड़ी ठुवालवरीए ज़ैखन तै सच्चे सेइं दुनियारो इन्साफ एककी एरे मैनेरे ज़िरिये सेइं केरेलो, ज़ै तैनी रखखोरोए, ते तै तैनी मुड़न मरां ज़ींतो केरतां ए गल सैरी मैन्नू साबत कियोरीए।” 32 ज़ैखन तैनेई मुड़दां केरि आदालतरे बारां मां शुनू त तैन मरां किछ एस गल्लरी मज़ाक बनाने लगे, ते किछेई ज़ोवं, “अस एस बारे मां फिरी कोस्कोई शुन्मेलो।” 33 एन हेरतां पौलुस तैटां निस्तां च़लो जेव। 34 पन किछ लोक तैस सेइं मिली जे, ते तैनेई प्रभु पुड़ विश्वास कियो, तैन मरां अक दियुनुसियुस ज़ै अरियुपगुसेरो प्रधान थियो, ते अक कुआन्श थी, तैसाक नवं दमरिस थियूं, ते तैन केरे अलावा हारे भी बड़े मैन्हु थियो।

**18** तैसेरां बाद पौलुस एथेंस नगरे मरां निस्तां कुरिन्थुस नगरे मां अव। 2 तैड़ी तैस अक यहूदी मैल्लो, तैसेरू नवं अक्विला थियूं, ते तै पुन्तुस इलाकेरो रानेबालो थियो, ते तैसेरी कुआन्शरू नवं प्रिस्किल्ला थियूं, ते दुइये साथी इतालिया इलाकेरां ओरां थियां, किजोकि क्लौदियुस हाकिमे हुकम दित्तोरो थियो, कि सारे यहूदी रोमे मरां च़ले गान ते पौलुस तैन कां जेव। 3 किजोकि पौलुसेरो ते अक्विलारो तेम्बु बनानेरो बुपार थियो, तांए पौलुस तैस सेइं साथी राव, तैना कम केरने लगे। 4 ते पौलुस हर आरामेरे दिहाड़े तैन केरे प्रार्थना घरे मां गातो थियो, ते यहूदी लोकन ते यूनानी लोकन समझाने लगे कि, यीशु पुड़ विश्वास केरा। 5 ज़ैखन सीलास ते तीमुथियुस मकिदुनिया इलाके मां आए, त पौलुस वचन शुनाने मां मघन थियो, ते लगातार यहूदन सेइं एन ज़ोतो थियो कि यीशु ही मसीह आए। 6 पन ज़ैखन यहूदी खलाफत त कने तुहीन केरने लगे, त पौलुसे अपना लिगडां ठुड़कां ते ज़ोने लगे, “तुशो खून तुशे दोग्गे पुड़ भोए! अवं बेइलज़ाम आई, अज़्जेरे बाद अवं गैर कौमन कां गेइलो।” 7 तैखन प्रार्थना घरे मरां निस्तां तीतुस यूस्तुस नवंचरे एककी परमेशररे भक्त मैनेरे घरे जेव, ज़ै गैर कौमी मरां थियो, जेसेरू घर प्रार्थना घरे सेइं साथी थियूं। 8 एस प्रार्थना घरेरो प्रधान क्रिस्पुसे ते तैसेरे सारे टब्बरे प्रभु पुड़ विश्वास कियो, ते बड़े कुरिन्थिसेरे लोकेई शुन्तां विश्वास कियो ते बपतिस्मो नीयो।

9 एककी राती प्रभुए पौलुसे सेइं दशनि मां गल की, ते ज़ोवं, “डर नन्ना ते तू ज़ो ते चुप न रा, 10 किजोकि अवं तीं सेइं साथी आई, ते कोई तीं पुड़ हमलो केरतां नुकसान न पुजेई सकेलो, किजोकि इस नगर मां बड़े लोकन जैना मीं पुड़ भरोसो रखेले।” 11 पौलुस तैड़ी डैड साल राव, ते तैन परमेशररी खुशाखबरी शिखालतो राव। 12 ज़ैखन गल्लियो, अखाया इलाकेरो हाकिम थियो, त यहूदेई मिलतां पौलुसे पुड़ हमलो कमाव, ते पौलुस टलेइतां आदालतरे तखते कां नीयो, ते ज़ोने लगे। 13 “एन लोकन समझाते, कि परमेशररी आराधना एन्हरे केरा, ज़ै मुसेरे कानूनेरे बिलकुल बरखलाफे।” 14 पौलुस ज़ैखन किछ ज़ोने बालो थियो, त गल्लियोए यहूदन सेइं ज़ोवं, “हे यहूदी लोकव, अगर केन्ची जुमेंरी या कोई बड़ी बुरी गल भोथी त अवं तुशशी शुनेथो। 15 पन तुशशो इलज़ाम त सिर्फ खाली गल्लां केरो ते नव्वां केरो ते तुशशे कानूनेरे बारे मां आए, ते अवं न ज़ैनी, किजोकि अवं एन गल्लां केरो हाकिम बननो न चैई।” 16 ते गल्लियो हुकम दित्तो कि एन तखते करां बेइरोवं कडे। 17 तैखन तैनेई सेबभेई प्रार्थना घरेरो प्रधान सोस्थिनेस इन्साफेरे तखतेरे सामने कुटो, पन गल्लियोए एन गल्लां केरि किछ भी परवाह न कमाई। 18 पौलुस काई दिहाड़े कुरिन्थुस नगरे मां राव, ते फिरी तै विश्वासी ढलान करां च़लो जेव ते किंखिया मां अपनि मिनत पूरी केरनेरे लेइ अपने दोगेरी टिंड बनाई। ते बादे मां समुन्दरी ज़िहाज़े मां सीरिया इलाके जो च़लो जेव, ते प्रिस्किल्ला ते अक्विला भी तैस सेइं साथी थियां। 19 ज़ैखन तैना इफिसुस नगरे मां पुजे त पौलुसे प्रिस्किल्ला ते अक्विला तैड़ी छडां, ते पौलुस एककी प्रार्थना घरे मां जेव ते यहूदन सेइं बेंस केरने लगे। 20 ज़ैखन तैन लोकेई तैस कां मिनत की, “कि तू हेजू किछ दिहाड़े असन कां बिशा।” त पौलुसे तैन सेइं मन्हू, 21 पन ज़ैखन पौलुस तैटां च़लो त तैनी तैन सेइं वादो कियो, “अगर परमेशररी मर्जी भोइ त अवं फिरी तुसन कां एज्जेलो।” ते फिरी पौलुस ज़िहाज़े मां च़ेढतां इफिसुसे जो च़लो जेव। 22 ते कैसरिया नगरे मां ज़िहाज़े मरां ओस्सो त तैनी यरूशलेम नगरे मां गेइतां तैन केरि कलीसियारे लोकन सेइं मिलने जेव, ते फिरी तै अन्ताकिया नगरे मां अव। 23 अन्ताकिया नगरे मां किछ च़िर बितनेरे बाद तै तैटां च़लो जेव, ते गलातिया ते फ्रूगिया इलाकां केरे सब चलन मज़बूत केरतो जेव। 24 अपुल्लोस नवंचरे अक यहूदी थियो, तैसेरू ज़र्म सिकन्दरिया नगरे मां भोरू थियूं, तै बड़ो ज़ाना मैन्हु थियो, ते पवित्रशास्त्रेरे बारां मां बड़ो ज़ानकार थियो, तै इफिसुस मां अव। 25 तैनी प्रभुएरे बत्तरी शिक्षा शिखोरी थी, ते लगातार यीशुएरे बारे मां ठीक-ठीक शुनातो ते शिखालतो थियो, पन तै सिर्फ यूहन्नेरे बपतिस्मे तगर ज़ानतो थियो। 26 तै प्रार्थना घरे मां बेधड़क च़ारे ज़ोने लगे, पन प्रिस्किल्ला ते अक्विला तैसेरी गल्लां शुन्तां, तैनेई तै अपने घरे नीयो, ते परमेशररी बत्तारे बारे तैस होरू भी रोड़े च़ारे ज़ोवं। 27 ज़ैखन तैनी थापू कि पार ओस्तां अखाया इलाके जो गाए ते विश्वासी ढलाएई तैस हिम्मत दिती,

ते तैद्वेरे चेलन जो चिट्ठी लिखी, कि एस सेईं रोड़ेचारे मिलाथ, ते तैनी तैडी पुजतां तैन केरि बडी मद्दत की, ज़ैनेई अनुग्रहेरे वजाई इकरार सेबभी केरे सामने कियो। 19 ते केही लोकेईं ज़ैना जैदू सेईं विश्वास कियोरो थियो। 28 किजोकि तै बड़े ज़ोरे शोरे सेईं यहुदन सेईं बेंस केरतां खुल्ले आम पवित्रशास्त्रे सेईं साबत केरतो थियो, कि यीशु ही मसीह।

**19** ज़ैखन अपुल्लोस कुरिन्थुस नगरे मां थियो, त पौलुस बेइएं सारे इलाकन मेईं इफिसुस नगरे मां अव, तैसेरी तैडी होरे भी काई चेलन सेईं मुलाकत भोइ। 2 तैनी तैन पुच्छू, “कुन विश्वास केरते बार तुसन पुड़ पवित्र आत्मा उतरोरी थी?” तैनेईं जुवाब दित्तो, “असेईं त पवित्र आत्माे बारे मां शुनेरू भी नईं।” 3 तैखन पौलुसे ज़ोवं, “फिरी तुसेईं कोस किसमेरो बपतिस्मो नीयो?” तैनेईं जुवाब दित्तो, “यूहन्नारो।” 4 पौलुसे ज़ोवं, “यूहन्ना त तैन लोकन बपतिस्मो दित्तो ज़ैनेईं पापन करां मनफिराथ, ते यूहन्ना इसाएली लोकन ज़ोवं, ज़ै मेरे बाद एजनेबालोए, तैस पुड़ विश्वास केरा, ज़ै मसीह आए।” 5 एन शुन्तां तैनेईं प्रभु यीशु मसीहेरे नब्बे सेईं बपतिस्मो नीयो। 6 ते ज़ैखन पौलुसे तैन पुड़ हथ रखे त पवित्र आत्मा तैन पुड़ उतरी, त तैना अलग-अलग भाषा केरने लगे, ते भविष्यवाणी केरने लगे। 7 एना सब लगभग 12 मैन्हु थियो। 8 फिरी पौलुसे प्रार्थना घरे मां गेइतां ट्लेइ महीन्न तगर बड़े निडर भोइतां परमेशेरे राज़ेरे बारे मां लोकन सेईं बेंस केरने समझाने लाव। 9 पन तैन मरां किछ सकत दिलेरे भोइ जे, ते तैनेईं विश्वास केरनेरे बजाहे इन्कार कमाव, ते एस पंथेरे बारे मां बुरू ज़ोने लगे, एल्हेरेलेइ पौलुस तैन करां कनारे भोइ जेव, ते चेले भी कनारे कियो ते तुरन्नुसेरे सुकुले मां बेंस केरतो ते तैन शिखालतो राव। 10 दूई सालन तगर एरू भोतू राव, एडी तगर कि आसिया इलाकेरे रानेबाले कुन यहूदी ते कुन यूनानी सेबभेईं प्रभुएरू बच्चन शुनू। 11 ते परमेशर पौलुसेरे ज़िरियो सेईं बडां-बडां कम्मां ते चमत्कार हिरातो थियो। 12 एडी तगर कि पौलुस ज़ैस रूमाले सेईं या फटके सेईं हथ लातो थियो, त तैना बिमारन पुड़ छडते थियो, त तैना बिमार बेइज्जोते थियो, ते अगर तैन पुड़ भूतां केरो सैयो भोतो थियो, त तैना लोक ठीक भोते थियो। 13 पन किछ यहूदी मड़द ज़ैना फुक-फुक केरते थी, ते एन केरने लगे कि, ज़ैन पुड़ भूतां केरो सैयो भी भोए तैन पुड़ यीशुएरे नब्बे इन ज़ोइतां फुक फुक देने लाए, “ज़ैस यीशुएरो प्रचार पौलुस केरते, अवं तैसेरी कसम देताईं।” 14 यहूदी प्रधान याजक ज़ेसेरू नवं स्क्कवा थियूं, तैसेरां सत मट्ठां थियां, तैना एन्ने कम्मां केरतां थियां। 15 ते भूते जुवाब दित्तो ते ज़ोवं, “अवं यीशु मसीह भी ज़ानताईं ते पौलुसे भी ज़ानताईं, पन तुस कौन आथ?” 16 तैखन तै मैन्हु ज़ैस पुड़ भूतेरो सैयो थियो, तैन यीशुएरे नब्बे सेईं फुक-फुक देने बालन जो पेव, ते तैना अपने कब्जे मां केरतां एत्रे कुट्टे कि तैना ज़ख्मी भोइतां नगनगे तैइं नशो। 17 ज़ैखन इफिसुस नगरेरे रानेबाले यहूदन ते यूनानी लोकन एस गल्लरो पतो लगे, त तैना डेरि जे, ते प्रभु यीशु मसीहेरी बड़याई की। 18 ते ज़ैनेईं

विश्वास कियोरो थियो, तैनेईं एइतां अपने-अपने बुरे कम्मां केरो इकरार सेबभी केरे सामने कियो। 19 ते केही लोकेईं ज़ैना जैदू केरते थियो, तैना किताबां सेईं एन्तां सेबभी केरे सामने फुकी, ते ज़ैखन तैन किताबां केरि कीमतारो हिसाब लाव त कोई 50000 चेंदरे सिकन करां जादे थी। 20 एन्चरे प्रभुएरो वचन बड़े तकड़े चारे फैलतो जेव ते भारी राव। 21 एन गल्लां केरे बाद पौलुसे फैसलो कियो, कि अवं मकिदुनिया ते अखाया इलाकां केरे विश्वासी लोकन सेईं मिलतां यरूशलेम नगरे जो गेइ, ते तै ज़ोवं, “यरूशलेम नगर मां गेइतां रोम नगर भी मां गानू भी ज़रूरीए।” 22 एल्हेरेलेइ अपने सैथन मरां तीमुथियुस ते इरास्तुस दूई मैन्हु मकिदुनिया इलाके जो एप्पू करां पेइले भेजे, ते एप्पू भी किछ चिरे आसिया इलाके मां राव। 23 तैस वक्ते तैस पंथेरे बारे मां हंगामो भोव। 24 किजोकि अक चेंदरो करीगिर थियो, तैसेरू नवं दिमेत्रियुस थियूं, ते अरतिमिस देबारे मन्दरेरी मूरती बनेइतां, कारीगिरन बडू कम दुवेरु थियूं, ज़ैस सेईं तैन केरो बडो बुपार चलोरो थियो। 25 तैनी एन कम ज़ान्ने बाले सारे कारीगिर अकोट्टे कमाए ते ज़ोने लगे, “हे मेरे इलाव असां इन कम केरतां बड़े पेंइसे कमातम। 26 पन तुस हेरतथ ते शुन्तन कि एना दूई मैन्हु पौलुसेरे ज़ेरे केन्चरे इफिसुस नगरे ते लगभग सारे आसिया इलाकेरे नगरन मां लोकन टपलाने लोरेन ते ज़ोतन कि ज़ै हथेरां केरि कारीगिरीए, तै ईश्वर नईं। 27 डर एस गल्लरो नईं, सिर्फ कि इशेरी पैशेरी बदनामी भोली, बल्के पुरानी देबी अरतिमिस, ज़ै आए तैसारू मन्दर भी घटया समझू गालू, जेसेरी पूजा सारे आसिया इलाके मां ते सारे दुनियाईं मां केरतन, तैसेरी इज्जत भी खतम भोइगानियो।” 28 ज़ैखन तैन लोकेईं शुनू त तैना सरकी सेईं भेरोई जे, ते ज़ोरे-ज़ोरे नहरे देने लगे, “इफिसी केरि देबी अरतिमिस, महान आए!” 29 हेरते-हेरते सारे नगर मां हलचल मेचि जेईं, लोकेईं गयुस ते अरिस्तार्खुस, मकिदुनी इलाके ज़ैना पौलुसे सेईं साथी ओरे थियो, तैना ट्लेइतां घसीटते तमाशो हेरनेरी ठेरी जो दौवइते ने। 30 पौलुस भी सभाईं मां गानू चातो थियो पन चेलेईं तै रोको। 31 ते आसिया इलाकेरे हाकिमन मरां भी तैसेरे काई दोस्तेईं तैस जो बिस्तार भेजतां ते मिनत केरतां ज़ोवं, कि तमाशो हेरने न गेइयां किजोकि तैडी बडो खतराए। 32 तैडी पैन्चयती मां खलबली मचोरी थी, किजोकि किछ लोक नहरे देते थियो, ते बड़े लोकन पतो न थियो कि तैना तैडी किजो अकोट्टे भोरेन। 33 तैखन तैनेईं सिकन्दर, ज़ै यहूदी लोकेईं खडो कियोरो थियो, भीडी मरां किछ लोकेईं तै अग्रोवं कियो, ते सिकन्दर हथ्ये सेईं इशारो केरतां लोकां केरे सामने जुवाब देने चातो थियो। 34 पन ज़ेरो लोकन पतो लगे कि ए यहूदी आए, त सब ज़ोरे-ज़ोरे लगभग दूई घंटन तगर चिन्डां मारने लगे, “इफिसुस नगरेरे देबी अरतिमिस, महान आए।” 35 तैखन एक्की मंत्री नगरेरे लोकन चुप करेइतां ज़ोने लगे, “कि इफिसुस नगरेरे रानेबालो कौन न ज़ाने कि इफिसुस नगर लोक अरतिमिस देबारू मन्दरे, ते एसेरे मूरतरो

बड्डी रखवालेन, जैन अम्बरेरां बिछड़ोरो थी। 36 ज़ैखन एना गल्लां केरे खलाफ केन्चे किछ न ज़ोवं त ठीक थियूं कि तुस चुप राथ ते बगैर सोच सेमझतां किछ न केरेथ। 37 तुसेई ज़ैना मैन्हु इडी आनोरेन तैनेई न मन्दरे लुटेरुए न इश्शी देबारे खलाफ तुहीन कियोरीए। 38 अगर दिमेत्रियुस ते एसेरे कारीगिरन केन्ची पुड़ दाओ केरनोए त आदालतरु दार खुल्लूए, ते हाकिम भी आन, जैडी तुस एककी होरि पुड़ दाओ केरि सकतथ। 39 पन अगर तुस होरि कोन्ची चीज़रे बारे मां पुछ्नु चातथ त तैसेरो पन फैसलो भी पंचैदती मां कियो गालो।” 40 मीं इस गल्लरो डरे कि अगर हाकिम इस हंगामेरे बारे मां शुनेलो त ज़ोलो कि अस रोमी सराकारारी खलाफरज़ी केनेरी कौशिश केरने लोरेम, ते अस एत्रे लोकां केरे अकोट्टे भोनेरो कुन जुवाब देमेले। 41 एन ज़ोनेरां बाद तैनी पैन्चैयत खतम कमाई।

**20** ज़ैखन हंगामो मुक्को त पौलुसे चले कुजाए ते तैन केरो होसलो बधव, ते तैन बिश्शा ज़ोइतां मकिदुनिया इलाके जो ज़लो जेव। 2 तैस सारे मुलखे मांमेइं चेलन होसलो देइतां यूनान इलाके मां (ज़ैस जो अखाया इलाको भी ज़ोतन) अव। 3 तैडी तै ट्लाई महीने राव, ते ज़ैखन तै समुन्दरी ज़िहाज़े मां सीरिया इलाकेरे पासे गानेबालो थियो, त यहूदी केरे लीडरेईं तैस बत्तां मारनेरी साज़िश बनाई, तैस पतो लगे त एल्हेरेलेइ तैनी एन रोडू समझू कि मकिदुनिया इलाके मांमेइं जो सीरिया इलाके जो गाए। 4 बिरिया नगरेरे रानेबाले पुरुसैरु मटू सोपत्रुस, ते थिस्सलुनीकि मांमेइं अरिस्तार्खुस ते सिक्नुन्दुस ते दिरबे नगरेरो गयुस, ते तीमुथियुस ते आसियारो तुखिकुस ते त्रुफिमुस आसिया इलाके तगर असन सेइं साथी चले जे (लूका भी तैन सेइं साथी थियो)। 5 पन तैना अग्रोवं गेइतां त्रोआस नगरे मां असन बलगते राए। 6 ते अस अखमीरी रोटी केरे तिहारे बाद फिलिप्पी नगरे मरां सफर केरतां पंच दिहैडी मां त्रोआस नगरे मां तैन कां पुज़े, ते रात दिहैडी तैडी राए। 7 हफतेरे पेइले दिहाड़े असां प्रभु भोजेरे लेइ अकोट्टे भोए, ते पौलुसे होरसां तैटां अग्रोवं गानू थियूं, त एल्हेरेलेइ तै तैन सेइं गल्लां केरने लाव ते एध्दी राती तगर तैन शिक्षा देने लाव। 8 दोपरे ज़ैडी असां सब अकोट्टे बिश्शोरे थिये, त तैडी काई दीये बलते थिये। 9 त अक नौजवान देरी मां बिशोरो थियो, ते तैसेरु नवं यूतुखुस थियूं, ते पौलुसेरो प्रचार ठड्डी तगर शुन्तां तैस निड्ल आई, ते ट्लेइयोवं छतरां उन्डो खिरको, ते ते मेरि जेव। 10 पौलुस बुन अव ते ते नौजवान ट्लेइतां तैस सेइं लिपटो ते ज़ोने लगे, “कि डरा नन्ना ए ज़ाँतोए।” 11 फिरी तैनेई बा गेइतां सेभ्भेई मिलतां रोटी खाइ, ते फिरी ट्लेकडोने तगर बच्चन शुनाने लगे, तैखन ते तैटां ज़लो जेव। 12 लोकेई तै नौजवान ज़ाँतो घरजो नीयो, ते तैन बडी खुशी भोइ। 13 असां अगगर गेइतां ज़िहाज़े मां सुवार भोइ जे, ते अस्सुस नगरे जो चले जे, ताके तैडी पौलुसे भी ज़िहाज़े मां च़ाढम, किजोकि पौलुसे पेइले पैदल गानेरो बिस्तार कियोरो थियो। 14 ज़ैखन तै असन अस्सुस नगरे मां मैल्लो त तै

असेईं ज़िहाज़े मां च़ाढो ते असां मितुलेन नगरे मां आए। 15 तैटां असां ज़िहाज़े मां सुवार भोइ जे ते अस खियुस जज़ीरे सामने पुजे, ते अग्री दिहाड़े असां सामुसे मां पुजे, ते होरसां अस मीलेतुस नगरे मां आए। 16 पौलुसे थापेरु थियूं, कि अवं इफिसुस नगरे मां उतरेलो, किजोकि तै आसिया इलाके मां जादे वक्त बीतानो न थियो चातो, किजोकि तै जल्दी मां थियो, कि अगर भोइसखे, त तै पिन्तेकुस्त तिहारेरे दिहाड़े यरूशलेम नगरे मां राए। 17 ज़ैखन अस मीलेतुस नगरे मां ओस्से, त पौलुसे इफिसुस नगरेरे कलीसियारे बुजुर्गन जो बिस्तार भेजो कि तैना एज्जन। 18 ज़ैखन तैना तैस कां आए, त तैनी तैन सेइं ज़ोवं, तुस ज़ानतथ कि पेइले दिहाड़रां ज़ैखन अवं आसिया इलाके मां पुज़ो, अवं तेइसेरो देंतो अज़ तगर हर वक्त तुसन सेइं साथी केन्चरां राव। 19 मतलब बडे नेरमी सेइं, ते ऐंखरु बछोडी-बछोडी, ते तैन अज़मैइश मां ज़ैना यहूदी केरि च़लैकी सेइं मीं पुड़ एई, अवं प्रभुपरी सेवा केरतो राव। 20 ते ज़ैना-ज़ैना गल्लां तुशशे लेइ फ़ैइदेरी थी, तैना मीं तुसन सेइं बगैर केन्चेरे डरे तुसन सेइं जोई छेड्डी, ते बल्के ज़ैन किछ भी शिखालू दिले सेइं ते घर-घर गेइतां शिखालू। 21 बल्के अवं यहूदी लोकां ते यूनानी लोकां केरे तुइयां केरे सामने गवाही देताई कि तैना परमेशेरेरे सामने पापन करां मन फिरान, ते इश्शे प्रभु यीशु मसीह पुड़ विश्वास केरन। 22 हेरा हुनी अवं पवित्र आत्मारी गल मेन्तां यरूशलेम नगरे जो गाताई, ते मीं पतो नई कि तैडी मीं पुड़ केरि-केरि गुजरेली। 23 अवं सिर्फ एत्रु ज़ानताई कि पवित्र आत्मा मीं हर नगर मां एन ज़ोती राई, कि बन्धना ते मुसीबत मेरे लेइ तियारन। 24 पन मेरी जान, मेरे लेइ कोई कदर कीमत न रखवे, त बस्सा अवं एन चाताई कि मेरी दौड़ पूरी भोए ते तैस सेवाई पूरी केरि, ज़ै मीं परमेशेरेरे अनुग्रहेरे खुशखबरी पुड़ गवाही देनेरे लेइ प्रभु यीशु करां मैल्ली। 25 ते हुनी अवं ज़ानताई, कि तुसेईं अवं ज़ैन मां परमेशेरेरे अनुग्रहेरी खुशखबरी हर पासे शुनातो राव, त मीं फिरी न लाएले। 26 एल्हेरेलेइ अवं तुसन साफ-साफ ज़ोई छडताई, कि ज़ैना लोक यीशु पुड़ विश्वास केरने बगैर मरेले, त अवं तैन केरे ज़िमेवार नई। 27 किजोकि अवं बगैर केन्ची डेरां तुसन शिखालतो राव, कि परमेशेरी मज़ीं तुशशे लेइ कुने। 28 बस्सा अपनो ते सारे विश्वासी लोकां केरो खियाल रखा, ज़ेसेरे लेइ तुस पवित्र आत्माे तरफां चुनोरेथ, कि परमेशेरी कलीसियारी रखवाली केरा, ज़ै लोक तैनी अपने खूने सेइं धिन्नेरेन। 29 अवं ज़ानताई कि मेरे गानेरां बाद झूठे उस्ताद मारने बालां गिदां केरे ज़ेरे तुसन मां एज्जले, ते ज़ेन्चेरे तैना भैडून मारतन तेन्चेरे तैना झूठे उस्ताद तुसन नुकसान पुज़ाले। 30 बल्के तुसन मरां भी एरे लोक खडे भोले ज़ैना सत्र ट़लोइ मरोइ केरतां छेडले, ताके चेलन अपने पासे केरन। 31 एल्हेरेलेइ बींझे राथ ते याद रखा, कि अवं ट़लाई साल लेरां देंतो रात दिहैडी हर एककी तैन खबरदार केरतो राव। 32 हुनी अवं तुसन परमेशेरे, ते तैसेरे अनुग्रहेरे वचनेरे सुपुद केरताई, कि ज़ै तुसन विश्वासे मां मज़बूत

केरि सकते, ते तुसन तैस जागिरारो हकदार बनेइ सकते, ज़ेसेरो वादो तैनी कियोरोए ज़ैनी तुस पवित्र कियोरेथ। 33 मीं केन्चेरे सोनो चेंदारू या लिगडां केरू लालच नई कियेरू। 34 तुस एप्पू ज्ञानतथ कि मीं अपने हथेइ सेइं अपने ते अपने सैथी केरि हर अक ज़रूरत पूरी कियोरीए। 35 मीं तुसन सब किछ केरतां हिराव, कि एन्चेरे सेइं कमज़ोरन समैली सकतम, कि प्रभु यीशु मसीहेरी गल्लां याद रखम, “कि देनू नेने करां जादे धने।” 36 एन गल्लां केरे बाद पौलुसे ज़ैथू केरे भारे बिशतां तैन सेबभन सेइं साथी प्रार्थना की। 37 तैना सब गले मिलतां लेरां देने लगे, ते पौलुसे फुम्मड़ी देने लगे। 38 खास केरतां तैना इस गल्ली सेइं दुखी थी, ज़ैना तैनी ज़ोरी थी, कि तुस मीं फिरी कधी न लाएले, ते तैनेई ते ज़िहाज़े तगर पज़ाव।

**21** ज़ैखन असां तैन करां चले जे ते समुन्दरेरे सफर शुरू कियूं, त सिधे बत्तां कोस जज़ीरे मां आए, ते होरसां अस रूदुस मां पुजे, ते फिरी तैदां पतरा जज़ीरे मां चले जे। 2 ते अक ज़िहाज़े फीनीके इलाके जो गांतू मैल्लू, त असां तैस पुड़ च़ेढ़तां सफर शुरू कियूं। 3 ज़ैखन इश्शी नज़र साइप्रस जज़ीरे पुड़ पेई, त अस तैस बांए हथ्ये ओसैलतां सीरिया इलाके जो चले जे, सूर नगरे मां ओस्से, किजोकि इश्शे ज़िहाज़े तैड़ी किछ बोझ उसालनो थियो। 4 तैड़ी असन चले मैल्ले ते तैन कां असां सत दिहाड़े राए। तैनेई पवित्र आत्मारो ज़ोने मुताबिक पौलुसे यरूशलेम नगरे मां गानेरे लेइ ठाको। 5 सत दिहैइना बाद कुआन्थां मट्टन समेत नगरेरे बेइर तगर साथी आए, ते समुन्दरेरे बन्ने पुजतां असेई ज़ैथू केरे भारे बिशतां प्रार्थना की। 6 फिरी असां तैन करां अलग भोए त ज़िहाज़े मां च़ेढ़तां चले जे, ते तैना भी अपने-अपने घरजो चले जे। 7 ज़ैखन असां सूर नगरे मरां सफर पूरू केरतां पतुलिमयिस मां पुजे, ते विश्वासी ढलान जो नमस्कार केरतां तैन सेइं साथी अक दिहाड़ी राए। 8 ते होरसां असां तैदां च़ेढ़तां कैसरिया नगरे मां आए, ते फिलिप्पुस खुशखबरी प्रचार केरनेबालेरे घरे जे ते तैड़ी राए, ज़ै सत्तन मरां अक थियो। 9 तैसेरी च़ेढ़े कुवेरी कुइयां थी, ते तैना भविष्यवाणी केरती थी। 10 ज़ैखन अस तैड़ी काई दिहाड़े राए, त तैड़ी अक नबी थियो, ज़ेसेरू नव अगबुस थियूं, तै यहूदिया इलाकेरां ओरो थियो। 11 तैनी असन कां एइतां पौलुसेरे मजे सेइं अपने हथ पाव बंधे ते ज़ोने लगे, “पवित्र आत्मा इन ज़ोतीए कि ज़ैस मैनेरू इन मज़ आए, तैस यरूशलेम नगरेरे यहूदी इसेरे ज़ेरे बंधेले, ते गैर कौमां केरे लोकां केरे हवाले केरेले।” 12 ज़ैखन असेई एना गल्लां शुनी, त असेई ते होरि लोकेई पौलुसे कां मिनत की, कि यरूशलेम नगरे मां न गेइयां। 13 पन पौलुसे जुवाब दित्तो, “तुस एन कुन केरने लोरेथ? तुस किजो लेरां देइ-देइ मेरो दिल टूलोइने लोरेथ? अव यरूशलेम नगरे मां प्रभु यीशु मसीहेरे नव्वे सेइं सिफ बंधोनेरे लेइ नई बल्के मरनेरे लेइ भी तित्यार आई।” 14 ज़ैखन तैनी न मनू त असां चुप राए, “कि प्रभुएरी मर्ज़ा पूरी भोए।” 15 किछ दिहाइना बाद असां सफरेरी

तित्यारी केरने लगे, ते फिरी असां यरूशलेम नगरे जो च़ले जे। 16 कैसरिया नगरेरे किछ चले असन सेइं साथी च़ले, ते असेई मनासोन नव्वेरो साइप्रसेरो अक पुरानो चेलो साथी आनो कि अस तैसेरे घरे रहम। 17 ते ज़ैखन असां यरूशलेम नगरे मां पुजे, त इश्शे विश्वासी ढला बड़े खुशी सेइं असन सेइं मिलने आए। 18 होरसां असां पौलुसे साथी नेइतां याकूब सेइं मिलने जे, तैड़ी सब बुजुर्ग अकोट्टे भोरे थिये। 19 तैखन तैनी नमस्कार केरतां, ज़ैना- ज़ैना कम्मां परमेशरे तैसेरी सेवारे ज़िरिये सेइं गैर कौमन मां कियोरां थी, अक-अक केरतां सब जोआं। 20 तैनेई इन शुन्तां परमेशेरी तारीफ की, ते फिरी पौलुसे सेइं ज़ोने लगे, “हे ढला तू ज्ञानतस, कि यहूदन मरां हज़ारेई लोकेई विश्वास कियोरोए, ते तैना सब मूसरे कानूने पुड़ अमल केरने मां मघनन्। 21 ते तैन तेरे बारे शिखालेरू कि तू गैर कौमन मां रानेबाले सारे यहूदन ए शिक्षा देंतो ओरोस, कि मूसा नेबेरे कानूनेरे शारने, ते अपने मट्टां केरो खतनो न केरा, ते न यहूदी केरे रीतन पुड़ न च़ला। 22 त फिरी कुन कियूं गाए? लोकेई ज़रूर शुनेले कि इड़ी ओरोस। 23 एल्हेरेलेइ ज़ैन अस तीं सेइं ज़ोतम, तैन केर। इश्शे इड़ी च़ेढ़े मैन्हु आन ज़ैनेई मिनत मगोरीए। 24 तू तैन एप्पू सेइं साथी ने ते तैन सेइं मिलतां अपनो आप शुद्ध केर, ते तैन केरो खर्चो भी दे, ताके तैना अपनो दोगेरी टिंड बनान। तैखन सेबभन पतो लगनोए कि ज़ैना गल्लां तेरे खलाफ फैलेवरिन, तैन केरि कोई बुनीयाद नई, ते तू एप्पू भी सच्चे दिले सेइं मूसरे कानूने पुड़ अमल केरतस। 25 ते ज़ैड़ी तगर तैन गैर कौमां केरो सवाले, कि ज़ैनेई विश्वास कियोरोए, तैन केरे बारे मां असेई पेइले फेसलो केरतां लिखतां भेजू, कि तैना मूरतन कां बलिदान कियेरू मास ते खूने करां ते गलचैटी देइतां मारोरे जानवरां केरे मासे करां परहेज केरन, ते बदमाशी न केरन। 26 होरसां पौलुसे तैना मैन्हु साथी ने, ते तैन सेइं साथी अपने आपे शुद्ध केरतां मन्दरे मां जेव, ते खबर दित्ती कि तैन केरे शुद्ध भोनेरे बाद च़ढतल च़ाढ़नेरे दिहाड़े केइस पूरे भोनेन।” 27 ज़ैखन शुद्ध भोनेरे सत दिहाड़े पूरे भोनेबाले थिये, त आसिया इलाकेरे यहूदेई पौलुस मन्दरे मां लाव त लोक भडकाए, ते तैस टलेइतां चिन्दां मारने लगे। 28 “हे इसाएली लोकव इश्शी मद्दत केरा, ईए तै मैनुए, ज़ै हर ठैरी लोकन इश्शे कानूनेरे खलाफ ते मन्दरेरे खलाफ शिक्षा देंतो रहते, ते एनी एसेरां अलावा गैर कौमां केरे लोक इश्शे मन्दरे मां एन्तां ते पवित्र ठार अपवित्र कराते।” 29 तैनेई एन एल्हेरेलेइ ज़ोवं कि तैनेई पौलुस इफिसुस नगरेरे रानेबाले त्रुफिमस सेइं साथी लाहोरो थियो, ते समझते थिये कि पौलुसे ते ज़रूरी मन्दरे मां नीयोरो भोनेए। 30 तैखन सारे नगर मां हलचल मेचि जेई, ते मैन्हु देवइतां जम्हां भोए, ते पौलुस टलेइतां मन्दरे मरां घसीटतां बेइर आनो, ते लूशी दारां बंद कियां। 31 ज़ैखन तैना तैस मारनेरी कोशिश केरने लवरे थिये, त फौजी टोलरे सरदारे कां खबर पुजी, कि बड़े लोकेई यरूशलेम नगरे मां खलबली मचोरीए। 32 तैखन तैना सिपेहिन ते सूबेदारन एन्तां तैन कांजो दौड़ो, ते तैनेई

फौजी टोलरे सरदारे ते सिपाही लेइतां पौलुस मारनो कुटनो बंद कियो। 33 फौजी टोलरे सरदारे नेडे गेइतां पौलुस अपने कब्जे मां कियो, ते तैस दुई शांगलेइं सेइं बंधनरो हुक्म दित्तो, ते फिरी तैनी पुच्छू, “ए मैन्हु कौने ते एनी कुन कियेरु आए?” 34 तैस भीडीं मां किछ लोक चिन्डां मारते थिये, ते एत्री शौर मचौरी थी, कि तैस पूरो पतो न लगे ते तैनी हुक्म दित्तो, कि पौलुसे किल्लै मां पुजाथ। 35 जैखन पौलुस सिपाहीयेइं पेवड़न उबरो चलेवरो थियो, त लोकां केरे वजाई सेइं सिपाहीयेइं पौलुस उबरो छुइतां नेव। 36 सारे लोक जैना पौलुसे पत्ती पेवरे थिये, तैना चिन्डां मारते थिये, “एस मार।” 37 पौलुसे सिपाही किल्लै मां पुजाने बाले थिये, त तैनी फौजी टोलरे सरदारे सेइं ज़ोवं, “कुन मीं अज़ाज़ते कि अवं तीं सेइं किछ ज़ोई?” ते तैनी पुच्छू, “तू यूनानी भाषा जानतस?” 38 कुन तू तै मिस्र मुलखेरो रानेबालो नई, जैनी किछ चिरे पेइले सरकारारी खलाफत कियोरी थी, ते 4000 मैन्न जैन कां हथियार थिये तैना जंगले मां नीयोरे थिये? 39 पौलुसे ज़ोवं, “अवं त यहुदी आई, ते तरसुस नगरेरो राने बालोई, जैन किलिकिया इलाकेरू मुशूर नगर, अवं तीं कां मिनत केरताई मीं लोकन सेइं गल केरने दे।” 40 जैखन तैनी अज़ाज़त दित्ती, त पौलुस पेवड़न पुड़ खड़ी भोइतां लोकन जो हथ्ये सेइं इशारो कमाव कि चुप रान। ते जैखन तैनेई चुप कमाई त पौलुसे इब्रानी भाषाई मां ज़ोनू शुरू कमाव:

**22** “मेरे ढूलाव ते बुजुर्गाव, मेरी गल शुना, जै अवं अपनि सफैई मां पैश लोरोई केरने।” 2 जैखन लोकेई तैस करा इब्रानी भाषा ज़ोती शुनी त तैना चुप रेइजे, तैखन पौलुसे ज़ोवं: 3 “अवं त यहुदी आई, ते अवं किलिकिया इलाकेरे तरसुस नगरे मां ज़रमो, पन इस नगर मां गमलीएल करां शिक्षा हासिल की, ते अपने दादां-पड़दादां केरे कानूने ठीक तरीके सेइं शिखोरीए, ते अवं भी परमेशररे लेइ एरो मघन थियो, ज़ेरे अज़ तुस आथ। 4 मीं मड़दन ते कुआन्थन बंधतां, ते कैद केरतां, ई पंथ इडी तगर सताए, ते तैना माराए भी। 5 एप्पू महायाजक ते सब बुजुर्ग एस गल्लरे गवाह आन, कि मीं दमिशक नगरे मां रानेबाले यहुदी ढूलां केरे लेइ चिटी एन्होरी थी, ते अवं तैडी एस नीती सेइं जोरो थियो, ते जैना तैडी भोन तैन सज़ा देनेरे लेइ बेन्धतां यरूशलेम नगरे जो नेही।” 6 “अवं जैखन सफर केरते-केरते दमिशक नगरेरे नेडे पुज़ो, त तै दुपाहरां केरो मौको थियो। ते अम्बरेरां अक बडी लौ आई ते मेरे चेत्रे पासन बलने लगी। 7 ते अवं तल्ले बिछड़ी जेव, ते मीं अक आवाज़ शुनी, जै मींजो ज़ोने लोरी थी, हे शाऊल, हे शाऊल तू मीं किजो स्तातस? 8 त मीं पुच्छू, हे प्रभु तू कौन आस? त तैनी मींजो जुवाव दित्तो, अवं यीशु नासरी आई, जैस तू सतातस। 9 मेरे सैथेई लौ त लाई पन तैन कोई गल न समझी, कि ते आवाज़ मीं सेइं कुन लोरीए ज़ोने? 10 त मीं पुच्छू, हे प्रभु अवं कुन कम्मई, प्रभुए ज़ोवं, उठ दमिशक नगरे मां गा तैडी तीं जैन तेरे केरनेरे लेइ रखेरुए तैडी तीं सेइं ज़ोवं गालू। 11 मेरे सैथेई अवं हथ्येरां टलेइतां दमिशक

नगर मां पुजाव। किजोकि तैस बडे महिमारे वजाई सेइं मीं किछ न लेइयोवं।” 12 “तैडी अक मैन्हु हनन्याह नव्वेरो कानूनेरे मुताबिक भक्त मैन्हु अवं, ते तैट्टेरे यहुदन मां बडो इज़्जतदार थियो। 13 तै मीं कां खडो भोइतां ज़ोने लगे, हे ढूला, शाऊल, अपनि एछछी खोल्ले, ते मेरी एछछी तैखने खुल्ली जेई, ते अवं तैस लहने लगे। 14 तैखन तैनी ज़ोवं, इश्शे बुजुर्गां केरे परमेशरे तू चुनोरोस, ताके तू तैसेरी मर्ज़ी पूरी केरस ते मसीह लास ते तैसेरी गल्लां शुनस। 15 किजोकि तू सैरी लोकन मां तैसेरो गवाह भोलो, ते तैन ज़ोलो कि तीं कुन लाहेरुए ते कुन शुनेरुए। 16 हुनी चिर किजो लातस? उठ, ते बपतिस्मो ने ते तेरे पाप माफ़ भोन।” 17 “ते जैखन अवं यरूशलेम नगरे मां वापस अवं, ते अवं मन्दरे मां प्रार्थना केरने लोरो थियो, त मीं दर्शन लावं। 18 ते तै लाव ते एन ज़ोतू शुनू कि लूश केर, ते यरूशलेम नगरे मरां लूशी निस, किजोकि एना लोक मेरे बारे मां तेरी गवाही कबूल न केरेले। 19 मीं ज़ोवं, हे प्रभु एना लोक जानतन कि अवं हर प्रार्थना घरे मां गातो थियो, ते केन्चरे अवं तेरे मन्ने बालन कैद केरतो ते कुटतो थियो। 20 ते जैखन तेरे गवाह स्तिफनुस मारने लोरे थिये, त अवं भी तैडी थियो, ते तैसेरे मारने मां खुशी थियो। ते अवं मारने बालां केरां लिंगड़ां पहरतो थियो। 21 ते प्रभुए मीं सेइं ज़ोवं, ‘गा अवं तीं गैर कौमन कां दूर-दूर भेजेलो।’” 22 सारे लोक तैसेरी गल्लां शुन्ने लोरे थिये, पन जैखन तै इडी तगर पुज़ो त सारे लोक ज़ोरे-ज़ोरे चिन्डां मारने लगे, “ए जीतो रखनेरे काबल नई!” एस मार। 23 जैखन लोकां केरि शौर ते चिन्डां चेलती रेइ, त तैना चोगे शैरतां धूड़ आसमाने उडारने लगे। 24 त फौजी पलटनरे सरदारे पौलुस किल्लै मां नेनेरो हुक्म दित्तो, “एस कोडेइं सेइं बाथ ते एसेरू बियांन घिन्ना ताके पतो लगे, कि लोक किजो चिन्डां मारने लोरेन।” 25 जैखन तैना कोडेइं सेइं बानेरे लेइ पौलुस रेसी सेइं बंधो, त तैनी एक्की सूबेदारे सेइं ज़ोवं जै तैडी नेडे थियो। “कुन अक रोमी नगरेरे मैन्हु बगैर कसूरे झुसनो जेइजे?” 26 जैखन तैनी सूबेदारे एन शुनू त तै फौजी पलटनरे सरदारे कां जेव, “तू कुन ज़ोतस? ए त अक रोमी मैनुए।” 27 फौजी पलटनरे सरदारे पौलुसे कां एइतां पुच्छू, “कुन तू रोमीस?” तैनी ज़ोवं, “हाँ।” 28 इन शुन्तां फौजी पलटनरे सरदारे ज़ोवं, “कि मीं रोमी भोनेरी पदवी बडे पेंइसे देइतां हासिल कियोरीए।” ते पौलुसे ज़ोवं, “पन अवं त ज़मनेरो रोमी।” 29 जैना लोक पौलुसेरू बियांन घिन्ने बाले थिये, तैना नेश्शी जे, फौजी पलटनरे सरदारे भी इन बुझतां कि ई रोमीए, ते तैनी तै बंधो, ते डेरि जेव। 30 होरसां तै ठीक-ठीक ज़ान्नेरी इच्छा सेइं कि यहुदी तैस पुड़ किजो दोष लातन, एल्हेरेलेइ तैनी तै खोल्लो, ते प्रधान याजक ते सारी महासभा अकोटी केरनेरो हुक्म दित्तो, ते पौलुस बुन गेइतां तैन केरे सामने खड़ी कियो।

**23** पौलुसे महासभारे लोकां केरे पासे रोडेचारे तेकतां ज़ोवं, “हे ढूलाव अवं बेडि नेक नीती सेइं परमेशररे हुक्मां केरे मुताबिक जिन्दगी गुजारतो ओरोई।” 2 महायाजक हनन्याह

पौलुसेरी एना गल्लां शुन्तां पौलुसे कां खडे भारे लोकन हुक्म दित्तो, कि एसेरे तुत्तरे पुड़ थप्पड़ बाथ। 3 पौलुसे तैस सेइं ज़ोवं, “हे पाखंडी, परमेशर तीं बाए। तू इड़ी बिशोरोस कि मूसरे कानूनरे मुताबिक मेरो इन्साफ केरस, ते कुन तू मूसरे कानूनरे खलाफ बानेरो हुक्म देतस?” 4 जैना तैड़ी खड़खड़े थिये, त तैना ज़ोने लगे, “कुन तू परमेशररे महायाजकेरी तुहीन केरतस?” 5 पौलुसे तैन सेइं ज़ोवं, “ढूलाव मीं पतो न थियो, कि ए महायाजक, किजोकि लिखोरूप, तू अपने लोकां केरे प्रधाने जो बुरू न जो।” 6 पौलुस ज्ञानतो थियो, कि तैन मां किछ सद्की भी आन, ते किछ फरीसी लोक भी आन ते तै महासभाई मां ज़ोरे सेइं ज़ोने लगे, “हे ढूलाव अवं त फरीसी लोकां केरे खानदनी मरां आई, ते मीं पुड़ एनेई एल्हेरेलेइ मुकदमो चलेवरोए, कि अवं उमीद रखताई कि मुडदे फिरी ज़ींते भोले।” 7 पौलुसेरूप एन ज़ोते फरीसी ते सद्की लोकन एप्पू मांमेइं लड़ाई शुरू भोइजेइ, ते सेबन एप्पू मांमेइं खल बनो। 8 किजोकि सद्की ज़ोतन कि मुडदे ज़ींते नई भोने, ते न स्वर्गदूतन ते न कोई आत्मा आए, पन फरीसी लोक एन दुइये गल्लन पुड़ विश्वास केरतन। 9 तैखन तैना बेंस केरने लग्गे, शास्त्री लोकन मरां जैना फरीसी लोकन मां थिये, तैना खड़े भोइतां लड़ाई केरतां ज़ोने लगे, “असां इस मैन्हु मां कोई कसूर न लहम, अगर केन्वी आत्मा या स्वर्गदूते एस सेइं कोई गल कियोरीए त फिरी कुन भोवं?” 10 गल एत्री बेद्वी जेई, कि फौजी पलटनरे सरदारे बुड्डू, कि एरू न भोए कि पौलुसेरे टोटे-टोटे बनान, त तैनी हुक्म दित्तो कि बुन गाथ ते पौलुसे ज़बरदस्ती तैट्ठां कढा ते किल्ले मांजो आनां। 11 तैस्से राती प्रभु यीशुए पौलुसे कां एइतां ज़ोवं, “हे पौलुस हिम्मत रख जेन्चरे तीं यरूशलेम नगरे मां मेरी गवाही दित्तोरीए, तेन्चरे तीं रोमे मां भी गवाही देनी भोली।” 12 होरसां झेइं किछ यहूदी मैनेई मिलतां फैसलो कियो, ते कसम कमाई कि ज़ांतगर असां पौलुसे कल्ल न केरम, तांतगर किछ न खाम ते न पीम। 13 एस साज़िशी मां 40 मैन्न् करां जादे थियो। 14 तैना प्रधान याजकन ते बुजुर्गन कां जे, ते ज़ोने लगे, “असन पुड़ लानत भोए, अगर असां पौलुसे मारनेरे बगैर किछ खाम या पीम, असेईं त तैस खतम केरनेरी कसम कमेवरीए। 15 एल्हेरेलेइ तुस सब महासभा मां मिलतां फौजी पलटनारे सरदारे कां दरखुवास देथ, कि तै पौलुसे लोकां केरे सामने आने, ताके एस मुकदमेरी सारी हकिक्कत फिरी पतो चले, एस करां पेइले पौलुस इड़ी पैश कियो गाए, असां तियार आम, कि तैस मारमा।” 16 पन ज़ैखन पौलुसेरे बेइनारे मट्टे एस साजशरो पतो लगे, त तैनी किल्ले मां गेइतां पौलुसे पतो दित्तो, कि तैना लोक तैस मारनो चातन। 17 तैखन पौलुसे सुबेदारन मरां अक कुजाव, ते तैस सेइं ज़ोवं, “कि इस जवाने फौजी पलटनरे सरदारे कां नेथ, किजोकि ए किछ ज़ोनेरे लेइ ओरोए।” 18 बस्सा, तैनी तै फौजी पलटनरे सरदारे कां साथी नीयो, ते ज़ोने लगे, “अवं पौलुसे ज़ै केदी आए, तैनी अवं कुजाव, ते तैनी मीं कां दरखुवास

कियोरीए, कि इस जवाने अवं तीं कां एन्ही, किजोकि ए किछ तीं सेइं ज़ोनु चाते।” 19 फौजी पलटनरे सरदारे तैस जवानेरो हथ टलेइतां तै कनारे ज़ेरे नीयो ते तैस पुच्छने लगे, “तू मीं सेइं कुन ज़ोनु चातस?” 20 तैनी जवाने ज़ोवं, “यहूदी लीडरेई अकोट्टे भोइतां तीं कां दरखुवास देनेरो फैसलो कियोरोए। कि तू पौलुसेरी पुछ गन केरनेरे बहाने तैस महासभा मां आनस। 21 तू तैन केरि गल न मेन्ना, किजोकि कोई 40 मैन्न् करां जादे यहूदी तैस पुड़ हमलो केरनेरी कोशिशी मां आन, तैनेई कसम कमेवरी कि ज़ांतगर असां पौलुसे न मारम तांतगर असां किछ खाम या पीम, त असन लानत भोए, हुनी तैना तियारन, सिर्फ तेरे वादोरे इंतज़ारे।” 22 फौजी पलटनरे सरदारे तै जवान वापस भेजो, ते तैस ज़ोवं कि गा, “एना गल्लां केरो जैना तीं मीं सेइं जोई, होरि केन्वी पतो न लोड़ी लगगोरो।” 23 तैखन तैनी दूई सुबेदार कुजाए, ते तैन सेइं ज़ोवं, “तुस 200 सिपाही ते 70 सुवार ते 200 भाले चलानेबाले तियार रख्खा, तैनेई राती 9 बजेई कैसरिया नगरे मां गानूए। 24 ते पौलुसेरे लेइ घोड़े तियार रखा, ताके तै गवर्नर फेलिक्स कां हफाजती सेइं पुजाव गाए।” 25 ते फौजरे प्रधाने अक चिट्ठी एस तरिकेरी लिखी। 26 “श्रीमान फेलिक्स गवर्नर क्लौडियुस लूसियासे जो नमस्कार। 27 ए तै मैनुए, ज़ै यहूदेई टलातोरो थियो, ते एस तैना मारनेबाले थिये, त अवं सिपाही नेइतां साथी जेव, ते तै छुटाव, किजोकि मीं पतो थियो, कि तै अक रोमेरो रानेबालोए, त फौजी पलटन नेइतां छुटाव। 28 लिहाज़ा एन ज़ान्नेरी केरनेरे लेइ कि तैना तैस पुड़ कुन इलज़ाम लातन, मीं ते तैन केरि महासभा मां पैश कियो। 29 ते पतो लगे, कि तैन केरो इलज़ाम तैन केरे कानूनरे मुताबिक एसेरे खलाफ कोई एरो इलज़ाम नई, कि जेसेरे ज़िरिये सेइं असां तैस कैद केरम या मौतरी सज़ा देइ सखम। 30 मीं पतो लगगोरोए कि एसेरे खलाफ कोई साज़िश भोइ राहोरीए, ते मीं ए जल्दी तीं कांजो भेजोरोए, ते मीं तैस पुड़ दाओ केरनेबालन भी ज़ोरूप, कि तैना भी तीं कां अपनो मुकदमो पेश केरन।” 31 सिपाही, फौजी पलटनरे सरदारेरे हुक्मेरे मुताबिक पौलुसे एप्पू सेइं साथी नेइतां रातो रात अन्तिपत्रिस नगरे मां पुजाव। 32 होरसां दीसां घोड़ सुवारन तैस सेइं साथी अग्री-अग्री गानेरो हुक्म दित्तो, ते तै एप्पू किल्ले मांजो वापस चलो जेव। 33 ज़ैखन घोड़ सुवार कैसरिया नगरे मां पुजे त तैनेई गवर्नर कां चिट्ठी देइतां पौलुस तैस कां पैश कियो। 34 गवर्नर चिट्ठी पेढ़तां पुच्छू, “ए कौस इलाकेरो रानेबालोए?” ज़ैखन तैस पतो लगे कि ए किलिकिया इलाकेरो रानेबालोए। 35 त तैनी ज़ोवं, कि अवं तेरो मुकदमो तैखन शुनेलो, “ज़ैखन तीं पुड़ दोष लाने बाले भी इड़ी हाज़र भोले।” तैखन तैनी हुक्म दित्तो कि पौलुसे हेरोदेसेरे पहरे मां रख्खा।

**24** पंजे दिहैइना बाद हनन्याह महायाजके किछ बुजुर्ग ते तिरतुल्लुस नंचेरो वकील साथी कैसरिया नगरे मां पुजे, ते गवर्नर कां पैश भोइतां पौलुसेरां खलाफ फरयाद कमाई। 2

जैखन पौलुस पैश कियो त तिरतुल्लुस इलज़ाम लेइतां ज़ोने लाव, “हे महान फेलिक्स, तेरे वजाई सेइं अस बड़े खुशी सेइं रातम, ते तेरे ज़िरिये सेइं इस कौमरी केत्री बुरैई सुधैरी गैतिन। 3 एन अस हर ठैरी हर किसमे सेइं मन्तम। 4 पन हुनी अवं तेरो जादे वक्त नेनो न चैई, अवं तेरी मिनत केरताई कि इश्शी अक दूई गल शुन। 5 असेई लाहेरूफ कि ई मैन्हु बड़ो फसाद केरनेबालोए, ई दुनियारे सारे यहूदन मां फितनाबाज़े, ते नासरी कुपंधेरो प्रधान आए। 6 एनी त मन्दरे भी अशुद्ध केरनेरी कोशिश की, ते एल्हेरेलेइ असेई ए टलेइतां एस पुड़ अस अपने कानूनेरे मुताबिक मुकदमो च़लानो चाते थियो। 7 पन फौजी पलटनरो सरदार लूसियास असन करां ज़बरदस्ती नेही जेव। 8 ते इस पुड़ दोष लाने बाले तीं कां हाज़र भोनेरो हुकम दे। इन सेबभी गल्लां केरे बारे मां अस एस पुड़ दोष लातम, तू एप्पू सत्र ज़ान।” 9 यहूदी लोकेई भी तैस सेइं साथी भोइतां ज़ोवं, कि एना गल्लां केन्चां भोइ सेकतिन। 10 जैखन गवनरे पौलुसे बियांन देनेरे लेइ इशारो कियो, त पौलुसे जुवाब दितो, “अवं ज़ानताई कि तू केही सालां केरो देंतो इस कौमरो इन्साफ केरनेबालो आस, एल्हेरेलेइ अवं अपनि सफाई तीं कां पैश केरताई। 11 तू एप्पू पतो केरि सखत्स कि अवं 12 दिहाड़े पेइले यरूशलेम नगरेरे मन्दरे मां आराधना केरनेरे लेइ जोरो थियो। 12 मेरे मुदेइयेई अवं मन्दरे मां केन्ची सेइं भी बेंस केरतो नई लाहोरो, ते प्रार्थना घरे मां ते नगर मां इरां उरां लड़ाई केरतो भी नई लाहोरो। 13 हुनी एना इलज़ाम ज़ैना मीं पुड़ लाने लोरेन, ते तेरे सामने साबत न केरि सखे। 14 हॉ अवं इकरार ज़रूर केरताई कि ज़ैस पंधे एना कुपंध ज़ोतन, अवं तैसेरे मुताबिक अपने दादे-पड़दादां केरे परमेशेरी आराधना केरताई, ते ज़ैन किछ मूसेरे कानूने ते नेबी केरि किताबी मां लिखोरूफ, तैन सेबभन पुड़ मेरो विश्वास आए। 15 अवं परमेशेरे पुड़ तैए भरोसो रखताई, ज़ै तैना रखतन कि धर्मी लोकन ते पापी लोकन परमेशेर मुड़न मरां ज़ींतो केरेलो। 16 ते एल्हेरेलेइ मेरो ज़मीर परमेशेरे कां भी ते इन्साने कां भी बेइलज़ाम राए। 17 केही सालां केरे बाद अवं अपने गरीब लोकन दान पुजाने, ते च़ढतल च़ाढ़ने ओरो थियो। 18 तैखन एनेई अवं मन्दरे मां लाव, त अवं शुद्ध भोनेरी रीत पूरी केरने लोरो थियो, बगैर लोक अकोट्टे केरतां ते बगैर कोन्ची हंगामे इन कम केरतो लाव। पन तैना आसिया इलाकेरे किछ यहूदी थी, ते तैन जाईज थियूं। 19 अगर मीं किछ गलत कियोरू भोथू त तैनेई इडी तेरे सामने मीं पुड़ दोष लोरो लोइतो थियो, किजोकि तैनेई एप्पू लावरूफ कि मीं मन्दरे मां कुन कियूं। 20 इना लोक ज़ैना इडी ओरेन, एना ज़ोन कि ज़ैखन अवं महासभा मां पैश भोरो थियो, त एनेई मीं मां कुन कसूर लाहोरो थियो? 21 सुवाए इस गल्लेरे कि ज़ै मीं बड़े ज़ोरे सेइं आवाज़ देइतां ज़ोरी थी, कि अवं ई विश्वास केरताई परमेशेरे मुड़न ज़ींते केरते, एल्हेरेलेइ मीं पुड़ मुकदमो च़लाने लागेरेंन।” 22 फेलिक्स ज़ै इस पंधेरे बारे मां ठीक-ठीक ज़ानतो थियो, एन ज़ोइतां मुकदमो बंद कियो, “जैखन फौजी

पलटनरो सरदार लूसियास इडी एज्जेलो त अवं तुशशे सामने इस मुकदमेरो फैसलो केरेलो।” 23 तैनी सुबेदारे हुकम दितो, कि पौलुसे परेहे मां रखवा, ते तैसेरे दोस्तन मरां केन्ची भी तैसेरी सेवा केरनेरे लेइ न रोकथ। 24 केही दिहैइना बाद गवनर फेलिक्स अपनि कुआन्श दूसिल्ला ज़ै यहूदी थी, तै तैस सेइं साथी कैसरिया मां अवं, तैनी पौलुसे जो समाद भेजो ते यीशु मसीह पुड़ विश्वास केरनेरे बारे मां गल्लां शुनाए। 25 जैखन पौलुस एन ज़ोवं, कि परमेशेरी नज़री मां कुन रोड़ूए ते अपने इच्छा कैबू केरनेरे बारे मां ते एजनेबाले परमेशेरे इन्साफेरे बारे मां भी ज़ोवं, त फेलिक्स डेरि जेव, ते ज़ोने लागो, “हुनी तू गा, अगर फुर्सत मैलेली त अवं तीं फिरी तीं कुजेइलो।” 26 तैस पौलुसे करां किछ मैलनेरी उमीद थी, एल्हेरेलेइ तै तैस बार-बार कुजातो थियो, ते तैस सेइं गल्लां केरतो थियो। 27 पूरे दूई सालना बाद पुरकियुस फेस्तुस, फेलिक्सरे ठैरी गवनर बनो, ते फेलिक्से यहूदी खुश केरनेरे लेइ पौलुस कैदखाने मां रखबो।

**25** फेस्तुस तैस इलाके मां पुज़तां टलेइ दिहैइना बाद कैसरिया नगरेरां यरूशलेम नगरे मांजो जेव। 2 ज़ैडी प्रधान याजकेई ते यहूदी लीडर तैस कां एइतां पौलुसेरे खलाफ दोष लाने लगे। 3 तैना तैस कां मिनत केरने लगे, कि लूशी पौलुसे यरूशलेम नगरे मां हाज़र भोनेरो हुकम दे, द्रासले मां तैनेई तैस बत्तां मारनेरी साज़िश कियोरी थी। 4 फेस्तुसे जुवाब दितो, “पौलुस कैसरिया नगरे मां कैदे, ते अवं भी तैडी लूशी गाने बालोई।” 5 फिरी ज़ोवं कि तुसन मरां किछ खास अधिकार रखनेबाले मीं सेइं साथी च़लन, “अगर सच्चे तैनी कोई गलत कम कियोरू भोए त तैस पुड़ दोष लान।” 6 ते फेस्तुस अठ दश दिहाड़े यरूशलेम नगरे मां राव, ते फिरी कैसरिया नगरे जो च़लो जेव, तैडी तै दुइयोवं दिहाड़े आदालतरी तखते पुड़ बिश्शो, ते हुकम दितो कि पौलुसे हाज़र केरा। 7 जैखन पौलुस हाज़र भोव, त यरूशलेम नगरेरे यहूदी लीडरेई तैस चुफुरतां घेरो देइतां बड़े झूठे इलज़ाम लाने शुरू कियो। पन कोई पक्कू सबूत न मैल्लू। 8 पौलुसे अपनि सफाई देंते बार यहूदी केरे झूठे इलज़ामा केरे लेइ इन्कार कियो, ते ज़ोवं, “मीं त यहूदी केरे कानूनेरे खलाफ कोई कसूर नई कियोरो, ते न मन्दरेरे खलाफ ते न महाराजोरे खलाफ कोई कसूर कियोरोए।” 9 पन फेस्तुस एप्पू यहूदी लीडरन खुश केरनेरे लेइ पौलुसे पुच्छू, “तीं यरूशलेम नगरे जो गानू मन्जुरे, ताके अवं एस मुकदमेरो फैसलो तैडी केरि?” 10 पौलुसे ज़ोवं, “अवं इडी महाराजोरे इन्साफेरे तखतेरे सामने खड़ो आई, ते मेरे मुकदमेरो फैसलो इस्से ठैरी भोरो लोइते, ज़ैडी रोमी मैनेरो इन्साफ भोरो लोइ, तू एप्पू भी रोड़ेघारे ज़ानतस कि मीं यहूदी केरो कोई कसूर नई कियोरो। 11 अगर अवं कुसुरवार आई त मौतरी सज़ारे काबल आई त मेरो मरनेरो इन्कार नई, पन अगर ज़ैना झूठे इलज़ाम यहूदी मीं पुड़ लाने लागेरेंन ते अगर तैना झूठेन त केन्ची हक नई कि मीं तैन केरे हवाले केरे। ते अवं इडी महाराजो कां बिनती केरताई, कि मेरो इन्साफ इडी कियो गाए।”



12 तैखन फेस्तुस सल्लाकारन करां मुशोरो केरतां जुवाब दित्तो, “तीं महाराजे कां बिनती कियोरीए त तू महाराजे कां गालो।”

13 किछ दिहैइना बाद अग्रिप्पा राज़ो ते तैसेरी निकडी बेइन बिरनीके कैसरिया नगरे मां एइतां फेस्तुसे सेइं मुलाकात की।

14 तैन केरे बड़े दिहाड़े तैडी रानेरे बाद फेस्तुसे पौलुसेरे बारे मां राज़े ज़ोवं, “अक मैन्हु आए, ज़ै फेलिक्से कैद कियोरोए।

15 ज़ैखन अवं यरूशलेम नगरे मां थियो, त प्रधान याजक ते यहूदी बुजुर्ग तैस पुड़ दोष लगे लाने, कि एस सज़ा दित्ती गाए।

16 पन मीं तैन ज़ोरु थियूं, कि रोमी केरे दस्तूरेरे मुताबिक कोई मैन्हु सज़ा देनेरे लेइ हवाले न कियो गाए, ज़ांतगर तैस अपने मुदेइ केरे सामने तैन इलज़ामा केरे बारे मां अपनी सफाई पैश केरनेरो मौको न दित्तो गाए।

17 एल्हेरेलेइ ज़ैखन यहूदी लीडर इडी आए, त मीं ठढ न लाई, पन होरसां इन्साफेरे तखते पुड़ बिश्तां हुकम दित्तो, कि पौलुस आदालती मां आनो गाए।

18 ज़ैखन तैसेरे मुदेइ अपनो दाओ पैश केरनेरे लेइ खडे भोए त, तैनेई कोई एरो इलज़ामा तैस पुड़ न लाव, ज़ेसेरी बारे मां अवं समझतो थियो।

19 पन अपने फिरकेरे बल्के तैन केरि लड़ाई तैन केरे अपने धर्मेरे केन्ची यीशु नर्वरे मैनेरे बारे मां थी। तै मेरि जेवरोए, पन पौलुस तैस जो ज़ीतो ज़ोते।

20 अवं बेड़ि उलझनी मां राहोरोइं कि केन्चरे एन गल्लां केरो पतो केरि, एल्हेरेलेइ मीं पौलुसे पुच्छू, कि तीं यरूशलेम नगरे मां गानु मन्जुरे, ताके एन गल्लां केरो फैसलो तैडी भोए?

21 पन पौलुसे बिनती कमाई कि इस मुकदमेरो फैसलो महाराजे कां लोड़ते भोरो, एल्हेरेलेइ मीं हुकम दित्तो कि तै महाराजे कां गाने तगर इडी पाबंद राए।”

22 अग्रिप्पा राज़े फेस्तुसे सेइं ज़ोवं, “अवं भी एस मैनेरी गल्लां शुनी चाताई।” तैनी जुवाब दित्तो, “तू तैसेरी गल्लां कालां शुनी सखत्स।”

23 होरसां अग्रिप्पा राज़ो ते कने बिरनीके बेड़ि शांनी सेइं आए, ते फौजी पलटनेरे सरदारेंडं ते नगरेरे खास लोक सभा मां दाखल भोए, फेस्तुसे हुकम दित्तो कि पौलुसे हाज़र केरा।

24 फिरि फेस्तुस ज़ोवं, “हे अग्रिप्पा राज़ा ते बाकी लोकव तुस इस मैन्हु हेरतथ एसेरे खलाफ सैरी यहूदी कौमां मीं कां यरूशलेम नगरे मां भी ते इडी भी चिन्डां मैरतां दरखुवास कियोरी थी, कि ए मैन्हु ज़ीतो रखनो ठीक नई।

25 पन मीं पतो लगे कि एनी कोई एरू गलत कम नई कियेरू, कि ए कल्ल कियो गाए, एल्हेरेलेइ एनी इडी बिनती कियोरीए, त अवं ठीक समझतां कि एस रोम नगरे मां भेज़ी।

26 पन मीं तैसेरे बारे मां कोई ठीक गल न मैल्ली, कि महाराजे जो लिखी, एल्हेरेलेइ मीं तै तुशे सामने ते खास केरतां अग्रिप्पा राज़ा, तेरे सामने पैश कियोरोए, ताके पुछू गन केरनेरे बाद अगर कोई खास गल भोए त अवं लिखी।

27 किजोकि केन्ची कैदी भेज़ते बार तैसेरे इलज़ामा अगर अवं केन्ची न शुनेई त मेरी लेइ ठीक नई।”

**26** अग्रिप्पा राज़े पौलुसे जो ज़ोवं, “तीं अपने बारे मां ज़ोनेरी अज़ाज़ते।” तैखन पौलुस अपनो हथ्थे सेइं इशारो केरतां अपनी सफाई पैश केरने लगे। 2 “हे अग्रिप्पा राज़ा, अवं अपनी

आप खुश किस्मत समझताई, कि तेरे सामने खड़े भोइतां यहूदी लोकां केरे प्रधानां केरे इलज़ामा केरे खलाफ अपनी सफाई पैश केरने लगेरोइं। 3 खास केरतां तू सारे यहूदी केरि रीति रुवाज़ेरे बारे मां ज़ानतस, ते एल्हेरेलेइ अवं तीं कां मिनत केरताई, कि तू सबरी सेइं मेरी गल शुन। 4 यहूदी मीं रोड़ेचारे ज़ानतन कि पेइले अवं अपने लोकन मां ते यरूशलेम नगरे मां ते मेरी जवेंनरो चालचलन केरही थियो। 5 तैना पेइले देंते मीं ज़ानतन ते अगर चान त मेरे हके मां गवाही देइ सकतन, कि अवं अपने पंथेरे मुताबिक फरीसी भोइतां अपने धर्मेरे सच्चे पंथे सेइं ज़िन्दगी गुजरतो ओरोई। 6 परमेशरे इशे दादे-पड़दादन सेइं अक वादो कियोरो थियो, मीं उमीदे कि तै पूरो भोलो, तैस उमीदारी वजाई सेइं मीं पुड़ मुकदमा चलेवरोए। 7 एस वादेरे पूरे भोनेरी उमीद इशे 12 केरे 12 गोत्रने, एल्हेरेलेइ तैना दिले सेइं रात दिहाड़ी परमेशरेरी सेवा केरते रातन। हे अग्रिप्पा राज़ा मेरी इस उमीदेरे लेइ यहूदी मीं पुड़ दोष लातन। 8 ज़ां कि परमेशर मुइदन फिरि ज़ीते केरते, तुस इस गल्ली पुड़ विश्वास कि न केरथ? 9 “पेइले अवं भी समझतो थियो, कि यीशु नैसरेरे नर्वेरी हर तरीकेरे मुखालफत केरनि मेरो फरज़े। 10 एल्हेरेलेइ अवं यरूशलेम नगरे मां एन्ने केरतो राव, मीं प्रधान याजकन करां अज़ाज़त एन्तां बड़े परमेशरेरे सेवक कैद केरतां छुडे, ते ज़ैखन तैना मारे गाते थिये, त अवं भी तैडी खलाफत केरतो थियो। 11 अवं प्रार्थना घरन मां गातो थियो, ते तैन केरि तुहीन केरतो थियो। ते लोकन यीशुएरे खलाफ तुहीन केरनेरे लेइ मजबूर केरतो थियो। ते मसीही लोकां केरि मुखालफत केरने सेइं मीं एत्री खुशी भोती थी, कि अवं दूर-दूर नगरन मां गेइतां तैन सतातो थियो।” 12 “एक्की बार प्रधान याजकन करां अधिकार एन्तां एस्से कम्मरे लेइ दमिशक नगरेरे सफर केरने लगगोरो थियो। 13 त हे राज़ा अवं हेजू बत्तां थियो, त मीं दुपहरां केरे मौके अम्बेरां अक लौ एइती लाई, ज़ै दिहाड़ेरी लौई करां भी जादे थी, ते तै इशे चेत्रे पासन चमकने लगी। 14 असां सब ज़मीनी पुड़ बिछड़ी जे, ते मीं अक आवाज़ शुनी, ज़ै मीं सेइं इब्रानी भाषाई मां एन ज़ोने लगोरी थी। कि हे शाऊल हे शाऊल तू मीं किजो स्तातस? मीं सेइं लड़ाई केरनि तेरे लेइ बेकारे। 15 “त मीं जुवाब दित्तो, हे प्रभु तू कौन आस, त प्रभुए मीं जुवाब दित्तो अवं यीशु आई ज़ैस तू सतातस? 16 पन उठ ते अपने पवन पुड़ खड़ो भो, किजोकि मीं तीं एल्हेरेलेइ दर्शन दित्तोरूए, कि तीं अवं अपनो सेवक बनेइं, ते ज़ैन किछ तीं लाहेरूए तू तैसेरो गवाह बनस। 17 अवं तीं तेरे लोकन करां ते गैर कौमन करां बत्रांतो रेइलो अवं तीं तैन मां भेज़ताई। 18 ताके तू तैन केरि एछछी खोल्लस ते तैन आंधरे मरां लौई मां आनस ते कने शैताने करां छुटेइतां परमेशरेरे पासे आनस, ताके तैना मीं पुड़ विश्वास केरन ते परमेशर तैन केरे पाप माफ़ केरे, ते तैन लोकन मां शामिल भोन ज़ैना पवित्र कियोरेन, तैना विरासत हासिल केरन।” 19 ते एल्हेरेलेइ, “हे अग्रिप्पा राज़ा मीं एस स्वर्गेरे दर्शनेरो इन्कार नई कमेवरो। 20 ते पेइले मीं दमिशक

नगरे लोकरन मां ते फिरी यरूशलेम नगरेरे ते सारे यहूदिया इलाकेर जो चलेरू मैल्लू, तैनी असां तैस मां चाड़े। 7 असां इलाकेरे रानेबालो ते गैर कौमन भी प्रचार केरतो कियो। कि बड़े दिहाइन तगर बल्हे-बल्हे अग्रोवं चलेते राए, ते कनिदुस पापन करां मनफिराथ, ते परमेशरेरे पासे फिरा ते अपने रूभावे नगरेरे सामने पुजे। पन तेजे हवा चलेते सेइं असन अग्रोवं गानेरी सेइं साबत केरा कि तुसेईं पापन करां मन फिरावरोए। 21 एन्ने मुशकिल भोइजेइ, ते एल्हेरेलेइ असां सलमोनेरे सामने निस्तां गल्लां केरे लेइ यहूदेईं अवं मन्दरे मां टलातो ते मारनेरी कोशिश क्रेतेरी आड़ी मां निस्से। 8 ते बेडि मुशकली सेइं समुद्रे बन्ने-की। 22 “पन अवं परमेशरेरी किर्पाईं सेइं अज तगर ज़ीतोईं, ते बन्ने अग्रोवं चलेते शुभलंगरबारी नंवेरी एककी ठेरी पुजे, ज़ैट्ठां सेब्भी निक्के बडुन कां अवं गवाही देताईं, कि ज़ैना गल्लां अवं लसया नगर नेडू थियू। 9 तैड़ी असन केही दिहाड़े बीते, पैनेरे ज़ोताईं कि ज़ैना नेबेईं ज़ोरी थी, ते मूसा नेबे भी ज़ोरी थी। 23 सफरे मां मुशकिल एल्हेरेलेइ भोती थी, कि छुटकारेरी दिहाड़ी कि मसीह बड़ो दुख भोगेलो, ते सेब्भन करां पेइलो मुडन मरां तिहारेरे बरतेरे दिहाड़ो बीतोते थी, ते पौलुसे तैन एन ज़ोइतां ज़ीतो भोइतां यहूदी कौमी त गैर कौमां केरे लोकन बचालो ज़ै खबरदारी दिती, 10 “जनाब मां एरू लगते कि इश्शू सफर बडू लौओरो ज़ेरो आए।” 24 ज़ैखन पौलुस एन ज़ोने लगारो थियो, खतरनाक भोलू, कि न सिर्फ इश्शू माल सबाब ते जिहाजे बल्के त फेस्तुस ज़ोरे सेइं ज़ोवं, “तू पागल भोइ जेव। जादे ज़ाने सेइं तू इश्शी जानी भी खतराए।” 11 पन सूबेदारे कपताने ते जिहाजेरे पागल भोइजेवरोस।” 25 पौलुसे जुवाब दित्तो, “जनाब फेस्तुस मालिकेरी गल पौलुसेरी गल करां जादे मन्नी। 12 किजोकि साहब अवं पागल नईं भोरो, अवं ज़ैन किछ ज़ोने लगेरोइं तैन तै बंदरगह ठंडारो मौसम कटनेरे लेइ रोड़ी न थी, एल्हेरेलेइ सच्चे ते ज़ाने सेइं आए। 26 राज़ो भी ज़ेसेरे सामने अवं निडर इश्शो फैसलो ए थियो, कि असां केन्ची तरीके अग्रोवं निस्सम भोइतां एन गल्लां ज़ानते, ते मां याकीने कि एन मरां कोई भी ते असन उमीद थी, कि फीनिक्स मां पुजतां हीवतडरो मौसम गल तैस करां छपोरी नईं, किजोकि ए चमत्कार कोई एरो नईं तैड़ी गुज़ेरी गामेले। ए क्रेते अक बंदरगह थी, ज़ैसेरां दारां क्षिण-पश्चिम ते उत्तर-पश्चिम पासे खुलतां थियां। 13 ज़ैखन दक्षिणी पासेरां हवा चलेते लगी, त तैनेईं सोचू कि तैन केरि मज़ीं पूरी पोरि थोड़ी ज़ेरि गल्लेईं सेइं मां तू मसीही बनारो चातस?” 29 पौलुसे केरनेरे लेइ रोड़ो वक्ते, ते तैनेईं जिहाजेरू लँगर तैट्ठां खडू कियू, ते जुवाब दित्तो, चाए थोड़ी ज़ेरि या जादे गल्लेईं सेइं, “पन अवं समुन्दरेरे बन्ने अग्रोवं चलेते जे। 14 पन लूशी अक बड़ी तूफानी त परमेशरे कां प्रार्थना केरताईं कि, न सिर्फ तू बल्के ज़ेत्रे भी हवा चली ज़ैस जो यूरकुलीन ज़ोतन। 15 ज़ैखन तैने जिहाजे अज मेरी गल्लां शुनी रावरेन सब मेरे ज़ेरे मसीही भोन, पन अपने पलैटे मां कियू, ते जिहाजे ढलैक्कां खाने लगू, ते असेईं इन शंगलां केरे बगेर।” 30 तैखन अग्रिप्पा राज़ो ते गवर्नर ते जिहाजे हावारे बहावे पुड़ छडू। 16 तैखन कौदा नंवेरो अक बिरनीके ते तैस सेइं साथी होरे भी खड़े भोए ते चले जे। 31 ते निकड़ो टैपू अव, त असेईं भी रुड़ते-रुड़ते ते डुंगी ज़ै जिहाजेरे पत्तारां बंधोरी थी, त बेडि मुशकली सेइं कैबू मां की। 17 ते जिहाजेरे टोलरे मैनेईं तै उन्नी चेट्ठां जिहाजे दलुतेन करां बचानेरे लेइ रेस्सेइं सेइं बंधतां छडू। किजोकि तैन डर थियो, कि एरू न भोए, कि जिहाजे सुरतिसेरे रेती मां डुबी गाए, एल्हेरेलेइ तैनेईं भारी सामान ओसालू ते जिहाजे मां रुड़ते-रुड़ते चले जे। 18 ज़ैखन तूफानी हवाई सेइं जिहाजे जादे ढलैक्कां खाने लगू, त होरसां असेईं जिहाजेरो माल समुन्द्रे मांजो शारनो शुरू कियो, 19 टलेइयोवं दिहाड़े तैनेईं जिहाजेरू सामान भी समुन्द्रे मांजो शैरी छडू। 20 त काई दिहाड़े न असेईं दिहाड़ो लाव ते न तारे ते तूफान भी मन्ना जादे ज़ोर केरने लगारो थियो, ते असन बघनेरी हुनी कोई उमीद न राई। 21 रोटी खाने काई दिहाड़े भोरे थियो, एल्हेरेलेइ पौलुसे तैन मां खड़े भोइतां ज़ोवं, “ढलाव अगर तुसेईं मेरू ज़ोनू मन्नोरू भोथू, ते क्रेते मरां अग्रोवं न ओरे भोथे, त ईं नुकसान ते ईं तकलीफ किजो भोनी थी? 22 “पन अवं तुसन कां मिनत केरताईं कि, हिम्मत न हारा तुसन मरां कोई भी न मरेलो, चाए जिहाजे डुबी किना गाए। 23 किजोकि ज़ैस परमेशरेरी अवं आराधना केरताईं, तैसेरो स्वर्गदूत हीज राती मां कां ओरो थियो। 24 ते तै ज़ोने लगो, हे पौलुस डर नन्ना तू महाराजे कां ज़रूर पैश भोलो ते परमेशर तेरी वजाईं सेइं एन

**27** ज़ैखन फिस्तुस हाकिमेरे ज़िरिये ए बिस्तार बनो कि असां लोक जिहाजे मां इतालिया जो गाम, त पौलुस त होरे कैदी यूलियुस नंवे ओगुस्तुस फौजी पलटनेरे सरदाररे एककी सूबेदारेरे सुपर्द कियो। 2 असां अद्रमुत्तियुम नगरेरां एककी समुन्दरी जिहाजे मां चेट्ठां आसिया इलाकेरे नेडेरे ठेरी गानेबाले थिये, त अरिस्तर्खुस नंवे थिस्सलुनीके नगरेरो अक मकिदुनी असन सेइं साथी थियो। 3 होरसां ज़ैखन जिहाजे सैदा मां रुकी जेवं, त यूलियुसे पौलुसे पुड़ महरबानी केरतां तैस अपने दोस्तन सेइं मुलाकात केरनेरी अज़ाजत दिती, ताके तैसेरे ज़िरिये सेइं पतो लग्गे। 4 तैट्ठां फिरी असां जिहाजे मां चेट्ठां चले जे, ते साइप्रसेरे आड़ी मांमेइं निस्से, किजोकि हवा बड़ी ज़बरदस्त थी। 5 फिरी किलिकिया नगरे ते पंपूलिया नगरेरे नेडे समुन्द्रेरी बत्तां निस्तां अग्रोवं चले जे, त लूसिया इलाकेरे मूरा नगर मां ओस्से। 6 तैड़ी सूबेदारे सिकन्दरिया नगरेरू अक जिहाजे इतालिया

सेबभी केरि जान बचालो, जैना जिहाजे मां तीं सेइं साथी आन। 25 एल्हेरेलेइ हे जनाब तुस हिम्मत रखा कि मेरे परमेशरे जैन किछ मीं सेइं जोरूप तैन्ने भोलू। 26 असां जरूर केन्ची टैपू पुड़ पुजी गामेले।” 27 च़ेवधोवं राती ज़ैखन असां अद्रिया समुन्द्रे मां इरां उरां फिरते थिये, त जिहाजे बाले मैनेई अंदाजो लाव कि असां बन्नेरे नेड़े पुजी जोरेम। 28 तैनेई पानी रेसी सेइं नापू त 37 मीटर निससू ते थोड़े अगगर गेइतां नापू त 27 मीटर निससू। 29 एस डरे सेइं कि कोस्कोई शफ़ड़ी सेइं न बज़म, ते तैनेई जिहाजेरे पैतरां पासे च़ेरे लैंग्रां समुन्द्रे मां छडां ते झेइरे लौअरे लेइ प्रार्थना करेने लगे। 30 जिहाज च़लानेबाले मुझाटेरां एग्री पासेरां लैंग्र पैनी मां छडनू चाते थिये। 31 तैखन पौलुसे सूबेदारे ते सिपेहिन सेइं ज़ोवं, “अगर इना लोक जिहाजे मां न भोले त तुशू लोकां केरू बचनू मुशकले।” 32 एल्हेरेलेइ सिपैहीयेइं डंगारी रेस्सी केटतां समुन्द्रे मांजो शैरी दित्ती। 33 झेइ भोने करां पेइले पौलुसे सेबभन कां मिनत कमाई, कि तुस किछ रोटी खाथ। तैनी ज़ोवं, “तुस च़ेवधे दिहैडी केरे देंते बंचनेरे खियाले मां पेवरेथ, ते तुस रोटी सेइं हुरोरे भी नई। 34 अवं तुसन कां मिनत केरताई कि तुस रोटी खाथ, किजोकि तुशे लेइ रोइ एन्ने कि याकीन केरा कि तुशे बाल बिंगो न भोलो।” 35 ज़ैखन तैनी एन ज़ोवं, त तैनी रोटी टलाई ते सेबभी केरे सामने परमेशरेरू शुक्र केरतां टलोड़ी ते खाने लगे। 36 तैस करां लेइतां होरन भी हिम्मत आई, ते तैना भी रोटी खाने लगे। 37 असां सब मिलतां कोई 276 मैन्हु थिये, जैना इस जिहाजे मां सुवार थिये। 38 ज़ैखन तैनेई रेज़तां रोटी खाइ त तैनेई सारे गेहुं समुन्द्रे मांजो शारने शुरू किये, ताके जिहाज पोल्लु भोए। 39 ज़ैखन दिहाड़ो निस्सो त तैनेई तै ठार न पिशानी, पन अक ठार लाई ते तै पासो साफ थियो, तैनेई बिस्तार कमाव कि अगर भोइसखे त असां जिहाज एस पुड़ च़ाढ़म। 40 बस्सा लैंगर खोलतां समुन्द्रे मां छैडी दित्तू, ते पत्रवारां केरि रेसी भी ढिल्ली छैडी, एग्रीयां बादबांन भी बा च़ैढी छुट्टो, ते एप्पू बन्नेरे पासे जो च़ले। 41 पन जिहाज खुशकी पुड़ गेइतां रेती पुड़ टिकी जेवं, ते जिहाजेरो एग्रीयां पासो रेती मां डुबी जेवं ते पैत्रीयां पासो छेल्लेई सेइं बज़कने लगे। 42 सिपेही केरि सल्लाह थी कि कैदन मारम ताके तैन मरां कोई तारी देइतां नेशी न गान। 43 पन सूबेदारे पौलुसेरी जान बचानेरे लेइ एन न दित्तू केरने, ते हुकम दित्तो कि ज़े तारी ज़ानते त तै पेइलो छाल मारे, ते खुशकी पुड़ पुज़तां अपनि जान बचाए। 44 ते बाकी होरे लेकडारे तखतन पुड़ ते जिहाजेरी होरि चीज़ां केरि मद्दती सेइं अपनि जान बचाथ, ते बस्सा सब एस तरीके सेइं खुशकी पुड़ ठीक ठाक पुजी जे।

**28** ज़ैखन असां ठीक ठाक बन्ने पुड़ पुजे, त असन पतो च़लो कि इस टैपू जो माल्टा ज़ोतन। 2 तैद्रे राने बालेई असन सेइं बड़ो रोड़ो बताव कियो, झड़ी लगोरी थी, ते ठंड भी बड़ी थी, तैनेई अग बाली ते इशशी बड़ी आदर कमाई। 3 पौलुसे

कैडू केरो अक लेग्गु बनावं, ते ज़ैखन तै तैना कैडू अग्गी मां छडने लगे त अगारे सेके सेइं तैन कैडन मरां अक सप निस्सो, ते पौलुसेरे हथ्ये सेइं पलेटोव। 4 ज़ैखन तैन लोकेई सप पौलुसेरे हथ्ये सेइं पलेटोरो लव, त एप्पू मांमेइं ज़ोने लगे, “ए मैन्हु जरूर कोई खूनी आए, ए समुन्द्रे मां गर्क भोने करां त बचोरोए, पन इन्साफे ए जीतो न राने न दित्तो।” 5 पन तैनी तैस सप्ये अग्गी मांजो घिल देइतां टलट्टो, ते तैस किछ नुकसान न भोव। 6 तैना लोक बलगने लगगोरो थिये, कि एसेरी सारी जान एफरी गानीए ते ए मेरि गानोए, ते बड़े च़िरे तगर बलगनेरे बाद पौलुसे किछ न भोवं, त तैना लोक सोचने लगे, “ए जरूर कोई देबतोए।” 7 तैस ठैरारे आसे-पासेरे टैपैरी प्रधान पुबलियुसेरी ज़मीन थी, तैनी असां अपने घरे ने ते टलाई दिहाड़े इशशी आदर खातर की। 8 पुबलियुसेरे बाजी भुखार ते पैचसी सेइं बड़ी बिमार भोरो थियो, ते पौलुसे तैस कां गेइतां तैसेरेलेइ प्रार्थना की, ते तैस पुड़ हथ रेखतां तै बड़ाव। 9 फिरी तैस टैपेरे बाकी बिमार लोक आए ते तैना ठीक भोइ जे। 10 तैन लोकेई इशशी बड़ी इज़्जत की, ते असां तैट्टां अग्रोवं गानेरे लेइ तियार भोए, त तैनेई इशशी ज़ुरुरतरी सैरी चीज़ां जिहाजे मां छैडी दित्ती। 11 इशू जिहाज बिगड़नेरे टलेइ महिना बाद असां सिकन्दरियारे एककी जिहाजे मां च़ले जे, ज़ैन ठंड मुकने तगर तैस टैपू मां रुकेरु थियू, तैस मां यूनेनी केरि दूई अकोट्टी देबतेरी मूरतां बनोरी थी। 12 पेइले असां सुरकूसा नगरे मां पुजे, ते टलाई दिहाड़े तैड़ी राए। 13 तैट्टां असां च़लते-च़लते रेगियुम नगरे मां पुजे, ते होरसां दक्षिणी हवा च़लने लगी ते असां होरसां पुतियुली नगरे मां पुजे। 14 तैड़ी असन किछ ढला भी मैल्ले, तैनेई असां कुजाए ते असां तैड़ी सत दिहाड़े राए, ते तैसेरां बाद असां रोमे मां पुजे। 15 तैद्रे मसीही ढलान पतो लगे, कि असां ओरेम त तैना असन अगराने अप्पियुसेरे चौके ते टलेइ धर्मशालन तगर आए, पौलुसे तैना लेइतां परमेशेरू शुक्र कियू ते तैस बड़ी हिम्मत भोइ। 16 ज़ैखन अस रोम नगरे मां पुजे ते पौलुसे अज़ाज़त मैल्ली, कि तै एक्की पैरहेदारी निगरनी मां ज़ैड़ी चाए गेइ सकते। 17 ज़ैखन टलाई दिहाड़े बीते त पौलुसे यहूदी केरे प्रधान कुजाए, ते ज़ैखन तैना अकोट्टे भोए त पौलुसे तैन सेइं ज़ोवं, “ढलाव मीं अपनि कौमरे ते अपने दादे-पड़दादां केरि रसमरे खलाफ कोई कम नई कियेरू त फिर भी अवं पाबंद केरतां यरूशलेम नगरे मां रोमी सरकारारे हवाले कियो। 18 तैनेई पुछ गन केरनेरे बाद अवं हथरां छडनो थियो। किजोकि मीं कोई एरू कम न थियू कियेरू कि ज़ैस सेइं मीं मौतरी सज़ा देथे। 19 पन ज़ैखन यहूदेई मुखालफत की, त मीं महाराजे कां बिनती की। पन एल्हेरेलेइ नई कि अवं अपनि कौमी पुड़ कोई इलज़ाम लांनो चातो थियो। 20 एल्हेरेलेइ मीं एन रोडू समझू, कि तुसन सेइं मिलतां गल केरि, अवं इस्राएलेरी एक्की उमीदी ज़ै मसीह आए शांगलन सेइं बंधोरोई।” 21 तैनेई तैस सेइं ज़ोवं, “असन यहूदन करां न कोई चिटी मैल्ली ते न तैट्टां एजनेबाले इशशे लोकेई तरे बारे मां कोई खबर दित्ती, ते न तरे खलाफ

किछ ज़ोवं। 22 पन असां तेरे बारे मां ज्ञाननू चातम, ए त असन पत्तोए, कि लोक सेबभी ठैरन एस पंधेरे खलाफ गल्लां केरतन।” 23 तैखन यहूदी लोकेई पौलुसेरी गल्लां शुन्नेरे लेइ अक दिहाड़ी ठुवहलाई, जैखन तै दिहाड़ी आई, त लोक पेइले लोकन करां भी जादे अकोट्टे भोए। पौलुसे तैन परमेशेरे राज़ेरे बारे मां समझाव, ते साथी यीशुएरे बारे मां मूसेरे कानूने ते नेबी केरे किताबन मरां तैन रोड़ेचारे समझेइतां झेइतां करां डलोइती तगर गल्लां शुनातो राव। 24 किछ तैसेरी गल्लां शुन्तां मघन भोइ जे ते मन्नू ते किछेई विश्वास भी कियो। 25 जैखन तैना एप्पू मांमेइं अक न भोए, त पौलुसे तैन गाने करां पेइले अक गल ज़ोई, “पवित्र आत्मार ज़िरिये यशायाह नबी तुशे दादे-पड़दादां केरे बारे मां ठीके ज़ोरू थियूं।” 26 एन लोकन कां गा, ते एन ज़ो कि, “तुस शुन्ते त राले, पन समझेले न, ते तकते त राले पन पिशानेले न। 27 किजोकि एन लोकां केरे दिले मोट्टे भोरोरेन, ते एना टोव्ने भोरोरेन, ते एनेई अपनि एछछी निकोल कियोरिन। किजोकि एरू न भोए, कि एना लहन ते कन्न सेइं शुन्न ते दिले सेइं समझन, ते एना मेरे पासे फिरन ते अवं एन शिफ़ा देई। 28 “एल्हेरेलेइ अवं चाताई कि तुस ज्ञानथ कि परमेशेरी मुक्ति गैर कौमन कां भी भेजोरोए ते तैना तैस शुनेले।” 29 जैखन पौलुसे एन ज़ोवं, त यहूदी एप्पू मांमेइं बेंस केरते तैइं चले जे। 30 पौलुस पूरे दूई सालन तगर क्रैइयेरे मुकाने मां राव, 31 ते ज़ै भी तैस सेइं मिलने एइतो थियो, पौलुस तैस सेइं मिलतो थियो, ते बेधड़क भोइतां परमेशेरे राज़ेरी खुशखबरी शुनातो थियो, ते प्रभु यीशु मसीहेरे बारे मां शिक्षा देंतो राव।

# रोमियों

1 अवं पौलुस यीशु मसीहेरो दास आई, ते प्रेरित भोनेरे लेइ परमेशरे चुनोरोई, ते परमेशरेरी खुशखबरी प्रचार केरनेरे लेइ ठहरावरो आई। 2 जेसेरी तैने पेइले अपने नेबी केरे ज़िरिये पवित्रशास्त्रे मां, 3 अपने मट्टे इश्शे प्रभु यीशुपरे बारे मां वादो कियोरो थियो, जै जिसमेरे मुताबिक त दाऊदरे खानदाने मरां पैदा भोव। 4 ते पवित्र आत्मार ज़िरिये सेइं मुइदन मरां ज़ींतो भोनेरे वजाई सेइं तै शेक्ति सेइं परमेशरेरू मट्टु भोव। 5 जेसेरे ज़िरिये असन अनुग्रह ते प्रेरिताई मैल्ली; कि तैसेरे नंवे सेइं सब कोमां केरे लोक विश्वास केरतां तैसेरी मन्न। 6 जैन मरां तुस भी यीशु मसीहेरे भोनेरे लेइ कुजोरेथ। 7 अवं ई चिट्ठी तुश्शे सेबभी केरे नंवे लिखताई, जैना तुस रोम नगरे मां रातथ, ते परमेशरेरे ट्लारेथ, ते पवित्र भोनेरे लेइ चुनोरेथ। इश्शे बाजी परमेशर ते प्रभु यीशु मसीहेरे तरफां तुसन शान्ति ते अनुग्रह मैलतो राए। 8 पेइलो अवं तुश्शे सेबभी केरे लेइ यीशु मसीहेरे ज़िरिये परमेशरेरू शुक्र केरताई, किजोकि तुश्शो विश्वास जै यीशु मसीह पुइ आए, तैसेरी चर्चा हर पासे भोने लोरी। 9 परमेशर जेसेरी सेवा अवं अपने पूरे दिले सेइं तैसेरे मट्टेरी खुशखबरी प्रचार केरतां केरताई, तै मेरो गवाहे; कि अवं तुसन कोस तरीके सेइं लगातर प्रार्थनाई मां याद केरताई। 10 ते लगातार अपने प्रार्थनान मां बिनती केरतो राताई, कि केन्चरे हेजू भी तुसन कां एजनेरे लेइ मेरू सफर परमेशरेरे तरफां कामयाब भोए। 11 किजोकि अवं तुसन सेइं मिलनेरे लेइ कोशिश केरताई, कि अवं तुसन कोई आत्मिक वरदान देई, जैस सेइं तुस विश्वास मां मजबूत भोथ। 12 मतलब इन, कि अवं तुसन कां एइतां तुसन सेइं साथी तैस विश्वासेरे ज़िरिये, जै मीं मां ते तुसन मांए, तैसेरे ज़िरिये अस हिम्मत हासिल केरमा। 13 ते डूलाव ते बेइनव, अवं चाताई तुस ज्ञानथ, कि मीं तुसन कां बार-बार एजनू चाव। जेन्चरे मीं गैर कोमरे लोकन विश्वास केरनेरे लेइ बद्धनेरी मद्दत की, तेन्चरे तुश्शी भी मद्दत केरि, पन हुना तगर रूकोरो राव। 14 अवं संस्कारी लोकन ते असंस्कारी लोकन, पढोरे लोकन या अनपइ लोकन सेबभन खुशखबरी शुनेइलो। 15 ते अवं तुसन भी जैना रोम नगरे मां रातथ, खुशखबरी शुनानेरे लेइ हर वक्त तियार आई। 16 किजोकि अवं यीशु मसीहेरी खुशखबरी प्रचार केरने करां न शरमेई, एल्हेरेलेइ परमेशर अपने शक्ति सेइं तैन लोकन मुक्ति देते, जैना खुशखबरी पुइ विश्वास केरतन, पेइले यहूदन फिरी गैर यहूदन। 17 किजोकि खुशखबरे ज़िरिये परमेशर असन अपने नज़री मां धर्मी बनाते, जैन शुरु करां आखरी तगर विश्वासे सेइं भोते। जेन्चरे पवित्रशास्त्रे मां लिखोरूए, “जै मैन्हु विश्वासेरे ज़िरिये सेइं परमेशरेरे सामने धर्मी बनाव गाते तैए ज़ींतो रालो।” 18 परमेशरेरो क्रोध तैन लोकन पुइ स्वर्गेंरां एइते, जैना बुरां ते दुष्टेरां कम्मां केरतन, ते जैना सत्त्रे अधर्मे सेइं दबेइतां रखतन। 19 किजोकि परमेशरेरे बारे मां ज्ञान तैन मैन्हु केरे

मन्न मां बांदूए, एल्हेरेलेइ कि परमेशरे तैन पुइ बांदू कियोरूए। 20 किजोकि तैसेरे आहरे गुण, मतलब तैसेरी सदारी शक्ति, ते परमेशरेरो सुभाव दुनियाई बनानेरे वक्तेरे देंतो तैसेरे कम्मन सेइं हेरने मां एइते, इड़ी तगर कि तैन लोकन कां कोई बहानो नई। (aidios g126) 21 हांलाकि तैनेई परमेशर त पिशानो, पन परमेशरेरी तैस काबल बइयाई न की, ते न शुक्र कियू, पन बेकार सोचने लाए, इड़ी तगर कि तैन केरो बेअक्ल मन आंधरो भोव (मतलब तैना गलत सोचने लगे)। 22 तैना अपने आपे अक्लमन्द सेमझतां बेवकूफ बने। 23 ते न मरने बाले परमेशरेरी महिमा मरने बाले मैन्हु, ते चुडोलू ते जानवरां, ते पेटेरे भारे चलने बाले जीपां केरे मूरतन मां बदली। 24 एल्हेरेलेइ परमेशरे तैना तैन केरे मनेरे खुबेइशां केरे मुताबिक अशुद्ध भोनेरे लेइ शारे कि, एप्पू मांमेइं अपने जानां केरी अनादर केरन। 25 किजोकि तैनेई परमेशरेरी सत्त्रेई बेदलतां झूठ बनाई, ते सृष्टारी पूजा ते आराधना केरि, न कि तैस बनाने बालेरी, जै हर वक्त धन ते रोडोए। आमीन। (aiōn g165) 26 एल्हेरेलेइ परमेशरे तैना नीच खुवाइशन मां शारे, इड़ी तगर कि तैन केरि कुआन्शेई भी स्भाविक कम्मां बेदलतां तैन केरे जैना स्भाविक आन तैन केरे खलाफ बदला। 27 तेन्चरे तैन केरे मइद भी कुआन्शन सेइं सुभाविक कम्मां शैरतां एप्पू मांमेइं गंदे कम्मन मां मसत भोए, मतलब कि मइदेइं, मइदन सेइं रिश्तो रेखतां प्रभु करां ठीक बदलो नेव। 28 ते तैनेई इन जेइज न समझू कि परमेशरे कबूल केरन, एल्हेरेलेइ परमेशरे भी तैना तैन केरे मनेरे हालती पुइ शारे; कि बुरां कम्मां केरन। 29 ते तैना हर किसमेरे अधर्मे, दुष्टे, लालचे, बैरे सेइं भेरोई जे; ते कपट, ते खून केरनी, ते लड़ाई केरनि, ते धोखो देनो, ते जलनी सेइं भेरोए, ते चोगलखोर, 30 बदनाम केरनेबाले, परमेशरे सेइं नफरत केरनेबाले, जैन केरि इज़्जत केरीं लोडे तैन केरि इज़्जत न केरनेबाले, घमण्डी, बड़कां मारनेबाले, बुरी-बुरी गल्लां बनाने बाले, अम्मा बैपू केरो हुक्म न मन्नेबाले। 31 बेवकूफ, धोखो देनेबाले, सत्त्रे प्यारे करां खाली, दया न केरनेबाले भोइजेइ। 32 हालांकी तैना परमेशरेरो ई हुक्म जातन, कि एरां जेरां कम्मां केरनेबाले मौतेरे सज़ारे लाइकन, फिरी भी न सिर्फ एप्पू एरां कम्मां केरतन बल्के एरां कम्मां केरनेबालन सेइं भी खुश भोतन।

2 एल्हेरेलेइ हे दोष लाने बाला, तू कोई की न भोस; तीं कां कोई बहानो नई, किजोकि जैस गल्लरो तू होरन पुइ दोष लातस, तैसेरे गल्ली पुइ तू अपनो आप भी दोषी बनातस, एल्हेरेलेइ तू एप्पू भी तैने कम केरतस। 2 ते अस ज्ञानतम कि, जैना एरां कम्मां केरतन परमेशर तैन केरो इन्साफे केरतां तैन सज़ा देते। 3 ते हे मैन्हु, तू जै बुरां-बुरां कम्मां केरनेबालन पुइ दोष लातस, ते एप्पू भी तैने कम केरतस; कुन तू समझतस, कि तू परमेशरेरे सज़ाई करां बत्रेलो? 4 कुन तू परमेशरेरी कृपा, ते बरदाश केरनू, ते सबरारू धन घटया समझतस, ते कुन इन न समझस, कि परमेशरेरी कृपा तीं पापन करां मन

फिरानो शिखालतीए? 5 पन तू ज़िद्दी आस ते अपने पापन करं मन फिरानेरो इन्कार केरतस, जैस दिहाड़े परमेशर अपनो क्रोध हिरालो, तैस मां परमेशरेरो सच्चो इन्साफ बांदो भोलो, त परमेशर तेरो रोड़ेचारे इन्साफ केरेलो। 6 परमेशर हर एककी तैसेरे कम्मां केरे मुताबिक बदलो देलो। 7 जैना लोक रोड़ां कम्मां केरतां परमेशरेरी तरफां मैलने बैली महिमा, ते आदर, ते कधे न खतम भोने बाली ज़िन्दगरे तोपी मां रातन, परमेशरे तैन हमेशारी ज़िन्दगी देलो। (aiōnios g166) 8 पन जैना खुदगरज़न, ते सच्चे न मन्नेबालेन, बल्के बुराई केरनि चातन, तैन पुड़ परमेशरेरो क्रोध, ते कोप एज्जेलो। 9 ते मुसीबत ते दुःख हर एककी मैन्हु पुड़ एज्जेलो जै बुराई केरते। परमेशर पेड़लो यहूदी लोकां केरो इन्साफ केरेलो फिरी गैर यहूदी लोकां केरो इन्साफ केरेलो। 10 हर अक मैन्हु जै रोड़ां कम्मां केरते तैस महिमा, आदर, ते शान्ति मैलेली, पन परमेशर इना सैरी चीजां पेड़ले यहूदी लोकन देलो फिरी गैर यहूदी लोकन। 11 किजोकि परमेशर केन्चेरी तरफदारी न केरे। 12 एल्हेरेलेइ कि जैन गैर कौमारे लोकेई बगैर मूसेरो कानून मेलतां पाप कियो, परमेशर तैन बगैर मूसेरो कानून सजा देलो, ते जैनेई मूसेरो कानून मेलतां पाप कियो, परमेशर तैन सजा भी मूसेरे कानूनेरे मुताबिक देलो। 13 किजोकि परमेशरेरे नज़री मां मूसेरो कानून शुनेने बाले धर्मी नई, बल्के मूसेरे कानूने पुड़ चलने बाले धर्मी ठहराए गानेन। 14 फिरी जैखन होरि कौमां केरे लोक जैन कां मूसेरो कानून नई, सुभावे सेइं किछ मूसेरे कानूनेरे गल्लन पुड़ चलतन, ते मूसेरो कानून तैन कां न भोनेरे बावजूद भी अपने लेइ एप्पू कानून आन। 15 तैना इन हिरातन कि परमेशरेरो कानून तैन केरे दिलन मां लिखोरोए, ते तैन केरे ज़मीर भी इस गल्ली पुड़ गवाही देतन, किजोकि तैन केरे अपने खियाल भी तैन पुड़ दोष लातन या बेइलज़ाम ठहरातन। 16 एरू तेइस भोलू ज़ेइस परमेशर जै खुशखबरी मां शुनावरीए तैसेरे मुताबिक यीशु मसीहेरे ज़िरिये मैन्हु केरि छेपारी गल्लां केरो इन्साफ केरेलो। 17 तू एप्पू जो यहूदी ज़ोतस, ते मूसेरे कानूने पुड़ तेरो विश्वासे, ते तू अपने आपे पुड़ घमण्ड केरतथ, कि तू परमेशरेरो खास मैन्हु आस। 18 ते तू परमेशरेरी मर्ज़ी ज़ानतस, ते तू इन भी ज़ानतस कि कोनां गल्लां रोड़ी आन, किजोकि तीं इना गल्लां केरू ज़ान मूसेरे कानूने करां मैलोरिन। 19 ते तू भरोसो रखतस, कि तू कानन परमेशरेरी बत हिरानेबालोस, ते जैना आंधरे मां आन तैन केरे लेइ लोअरो ज़ेरे आस। 20 ते बेअक्लन शिखालने बालोस, ते बच्चां केरो उस्तादातस, ते तीं पक्को पतो कि परमेशरेरो कानून तीं पूरू ज़ान ते सच्च्याई शिखालते। 21 ते जैन तू होरन शिखालतस, अपने आपे की न शिखालस? तू होरन शिक्षा देतस कि चोरी नई केरनि, कुन तू चोरी केरतस? 22 तू जै ज़ोतस, “बदमाशी नई केरनि,” कुन तू बदमाशी केरतस? तू जै मूरतन सेइं नफरत केरतस, कुन तू मन्दरन लुटतस? 23 तू जै घमण्ड केरतस कि तू परमेशरेरे कानूने ज़ानतस, एप्पू किजो कानून न मेन्तां,

परमेशरेरी तुहीन केरतस? 24 “किजोकि तुश्शे यहूदी लोकां केरे वजाई सेइं गैर कौमन मां परमेशरेरे नञ्चेरी तुहीन भोतीए,” एल्हेरेलेइ पवित्रशास्त्रे मां एरू लिखोरूए। 25 अगर तू मूसेरे कानूने पुड़ चलस, त खतनो कराने सेइं तीं फैइदो त आए, पन अगर तू मूसेरो कानून न मन्सस त तीं मां ते तैस मां, जेसेरो खतनो नई भोरो कोई फर्क नई। 26 ते अगर कोई मैन्हु जेसेरो खतनो न भोए भोरो, त तै मूसेरे कानूने पुड़ चले, त परमेशरेरे लेइ तै मैन्हु ते जेसेरो खतनो भोरोए दुइये बराबर आन। 27 ते जैस मैनेरो खतनो नई भोरो, अगर तै मूसेरे कानूने पूरू केरे, त तै तीं दोषी ठहरालो। किजोकि तीं कां मूसेरो कानूने ते तेरो खतनो भी भोरोए, पन फिरी भी तू कानूने पुड़ न चलस। 28 किजोकि सच्च्यो यहूदी तै नई जेसेरू ज़म यहूदन मां भोरू या जेसेरो खतनो भोरोए। 29 बलके सच्च्यो यहूदी तैए, जेसेरो मन परमेशरे कां सच्च्योए, ते सच्च्यो खतनो तैए जै पवित्र आत्मारे कम्मां केरे ज़िरिये दिलेरो भोरोए, न की मूसेरो कानून मन्ने सेइं भोरोए। एरे लोकां केरि बड़याई लोक नई बल्के परमेशर एप्पू केरते।

**3** (किछ लोक पुछतन) यहूदी केरि कुन बड़याई, या खतनेरो कुन फैइदो? 2 हर किसमे सेइं बड़ू किछ। पेड़लू त इन कि सारू परमेशरेरू वचन तैन सोंफू। 3 अगर किछ यहूदी परमेशरे कां ईमानदार न निरसे त कुन भोवं? कुन तैन केरे ईमानदार न राने सेइं परमेशर तैन केरे लेइ अपने वादे पूरे केरने मां झूठो भोव? 4 नई, कधे नई! बल्के परमेशर हमेशा सच्च ज़ोते, ते हर अक मैन्हु झूठो भोव, जेन्चेरे पवित्रशास्त्रे मां परमेशरेरे बारे मां लिखोरूए, “जैस सेइं तू एपनी गल्लन मां धर्मी भोस, ते इन्साफेरे वक्ते तीं ज़ीत मैल्ले।” 5 अगर इश्शां बुरां कम्मां परमेशरेरी धार्मिकता ठहराते, त अस कुन ज़ोम? कुन इन कि परमेशर क्रोध केरते ते असन सजा देते। (इन अवं इन्सानेरी रीति पुड़ ज़ोताई)। 6 नई, कधे नई! अगर परमेशर इश्शो यहूदी केरो इन्साफ रोड़े चारे न केरेलो, त तै किजो दुनियारो इन्साफ केरेलो? 7 किछ ज़ोतन, अगर मेरे झूठेरे वजाई सेइं परमेशरेरी सच्च्याई बांदी भोतीए ते तैसेरी महिमा भोतीए, त फिरी किजो पैपी केरो ज़ेरो मां पुड़ हुक्म दित्तो गाते? 8 “एज्जा, अस बुराई केरम, कि इस सेइं भलाई पैदा भोए?” पन असन पुड़ दोष भी लव गाते, ते केत्रे ज़ोतन, कि एन केरू भी एने ज़ोनू आए। पन एरे ज़ेरेन पुड़ दोष लानो ठीक आए। 9 त फिरी अस कुन ज़ोम? कुन अस यहूदी होरन करं रोडेम? नई, कधी नई; किजोकि असेई यहूदी लोकन पुड़ ते गैर यहूदी लोकन पुड़ ई दोष लोरोए, कि तैना सारे पापेरे कब्जे मां आन। 10 जेन्चेरे पवित्रशास्त्रे मां लिखोरूए, “कोई परमेशरेरे सामने धर्मी नई, अक भी नई। 11 कोई सच्च्ये समझदार नई, कोई परमेशरे तोपने बालो नई। 12 सारे परमेशरे करं दूर भोरेन, सारे निकम्मे बनोरेन, कोई भलाई केरनेबालो नई, अक भी नई। 13 तैन केरू गल खुल्ली कब्रे, तैनेई अपने ऐशी सेइं धोखो दित्तो, तैन केरे ओठन पुड़ सप्पां केरू ज़ेरे। 14 ते तैन केरू भाषण लानती, ते टूलिठे सेइं भेरतां।

15 तैन केरे पव खून केरने लेइ तेज्जान। 16 तैना ज़ेरां भी गातन तुबाही ते कलेश तैन पत्ती गाते। 17 तैन न ज्ञानन् शैन्ति सेइं केन्चरां ज़ीतन। 18 तैन मां परमेशेरो डर बिलकुल भी नई।” 19 अस ज्ञानतम, कि मूसेरो कानून जैन किछ ज़ोते, तैन्ने सेइं ज़ोते, जैना तैस मन्तन, एल्हेरेलेइ कि केन्ची कां कोई बहानो न भोए, ते सारी दुनिया परमेशेरे सज़ारे लायिक भोए। 20 किजोकि मूसेरे कानूनेरे मुताबिक कम्मां केरने सेइं कोई मैन्हु परमेशेरे सामने धर्मी नई भोनो, एल्हेरेलेइ कि मूसेरे कानूने सेइं पिशान भोतीए कि अस पापी आम। 21 पन हुनी बगैर मूसेरो कानून मन्ने सेइं तै धार्मिकता बांदी भोरीए ज़ै परमेशेरे तरफां एइतीए, जेसेरे बारे मां मूसेरे कानूने ते नेबी केरि किबातन मां लिखोरूए। 22 मतलब परमेशेरी तै धार्मिकता ज़ै यीशु मसीह पुड़ विश्वास केरनेबालां केरे लेइए; किजोकि तैन मां किछ भेद भाव नई। 23 एल्हेरेलेइ कि सेबभेई पाप कियो, ते तैस महिमा करां दूर आन ज़ै परमेशर देते। 24 पन परमेशरे अपने अनुग्रहे सेइं अस पापां केरि सज़ाई करां यीशु मसीहेरे ज़िरिये छुटाए ते मुप्ते मां धर्मी ठहराए। 25 परमेशेरे मसीहेरे खूनेरे वजाई सेइं अक एरो छुटकारो ठहराव, ज़ै विश्वास केरने सेइं फेइदामद भोते, कि ज़ैना पाप पेइले केरे, ते ज़ैना परमेशेरे अपने बर्दाशती सेइं टाले; तैन केरे बारे मां तै अपनि धार्मिकता बांदी केरते। 26 बल्के इस्से वक्ते तैसेरी धार्मिकता बांदी भोए; कि ज़ैस सेइं तै एप्पु धर्मी ठहरे, ते ज़ै यीशु पुड़ विश्वास केरे, तैसेरो धर्मी ठहराने बालो भोए। 27 ते घमण्ड केरनु कोडि राव? तैसेरी त ठारे नई। कोस कानूनेरे वजाई सेइं? कुन मूसेरो कानून मन्ने सेइं? नई, बल्के विश्वासेरे वजाई सेइं। 28 एल्हेरेलेइ अस ज्ञानतम, कि मैन्हु मूसेरो कानूनेरे मुताबिक कम्मां केरनेरे बगैर यीशु मसीह पुड़ विश्वास केरने सेइं धर्मी भोते। 29 कुन परमेशर सिर्फ यहुदी केरोए? कुन गैर कौमां केरो नई? हॉ गैर कौमां केरो भी आए। 30 किजोकि अक्के परमेशेरे, ज़ै खतने बालन भी विश्वासे सेइं, ते ज़ैन केरो खतनो नई भोरो तैन भी विश्वासे सेइं धर्मी ठहरालो। 31 ते कुन अस विश्वासे सेइं मूसेरे कानूने रद केरतम? नई, कधे नई; बल्के मूसेरे कानूने बनोरू रखतम।

**4** त अस कुन ज़ोम, कि इश्शे पूर्वज अब्राहमे कुन मैल्लू? 2 किजोकि अगर अब्राहम रोडे कम्पन सेइं धर्मी ठहरावरो भोथो, त तैस घमण्ड केरनेरी ठार भोथी, पन रोडां कम्मां केरू घमण्ड परमेशेरे सामने नई। 3 पवित्रशास्त्र कुन ज़ोते, इन कि “अब्राहमे परमेशेरे वादन पुड़ विश्वास कियो, ते तै तैसेरेलेइ धार्मिकता गनो जेव।” 4 कम केरनेबालेरी मज़दूरी देनी दान नई, पन हक समझू गाते। 5 पन ज़ै (पुन्नेरू) कम न केरे बल्के पापी मैन्हु धर्मी ठहराने बाले पुड़ विश्वास केरते, तैसेरो विश्वास तैसेरेलेइ धार्मिकता गनो गाते। 6 ज़ैस परमेशर बगैर (पुन्नेरे) कम्मां केरे धर्मी ठहराते, तैस दाऊद भी धन ज़ोते। 7 “धने तै जेसेरे अधर्म माफ़ भोए, ते ज़ैन केरे पाप ढके जे। 8 धने तै मैन्हु ज़ैस परमेशर पापी न ठहराए।” 9 ते इन धन ज़ोनू, कुन खतने

बालां केरे लेइ आए, या ज़ैन केरो खतनो नई भोरो तैन केरे लेइ भी आए? अस पवित्रशास्त्रे मरां ज़ोतम, “अब्राहमे परमेशेरे वादन पुड़ विश्वास कियो ते तै तैसेरेलेइ धार्मिकता गनो जेव।” 10 इन तैसेरो खतनो भोने करां पेइलू भोव न कि खतनो भोनेरे बाद। 11 परमेशेरे तै पेइलो कबूल कियो ते धर्मी ठहराव, जेइस हेजू तैसेरो खतनो न थियो भोरो, ते तैस खतनेरो निशान मैलो, कि तैस धार्मिकता पुड़ छाप भोए, किजोकि तै तैन सेबभी केरो (आत्मिक) बाजी ठहरे ज़ैना विश्वास त केरतन पन तैन केरो खतनो नई भोरो। तैना भी तैन केरे विश्वासेरे वजाई सेइं धर्मी भोन। 12 ते ज़ैन केरो खतनो भोरोए तैन केरो पूर्वज भोए, ज़ैन केरो न सिर्फ खतनो कियोरोए, पन ज़ैन इश्शे पूर्वज अब्राहमेरो ज़ेरो विश्वास आए, ज़ै तैनी बगैर खतनेरी हालती मां कियोरी थियो। 13 परमेशेरे अब्राहमे ते तैसेरे वंश सेइं वादो कियोरो थियो कि तैना दुनियारे बारस भोले। ई वादे एल्हेरेलेइ नई दित्तो कि अब्राहमे मूसेरो कानून मन्नो, बल्के तैसेरो विश्वास ज़ै परमेशेरे पुड़ थियो तैसेरे वजाई सेइं तै धर्मी ठहराव जेव। 14 ज़ै वादो परमेशेरे दित्तो थियो कि तैना दुनियारे बारस भोले अगर मूसेरो कानून मन्ने सेइं आए, त फिरी विश्वास बेमतलब, ते वादो बेकार भोव। 15 परमेशर तैस पुड़ क्रोध केरते ज़ै कानूने रोडे चारे न मन्ने, ते ज़ैडी कानून नई, तैडी तैसेरू टलोइनु भी नई। 16 एल्हेरेलेइ परमेशेरे वादे विश्वासेरे ज़िरिये हासिल भोतन, ताके तैना वादे अनुग्रहेरे ज़िरिये पक्के भोन, ते सारे वादे अब्राहमेरे वंशरे लेइ आन, न सिर्फ यहुदी केरे लेइ, ज़ैना मूसेरू कानून मन्तन बल्के तैन सेबभी केरे लेइ भी आन, ज़ैना अब्राहमेरो ज़ेरो विश्वास केरनेबालन, तैए इश्शे सेबभी केरो पूर्वजे। 17 ज़ेन्चरे पवित्रशास्त्रे मां लिखोरूए, “मीं तू बेडि कौमां केरो पूर्वज बनेवरोस” परमेशेरे पुड़ तैन विश्वास कियो, ते ज़ै मुइदन ज़ींते केरते ते ज़ैना चीजां वाजुद नई, तैन भी हाज़र केरते। 18 परमेशेरे वचनेरे मुताबिक कि “तेरू खानदान एरू भोलू” तैना बेडि कौमां केरे पूर्वज भोन। तैनी न उमीदी मां भी उमीदी रेखतां विश्वास कियो, 19 ते अब्राहम ज़ै लगभग 100 सालेरो थियो, अपने मरे जानी, ते सारारे मरे पेटेरे हालीती पुड़ भी विश्वासे मां कमजोर न भोव। 20 ते गैर विश्वासी भोइतां परमेशेरे वादे पुड़ शक न की, पन विश्वासे मां मज़बूत भोइतां परमेशेरी बड़याई की। 21 ते तैस पूरो भरोसो भोव, कि ज़ैस गल्लरो वादो परमेशेरे कियोरोए, तै तैस पूरो केरनेरी शक्ति भी रखते। 22 अब्राहमेरो विश्वास तैसेरेलेइ धार्मिकता गनो जेव। 23 ते ई वचन, “विश्वास तैसेरेलेइ धार्मिकता गनो जेव,” न सिर्फ तैसेरेलेइ लिखो जेव। 24 बल्के इश्शे लेइ भी ज़ैन केरे लेइ विश्वास धार्मिकता गनो जेव, मतलब इश्शे लेइ ज़ैना अस परमेशेरे पुड़ विश्वास केरतम, ज़ैन इश्शे प्रभु यीशु मसीह मुइदन मरां ज़ींते कियो। 25 यीशु इश्शे पापां केरे लेइ मारनेरे लेइ ट्लुवाव जेव, ते असन धर्मी ठहरानेरे लेइ परमेशेरे ज़ींते भी कियो।

**5** एल्हेरेलेइ असां विश्वासे सेइं धर्मी भोए, ते ज़ैन किछ इश्शो मसही मसहीहे इश्शो लेइ कियोरू तैसेरे ज़िरिये इश्शो मेल मलाप परमेशरे सेइं भरोए। 2 ते इश्शो विश्वासेरे वजाई सेइं मसहीहे अस इस अनुग्रहे तगर पुजाए, ज़ैडी अज अस खडे भी आम, ते असां पूरे याकीने ते आनन्दे सेइं परमेशरेरी महिमा बंटनेरे लेइ उमीदी मां रातमा। 3 सिर्फ एन्ने नई, बल्के मुसीबतन मां भी अस आनन्द केरम, किजोकि अस ज्ञानतम कि मुसीबतन सेइं सबर बद्धती। 4 परमेशर असन रोड़े समझते किजोकि केन्चरे सबर केरनि असेईं शिखोरीए, ते तै असन रोड़े समझते तांए असन उमीदे। 5 ई उमीदी असन शरमिन्दा न केरे, किजोकि पवित्र आत्मा जै परमेशरे असन दित्तोरोए तैसेरे ज़िरिये सेइं तैसेरो प्यार इश्शो दिलन मां भरोए। 6 किजोकि ज़ैखन अस अपनो आप बचानेरे लेइ कमजोर थिये, त मसहीह परमेशरेरे ठहरावरे वक्ते पुइ इश्शो पैपी केरे लेइ मरो। 7 केन्ची धर्मी मैनेरे लेइ भी कोई मरे, इन बडू मुशकले, पन शैडइ केन्ची धर्मी मैनेरे लेइ कोई अपनि जान देनेरी जुरत केरे। 8 पन परमेशरे अपनो महान प्यार एन्चरे बांदो कियो, कि ज़ैखन असां पापी थिये तैखन मसहीह इश्शो लेइ मरो। 9 ते अस तैसेरे खूने सेइं धर्मी ठहरे, त मसहीहे ज़िरिये सेइं परमेशरेरे हमेशारी सजाई करं ज़रूर बचमेले 10 किजोकि ज़ैखन अस परमेशरेरे दुश्मन थिये त तैसेरे मट्टेरे मौती सेइं इश्शो मेल तैस सेइं भोव, ते फिरी मेल मलाप भरोए त तैसेरे ज़िन्दगी सेइं असन पक्की मुक्ति मैलेली। 11 ते सिर्फ इन्ने नई, पन हुनी प्रभु यीशु मसहीहेरे ज़िरिये सेइं इश्शो मेल परमेशरे सेइं भरोए, एल्हेरेलेइ अस परमेशरे मां आनन्द केरतमा। 12 एल्हेरेलेइ जेन्चरे एककी मैनेरे ज़िरिये यानी आदमेरे ज़िरिये पाप दुनियाई मां अव, ते पापे सेइं मौत आई, ते एन्चरे मौत सेबभी मैनु मां फैली। किजोकि सेबभीई पाप केरो। 13 मूसेरो कानून देने करं पेइले पाप दुनियाई मां त थियो, पन ज़ैडी कानून नई, तैडी पाप गनो न गाए। 14 फिरी भी आदमे करं मूसा तगर सेबभी लोकेई पाप कियो ते सब लोक मरे, ज़ैन लोकेई तैस आदमेरो ज़ेरो पाप न कियो तैना भी मरे, आदम मसहीहेरो ज़ेरो थियो, जै मसहीह एजनेबालो थियो। 15 पन परमेशेरू वरदान आदमेरे पापेरू ज़ेरू नई, इन सच्चे कि एककी मैनु यानी आदमेरे पापेरे वजाई सेइं बडे लोक मरे। पन परमेशरेरे अनुग्रह त कने तैसेरू वरदान बडे लोकां केरे लेइ महान आए ज़ैन एककी मैनु यानी यीशु मसहीहेरे अनुग्रह सेइं एडते। 16 ज़ैन वरदान परमेशरे असन दित्तू तैन आदमेरे पापेरू ज़ेरू नई, किजोकि एककी मैनेरो पाप सज़ा घिन्तां अव। पन हालांकी असेईं भी बडे पाप कियोरेन फिरी भी परमेशरे असन एरू वरदान दित्तोरूए ज़ैन असन परमेशरेरी नजरी मां धर्मी ठहराते। 17 किजोकि एककी मैनेरे पापेरे वजाई सेइं सब लोक मरे, त ज़ैन लोकन अनुग्रहेरू ते धार्मिकतारू बडू वरदान एककी मैनेरे ज़िरिये मैलते, तैना लोक ज़ीते राते ते एककी मैनु यानी यीशु मसहीहेरे ज़िरिये राज़ केरेले। 18 एल्हेरेलेइ जेन्चरे एककी

मैनेरो पाप सेबभी मैनेरू केरे लेइ सज़ा आनते, तेन्चरे मसीहेरे धार्मिकतारू कम सेबभी मैनेरू केरे लेइ धर्मी ठहराने लेइ वजा बनू, ज़ैस सेइं ज़िन्दगी मैलतीए। 19 किजोकि जेन्चरे एककी मैनेरे हुक्म न मन्ने सेइं बडे लोक पापी भोए, तेन्चरे एककी मैनेरे हुक्म मन्ने सेइं बडे लोक धर्मी भोले। 20 मूसेरो कानून एल्हेरेलेइ दित्तोरो थियो कि सारे लोकन पतो लगगे कि तैना केत्रे पापिन। पन जेन्चरे लोकेई जेत्रे जादे पाप किये तेन्चरे परमेशरेरो अनुग्रह तैस करं भी बडो जादे भोवं, 21 कि जेन्चरे सेबभी लोकेई पाप किये ते मरे, तेन्चरे परमेशरेरो अनुग्रह राज़ केरते ते परमेशरे अस इश्शो प्रभु यीशु मसहीहेरे वजाई सेइं धर्मी ठहरावरेम। मतलब असन हमेशारी ज़िन्दगी मैलेली। (aiōnios g166)

**6** त अस कुन ज़ोम? कुन अस पाप केरते रहम, कि परमेशरेरो अनुग्रह बद्धतो गाए? 2 नई, कधी नई! अस ज़ैखन पापेरे लेइ मरे ते फिरी किजो अग्रोवं जो पापे मां ज़िन्दगी बीताम? 3 तुस ज्ञानतम कि ज़ैखन असेईं सेबभी लोकेई यीशु मसहीहे सेइं साथी अक भोनेरे लेइ बपतिस्मो नीयोरो थियो, तैखन अस तैस सेइं साथी मरं थियो। 4 ज़ैखन असेईं बपतिस्मो नीयोरो थियो तैखन अस मसहीह सेइं साथी मरे ते दबे जे, ताके अस भी नर्वीं ज़िन्दगी ज़ीम, जेन्चरे मसहीह बाजी परमेशरेरी महिमा सेइं मुडदन मरां ज़ीतो कियो। 5 किजोकि अगर अस बपतिस्मेरे ज़िरिये मसहीहेरी मौती मां शामिल भोरेम, त अस भी पक्के तैसेरे ज़ेरे ज़ीते भोमेले। 6 अस ज्ञानतम कि इश्शी पुरानी इन्सानयत यीशु मसहीह सेइं साथी क्रूसे पुइ च़ाढ़ोरीए, ताके पापेरो जिसम बेफाइदो भोए, ते अस अग्रोवं जो पापेरे गुलैमी मां न रहम। 7 ज़ैखन मैनु मरते त तैखन तै पापेरी शेक्ति करं आज़ाद भोते। 8 एल्हेरेलेइ अगर अस मसहीह सेइं साथी मरे, ते इश्शो विश्वास ईए कि तैस सेइं साथी ज़ीते भी भोमेले। 9 किजोकि अस एन ज्ञानतम, कि मसहीह मुडदन मरां ज़ीतो भरोए ते तै फिरी न मरेलो, ते तैस पुइ फिरी मौतरू राज़ नई भोनु। 10 ज़ैखन मसहीह मरो त तै एककी बार सेबभी केरे पापेरे लेइ मरो; पन हुनी तै ज़ीतोए, ते सिर्फ परमेशरेरे लेइ ज़ीतोए। 11 एन्चरे तुस अपने बारे मां भी सोचा कि तुस पापेरे लेइ त मरोरेथ, पन यीशु मसहीहे तुसन ज़िन्दगी दित्तोरीए ते तुस परमेशरेरे लेइ ज़ीते आथ। 12 एल्हेरेलेइ तुस अपने जानी मां पापेरी इच्छान राज़ केरने न देथ, ते तुस तैन केरे मुताबिक न चला। 13 ते अपने जिसमेरे अंगन बुरे कम्मां केरे लेइ पापे न सोंफा, पन अपने आपे मुडदन मरां ज़ीते सेमझतां परमेशरे सोंफा। ते अपने जिसमेरे अंगन धार्मिकतारे कम्मां केरे लेइ परमेशरे सोंफा। 14 ते तुसन पुइ पापेरू राज़ न भोलू, किजोकि तुस मूसेरे कानूनेरे अधीन नई बल्के अनुग्रहेरे अधीन आथ। 15 त कुन भोव कि अस एल्हेरेलेइ पाप केरम, कि असां मूसेरे कानूनेरे अधीन नई बल्के अनुग्रहेरे? नई, कथे नई। 16 तुस ज्ञानथ, कि ज़ैखन तुस जेसेरो हुक्म मन्नेरे लेइ अपनो आप गुलामां केरे ज़ेरे सोंफतथ त तुस तैसेरे गुलाम आथ। चाए पापेरी जेसेरो अन्त मौते, चाए हुक्म



मन्नेरे ज़ेसेरो अन्त धार्मिकताए। 17 तुस त पेइले पापेरे गुलाम थिये पन हुनी तुसन ज़ै शिक्षा मैलोरी थी तैस पूरे दिले सेइं मन्नेबाले भोए, एल्हेरेलेइ अवं परमेशेरेरू शुक्र केरताई। 18 ते हुनी परमेशेरे तुस पापेरी शेक्ति करां छुटेइतां आज़ाद किये, ते तुस परमेशेरेरे गुलाम बने ताके तुस ज़ैन रोडू तैन केरि बटथ। 19 अवं ई मिसाल एल्हेरेलेइ इस्तेमाल केरने लोरोई, किजोकि तुशे लेइ इन समझनू मुशिकले। ज़ेन्नेरे तुसेईं पेइले अपनो आप गुलामेरे ज़ेरो बुरां कम्मां केरे लेइ अधर्म ते बुरेइरे लेइ सॉफोरे थियो, तेन्नेरे हुनी तुस अपने आपे परमेशेरी सेवारे लेइ सॉफा ताके तुस पूरे तरीके सेइं तैसेरे भोथ। 20 जेइस तुस पापेरे गुलाम थिये, त तुसन परमेशर खुश केरनेरी कोई ज़रूरत न थी। 21 तुसन पुरेनी ज़िन्दगी सेइं कुन फेइदो मैलो? सिर्फ तुस शरमातथ, किजोकि ज़ैन तुसेईं कियूं तैसेरो नितीजो सिर्फ मौते। 22 पन हुनी तुस पापे करां आज़ाद भोरेथ ते तुस परमेशेरेरे दास बनोरेथ। किजोकि इना गल्लां तुसन पवित्र बनैली ते तुसन हमेशारी ज़िन्दगी मैलेली। (aiōnios g166) 23 किजोकि पापेरी मज़दूरी त मौते, पन परमेशेरेरू वरदान इश्शे प्रभु यीशु मसीह मां हमेशारी ज़िन्दगी आए। (aiōnios g166)

**7** हे ढूलाव ते बेइनव, कुन तुस न ज़ानथ अवं मूसेरो कानून ज़ान्ने बालन सेइं ज़ोताई, कि ज़ांतगर मैन्हु ज़ीतो रहते, तांतगर तैस पुइ मूसेरे कानूनेरो अधिकार भोते? 2 मिसालरे तोरे पुइ, इलावरी कुआन्श कानूनेरे मुताबिक ज़ांतगर तैसेरो मुन्श ज़ीतोए तांतगर तैसेरी पाबंदे। पन अगर मुन्श मेरि गाए, त तै मुन्शेरे कानूने करां छुटी जेई। 3 ते अगर मुन्श हेजू ज़ीतो ते होरि मइदेरी भोए त तै बदमाश भोतीए, पन मुन्श मेरि गाए, त तैसेरे कानूने करां छुटी, इडी तगर कि होरि मइदेरी भोए, फिरी भी बदमाश न ठहरेली। 4 हे ढूलाव ते बेइनव, ज़ैखन तुस मसीह सेइं साथी मरे, त तुस कानूनेरे लेइ मरें। हुनी तुस मसीहेरे आथ ज़ै मुइदन मरां ज़ीतो कियोरोए, ताके तुस परमेशेरेरे लेइ फलदार ज़िन्दगी ज़ीथ। 5 किजोकि जेइस अस अपने सुभावेरे मुताबिक च़लते थियो, त पापी सुभाव असन मां कम केरतो थियो, ते कानूने तैना पापी इच्छां उकसेइं, ते ज़ैन किछ असेईं कियूं तैसेरो फल मौत थियो। 6 पन जेसेरे बंधने मां अस थियो, तैसेरेलेइ मेरतां, हुनी कानूने करां एरे छुटोरेम, पन आत्माेरे नव्वें तरीके पुइ सेवा केरतम, न कि लफसन सेइं। 7 त अस कुन ज़ोम? कुन मूसेरो कानून पापे? नई, कथे नई! बल्के बगैर मूसेरे कानूने अवं पापे न पिशैनी, अगर मूसेरो कानून न ज़ोथो कि “लालच न केर” त अवं लालच न ज़ैनेथो। 8 पन पापे मौको लेइतां हुकमे सेइं मीं मां हर किसमेरू लालच पैदा कियूं, किजोकि बगैर मूसेरे कानूने पाप मरें आए। 9 अवं त मूसेरे कानूने बगैर पेइलो ज़ीतो थियो, पन ज़ैखन हुकम अव, त पाप ज़ीतो भोव ते अवं मरो। 10 11 किजोकि पापे मौको मेलतां हुकमे सेइं मीं धोखो दित्तो, ते तैस सेइं अवं आत्मिक तोरे पुइ मरो। 12 एल्हेरेलेइ मूसेरो कानून

पवित्र आए, ते हुकम भी पवित्र, ठीक ते रोइओ। 13 ते कुन ज़ै चीज़ रोडी थी मेरे लेइ मौत बनी? नई, कथे नई! पन पापे तैस रोडी चीज़ी सेइं मेरे लेइ मौत पैदा केरतां अवं मारो, कि तैसेरो पाप भोरो बांदो भोए, ते हुकमे सेइं पाप बड़ो जादे बुझोए। 14 किजोकि अस ज़ानतम कि मूसेरो कानून त आत्मिक, पन अवं जिसमानी ते पापेरो गुलाम भोनेरे लेइ बिकोरोई। 15 ते ज़ैन अवं केरताई, तैस न ज़ैनी, किजोकि ज़ैन अवं चाताई, तैन न केरि, पन ज़ैस सेइं मीं नफरते, तैन्ने केरताई। 16 ते अगर, ज़ैन अवं न चैई तैने केरताई, त अवं मनताई, कि मूसेरो कानून रोडो आए। 17 ते एस हालती मां बुरी चीज़ां केरनेबालो अवं नई, बल्के पापे, ज़ै मीं मां। 18 किजोकि अवं ज़ानताई, कि मीं मां मतलब मेरे जिसमे मां कोई रोडी चीज़ नई, रोडू केरनेरी इच्छा त मीं मां आए, पन मीं करां न केरोए। 19 किजोकि ज़ैस रोडे कम्मरी इच्छा अवं केरताई, तैन मीं करां न बने, पन ज़ैस बुरेइयरी इच्छा भी न केरि तैस केरताई। 20 पन अगर अवं तैन्ने केरताई, जेसेरी इच्छा न केरि, ते तैन केरनेबालो अवं नई, बल्के पापे ज़ै मीं मां। 21 ते मीं ई कानून मैलते, कि ज़ैखन रोडे कम्मरी इच्छा केरताई, त अवं बुराई केरताई। 22 किजोकि अवं ज़मीरे सेइं त परमेशेरेरे कानूने सेइं बड़ो खुश भोताई। 23 पन मीं अपने जिसमेरे अंगन मां होरि ज़ेरो कानून लेइहोते, ज़ै मेरी अक्लोरे कानूने सेइं लइते, ते मीं पापेरे गुलामेरे कानूने मां छुडते ज़ै मेरे जिसमेरे अंगन मां। 24 अवं केरो नुभाघ मैन्हु आई, मीं इस जिसमे करां ज़ै मौतरे पासे नेते कौन छुटालो? 25 अवं परमेशेरेरू शुक्र केरताई ज़ैने यीशु मसीहेरे ज़िरिये अवं बचाव, ते अवं अपनि अक्ली सेइं त परमेशेरेरे कानूनेरो इस्तेमाल केरताई, पन अपने जिसमे सेइं पापेरी कानूनेरो इस्तेमाल केरताई।

**8** एल्हेरेलेइ हुनी ज़ैना मसीह यीशु मां आन, तैन पुइ सज़ारो हुकम नई। 2 किजोकि पवित्र आत्मा तुसन ज़िन्दगी देलो, ज़ै यीशु मसीह करां एडती ते तै तुसन पाप ते मौती करां आज़ाद केरेलो। 3 किजोकि ज़ैन कम कानूने इश्शे पापी सुभावेरे वजाई सेइं कमज़ोर भोइतां न केरि बटु, तैन परमेशेरे कियूं, मतलब अपने मट्टे इश्शे पैपी केरो ज़ेरो भोनेरे लेइ, ते पापेरे बलिदानेरे लेइ भेजू, परमेशेरे मसीहेरे जिसमे मां पापेरी सज़ा दित्ती। 4 परमेशेरे एन एल्हेरेलेइ कियूं ताके अस अपने पापी सुभावेरे मुताबिक नई, पन पवित्र आत्माेरे मुताबिक च़लतां ज़ै हुकम कानून देते तैस केरि बटम। 5 किजोकि ज़ैना लोक पापी सुभावेरे मुताबिक ज़िन्दगी बीतातन, तैना पापेरे बारे मां सोचतन, पन ज़ैना लोक पवित्र आत्माेरे मुताबिक ज़िन्दगी बीतातन, तैना आत्मिक गल्लां केरे बारे मां सोचतन। 6 अगर इश्शो मन इश्शो पापी सुभावेरे मुताबिक च़लते त अस मरमेले, पन अगर इश्शो मन आत्माेरे मुताबिक च़लते त असन कां ज़िन्दगी ते शान्ति मैलेली। 7 किजोकि पापी सुभावेरे मुताबिक च़लनू परमेशेरे सेइं बैर रखनोए, किजोकि न त पापी सुभाव परमेशेरेरे कानूनेरे अधीने, ते न कानूनेरे मुताबिक च़लि बटते। 8 ते ज़ैना पापी

सुभावेरे मुताबिक चलतन तैना परमेशरे खुश न केरि बटन। 9 पन ज़ैखन परमेशरेरो आत्मा तुसन मां बस्सते, ते तुस पापी सुभावेरे मुताबिक न चलथ बल्के पवित्र आत्मा मुताबिक चलतथ, अगर कोन्वी मां पवित्र आत्मा नई त तै मसीहेरो मैन्हु नई। 10 ते अगर मसीह तुसन मांए, त जिसम पापेरे वजाई सेई मरेलो, पन आत्मा धार्मिकतारे वजाई सेई जींतीए। 11 ते अगर तैसेरी आत्मा ज़ैने यीशु मुडदन मरां जींती कियो तुसन मांए। ते ज़ै मसीह तैने मुडदन मरां जींती कियो, तैए तुशशे भी नाश भोनेबाले जिसमे अपनि आत्मा सेई जींती केरेलो, ज़ै तुसन मांए। 12 हे ढूलाव ते बेडनव, असेई एन्चरे न लोडे ज़ीयेरु ज़ेन्चरे अस अपने पापी सुभावेरे मुताबिक ज़ीनू चातम, पन असेई एन्चरे ज़ीयोर्नु लोडे ज़ेन्चरे परमेशरेरो आत्मा चाते। 13 किजोकि अगर तुस अपने पापी सुभावेरे मुताबिक ज़ीले त तुस मरेले, पन अगर तुस पवित्र आत्मा मुताबिक चलेले त तुस अपने पापी सुभावेरां कम्मां केरनां बंद केरेले ते फिरी तुस जींती राले। 14 किजोकि जेत्रे परमेशरेरे आत्मा च़लाने सेई चलतन तैना परमेशरेरे बच्चेन। 15 किजोकि ज़ै आत्मा तुसन मैलोरोए तुसन फिरी गुलाम बेनतां रानेरे लेड नई, बल्के ते तुसन परमेशरेरे बच्चे बनाते। तैसेरे ज़िरिये अस परमेशरे जो हे अब्बा, हे बाजी जोतम। 16 पवित्र आत्मा एप्पू इशशे आत्मा सेई मिलतां गवाही देते, कि अस परमेशरेरे बच्चेम। 17 किजोकि अस परमेशरेरे बच्चेम ते असां तैना बरकतां हासिल केरमेले ज़ैना परमेशर अपने लोकां केरे लेड रेखोरिन, ते मसीहेरे लेड भी ज़ैन परमेशरे रेखोरूए, तेन भी अस मसीह सेई साथी हासिल केरमेले; किजोकि अगर अस मसीहेरे जेरे दुःख झूलमेले त अस भी मसीहे साथी महिमा हासिल केरमेले। 18 मीं पूरू याकीने, कि ज़ैना दुःख अस झूल्लने लोरेम, तैस महिमारे सामने, ज़ै परमेशर असन देनेबालोए, किछ भी नई। 19 किजोकि सैरी रचनारी चीजां बडे बे सबरी सेई तैस वक्तेरो इंतज़ार केरने लोरिन, कि जेडस परमेशरे इन बांदो केरनू तैसेरे सच्चे बच्चे कौन आन। 20 किजोकि ज़ैन किछ परमेशरे बनाव, तैन सैरी चीजेई अपनि कीमत गवाड, एल्हेरेलेड नई कि तैना अपने आप चैती थी, पन परमेशरे एन भोने दित्तू। पन फिरी भी उमीदे। 21 कि सृष्टि एप्पू भी खुश आए कि विनाशे करां छुटकारो हासिल केरतां, परमेशरेरे बच्चां केरे महिमारी अज़ैदी मां खुशी मनाली। 22 किजोकि अस ज़ानतम कि सारी सृष्टि मिलतां हुना तगर कर लातीए ते तकलीफी मां तडफतीए, जेन्चरे दोज़ींती गल्हे बिशनेरी तकलीफ भोतीए। 23 सिर्फ तैना नई पन अस भी ज़ैन एजने बैली महिमारो पेडले फलेरो स्वाद च़खनेरे लेड पवित्र आत्मा दित्तो, पन अस हेजू भी परमेशरेरे वक्ते बलगने लोरेम ज़ैखन परमेशर अपने बच्चे केरे रूपे मां कबूल केरेलो, ते असन जिसमेरे बुईई करां छुटकारो देलो। 24 हुनी परमेशरे असन मुक्ति दित्तोरीए, असन ई उमीदे। पन अगर तुस कोन्वी चीज़ी हासिल केरनेरे लेड उमीद केरथ ज़ै तुसन कां पेडली आए, त फिरी तै उमीद नई। किजोकि ज़ैस चीज़ी कोई

हेरने लोरोए तैसेरी उमीद कुन केरे? 25 पन ज़ैस चीज़ी अस न लहम, अगर तैसेरी उमीद रखतम, त सबरी सेई तैस बलगते भी रातम। 26 एन्चरे पवित्र आत्मा इशशे मद्दत केरते ज़ैखन अस परमेशरे पुड भरोसो रखने मां कमज़ोर भोतम, किजोकि अस न ज़ानम, कि प्रार्थना केन्चरे केरतन; पन पवित्र आत्मा एप्पू कर लेडतां ज़ै बयानेरे बेडरे, इशशे लेड बिनती केरतीए। 27 ते परमेशर ज़ै मनां केरो ज़ानने बालोए ज़ानते, कि पवित्र आत्मा कुन लोरो ज़ोने। किजोकि तै पवित्र लोकां केरे लेड परमेशरेरे मेज़ीं सेई बिनती केरते। 28 ते अस ज़ानतम, कि ज़ैना लोक परमेशरे सेई प्यार केरतन, परमेशर तैन केरे लेड सब गल्लां केरे ज़िरिये भलाई पैदा केरते; मतलब तैन केरे लेड ज़ैना तैनी अपने मेरज़ारे मुताबिक चुनोरेन। 29 किजोकि तैने ज़ैना पेडले चुने, ते पेडले ठहराए भी कि तैसेरे मट्टेरे रूपे मां भोन, ताके तै बडे ढूलान मां ज़ेठो भोए। 30 फिरी ज़ैना तैने पेडले ठहराए, तैना चुने भी, ते ज़ैना चुने, तैना धर्मा भी ठहराए, ते ज़ैना धर्मा ठहराए तैन महिमा भी दित्तोरीए। 31 ते अस एन गल्लां केरे बारे मां कुन ज़ोम? अगर परमेशर इशशे पासे, ते इशशे खलाफ कौन भोड बटते? 32 परमेशरे अपनू मट्टू भी अपने लेड न रखबू, बल्के तैन इशशे सेबभी केरे लेड तैसेरे दुश्मना केरे हवाले दित्तू, ते तै मसीह सेई असन तैन सब किछ देलो ज़ेसेरो वादो तैने असन सेई कियोरोए। 33 अस परमेशरेरे चुनोरेम, कोई असन पुड परमेशरेरे सामने दोष न लेई बटे, किजोकि तैए ज़ैने अस धर्मा ठहरावरेम। 34 फिरी कौने ज़ै सज़ारो हुक्म देलो? कोई नई, यीशु मसीह तैए ज़ै मरो, बल्के मुडदन मरां जींती भोव, ते परमेशरेरे देडने पासे, ते इशशे लेड बिनती भी केरते। 35 कौन असन मसीहेरे प्यारे करां अलग केरि बटते? मुसीबत या तंगी, या जुलम, या काल, या नगूपन, या खतरो, या तलवार? इन मरां कोई भी चीज़ असन मसीहेरे प्यारे करां अलग न केरि बटे। 36 जेन्चरे पवित्रशास्त्रे मां लिखोरूए, “तेरे लेड अस हर वक्त मौतरे खतरे मां रातम; अस मैरोने बैली भेड्डां केरे ज़ेरे गने जोरेम।” 37 पन ज़ैने असन सेई प्यार कियोरोए, तैसेरे ज़िरिये असन पूरे तरीके सेई एन सैरी बुदी गल्लां पुड जीत हासिल आए। 38 किजोकि मीं पूरू याकीने, कि न मौत, न ज़िन्दगी, न स्वर्गदूत, न हकोमतां, न ज़ै वक्त च़लोरोए, न एजनेबालो वक्त, न शक्ति, न उचार, 39 न डुघार ते न कोई होरि सृष्टि, असन परमेशरेरे प्यारे करां ज़ै इशशे प्रभु यीशु मसीह मांए अलग केरि सकेली।

**9** अवं मसीह मां सच जोताई, झूठ न जोई, ते मेरो ज़मीर भी पवित्र आत्माई मां गवाही देते। 2 कि मीं बडो दुःखे, ते मेरो दिल लगातार मेरे लोकां केरे लेड उदास भोते। 3 किजोकि मेरे यहूदी ढूला ते बेडनां केरे लेड, अवं हमेशारे लेड श्रापित भोथो ते मसीह करां अलग भोथो अगर तैन इस वजाई सेई तैन मुक्ति मैलती। 4 तैना इस्पाएलिन; ते तैना परमेशरेरे लेपलक बच्चे भोनेरे लेड चुनोरेन, ते परमेशरेरे अपनि महिमा तैन पुड बांदी की। ते तैनी तैस सेई करार कियो, ते तैन मूसोरो कानून दित्तो। ते

तैनी तैन अपनि आराधना ते अपने खूबसूत वादे पूरे केरनेरे लेइ हासिल केरनेरो मौको दितो। 5 अब्राहम, इसहाक ते याकूब तैन केरे दादे पड़दादे थिये, ते मसीह भी जिसमेरे लिहाजे सेइं तैन मरां अव, तै परमेशरे ते सेबन करां बाए जै सेबन पुड़ राज़ केरते, तैसेरी महिमा हमेशा भोती राए। आमीन। (aiōn g165) 6

पन इन नई, कि परमेशरेरू वचन टलू कि, सारे जैना इस्राएलेरे वंशान, तैना सब सच्चे इस्राएली नई। 7 ते न अब्राहमेरे वंश मां जर्म भोने सेइं सब परमेशरेरे बच्चे भोन। पन पवित्रशास्त्रे मां परमेशर अब्राहमे सेइं ज़ोते, “जैना इसहाकेरे वंशे मरां पैदा भोले तैन्ने तेरू वंश मन्गू गालू।” 8 मतलब जैना कुदुरती तरीके सेइं जर्म घिन्तन तैना परमेशरेरे बच्चे नई, पन सिर्फ वादेरे बच्चे अब्राहमेरे बच्चे गने गातन। 9 किजोकि वादेरू वचन इने, “अवं एग्री साल इस वक्ते फिरी एज्जेलो, ते सारारू अक मटू भोनूए।” 10 ते सिर्फ एन नई, पन ज़ेइस रिबका भी एक्की सेइं मतलब इसहाके सेइं दोर्जीती थी ते तैसेरे पेटे मां दूई बच्चे थिये। 11 ते हेजू तगर तैना बच्चे न थिये ज़मोरो, ते न तैनेई रोडू या बुरू कियेरू थियू, कि परमेशरे रिबका सेइं ज़ोवं, तेरू बडू मटू निकड़ेरी सेवा केरेलू। परमेशरे एन एल्हेरेलेइ ज़ोवं कि एन हिराए, कि तै अपनि मेर्जी सेइं फैसले केरते ते इन तैन मट्टां केरे रोड़ां या बुरे कम्मां केरे वजाई सेइं न थियू। 13 जेन्चरे पवित्रशास्त्रे मां लिखोरूए, “मीं याकूबे सेइं प्यार कियो, पन एसावेरो इन्कार कियो।” 14 ते अस कुन ज़ोम, कि परमेशर बेइन्साफे कि तै जैस चाते चुनते? नई, कथे नई! 15 किजोकि परमेशर मूसे सेइं ज़ोते, “अवं जैस केन्ची पुड़ दया केरनि चैई, तैस पुड़ दया केरेलो ते जैस पुड़ तरस केरनी चैई तैस पुड़ तरस केरेलो।” 16 एल्हेरेलेइ परमेशर तैस चुनेलो जैस पुड़ तै दया हिरानी चाते; तैसेरी इच्छा लोक जैन चातन या केरनेरी कोशिश केरतन तैस पुड़ निर्भर नई। 17 किजोकि पवित्रशास्त्रे मां परमेशरे मिसरे राज़े फ़िरौन सेइं ज़ोवं, “मीं तू एल्हेरेलेइ राज़ो बनोरोस, कि तीं मां अपनि शक्ति हिरैई, ते मेरे नंब्बेरो प्रचार सैरी ज़मीनी पुड़ भोए।” 18 ते जैस पुड़ तै चाते, तैस पुड़ दया केरते; ते जैस चाते ढीठ केरते। 19 ते किछ लोक मीं सेइं ज़ोले, “अगर एन्चरे, त फिरी परमेशर केन्चरे फैसलो केरि बटते कि अस गलत आम? एल्हेरेलेइ कोई भी तैस जैन ते चाते केरने करां न रोकी बटे।” 20 हे मैन्हु, तू कौन आस, जै तू परमेशरे सेइं बँस केरतस? कुन बानोरी चीज़ बनाने बाले सेइं जोई बटतीए, “तीं अवं एरी किजो बनाई?” 21 कुन कुम्हारे मिती पुड़ अधिकार नई, कि एक्की लुनदे मरां, अक भांड आदरारे लेइ बनाए, ते होरू नरादराए लेइ बनाए? 22 (परमेशरे अपने बनारो लोकन सेइं जैन तै चाए तैन केरनेरो अधिकारे) जैना नाश भोनेरे काबल थिये, तैन केरे खलाफ परमेशर अपनो क्रोध हिरानो ते अपनि सामर्थ बांदी केरनेरी चातो थियो, पन तैसेरे बदले मां तैनी सबर की। 23 (तैनी एन कियू) किजोकि तै हिरानू चातो थियो (मसीहरे मौतरे बलिदानेरे ज़िरिये) तै केत्रो महान आए, ज़ैखन तै तैन लोकन

पुड़ दया केरते जैना तैनी अपनि महिमा मां शामिल भोने लेइ चुनोरेन। 24 मतलब असन पुड़ जैना तैने न सिर्फ यहूदन मरां बल्के गैर कौमन मरां भी चुने। 25 जेन्चरे तै होशे नेबेरे किताबी मां ज़ोते, “जैना मेरे लोक न थी, तैन अवं अपने लोक ज़ोलो। ते जैना लोक मेरे दलारे न थिये, तैन जो दलारे ज़ोइलो। 26 ते तैस्से ठेरी जैड़ी परमेशरे ज़ोरू थियू, तुस मेरे लोक नई, तैस्से ठेरी ज़ीतो परमेशर तेन ज़ोलो तुस मेरे बच्चे।” 27 ते यशायाह नबी इस्राएली लोकां केरे बारे मां ज़ोते, “चाए इस्राएलेरी कुटमेरी गिनती समुद्रे किनारे रेतरि ज़ेरि बडी जादे भोली फिर भी तैन मरां थोड़े बचले। 28 किजोकि प्रभु जल्दी दुनियारे सेबभी लोकां केरो सेखती सेइं इन्साफ केरेलो।” 29 जेन्चरे यशायाह नेबे पेइलू भी ज़ोरू थियू, “कि सर्वशक्तिमान परमेशरे इश्शे लेइ इश्शू वंश न बाघाथो, त अस सदोम ते अमोरा नगरां केरे ज़ेरे भोने थिये, जैना परमेशरे पूरे तरीके सेइं बरबाद कियां।” 30 ते अस कुन ज़ोम? इन कि जैना गैर कौमां केरे लोक जैना धार्मिकता न थी तोपते, तैनेई धार्मिकता हासिल की, मतलब तै धार्मिकता जै विश्वासे सेइं आए। 31 पन इस्राएली लोक मूसेरो कानून मेन्तां परमेशरेरे करां धर्मी जुवानू चाते थिये, पन तैन न भोइ बटू। 32 किजो नई? एल्हेरेलेइ कि तैना विश्वासे सेइं नई, पन मूसेरो कानून मेन्तां धर्मी भोनेरी कोशिश केरते थिये, तैनेई तैस ठोकर खानेबाले घोड़े सेइं ठोकर खाइ। 33 जेन्चरे पवित्रशास्त्रे मां लिखोरूए; “तका अवं सिय्योने मां अक ठेस लानेबालो घोड़, ते ठोकर खाने बाली चट्टान रखाई; ते जै तैस पुड़ विश्वास केरेलो, तै शरमिन्दा न भोलो।”

**10** हे दूलाव ते बेइनव मेरे मनेरी इच्छा ते इस्राएली लोकां केरे लेइ परमेशरे कां मेरी ई प्रार्थनाए, कि तैन मुक्ति मैल्ले। 2 अवं ज्ञानताई कि तैना परमेशरेरे लेइ जोशे मां रहतन, पन सच्चे ज्ञाने सेइं नई। 3 किजोकि तैना तैस धार्मिकताई करां अनज़ान राए जै परमेशरे तरफां मैलतीए, ते तैनेई अपनि धार्मिकता बनानेरी कोशिश की, एल्हेरेलेइ तैनेई अपनो आप परमेशरेरी धार्मिकतारे अधीन न कियो। 4 किजोकि मसीहे तै मकसद पूरो कियोरोए जेसेरे लेइ मूसेरो कानून दित्तोरो थियो, ताके जै कोई मसीह पुड़ विश्वास केरे तै परमेशरेरी नज़री मां धर्मी भोए। 5 किजोकि मूसे इन लिखोरूए, “जै मैन्हु तैस धार्मिकता मुताबिक चलते जै कानूनेरे ज़िरिये आए, तै तैसेरे ज़िरिये सेइं ज़ीतो रालो।” 6 पन जै धार्मिकता विश्वासे सेइं आए, तैसेरे बारे मां पवित्रशास्त्र इन ज़ोते, “तू अपने मने मां इन न ज़ोइयां कि स्वर्ग पुड़ कौन चढ़ेलो?” (मतलब मसीह आन्ने) 7 या इन न ज़ोइयां “पाताले मां कौन गालो?” (मतलब मसीह मुड़दन मरां ज़ीतो केरतां बा आने) (Abyssos g12) 8 पन पवित्रशास्त्र इन ज़ोते “परमेशरेरू वचन तेरे नेड़े, ते तेरे ऐशी मां ते मने मां आए,” इन तैन वचने जैन असन परमेशरे पुड़ विश्वास केरनेरे बारे मां ज़ोते, जेसेरो अस प्रचार केरतम। 9 अगर तू अपने ज़बाना यीशुए, प्रभु जेनतां मन्स ते अपने दिल सेइं विश्वास केरस, कि

परमेशरे ते मुडदन मरां ज़ीतो कियो, त तीं परमेशर पक्की मुक्ति देलो। 10 किजोकि इश्शे विश्वासेरे ज़िरिये सेइं अस परमेशरेरी नज़री मां धर्मी भोतम, ते इश्शे इकरार करेने सेइं मुक्ति मैलोरीए। 11 किजोकि पवित्रशास्त्र इन जोते, “ज़ै कोई तैस पुड़ विश्वास केरे, ते शरमिन्दो न भोलो।” 12 इन एल्हेरेलेइ आए कि यहूदन ते गैर कौमन मां कोई फर्क नई, किजोकि परमेशर सेब्भी केरो प्रभुए; ते ज़ैना तैसेरू नवं घिन्तन तै तैन बरकत देते। 13 ज़ेन्चरे पवित्रशास्त्र जोते, “ज़ै कोई प्रभुएरू नवं घिन्नेलो, तैस मुक्ति मैलेली।” 14 पन प्रभु पुड़ लोकेई विश्वास न कियो त तैना तैसेरू नवं किजो घिन्त? ते ज़ेसेरे बारे मां तैनेई शुनोरू नई तैस पुड़ केन्चरां विश्वास केरेले? ते अगर तैसेरे बारे मां कोई प्रचार न केरे त तैना केन्चरां शुनी बटतन? 15 ते अगर कोई प्रचार केरनेरे भेजो न गाए त तैना केन्चरे शुनेई बटतन? ज़ेन्चरे पवित्रशास्त्र जोते, “तैन केरे पव केत्रे रोडेन, ज़ैना खुशखबरी शुनातन।” 16 पन सेब्भेई तै खुशखबरी कबूल न की। यशायाह नबी जोते, “हे प्रभु कोई इश्शे सन्देशे पुड़ विश्वास न केरे।” 17 एल्हेरेलेइ मसीहेरे बारे मां सन्देश शुन्नेरे बगैर कोई भी तैस पुड़ विश्वास न केरि बटे। 18 पन अवं पुछतई, “कुन इस्राएली लोकेई न शुनू?” हॉ तैनेई ज़रूर शुनू, पन पवित्रशास्त्रे मां लिखोरूए “तैन केरू वचन सैरी ज़मीनी पुड़, ते तैन केरि गल्लां दुनियारे हर पासे पुजोरिन।” 19 अवं फिरी पुछतई, कुन इस्राएली लोकेई तैन वचन न समझू? पेड़लो त प्रभुए मूसरे ज़िरिये ज़ुवाब देते, “अवं तैन केरे ज़िरिये ज़ै कौम नई, इस्राएली लोकन जलन करालो, अवं बेवकूफ गैर कौमां केरे लोकां केरे ज़िरिये तुसन सरकालो।” 20 फिरी यशायाह बड़े दिलेरी सेइं परमेशरेरे लेइ जोते, “ज़ैना मीं न थी तोपते, तैन अवं मैलो, ते ज़ैना मीं पुछते भी न थी, तैन पुड़ अवं बांदो भोव।” 21 पन इस्राएलेरे बारे मां परमेशर इन जोते, “अवं हुक्म न मन्नेबाले ते बेस केरनेबाले लोकन सैरी दिहैडी कुजातो राव।”

**11** एल्हेरेलेइ अवं पुछतई, कुन परमेशरे अपने लोक शारे? नई, कधे नई! अवं भी त इस्राएली आई, अब्राहमेरे खानदाने ते बिन्यामीनेरे गोत्रे मरां आई। 2 परमेशरे अपने तैना लोक न शारोरे, ज़ैना तैने पेड़ले चुने, कुन तुसन न ज़ानथ, कि पवित्रशास्त्र एलिय्याहेरे बारे मां कुन जोते, कि एलिय्याह नेबे इस्राएली लोकां केरे खलाफ परमेशरे कां बिनती केरते? 3 तैने जोवं “हे प्रभु, तैनेई तेरे नबी मारे, ते तेरी बलिदान केरनेरी ठारा बरबाद की, ते सिर्फ अवं ए ऐकैलो बज़ोरोई ज़ै तीं मन्ने बालोई, हुनी तैना मीं भी मारने चातन।” 4 पन परमेशरे एलिय्याहे जुवाब दित्तो, “मीं अपने लेइ 7000 मड़द रखोरें, ज़ैनेई बाल देबतेरे मूरती कां मथ्यो नई टेकोरो।” 5 एन्चरे इस वक्ते भी थोड़े ज़ेरे लोक बज़ोरें, ज़ैना परमेशरे अपने अनुग्रह वजाई सेइं चुनोरें। 6 अगर इन परमेशरेरे अनुग्रहे सेइं भोरूए, ते फिरी मूसरे कानूनरे मुताबिक कम्मन केरने सेइं नई, नई त फिरी अनुग्रह, अनुग्रह न राव। 7 ते फिरी नितीजो कुन भोव? कि इस्राएली ज़ेसेरी तोपी

मां आन, तै तैन न मैलो; पन चुनोरें मैलो, ते होरे बाकी लोक सखत कियोरें। 8 ज़ेन्चरे पवित्रशास्त्रे मां लिखोरूए, “परमेशरे अज़्जेरे दिहाडी तगर तैन केरो मन ते दिल सुस्त कियो, ते एरी एछछे दित्ती कि ताके तैना लेई न बटन, ते एरे कन ताके तैना शुनी न बटन।” 9 ते राज़ो दाऊद जोते, “अवं परमेशरे कां प्रार्थना केरताई कि तै तैन केरे तिहारन मां ट्लेइ बटे ते फसाए, ते परमेशर तैन झुकाए ते तैन सज़ा देइ बटे। 10 ते तैन केरि एछछन पुड़ आंधरू भोए, ताके तैना लेई न बटन, ते परमेशर तैन, तैन केरि परेशैनी केरे वजाई सेइं दुखी केरि बटे।” 11 त अवं पुछतई, कुन यहूदी लोक टोकर लगनेरे वजाई सेइं हमेशारे लेइ बिछड़े? नई, कधे नई! पन तैन केरे विश्वास न केरनेरे वजाई सेइं गैर कौमन मुक्ति मैल्ली ताके तैन जलन भोए। 12 ते अगर तैन केरे विश्वास न केरनेरे वजाई सेइं गैर कौमरे लोकां केरू भलू भोवं, हकीकति मां गैर कौमां केरे लेइ बड़ रोड़ भोलू ज़ेइस यहूदी लोक परमेशरे कां वापस एज्जेले। 13 अवं तुसन गैर कौमरे लोकन सेइं एन जोताई। कि अवं गैर कौमरे लोकां केरो प्रेरित आई, ते अपने सेवारे बारे मां घमण्ड केरि। 14 ताके अवं कोन्ची तरीके सेइं अपने लोकन जलन करेइतां तैन मरां किछन मुक्ति दूवेई। 15 किजोकि इस्राएली लोकां केरू शारू गानू दुनियारे लोकां केरे लेइ मेल मिलापेरी वजा बनी, ते तैन केरू यीशु कबूल केरनू कि तै मसीह आए, एन एरू भोलू ज़ेन्चरे मुडेरू ज़ींतू भोनू! 16 ते किजोकि पूर्वज अब्राहम ते दादे पड़दादे पवित्र थिये ते तैन केरि खानदानी भी पवित्र भोली, ज़ैखन चड़तलरो पेड़लो पेड़डी परमेशरेरे लेइ चाढ़नेरे वजाई सेइं पवित्र भोरोरए, त पूरू सन्नीरू अट्टू भी पवित्र भोरूए, ते ज़ैखन ज़ील पवित्र भोवं, त डाल भी पवित्ररन। 17 इस्राएली लोक ज़ैतूनेरे बुटेरे डैलडी केरे ज़ेरे आन ते इश्शे दादे पड़दादे अब्राहम, इसहाक ते याकूब एस बुटेरे ज़ीलां केरे ज़ेरे आन, ते अगर किछ डैलडी ट्लोडी जेई, त तुस गैर कौमरे लोक जंगली ज़ैतूनेरे ज़ेरे आथ, ते तुस तैस असली ज़ैतूने मां कलम कियोरथ ते ज़ीलां केरे खुराकारे हकदार भोरैथ। 18 त तीं तैन डैलइन पुड़ ज़ैना ट्लोडी जेई ते शैरी जेई तैन पुड़ घमण्ड न लोड़े कियेरू, ते अगर तू घमण्ड केरस त याद रख कि तू ज़ीलन नई, पन ज़ील तीं सुमभालते। 19 फिरी तू ज़ोलो, “डैलडी एल्हेरेलेइ ट्लोडी, कि अवं कलम भोई।” 20 इन सच्चे, तैना त विश्वास न केरनेरे वजाई सेइं ट्लोडी जेई, पन तू विश्वासे सेइं बनोरो रातस, एल्हेरेलेइ घमण्ड न केर, पन डर केर। 21 किजोकि परमेशरे असली डैलइन पुड़ दया न की, त तुसन पुड़ भी दया न केरेलो ज़ैना कलम कियोरथ। 22 एल्हेरेलेइ परमेशरेरी दया ते सखती हेर! ज़ैना पाप केरनेरे वजाई सेइं झड़े तैन पुड़ सखती, पन तेरे लेइ दया, ते तू अपने आपे पुड़ तैसेरी दया बनोरी राने दे, नई त तू भी कटो गालो। 23 ते अगर यहूदी लोक फिरी विश्वास केरन, त कलम केरे गानेन किजोकि परमेशर एन केरनेरे लेइ शक्ति बालो आए। 24 किजोकि अगर तू तैस ज़ैतून, ज़ै सुभावे सेइं जंगलीए कटो जेव, ते ज़ै असलीए

तैसेरे खलाफ रोडे जैतूने मां लव जेव, ते इना असली डैलडी अनुग्रहेरें मुताबिक जै परमेशरे असन दित्तोरुए, असन अलग-अलग वरदाना मैलोरन। ते जैस भविष्यवैनरु वरदान मैलोरुए, तै विश्वासेरें मुताबिक भविष्यवाणी केरे। 7 अगर सेवा केरनेरु वरदान मैलेरुए, त होरि केरि सेवाई मां लगगोरो राए, अगर कोई शिखालने बालो भोए, त शिखालने मां लगगोरो राए। 8 अगर तुशू वरदान हिम्मत देने बालू भोए त तुसेई हिम्मत देती लोडे रावरी, अगर कोन्ची दान देनेरु वरदान मैलोरु भोए तैने खुल्ले पवित्रशास्त्रे मां लिखोरुए, “छुटानेबालो सिय्योनेरां (यरूशलेम) दिले सेई लोडे दितोरु, अगर केन्ची अगवाई केरनेबालोए, तै एज्जेलो, ते अभक्ति इस्राएली लोकन करां दूर केरेलो। 27 ते तैन सेई मेरो ई करार भोलो, कि अवं तैन केरे पाप माफ़ केरेलो।” 28 खुशखेबारां वजाई त तैना तुशुशे लेइ परमेशरेरें बैरिन, पन लगगोरो राथ। 10 भाईचारेरें प्यारे सेई एक्की होरि सेई प्यार परमेशरेरें चुनेरे वजाई सेई ते तैन केरे बुजुर्गन दित्तोरे वचनेरे वजाई सेई परमेशर तैन सेई हेजू भी प्यार केरते। 29 किजोकि परमेशरेरें अपने वरदान करां ते अपने कुजाने करां कथे अपनो मन न बदले। 30 किजोकि जेन्चरे पेइले तुसेई परमेशरेरो हुकम न थियो मनोरो, पन हुना इस्राएली लोकां केरे हुकमन मन्ने सेई तुसन पुड़ दया भोइ। 31 तैना हेजू भी हुकम न मन्नेबालेन कि जै दया तुसन पुड़ भोरीए तैन पुड़ भोली। 32 किजोकि सेब्भी लोकेई हुकम नई मन्नेरो एल्हेरेलेइ तैना कैदी केरे जेरे बनोरिन। पन परमेशरे एन एल्हेरेलेइ कियूं ताके तैन सेब्भन पुड़ दया केरि बटे। (e1eese g1653) 33 वाह! परमेशर सेब्भी केरे लेइ भलो आए ते ज्ञानी ते अक्लमन्दे, कोई भी तैसेरे खियालन बियांन न केरि बटे ते कोई तैसेरी बत्तां न सेमझी बटे। 34 जेन्चरे पवित्रशास्त्रे मां लिखोरुए “कोई न ज्ञाने प्रभुएरे मने मां कुने या तैस सलाह देनेबालो कौने? 35 या केने पेइले तैस किछ दित्तू जेसेरो बदलो तैस दित्तो गाए?” 36 किजोकि सब किछ परमेशरेरी तरफां आए। तैन्नी सब किछ बनाव, ते तैसेरे जिरिये, ते तैसेरेलेइ सब किछे। तैसेरी आदर सदा भोती राए। आमीन। (aiōn g165)

**12** एल्हेरेलेइ हे ढूलाव ते बेइनव, अवं तुसन कां परमेशरेरी दया याद केरताई बिनती केरतां जोताई, कि अपनि जिन्दगी पवित्र, ते जेरु परमेशरेरें पसंद एइते, बलिदान केरतां चाढा; ईए परमेशरेरी आराधना केरनेरो सही तरीको आए। 2 ते इस दुनियारे तरीके पुड़ न चला, पन परमेशर तुशुशी सोच बदलेरे जिरिये सेई तुशुशो चालचलन भी बदलोए, ताके तुस ज्ञानथ कि परमेशर तुसन करां कुन चाते, या जै रोड़ी ते जैन तैस पसंद एइते, ते सिद्ध आए। (aiōn g165) 3 किजोकि अवं तैस परमेशरेरें अनुग्रहेरे वजाई सेई जै मां मैलो, तुसन मरां हर एक्की सेई जोताई, कि जेन्चरे समझोरु लोडे, तैस करां कोई भी अपनो आप जादे न समझे, यानी कि जेत्रो विश्वास परमेशरेरें तुसन दित्तोरुए तैसेरे मुताबिक अपने आपे समझा। 4 किजोकि जेन्चरे इशुशे एक्की जिसमे मां बडे अंगन, ते सेब्भी अंगां केरु अक्कां जेरु कम नई। 5 तेन्चरे अस जैना मसीह पुड़ विश्वास केरतम, अस भी तैसेरे जिसमेरे जेरे बने, ते अस तैसेरे अंग आम ते अस एक्की होरि सेई जुडोरिम। 6 ते जैखन कि तैस

**13** हर कोई मैन्हु प्रधान अधिकारी केरे अधीन राए; किजोकि कोई अधिकार एरो नई, जै परमेशरेरें तरफां न भोए; ते जैना अधिकारी आन, तैना परमेशरे ठहरावरेन। 2 एल्हेरेलेइ जै कोई अधिकारी केरि खलाफत केरते, तै परमेशरेरें कानूनेरी खलाफत केरते, ते जैना लोक परमेशरेरें कानूनेरी खलाफत केरतन तैन सजा मैल्लनीए। 3 किजोकि हेरा हाकिम तैस मैन्हु जै भलाई केरते तैस न डराए, पन तैस मैन्हु डराते जै बुरु कम केरते। अगर तुस हाकिमे करां डरनू न चाथ त भलाई केरते राथ ते तुसन हाकिमे करां शाबाश मैलेली। 4 हाकिम परमेशरेरो सेवके ते तेरु भलू केरनेरे लेइ आए, पन अगर तू बुराई केरस, त तू डर, किजोकि तैस कां तलवार बैफेइदी नई, ते तै परमेशरेरो सेवके; जै बुरु कम केरनेबाले पुड़ कोप आनते। 5 एल्हेरेलेइ हाकिमेरे लेइ तुशुशु समर्पण ज़रूरी आए न सिर्फ परमेशरेरें सज़ारे वजाई सेई बल्के तुशुशे अपने ज़मीरेरे वजाई सेई। 6 एल्हेरेलेइ धड़त

भी देतथ, किजोकि हकोमत केरनेबाले परमेशरे सेवकन, ते सदा एस्से कम्मे मां लगगोरो रातन। 7 एल्हेरेलेइ हर केन्चेरू हक देथ, जेसेरी धडत बनतीए तैस धडत देथ; जेसेरी चुंगी बनतीए तैस चुंगी देथ; जेसेरी इज्जत ते आदर केरी लोडे तैसेरी इज्जत ते आदर केरा। 8 एप्पू मांमेई प्यारे अलावा ते केन्ची गल्ली मां कोन्ची चीजरे कर्जदार न राथ; किजोकि जै होरन सेई प्यार केरते, तेने परमेशरे दित्तोरे कानूनेरे हुक्म पूरे कियो। 9 किजोकि मूसेरे कानूने मां बडे हुक्म दित्तोरेन जेन्चरे कि “बदमाशी न केर, कत्तल न केर, चोरी न केरा, लालच न केर,” ते एन केरे अलावा होरो कोई भी हुक्म भोए त तैन सैरी केरि बुनीयाद इस्से गल्ली मां, “अपने पड़ोसी सेई अपने बराबर प्यार केर।” 10 प्यार पड़ोसेरी किछ भी बुराई न केरे, एल्हेरेलेइ जै प्यार केरते तै परमेशरेरो दित्तोरो कानून पूरे केरते। 11 एल्हेरेलेइ वक्त पिशेनतां ते इन केरा। तुशे लेइ निडली मरां बीझनेरो वक्त ओरोए, किजोकि जैस वक्ते असेई विश्वास कियोरो थियो, तैस वक्तेरे खियाले सेई हुनी इशशी मुक्ति नेड़ीए। 12 इस बुरे दुनियाई मां रानेरो इशशो वक्त लगभग खतम भोरिए, जेन्चरे रात टलेकडोने बालीए, ते लौ भोने बाली आए ते मसीहेरो वापस एजनेरो वक्त नेडे ओरोए, एल्हेरेलेइ असां तैना कम्मां शारम जैना लोक आंधरे मां केरतन ते तैना हथियार बंधम जैना लोई मां इस्तेमाल भोतन। 13 एल्हेरेलेइ अस भी तैन लोकां केरो जेरो बर्ताव केरम, जैना लोई मां जिन्दगी जीतन न कि आंधरे मां, न कि नचने, नशो केरने, न बदमाशी केरने मां, ते लुचपने, लडैई, ते जलनी मां मसत भोम 14 बल्के जेन्चरे प्रभु यीशु मसीहे जीव तेन्चरे तुस भी जीथ, ते जिसमेरी खुबैइशां पूरी केरनेरी कोशिश न केरा।

**14** जै विश्वासे मां कमजोरे, तैस तुस कबूल केरा, पन तैस कुन कियेरू लोडे ते कुन न लोडे कियेरू तैस पुड़ बेंस केरनेरे लेइ नई। 2 किजोकि एक्की विश्वासे, कि सब किछ खानू जेइजे, पन जै विश्वासे मां कमजोरे, तै सिर्फ शागां खाते। 3 सब किछ खाने बालो तैस पुड़ दोष न लाए जै सब किछ न खाए, किजोकि परमेशरे तैना दुइये कबूल कियोरेन। 4 तू कौन आस जै होरेरे नौकरे पुड़ दोष लातस? तैनी खरू कियू या बुरू इसेरो फैसलो तैसेरो मालिके केरेलो, बल्के ते कामयाब भोलो; किजोकि प्रभु ते इस काबल बनोरिए। 5 एन्चरे किछ लोक एक्की दिहाड़ी होरि करां बेधतां मन्तन, ते किछ सब दिहाड़े बराबर मन्तन, हर केन्ची इन याकीन कियेरू लोडे कि जैन तैना सोचतन तैन ठीके। 6 जै कोन्ची दिहाड़े मन्ते, तै प्रभुए इज्जत देनेरे लेइ मन्ते। जै सब किछ खाते, तै भी प्रभुए इज्जत देनेरे लेइ खाते, किजोकि तै परमेशरेरू शुक्र केरते, ते जै सब किछ न खाए, प्रभुएरे लेइ न खाए ते परमेशरेरू शुक्र केरते। 7 किजोकि असन मरां कोई न अपने लेइ जींते, ते न कोई अपने लेइ मरते। 8 किजोकि अगर अस जींतेम त, प्रभुएरे लेइ जींतेम; ते अगर अस जींम या मरम, अस प्रभुएरेम। 9 किजोकि मसीहे एल्हेरेलेइ मरो ते जींते भी भोव, ताके मरौरे ते जींतां दुइयां केरो प्रभु

भोए। 10 तू अपने विश्वासी ढूलाए पुड़ किजो दोष लातस? या तू फिरी किजो अपने विश्वासी ढूलाए घटिया समझतस? अस सब परमेशरेरे आदालतेरे तखतेरे सामने खडे भोनेम। 11 जेन्चरे पवित्रशास्त्रे मां लिखोरूए, कि प्रभु जोते, “अवं एप्पू तुसन सेई वादो केरताई, हर कोई मीं कां जैधू टिकेलो, ते हर अक जिभ परमेशरेरी इकरार केरेली।” 12 ते असन मरां हर केन्ची अपने-अपने कम्मां केरो लेखो परमेशरे देलो पेनोए। 13 एल्हेरेलेइ अग्रोवं जो अस एक्की होरि पुड़ दोष न लाम, पन तुस एने थापा, कि कोई भी तुशे वजाई सेई तुशो विश्वासी ढूला या बेइन पाप न केरे। 14 अवं जानताई, ते प्रभु यीशुएरे तरफां मीं पक्कू याकीन भोवं, कि कोई खानेरी चीज अपने आपे सेई अशुद्ध नई, पन जै तैस अशुद्ध समझते, तैसेरेलेइ अशुद्ध आए। 15 अगर तेरो विश्वासी ढूलाए या बेइन तेरे खाने सेई दुःख पुजे ते तै अग्रोवं जो परमेशरे पुड़ विश्वास केरनो शारे, त फिरी तू प्यारे रीति पुड़ न चलस, एरी चीजां न खा। जेसेरे लेइ मसीहे मरो ते तू अपने खाने सेई तैस नाश न केर। 16 एल्हेरेलेइ जैन कम तुशे लेइ रोडू आए ते जेइजे, तैसेरे बारे मां होरन तुहीन केरनेरो मौको न दे। 17 किजोकि परमेशरेरे राज्जे मां खानू पीनू माईने न रख्खे; माईने रखते धार्मिकतारी जिन्दगी जींती ते मेल मलाप, ते आनन्द तै आए जै पवित्र आत्मा देते। 18 जै कोई इस रीति सेई मसीहेरी सेवा केरते, तैस सेई परमेशरे खुश भोते, ते मैन्हु भी तैसेरे बारे मां रोडू जोतन। 19 एल्हेरेलेइ असेई तैना कम्मां कियोरां लोइन जैन सेई लोक मेल मिलापे सेई रेइ बटन, ते एक्की होरि विश्वासे मां मजबूत केरम। 20 तुस जेरू खानू चातथ तैसेरे वजाई सेई परमेशरेरू कम न बगाड़ा। सब किछ शुद्ध त आए, पन तुशे खाने सेई अगर होरो कोई मैन्हु परमेशरे पुड़ विश्वास केरनो शारे त तैसेरेलेइ बुरू आए। 21 रोडू त इन्ने, कि तू न मास खास, ते न शराब पीस, जेसेरे वजाई सेई तेरे ढूला या बेइन पाप केरे। 22 तेरो इन चीजां केरे बारे मां जै विश्वासे, तै तेरे ते परमेशरेरे दरमियाने मां आए, धने तैए, जै तैस गल्ली मां, जै तै ठीक समझे, अपने आपे दोषी न ठहराए। 23 पन जै शक केरतां खाते, तै सजारे काबल भोइ जेव, किजोकि तै विश्वासे सेई न खाए, ते जैन किछ केरस ते विश्वास केरस कि एन ठीक नई त तू पाप केरतस।

**15** एन्चरे अस जैना विश्वासे मां मजबूत आम, असेई एन कियेरू लोडे कि जैना विश्वासे मां कमजोरे आन तैन केरि मद्दत केरम; न कि अपनो आप खुश केरम। 2 असन मरां हर कोई अपने विश्वासी ढूलान ते बेइन्नु खुश केरनेरे लेइ मद्दत केरे जैस सेई तैन केरो विश्वास मजबूत भोए। 3 किजोकि मसीहे भी अपनो आप खुश न कियो, पन जेन्चरे पवित्रशास्त्रे मां लिखोरूए, “तेरे तुहीन केरनेबालोई मेरी भी तुहीन की।” 4 जेत्री गल्लां पेडली पवित्रशास्त्रे मां लिखोरिन, तैना इशशे शिक्षारे लेइ लिखोरिन, कि अस सबरी ते पवित्रशास्त्रे करां हिम्मत हासिल केरम ताके असन उमीद भोए (परमेशर तैन्ने केरेलो

जेसेरे बारे मां तैनी वादो कियोरोए। 5 अवं प्रार्थना केरताई कि परमेशर तुसन सबर ते हिम्मत दे, ताके तुस यीशु मसीह पत्ती चलते-चलते अक भोइतां ज़ीथा। 6 ते तुस सारे अकोट्टे भोइतां अक भोइतां एककी आवाज़ी मां परमेशर, इश्शे प्रभु यीशु मसीहरे बाजेरी बड़याई केरा। 7 एल्हेरेलेइ, एककी होरि कबूल केरा, जेन्चरे मसीहे तुस कबूल कियोरेथ; एल्हेरेलेइ एन केरा ताके लोक परमेशरेरी बड़याई केरन। 8 अवं ज़ोताई, कि ज़ैना वादे दादन पड़दादन दित्तोरे थिये, तैना वादे पूरे केरनेरे लेइ तुस बांदू केरनेरे लेइ कि परमेशर सज़्जो, मसीह खतनो कियोरे लोकां केरो (यानी यहूदी केरो) सेवक बनो। 9 ते गैर कौमां भी परमेशरेरे दयारे वजाई सेइं परमेशरेरी बड़याई केरन, जेन्चरे पवित्रशास्त्रे मां लिखोरूप, “गैर कौमन मां अवं तेरु शुक्र केरेलो, ते तेरे नव्वेरु भजन केरेलो।” 10 फिरी होरि ठैरी लिखोरूप, “हे गैर कौमां केरे लोकव, परमेशरेरे लोकन सेइं साथी आनन्द केरा।” 11 ते फिरी पवित्रशास्त्रे ज़ोते, “हे गैर कौमां केरे लोकव, प्रभुएरी बड़याई केरा; ते हे मुलखां-मुलखां केरे सब लोकव; तैसेरी बड़याई केरा।” 12 ते फिरी यशायाह नबी पवित्रशास्त्रे मां लिखोरूप; “यिशैरू अक वंश निसेलू, ते तै गैर कौमन पुड़ हकीमत केरेलो। तैस पुड़ गैर कौमां उमीद रेखेली।” 13 अवं प्रार्थना केरताई परमेशर ज़ै उमीदोरे देनेबालोए तुसन तैस पुड़ विश्वास केरनेरे वजाई सेइं सब किसमेरे आनन्द ते शैनति सेइं भरे, कि पवित्र आत्मारी शक्ति सेइं तुशशी उमीद बढ़ती गाए। 14 हे मेरे ढूलाव ते बेइनव, अवं एण्णू भी तुशशे बारे मां ज़ानताई, कि तुस भी भलैई सेइं भरतथ, ते तुसेईं कुन कियेरू लोडे तुस रोडे चारे ज़ानतथ ते एककी होरि शिखेली बटतथ। 15 फिरी भी मीं ज़ैखन कैखन याद करानेरे लेइ तुसन बड़े दिलेरी सेइं लिखू, इन तैस अनुग्रहेरे वजाई सेइं भोवं, ज़ै परमेशरे मीं दित्तोरोए। 16 कि अवं गैर कौमां केरे लेइ यीशु मसीहरो सेवक भोइतां परमेशरेरे खुशखेबराती सेवा याजकेरी ज़ेरि केरि; ज़ैस सेइं गैर कौमां केरे लोक परमेशरे दानेरे रूपे मां दित्ते गाले, ज़ैस सेइं तै खुश भोलो, ज़ैना पवित्र आत्मा पवित्र बनोरेन। 17 अवं यीशु मसीहरे वजाई सेइं परमेशरेरी सेवाई पुड़ घमण्ड केरि बटताई। 18 किजोकि तैन गल्लां केरे अलावा मीं होरि कोन्ची गल्लां केरे बारे मां ज़ोनेरी दिलेरी नई, ज़ैना मसीहे गैर कौमन केरे लेइ वचन, ते कर्म, 19 ते निशान ते बड़े-बड़े कम्मां केरे शक्ति सेइं, ते पवित्र आत्मारे शेक्करे ज़िरिये कियां, इडी तगर कि मीं यरूशलेम नगरे मरां देइतां चेत्रे पासन इल्लुरिकुम इलाके तगर मसीहरो खुशखेबरातो पूरो-पूरो प्रचार कियो। 20 पन मेरे मनेरी उमंगे, कि ज़ैडी-ज़ैडी यीशु मसीहरो खुशखबरी प्रचार नई भोरो, तैडी खुशखबरी शूनेई; एरू न भोए होरेरे मुनीयादी पुड़ घर बनेइं। 21 पन जेन्चरे पवित्रशास्त्रे मां लिखोरूप, तेन्चरे भोए, “ज़ैन तैसेरे बारे मां कधी नई ज़ोरू, तैना लालहे, ते ज़ैनेई तैसेरे बारे मां नई शुनोरू तैना समझेले।” 22 एल्हेरेलेइ अवं तुसन कां एजनेरे लेइ बार-बार रुकोरो राव। 23 पन हुनी मीं इन इलाकन मां तैन

लोकन खुशखबरी शुनेइतां अपनू कम पूरू कियू, ज़ैनेई मसीहरे बारे मां न थियू शुनोरू, ते मीं बड़े सालां केरि तुसन कां एजनेरी इच्छाए। 24 एल्हेरेलेइ ज़ैखन अवं इसपानिया मुलखे मां गेइ त तुसन मेइं एइते गेइलो, किजोकि मीं उमीदे, कि तैस सफरेरे मां तुसन सेइं मिली, ते ज़ैखन तुसन सेइं मिली त अवं खुश भोई, ते अवं चाताई तुस मेरे इसपानिया गानेरे सफरेरे लेइ मेरी मदत केरा। 25 पन हुनी त परमेशरेरे लोकां केरि सेवा केरनेरे लेइ यरूशलेम नगरे गाताई। 26 किजोकि मकिदुनिया ते अखाया इलाकेरे केरे विश्वासी लोकन इन रोडू लग्गू, कि यरूशलेम नगरेरे परमेशरेरे लोकां केरे लेइ ज़ैना गरीब आन, किछ चन्दो केरन। 27 तैनेई एन खुशी सेइं कियू, तैना यरूशलेम नगरेरे लोकां केरे कर्जदारन, यहूदी लोकेई गैर कौमरे लोकन परमेशरेरे तरफां रोडी चीज़ां दित्ती, ते इन रोडी कि गैर कौमां केरे लोक इस दुनियारी रोडी चीज़ां यहूदन देन। 28 अवं पेइलो यरूशलेम नगरे जो च़लरोई ताके ज़ै चन्दो अकोट्टो कियोरोए तैन देई, तैड्वां पत्ती अवं तुसन कां रोम नगरे मां एइतां इसपानिया मुलखे जो गेइलो। 29 ते अवं ज़ानताई, कि ज़ैखन तुसन कां एज्जेलो, त मेरे एजनेरे वजाई सेइं मसीह तुसन पूरे तरीके सेइं बरकत देलो। 30 ते हे ढूलाव ते बेइनव, प्रभु यीशु मसीह पुड़ इश्शे विश्वासेरे वजाई सेइं ते पवित्र आत्मारे दित्तोरे प्यारेरे वजाई सेइं अवं तुसन कां बिनती केरताई, कि मीं सेइं साथी मेरे लेइ परमेशरे कां लगातार प्रार्थना केरा। 31 कि अवं यहूदिया इलाकेरे गैर विश्वासी लोकन करां बचोरो रेई, परमेशरेरे तैना लोक ज़ैना यरूशलेम नगरे मां आन खुशी सेइं तै मदत कबूल केरन ज़ै अवं तैन कां नेइलो। 32 ते अवं परमेशरेरी मेर्जी सेइं आनन्दे कां एज्जी ते मीं तुसन साथी आराम मैल्ले। 33 अवं प्रार्थना केरताई, कि शान्ति देनेबालो परमेशर तुसन सेव्भन सेइं साथी भोए। आमीन।

**16** अवं तुसन सेइं फीबेरे बारे मां, ज़ै इश्शी विश्वासी बेइने ते किंखिया नगरेरे कलीसियारी सेवकाए, अवं चाताई तुस तैसेरी इज्जत केरा। 2 कि तुस जेन्चरे पवित्र लोकन सेइं कियेरू लोडे, तैस प्रभु मां कबूल केरा; ते ज़ैस गल्ली मां तैस तुसन करां केन्चेरी मदतरी ज़रूरत भोए, तैसेरी मदत केरा; किजोकि ते भी बड़ां केरि मदत केरनेबाली बल्के मेरी भी मदत केरनेबाली भोरीए। 3 प्रिस्किल्ला ते अक्विला ज़ैना प्रभु यीशु मसीह मां मेरे मदगारन, नमस्कार। 4 तैनेई मेरे जान बचानेरे लेइ अपनि जान खतरे मां रखोरि थी। सिर्फ अवं ए नई, बल्के गैर कौमां केरि सैरी कलीसियां भी तैन केरू शुक्र केरतिन। 5 ते तैस कलीसिया भी नमस्कार ज़ैना तैन केरे घरे मां अकोट्टी भोतीए। मेरे ट्लारे इपैनितुसे भी ज़ै आसिया इलाकेरो मसीह पुड़ विश्वास केरनेबालो पेइलो विश्वासी ए, नमस्कार। 6 मरियम ज़ैसां तुशशे लेइ बडी मेहनत केरि, नमस्कार। 7 अन्टूनीकुस ते यूनियासे ज़ै मेरो कुटमरोए, ते मीं सेइं साथी कैद भोरो थियो, ते प्रेरितन मां मुशूर, ते मीं करां पेइले मसीह मां थी, नमस्कार। 8 अम्पलियातुसे, ज़ै प्रभु मां मेरो ट्लारोए, नमस्कार। 9 उरबानुसे, ज़ै मसीह मां इश्शो

मद्वतगार, ते मेरे टलारो इस्तखुसे नमस्कार। 10 अपिल्लेसे ज़ै मसीह मां ईमानदार निस्सो, नमस्कार। अरिस्तुबुलुस ते तैसेरे टब्बरे जो नमस्कार। 11 मेरे कुटमेरे हेरोदियोने नमस्कार। नरकिस्सुसेरे टब्बरे ज़ैना लोक प्रभु मां आन, तैन नमस्कार। 12 त्रूफैना ते त्रूफोसा ज़ैन कुआन्शेई प्रभु मां बड़ी मेहनत की, नमस्कार। टलारी मसीही बेइन पिरसिस ज़ैसां प्रभु मां बड़ी मेहनत की नमस्कार। 13 रूफुसे ज़ै प्रभु मां चुनोरोए, ते तैसेरी अम्मा ज़ै मेरी अम्मारी ज़ेरि ए, दुइयन नमस्कार। 14 असुंक्रितुस ते फिलगोन ते हिर्मास ते पत्रुबास ते हर्मास ते तैन केरे सैथी विश्वासी लोकन नमस्कार। 15 फिलुलुगुस ते यूलिया ते नेर्युस ते तैसेरी बेइन, ते उलुम्पास ते तैन केरे साथी सब परमेशेरे लोकन नमस्कार। 16 मसीहेरे प्यारे सेइं एक्की होरि जो नमस्कार केरा। तुसन भी मसीहेरे सैरी कलीसियारे तरफां नमस्कार। 17 हुनी हे ढलाव ते बेइनव, अवं तुसन कां बिनती केरताई, कि ज़ैना लोक तैस शिक्षारे खलाफ ज़ै तुसन मांए, खलबली बनातन, ते ठोकर खानेरी वजा भोतन, तैन करां खबरदार राथ; ते तैन करां दूर राथ। 18 किजोकि एरे लोक इश्शे प्रभु यीशु मसीहेरी नई, पन अपने फेइदेरे लेइ सेवा केरतन; ते तैना रोड़ी-रोड़ी गल्लां केरतन ते चापलूसी सेइं सिधे सादे लोकन धोखो देतन। 19 तुश्शे हुक्म मन्नेरे बारे मां सेब्भी लोकन पतो त्रलोरोए; एल्हेरेलेइ अवं तुश्शे बारे मां आनन्द केरताई; पन अवं इन चाताई, कि तुस भलाई केरनेरे लेइ अक्लमन्द बना, पन बुराई केरनेरे लेइ सादे बना। 20 शान्ति देनेबालो परमेशर शैताने जल्दी तुश्शे पवन सेइं इलेन्चालो। इश्शे प्रभु यीशु मसीहेरो अनुग्रह तुसन पुड़ भोतो राए। 21 तीमुथियुस ज़ै मीं सेइं साथी कम केरते, ते लूकियुस ते यासोन ते सोसिपत्रुस मेरे कुटुमबी केरे तरफां तुसन नमस्कार। 22 मेरे चिट्ठी लिखने बाले तिरतियुसेरू प्रभु मां तुसन नमस्कार। 23 गयुस भी तुसन नमस्कार ज़ोते ज़ेसेरे घरे मां अवं राताई, तैड़ी कलीसियारे लोक अकोट्टे भोतन। इरास्तुस ज़ै नगरेरो भण्डारीए, ते ढला क्वारतुसेरू तुसन नमस्कार। 24 अवं प्रार्थना केरताई, इश्शे प्रभु यीशु मसीहेरो अनुग्रह तुसन पुड़ भोतो राए। आमीन। 25 हुनी तुसन ज़ै खुशखबरी मीं प्रचार की, मतलब यीशु मसीहेरे प्रचाररे मुताबिक विश्वासे मां मज़बूत केरि बटते, तैस भेदेरे प्रकाशेरे मुताबिक ज़ै बड़े पेइलो देंतो छप्पोरो राव। (aiōnios g166) 26 पन हुनी बांदो भोइतां सनातन परमेशेरे हुक्मे सेइं नेबी केरे किताबां केरे ज़िरिये सेब्भी कौमन ज़ोवरोए, कि तैना विश्वासेरे ज़िरिये सेइं हुक्म मन्नेबाले भोइ गान। (aiōnios g166) 27 तैस्से एक्की बड़े अक्लमन्द परमेशेरेरी यीशु मसीहेरे ज़िरिये सदा महिमा भोती राए। आमीन। (aiōn g165)



# 1 कुरिन्थियों

1 अवं पौलुस ई चिट्ठी लिखने लोरोई। अवं, यीशु मसीहो प्रेरित भोनेरे लेइ परमेशरे मेर्जी सेइं कुजावरोई। मेरो विश्वासी साथी स्पॉस्थिनेस भी मीं सेइं साथी आए (जै मेरी मदत करने लोरोए)। 2 तुस जैना कुरिन्थुस नगरे कलीसियारे विश्वासी आथ, परमेशरे तुस यीशु मसीह मां अपने लोकां केरे रूपे मां अलग कियोरेथ, ते कने पवित्र भोनेरे लेइ कुजोरेथ। तैन सेबभी केरां नंवे जैना हर ठैरी इश्शे त कने अपने प्रभु यीशुए नंवे सेइं प्रार्थना केरतन। 3 इश्शे बाजी परमेशर, ते प्रभु यीशु मसीहरे तरफां तुसन अनुग्रह ते शान्ति मैलती राए। 4 अवं तुश्शे बारे मां अपने परमेशरेरु हर वक्त शुक्र केरताई, एल्हेरेलेइ कि परमेशरेरो ई अनुग्रह तुसन पुड़ यीशु मसीह मां भोव। 5 किजोकि तुसेईं हर लिहाजे सेइं बेड़ि बरकतां हासिल कियोरिन, किजोकि तुस मसीह सेइं साथी अक आथ। एल्हेरेलेइ तैने तुसन अपनू वचन ज़ोनेरी ते समझनेरी खास काबलीत दितोरीए। 6 एन्चरे परमेशरे तुश्शे लेइ पक्कू कियू, कि मसीहरे बारे मां सन्देश सच्चै। 7 हुनी तुसन कां सारां आत्मिक वरदानां आन, किजोकि तुस इश्शो प्रभु यीशु मसीह बांदो भोनेरे बड़े इंतज़ारे मां आथ। 8 परमेशर तुसन आखरी तगर विश्वासे मां मज़बूत भी केरेलो, कि तुस इश्शे प्रभु यीशु मसीहरे वापस एजनेरे दिहाड़े बेइलज़ाम भोथ। 9 परमेशर एन्चरे केरेलो, किजोकि ज़ैन किछ तै ज़ोते, तैस केरनेरे मां तै वफादारे। ते तैन्ने तुस अपने मट्टे इश्शे प्रभु यीशु मसीहरे संगती मां कुजावरेथ। 10 हे ढूलाव ते बेइनव, अवं इश्शो प्रभु यीशु मसीहरे अधिकारे सेइं इन केरनेरी बिनती केरताई, कि सब एक्की होरि सेइं राज़ामंद भोथ; ते तुसन मां फिरके न भोन, पन अक मन भोथ, ते अक्के खियाल रख्खा। 11 किजोकि हे मेरे ढूलाव ते बेइनव, खलोएरे टब्बरे लोकेईं मीं तुश्शे बारे मां ज़ोवरूप, कि तुसन मां लड़ाई लोरिन भोने। 12 मेरू ज़ोनेरो मतलब ई आए, कि तुसन मरां कोई त अपनो आप, “पौलुसेरे ज़ोते,” कोई “अपुल्लोसेरो,” कोई “कैफारो,” कोई “मसीहोरो ज़ोते।” 13 ज़ैन तुस केरतथ तैन ठीक नई, कुन मसीह बेनटोव? कुन पौलुस कूसे पुड़ चाढ़ो जेव? या तुसन पौलुसेरे नंवे पुड़ बपतिस्मो मैलो? 14 अवं परमेशरेरु शुक्र केरताई, कि क्रिस्पुस ते गयुसेरू अलावा, मीं तुसन मरां केन्ची बपतिस्मो नई दित्तोरो। 15 कि एरू न भोए, कोई ज़ोए, कि तुसन मेरे चले बन्नेरे लेइ बपतिस्मो मैलो। 16 हाँ मीं याद आऊं, मीं स्तिफनासेरे टब्बरे भी बपतिस्मो दित्तो; एन केरे अलावा, अवं न ज़ैनी कि मीं होरि केन्ची बपतिस्मो दित्तो। 17 किजोकि मसीहे अवं बपतिस्मो देनेरे लेइ नई, बल्के खुशखबरी शुनानेरे लेइ भेजोरोई, ज़ैखन अवं लोकन परमेशरेरो सन्देश शुनाताई त अवं मैन्हु केरे चलाक खियालां केरो इस्तेमाल न केरि, एरू न भोए कि मसीहेरू कूस बेफैडू भोए। 18 किजोकि कूसेरी कथा नाश भोने भालां केरे लेइ बेवकूफीए, पन असन मुक्ति मैलने बालां केरे लेइ परमेशरेरी

शक्ति आए। 19 किजोकि पवित्रशास्त्रे मां परमेशर ज़ोते, “अवं इन हिरेइलो दुनियारे लोकां केरे खियालन कि तैना सोचतन कि तैना ज्ञानी आन, हकीकति मां तैना बेकार खियाल आन। अवं साबत केरेलो कि तैना अक्लमन्द नई।” 20 त फिरी, अक्लमन्द मैन्हु केरे बारे मां अस कुन ज़ोम? यहूदी केरे कानूनेरे महिर मैन्हु केरे बारे मां अस कुन ज़ोम? इस दुनियारो लोकां केरे बारे मां कुन ज़ोम ज़ैना ज़ोने मां चलाकन? परमेशरे तैना सारे बेवकूफ बनाए ते तैन केरि अक्ल बेफैडूदी बकवास साबत की (aiōn g1665) 21 किजोकि ज़ैखन परमेशरेरे ज़ानेरे मुताबिक दुनियां ज्ञान सेइं परमेशर न ज़ानो, त परमेशरे इन रोडू लग्गू, इस प्रचारेरे बेवकूफरे मुताबिक विश्वास केरनेबालन मुक्ति दे। 22 यहूदी त निशान चातन, ते गैर कौमां ज़ानेरे तोपी मां आन। 23 पन अस त तैस कूसे पुड़ चाढ़ोरे मसीहोरो प्रचार केरतम ज़ै यहूदी केरे लेइ ठोकरारी वजाए, ते गैर कौमां केरे लेइ बेवकूफीए। 24 पन ज़ैना परमेशरे (अपने लोक भोनेरे लेइ) कुजोरेन, कुन यहूदी, कुन गैर कौमां, तैन केरे लेइ मसीह परमेशरेरी शक्ति, ते परमेशरेरू ज़ाने। 25 किजोकि परमेशरेरी बेवकूफी मैन्हु केरे ज़ाने करां जादे ज्ञान बालीए; ते परमेशरेरी कमज़ोरी मैन्हु केरे शक्ति करां जादे ज़ोरे बालीए। 26 हे ढूलाव ते बेइनव, इस बारे मां सोचा ज़ेइस परमेशरे तुस कुजाए तुस केरे थिये, कि न जिसमेरे मुताबिक बड़े ज्ञानी, ते न बेड़ि शक्तिबाले, ते न इज़्जतदार घरेरे कुजाए। 27 ज़ाने बालन शरमिन्दा केरनेरे लेइ परमेशरे तैना चुने ज़ैना दुनियारे नज़री मां बेवकूफन। ते ताकतबरन शरमिन्दा केरनेरे लेइ परमेशरे तैना चुने ज़ैना दुनियारे नज़री मां कमज़ोरन। 28 परमेशरे तैना चुने ज़ैना दुनियारी नज़री मां नीच ते घटिया आन, बल्के ज़ैना अथ्थी भी नई तैना भी चुने, कि तैन ज़ैना आन, बेकार केरन। 29 परमेशरे एन केरू ताके कोई प्राणी परमेशरेरे सामने घमण्ड न केरि सके। 30 पन परमेशरे तुस यीशु मसीह सेइं अक कियोरेथ, ते मसीहरे ज़िरिये तैने अपनू ज्ञान दित्तोरूप। परमेशर अपने नज़री मां असन धर्मी भी बनाते। मसीहरे ज़िरिये अस पवित्र किये जे, ते तै असन इश्शे पापन करां आज़ाद केरते। 31 ताके ज़ेन्चरे पवित्रशास्त्रे मां लिखोए, तेन्चरे भोए, “कि ज़ै घमण्ड केरे ते तैस पुड़ घमण्ड केरे ज़ैन प्रभुए कियोरूप।”

2 हे ढूलाव ते बेइनव, ज़ैखन मीं तुसन परमेशरेरे बारे मां सन्देश शुनव, त मीं बेड़ि गल्लां इस्तेमाल न की, कि अवं अपने आपे ज्ञानी हिरेईं। 2 किजोकि मीं इन थापेरू थियू, कि तुसन मां यीशु मसीह, बल्के कूसे पुड़ चाढ़ोरे मसीहरे अलावा होरि कोई गल न केरि। 3 ते कमज़ोरी ते डरे सेइं तुसन सेइं साथी, ते बड़ो थरकतो तुसन सेइं साथी राव। 4 ते मेरे शिक्षाई, ते मेरे प्रचारे मां ज़ानेरी लालचानेरी बैली गल्लां न थी; पन पवित्र आत्मा शक्ति सेइं इन हिराव कि ज़ै सन्देश मीं शुनव तै सच थियो। 5 एल्हेरेलेइ की तुश्शो विश्वास मैन्हु केरे ज़ाने सेइं नई, पन परमेशरेरे शक्ति पुड़ निर्भर भोए। 6 फिरी भी अवं आत्मिक सिद्ध लोकन ज़ानेरो सन्देश शुनाताई, पन इस दुनियारे लोकां

केरो नई, ते इस दुनियारे हाकिमां केरू नई जैना नाश भोनेन। (aiōn g165) 7 पन अस परमेशेरू तैन छुपरो ज्ञान भेदरे रीति पुड़ जोतम, जैन परमेशेरे दुनिया बनाने करां पेड़लू इशुओ महिमारे लेइ ठहराव। (aiōn g165) 8 परमेशेरो ई मकसद इस दुनियारे हाकिमन मरां केन्चे भी न समझो, किजोकि अगर समझते भोथे, त महिमा बालो प्रभु क्रूसे पुड़ न चाढ़ेथे। (aiōn g165) 9 पन जेन्चरे पवित्रशास्त्रेरे मां लिखोरूए, “कि जैन न एछुछेई लाव, न कन्नेई शुनू, ते जैना गल्लां मैन्हु केरे दिले मां न एई, तैना सब परमेशेरे तैन केरे लेइ तियार की, जैना तैस सेई प्यार केरतन।” 10 पन परमेशेरे पवित्र आत्मा रे जिरिये सेई असन पुड़ बांदू कियू; किजोकि पवित्र आत्मा सब गल्लां, बल्के परमेशेरेरी डुगी गल्लां ज्ञानते। 11 मैनन् मरां कौन केसेरी गल्लां ज्ञानते, सिर्फ मैनेरी आत्मा जै तैस मांए, तेन्चरे परमेशेरेरी गल्लां भी कोई न ज्ञाने, सिर्फ परमेशेरो आत्मा। 12 पन असन दुनियारी आत्मा नई, पन तै आत्मा मैलोरोए, जै परमेशेरे तरफांए, कि आस तैन गल्लन समझम, जैना परमेशेरे असन दितोरिन। 13 एल्हेरेलेइ अस मैन्हु केरे ज्ञानेरी शिखैलोरी गल्लन मरां नई, पन पवित्र आत्मा रे शिखैलोरी गल्लन मरां आत्मिक गल्लां आत्मिक ज्ञाने सेई समझातम। 14 पन जिसमानी मैन्हु परमेशेरे आत्मा रे सच्चर्राई कबूल न केरे, किजोकि तैसेरेलेइ तै बेवकूफीए, ते न तै तैन सेमझी सके, किजोकि तैना सिर्फ पवित्र आत्मा रे जिरिये सेमझी गैतिन। 15 पन जैन लोकन पवित्र आत्मा मैलोरो तैना, तैन सैरी गल्लन परखतन जैना पवित्र आत्मा शिखालते। पन जैन लोकन पवित्र आत्मा नई मैलोरो तैना, तैन न सेझी बटन जैन पवित्र आत्मा मैलोरोए। 16 इन सच्र्र आए, किजोकि पवित्रशास्त्र जोते, “कोई न ज्ञाने प्रभुएरे मने मां कुने।” पन पवित्र आत्मा असन विश्वासी लोकन मसीहेरो मने दितोरोए।

**3** हे दुलाव ते बेइनव, जैखन अवं तुसन कां थियो त तुसन सेई एन्चरे सब गल्लां न केरि बटो, जेन्चरे आत्मिक लोकन सेई; पन जेन्चरे तैन सेई जैना मसीह मां बच्चेन। 2 मीं तुसन परमेशेरे वचने मरां सिर्फ बुनियादी गल्लां केरि शिक्षा दित्ती ते डुग्घी सच्चर्राई नई। किजोकि तैस वक्ते तुस तै शिक्षा हासिल केरनेरे ते समझनेरे काबल न थिये, बल्के हेजू भी हासिल केरनेरे काबल नई। 3 किजोकि हेजू तगर भी गैर विश्वासी केरे जेरे आथ। एल्हेरेलेइ कि जैखन तुसन मां बैर, ते लड़ाइयन, त कुन तुस गैर विश्वासी केरे जेरे न भोए? तुस एरे लोकां केरि जेरि जिन्दगी जीने लोरेथ, जैन केरो रिशतो प्रभु सेई न भोए। 4 एल्हेरेलेइ अक जोते, “अवं पौलुसेरोई,” ते होरो जोते, “अवं अपुल्लोसेरो आई,” त कुन तुस एरे लोकां केरि जेरि जिन्दगी जीने बाले न भोए, जैन केरो रिशतो प्रभु सेई न भोए! 5 अपुल्लोस कौने? ते पौलुस कौने? सिर्फ सेवक, जैन केरे जिरिये तुसेई प्रभु पुड़ विश्वास कियो, असन मरां हर केन्चे कम कियू जेन्चरे परमेशेरे केरनेरे लेइ दित्त्तू। 6 अगर अवं तुशुशी तुलना ऊडारे सेई केरि त मीं बीज़ बेवं, अपुल्लोसे समगू, पन परमेशेरे बडावं। 7 एल्हेरेलेइ

न त लानेबालो किछे, ते न सगने बालो किछे, पन परमेशर जै बडाने बालोए। 8 लानेबालो ते सगने बालो दुइये अक्कन; पन हर मैन्हु अपने-अपने मजदूरारो फल मैलनोए। 9 किजोकि अस परमेशेरे सेई साथी कम केरनेबाले आम, तुस एरे ऊडारां केरे जेरे आथ जैन केरो तलक परमेशेरे सेई आए, ते इसेरे आलाव तुशुशी तुलना एरे घरे सेई केरताई जैन परमेशेरे बनावरूए। 10 परमेशेरे जैन कम मीं केरनेरे लेइ दितोरू थियू, मीं तैन अक्लमन्दी सेई कियू; अवं माहिर मिसेरो जेरो आई, मीं तुशुशे नगरे मां खुशखबरी प्रचार की ते शुरू मां तुसन यीशु पुड़ विश्वास केरनेरे लेइ मदत की, तैडुं बाद जैस कम्मरी शुरुआत मीं कियोरी थी, होरे मसीही सेवा केरनेबाले तैस बुनियादी पुड़ लगातार कम केरते राए। पन असन मरां हर एककी कम केरनेबाले ध्यान सेई सोचोरू लोड़े, कि असेई परमेशेरू कम केन्चरे लोड़े कियोरू। 11 किजोकि यीशु मसीह सच्चरी बुनीयाद आए, ते होरो कोई होरि बुनीयाद न बनेइ सके, तैन इन आए, कोई तुसन मुक्ति हासिल केरनेरे लेइ नर्वीं शिक्षा न शिखैली बटे, मीं तुसन सेई पेड़लू जोवरू कि परमेशर असन यीशु मसीहेरे जिरिये मुक्ति देते। 12 ते अगर कोई इस मुनीयादी पुड़ सोनू चाँदी या कीमती घोड़ या कैडु या घास फूसेरो रदो रखते। 13 जैखन मसीह फिरी वापस एज्जेलो, त अग हर एककेरे कम्मे परखेली, ते अग हर मैनेरे कम्मरी कीमत हिराली। 14 जेसेरू कम तैस अगगी सेई न फुकोलू, तैस मजदूरी मैलनीए। 15 ते अगर केन्चेरू कम फुकोलू, त तैस नुकसान भोलो; पन तै एप्पू बचनोए पन फुकोते-फुकोते। 16 कुन तुस न ज्ञानथ, कि तुस परमेशेरू मन्दरथ, ते परमेशेरो आत्मा तुसन मां रहते? 17 अगर कोई तुसन नुकसान पुजाए, त परमेशर तैस नाश केरेलो; किजोकि परमेशेरू मन्दर पवित्रे, ते तैन तुस आथ। 18 कोई अपने आपे धोखो न दे, अगर तुसन मरां कोई इस दुनियारे लोकन मां अपनो आप अक्लमन्द समझे, त तैस दुनियारी नज़री मां बेवकूफ बनोरू लोड़े; ताके परमेशेरे नज़री मां सच्चरे ज्ञानी बने। (aiōn g165) 19 किजोकि इस दुनियारी अक्ल परमेशेरे कां बेवकूफीए, जेन्चरे पवित्रशास्त्रे मां लिखोरूए; “परमेशर जैन तैन केरे चलैकी मां फसाते।” 20 ते फिरी पवित्रशास्त्र इन भी जोते, “प्रभु जैनी केरे खियालन ज्ञानते कि बेफैइदेन।” 21 एल्हेरेलेइ कोई मैनन् पुड़ घमण्ड न केरे, किजोकि किछ परमेशेरे तुशुशु भलेरे लेइ दितोरूए। 22 तैन इन आए कुन अवं पौलुस, कुन अपुल्लोस, कुन कैफा, कुन दुनिया, कुन जीनू, कुन मरनू, कुन ई वक्त, कुन एजनेबालो वक्त, सब किछ तुशुशूए। 23 ते तुस मसीहेरेथ, ते मसीह परमेशेरोए।

**4** मैन्हु असन मसीहेरे सेवक, ते परमेशेरे भेदां केरे भण्डारी समझन। 2 जेन्चरे कि जैस मैन्हु तैसेरे मालिके जैन कम दित्तोरे भोए, तैने तैन कम केरने मां वफादार लोड़े रावरू, जेसेरो तैस हुक्म दित्तो जेवरोए। 3 पन मेरे खियाले मां ई गल निकड़ीए, कि तुस या मैनन् मरां कोई फैसलो केरनेबालो मीं परखे, बल्के अवं अपने आपे न पेरखी। 4 किजोकि मेरो ज़मीर मीं कोन्ची

गल्ली मां दोषी न ठहराए, पन इस सेईं अवं बेइलजाम न ठहरी, क्जिकि मेरो परखने बालो प्रभुए। 5 ते ज्ञांतगर प्रभु वापस न एज्जे, पेइली केन्चेरो इन्साफ न केरा, तैए लोकां केरे सारे खियाल साफ तरीके ज़ोलो, ज़ैन केरे बारे मां होरो कोई तैन न ज़ाने, ते तैन केरे दिलां केरे इरादे बांदे केरेलो। तैखन परमेशेरी तरफां हर केन्चेरी तारीफ़ भोनीए। 6 हे ढ़लाव ते बेइनव, मीं इन गल्लन मां तुशशे लेइ अपनि ते अपुल्लोसेरी बेंस, मिसालारे रीति पुइ कियोरीए, एल्हेरेलेइ कि तुस इशशे ज़िरिये सेईं शिखा, कि ज़ैन पवित्रशास्त्रे मां लिखेरे करां अग्रोवं न बधा, ते एक्केरे पासे ते होरेरे खलाफ़ घमण्ड न केरथ। 7 केन्चे तू होरन करां रोड़ो नईं बनोरो। सब किछ तीं परमेशेरे तरफां दित्तू जोरूप, अगर तीं सब किछ परमेशेरे दितोरू त तुसन घमण्ड केरनेरो अधिकार नईं। 8 तुस त रज़ोरेथ; तुस दौलतमन्द भोइजेइ, तुसेईं इशशे बगैर राज़ कियूं; पन रोड़ू भोथू कि तुस राज़ केरेथे ते अस भी तुसन सेईं साथी भोथे। 9 मेरी समझी मां परमेशेरे अस प्रेरित लोक सेबभना पत्ती तैन लोकां केरे ज़ेरे ठहरावरेम, ज़ैन केरे मौतरो हुकम भोइ जेवरोए; क्जिकि अस दुनियारे ते स्वर्गदूतां, ते मैन्हु केरे लेइ अक तमाशो बनोरेम। 10 लोक असन बेवकूफ़ समझतन क्जिकि अस मसीहेरे बारे मां प्रचार केरतम, पन तुस गेतली सेईं सोचतथ कि तुस अक्लमन्द मसीही आथ। बड़े लोक समझतन कि असन कां कोई अधिकार नईं। पन तुस घमण्डे सेईं ज़ोतथ कि तुसन कां परमेशेरे तरफां शक्ति आए, तैना इशशी आदर न केरन पन तुशशी आदर केरतन। 11 अस इस वक्ते तगर नियन्ने-टूलिशोरे, ते छिनदोरे लिगइन मां आम, ते धक्के खातम, ते असन कां घर नईं; 12 ते अपने हथेईं सेईं कम केरतां मेहनत केरतम। लोक बुरु ज़ोतन, अस तैन बरकत देतम; तैना सतातन, अस झैल्लतम। 13 तैना बदनाम केरतन, अस नेरमी सेईं गल केरतम, इड़ी तगर कि, अज़ तगर लोक हेजू भी इशशी इज़्ज़त न केरन, तैना ज़ोतन कि इशशी कोई कीमत नईं। 14 मेरी इना गल्लां लिखनेरो मकसद ई नईं कि तुसन छिथेईं, पन अवं तुसन सुधारने चाताईं, क्जिकि तुस मेरे बच्चां केरे ज़ेरे आथ ज़ैन सेईं अवं प्यार केरताईं। 15 क्जिकि अगर मसीह मां तुशशे शिखालनेबाले दश हज़ार भी भोथे, फिरी भी तुशशे बड़े बाजी नईं, एल्हेरेलेइ कि मसीह यीशु मां खुशाखेबरी सेईं अवं तुशशो बाजी केरो ज़ेरो भोव। 16 एल्हेरेलेइ अवं तुसन कां मिनत केरताईं, कि मेरी ज़ेरी चाल च़ला। 17 एल्हेरेलेइ मीं तीमुथियुसे ज़ैन प्रभु मां मेरू ट़लारू, ते वफ़ादार मट्टए, तुसन कां भेजोरूप, ते ते तुसन यीशु मसीह मां मेरू चालचलन याद करालो, ज़ेन्चरे कि अवं हर एक्की ठैरी हर कलीसिया मां शिक्षा देताईं। 18 तुसन मरां बड़े लोक सोचतन कि अवं तुसन कां नईं एजनो, एल्हेरेलेइ तैना घमण्ड केरतन। 19 पन प्रभु चाए त मीं तुसन कां जल्दी एजनूए, ते न सिर्फ़ तैन घमण्ड केरनेबालां केरि गल्लां नईं, पन तैन केरि शक्ति भी ज़ैनेलो। 20 क्जिकि परमेशेरे राज़ गल्लां केरू नईं, पन शक्ति मांए। 21 अगर हेजू भी तुसेईं

बुरी बत नईं शारोरी, अवं तुस सेखती सेईं झिड़क देइलो। पन अगर तुसेईं बुरी बत शारी त अवं तुसन सेईं नेरमी त कने प्यारे सेईं बर्ताव केरेलो।

**5** इड़ी तगर शुन्ने मां ओरूप, कि तुसन मां बदमाशी भोचे, मतलब एरी बदमाशी ज़ेरि गैर विश्वासी लोकन मां भी न भोए, कि अक मैन्हु अपने बेबानी-अम्मा रखते। 2 तुसेईं त दुःख कियोरो लोड़तो थियो ते उदास भोरू लोड़तू थियूं, ते ज़ैनी मैने एरू कियूं तै कढोरो लोड़तो थियो, पन इसेरे बदले तुस घमण्ड केरतथ। 3 चाए अवं तुस सेईं साथी नईं, पन मेरे विचार तुसन सेईं साथी आन, चाए अवं तैड़ी नईं, फिरी भी मने मां इन आए, कि एरू कम केरनेबालेरे बारे मां फैसलो केरने लोरोईं। 4 इन तैन आए ज़ैन केरनेरी ज़रूरत आए। हकीकति मां इशशे प्रभु यीशु मसीहेरो अधिकार तुसन कां आए, इन पिशैनतां विश्वासी केरे रूपां अकोट्टे भोथ। इन एरू आए कि अवं भी अपने मने मां तैड़ी आईं। ते फिरी प्रभु यीशु मसीहेरे ज़िरिये। 5 तैस मैन्हु ज़ैने पापी बर्ताव कियोरो, तैस अपने टोली मरां कढा ते तैस मैन्हु शैतानेरे अधिकारे मां वापस देथ, इस उमीदी सेईं कि तै अपने पापन करां मन फिरालो। क्जिकि अगर तै पापन करां मन फिरालो त तैस प्रभु यीशु मसीहेरे इन्साफेरे दिहाड़े मुक्ति मैलेली। 6 घमण्ड केरनू बंद केरा, कि तुस न ज़ानथ, कि थोड़ू ज़ेरू खमीर पूरे सन्नेरे अट्टे खमीर केरते। 7 परानू खमीर केढतां, अपनो आप साफ़ केरा, कि नंवू सनोरू अट्टू बना; ताके तुस अखमीरे राथ, क्जिकि इशशो भी फ़सह ज़ै मसीहे, तै बलिदान भोरोए। 8 ते एज्जा अस तिहारे मां आनन्द मनाम, न पुराने खमीरे सेईं न बुरेईं, ते दुष्टरे खमीरे सेईं, पन सिधीवैईं, ते सलैइयरे बगैर खमीरेरे रोटी सेईं। 9 मीं अपने पेइले चिट्टी मां लिखोरूप, कि बदमाशी केरनेबालां केरि संगती न केरथ। 10 इन नईं, कि तुस बिलकुल इस दुनियारे बदमाशी केरनेबाले, या लालच केरनेबाले, या धोखो केरनेबालन, या मूरती पुज़ने बालां केरि संगती न केरा; क्जिकि एन्चरे तुसेईं इस दुनियाईं मरां निसनू पेथू। 11 मेरू ज़ोनू त इन्ने, कि अगर कोई अपने आपे विश्वासी ज़ोते, ते बदमाशी केरनेबालो, या लालची, या मूरती पुज़ने बालो, या गैईं देनेबालो, या पीने बालो, या धोखो केरनेबालो भोए, त तैस सेईं साथ न रेखतथ, बल्के एरे मैन्हु सेईं साथी रोटी भी न खेइयथ। 12 ई मेरी ज़िमेबारी नईं, कि ज़ैना लोक विश्वासी नईं तैन केरि निन्दा केरि। पन हकीकति मां तुसेईं तैन लोकन सज़ा दित्तोरु लोड़े ज़ैना तुशशे कलीसियारे हिस्सो आन। 13 पन ज़ैना विश्वासी नईं तैन केरो इन्साफ़ परमेशर केरते पन पवित्रशास्त्र ज़ोते, बुरु कम केरनेबाले मैन्हु अपने टोली मां एजने न देथ।

**6** अगर तुसन मरां केन्चरी होरि विश्वासी सेईं लड़ाई भोए, त तुसेईं फैसलेरे लेइ अधर्मी हाकिमन कां न लोड़े ज़ोवरू; तुसेईं अपने कलीसियारे विश्वासी लोकन ज़ोवरू लोड़े कि तैना तुशशे मुकदमेरो फैसलो केरन कि कौन सही ते कौन गलते। 2 कुन तुस न ज़ानथ, कि परमेशेरे लोकेईं दुनियारे लोकां केरो इन्साफ

केरनोए? ते अगर तुसेई दुनियारे लोकां केरो इन्साफ केरनोए, ते कुन तुस निकड़े करां निकड़े लड़ेइयरो फैसलो केरनेरी काबल नई? 3 तुस ज्ञानतथ कि एजनेबाले वक्ते मां असेई तैन स्वर्गदूतां केरो इन्साफ केरनोए जैना स्वर्ग मरां शारोरे थिये, त पक्को तुस रोजेरी आम गल्लां केरो फैसलो केरि बटतथ। 4 अगर एरी गल्लां भोन, त तुसेई तैन केरो फैसलो केरनेरे लेइ तैन कां न लोड़े जेवरी जैन केरि आदर कलीसियारे लोकन मां न की गाए। 5 अवं तुसन छिथानेरे लेइ इन ज़ोताई, कि सच्चे तुसन मां अक भी अक्लमन्द न मैल्लो, जै विश्वासी लोकां केरो फैसलो केरे। 6 बल्के विश्वासी लोकन एप्पू मांमेइ मुकदमे भोतन, ते तैना भी गैर विश्वासी लोकां केरे सामने। 7 पन सच्चे तुसन मां बडो दोष त ईए, एप्पू मांमेइ मुकदमे केरतथ, बल्के बेइन्साफ किजो न झैल्लथ? अपनो नुकसान किजो न झैल्लथ? 8 बल्के बेइन्साफ केरतथ, ते नुकसान पुजातथ, ते तै भी विश्वासी लोकन। 9 कुन तुस न ज्ञानथ, कि बेइन्साफ लोक, परमेशरेरे राज़ेरे बारिस नई भोने? धोखो न खाथ, न वेश्यागामी, न मूरती केरि पूजा केरनेबाले, न आयाश, न लुच्चे, न तैना जैना मड़द मड़दन सेइं जिसमानी रिशतो रखतन। 10 न चोर, न लालची, न पीने बाले, न गेई देनेबाले, न अंधेर केरनेबाले परमेशरेरे राज़ेरे बारिस भोनेन। 11 तुसन मरां पेइले किछ एरे थिये, पन प्रभु यीशु मसीहेरे नंवे ते इशे परमेशेरी आत्माई सेइं तुशे पाप धोए जे, ते तुस पवित्र नई भोए ते धर्मा ठहराए। 12 तुसन मरां किछ जोई बटतन, कि सब चीजां मेरे लेइ जेइज त आन, पन सब चीजां फेइदेरी नई, सब चीजां मेरे लेइ जेइज त आन, पन अवं कोन्ची भी चीज़ो गुलाम बेनेलो। 13 तुसन मरां किछ जोई बटतन, खानू पेटेरे लेइए, ते पेट खानेरे लेइ, एन सच्चे, पन परमेशर रोट्टी भी ते पेटे भी नाश केरेलो, पन जिसम बदमाशी केरनेरे लेइ नई, बल्के प्रभुएरे लेइए; ते प्रभु जिसमेरे लेइए। 14 ते परमेशरे, प्रभु यीशु अपने शक्ति सेइं जीतो केरो, ते तै असन भी जीतो केरेलो। 15 कुन तुस न ज्ञानथ, कि तुशेरी जाना मसीहेरे अंगन? ते कुन अवं मसीहेरे अंगन वेश्यारे अंगन सेइं शामिल केरि? नई, कधी नई। 16 कुन तुस न ज्ञानथ, कि जै कोई वेश्याए सेइं न जेइइ रिशतो रखते, तै तैस सेइं अक जान भोते? किजोकि पवित्रशास्त्र जोते, “कि तैना दुइये अक जान भोलां।” 17 ते जै प्रभुएरी संगती मां रहते, तै तैस सेइं साथी अक आत्मा भोते। 18 बदमाशी केरने करां दूर राथ, जेते हारे पाप मैन्हु केरते, तैना जानरे बेइरन, पन बदमाशी केरनेबालो अपने जानरे खलाफ पाप केरते। 19 कुन तुस न ज्ञानथ, कि तुशेरी जान पवित्र आत्मारु मन्दरे; जै तुसन मां आए, ते तुसन परमेशेरी तरफां मैल्लोए? ते तुस अपने नई पन तुस परमेशेरे आथ; 20 किजोकि प्रभुए अपनि जानरी कीमत देइतां तुस घिनोरेथ, एल्हेरेलेइ अपने जानरे जिरिये सेइं परमेशेरी आदर केरा।

7 हुनी अवं तुशे तैन सवालां केरो जुवाब देताई, जैना तुसेई अपने चिट्ठी मां पुच्छे, तुसेई पुच्छू, इन रोडू आए कि लोक

डूला न बनान? 2 हौं इन जरूरी आए कि बदमाशी केरनेरे डरे सेइं हर मड़देरी कुआन्श, ते हर कुआन्शरो मुन्श भोए। 3 मुन्श अपने कुआन्शरु हक पूरू केरे; ते तेन्चरे कुआन्श भी अपने मुन्शेरु। 4 कुआन्शी अपने जिसमे पुइ अधिकार नई, पन तैसेरे मनशेरो अधिकारे; तेन्चरे मुन्शे भी अपने जिसमे पुइ अधिकार नई, पन कुआन्शी। 5 तुस एक्की होरि करां अलग न भोथ; पन सिर्फ थोड़े चिरेरे लेइ बिस्तारे सेइं कि प्रार्थनारे लेइ फुर्सत मैल्ले, ते फिरी अकोट्टे भोथ, कि एरू न भोए, शैतान तुसन परखे। 6 पन जैन अवं इन जोने लोरोई ई सुझावे, न कि हुक्म। 7 अवं इन चाताई, कि जेरो अवं अडूलाव आई, तेरे सब मैन्हु भोन; पन परमेशरे किछन डूला केरनु वरदान दितोरूए, ते किछन अकैल्लू रानेरू वरदान दितोरू। 8 मेरी सल्लाह अडूलां ते विधवां केरे ई आए, कि तैना अडूलाए रान, जेन्चरे अवं आई। 9 पन अगर तैना अपनो आप कैबू न केरि बटन, त डूला बनान, किजोकि डूला बनानो इच्छान मां मसत राने करां रोडोए। 10 जैन केरो डूला भोरोए, तैन केरे लेइ अवं नई, बल्के प्रभु हुक्म देते, कि कुआन्श अपने मुन्शे करां अलग न भोए। 11 (अगर अलग भोइ गाए, त होरो डूला न बनाए; या अपने मुन्शे सेइं फिरी मेल मिलाप केरे) ते मुन्श अपने कुआन्शी न शारे। 12 होरन सेइं प्रभु नई, पन अवं ज़ोताई, अगर केन्ची विश्वासी ढूलाएरी कुआन्श विश्वासी न भोए, ते तै कुआन्श तैस साथी राने सेइं खुश भोए, त तै तैस न शारे। 13 ते जैस कुआन्शरो मुन्श विश्वासी न भोए, ते तै मैन्हु तैस साथी राने सेइं खुश भोए; ते मुन्शे न शारे। 14 किजोकि एरो मुन्श जै विश्वासी न भोए, परमेशर तैस सेइं एरो बताव केरते जेन्चरे अपने लोकन सेइं, किजोकि तैसेरी कुआन्श मसीही आए, ते एरी कुआन्श जै विश्वासी न भोए, परमेशर तैस सेइं एरो बताव केरते जेन्चरे अपने लोकन सेइं, किजोकि तैसेरो मुन्श मसीही आए। अगर एरू न भोथू कि विश्वास न केरनेबालो मुन्श या कुआन्श परमेशेरे लोक न भोथे, तैखन तुशे बच्चे भी परमेशेरे न भोथे। पन हुनी तुशे बच्चे भी परमेशेरे भोइ जे। 15 पन जै मड़द ते कुआन्श विश्वासी न भोए, अगर तैना अलग भोन, त अलग भोने देथ, एस हालती मां कोई विश्वासी ढूलाए या बेइन बन्धने मां नई। पन परमेशरे अस कुजोरेम कि सुखे सेइं जींम। 16 हे कुआन्शव तुस इस गल्ली याद रखा कि तुशे मुन्श तुशे वजाई सेइं मुक्ति हासिल केरि बटतन, ते हे मुन्शव तुस याद रखा कि तुशे वजाई सेइं तुशेरी कुआन्शां मुक्ति हासिल केरि बेटतन। 17 जैन किछ अवं जोने लोरोई तैसेरो नचोइ ई आए: हर मैन्हु तैस हालती मां रावरो लोड़े जै प्रभुए तैस दितोरीए जेइस तैनी परमेशेरू कुजानू शुनु। अवं इन सेवभी कलीसियान मां एन्चरे ठहराताई। 18 अगर कोई मैन्हु जै खतनो कियोरे कुजोरो; त तै प्रभु यीशु पुइ विश्वास केरते, तैस अपनो आप बगेर खतने बालो हिरानेरी जरूरत नई; ते अगर कोई मैन्हु जेसेरो खतनो नई भोरो, ते तै प्रभु यीशु पुइ विश्वास केरते, तैस खतनो कराने जरूरत नई। 19 न खतनो किछ चीजे, ते न

खतनो न करानो, बल्के परमेशरें हुक्म मन्ने बड़े ज़रूरिन। 20 हर अक ज़ैस हालती मां कुजावरोए, तेन्चरे राए। 21 तू गुलाम थियो ज़ेइस परमेशरे कुजावरो थियो, फिरी भी परेशान न भोध; पन अगर तू आज़ाद भोइ सकतस, त भो। 22 किजोकि ज़ैना गुलामेरे हालती मां कुजोरिन, तैना प्रभु मां आज़ादन, तेन्चरे ज़ैना प्रभु मां आज़ाद कुजोरिन, तैना मसीहरे गुलामन। 23 परमेशरे तुस बड़ी कीमत देइतां घिनोरेथ, मैन्हु केरे गुलाम न बना, पन परमेशरें गुलाम बना। 24 हे ढूलाव ते बेइनव, ज़ै ज़ैस हालती मां परमेशरे कुजवरए, तै तैस्से हालती मां परमेशरे सेइं साथी राए। 25 कुवैरी केरे लेइ मीं प्रभु करां कोई हुक्म नईं मैल्लेरो, पन प्रभुए दयाई सेइं मीं अक्ल दितोरीए, ज़ैस पुड़ भरोसो कियो गाते, ते अवं ई सलाह देताई। 26 किजोकि इन दिहाइन मां विश्वासी लोकां केरे लेइ बुरु गल्लां भोने लोरिन, एल्हेरेलेइ मीं लगते कि इन तुश्शे लेइ रोडूए, अवं ई सलाह देताई कि ज़ैना ज़ेरे आन तैना एन्चरे रान। 27 अगर तेरी कुआन्शे, त तू तैस करां अलग भोनेरी कोशिश न केर, ते अगर तेरी कुआन्शे नईं त तू कुआन्शी न तोप। 28 पन अगर तू इला भी केरस, त पाप नईं; ते अगर कुवारी इलाई गाए त कोई पाप नईं; पन एरे लोकन इस दुनियाई मां बड़ी परेशानी भोली, ते अवं बचाने चाताई। 29 हे ढूलाव ते बेइनव, अवं इन ज़ोताई, इश्शो इस दुनियाई मां जादे वक्त नईं रावरो, एल्हेरेलेइ जादे फिक्र न केरा कि तुश्शी कुआन्शां आन या नईं, पन प्रभुएरी सेवारे बारे मां सोचते राथ। 30 ते तैना ज़ैना लेरां देतन या ज़ैना खुश आन, या ज़ैना अपनि बनानेरे लेइ चीज़न घिन्तन, इन सेबभी गल्लां केरे बारे मां जादे लोड़े सोचोरू (किजोकि इना सब गल्लां प्रभुएरी सेवा केरनि बिसरैली)। 31 तैना ज़ैना दुनियारी चीज़ां इस्तेमाल केरतन, तैनेईं तैन सेइं लगाव न लोड़े रखोरें, किजोकि ज़ेन्चरे अस ज़ानतम ई दुनिया जल्दी खतम भोनेबालीए। 32 मेरी इच्छा ई आए कि तुस दुनियारे जिन्दगरी खुवाइशन करां आज़ाद राथ, अइलाव मैन्हु प्रभुएरी सेवा केन्चरे केरनि ई फिक्र केरते कि प्रभुए खुश केरे। 33 पन इलावरो मैन्हु दुनियारी गल्लां केरि फिक्री मां रहते, कि केन्चरे अपने कुआन्शी खुश रखे। 34 तैने दूई चीज़ां केरे बारे मां सोचोरू लोड़े, अपनि कुआन्शे खुश केरनेरे बारे मां ते प्रभु खुश केरनेरे बारे मां। इलावरी ते अइलाई मां भी फर्के, अइलाई प्रभुएरी फिक्री मां रहतीए, कि केन्चरे अपनि आत्मा, ते जिसम दुइये पवित्र रखे, पन इलावरी दुनियारे फिक्री मां रहतीए, कि अपने मुन्शे खुश रखे। 35 ई गल तुश्शे फैइदेरे लेइ ज़ोताई, न कि तुसन फसानेरे लेइ, बल्के एल्हेरेलेइ ज़ेन्चरे लोड़े तेन्चरे कियूं गाए, ताके तुस अक मन भोइतां प्रभुएरी सेवाई मां लोगोरे राथ। 36 ते अगर कोई इन समझे कि, अवं एपनी तैस कुवैराहू हक लोरोई मारने ज़ेसेरी जवानी लोरी ढलने, त ज़ेन्चरे चाए तै केरे, इस मां पाप नईं, तै तैसेरो इला भोने दे। 37 पन अगर ज़ैने बाजी अपने मने मां पक्को फैसलो कियोरोए, कोन्ची होरेरे दबावेरे अलावा तै केरते, त तैस कां तै अधिकारे ज़ैन तै केरनू चाते। ते

अगर तै फैसलो केरते कि तैसेरी कुई ज़ेरे आए तेरही रखे, तै परमेशरें नज़री मां रोडू कम केरेलो। 38 ज़ै अपनि कुवैराओ इला कराते, तै रोडू केरते, ते ज़ै न कराए तै भी रोडू केरते। 39 ज़ांतगर कोन्ची कुआन्शरो मुन्शे ज़ींतो रहते, तांतगर तैस सेइं साथी रावरू लोड़े, पन ज़ेइस तैसेरो मुन्शे मेरि गाए, ज़ैस सेइं चाए इला केरि बटतीए, सिर्फ विश्वासी लोकन मां। 40 पन अगर तै फिरी दुबारां इला न केरे, त मेरे खियाले मां बड़ी धने ते अवं समझताई, कि परमेशरें आत्मा मीं चलाने लोरीए।

**8** तुसेईं अपने चिट्ठी मां मूरतन कां चाढ़ोरी चीज़ां केरे बारे मां पुछोरू थियूं, इस बारे मां अस ज़ानतम, पन ज़ान असन अपने बारे मां घमण्डी बनाते, पन प्यार सेइं होरि केरि तरक्की भोतीए। 2 अगर कोई समझे, कि अवं किछ ज़ानताई, ते ज़ेरू ज़ानेरू लोड़े तेरू हेजू तगर न ज़ाने। 3 पन अगर कोई परमेशरे सेइं प्यार केरते, ते तैस परमेशर पिशानते। 4 एल्हेरेलेइ अवं खानेरे बारे मां जुवाब देनो चाताई, अस मूरती केरे सामने बलिदान कियोरी चीज़ां केरे खानेरे बारे मां ज़ानतम, कि अस ज़ानतम कि मूरती सच्चो परमेशर नईं, सिर्फ एक्के सच्चो परमेशरे। 5 पन फिरी भी अम्बरे ते धरतली पुड़ लोक बड़े देबते ते प्रभु ज़ोतन, पन इश्शे लेइ अक्के परमेशर, तै इश्शो बाजी आए। तैने सेरी चीज़ां बनेइ, अस तैसेरे ज़िरिये ज़ीते रातम। एन्चरे असन कां अक्के प्रभुए ते ते प्रभु यीशु मसीहे। तैसेरे ज़िरिये सब किछ बनवं जेवं, अस तैसेरेलेइ ज़ीतेम। 7 पन सेबभी विश्वासी लोकन इस्से ज़ान नईं; पन किछ लोक हेजू तगर मूरतन असली भोनेरी सोचनेरी आदते, एल्हेरेलेइ ज़ैखन लोक मूरतन कां चाढ़तन, त तैना असली देबतन पूजा केरे रूपे मां सोचतन ते तैन केरो ज़मीर कमज़ोर भोइतां अशुद्ध भोइ गाते। 8 पन खानू असन परमेशरे कां न पुजाए, अगर अस न खाम, त असन किछ नुकसान नईं, ते अगर खाम त कोई फैइदो भी नईं। 9 पन हुशार राथ, एरू न भोए, कि तुश्शी ई आज़ादी कमज़ोर विश्वासे बालां केरे लेइ पाप केरनेरे लेइ वजा बने। 10 किजोकि अगर तीं ज़ैनी मन्दरे मां मूरतन कां चाढ़ोरू खातो लाए, ते तै विश्वासे मां कमज़ोर मैन्हु भोए, ते कुन तैसेरे ज़मीर मां मूरती केरे सामने च़ैदोरी चीज़ां केरे खानेरी दिलेरी न भोली। 11 एस रीति सेइं तेरे ज़ानेरे वजाई सेइं तै विश्वासे मां कमज़ोर ढूला ज़ेसेरे लेइ मसीह मरो तै मसीह पुड़ विश्वास केरनो न शारे। 12 एन्चरे तुस अपने विश्वासी लोकन ठोकर पुजेइतां न सिर्फ तैन केरे पापी भोए, बल्के मसीहरे भी पापी भोले। 13 इस वजाई सेइं अगर खानू कोन्ची विश्वास केरनेबालेरे लेइ ठोकर भोए, ते अवं कोन्ची तरीके सेइं कधी मास न खेइलो, एरू न भोए कि मेरू खानू कोन्ची विश्वास केरनेबालेरे लेइ ठोकरारी वजा बने। (aiōn g165)

**9** अवं ज़ैन केरनू चाताई तैन केरनेरे लेइ आज़ाद आईं। अवं अक प्रेरित आईं, मीं प्रभु यीशु लावरोए ज़ै इश्शो प्रभुए, ज़ैन कम मीं प्रभुएरे लेइ कियूं तुस तैसेरो नतीजोथ। 2 अगर होरे लोक इस गल्ली न मनन कि अवं प्रभु यीशुएरो प्रेरित आईं,

त ढूलाव तुसेई त लोडे मन्नोरु। किजोकि मीं ए तुसन कां खुशखबरी आनोरी थी। तुशशो प्रभु विश्वास इस गल्ली साफ करते कि अवं हकीकति मां तैसेरो प्रेरित आई। 3 जैना लोक मेरे प्रेरित भोनेरे अधिकारे पुड़ सवाल पुच्छतन, तैन केरे लेइ मेरो ईए फैसलो आए। 4 कुन असन खाने पीनेरु हक नई? 5 कुन असन अधिकार नई, कि कोन्ची मसीही कुआन्शी सेइ इला बनाम, जेन्चरे हारे प्रेरित, ते प्रभुएरे ढूला ते कैफा (यानी पतरस) केरतन? 6 या सिर्फ मीं ते बरनबासे जिन्दगी जीनेरे लेइ कम कियोरु लोडे? 7 को जेरो फौजी अपनू खेइतां जंग केरते? या कौन बाग लेइतां तैसेरो फल न खाए? कौन भैट्टां रेखतां तैन केरु दुद्र न पीए? 8 अवं इना गल्लां मैनु केरि रीति पुड़ नई लोरो जोने, मूसेरो कानून भी इन्ने जोते। 9 एल्हेरेलेइ मूसेरो कानून जोते, तैस मां इन लिखोरुए, “तुस खल्ले मां च़लते बार दांतेरु आशी न बेंदथ।” कुन परमेशर दांतां केरि फिक्र केरते? नई। 10 या खास केरतां इशशे बारे मां लिखोरु, हॉ इशशे लेइ लिखोरुए, किजोकि ठीके कि जोट्लने बालो उमीदी सेइ जोट्ले, उपाने बालो उमीदी सेइ उपाए। 11 असेई तुसन परमेशरेरो सन्देश शुनोवरोए। जेन्चरे लोक बीज बतन तेन्चरे असेई तुसन मां परमेशरेरे वचनेरु बीज बेव। एल्हेरेलेइ तुशशो फरजे कि इशशे रोजेरो खर्चो असन देथ। 12 जां कि तुसेई होरि लोकां केरि मद्दत की, जैनेई तुसन प्रचार कियो, त मेरु त कने बरनबासेरु जादे हके। किजोकि अस तुशशे पेइले प्रेरित आम, फिर भी असेई अपने ज़रूरते चीजां केरे लेइ ज़बरदस्ती न की, तैसेरे बदले अपने मेर्जी सेइ सब किछ झैल्लू कि मसीहरे खुशखबरी पुड़ विश्वास केरनेरे लेइ केन्चरे लेइ रुकावट बनम। 13 कुन तुस न ज्ञानथ कि जै पवित्र चीजां केरि सेवा केरते; तै मन्दरे मरां खाते; ते जै बलिदान केरनेरे ठारारी सेवा केरते; तै बलिदान केरनेरे ठारी सेइ शामिल भोते। 14 एन्चरे प्रभुए ठहराव, कि जैना लोक खुशखबरी शुनान, तैन केरि जिन्दगारो गुजारो भी तैन लोकन करां लोडे भोरु जैना लोक खुशखबरी शुन्तन। 15 पन मीं इन अधिकारन मरां कोई भी इस्तेमाल न कियो। ते मीं एना गल्लां एल्हेरेलेइ नई लिखोरी, कि मेरे लेइ एरु कियू गाए। बिलकुल नई! किजोकि इस करां त मेरु मरनू रोडूए; कि कोई मेरु घमण्ड बेफैडू ठहराए। 16 ते अगर अवं खुशखबरी शुनेई, त मेरु किछ घमण्ड नई, किजोकि इन त मेरे लेइ ज़रूरीए, ते अगर अवं खुशखबरी न शुनेई, त मीं पुड़ अफ़सोस। 17 किजोकि अगर अवं इन कम अपने मेर्जी सेइ केरताई, त मीं इनाम मैलेलू। पन अगर इन मेरी मेर्जी सेइ नई, पन अगर परमेशरे ई जिमेदारी दितोरीए, त अवं कोन्ची इनामेरी उमीद न रेख्खी बेटि। 18 ते फिरी मेरु कुन इनामे? कि खुशखबरी शुनाने मां मसीहरी खुशखबरी मुफ्त बेंटी; इड़ी तगर कि जैन खुशखबरी मां मेरु हक्के, तैसेरो पूरो इस्तेमाल केरि। 19 किजोकि सेबन करां आज़ाद भोने पुड़ भी मीं अपनो आप सेबनी केरो गुलाम बनाव; कि जादे करां जादे लोकन खिचतां ऐनीं। 20 अवं यहूदी केरे लेइ

यहूदी बनो ताके यहूदन खिचतां मसीह मां ऐनीं, जैना लोक यहूदी केरे कानूनेरे अधीन तैन केरे लेइ कानूनेरे अधीन न भोने पुड़ भी अधीन भोव, कि तैन जैना कानूनेरे अधीन तैन खिचतां मसीह मां ऐनीं। 21 जैना कानूनेरे अधीन नई तैन केरे लेइ अवं (पन अवं ज्ञानताई कि अवं परमेशरेरे कानूने करां हीन नई, किजोकि अवं मसीहरे कानूनेरे अधीन आई) तेरो बनो, कि तैन खिचतां मसीह कां ऐनीं। 22 अवं विश्वासे मां कमजोरां केरे लेइ कमजोर बनो, ताके कमजोरन खिचतां मसीह मां ऐनीं, अवं सेबनी मैनु केरे लेइ सब किछ बनो, कि कोन्ची न कोन्ची तरीके सेइ लोकन मुक्ति मैल्ली। 23 ते अवं सब किछ मसीहरे खुशखबरेरे लेइ केरताई, कि अवं होरन सेइ साथी तैन बरकतां केरो हिसेदार भोई। 24 कुन तुस न ज्ञानथ, कि दौड़ी मां त सब दौड़तन, पन इनाम अक्के नेते, तुस तेरहु दौड़ा, कि ज़ींतथ। 25 ते हर अक पलवान हर किसमेरो परेज रखते, तै त अक शुक्ने बाले ताजेरे लेइ इन सब किछ केरते, पन अस त तैस ताजेरे लेइ केरतम जैन कधी नई शुक्नु। 26 एल्हेरेलेइ अवं एन्चरे दौड़ताई, पन बगैर मकसदे नई, अवं भी एन्चरे मुकन सेइ लड़ताई, पन तैसेरो जेरो नई जै हवाई मां लड़ते। 27 पन अवं अपने जानरी खुवैइशन मारताई, ते कैबू मां केरताई; एरु न भोए कि होरन प्रचार केरि, ते मीं इनाम न मैलेले।

**10** हे ढूलाव ते बेइनव, अवं तुसन याद करानू चाताई, इशशे दादे-पड़दादन सेइ बड़े पेइले सुनसान ठैरी मां कुन भोवं, परमेशरे तैन केरे अग्री-अग्री बिदलार भेजतां तैन सेबन बत हिराई, ते तैना सब लाल समुन्दरे पैनी मांमेइ एन्चरे पार किये जेन्चरे शुक्कोरी ज़मीनी मांमेइ। 2 ते तैन सेबनेई बिदलारी मां, ते समुन्द्रे मां मूसेरो बपतिस्मो नेव। 3 ते तैन सेबनेई तै रोटी खाइ, जै परमेशरे तैन स्वर्गां दित्ती। 4 तैन सेबनेई अक्के पानी पिव जैन परमेशर तैन दित्तू, किजोकि तैना आत्मिक चट्टानी मरां पीते थियो, जै तैन सेइ साथी-साथी च़लती थी; ते तै चट्टान मसीह थियो। 5 पन परमेशर तैन मरां बड़न सेइ खुश न भोव, एल्हेरेलेइ तैना रेगिस्ताने मां मेरि जे। 6 इना गल्लां इशशे लेइ खबरदारी भोइ, कि जेन्चरे तैनेई लालच कियू, तेन्चरे अस बुरी चीजां केरु लालच न केरम। 7 ते न मूरती केरि पूजा केरनेबाले बनम; जेन्चरे तैना किछ बनोरे थियो, जेन्चरे पवित्रशास्त्रे मां लिखोरुए, “लोक तिहारे मां खाने पीने बिशशे, ते फिरी बुरु केरनेरे लेइ उठे।” 8 ते न असां बदमाशी केरम; जेन्चरे तैन मरां किछेई की, कि एककी दिहाड़ी मां 23000 मरे। 9 ते न अस प्रभु यीशु मसीह अज़माम; जेन्चरे तैन मरां किछेई अज़माम, ते तैना सपन सेइ मेरि जे। 10 ते न तुस कुड़कड़थ, जेन्चरे तैन मरां किछेई कुड़कड़व, ते परमेशरेरे तरफां भेजोरे स्वर्गदूते तैना मारे। 11 पन इना सब गल्लां, जैना तैन पुड़ बीती, तैना खबरदारी जेरि थी, ते तैना इशशी लेइ हदैइयत भी आन, जैना अस दुनियारे आखरी वक्ते मां रातम लिखी जेई। (aiōn g165) 12 एल्हेरेलेइ जै विश्वासी समझते, “कि अवं विश्वासे मां मज़बूताई,” तै खबरदार राए; कि

तैस्से पापे मां फिरी न बिछड़े। 13 तुसन पुड़ एरी अज़मैइश नई ओरी, जै मैन्हु केरे झल्लनेरे बेइरे, परमेशर वाफदार, तै तुसन शक्ति करां जादे अज़मैइशी मां गाने न देलो, बल्के अज़मैइशी सेइं साथी तैस मरां कढेलो भी; कि तुस झेल्ली भी बटथ। 14 एल्हेरेलेइ, हे मेरे ट्लाराव, मूरती पूजने करां बेंचते राथ। 15 अवं समझदार बुझतां, तुसन सेइं ज़ोताई, ज़ैन अवं ज़ोताई, तुस तैसेरे बारे मां सोचा कि सही आए या नई। 16 ज़ैखन अस यीशु मसीहेरे मौती याद केरनेरे लेइ अकोट्टे भोतम, त अस दाछारो रस कटोरे सेइं पीतम, जेसेरे बारे मां असेई परमेशेरेरू शुक्र कियोरूए, ते अस ट्लोडोरी रोटी भी खातम, ई तैन बरकतन मां शामिल भोनेरो निशाने, ज़ैना मसीहेरे जानी ते खूने करां एइतिन? 17 एल्हेरेलेइ, कि अक्के रोटीए ज़ै मसीहे, चाए अस बडेम, अस अक जान भोतम किजोकि अस तैए अक्के रोटी खातम। 18 इसालेरे लोकां केरे बारे मां सोचा, ज़ैखन सारे लोक परमेशेरेरे लेइ च़ाढोरी रोटी खातन, तैना परमेशेरेरे आराधनारे हिस्सेदार भोतन, तेन्चरे ज़ैना लोक मूरतन कां बलिदान कियोरी चीज़न खातन तैना मूरती केरी पूजाई मां हिस्सेदार भोतन। 19 फिरी अवं कुन ज़ोताई? कि मूरतरी बलिदान किछे, या मूरती किछे? 20 नई, बल्के इन, कि तैना ज़ैन बलिदान केरतन, तैना परमेशेरेरे लेइ नई, पन भूतां केरे लेइ केरतन, ते अवं न चैई कि तुस भूतन सेइं साथी शामिल भोथ। 21 तुस प्रभुएरे कटोरे, ते भूतां केरे कटोरे दुइयन मरां न पी बटथ! तुस प्रभुएरे मेजे ते भूतां केरे मेजे मां शामिल न भोइ बटथ। 22 कुन अस प्रभु सरकतम? कुन अस तैस करां जादे शक्ति बालेम? 23 तुस ज़ोतथ, अस किछ भी केरनेरे लेइ आज़ाद आम, हॉ, पन सब किछ इश्शे लेइ रोडू नई। अस किछ भी केरनेरे लेइ आज़ाद आम, पन सब किछ इश्शे विश्वासे ज़ै परमेशेरे पुडे मज़बूत न केरे। 24 कोई अपने भलेरे बारे मां न सोचे बल्के होरि केरे भलेरे लेइ सोचे। 25 ज़ैन किछ किसैई केरे दुकान पुड़ बिकते, तैन खाथ, ते इन न पुच्छा कि मास कोट्टां आनोरू ते अपनो ज़मीरे शुद्ध रखा। 26 तुस तैन खाथ किजोकि पवित्रशास्त्र ज़ोते, “धरती ते सैरी चीज़ां प्रभुएरी आन।” 27 ते अगर गैर विश्वासी लोकन मरां तुसन कोई धाम ज़ोए, त तुस गानू चातथ, त ज़ैन किछ तुश्शे सामने रखबू गाए तैन खाथ, ते किछ न पुछा, कि कोट्टां आनोरूए। 28 पन अगर कोई तुसन सेइं ज़ोए, “इना त मूरतन कां बलिदान कियोरू,” त तुस तैस न खाथ, तुश्शे ज़मीरेरे वजाई सेइं नई बल्के ज़ैने तुसन सेइं ज़ोवं तैसेरे ज़मीरेरे वजाई सेइं। 29 मेरो मतलब, तेरो ज़मीर नई, बल्के तैस होरेरो। भला, मेरी आज़ादी होरि मैनेरे ज़िरिये किजो परखी गाए? 30 अगर अवं शुक्र केरतां खाताई, त ज़ैस पुड़ अवं शुक्र केरताई, तैसेरे वजाई सेइं मेरी बदनामी किजो भोतीए? 31 आखरी मां अवं इन ज़ोताई, तुस चाए खाथ, चाए पीथ, या चाए ज़ैन किछ केरा परमेशेरेरी महिमारे लेइ केरा। 32 अवं ज़ैन किछ केरताई, हर केन्ची खुश केरनेरी कोशिश केरताई, अपने भलेरे बारे मां न सोची बल्के होरि केरे भलेरे

बारे मां सोचताई, ताके सेबन मुक्ति मैल्ले। एन्चरे तुस भी जीथ ताके तुश्शे वजाई सेइं न यहूदन, न गैर यहूदन न परमेशेरेरे कलीसियाई परेशानी भोए।

**11** जेन्चरे अवं मसीहेरी ज़ेरि चाल चलताई तुस भी मेरी ज़ेरि चाल च़ला। 2 हे ढ़लाव ते बेइनव, अवं तुश्शी तारीफ़ केरताई, किजोकि तुस मां हर वक्त याद केरते रातथ; ते ज़ै शिक्षां मां तुसन दिती तैन केरे मुताबिक चलतथ। 3 ते अवं चाताई, कि तुस इन ज़ानथ, हर एक्के मड़देरी क्रोडी मसीहे, ते कुआन्शरी क्रोडी मड़दे, ते मसीहेरी क्रोडी परमेशेरे। 4 ज़ै मड़द क्रोडी ढेकतां प्रार्थना या भविष्यवाणी केरते, तै अपने क्रोडारी अनादर केरते, किजोकि तैन घमण्डेरे बराबरे। 5 पन ज़ै कुआन्श बगैर दोग ढेकतां प्रार्थना या भविष्यवाणी केरतीए, तै अपने क्रोडारी अनादर केरती, किजोकि तैन टिनडी भोनेरे बराबरे। 6 अगर कुआन्श ओड़नी न ओड़े, त दोग भी कटे; अगर कुआन्शरे लेइ दोग कटानो शरमरी गल्ले, त ओड़नी ओड़े। 7 हॉ मड़दे अपनो दोग ढकनो जेइज़ नई, किजोकि तै परमेशेरेरू रूप ते शोभाए; पन कुआन्श मड़देरी शोभाए! 8 किजोकि मड़द कुआन्शी मरां नई, बल्के कुआन्श मड़दे मरां निसोरिए। 9 ते मड़द कुआन्शरे लेइ नई पन कुआन्श मड़देरे लेइ बनेवरीए। 10 एल्हेरेलेइ स्वर्गदूतां केरे वजाई सेइं कुआन्शरे लेइ इन ठीके कि अपने दोग ढक्के, ताके इस सेइं बांदू भोए कि तै मड़देरे अधीने। 11 फिरी भी प्रभु पुड़ विश्वास केरनेबालन मां कुआन्श मड़दे करां अलग नई, ते न मड़द कुआन्शरी करां अलगे। 12 किजोकि जेन्चरे पेइली कुआन्श मड़दे मरांए, पन हुनी मड़दन कुआन्श जर्म देतीए। सब चीज़ां परमेशेरे करां आन। 13 तुस एपू फैसलो केरा, कुन कुआन्शी खुले आम आराधनाई मां बगैर दोग ढेकतां परमेशेरे कां प्रार्थना केरनि शोभतीए? 14 कुन तुस भी न ज़ानथ, कि अगर मड़द लमो दोग रखे त तैसेरेलेइ शरमे। 15 पन अगर कुआन्श लमो दोग रखे; ते तैसेरेलेइ शोभाए किजोकि बाल तैसेरे ढकनेरे लेइ दित्तोरने। 16 पन अगर कोई मां सेइं राज़ी न भोए, त इन समझे न इश्शी न इश्शे परमेशेरेरी कलीसियां केरि एरी रीतए। 17 इस बारे मां अवं तुसन इन ज़ोताई, अवं तुश्शी तारीफ़ न केरि, एल्हेरेलेइ कि तुश्शे अकोट्टे भोने सेइं भलाई नई, बल्के नुकसान भोते। 18 किजोकि पेइलू त अवं इन शुनताई, कि ज़ैखन तुस कलीसिया मां आराधनारे लेइ अकोट्टे भोतथ, त तुसन मां अन-बन भोतीए ते अवं किछ हदी तगर याकीन केरताई। 19 पन, बिलकुल तुसन मां बटवारो भोरो लोड़े, ताके तुसन ज़ैन कां परमेशेरेरी मन्जूरीए पिशाने गाथ। 20 ते ज़ैखन तुस इश्शे प्रभु यीशुएरी मौती याद केरनेरे लेइ एक्की ठैरी अकोट्टे भोतथ, त तुश्शे बतवि सेइं इन न लग्गे कि प्रभु भोज खानेरे लेइ अकोट्टे भोरेथ। 21 किजोकि खानेरे वक्ते हर कोई अपनो इलाछड़ो होरन करां पेइलो खाते, ते किछ त नियन्नो रहतन, ते किछ मतवाली भोइ गाते। 22 कुन खाने पीनेरे लेइ तुसन घर नई या परमेशेरेरी कलीसियाई घटिया समझतथ, कि

जैन कां नई तैन छितातथ अवं तुसन कुन ज़ोई? कुन इस गल्ली काबलीत दित्तोरीए। 9 तैए आत्मा एककी मैन्हु मसीह पुड़ मां तुशशी तारीफ़ केरि? अवं तारीफ़ न केरि। 23 जै शिक्षा मीं प्रभु करां पुजी तै शिक्षा मीं तुसन दित्ती, कि प्रभु यीशुए ज़ैस राती तै टलुवाव जेव तैने रोटी नी। 24 ते शुक्र केरतां टलोडी, ते ज़ोवं; “कि ई रोटी मेरे जानी हिराती, जै तुशशे मुक्तेरे लेइ बलिदान की गातीए, मेरी यादी मां इन्ने केरा।” 25 ते एन्चरे ज़ैखन तैनेई रोटी खाइ, यीशुए दाछारो कटोरो भी नेव, ते ज़ोवं; “ई कटोरो मेरे खूने मां नव्वो कराए, ज़ैखन भी पीथ, मेरे यादी मां इन्ने केरा।” 26 किजोकि ज़ैखन ई रोटी खाथ, ते इस कटोरे मरां पीथ, त प्रभुएरे मौती ज़ांतगर तै न एज्जे, इस बारे मां ज़ोते राथ। 27 एल्हेरेलेइ ज़ै कोई प्रभुएरे रोटी नाजाइज तरीके सेइं खाए, या प्रभुएरे कटोरे मरां पीथे, तै प्रभुएरे जानरो ते खूनेरे खलाफ पापी भोलो। 28 एल्हेरेलेइ मैन्हु अपने बतवि परखे ते एन्चरे इस रोटी मरां खाए, ते इस कटोरे मरां पीथे। 29 किजोकि ज़ै इस रोटी खाते ते कटोरे मरां पीते बार इन न पिशाने कि तैसेरो रिशतो प्रभुएरी जानी सेइं केरोए, तै इस खाने पीने सेइं एप्पु पुड़ आफत आनते। 30 एल्हेरेलेइ तुसन मरां बड़े कमज़ोर ते रोगी आन, ते बड़े मेरि भी जे। 31 एल्हेरेलेइ अगर अस पेइले अपने आप परखम त परमेशर असन सज़ा न देलो। 32 पन प्रभु असन सज़ा देइतां शिखालते एल्हेरेलेइ कि अस दुनियाई सेइं साथी दोषी न भोम। 33 ते हे मेरे ढलाव ते बेइनव, ज़ैखन तुस प्रभुएरी रोटी खानेरे लेइ अकोट्टे भोतथ, एककी होरि बलगा। 34 अगर कोई नियन्नो भोए त अपने घरे मां खाए, ज़ैस सेइं तुस अकोट्टे भोथ, रोड़े चारे बर्ताव केरा, ज़ैस सेइं प्रभु तुसन सज़ा न दे, ते होरि गल्लां अवं एइतां ठीक केरेलो।

**12** हे मेरे ढलाव ते बेइनव, हुनी तुशशे तैस सवालारे बारे मां ज़ै तुसेईं पवित्र आत्माए वरदानां केरे बारे मां पुच्छो, अवं चाताई तुस रोड़े चारे समझा। 2 तुस ज्ञानतथ, कि तुस विश्वास केरने करां पेइले तुसन जेन्चरे जीते थिये तुसन पुड़ भूतां केरो अस्सर भोतो थियो, कि तुस मूरती केरि पूजा केरथ, ज़ैना जीती न भोन। 3 एल्हेरेलेइ अवं चाताई तुस ज्ञानतथ, कि ज़ै कोई परमेशरेरे आत्माए जुवाने सेइं ज़ोते, तै न ज़ोए, कि यीशु लानतीए, सिर्फ एककैलो पवित्र आत्मा आए, ज़ै इस काबल बनाते, कि कोई भी इन ज़ोईं सकते कि “यीशु प्रभुए।” 4 वरदाना त बड़े किसमां केरन, पन इना सब परमेशरेरो आत्मा देते। 5 अस बड़े किसमां केरु कम परमेशरेरे लेइ केरतम, पन अस तैस्से एककी प्रभुएरी सेवा केरतम। 6 परमेशर इशशे ज़िन्दगी मां अलग-अलग किसमे सेइं कम केरते, पन तैए परमेशर ज़ै असन सेबभन तैसेरेलेइ कम केरनेरी काबलीत देते। 7 असन सेबभन अक एरी काबलीत दित्तोरीए, ज़ैस सेइं पवित्र आत्माएरी हज़ूरी साबत भोती, ताके अस अपने सैथी विश्वासी लोकां केरि मद्दत केरम। 8 किजोकि परमेशरेरे आत्माए ज़िरिये एककी मैन्हु समझदाराओ सन्देश शुनानेरी काबलीत दित्तोरीए, ते होरि मैन्हु तैस्से आत्माए ज़िरिये सेइं जानेरो सन्देश शुनानेरी

काबलीत दित्तोरीए। 9 तैए आत्मा एककी मैन्हु मसीह पुड़ मज़बूती सेइं विश्वास केरनेरी काबलीत देते, ते तैए होरि मैन्हु, बिमार लोकन बझानेरी काबलीत देते। 10 आत्मा एककी मैन्हु चमत्कारां कम्मां केरनेरी शक्ति देते, ते होरि परमेशरेरो सन्देश शुनानेरु वरदान, ते कोन्ची आत्मां केरि परख, ते कोन्ची मैन्हु बड़े किसमां केरि भाषां ज़ोनेरी काबलीत दित्ती, ज़ैना तैने नई पेढोरी, ते होरि मैन्हु तैन भाषां केरो मतलब समझानेरी काबलीत दित्ती, ज़ैना तैनेई नई पेढोरी। 11 सब वरदानां तैस्से एककी पवित्र आत्मारु कम्मे। तैए जेन्चरे चाते सेबभी विश्वासी लोकन वरदान देते। 12 किजोकि जेन्चरे इशशे जिसम त अक्के ते तैसेरे अंग बड़न, ते तैस एककी जिसमेरे अंग हछछे भोने सेइं भी सब मिलतां अक्के जिसमे, तेन्चरे मसीह भी आए, ते तैना भी ज़ैना तैस पुड़ विश्वास केरतन। 13 किजोकि असेईं सेबभेईं कुन यहूदी, कुन गैर कौमां, कुन गुलाम, कुन आज़ाद अक्के आत्माए ज़िरिये अक जिसम भोनेरे लेइ बपतिस्मो नेवरोए, ते असन सेबभन अक्के आत्मा मैल्ली। 14 इशशे जिसमे मां अक्के अंग नई, बल्के बड़न। 15 अगर पव ज़ोए अवं हथ नई, एल्हेरेलेइ अवं जिसमेरो अंग नई। त कुन तैसेरे ज़ोने सेइं ते जिसमेरो अंग न राए? 16 ते अगर कन्न ज़ोए; “अवं अछ नई, एल्हेरेलेइ अवं जिसमेरो अंग नई,” त कुन तैसेरु एरु ज़ोने सेइं ते जिसमेरो न राए? 17 अगर सारो जिसम अछछे भोथी त शुन्नू कोट्टां भोथू? ते अगर सारो जिसम कन्न भोथो त शीघनू कोट्टां भोथू? 18 पन सच्छे परमेशरे इशशे जिसमे मां अंग अपने मेर्जी सेइं अक-अक केरतां इशशे जिसमे मां अपने-अपने ठैरी रखोरेन। 19 अगर तैना सभे अक्के अंग भोथे, त फिरि जिसम न भोथो। 20 एल्हेरेलेइ, जिसमेरे बड़े अंग भोने सेइं अक जिसम बनते। 21 अछ हथथे सेइं न ज़ोईं सके, “मीं तेरी ज़रूरत नई,” ते न क्रोडी पवन सेइं ज़ोईं बटतीए, “मीं तेरी ज़रूरत नई।” 22 पन जिसमेरे अंग ज़ैना होरन करां कमज़ोर लेइहोतन, बड़े ज़रूरिन। 23 ते जिसमेरे ज़ैन अंगन अस आदरारे काबल न समझम तैन केरि अस जादे आदर देतम; ते इशशे अशोबते अंग होरे भी रोड़े भोतन। 24 फिरि इशशे शोबते अंगन एसेरी ज़रूरत नई, पन परमेशरेरे जिसम बनोवरोए, कि ज़ैस अंगे घटी थी तैस होरि भी जादे आदर भोए। 25 परमेशरेरे एन कियू ताके जिसमेरे अंगन मां अन-बन न भोए, पन तैना एककी होरेरी देख-भाल केरन। 26 एल्हेरेलेइ अगर जिसमेरे एककी अंगे दुःख मैलते, त सारी जान ते सब अंग तैस सेइं साथी दुखी भोतन; ते अगर एककी अंगेरी बड़याई भोतीए; त तैस साथी सब अंग आनन्द केरतन। 27 एन्चरे तुस सब मिलतां मसीहेरो जिसमथ, ते तैसेरे जिसमेरे अंगथ। 28 मसीहेरी जानी मां यानी कलीसियाई मां, परमेशरेरे असन अलग-अलग कम केरने जो दित्तोरुए, पेइले प्रेरित, दुइयोंव नबी, ट्लेइयोंव शिक्षा देनेबाले, फिरि तैना, ज़ैन चमत्कार केरनेरो अधिकार दित्तोरोए। फिरि तैनी तैना ज़ैन बझानेरो अधिकार दित्तोरोए, ते तैना ज़ैन होरि केरि मद्दत केरनेरी काबलीत दित्तोरोए, ज़ैना



प्रधान, तैना जैन पवित्र आत्मा रे तरफां अलग-अलग किसमां केरि भाषां जोनेरी काबलीत मैली। 29 हर कोई प्रेरित नई। हर कोई नबी नई। हर कोई शिक्षा देनेबालो नई। हर कोई चमत्कार केरनेबालो नई। 30 कुन सेबन बड़ानेरु वरदान मैलेरु। हर कोई अलग-अलग भाषां केरनेबालो नई। हर कोई भाषां केरो मतलब समझनेबालो नई। 31 सेबन कां तरजमो केरनेरी काबलीत नई, रोडू त इन आए पवित्र आत्मां करां वरदानां हासिल केरनेरी बेड़ि इच्छाई मां राथ। पन सच्चे रोडू कुने, तैन अवं हुनी जोताई।

**13** अगर अवं मैनु, ते स्वर्गदूतां केरि भाषां केरि, ते प्यार न रेख्खी, त अवं ठन-ठन केरनेबाली पितल, ते झन-झन केरनेबाली झाझाई। 2 ते अगर अवं भविष्यवाणी केरि सेखी, ते सब भेद जैनी ते, मीं इड़ी तगर पूरो विश्वास भोए, कि पहाड़न घासेई, पन प्यार न रेख्खी, त अवं किछ भी नई। 3 ते अगर अवं अपनि सारी जेइदाद कंगालन देई, या अपनो जिसम फुकनेरे लेइ देई, ते प्यार न रेख्खी, त इन मेरे कोन्ची कम्मेरु नई। 4 जैना लोक होरन सेइं प्यार केरतन तैना सबर ते दयाई सेइं कम केरतन, तैना जलन न केरन, तैना अपनि बडीयाई न केरन, ते न घमण्ड केरन। 5 तैना होरन बेइज्जत न केरन, तैना खुदगरज न भोन, जल्दी क्रोध न केरन ते जैना बुरी गल्लां तैन केरे खलाफ भोइ, तैन तैना याद न केरन। ते तैन केरे खलाफ जैना पाप केरतन तैना, तैन बड़े आसान तरीके सेइं माफ केरतन। 6 तैना खुश न भोन जैखन लोक बुरु केरतन, पन तैना तैखन खुश भोनत जैखन लोक तैन केरतन जैन ठीक ते सच्चू। 7 तैना सब गल्लां झैल्लतन, प्यार विश्वास कधी न गुवाए, ते असन परमेशरे पुड़ भरोसो केरनेरे काबल बनाते, मुशकलन ते तकलीफन मां सबर रखते। 8 भविष्यवेनी ते गैर भाषां ते खास ज्ञान बेकार भोलू, पन प्यार हमेशारे लेइ रालो! 9 किजोकि इशू ज्ञान ते इशुशी भविष्यवाणी केरनेरी काबलीत अधीए, पन जैखन सिद्ध एज्जेलो, त जैन अधूरुए तैसेरी ज़रूरत नई। 11 इन मैनेरे बेडोनेरु ज़ेरु आए। जैखन अवं बच्चो थियो, त बच्चां केरो ज़ेरो जोतो ते सोचतो ते समझतो थियो। पन जैखन अस बड़े भोतम, त बच्चां केरि गल्लां शारतम। 12 एन्चरे असन सेइं भी आए जैना अस विश्वास केरतम, किजोकि अस तैस मैनेरे ज़ेरे आम ज़ै खराब शीशे मां शकल हेरते, (किजोकि अस सब किछ रोडे चारे न ज्ञानम) सिर्फ एजनेबाले वक्ते मां, अस सब किछ समझामेले, एल्हेरेलेइ असेई परमेशर आमने सामने हेरनोए। हुना मेरु ज्ञान पूरु नई। पन तैस एजनेबाले वक्ते मां (जैखन ते दिहाड़ी एज्जेली) रोडेचारे ज़ेनेलो, परमेशर भी मीं ज्ञानेलो। 13 लिहाजा, हुनी, टलाई किसमां केरि चीजन जैना असेई ज़रूरी केरनिन, परमेशरे पुड़ विश्वास, परमेशरे वादन पुड़ उमीद, ते परमेशरे ते होरन सेइं प्यार। पन इन टलाई गल्लन मां जै महाने, ते ई आए: परमेशरे ते होरन सेइं प्यार केरन।

**14** एककी होरि सेइं प्यार केरनेरी कोशिश केरा। ते आत्मिक वरदानां केरि बड़ी इच्छा रखा, खास केरतां इन, कि

भविष्यवाणी केरा। 2 किजोकि, जै गैर भाषाई मां गल्लां केरते; ते मैनु सेइं नई, बल्के परमेशरे सेइं गल्लां केरते; एल्हेरेलेइ कि तैसेरी कोई न समझे; किजोकि ते भेदेरी गल्लां पवित्र आत्मा रे शक्ति सेइं जोते। 3 पन जै परमेशरे तरफां सन्देश शुनाते, ते विश्वासी लोकन, विश्वासे मां मजबूत भोनेरे लेइ मद्दत केरते, ते होरि विश्वासी लोकां केरि हिम्मत बद्धाते ते तस्सली देते। 4 जै गैर भाषाई मां जोते, ते अपने विश्वासे मजबूत केरते। पन जै भविष्यवाणी केरते, ते कलीसियारे विश्वासी लोकां केरे विश्वासे मजबूत केरते। 5 अवं चाताई, कि तुस गैर भाषाई मां गल्लां केरा, पन जादे इन चाताई कि भविष्यवाणी केरा: किजोकि अगर गैर भाषा जोनेबालो कलीसियारे विश्वासी लोकां केरे विश्वासे मां मजबूत भोनेरे लेइ तरजमो न केरे त भविष्यवाणी केरनेबालो तैस करां जादे खास कम केरि रावरोए। 6 एल्हेरेलेइ हे दूलाव ते बेइनव, अगर अवं तुसन कां एइतां गैर भाषाई मां गल्लां केरि त तुसन मीं करां कुन फैइदो भोलो। पन अगर अवं प्रकाश या खास ज्ञान, या परमेशरे सन्देश शुनेई या शिक्षा देई त इस सेइं तुशुशी मद्दत भोली। 7 एन्चरे, अगर तुस बाजो बजाथ जेन्चरे बेइशोई या सारंगी, अगर तैन रोडे चारे न बजाव गाए त जैन बजाव लावरु गाने त तैन केन्चरे पिशानेले बेइशोई या सारंगी मां कुन लावरु बजने। 8 जंगी मां अगर नइशिन्नेरी आवाज साफ न भोए, त फौजी जंगरे लेइ तियार न भोइ सकन। 9 एन्चरे, जैखन तुस तैना गल्लां केरथ जैना होरि लोकन समझ न एजन, त जैन किछ ज़ोवं गाते तैसेरी कोई कीमत नई। 10 दुनियाई मां बेड़ि भाषा आन, त हर भाषारो मतलबे। 11 पन अगर अस तैस भाषाई न समझम जै होरे जोने लोरेन, त एन एरु भोलू, कि जेन्चरे तैना इशो लेइ परदेशी भोले ते अस तैन केरे लेइ परदेशी भोले। 12 एन्चरे तुस भी जैखन पवित्र आत्मा रे वरदानां केरे लेइ बड़ी इच्छा रखतथ, त तैन वरदानां केरि इच्छा रखा जैन सेइं कलीसियारे विश्वासी लोक विश्वासे मां मजबूत भोन। 13 एल्हेरेलेइ जै गैर भाषा केरते, ते प्रार्थना केरे, कि जैन किछ तैने ज़ोवं, तैसेरो मतलब समझेनेरे काबल भी भोइ सके। 14 किजोकि अगर अवं गैर भाषाई मां प्रार्थना केरने लोरोई, त मेरी आत्मा प्रार्थना केरतीए, पन मेरी सोचरे लेइ फैइदो नई, किजोकि इन मीं समझ न एज्जे। 15 त फिरी मीं कुन कियोरु लोडे? एरो भी वक्त भोते जैखन मीं अपने आत्माई सेइं प्रार्थना कियोरी लोडे, एरो वक्त भी भोते जैखन मीं अपने अक्ली सेइं भी प्रार्थना कियोरी लोडे। किछ वक्ते मीं अपने आत्माई सेइं गीतां ज़ोवरां लोडे, ते होरि वक्ते मीं अक्ली सेइं भी गीत ज़ोवरां लोइन। 16 मन्ना कि जैखन किछ आम मैनु तुशु आराधनाई मां एजन, जैखन तुस अपने आत्माई सेइं परमेशरे बडयाई केरथ। अगर तैना तुशुशी न समझे, त तुशु परमेशरेरु शुक्र केरनेरे बाद तैना केन्चरे बुझले कि किताली, “आमीन” ज़ोनू, किजोकि तैना न समझे तुस कुन लोरेथ जोने। 17 तुशु परमेशरेरु शुक्र केरनू रोडूए, पन इन होरि केरे विश्वासे मजबूत केरनेरे लेइ मद्दत न

केरेलू। 18 अवं अपने परमेशेरू शुकू केरताई, कि अवं तुसन सेबन करां जादे गैर भाषां केरताई। 19 पन कलीसियाई मां गैर भाषा केरने मां दश हजार गल्लां केरे जोनेरे केरतां इन मीं होरू भी रोडू लगते, कि होरन शिखालनेरे लेइ अक्ली सेईं पंचे गल्लां जोई। 20 हे ढलाव ते बेइनव, तुस इना गल्लां समझने मां बच्चे न बना, पन बुरैई केरनेरे लेइ बच्चां केरे बना, पन इस किसमेरी गल्लां समझनेरे लेइ समझदार बना। 21 कानूने मां प्रभु जोते; “अवं बखलां केरे जिरिये जोइलो, जैना गैर भाषां केरेले, पन फिरी भी तैना मेरी न शुनेले।” 22 एल्हेरेलेइ असन मरां किछ गैर भाषा केरन जै पवित्र आत्मारें तरफां आए, इशे शब्द तैन लोकां केरे लेइ प्रभुअरे शक्तिरो निशाने, जैना प्रभु पुइ विश्वास न केरन। 23 ते अगर कलीसिया एक्की ठैरी अकोटी भोए, ते सब गैर भाषा केरन, त आम लोक जैना ई भाषा न समझन या गैर विश्वासी लोक अन्तर एजन त कुन तैना इन न सोचले कि तुस पागल आथ। 24 ते अगर सब भविष्यवाणी केरन, ते आम लोक या गैर विश्वासी लोक अन्तर एजन, त तैन एसास भोलो कि तैना पापिन, ते जैन तैनेई ज़ोवं तैसेरे वजाई सेईं अपनि बत बदलेले। 25 ते परमेशेरें सन्देशे सेईं तैन एसास भोलो कि तैनेई बुरू कियोरू तैन केरे मनरे भेद बांदो भोइ गाले, ते तैन एसास भोलो कि तैना पापी आन त कने पापन करां मन फिराले। ते तैना मथ्यो टेकतां परमेशेरी आराधना केरेले, ते मनेले कि परमेशर तुसन मां आए। 26 हे ढलाव ते बेइनव कुन कियोरू लोडूए? ज़ैखन तुस आराधना केरने लेइ अकोटी भोतथ, त किछ भजन जोन, किछ उपदेश देन, ते किछ जैन प्रकाशन परमेशेरें तरफां आए तैस देन, ते किछ गैर भाषाई मां गल्लां केरन ते किछ तैसेरो तरजमो केरन, तुस इन सब एल्हेरेलेइ केरा कि कलीसियारे लोकन विश्वासे मां मज़बूत भोनेरे लेइ मद्दत भोए। 27 अगर कोई गैर भाषाई मां जोने लोरोए, त दूई या टलाई ज़ने बैरी-बैरी सेईं जोन, ते इन ज़रूरी कि अक मैनुहु तैस भाषारो मतलब जोए। 28 पन अगर तरजमो केरनेबालो न भोए, ते गैर भाषा जोने बालो कलीसियाई मां चुप राए, ते चुपचारे अपने मने सेईं परमेशेरे सेईं गल्लां केरे। 29 नेबन मरां दूई या टलाई जोन, इन ज़रूरी आए कि हर कोई शुने, ते सोचन ते परखन कि जैन किछ ज़ोवं लोरू गाने सही आए या नई। 30 पन अगर कोई ज़ै तैडी सभाई मां बिशरोए, तैस परमेशेरें तरफां सन्देश मैल्ले, त ज़ै जोने लोरोए तै चुप भोए, ते तैस जोने दे। 31 किजोकि तुस सब अक-अक भविष्यवाणी केरि बटतथ, पन अक-अक भोइतां ताके सब शिखन, ते हिम्मत बद्धे। 32 ज़ै नबी परमेशेरें सन्देश शुनाते, तै अपने आपे वशे मां रखते। तै इस काबले कि अपने मेर्जी सेईं जोई बटते ते चुप रेइ बटते। 33 किजोकि परमेशर गड़बड़ केरनेबालो नई, पन शान्ति देनेबालोए; ई तै कानूने ज़ैस परमेशेरें सेरी कलीसियारे लोक मन्तन। 34 कुआन्शां कलीसियारे सभाई मां चुप रान, किजोकि तैन गल्लां केरनेरो हुक्म नई, जेन्चरे कानूने मां लिखोरू भी

आए। 35 ते अगर तैना किछ सवाल पुछ्छने चान, त सभाई मां न पुछ्छन पन घरे अपने-अपने मुश्न पुछ्छन, किजोकि कलीसिया मां कुआन्शां केरि जादे गल्लां केरनि ठीक नई। 36 एरू किजो आए तुसन मरां किछ लोक पेइले ज़ोरे नियमन किजो न मन्नु चान? कुन तुस सोचतथ कि तुस पेइले लोक आथ ज़ैनेई परमेशेरू वचन दित्तू? या सिर्फ तुसन दित्तू? 37 अगर कोई मैनुहु अपनो आप नबी समझे, या इन समझे कि मीं पवित्र आत्मारें तरफां वरदान मैलोरूए, त इन समझे, कि जैना गल्लां अवं तुसन लिखताई, तैना प्रभुअरे हुक्मन। 38 पन अगर कोई इन गल्लन न मन्ने, त तैन पुइ विश्वास न केर। 39 एल्हेरेलेइ हे ढलाव ते बेइनव, भविष्यवाणी केरनेरी बड़ी इच्छा रखा, ते गैर भाषाई केरनेरे लेइ न ठाका। 40 पन तैन सब किछ जैन तुस कलीसियाई मां केरतथ तरीके सेईं कियूं गाए।

**15** हे ढलाव ते बेइनव, अवं तुसन तैए खुशखबरी याद कराताई ज़ै मीं तुसन शुनावरी थी, ते ज़ैस सन्देशे पुइ तुसेईं विश्वास कियोरो थियो, ते ज़ैस पुइ तुस तुसेईं लगातार भरोसो रख्खोरोए। 2 अगर तुस तैस खुशखबरी पुइ लगातार विश्वास केरते राले, ज़ै मीं प्रचार की, त परमेशर तुसन बत्रालो। नई त तुशो विश्वास केरनो बेफैइदो भोव। 3 एल्हेरेलेइ मीं तुसन खास सन्देश दित्तो, ज़ै मीं प्रभु यीशु मसीह करां मैल्लो। तै सन्देश ई आए, कि पवित्रशास्त्रेरे मुताबिक यीशु मसीह इशे पापां केरे लेइ मरो 4 ते दबो जेव, ते पवित्रशास्त्रेरे मुताबिक टलेइयोवं दिहाइ मुइदन मरां ज़ींतो भोव। 5 ते कैफा (यानी पतरस) ते 12 चेलन लेइहोव। 6 फिरी 500 करां जादे चेलन एक्की साथी लेइहोव, ज़ैन मरां हेजू बड़े ज़ीतन ते किछ मेरि जोरेन। 7 फिरी याकूबे लेइहोव फिरी सेबभी प्रेरितन लेइहोव। 8 ते आखरी मां तैनी अपनो आप मीं पुइ भी पुइ बांदो कियो, अवं ज़ै तैस बच्चेरे ज़ेरो आई ज़ै ठीक वक्ते पुइ नई ज़मोरू। 9 किजोकि अवं प्रेरितन मरां सेबभना निकोडोई, बल्के प्रेरित जूवानेरे काबल भी नई, किजोकि अवं परमेशेरें कलीसियारे विश्वासी लोकन सतातो थियो। 10 पन परमेशेरें अनुग्रहे सेईं अवं प्रेरित आई। ते तैसेरो अनुग्रहेरो अस्सर ई भोव कि, मीं तैन होरि प्रेरितन करां बेद्धतां मेहनत भी की, ते ई मेहनत मीं अपने तरफां न की, बल्के परमेशेरे मेरी मद्दत की, कि अवं इन केरि। 11 ते चाए अवं भोइ, चाए होरे प्रेरित भोन, अस तैस मसीहेरे बारे मां सन्देश प्रचार केरतम, ते इस्से पुइ तुसेईं भी विश्वास कियो। 12 एल्हेरेलेइ हुनी अवं पुछताई, ज़ैखन मसीहेरो ई प्रचार कियो गाते, कि तै मुइदन मरां ज़ींतो भोव, ते तुसन मरां किछ किजो ज़ोतन, कि मुइदां केरू ज़ींतू भोनू अथ्थी नई? 13 अगर मुइदां केरू ज़ींतू भोनू अथ्थी नई, ते फिरी मसीह भी नई ज़ींतो भोरो। 14 ते अगर मसीह भी मुइदन मरां ज़ींतो नई भोरो, त फिरी इशो सन्देश प्रचार केरनो भी बे फैइदोए; ते तुशो मसीह पुइ विश्वास केरनो भी बे फैइदोए। 15 अगर मुइदे ज़ीतन न भोन, त असेईं इन ज़ोइतां परमेशेरें बारे मां झूठ ज़ोवं, कि परमेशेरे

मसीह जीतो कियो जैन तैनी हकीकति मां नई कियोरू। 16 अवं दुबारां जीते न किये गान, त इन रोडूए जैन लोक जोने लोरेन, दुबारां फिरी जोताई, अगर कोई मुडदन मरां जीतो न भोए, ते “एज्जा, खाम पीम, किजोकि असेई कालां मरनू आए ते इन सब फिरी मसीह भी मुडन मरां जीतो नई भोरो। 17 ते अगर मसीह मुडदन मरां जीतो नई भोरो, त तुशथो मसीह पुड विश्वास भी बे मुडदन मरां जीतो नई भोरो, त तुशथो मसीह पुड विश्वास भी बे बेवकूफ न बना, “बुरी संगती रोडे चाल-चलने बगाडतीए।” 34 फेडूदोए, ते तुस हेजू तगर अपने पापन मां जीने लोरेथ। 18 तुस अपने सोचरे रोडी बत्तां वापस एज्जा ते पाप केरनो शारा। बल्के ज़ैना मसीह पुड विश्वास केरनेबाले मरेंन, तैना भी नाश किजोकि तुसन मां किछ एरे आन जैन केरो रिशतो परमेशरे सेई भोए। 19 अगर अस सिर्फ इस ज़िन्दगी मां मसीह करां उमीद साथी नई। अवं तुसन छिथानेरे लेइ इन जोताई। 35 पन किछ रखतम ते फिरी अस सेबमी मैनु करां नुभागम। 20 पन सत्र त इन आए कि परमेशरे मसीह मुडदन मरां इन साबत केरनेरे लेइ एइतन?” 36 हे बे समझाव, बीजे पुड ध्यान देथ, ज़ैखन बीजे जीतो कियोरो, ते ज़ैना मरेंन, तैन मां पेइलो फल भोए। 21 किजोकि ज़ैन पेइले मैने यानी आदमे कियूं, तैसेरे वजाई सेई सब मैन्हु मरे, एन्चरे ज़ैना विश्वासी लोक एजनेबाले वक्ते मां मुडदन मरां जीते किये गाले, तैन भी एक्की मैनेरे केरनेरे वजाई सेई आए, ते तै मैन्हु मसीह आए। 22 एल्हेरेलेइ एक्की मैनेरे पापेरे यानी आदमेरे वजाई सेई सब मैन्हु मरतन, तेन्चरे एक्की मैनेरे केरनेरे सेई यानी यीशु मसीहे वजाई सेई सारे फिरी मुडदे जीते किये गाले। 23 पन हर कोई ठीक तरीके सेई ज़िन्दगरे लेइ वापस एज्जेलो, पन मसीह मुडदन मरां जीतो भोनेबालो पेइलोए, फिरी ज़ैन लोकां केरो रिशतो तैस सेई साथी आए, तैना भी जीते भोले। 24 एसेरां पत्ती, मसीह सैरी दुष्ट शक्ति नाश केरेलो ज़ैना परमेशेरी खलाफत केरतिन। ते दुनियारो खातमां भोलो। तैखन मसीह, अपने बाजी परमेशर अपनू राज, राज केरनेरे लेइ पूरे तरीके सेई देलो। 25 मसीहे तेइस तगर राजेरू जेरू राज केरनू ज़रूरीए, ज़ांतगर परमेशर तैसेरे सारे दुश्मनन तैसेरे अधीन न केरे। 26 सेबना आखरी ज़ै दुश्मन खतम कियो गालो तै मौते। 27 ज़ैखन पवित्रशास्त्र जोते परमेशरे सब किछ तैसेरे अधीन मां केरेलो त इस मां परमेशर नई, किजोकि सब किछ मसीहेरे अधीन केरनेबालो परमेशरे। 28 ते सब किछ परमेशरेरे मटेरे अधिकारे मां केरनेरे बाद, तैखन तै अपनो आप रोडे चारे परमेशरेरे अधिकारे मां केरेलो, ज़ैने तैस अधिकार दित्तो। सिर्फ परमेशर अकेल्लो प्रभुए तैए हर एक्की मां, ते हर गल्ली मां कम केरते। 29 हुनी तुस इस बारे मां सोचा, तुसन मां किछ एरे आन ज़ैना मरे लोकां केरे लेइ बपतिस्मो नेतन, ते कोई तैन बपतिस्मो देते, अगर ज़ेन्चरे किछ लोक जोतन, विश्वासी लोक मुडदन मरां जीते नई भोने, त फिरी एन केरनेरी कोई कीमत नई ते फिरी एन केरनेरी वजा नई। 30 ते इश्शे लेइ, अगर मुडदे जीते किये गान त अपनो आप खतरे मां रखनो बेवकूफी आए। 31 हे ढूलाव ते बेइनव, इन पक्कू आए कि तुशथे बारे मां घमण्ड केरताई, किजोकि तुस इश्शे प्रभु यीशु मसीह मां आथ, इन भी पक्कू आए कि अवं रोज़ मौतरे खतरे मां राताई। 32 मीं इफिसुस नगरे मां बेडि तैन केरे वजाई सेई मुशकलां झैल्ली ज़ैना मेरी खलाफत केरते थिये, तैना जंगली जानवरां केरे ज़ेरे थिये। लोकां केरे खियाले सेई मीं तैन मुशकलन सेई कुन हासिल कियूं? किछ भी नई। एल्हेरेलेइ इन साफे कि मुडदे

गल जोताई, अस सब नई मरने, पन जैखन आखरी नड़शिगेरी  
 आवाज़ भोली, त अस सब एक्की पले मां बेदलोनेम, 52 ते इन  
 एक्की पले मां, जेन्चरे कोई चिप केरते, जैखन आखरी नड़शिगे  
 बजाव गालो त जैना मरे थिये तैना ज़ीति भोनेन ताके हमेशारे  
 लेइ ज़ीते रान, ते अस जैना ज़ीतेम, इश्शे जिसम बेदलोनेन। 53  
 किजोकि इश्शो जिसम ऐसेनी सेइ मरते ते शड़ते, ते ई तैस  
 जिसमे मां बेदलोई गालो ज़े कथे न मरे ते न शड़े। 54 जैखन इन  
 भोलू, तैखन पवित्रशास्त्रे मां लिखोरू परमेशेरू तैन वचन पूरू  
 भोलू, ज़ैन ज़ोते, “भौत रोड़े च़ारे हाराई गाली ते तैसेरू कोई  
 वजूद न रालू।” 55 एन्चरे ज़ैन पवित्रशास्त्रे मां लिखोरू तैन पूरू  
 भोलू, “हे भौत तेरी ज़ीत कोडि राई? हे भौत तेरो डस कोडि  
 राव?” (Hadēs 986) 56 भौती तकलीफ़ देनेरी शक्ति पापे करां  
 मैलतीए, ते पापे कानूने करां शक्ति मैलतीए। 57 पन परमेशेरू  
 शुक्र भोए, ज़े इश्शे प्रभु यीशु मसीहरे ज़िरिये पापे ते भौत पुड़  
 ज़ीत देते। 58 हे मेरे ट़लारे ट़लाव ते बेडनव, विश्वासे मां मज़बूत  
 राथ ते गलत शिक्वाई सेइं न टेपलोथ, ते हमेशा प्रभुएरू कम  
 जोशे सेइं केरा, किजोकि तुस इन ज़ानत्तथ, कि ज़ैन किछ तुसेईं  
 प्रभुएरे लेइ कियूं तैन बेफेइदू नई।

**16** हुनी तुश्शे तैस चन्देरे सवालैरे बारे मां ज़ै यरूशलेम नगरेरे  
 परमेशेरू लोकां केरे लेइ कियो गाते, तुसेईं भी तेन्चरे  
 कियोरू लोड़े जेन्चरे मीं गलातियारे कलीसियान हुकम दित्तो।  
 2 हफतेरे पेइले दिहाड़े तुसन मरां हर कोई अपने आमदनेरे  
 मुताबिक किछ एप्पू कां रखा, कि मेरे एजने पुड़ चन्दो अकोट्टो  
 न केरनो पे। 3 जैखन अवं तैडी भोई, अवं किछ लोकन भेजेलो  
 ज़ैन तुस चुनेले कि एना भरोसेरे काबलन, चन्दो धिन्तां यरूशलेम  
 नगरे जो गान। अवं तैन कां चिट्टी भी भेजेलो ताके विश्वासी  
 लोक तैन केरे बारे मां ज़ानन्। 4 ते अगर मेरू भी गानू ज़रूरीए,  
 त तैना मीं सेइं साथी गाले। 5 ते मकिदुनिया गानेरे बाद अवं  
 तुसन कां एज्जी रावरोई, किजोकि मीं मकिदुनिया मेइं गानेरो  
 बिस्तार बनोरोए। 6 भोइ सकते, अवं तुसन सेइं साथी किछ  
 चिरे रुकेलो, शैडू पूरे हिवतडो, फिरी तुस ज़ेरां मीं गानू भोलू,  
 तेरहां मीं भेज़ां। 7 अगर ई परमेशेरूरी मज़ीं भोली, ते मीं उमीदे  
 अवं बादे मां जादे चिरेरे लेइ तुसन कां एज्जेलो, न कि इस वक्ते  
 थोड़े चिरेरे लेइ। 8 पन अवं पेन्तिकुसत तिहारे तगर इफिसुस  
 नगरे मां रानोई। 9 किजोकि मीं बडो रोडो मौको मैलैरे ज़ैस सेइं  
 अवं तैन कम केरि सकताई ज़ेसेरो अस्सर बड़ोए, चाए बड़े लोक  
 मेरी खलाफत केरनेबाले आन। 10 अगर तीमुथियुस एज्जे,  
 त तैस कबूल केरा, तैसेरी रोड़े च़ारे आदर केरा, किजोकि तै  
 मेरो ज़ेरो प्रभुएरू कम केरते। 11 एल्हेरेलेइ कोई तैस घटिया  
 न समझे, पन तैन केरे सफरेरे लेइ ज़े ज़रूरते तैन खुशी सेइं  
 देथ। ताके मीं कां एज्जन, किजोकि अवं तैस लोरोई बलगने,  
 कि तै विश्वासी ट़लान सेइं साथी एज्जे। 12 ते विश्वासी साथी  
 अपुल्लोसे सेइं मीं बड़ी बिनती की, कि तुसन कां होरि विश्वासी  
 मैनन् सेइं साथी गाए ज़ैना तुसन सेइं मिलने ओरेन। पन तैनी

इस वक्ते गानू न चाव, पन जैखन ठीक वक्त भोलो, तैखन  
 एज्जेलो। 13 खबरदार राथ, विश्वासे मां मज़बूत भोथ, हिम्मत  
 रखा, मज़बूत भोथ। 14 ज़ैन किछ केरतथ तैन प्यारे सेइं केरा।  
 15 हे ट़लाव ते बेडनव, तुस रिस्तफनासेरे टब्बरे ज़ानतथ, कि  
 तैना अखाया इलाकेरे, पेइले मसीह पुड़ विश्वासे केरनेबालेन, ते  
 परमेशेरू लोकां केरि मद्दत केरनेरे लेइ ज़ैन किछ केरि बटते  
 थिये तैनेईं तैन कियूं। 16 अवं तुसन कां बिनती केरताई कि एरे  
 लोकां केरे अधीन राथ, बल्के तैन केरे भी ज़ैना इस कम्मे मां  
 मेहनत केरतन ते मद्दत केरनेबालन। 17 ते अस रिस्तफनास  
 ते फूरतूनातुस ते अखइकुसेरे एजने सेइं खुश आई, किजोकि  
 जेइस तुस इडी न थिये, तैनेईं मेरी ज़रूरतां पूरी केरनेरे लेइ मेरी  
 मद्दत की। 18 जेन्चरे तुसेईं अवं खुश कियो, तेन्चरे तैनेईं भी अवं  
 खुश कियो, एल्हेरेलेइ एरे लोकां केरि तारीफ़ केरा। 19 आसिया  
 इलाकेरे कलीसियां केरे सारे विश्वासी लोकां केरे तरफां तुसन  
 नमस्कार; अक्विला ते तैसेरी कुआन्श प्रिस्कारे तरफां ते तैन  
 केरे घरे कलीसियाई भी तुसन प्रभु मां हलु-हलु नमस्कार। 20  
 इट्टेरे विश्वासी लोक तुसन नमस्कार ज़ोतन, मसीहरे प्यारे सेइं  
 एक्की होरि जो नमस्कार केरा। 21 अवं पौलुस अपने हथ्ये सेइं  
 नमस्कार लिखताई। 22 अगर कोई प्रभु सेइं प्यार न रखे तै  
 लानती भोए, हे इश्शे प्रभु एई! 23 प्रभु यीशुएरो अनुग्रह तुसन  
 पुड़ भोतो राए। 24 अवं तुसन सेबन्धन सेइं प्यार केरताई ज़ैन  
 केरो रिश्तो यीशु मसीह सेइं साथीए। आमीन।

## 2 कुरिन्थियों

1 अवं पौलुस परमेशररे मेर्जी सेइं यीशु मसीहेरो प्रेरिताई, मेरे त कने द्वाला तीमुथियुसेरे तरफां ई चिट्ठी परमेशररी तैस कलीसियारे नंवे, जे कुरिन्थुस मांए, ते सारे अखाया इलाकेरे सब पवित्र लोकां केरे नंवे, 2 इश्शे बाजी परमेशर ते प्रभु यीशु मसीहेरे तरफां तुसन अनुग्रह ते शान्ति मैलती राए। 3 इश्शे परमेशररु शुक्र भोए जे इश्शे प्रभु यीशु मसीहेरो बाजी, जे दया केरनेबालो बाजीए, ते जे असन हमेशा तसल्ली देनेबालो परमेशर। 4 ते इश्शे सेबमी मुसीबतन मां असन तसल्ली देते; ताके अस तैस तसेल्लरे वजाई सेइं जे परमेशर असन देते, तैन भी तसल्ली देइ बटम, जैना कोन्ची वजाई सेइं मुसीबतन मां आन। 5 किजोकि जेन्चरे मसीहे दुःख झैलोरने तेन्चरे अस भी दुःख झैल्लतम, एल्हेरेलेइ असन तसल्ली भी मसीहेरे जिरिये जादे भोतीए। 6 अगर अस दुःख झैल्लतम, ते ई तुश्शे तसल्लरे ते तुश्शे मुक्करे लेइए ते अगर असन तसल्ली मैलतीए, ते ई तुश्शे तसल्लरे लेइ आए; जेसेरे अस्सरे सेइं तुस सबरी सेइं तैना दुखन झल्लतथ, जैना अस भी झल्लतम। 7 ते इश्शी उमीद तुश्शे बारे मां पक्कीए; किजोकि अस ज्ञानतम, कि जेरे दुःखन तुसेई असन सेइं साथी झैल्ले, तेरी तसल्ली तुसन भी असन सेइं साथी मैलेली, जे असन परमेशर देलो। 8 हे द्वालाव ते बेइनव, अस न चाम कि तुस इश्शे तैस दुखे करां अनजान राथ, जे आसिया इलाके मां असन पुइ अव, कि एरो भारी बोझ असन पुइ ओरोए थियो, जे इश्शे लेइ छूनो मुशकिल थियो, इडी तगर कि असन अग्रोवं जो जैनीनेरी कोई उमीद न थी। 9 बल्के असेई अपने मने मां समझोरु थियू, कि अस मारे गानेम ते अस अपनो भरोसो न रखम, बल्के परमेशरे पुइ भरोसो रखम जे मुइदन जैते केरते। 10 तैने अस एत्रे बडे मौतरे खतरे करां बचाए, ते बचालो; ते तैस करां इश्शी ई उमीदे, कि ते अग्रोवं भी बचातो रालो। 11 तुस भी मिलतां प्रार्थनाई सेइं इश्शी मदत केरेले, कि जैना बरकतां असन बडां लोकां केरे जिरिये मैली, किजोकि परमेशरे अनुग्रहे सेइं इश्शी हाफजतरे लेइ बेइ प्रार्थनां शुन्नी, तैल्हेरेलेइ बडे लोक इश्शु भोतू परमेशररु शुक्र केरन। 12 किजोकि अस अपने इस जमीररे गुवैही पुइ घमण्ड केरतम, कि दुनियाई मां, खास केरतां तुसन मां इश्शो चालचलन परमेशरे लायिक ते पवित्रतैई ते सवैई सेइं थियो। जे दुनियारे ज्ञाने सेइं नई, बल्के परमेशररे अनुग्रह सेइं साथी थियो। 13 अस हमेशा तुसन इन लिखतम ताके तुस पढथ ते समझथ, ते मी उमीदे, कि आखरी तगर समझते भी राले। 14 जेन्चरे तुसन मरां केत्रेई मन्नोरु भी आए, कि अस तुश्शे धुमण्डेरी वजाम; तेन्चरे तुस भी प्रभु यीशुपरे वापस एजनेरे दिहाडे इश्शे लेइ घमण्डेरी वजा भोले। 15 ते इस भरोसे सेइं, अवं चातो थियो कि पेइलो तुसन कां एज्जी; कि तुसन दुगानी बरकत मैल्ले। 16 ते तुसन मेइं निस्तां मकिदुनिया इलाके जो गेई ते फिरी मकिदुनियारां तुसन

कां एज्जी, ते तुस मेरी सफरेरी ज़रूरते मुताबिक मदत केरतां यहूदिया इलाकेरे पासे किछ दूर पुजाथ। 17 एल्हेरेलेइ मीं जेने ई इच्छा कियोरी थी कुन मीं चलता हिराई? या जैन केरनू चाताई कुन दुनियारे लोकां केरे जेरु केरनू चाताई, कि अवं गल्ली मां तेन्चरे कि इश्शे तैस वचने मां जे तुसन सेइं जोवं, “हाँ” ते “नई” दुइये न मैल्ले। 19 किजोकि परमेशररु मदू यीशु मसीह जेसेरो तुसन मां प्रचार भोव; तैस मां “हाँ” ते “नई” दुइये न थी; पन तैस मां “हाँ” ए “हाँ” भोइ। 20 किजोकि परमेशररे जेत्रे वादेन, मसीह मां हांए सेइं आन, एल्हेरेलेइ मसीहेरे जिरिये आमीन भी भोइ, कि इश्शे जिरिये परमेशररी महिमा भोए। 21 ते जे असन तुसन सेइं साथी मसीह मां मजबूत केरते, ते जेने इश्शू अभिषेक कियोरुए, तैए परमेशर। 22 जेने असन पुइ छाप भी की, ते जेन्चरे कोन्ची चीजरे लेइ साई देतन तेन्चरे तैनी पेइली आत्मा इश्शे मने मां दिती। 23 परमेशर मेरे इस सत्तेइयरो गवाहे कि अवं कुरिन्थुस नगरे मां दुबारां एल्हेरेलेइ नई ओरोए कि अवं तुसन दुःख देनो चातो थियो। 24 इन नई, कि अस विश्वासेरे बारे मां तुसन पुइ राज़ केरनू चातम; पन तुश्शे आनन्दे मां तुश्शी मदत केरनेबाले आम, किजोकि तुस विश्वासे सेइं मजबूत रातथ।

2 मीं अपने मने मां इन थापेरु थियू, कि फिरी तुसन कां एइतां तुसन दुख न देई। 2 किजोकि अगर अवं तुसन दुखी केरि, त मीं आनन्द देनेबालो कौन भोली, सिर्फ तैए जे मीं दुखी कियोरोए? 3 ते मीं ई गल तुसन एल्हेरेलेइ लिखी, कि एरु न भोए, कि मेरे एजने पुइ जैन सेइं आनन्द मैल्लेरो लोइतो थियो, अवं तैन करां दुखी भोई; किजोकि मीं तुसन सेबभन पुइ इस गल्लरो भरोसोए, कि जे मेरो आनन्दे, तैए तुश्शो सैरी केरो भी आए। 4 मीं बडे दुःख, ते मनेरे कष्टे सेइं, बडे ऐंखरन सेइं तुसन चिट्ठी लिखरी थी, एल्हेरेलेइ नई, कि तुस दुखी भोथ, पन एल्हेरेलेइ कि तुस तैस बडे प्यारे ज्ञानथ, जे मीं तुसन सेइं आए। 5 ते अगर केन्चे दुखी कियोरोई, त अवं नई बल्के (तैस सेइं बडी सखती न केरि) किछ-किछ तुस सब दुखी कियोरेथ। 6 एरे मैनेरे लेइ ई सज़ा जे विश्वासी द्वाला मरां बडेई दिती, सुद्धी आए। 7 एल्हेरेलेइ इस करां इन रोडूए कि तैसेरो पाप माफ़ केरा; ते तैस तसल्ली देथ, एरु न भोए कि एरो मैन्हु उदैसी मां डुबे। 8 एल्हेरेलेइ अवं तुसन कां बिनती केरताई, कि तैस अपने प्यारेरु सबूत देथ। 9 किजोकि मीं एल्हेरेलेइ भी लिखोरु थियू, कि तुसन पेरखी, कि तुस मेरे सब गल्लां मन्नेरे लेइ तियार आथ या नई। 10 जैस तुस माफ़ केरतथ तैस अवं भी माफ़ केरताई, किजोकि मीं भी जैन किछ माफ़ कियोरुए, अगर कियेरु भोए, त तुश्शे वजाई सेइं मसीहेरे ठैरी भोइतां कियोरुए। 11 कि शैतानेरो असन पुइ दावो न चले, किजोकि अस तैसेरी चालन करां अनजान नई। 12 ते जैखन अवं मसीहेरी खुशखबरी शूनाने त्रोआस नगरे मां अव, ते प्रभुए मेरे लेइ अक बत खोल्ली। 13 त

मेरे मने मां चैन न भोइ, एल्हेरेलेइ कि मेरे विश्वासी ढूला तीतुसे तुशे एट्ठां कोई खबर घिन्तां न अव; ते अवं त्रोआसेरे विश्वासी लोकन करां अलग भोइतां अवं वापस मकिदुनिया इलाके मां अव। 14 परमेशरेरु शुक भोए, जै मसीह मां सदा असन ज़ीतारे जशने मां चलाते, ते अपने ज्ञानेरे खुशबू इशशे ज़िरिये हर ठैरी फैलाते। 15 किजोकि अस परमेशरे कां मुक्ति मैलने बालां, ते नाश भोने बालन कां, दुइयां केरे लेइ मसीहेरी खुशबू आम। 16 केत्रा केरे लेइ त मरनेरे मुशक, ते केत्रन जो ज़िन्दगरे लेइ ज़िन्दगरी खुशबू, ते इन गल्लां केरे काबल कौने? 17 किजोकि अस तैन केरे ज़ेरे नई, ज़ैना परमेशरेरु वचन पेइसां केरे लेइ प्रचार केरतन, पन अस मनेरी सचैई सेइ, ते परमेशरेरे तरफां परमेशर हाज़र सेमझतां मसीह मां ज़ोतम।

**3** कुन अस दुबारा फिरी अपनि बड़याई केरने लगम? या असेई केत्रा केरि ज़ेरि सुपारशारी चिट्ठी तुसन कां ऐनिन या तुसन करां नेनिन? 2 तुस एप्पू इशशी लेइ चिट्ठी केरे ज़ेरेथ, ज़ैना इशशे लेइ सुपारश केरतिन, ज़ैना इशशे दिले पुइ लिखोरिथ, तैन हर कोई पेढी सकते ते ज़ैना रोड़ां कम्मां असेई कियोरन, तैन लोक पिशेनी सकतन। 3 इन बांदूए, कि तुस मसीहेरे चिट्ठी केरे ज़ेरेथ, ज़ैना असेई सेवकां केरि ज़ेरि लिखी; ते ज़ैना शैही सेइ नई, पन ज़ीते परमेशरेरी आत्माई सेइ घोड़ां केरे तेख्ती पुइ नई, बल्के दिलेरे मासेरे तेख्ती पुइ लिखोरिन। 4 अस मसीहेरे ज़िरिये परमेशरे पुइ एरु याकीन रखतम। 5 इन नई, कि अस अपने आपे सेइ इस काबलम, कि एप्पू कोन्ची गल्लरे बारे मां सोची बटम; पन इशशी काबलीत परमेशरे तरफां आए। 6 ज़ैनी अस नंवे करारेरे सेवक भोनेरे काबल भी किये, मूसेरे कानूनेरे सेवक नई बल्के पवित्र आत्मा सेइ; किजोकि मूसेरो कानून न मन्नेरो नितीजो मौत भोते, पन पवित्र आत्मा हमेशारी ज़िन्दगी देते। 7 ज़ैखन मूसेरो कानून ज़ेसेरे ज़िरिये मौत एइती ज़ेसेरे लफस घोड़ां केरे तेख्तिन पुइ घेइतां लिखोरे थियो, इड़ी तगर महिमा बाले भोए, कि इस्राएली लोक मूसेरे तुतरेरां तकि न थी बटते, पन ते जादे वक्ते तगर न राव, 8 ते आत्मारो करार होरो भी महिमा बालो किना भोलो? 9 किजोकि दोषी ठहराने बालो करार महिमा बालो थियो, ते धर्मी बाने बालो करार होरो भी महिमा बालो किना भोए! 10 ते ज़ै पुरानो महिमा बालो करार थियो, तैन नव्वे करारे करां महिमा बालो न भोव। 11 किजोकि मूसेरु कानूने ज़ेसेरी महिमा थोडे वक्तेरे लेइ थी, महिमा बालो थियो, त ते नव्वो करार ज़ै कायम रालो, होरु भी महिमा बालू किजो न भोलो! 12 एल्हेरेलेइ एरी उमीद रेखतां अस दिलेरी सेइ ज़ोतम। 13 अस मूसेरे ज़ेरे नई, ज़ैने अपने तुतरे पुइ पड़दो रखोरे थियो ताके इस्राएली लोक तैस घटने बैली महिमारो अन्त न लहन। 14 पन तैन केरे मन सखत भोए, किजोकि अज़ तगर पुरानो नियम पढ़ते बार तैन केरे मन्न पुइ तैए पड़दो रहते; पन पड़दो सिर्फ तै मसीह पुइ विश्वास केरने सेइ उठते। 15 ते अज़ तगर ज़ैखन भी मूसेरो कानून पढ़ो गाते, ते तैन केरे मन्न पुइ

सदा पड़दो रहते ते तैन रोड़े चारे समझ न एज्जे। 16 पन ज़ैखन भी तैना प्रभु यीशु पुइ विश्वास केरेले, तैखन तै पड़दो दूर भोलो। 17 प्रभु त आत्मा आए, ते ज़ैडी भी प्रभुएरो आत्माए तैडी कानूने करां आज़ादी आए। 18 पन ज़ैखन इशशे सेब्भी केरे बगैर पड़दे तुतरन सेइ प्रभुएरु प्रकाश बांदू भोते, जेन्नेरे शीशे मां, ते प्रभुएरे ज़िरिये ज़ै आत्माए, अस प्रभुएरे महिमा बाले रूपे मां थोडे-थोडे बदलते रातम।

**4** एल्हेरेलेइ अगर असन पुइ एरी दया भोइ, कि असन ई खुशखबरी शुनानेरी सेवा मैल्ली, त अस दिलेरी न शारम। 2 पन असेई शरमरां छपोरां कम्मां शारोरन, ते न च़लैकी सेइ च़लते, ते न परमेशरेरे वचन मां मलावट केरम। पन परमेशर इशशो गवाहे कि अस सज़ ज़ोतम, ते हर कोई गवाही देते कि इन सज़े। 3 पन अगर इशशे खुशखबरी पुइ पड़दोए, त ई नाश भोने बालां केरे लेइए। 4 ते तैन विश्वास न केरनेबालां केरे लेइ, ज़ैन केरे अक्ल इस दुनियारे ईश्वर शैताने कानी कियोरीए, ताके मसीह ज़ै परमेशरेरु रूपे, तैसेरी महिमा खुशखबेबारी लौ तैन पुइ न चमके। (aiōn g165) 5 किजोकि अस अपनो नई, बल्के यीशु मसीहेरो प्रचार केरतम, कि तै प्रभुए; अस यीशु मसीहेरे वजाई सेइ तुशशे सेवकम। 6 एल्हेरेलेइ कि परमेशर तै आए ज़ैनी ज़ोव, “कि आंधरे मरां लौ चमके,” ते परमेशरे इशशे दिलन मां लोअरी ज़ेरि समझ दिती, कि अस परमेशरेरी महिमा पिशानम ज़ै यीशु मसीह मां लेइहोई। 7 पन अस मितारे भांडां केरे ज़ेरेम ज़ैन मां धन रखेरुए, कि ई हछ्छी शक्ति इशशे तरफां नई, बल्के परमेशरेरे तरफां भोए। 8 अस च़ेरे पासना दुःख त झल्लतम, पन मुशकली मां न पेम; घबरारतम, पन न उमीद न भोम। 9 सताए त गातम, पन शारे न गाम, बछोड़े त गातम पन नाश न भोम। 10 अस यीशु मसीहेरी मौत अपनि जानी मां हर वक्त च़लातम; कि ज़ैन किछ अस केरतम तैसेरे ज़िरिये लोक यीशुएरी ज़िन्दगी हेरेले। 11 किजोकि इशशे ज़ीते सांसेइ, सदा यीशुएरे वजाई सेइ असन मौतरे खतरो भोतो थियो, कि यीशुएरी ज़िन्दगी भी इशशे नाश भोनेबाले जानी मां बांदी भोए। 12 अस त मौतरे खतरे मां ज़ीतम पन इसेरो नितीजो तुशशे लेइ हमेशारी ज़िन्दगीए। 13 ते एल्हेरेलेइ कि असन मां तैए विश्वासेरी आत्माए, “ज़ेसेरे बारे मां पवित्रशास्त्रे मां लिखोरुए, कि मीं विश्वास कियो, एल्हेरेलेइ मीं ज़ोव” एल्हेरेलेइ अस भी विश्वास केरतम ते ज़ोतम। 14 किजोकि अस ज़ानतम, ज़ैने प्रभु यीशु मुइदन मरां ज़ीते कियो, तैए असन भी यीशु मसीह मां हिसेदार सेमझतां ज़ीते केरेलो, ते तुसन सेइ साथी अपने सामने हाज़र केरेलो। 15 किजोकि सारे दुःख ज़ैना असन पुइ आन, तुशशे लेइ आन, ताके परमेशरेरो अनुग्रह जादे करां जादे लोकन मसीह कां आने, ते बड़े लोक परमेशरेरु शुक केरेले। 16 एल्हेरेलेइ अस दिलेरी न शारम; अगर इशशी बेइर्री इन्सानयत नाश भी भोए, त फिरी भी इशशी एनर्नी इन्सानयत रोज़ नव्वी भोती रहतीए। 17 किजोकि इशशो एककी पलेरो थोड़ो ज़ेरो दुःख बड़ी ते हमेशारी

महिमा पैदा केरते, जेसेरी तुलना केन्ची सेई न केरोए। (aiōnios g166) 18 ते अस त लेवरी चीज्ज नई पन अलैई चीज्ज लाते रातम, किजोकि लेवरी चीज्जां थोड़े दिहाड़ां केरे लेइ आन, पन अलैई चीज्जां हमेशारे लेई आन। (aiōnios g166)

**5** किजोकि अस ज्ञानतम, कि जैखन इशो जिसम जै धेरतली पुड़े ते तेम्बेरो जेरो आए मेरतां नाश भोलो, त असन परमेशेरी तरफां स्वर्गें मां अक भवन मैलनोए, जै हथ्यां केरो बनावरो नई बल्के हमेशारोए। (aiōnios g166) 2 इस मां अस बडू कर लातम, ते बडी इच्छा केरतम; कि असन एरो जिसम मैले जै स्वर्गेर घरेरो जेरो भोए। 3 कि जैखन असन स्वर्गेरो जिसम मैल्ले त अस नगगे न लेइहोम। 4 ते अस इस तेम्बेरे जेरे घरे मां रेइतां बोझे सेई देबोइतां कर लाते रातम; किजोकि अस दुनियारो जिसम शारनो न चाम, बल्के इन चातम कि परमेशर असन स्वर्गेरो जिसम दे, ताके जै मरने बालो जिसमे तै न मरे बल्के हमेशारे जिन्दगी मां बेदलोए। 5 ते जैनी अस इस नव्वें जिसमेरे लेइ तियार कियोरेम जै असन मैलनोए, तै परमेशरे, जैने असन जेन्चरे साई देतन तेन्चरे पवित्र आत्मा भी दित्तोरोए। 6 असन सदा पूरू याकीने ते इन ज्ञानतम; कि जांतगर अस जिसमे मां रातम, तांतगर अस प्रभु करां अलग आम जै स्वर्गें मां आए। 7 किजोकि अस शकल हेरतां नई, पन विश्वासे सेई ज़ीतम। 8 एल्हेरेलेइ अस हिम्मत केरते रातम, ते जिसमे करां अलग भोइतां जैखन अस मरमेले त प्रभु सेई साथी रानू जादे रोडू समझतम। 9 एल्हेरेलेइ इशो मनेरी उमंग ईए, कि चाए अस स्वर्गें मां तैस सेई साथी रहम, चाए अलग इडी धेरती पुड़ रहम पन अस तैस पसंद एइते रहम। 10 किजोकि जरूरीए, कि इशो सेबभी केरो हाल मसीहेरे आदालतेर तखतेरे सामने खुल्ले, कि हर कोन्ची मैन्हु अपने रोड़ां बुरां कम्मां केरो बदलो मैल्ले जैना तैने जिसमे सेई कियोरन। 11 अस प्रभुएरो डर मेन्तां लोकन कां बिनती केरतम कि सच्चे पुड़ विश्वास केरन, ते परमेशर रोड़े चारे ज्ञानते; ते मेरी उमीद ईए, कि तुस भी अपने दिले मां असन रोड़े चारे ज्ञानथा। 12 अस फिरी भी अपनि बड़याई तुशुशे सामने न केरम, बल्के अस अपने बारे मां तुसन घमण्ड केरनेरो मौको देतम, कि तुस तैन जुवाब देइ बटतथ, जैना मने पुड़ नई, बल्के दिखवटी गल्लन पुड़ घमण्ड केरतन। 13 अगर कोई ज़ोते कि अस पागलम, त परमेशेरे लेइ अहम; ते अगर कोई ज़ोते कि अस रोड़े अहम त तुशुशे लेइ आम। 14 किजोकि मसीहेरो प्यार असन मजबूर केरते; एल्हेरेलेइ कि असन याकीने कि जैखन अक मैन्हु सेबभी केरे लेइ मरो जेव त सब मेरि जे। 15 ते मसीह एन्चरे सेबभी केरे लेइ मरो, कि जैना ज़ीते आन, तैना अग्रोव जो अपने लेइ न ज़ीन पन तैसेरेलेइ जै तैन केरे लेइ मरो ते फिरी ज़ीतो भोव। 16 एल्हेरेलेइ अजेरां पत्ती अस कोन्ची दुनियारे मुताबिक न समझाम, ते अगर असेई भी मसीह दुनियारे मुताबिक ज्ञानोरो थियो त फिरी भी अज़्जेरे पत्ती फिरी एरू न ज्ञानम। 17 ते अगर कोई मसीह मां आए त तै नव्वीं स्रष्टि आए,

पुरैनी गल्लां बीती जेई; हेरा, तैना सब नेव्वीं भोइजेइ। 18 ते सब गल्लां परमेशेरी तरफन, जैने मसीह भेजतां फिरी इशुशो मेल मलाप एप्पू सेई कराव, ते लोक तैस सेई मेल मिलाप केरन ई सेवा परमेशेरे असन सौफोरीए। 19 मतलब परमेशेरे मसीह मां भोइतां एप्पू सेई साथी दुनियारो मेल मिलाप कियोरोए, ते लोकां केरे पापां केरो दोष तैन पुड़ नई लोरो, ते परमेशेरे मेल मलापेरो बिस्तार असन सौफोरोए। 20 अस मसीहेरे राजदूत अहम; मन्ना कि परमेशर इशुशे ज़िरिये बिनती केरते कि तुस तैसेरो सन्देश कबूल केरथ, अस मसीहेरे तरफां बिनती केरतम, कि परमेशेरे सेई साथी मेल मिलाप केरा। 21 मसीह पापे करां अनजान थियो, तैए परमेशेरे इशुशे लेइ पापी ठहराव, कि अस परमेशेरी नज़री मां धर्मी बनम किजोकि मसीहे इशुशी पापां केरि सज़ा भुगतोरीए।

**6** अस जैना परमेशेरे सेई साथी कम केरनेबाले आम ई भी बिनती केरतम, कि परमेशेरो अनुग्रह जै तुसन पुड़ भोरोए, जैया न भोने देथ। 2 किजोकि परमेशर पवित्रशास्त्रे मां ज़ोते, “कबूल केरनेरे वक्ते मीं तेरी शुनी, ते मुक्तेर दिहाड़े मीं तेरी मद्दत की,” हेरा, हुना तै कबूल केरनेरो वक्ते, हेरा, हुना तै मुक्तरी दिहाड़ीए। 3 अस परमेशेरे सेई साथी कम केरनेबाले केन्ची भी गल्ली मां कोई भी मौको न देम, कि इशुशी सेवाई पुड़ कोई दोष लाए। 4 पन हर गल्ली सेई परमेशेरे सेवकां केरे जेरे अपने रोड़े गुन्ना बांटे केरतम, बड़े सबरी सेई, दुःख सेई, शारे गाने मां, मुशकलन सेई। 5 कोड़े खाने सेई, कैद भोने सेई, हैल्लन सेई मेहनती सेई, बींझे बिशने सेई, बरत रखने सेई। 6 पवित्रतैई सेई, ज्ञाने सेई, सबरी सेई, दयाई सेई, पवित्र आत्मा सेई। 7 सच्चे प्यारे सेई, सच्चे वचने सेई, परमेशेरे शक्ति सेई; अस धार्मिकतारे हथियारन इस्तेमाल केरतम, देइने हथ्ये सेई हमलो केरनेरे लेइ ते खिशड़े हथ्ये सेई अपनो आप बचानेरे लेइ। 8 ते जैखन लोक इशुशी इज़्जत केरतन या असन बेइज़्जत केरतन, जैखन लोक ज़ोतन अस रोड़ेम या बुरे मैनुम, अस ईमानदारम फिरी भी लोक झूठ ज़ोतम। 9 अनजाना केरे ज़ेरेम; फिरी भी मुशूरम, मरने बालां केरे ज़ेरेम पन हेरा ज़ीतेम, मार खाने बालां केरे ज़ेरेम, पन जानी सेई न मैरोम। 10 दुःख केरनेबालां केरे ज़ेरेम, पन सदा आनन्द केरतम, कंगालम, पन बड़े लोकन आत्मिक धनी केरतम; एरेम कि असन कां किछ भी नई फिरी भी सब किछ रखतम। 11 हे कुरिन्थिस नगरेरे विश्वास लोकव, असेई तुसन सेई खुलतां गल्लां कमेई, अस तुसन सेई पूरे दिले सेई प्यार केरतम। 12 इशुशे मने मां तुशुशे लेइ बडी ठारे, पन तुशुशे मन्न मां नई। 13 पन अव बच्चे सेमझतां तुसन सेई ज़ोताई, कि तुस भी तैसेरे बदले असन सेई प्यार केरा। 14 गैर विश्वासी लोकां केरे सेंगती मां न गाथ, किजोकि धार्मिकता ते अधर्मोरो कुन मेल जोल? या लौ ते आंधरेरो कुन साथ? 15 ते मसीहे शैताने सेई कुन लगाव? या विश्वास केरनेबालेरो विश्वास न केरनेबाले सेई कुन तालमेल? 16 ते परमेशेरे मन्दरेरे मां

मूरती केरे लेइ कोई ठार नई, किजोकि अस त ज़ींते परमेशरेरां मन्दर अहम; जेन्चरे परमेशरे पवित्रशास्त्रे ज़ोवं, “अवं तैन लोकन साथी रेइलो ते तैन मां च़ललेलो फिरेलो; ते अवं तैन केरो परमेशर भोनोई, ते तैना मेरे लोक भोले।” 17 एल्हेरेलेइ प्रभु पवित्रशास्त्रेरे ज़िरिये ज़ोते, “विश्वास न करेनेबालन मरां निस्सा ते अलग राथ; ते अशुद्ध चीजन करां दूर राथ; ते अवं तुसन कबूल केरेलो। 18 ते तुशुओ बाजी भोइलो, ते तुस मेरां मट्टां ते कुइयां भोलां, इन सर्वशक्तिमान प्रभु परमेशरेरु वचने।”

**7** किजोकि हे टलाराव परमेशरे वादो कियोरो कि तै असन अपने बच्चां केरे रूपे मां कबूल केरेलो, त एज्जा, अस अपने आपे ते जिसमेरी ते आत्माारी सब गंदगी शुद्ध केरम, ते परमेशरेरो डर मेन्तां ते इज़्जत केरतां, ते परमेशरेरी बत्तां च़लनेरे लेइ पूरे तरीके सेइं पवित्र ज़िन्दगी ज़ींम। 2 असन अपने दिल मां ठार देथ, असेई केन्ची सेइं बेइन्साफी नई कियोरीए, न केन्चेरु किछ बिगाड़ेरुए, ते न कोई ठगोरोए। 3 अवं तुसन दोषी बनानेरे लेइ इन नई लगगोरो ज़ोने, किजोकि मीं इन पेइलू जोरुए, कि तुस इश्शे मने मां बसोरेथ कि अस तुसन साथी मरने ज़ींनेरे लेइ तियारम। 4 अवं तुसन सेइं बड़े दिलेरी सेइं ज़ोने लोरोई, मीं तुसन पुड बडू घमण्डे, अवं तसल्ली सेइं भरोई जोरोई; अपने सारे दुखन मां अवं आनन्दे सेइं भरपूर राताई। 5 किजोकि ज़ैखन अस त्रअस शैरतां मकिदुनिया इलाके मां आए, तैखन भी इश्शे जानी चैन न भोइ, पन अस च़ेरे पासना दुःख झल्लते राए, बेइर लड़ेई थी, अन्तर बेड़ि-बेड़ि गल्लां थी। 6 फिरी भी उदासन तसल्ली देनेबाले परमेशरे तीतुसेरे एजने सेइं असन तसल्ली दिती। 7 ते न सिर्फ तैसेरे एजने सेइं पन तैसेरी तैस तसल्ली सेइं, ज़ै तैस तुसन करां मेलती थी; ते तैनी तुशुशी इच्छा ते तुशुशे दुःख ते मीं सेइं मिलनेरे जोशेरी खबर असन शुनाई, ज़ैस सेइं होरो भी आनन्द भोव। 8 किजोकि अगर मीं एपनी चिट्ठी सेइं तुस दुखी किये, पन तैस करां पसतेई न, जेन्चरे पेइलो पसतातो थियो, किजोकि अवं हेरताई तैस चिट्ठी सेइं तुसन दुःख त भोव पन तै थोड़े च़िरेरे लेइ थियो। 9 हुनी अवं खुशी आई पन एल्हेरेलेइ नई कि तुसन दुःख पुजो, बल्के एल्हेरेलेइ कि तैस्से दुखेरे वजाई तुसेईं पापन करां मन फिराव। किजोकि तुशुओ दुःख परमेशरेरे मेज्जी सेइं थियो, कि इश्शे पासेरां तुसन कोई नुकसान न पुजे। 10 किजोकि परमेशरेरे भेक्तेरो दुःख एरी पसतावो पैदा केरते ज़ैस सेइं मुक्ति मैलतीए, फिरी तैस सेइं पसतानू न पे, पन दुनियारो दुःख हमेशारी मौत पैदा केरते। 11 ते हेरा, इस्से गल्ली सेइं तुसन परमेशरेरे भेक्तेरो दुःख भोव, कि तुसन केत्रो जोश, उज़र, सरक, डर, इच्छा, मघन भोनू, ते सज़ा देनेरो खियाल पैदा भोव? तुसेईं सेबमी तरीके सेइं इन सिद्ध कियूं, कि तुस इस गल्ली मां बेकसूर आथ। 12 फिरी मीं ज़ैन तुसन जो सेखती सेइं लिखोरु थियूं, तैन न तैसेरे वजाई सेइं लिखू, ज़ैने बेइन्साफी की, ते न तैसेरे वजाई सेइं ज़ैस सेइं बेइन्साफी भोइ, पन एल्हेरेलेइ कि तुशुशी सगरामरी ज़ै इश्शे

लेइए, तै परमेशरेरे सामने तुसन पुड बांदी भोए। 13 एल्हेरेलेइ असन हिम्मत मैल्ली; ते इश्शुओ इस हिम्मती सेइं साथी तीतुसेरे आनन्द सेइं होरो भी आनन्द भोव किजोकि तैसेरो मन तुशुओ वजाई सेइं हरो भरोए। 14 किजोकि अगर मीं तैसेरे सामने तुशुओ बारे मां किछ घमण्ड हिराव, त छिथोव न, पन जेन्चरे असेईं तुसन सेइं सब गल्लां सच-सच जोरी थी, तेन्चरे इश्शुओ घमण्ड हिरानू तीतुसेरे सामने भी सच निस्सू। 15 ते ज़ैखन तैस तुशुओ सेबमी केरु हुक्मन मन्नेबाले भोनू याद एइते; किजोकि तुसेईं थरकते-थरकते तैस सेइं मुलाकात की; तैसेरो प्यार तुशुओ पासेरां होरो भी बढ्दतो गाते। 16 अवं खुश भोताई, किजोकि तुसन करां मीं हर गल्ली मां भरोसो भोते।

**8** हुनी मेरे ढ़लाव बेइनव, अस तुसन परमेशरेरे अनुग्रहेरी खबर देतम, ज़ैन मकिदुनिया इलाकेरे कलीसियारे लोकन पुड भोरोए। 2 कि ज़ैखन बेड़ि मुसीबतां केरे ज़िरिये परखे जे, ते तैना बड़े खुशी भोए, चाए तैना बड़े गरीब थिये फिरी भी होरि विश्वासी लोकां केरि मद्दत केरनेरे लेइ खुल्ले दिले सेइं पेइंसो दित्तो। 3 ते तैन केरे बारे मां मेरी ई गवाहीए, कि तैनेई अपने काबलीतरे मुताबिक बल्के अपने काबलीती करां भी जादे मने सेइं दित्तू। 4 ते इस दाने मां ते पवित्र लोकां ज़ैना यहूदिया इलाके मां आन तैन केरे सेवाई मां मद्दत केरनेरे बारे मां असन सेइं बार-बार बड़ी बिनती की। 5 ते जेन्चरे असेईं उमीद न थी कियोरी, कि तैनेई पेइलो अपनो आप प्रभुएरी सेवा केरनेरे लेइ समर्पण कियो, फिरी परमेशरेरी मेज्जी सेइं असन पती च़लनेरे लेइ अपनो आप समर्पण कियो। 6 एल्हेरेलेइ असेईं तीतुस समझव, कि जेन्चरे तैने पेइलू शुरु कियोरु थियूं, तेन्चरे इस दानेरे कम्मे पूरु भी केरे। 7 जेन्चरे हर गल्ली मां मतलब विश्वासे, वचन प्रचार केरनेरे काबलीत, ज़ाने ते सेबमी किसमेरे कोशिश मां, ते तैस प्यारे मां, ज़ै तुस असन सेइं केरतथ, बढ्दते गातथ, तेन्चरे विश्वासी लोकन दान देनेरे कम्मे मां बढ्दते राथ। 8 अवं हुक्मेरे तरीके पुड नई, पन होरि केरे हिम्मतेरे लेइ ते तुशुओ प्यार ते सचैई परखनेरे लेइ जोताई। 9 तुस इश्शे प्रभु यीशु मसीहेरे अनुग्रह ज़ानतथ, कि तै धनी भोइतां भी तुशुओ लेइ गरीब बनो ताके तैसेरे गरीब भोने सेइं तुस धनी भोथ। 10 ते इस गल्ली मां मेरो खियाल ईए, किजोकि तुशुओ लेइ रोइए; ज़ै एक्की साले करां न सिर्फ इस कम्मे केरने मां, बल्के इस गल्लेरे चाने मां भी पेइले भोरे थी। 11 एल्हेरेलेइ हुनी इन कम पूरु केरा; जेन्चरे तुस इच्छा केरने तियार थिये, तेन्चरे अपने-अपने हैसियतेरे मुताबिक पूरु भी केरा। 12 किजोकि अगर मनेरी तियारी भोए त दान तैसेरे मुताबिक कबूल भी भोते ज़ैन तैस कां आए न कि तैसेरे मुताबिक ज़ैन तैस कां अथ्थी नई। 13 अवं इन न चैई होरि केरि ज़िन्दगी आसान बनानेरे लेइ तुस अपने ज़िन्दगी मुशकिल बनाथ। 14 पन बराबर भोनेरे खियालन सेइं इस वक्ते तुशुओ जादे तैन केरि घाटे मां कम्मे एज्जे, ताके तैन केरु जादे तुशुओ घाटे मां कम्मे एज्जे, कि बराबरी भोए। 15 जेन्चरे पवित्रशास्त्रे मां लिखोरुए, “ज़ैनी बडू अकोट्टू कियूं



तैसेरू जादे न निससू, ते ज़ैने थोडू अकोट्टू कियू तैसेरू घट न निस्सू।” 16 परमेशेरू शुक्र भोए, ज़ैने तुशशे लेइ ज़ै सोच मेरे मने मां आए तैए जोश तीतुसेरे मने मां छड़ोरोए। 17 कि ज़ैखन असेई तैस तुसन कां एजनेरे लेइ मिनत की त तैनी इशशी गल मन्नी बल्के अपने मेर्जी सेइं ते बडे जोशे सेइं तुसन कां अवं। 18 ते अस तैस सेइं साथी अक होरो विश्वासी ढूला भेजने लोरेम, ज़ेसेरू नवं खुशखबरी शुनानेरे बारे मां कलीसियारे लोकन मां फैलोरोए। 19 ते एनू नई, पन तै कलीसियां केरे लोकेई ठहरावरो भी आए, कि इस दानेरे कम्मरे लेइ असन सेइं साथी गाए ते अस ई सेवा एल्हेरेलेइ केरतम, कि प्रभुएरी महिमा भोए, ते इन हिरानेरे लेइ कि अस यरूशलमेरे विश्वासी लोकां केरि मद्दत चातम। 20 अस इस गल्ली मां हुशार रातम, ते तीतुसे सेइं साथी विश्वासी लोक भेजने सेइं इस दान देनेबाले कम्मरे बारे मां ज़ै सेवा अस केरतम, ताके कोई असन पुइ दोष न लेइ सखे। 21 किजोकि ज़ैना गल्लां सिर्फ प्रभुएरे नज़र मां रोड़ी नई बल्के मैन्हु केरे नज़री मां रोड़ी आन, अस तैन केरि फिक्र केरतम। 22 ते अस तैन सेइं साथी अक होरो विश्वासी ढूला भी भेजी राओरेम, ज़ै असेई बार-बार परखो ते बेड़ि गल्लन मां जोशे बालो निस्सो; पन हुनी तुसन पुइ तैस बडो भरोसोए एल्हेरेलेइ तै दिले सेइं जोशे बालोए। 23 अगर कोई तीतुसेरे बारे मां पुछे, त तै मेरो साथीए, ते तुशशे लेइ मेरो मद्दतगार, ते अगर इशशे विश्वासी ढूलां केरे बारे मां कोई पुछे, त तैना कलीसियां केरो भेजोरोए ते तैन केरि जिन्दगी सेइं मसीहेरी महिमा भोतीए। 24 एल्हेरेलेइ अपनो प्यार तैन हिराथ, सारे कलीसियां केरे विश्वासी लोकन सबूत देथ कि इशशू तैन घमण्ड ज़ैन तुशशे बारे मांए सच्चे।

**9** हुनी तैस सेवारे बारे मां ज़ै यरूशलमेरे विश्वासी लोकन जो दान देनेरे बारे मां की गातीए, मीं तुसन जो लिखनू ज़रूरीए नई। 2 किजोकि अवं तुशशे मनरे तियारे बारे मां ज़ानताई, ज़ेसेरे वजाई सेइं अवं तुशशे बारे मां मकिदुनिया इलाकेरे विश्वासी लोकां केरे सामने घमण्ड हिराताई, कि तुस अखाया इलाकेरे लोक एक्की साले करां तियार भोरेथ, ते तुशशे जोशे होरन भी जोश बनेवरोए। 3 पन मीं तीतुस ते दूई होरे ढूला तुसन कां एल्हेरेलेइ भेजे, कि असेई ज़ैन घमण्ड तुशशे बारे मां हिराव, तैन इस गल्ली मां बेफैइदे न भोए; पन ज़ेन्चरे मीं ज़ोवं; तेन्चरे तुस यरूशलेम नगरिरे विश्वासी लोकां केरे लेइ दान देने जो तियार राथ। 4 एरू न भोए, कि अगर किछ मकिदुनिया इलाकेरे विश्वासी लोक मीं सेइं साथी एज्जन, ते तुशशू दान तियार न भोए, त अस तुसन पुइ भरोसेरे केरनेरे वजाई छिथोम, पन तुस असन करां भी जादे छिथोले। 5 एल्हेरेलेइ मीं विश्वासी ढूलान सेइं ई बिनती केरनि ज़रूरी समझी, कि तैना पेइले तुसन कां गान, ते तुशशे खुल्ले दिले सेइं दान देनेरे बारे मां, ज़ेसेरे बारे मां पेइलो वादो कियोरो थियो, तियार केरतां रखा, कि इन दबावे सेइं नई बल्के इच्छाई सेइं भोए। 6 पन गल त ईए, कि ज़ै थोडू बेते तै कटेलो भी थोडू; ते ज़ै हछु बेते तै हछु कटेलो। 7 हर अक मैन्हु ज़ेन्चरे

मने मां थापेरू भोते तेन्चरे दान दे, न कुड़-कुड़ केरतां, ते न दबावे सेइं, किजोकि परमेशर खुशी सेइं देने बालन पुइ खुश भोते। 8 परमेशर ज़ैन किछ तुसन ज़रूरते तैसेरो अनुग्रह देइ बटते, ज़ैस सेइं हर गल्ली मां ते हर वक्त, सब किछ, ज़ेसेरी तुसन ज़रूरत भोए, तुसन कां राए, ते हर एक्की रोडे कम्मरे लेइ तुसन कां बडू किछ भोए। 9 ज़ेन्चरे पवित्रशास्त्रे मां लिखोरूए, “परमेशर ज़ैन ज़रूरते तैन हच्छु देते, ज़ैन तै केरते तैन ठीके ते तैन हमेशा रालू।” (aiōn g165) 10 आखरी, ज़ै बेनेबालो बीज, ते खानेरे लेइ रोटी देते, तै तुसन बीज देलो, ते तैस सेइं फलवन्त केरेलो, ते तुशशे धार्मिकतारो फल बधालो। 11 तुसन हर गल्ली मां बरकत मैलेली ज़ैस सेइं तुस जादे दान देनेरे काबल बनेले, ते ज़ैखन अस तुशशे हछुछे दान तैन कां नेमले ज़ैन ज़रूरते त तैना लोक परमेशेरू शुक्र केरेले। 12 किजोकि सेवारे पूरे केरने सेइं, न सिर्फ परमेशेरू लोकां केरो घाटो पूरो भोते, पन लोकां केरे तरफां परमेशेरू बडू शुक्र भोते। 13 किजोकि होरि लोकन दान देनेरी मद्दतरी सेवारू सबूत कबूल केरतां तैना परमेशेरु महिमा बांदी केरतन, कि तुस मसीहेरी खुशखबरी मेन्तां तैसेरे अधीन रातथ, ते गरीब विश्वासी लोकां केरि, ते सेबभी केरि मद्दत केरने मां हच्छु देनू बांदू केरतथ। 14 ते तैना तुशशे लेइ परमेशेरु कां प्रार्थना केरेले; तैना तुसन सेइं प्यार केरतन, किजोकि परमेशेरु तुसन पुइ अनुग्रह कियोरोए। 15 परमेशेरु तैसेरे तैस दानेरे लेइ ज़ैन समझी करां बेइर शुक्र भोए।

**10** अवं तैए पौलुस ज़ै तुशशे सामने दीन आई, पन तुसन करां दूर भोताई सेखती सेइं ज़ोताई। अवं तुसन मसीहेरी नम्रता ते नरमी याद करेइतां तुसन कां मिनत केरताई। 2 अवं ई बिनती केरताई, कि तुशशे सामने नझक भोइतां दिलेर न भोनू पे; ज़ेन्चरे अवं केत्रन पुइ ज़ैना असन दुनियारे लोकां केरे ज़ेरे चलने बाले समझतन, बहदरी हिरानेरी खियाल केरताई। 3 किजोकि अगर अस दुनियाई मां ज़ीतम, पन फिरी भी अपने दुश्मन्न सेइं दुनियारे मुताबिक न लडम। 4 किजोकि इशशी लडईरे हथियार मैन्हु केरे नई, पन गइ बछोइनेरे लेइ परमेशेरु शक्ति। 5 ते अस खियालन, ते हर एक्की उच्ची गल्ली, ज़ैना परमेशेरु पिशानेरे खलाफ उट्टतन, खतम केरतम; ते हर एक्की खियाले कब्जे मां केरतम, ते मसीहेरो हुक्म मन्ने बालो बनातम। 6 ते तियार रातम कि ज़ैखन तुस पूरे तरीके सेइं अपनो आप मसीहेरो हुक्म मन्नेबाले बनातथ, त अस मसीहेरे हुक्म न मन्ने बालन सज़ा देनेरे लेइ तियार रामेले। 7 तुस बेइरयू रूप हेरतथ, अगर केन्ची एपू पुइ ई भरोसे, कि अवं मसीहेरोई, तै इन भी जाने, कि ज़ेरो तै मसीहेरोए, तेन्चरे अस भी मसीहेरेम आम। 8 किजोकि अगर अवं तैस अधिकाररे बारे मां होरू भी घमण्ड हिरैई, ज़ै प्रभुए तुशशे विश्वास नाश केरनेरे लेइ नई बल्के विश्वासे बढानेरे लेइ असन दित्तोरोए, त शरमिन्दे न भोलो। 9 इन अवं एल्हेरेलेइ ज़ोताई, कि चिट्ठी केरे ज़िरिये तुसन डराने बालो न भोई। 10 किजोकि किछ लोक ज़ोतन, “कि तैसेरी चिट्ठी त ज़रूरिन ते

अस्सर केरने बैलिन; पन ज़ैखन हेरतन, त तै कमजोर मैन्हु आए, ते तैसेरां भाषाना बेकारना।” 11 ते ज़ै एरू ज़ोते, तै ई समझ रखते, ज़ेन्चरे ठीक इश्शे चिट्टन मां इश्शो वचन आए, तेन्चरे तुश्शे सामने इश्शां कम्मां भी भोलां। 12 किजोकि असन ई दिलेरी नई कि अपनो आप तैन सेइं साथी गनम, या तैन सेइं अपनो आप मिलाम, ज़ैना अपनि तारीफ़ केरतन, ते अपनो आप एक्की होरि सेइं तुलोइतां बेवकूफ बनतन। 13 अस परमेशरेरे दित्तोरे कम्मे करां बेइर घमण्ड कथी न केरमेले, पन तैस्से हदी तगर ज़ै परमेशरे इश्शे लेइ बनोरीए, ते तैस मां तुस भी ओरिथ ते तैसेरे मुताबिक घमण्ड भी केरेले। 14 किजोकि अस एपनी हदी करां बेइर अपनो आप बधानो न चाम, ज़ेन्चरे कि तुसन तगर न पुजनेरी हालती मां भोते, बल्के अस पेइले थिये ज़ैना कुरिन्थुस नगरे मां मसीहेरी खुशखबरी शुनाते तुसन तगर पुजी जोरेमा। 15 ते अस हदी करां जादे होरि केरे मेहनती पुइ घमण्ड न केरम; बल्के असन उमीदे, ज़ेन्चरे-जेन्चरे तुश्शो विश्वास बधेलो तेन्चरे-तेन्चरे अस एपनी हदारे मुताबिक तुश्शे वजाई सेइं होरां भी बड़ां जादे कम्मां केरनेरे काबल भोले। 16 कि अस तुश्शे हदन करां सारे दूर-दूर इलाकन मां भी खुशखबरी शुनाम, इन नई कि अस होरि केरे हदां केरे अन्तर बनोरे कम्मन पुइ घमण्ड केरम। 17 पन ज़ेन्चरे पवित्रशास्त्र ज़ोते, ज़ै घमण्ड केरे तै प्रभु पुइ केरे। 18 किजोकि ज़ै अपनि बडयाई केरते, तै नई, पन जेसेरी बडयाई प्रभु केरते, तैए परमेशरेरी नज़री मां रोड़ोए।

**11** तुस होरन कबूल केरतथ ज़ैना अपनि बडयाई केरतन, ते एल्हेरेलेइ अवं उमीद केरतां, अगर अवं थोड़ी ज़ेरी बेवकूफी केरि त तुस झैल्ले। 2 किजोकि अवं तुसन सेइं प्यार केरताई ते तुश्शो खियाल रखताई ठीक तेन्चरे, ज़ेन्चरे परमेशर केरते, मीं वादो कियोरोए तुसन मसीह जो देनेरे लेइ, ज़ेन्चरे लोक पूरे तरीके सेइं समर्पितन। 3 पन अवं डरताई कि ज़ेन्चरे शैताने सप्पेरे रूपे मां एइतां अपनि च़लैकी सेइं पेइली कुआन्श, हवा भटकवरी थी, तेन्चरे तुश्शो मन तैसेरे सिधयैई ते पवित्रतैई सेइं ज़ै मसीहे कबूल केरते भोरी लोड़े भ्रष्ट न की गाए। 4 ज़ैखन भी कोई तुसन कां एइते ते तुसन तैस यीशुएरी ज़ैस यीशुएरो असेई नई कियोरो एइतां, कोन्ची होरि यीशुएरो प्रचार केरते, जेसेरो प्रचार असेई नई कियोरो: या ज़ै आत्मा तुसन मैल्लोरी तैस करां अलग किसमेरी आत्मा तुसन मैल्ले; या ज़ैस खुशखबरी पुइ तुसेई विश्वास कियूं तैस करां अलग किसमेरे खुशखबरी तुसन शुनाए, त तुस तैन शिक्षान कबूल केरने मां गलतथ। 5 अवं समझताई, कि अवं कोन्ची गल्ली मां, ज़ैना इस तरीके सेइं बर्ताव केरतन, कि तैना होरि सब प्रेरितन करां महान आन अवं भी तैन केरो ज़ेरो रोड़ो प्रेरित आई। 6 अगर अवं भाषण देने मां माहिर नई, पन मसीह ते खुशखबरारे बारे मां मीं कां ज़ाने; बल्के मीं हर गल शिखालने मां अपनू ज़ान हिरावरूप। 7 कि मीं तुसन परमेशरेरी खुशखबरी मुखत शुनाई; ते अपनो आप निकड़ो कियो, कि तुस उच्चे भोथ, कुन इस

मां मीं किछ पाप कियो? 8 मीं होरि कलीसियान करां दान कबूल कियूं, ताके तुश्शी सेवा मुफते मां केरि बेटि, तैस जो लूट न ज़ोथ। 9 ते ज़ैखन तुसन सेइं साथी थियो, ते मीं पेइंसेरो घाटो भोव, ते मीं केन्ची पुइ भार न छुड़ो, किजोकि विश्वासी ढूलाएई, मकिदुनिया इलाकेरां एइतां मेरो घाटो पूरो कियो: ते मीं हर गल्ली मां अपनो आप तुसन पुइ भार भोने करां रोको, ते अग्रोवं जो भी रोकेलो। 10 मसीहेरी सज़्जाई मीं मां आए, मीं अखाया इलाके मां कोन्ची करां दान नई नेवरू, एल्हेरेलेइ अखाया इलाके मां इस घमण्डे केरने करां कोई मीं न रोकी बटे। 11 किजो मीं तुश्शो पेइंसो नई नेवरो? कुन मीं एन कियूं, कि अवं तुसन सेइं प्यार न केरि? परमेशर ज़ानते कि अवं तुसन सेइं प्यार केरताई। 12 पन ज़ैन अवं केरताई, तैने अग्रोवं भी केरतो रेइलो; अवं तुसन करां मद्दत न नेइलो ज़ैस सेइं अवं तैन ज़ैना घमण्ड केरनेरो मौको चातन, कि ज़ेरू कम अस परमेशरेरे लेइ केरतम तेरहु कम तैना भी केरतन। 13 किजोकि एरे लोक झूठे प्रेरित आन, ते दगो केरतां कम केरनेबालन, ते मसीहेरे प्रेरितां केरू ज़ेरू रूप बनाने बालेन। 14 ते ई हैरान राने बाली गल नई किजोकि शैतान एप्पू भी महिमा बाले स्वर्गदूतां केरू रूप बनाते। 15 ते अगर तैसेरे सेवक भी धर्मी सेवकां केरू ज़ेरू रूप बनान, त कोई बड़ी गल नई पन तैन केरो अन्त तैन केरे कम्मां केरे मुताबिक भोनेए। 16 अवं फिरी ज़ोताई, कोई मीं बेवकूफ न समझे; नई बेवकूफ समझतां मीं कबूल केरे, ताके अवं थोड़ू ज़ेरू घमण्ड केरि। 17 ज़ैन किछ अवं ज़ोताई ज़ेरू यीशु चाते तेरहु नई बल्के बेवकूफी सेइं ज़ोताई। 18 ज़ैखन कि बड़े लोक इस दुनियारे लोकां केरू ज़ेरू घमण्ड केरतन, त अवं भी घमण्ड केरेलो। 19 तुस त समझदर भोइतां आनन्दे सेइं बेकूफां केरि झैलतथ। 20 किजोकि ज़ैखन तुसन कोई गुलाम बनातन, या ज़ैन किछ तुसन कां आए नेते, या तुसन सेइं धोखो केरते, या सोचतन कि तैना तुसन करां बड्डेन, या तुश्शे तुतरे पुइ थपुइ बातन, त तुस झल्लतथ। 21 एल्हेरेलेइ कुन तुस सोचतथ कि मीं छिथोरू लोइते किजोकि मीं तैन नई कियोरू; पन ज़ै कोई कोन्ची गल्ली मां घमण्ड केरते, अवं बेवकूफी सेइं ज़ोताई, फिरी भी घमण्ड केरताई। 22 कुन तैना इब्रानी आन? अवं भी आई। कुन तैना इस्पाएली आन? अवं भी आई, कुन तैना अब्राहमेरे खानदाने मरां आन? अवं भी आई? 23 कुन तैना मसीहेरे सेवक आन? (अवं पागलेरो ज़ेरो ज़ोताई) अवं तैन करां बेदूतां आई! मीं तैन करां जादे मेहनत कियोरीए, तैन करां जादे बार अवं कैद कियोरोई, बड़े बार मीं मार बजोरीए, हमेशा मेरी जान मुश्किली मां पेवरीए। 24 मीं यहूदन लीडरेई करां पंच बार 39 कोड़े खाए। 25 दूलेइ बार मीं बेंतेइ खेइ; एक्की बार मीं पुइ घोड़े कियो जेव; दूलेइ बार ज़िहाजे मां ज़ैन पुइ अवं चढ़ोरो थियो, दूल्टी जेआं, अक रात ते दिहाड़ी मीं समुन्द्रे मां कट्टी। 26 अवं बार-बार सफरे मां; दरियारे खतरन मां; डैकू केरे खतरन मां; अपने ज़ातरे खतरन मां; गैर कौमां केरे खतरन मां; नगरां केरे खतरन

मां; जंगल्लेरे खतरन मां; झूठे विश्वासी लोकां केरे खतरन मां; 27 बडे मेहनती मां ते तकलीफी मां; बार-बार बीझे बिशने मां; बार-बार बरत रखने मां; दल्लुख दलिशी मां; हिवतडे मां; ते नगगे रानेरी हालती मां राहोरोई। 28 ते होरि इना गल्लां केरे अलावा जैन गल्लां केरे बारे मां अवं न जोई सेव्ही कलीसिया केरे फिक्र मां रोज़ दुबातीए। 29 ज़ैखन कोई कमज़ोर भोते अवं भी कमज़ोर भोताई। ज़ैखन कोई पापेरे पासे गाते त मेरो दिल बडो दुखी भोते? 30 अगर घमण्ड केरनु ज़रूरीए, त अवं एपनी कमज़ोरारी गल्लन पुड़ केरेलो। 31 परमेशर इश्शे प्रभु यीशुएरो बाजी ज़ै सदा धने, तै ज़ानते, कि अवं झूठ नई लोरो जोने। (aiōn g165) 32 ज़ैखन अवं दमिश्क नगरे मां थियो त अरितास राज़ेरे हाकिमे अवं कैद केरनेरे मकसदे सेई सारे नगरे मां परहो रखोरो थियो। 33 ते अवं टोकरे मां शहरपनाहेरे देरारे बत्तां दुवारी उन्दो औसालोरो थियो, ते अवं हाकिमेरे हथ्ये करां बत्रो।

**12** अगर घमण्ड केरनु मेरे लेइ ठीक नई, फिरी भी केरनु पेटे; अवं प्रभुएरे दित्तोरे दर्शन ते प्रकाशेरे बारे मां जोइएलो। 2 अवं मसीह मां च़ेवधे साल पेइले दलेइयोवं स्वर्ग पुड़ नीयो जेव, चाए अवं जिसमे मां थियो या जिसमे मरां बेइर, अवं न ज़ैनी सिर्फ परमेशर ज़ानते। 3 अवं फिरी जोताई, कि ई मैन्हु स्वर्गें तगर अकदम नेव जेव (फिरी, अवं न ज़ैनी कि इन जिसमे मां भोवं या अक दर्शन थियुं, सिर्फ परमेशरे ज़ानते), तैड़ी तैनी तैना गल्लां शुनी ज़ैना लफसन मां न जोइयोन, एरी गल्लां ज़ैना मैन्हु ओठन सेई न जोई बटन। 5 एरे मैन्हु पुड़ त अवं घमण्ड केरेलो, पन अपने कमज़ोरी केरे अलावा, अपने बारे मां घमण्ड न केरि। 6 किजोकि अगर अवं घमण्ड केरनु चैई भी त बेवकूफ न बेई, किजोकि अवं सत्र जोइलो; पन अपने आपे एस किसमेरे घमण्डे करां रोकताई, एरु न भोए, कि ज़ेन्चरे कोई मीं लाते, या मीं शुन्ते, मीं तैस करां भी बेद्धतां न समझे। 7 पन ज़ैना अद्बूद गल्लां परमेशरे मीं हेरेवरिन तैन केरे वजाई सेई अवं बडो जादे घमण्डी न भोइ गेइ। एल्हेरेलेइ तैनी मीं अक बडो मुशकिल मसलो तुसन सेई बर्ताव केरनेरे लेइ दित्तोरोए (मेरी जानी मां अक कंटो)। शैतानेरे एक्की दूते मीं मडुनेरो इरादो कियोरोए ते अवं घमण्ड केरने करां रोकरोई। 8 इसेरे बारे मां मीं प्रभु कां दलाई बार बिनती की, कि मीं करां दूर भोइ गाए। 9 ते तैने मीं सेई जोवं, “मेरो अनुग्रह तेरे लेइ सुधोए; किजोकि मेरी शक्ति कमज़ोरी मां सिद्ध भोतीए।” एल्हेरेलेइ अवं एपनी कमज़ोरी पुड़ घमण्ड केरेलो, कि मसीहेरी सामर्थ मीं पुड़ एंडती राए। 10 इस वजाई सेई अवं मसीहेरे लेइ कमज़ोरन मां, ते बेइज़तन मां, गरीबी मां, सताए गाने मां, ते मुशकलन मां खुश आई; किजोकि ज़ैखन अवं कमज़ोर भोताई, तैखन अवं मसीहेरी शक्ति सेई ज़ोरे बालो भोताई। 11 अवं बेवकूफ त बनो, पन अवं एरु केरनेरे लेइ तुसेई अवं मजबूर कियो, तुसेई त मेरी बडयाई कियोरी लोडती थी, किजोकि अगर अवं किछ भी नई, फिरी भी होरे प्रेरित ज़ैना महान आन अवं तैन केरो ज़ेरो रोडो आई। 12 मीं रोडे प्रेरितेरी

पिशन भी तुश्शे दरमयान हर किसमेरे सबर साथी ते निशान ते बडां-बडां कम्मां, ते सामर्थएरां कम्मां हिरां। 13 अक गल थी ज़ै मीं तुसन सेई न की, ज़ै मीं होरि कलीसियान सेई की, यानी अवं पेईसां केरे बारे मां तुश्शे लेइ बोझ न बनो। कुन इन तुसन घटिया बनाते, एरु केरने सेई मीं तुश्शे खलाफ गलत कियोरु ई तुश्शी सोच गलते। 14 हेरा, अवं दलेइयोवं बार एजनेरे लेइ तियाराई, ते अवं तुसन करां कोई पेईसां केरि मांग न रेखेलो। किजोकि अवं तुश्शी जेइदाद नई, बल्के तुसन चाताई, किजोकि बच्चेई अम्मा बाजी केरे लेइ धन अकोट्टु न लोडे कियोरु, पन अम्मा बाजेई बच्चां केरे लेइ कियोरु लोडे। 15 अवं तुश्शी लेइ बडो खुशी सेई खर्च केरेलो, बल्के अवं अपनु सब किछ तुसन देइलो, अवं तुसन सेई बडो प्यार केरताई पन एरु लगेते कि तुस मीं सेई घट प्यार केरतथ। 16 तुसन मरां किछ मन्तन कि मीं तुसन पुड़ भार नई छडोरो, पन किछ होरे सोचतन कि अवं च़लाक आई ते मीं तुसन पूरे तरीके सेई धोखे दित्तोरोए, ज़ैन कि झूठ आए। 17 मीं अपने लेइ तुसन करां पेईसे नेनेरे लेइ तीतुस या होरो कोई इस्तेमाल नई कियोरो। 18 मीं तीतुस समझइतां तैस साथी ते दूला भेजो, त कुन तीतुसे धोखे सेई किछ नेव? कुन अस एक्की मकसदे सेई न च़ले? कुन इश्शां कम्मां अक्कां ज़ेरां नई। 19 हे दलाराव, तुस हेजू तगर इन समझतथ कि अस तुश्शे सामने अपनो बचाव लोरिम केरने, अस त परमेशरे हाज़र सेमझतां मसीह मां जोतम, ते सब गल्लां एल्हेरेलेइ जोतम कि तुसन विश्वासे मां मजबूत केरने लोरेम। 20 किजोकि मीं डरे, कि एरु न भोए, कि अवं एज्जी ते ज़ेन्चरे अवं चाताई, तेन्चरे तुस न भोथ; ते मीं भी ज़ेन्चरे तुस मीं चातथ तेरे लाथ, कि तुसन मां लडैई, गर्म सुभाव, सरक, खलाफत, जलन, चोगली, अभिमान ते फसाद भोन। 21 कि एरु न भोए कि ज़ैखन अवं तुसन कां दुबारां एज्जी, त मेरो परमेशर मीं छिथाए। ते मीं दुःख केरनो पे, किजोकि तुसन मरां बडेई अपने पुराने पाप नई शारोरे। ते तैस गंदे कम्मे, ते बदमाशी, ते लुचपने सेई, ज़ै तैनेई कियो, मन न फिराव।

**13** पवित्रशास्त्रे मां इन लिखोरुए कि, “हर अक गल दूई या दलेइ गवाहां केरे गवाही केरे ज़िरिये सेई पक्की की गाली।” मीं तैन लोकन हदैइयत दित्तोरीए ज़ैना पाप केरते थिये, ज़ैखन अवं दुइयोवं बार ओरो थियो। हुनी अवं फिरी तैन ते होरि सेव्ही लोकन हदैइयत देताई कि ठीक तेन्चरे ज़ेन्चरे मीं पेइलू भी कियोरुए इस चिट्ठी मां खबरदार केरताई। हुनी अवं दलेइयोवं बार एजनेबालो आई, ते अगर तैना हेजू भी पाप केरनो बंद नई कियोरो, तैन मरां कोई भी सज़ाई करां न बचेलो। 3 अवं जोताई कि तुस इना गल्लां केरु सबूत चातथ, कि मसीह मेरे ज़िरिये गल्लां केरते, पन ज़ैखन मसीह तुसन सेई बर्ताव केरते त बालो भोताई। 11 अवं बेवकूफ त बनो, पन अवं एरु केरनेरे लेइ तुसेई अवं मजबूर कियो, तुसेई त मेरी बडयाई कियोरी लोडती थी, किजोकि अगर अवं किछ भी नई, फिरी भी होरे प्रेरित ज़ैना महान आन अवं तैन केरो ज़ेरो रोडो आई। 12 मीं रोडे प्रेरितेरी

साथी ज़ीते भोमेले ते असन सेइं साथी परमेशरेरी शक्ति भोली।  
 5 अपनो आप परखा, कि तुशशो विश्वास सच्चो आए कि नईं,  
 एप्पू परखा, कुन तुसन अपने बारे मां ई पतो नईं, कि यीशु  
 मसीह तुसन मां आए, नईं त तुस निकम्मे भोए। 6 पन मेरी  
 उमीदे, कि तुस बुझेले, कि अस निकम्मे नईं निसोरे। 7 चाए  
 अगर तुसन इन लेइहोते कि अस सच्चे प्रेरित नईं, अस तुशशे  
 लेइ परमेशरे कां प्रार्थना केरने लोरेम, कि गलती केरनेरे बगैर  
 सिर्फ रोडू केरा। 8 किजोकि अस सच्चेरे खलाफ किछ न केरि  
 बटम, पन सच्चेरे लेइ केरि बटतम। 9 जैखन अस कमजोरम, ते  
 तुस ताकतबरथ, अस खुशी रातम, ते ई प्रार्थना भी केरतम,  
 कि तुस विश्वासे मां सिद्ध भोते राथ। 10 एल्हेरेलेइ अवं तुशशे  
 पिठी पतर इना गल्लां लिखताईं, कि मौजूद भोइतां मीं तैस  
 अधिकारेरे मुताबिक जै प्रभुए बिगाइनेरे लेइ नईं पन बनानेरी  
 लेइ मीं दित्तोरोए, सेखती सेइं किछ न केरनू पे। 11 हे ढूलाव ते  
 बेइनव, खुश राथ, सिद्ध बनते राथ; एक्की होरि हिम्मत देथ; ते  
 मेल मिलापे सेइं राथ, ते प्यार केरनेबालो ते शान्ति देनेबालो  
 परमेशर तुसन साथी भोलो। 12 मसीहेरे प्यारे सेइं एक्की होरि  
 जो नमस्कार केरा। 13 सब पवित्र लोक तुसन जो नमस्कार  
 ज़ोतन। 14 प्रभु यीशु मसीहेरो अनुग्रह ते परमेशरेरो प्यार ते  
 पवित्र आत्मारी सन्गती तुसन सेबन साथी भोए।

# गलातियों

**1** अवं पौलसु ई चिट्ठी तुसन लिखताई, अवं अक प्रेरिताई, अवं न मँहु केरे तरफां, ते न केन्वी मैनेरे जिरिये प्रेरित भोनेरे लेइ चुनोरोई, बल्के यीशु मसीह ते बाजी परमेशरेरे जिरिये, जैनी यीशु मुइदन मरां जीतो कियो। 2 ते सारे ढलां केरे तरफां, जैना मीं सेइं साथिन; गलातिया इलाकेरे कलीसियां केरे लेइ ई चिट्ठी लिखताई। 3 बाजी परमेशर, ते इशो प्रभु यीशु मसीहेरे तरफां तुसन अनुग्रह ते शान्ति मैलती राए। 4 इशो परमेशर ते बाजी केरि मेर्जी सेइं यीशु मसीहे अपनो आप इशो पापां केरे लेइ बलिदान कियो, ताके असन इस मौजूद बुरे दुनियाई करां छुटकारो दे। (aiōn g165) 5 तैसेरी महिमा हमेशा भोती राए। आमीन। (aiōn g165) 6 अवं हैरान भोताई, कि परमेशरे तुस मसीहेरे अनुग्रहे मां जीनेरे लेइ कुजाए; ते तुस तैस करां एत्रे जल्दी फिरतां होरि किसमेरी खुशखबरी मन्ने लाए। 7 पन सिर्फ एक्के सच्च्ची खुशखबरी आए, गल ईए, कि किछ लोक एरेन, जैना तुसन धोखो देतन, ते मसीहेरी खुशखबरी बगाड़ने चातन। 8 पन अगर असन मरां कोई या कोई स्वर्गदूत भी तुसन कोई तैस खुशखबरेरे अलावा जै असेईं तुसन शुनोरी, शुनाए त लानती भोए। 9 जेन्चरे असेईं पेइलू ज़ोवरूए, तेन्चरे अवं हुना फिरी ज़ोताई, कि तैस खुशखबरेरे अलावा जै तुसेईं कबूल कियोरोए, अगर कोई होरो खुशखबरी शुनाए, त लानती भोए। 10 हुनी कुन अवं मँहु केरि मन्जुरी हासिल केरनेरी कोशिश केरताई या परमेशरेरी? कुन अवं लोकन खुश केरनेरी कोशिश केरने लोरोई? बिलकुल भी नई, अगर हेजू तगर लोकन खुश केरतो राताई, त मसीहेरो दास न भोथो। 11 हे ढलाव ते बेइनव, अवं तुसन ज़ोताई, कि जै खुशखबरी मीं तुसन शुनाई, ई मँहु केरि बनोरी नई। 12 किजोकि तै मीं न केन्वी मँहु करां मैलोरी, ते न मीं कोन्वी उस्तादे करां शिखोरी, बल्के यीशु मसीहे मीं पुइ बांदी की। 13 तुसेईं शुनोरूए यहूदी धर्म मां पेइलो जै मेरो चालचलन थियो तै केरो थियो, कि अवं परमेशरेरी कलीसियाई बड़ी सतातो थियो, ते नाश केरनेरी कोशिश केरतो थियो। 14 ते अवं अपने धर्म मां तैस वक्ते बड़े मेरे उमरारे यहूदन करां अग्रोवं थियो। ते अपने बुजुर्गां केरे रीतन मां जोशो मां थियो। 15 पन परमेशरेरी ज़ैखन इच्छा भोइ, तैनी अवं मेरे ज़रमने करां पेइलो चुनो ते अपने अनुग्रह सेइं कुजाव, 16 कि मीं मां अपने मट्टु बांदू केरे कि अवं गैर कौमन मां तैसेरी खुशखबरी शुनेई; ते मीं समझनेरे लेइ होरि कोन्वी करां सलाह नी। 17 ते न यरूशलेम नगरे मां तैन कां जेव जैना मीं करां पेइले प्रेरितन, पन अरब मुल्खे जो ज़लो जेव, ते फिरी किछ चिरेरां बाद तैड्डां दमिश्क नगरे जो वापस अव। 18 फिरी ट्लाई सालना पत्ती अवं कैफा (यानी पतरस प्रेरिते) सेइं मिलने यरूशलेम नगरे जो जेव, ते 15 दिहाड़े तैड़ी राव। 19 पन प्रेरितन मरां प्रभुएरे ढला याकूबेरे अलावा होरि कोन्वी सेइं न मिलो। 20 जैना गल्लां अवं तुसन लिखताई,

हेरा परमेशरे हाज़र सेमझतां ज़ोताई, कि तैना झूठी नई। 21 यरूशलेम नगर शारनेरां पत्ती, अवं सीरिया ते किलिकियारे मुल्खे मां जेव। 22 पन यहूदिया इलाकेरे कलीसियां केरे लोक जैना मसीह मां थिये, जैना मीं सेइं कथे न थिये मिलोरे। 23 पन इन्ने शुन्ते रहते थिये, कि जै असन पेइलो सतातो थियो, तैए तैस्से विश्वासेरी खुशखबरी शुनाते, जैस पेइलो नाश केरतो थियो। 24 ते जैन परमेशरे मेरे ज़िन्दगी मां कियू तैल्हेरेलेइ तैना परमेशरेरी बडीयाई केरते रहते थिये।

**2** च़ेवधे सालना पत्ती अवं बरनबासे सेइं साथी यरूशलेम नगरे जो जेव, ते तीतुस भी मीं एप्पू सेइं साथी नीयो। 2 अवं एल्हेरेलेइ तैड़ी जेव किजोकि परमेशरे मीं गानेरे लेइ ज़ोरू थियू, ज़ैखन अवं तैड़ी थियो, अवं अकैल्ले मां कलीसियारे खास बुजुर्गन सेइं मिलो ते तैन खुशखबरी समझाई, जै अवं गैर कौमन मां प्रचार केरतो ओरो थियो, ताके एरू न भोए, कि जैन किछ अवं केरतो ओरोई ते जैन केरने लोरोई बेफैडू भोए। 3 मेरो साथी तीतुस, जै यूनानीए, जेसेरो खतनो कधी न भोरो। पन जैना यरूशलेम नगर कलीसियारे खास बुजुर्ग थिये तैनेई तै खतनो करानेरे लेइ मजबूर न कियो, बल्के तैनेई तै कबूल कियो। 4 ते ई गल तैन केरे लेइ परेशानी बनी, ई इन तैन झूठे ढलां केरे वजाई सेइं भोवं, जैना छेपतां इशो टोली मां ओरे थी, कि तैस एजेदरी जै मसीह यीशु मां असन मैलोरीए, भेद नेइतां फिरी असन यहूदी केरे कानूनेरे गुलाम बनान। 5 पन असेईं एक्की पलेरे भी तैन केरि शुने करां इन्कार कियो, ताके जै सन्देश असेईं तुशे लेइ आनो तै सच्च्ची खुशखबरी बनोरी राए। 6 तैन यरूशलेम नगरेरे कलीसियारे खास लीडरेई मेरी शिक्षाई मां किछ न जोडू, इस सेइं मीं किछ फर्क न पे, कि तैना केरहे बुजुर्ग आन, किजोकि परमेशर बेइरोवं रूप हेरतां फैसलो न केरे। 7 पन इसेरे उलट ज़ैखन तैन बुजुर्गेई हेरू, कि जेन्चरे परमेशरे यहूदी लोकां केरे लेइ खुशखबरेरू कम पतरसे सोंफू, तेन्चरे परमेशरे गैर कौमां केरे लोकन खुशखबरी शुनानेरू कम मीं सोंफू। 8 जैने परमेशरे पतरस यहूदी केरो प्रेरित भोनेरे लेइ चुनो, तैन्ने अवं भी गैर कौमां केरो प्रेरित भोनेरे लेइ चुनो। 9 जैना मँहु कलीसियारे खम्मबे समझे गाते थिये (यानी खास लीडर) मतलब याकूब, कैफा (यानी पतरस) ते यहून्ना तैनेई अनुग्रहेरू तैन वरदान पिशानू जैन मीं मैलोरू थियू। तैनेई अवं ते बरनबास साथी सेमझतां ते असन सेइं हथ मिलेइतां राज़ी भोए। कि अस गैर कौमन मां खुशखबरी प्रचार केरम, ते तैना यहूदीन मां। 10 तैनेई असन कां बिनती की, कि अस यरूशलेमेरे गरीब विश्वासी लोकां केरि मद्दत केरम, जैन केरनेरी अवं बड़ी इच्छा केरतो थियो। 11 पन ज़ैखन कैफा (पतरस) अन्ताकिया नगरे मां अव, त मीं सेबभी विश्वासी लोकां केरे सामने तैसेरी खलाफ की ते झाइ दिती, किजोकि जैन तैनी कियोरू थियू तैन गलत थियू। 12 एल्हेरेलेइ कि याकूबेरे पासेरां किछ मँहु केरे एजनेरे पेइले ते गैर कौमां केरे लोकन साथी खातो थियो, पन

जैखन तैना आए, त खतनो कियोरे लोकां केरे डरे सेइं तैन करां हटो ते अलग भोने लव। 13 ते तैस साथी बाकी यहूदी विश्वासी लोकेई भी पाखंड कियूं, इडी तगर कि बरनबास भी तैन केरे संगती मां शामिल भोव। 14 पन जैखन मीं तैन केरो बर्ताव हेरू, कि तैना खुशखबरोरे सच्चरे खलाफ चलतन, त मीं सेबभी केरे सामने कैफा (पतरस) सेइं ज़ोवं, “कि जैखन तू यहूदी भोइतां गैर कौमन केरि जेरि चाल चलतस, न कि यहूदी केरि जेरि, त तू गैर कौमन यहूदी केरे रसमन पुड़ चलनेरे लेइ किजो ज़ोतस?” 15 अस जैना ज़मनेरे यहूदिम, ते पैपी गैर कौमां केरे जेरे नई। 16 फिरी भी इन सेमझतां कि मैन्हु मूसेरे कानूनेरे कम्मन सेइं नई, पन सिर्फ यीशु मसीह पुड़ विश्वास केरने सेइं धर्मी भोते, असेईं एप्पू भी मसीह यीशु पुड़ विश्वास कियो, कि अस मूसेरे कानूनेरे कम्मन सेइं नई पन यीशु मसीह पुड़ विश्वास केरने सेइं धर्मी भोए, किजोकि मूसेरे कानूनेरे कम्मन सेइं कोई धर्मी न भोलो। 17 किछ यहूदी सोचतन कि असेईं पाप कियो, किजोकि असेईं धर्मी भोनेरे लेइ कानून मन्नेरे बदले सिर्फ मसीह पुड़ विश्वास कियोरो, त कुन मसीहे अस पापी बनाए, नई, कधी नई। 18 किजोकि जैन किछ मीं बछोडू, अगर तैस फिरी बनेइं, त अपनो आप पापी बनाताई। 19 अवं त कानूने सेइं कानूनेरे लेइ मेरि जेव, कि परमेशरेरे लेइ ज़ीई। 20 अवं मसीह सेइं साथी क्रूसे पुड़ चढ़ोरोई, ते हुनी ज़ीतो न राव, पन मसीह मीं मां ज़ीतोए, ते अवं जिसमे मां हुनी ज़ीतोई, त सिर्फ तैस विश्वासे सेइं ज़ीतोई, जै परमेशरेरे मट्टे पुडे, जैने मीं सेइं प्यार कियो, ते मेरे लेइ अपनि जान दिती। 21 अवं इस गल्लरो इन्कार न केरि कि परमेशर अपने अनुग्रहे सेइं बचाते, किजोकि अगर कानून मन्ने सेइं लोक धर्मी भोथे, त मसीहे मरनेरी कोई ज़रूरत न थी।

**3** हे बेसमझ गलातियारे लोकव, केने तुस टरे लाए? तुश्शे त मना तुश्शे सामने यीशु मसीह क्रूसे पुड़ चढ़ो! 2 अवं तुसन सिर्फ ई सवाल पुछनो चाताई, कि तुसेईं पवित्र आत्मा कुन कानून मन्ने सेइं हासिल कियो? बिलकुल भी नई, तुसेईं खुशखबरी शुनी ते तैस पुड़ विश्वास कियूं ते पवित्र आत्मा हासिल की। 3 कुन तुस एरे बेसमझथ, कि पवित्र आत्मारै रीति पुड़ शुरू केरतथ ते जिसमेरे रीति पुड़ खतम केरेले? 4 कुन तुसेईं सब दुःख बेफैइदो झैल्ले? अवं उमीद केरताई बेफैइदो नई। 5 एल्हेरेलेइ जै तुसन पवित्र आत्मारू दान बडू जादे देते ते चमत्कार केरते, कुन तै कानून मन्नेरे वजाई सेइं एन केरते या तुसेईं खुशखबरी शुनी ते तैस पुड़ विश्वास कियो? 6 हुनी अब्राहमेरे बारे मां सोचा “अब्राहमे परमेशरे पुड़ विश्वास कियो ते तै तैसेरेलेइ धार्मिकता गनो जेव।” 7 एल्हेरेलेइ तुसन एन ज़ान्नेरी ज़रूरते कि जैना अब्राहमेरो जेरो परमेशरे पुड़ विश्वास केरनेबालेन तैन्ना हकीकति मां तैसेरी बच्चेन। 8 पवित्रशास्त्रे मां बडू पेइलू इन लिखोरूए, कि परमेशर गैर कौमन विश्वासे सेइं धर्मी बनारो, पेइले अब्राहमे ई खुशखबरी शुनाई, “कि तेरे ज़िरिये सेबभी कौमन बरकत मैलेली।” 9 ते जैना अब्राहमेरो

जेरो परमेशरे पुड़ विश्वास केरतन, परमेशर तैन सेबभन बरकत देते जैना मसीह पुड़ विश्वास केरतन जेन्नेरे तैनी अब्राहमे बरकत दिती। 10 एल्हेरेलेइ जैना लोक सोचतन कि तैना मूसेरो कानून मेन्तां धर्मी बनाए गाले, तैन पुड़ परमेशरेरी लानते, किजोकि मूसेरे कानूने मां लिखोरूए, “कि जै कोई कानूने मां लिखोरे सब कानूनेरे मुताबिक न चले, तैस पुड़ परमेशरेरी लानते।” 11 ई गल साफे, कि मूसेरे कानून सेइं परमेशरे कां कोई मैन्हु धर्मी न भोए, “किजोकि जै मैन्हु परमेशरे पुड़ विश्वास केरते, परमेशर तैस धर्मी ठहराते ते तैस हमेशारी ज़िन्दगी मैलतीए।” 12 पन मूसेरे कानूनेरो विश्वासे सेइं कोई वासतो नई; पन “जै तैन मन्नेलो, तै तैन मन्ने सेइं ज़ीतो रालो।” 13 मसीहे जै इश्शे लेइ लानती बनो, तैने अस कीमत देइतां कानूनेरे लानती करां छुटाए किजोकि पवित्रशास्त्रे मां लिखोरूए, “जै कोई क्रूसे पुड़ टंगो गालो तै लानतीए।” 14 मसीहे एन एल्हेरेलेइ कियूं कि गैर कौमां तैसेरे ज़िरिये तैना सैरी बरकतां हासिल केरन, जैन केरो वादो परमेशरे अब्राहमे सेइं कियोरो थियो, ते मसीह पुड़ विश्वास केरने सेइं अस पवित्र आत्मा हासिल केरम, जेसेरो वादो तैने कियोरोए। 15 हे ढूलाव ते बेइनव, अवं आम ज़िन्दगीरी मिसाल देने लोरोई, जैखन दूई मैन्हु केरो करार जै पक्को भोते, त न कोई तैस टालते ते न तैस मां किछ बढ़ाते। 16 ते सारे वादे परमेशरे अब्राहमे ते तैसेरे खानदाने दिते; पवित्रशास्त्र इन न जोए, “कि वंशां,” कि बड़ां केरे बारे मां ज़ोवं, पन एक्की मैनेरे बारे मां ज़ोवं “कि तेरू वंश इन, ते तै मसीहे।” 17 मेरे ज़ोनेरो मतलब ई आए, परमेशरे अब्राहमे सेइं करार केरनेरां बाद 430 सालन पत्ती मूसे कानून दितो (ताके तैस करारे पक्को केरे), पन अस न जोई बटन कि परमेशरेरो करार टलुटो, तैए करार पक्कोए, तैए तैस पूरो केरेलो। 18 किजोकि परमेशर असन अपनि बरकत एल्हेरेलेइ न दे कि अस मूसेरे कानूनेरे मुताबिक चलतम, पन तै एल्हेरेलेइ देते कि तैनी वादो कियोरोए, परमेशरे अपने अनुग्रहे सेइं अब्राहमे बरकत दिती, किजोकि तैनी पेइलो वादो कियोरो थियो। 19 तैखन, फिरी कानूनेरो कुन मकसद थियो? तैन त पापां केरे वजाई सेइं बादे मां दित्तू, ताके तैसेरे वंश मसीहेरे एजने तगर राए, जैस सेइं वादो कियोरो थियो, परमेशरे स्वर्गदूतां केरे ज़िरिये मूसे कानून दितो, जै परमेशर ते लोकां केरि बिचवाई केरनेबालो थियो। 20 परमेशरे एप्पू अब्राहमे सेइं वादो कियो। एल्हेरेलेइ हुनी बिचवाई केरनेबालेरी कोई ज़रूरत नई। 21 कुन कानून परमेशरेरे वादां केरे खलाफे? नई, कधी नई! किजोकि अगर एरो कानून दितो गाथो जै हमेशारी ज़िन्दगी देइ बटेथो, त सच्चे धार्मिकता कानून मन्ने सेइं भोथी। 22 पन पवित्रशास्त्रे ज़ोते दुनियारे सब लोक पापेरे अधीन आन, ताके तै वादो जेसेरी बुनीयाद यीशु मसीह पुड़ विश्वास केरनोए, तैस पुड़ विश्वास केरनेबालां केरे लेइ पूरो भोए। 23 पन इस करां पेइले कि लोक मसीह पुड़ विश्वास केरन, मसीहेरे एजने करां पेइले अस यहूदी कैदे मां थियो कानून इश्शी रखवाली केरतो

थियो। ते तैस विश्वासे एजने तगर जै बांदो भोनेबालो थियो, अस तैसेरे बन्धने मां रहम। 24 एल्हेरेलेइ कानून मसीह तगर पुजानेरे लेइ असन बत हिरानेबालो ते स्मभालने बालो भोव, कि अस यीशु मसीह पुइ विश्वासे केरने सेइं परमेशरेरे सामने धर्मी भोम। 25 पन जैखन मसीह अव ते असेई विश्वास कियूं, त असन ज़रूरत न पेई, कि कानून बत हिराए ते मद्दत केरे। 26 किजोकि तुस सब विश्वास केरने सेइं जै मसीह यीशु पुडे, परमेशरेरे बच्चेथ। 27 ते तुसन मरां जेजेइं मसीह मां अक भोनेरे लेइ बपतिस्मो नीयो, तुसेई मसीहेरी नर्वीं जिन्दगी तेन्चरे लाई जेन्चरे लिंगडां लातन। 28 हुनी मसीह मां कोई फर्क नई, चाए कोई यहूदीए या गैर यहूदीए, गुलामे या आज़ाद। कोई फर्क नई मड्डे या कुआन्शे, अस यीशु मसीह मां सब बराबर आम। 29 किजोकि तुस मसीह सेइं साथी अक आथ, त अब्राहमेरे बच्चेथ, ते परमेशरेरे वादेरे मुताबिक बरकतां केरे वारस भी आथ।

**4** अवं मिसाल देइतां ज़ोताई, कि वारस ज़ांतगर बच्चोए, अगर तै सेबभी चीज़ां केरो मालिके, फिरी भी तैस त कने गुलामे मां कोई फर्क नई। 2 पन बाजी केरे ठहरावरे वक्ते तगर सुमालने बालां ते भेन्डेरी केरे हेरगेशीं मां रहते। 3 तेन्चरे अस भी जैखन बच्चां केरे जेरे थिये, त दुनियारे रीति रूवाजां ते कानूनेरे गुलाम थिये। 4 पन जैखन ठीक वक्त अव, त परमेशरेरे अपनू मट्टू दुनिया मां भेजू, जैस एककी कुआन्शां ज़र्म दित्तू, तैन यहूदन मां ज़र्म ते तैनी कानून मन्यो। 5 ताके तैन छुटाए ज़ैना मूसेरे कानूनेरे अधीन थिये, ते असन तैसेरे बच्चे भोनेरो अधिकार मैल्ले। 6 ते तुस ज़ैना बच्चेथ, एल्हेरेलेइ परमेशरेरे मट्टेरी आत्मा इश्शे दिले मां भेजोरीए, जै आत्मा, “हे बैपू, हे बाजी,” ज़ोती। 7 एल्हेरेलेइ हुनी तू गुलाम नई, पन परमेशरेरो बच्चोस, ते ज़ैखन परमेशरेरो बच्चोस, त तीं तैन सब मैलेलू ज़ेसेरो वादो परमेशरेरे अपने बच्चन देनेरो वादो कियोरोए। 8 ज़ैखन तुस परमेशर न थिये ज़ानते, त तुसन तैन केरे गुलाम थिये, ज़ैना हकीकति मां ईश्वर अथ्थी नई। 9 पन हुनी तुश्शो रिश्तो परमेशर सेइं आए, ते तुसेई तै ज़ानो बल्के परमेशरेरे अस कबूल किये, ते तैन कमज़ोर ते निक्केमी पेइली गल्लां केरे पासे किजो गातथ, कुन तुस तैन केरे दुबारा गुलाम भोने चातथ? 10 मीं शुनेरूपे कि तुस गैर कौमां केरे विश्वासी, यहूदी केरे दिहाइन ते महीन्न ते खास वक्ते ते सालां केरे तिहारन मन्तथ, इन सोचतां कि परमेशर खुश भोते। 11 अवं तुश्शू एन केरनेरे वजाई सेइं परेशान आई, कि एरु न भोए, कि जै मेहनत मीं तुश्शे लेइ कियोरीए तै बेफैइदी भोए। 12 हे ढूलाव ते बेइनव, अवं तुसन कां बिनती केरताई, तुस अपने आपे यहूदी केरे कानूने करां आज़ाद केरा, किजोकि मीं अपनो आप आज़ाद कियोरोए जेन्चरे तुस गैर कौमरे लोक पेइले आज़ाद थिये, तुस पेइले मेरे सामने बडे रोडे थी। 13 तुसन याद भोलू, ज़ैखन अवं पेइली बार खुशखबरी शूनाने तुसन कां अव त अवं बिमार थियो। 14 ते मेरी जिसमानी हालत ज़ै तुश्शे आजमैइशरी वजा थी, तुसेई अवं घटिया न समझो ते तुसेई

दूर न कढो बल्के एन्चरे कबूल कियो जेन्चरे परमेशरेरो दूत या यीशु मसीह एप्पू। 15 ते तुश्शी तै खुशी मनानी कोरां जेई? अवं सच्चे ज़ोई बटताई, तुस मेरे लेइ सब किछ बलिदान केरनेरे लेइ तियार थिये, इडी तगर कि अपनि एछ्छी भी। 16 ते कुन तुसन सेइं सच ज़ोनेरे वजाई सेइं अवं तुश्शो बैरी भोरोई। 17 तैना झूठे उस्ताद तुसन दोस्त बनानो त चातन, पन रोडी नीती सेइं नई, बल्के तुसन अलग केरने चातन, कि तुस तैन केरे चेले बना। 18 जोशे मां भोनू रोडूए, कि रोडी गल्लन मां हर वक्त दोस्त बनानेरी कोशिश की गाए, सिर्फ तैस वक्ते नई ज़ैखन अवं तुसन सेइं साथी राताई। 19 हे मेरे बच्चव, ज़ांतगर तुसन मां मसीहेरू रूप न बने, तांतगर अवं तुश्शे लेइ ज़र्म देने बैली कुआन्शे जेरे तकलीफी मां राताई। 20 अवं त चाताई कि हुनी तुसन कां एइतां मिट्टी ज़बाना गल केरि, किजोकि मेरी समझी मां न एज्जे कि अवं तुसन सेइं कुन केरि। 21 तुस ज़ैना मूसेरे कानूनेरे अधीन भोने चातथ, मीं ज़ोतथ, कुन कानूनेरी गल्लां शुन्नेरे लेइ तियार नई? 22 तैस मां इन लिखेरूपे, कि अब्राहमेरां दूई मट्टां थियां; अक गुलाम कुआन्शरू, ते अक ज़ै आज़ाद थी तैसेरू। 23 पन ज़ैन गुलाम कुआन्शरू भोव, तैन आम बच्चां केरू जेरू ज़र्मू, ते ज़ैन आज़ाद कुआन्शरू भोव, तैन परमेशरेरे वादेरे मुताबिक ज़र्मू। 24 इना दूई कुआन्शां परमेशरेरे दूई करारां केरे रूपे मां कम केरतिन। पेइली कुआन्श हाजिरा सीनै पहाड़े हिराती जैडी लोकन कानून मैल्लो, ज़ैन तैन गुलाम बनातू थियूं। 25 हाजिरा मना अरबेरू सीनै पहाड़ेरी जेरी आए, जेसेरी तुलना मौजूद यरूशलेम सेइं केरोतीए, किजोकि तैन अज़ अपने बच्चन यानी अपने लोकन समेत गुलामी मांए। 26 पन बेयूं यरूशलेम अब्राहमेरे कुआन्श सारारू जेरूए, ते तैसेरे बच्चे गुलाम नई। इन यरूशलेम इश्शे लेइ इश्शे अम्मारू जेरू आए ज़ैसां विश्वास कियो। 27 किजोकि पवित्रशास्त्र ज़ोते, “हे बाँझ, तीं ज़ैसां कथे बच्चे नई ज़ावरे, खुश भो, तीं ज़ैस बच्चो ज़ानेरी तकलीफ नई भोरी; आवाज़ उच्ची केर ते जयजयकार केर, किजोकि शेरोरारी औलाद सुहागनी करां भी जादे।” 28 हे ढूलाव ते बेइनव, तुस अब्राहमेरे मट्टे इसहाकेरे जेरे आथ, ज़ैन परमेशरेरे वादेरे मुताबिक ज़र्मू, अस भी परमेशरेरे वादेरे मुताबिक तैसेरे बच्चे बने। 29 ते जेन्चरे तैस वक्ते ज़ै बच्चो आम बच्चां केरो जेरो ज़मोरो थियो, तैस सतातो थियो ज़ै परमेशरेरे आत्मार मुताबिक ज़मोरो थियो, तेन्चरे अज़ भी अस तैन करां सताव झैल्लतम ज़ैना कानून मेन्तां परमेशरेरे सामने धर्मी भोनू चातन। 30 पन पवित्रशास्त्र कुन ज़ोते? “गुलाम कुआन्शी ते तैसेरे मट्टे कढ, किजोकि गुलाम कुआन्शरू मट्टू आज़ादेरे मट्टे साथी वारस न भोलू।” 31 एल्हेरेलेइ हे ढूलाव ते बेइनव, अस गुलाम कुआन्शरे बच्चे नई, ज़ै कानूने, बल्के आज़ाद कुआन्शरां बच्चेम, ज़ै विश्वासे।

**5** मसीहे अस आज़ाद कियोरेम हुनी असन गुलामेरू जेरू यहूदी केरू कानून मन्नेरी ज़रूरत नई, अपने एस ऐज़ेदी मां बनोरे राथ, ते दुबारा अपने आपे कानून मन्नेरे गुलाम भोनेरे लेइ न

देथ। 2 हेरा, अवं पौलुस तुसन सेइं ज़ोताई, अगर परमेशररे सामने धर्मी भोनेरे लेइ खतनो कराले, फिरी जैन मसीहे कियोरू तैसेरो तुसन कोई फैइदो न भोलो। 3 फिरी भी अवं हर एककी सेइं ज़ोताई ज़ै इस उमीदी सेइं खतनो कराते कि परमेशररे सामने धर्मी भोए, तैस कानूनरो हर हुकम मननो पेनोए। 4 तुस ज़ैना कानून मेन्तां धर्मी भोने चातथ, तुसेईं अपनी आप मसीह करां अलग कियो ते परमेशररो अनुग्रह कबूल केरने करां इन्कार कियो। 5 अवं इन ज़ोई बटताई, किजोकि असन पवित्र आत्मारें तरफां पुरो भरोसो कि परमेशर असन धर्मी कबूल केरेलो किजोकि अस मसीह पुड़ विश्वास केरतम। 6 ते मसीह यीशु मां न खतनो, न बगैर खतनो किछ कम्मरोए, पन सिर्फ विश्वास ज़ै प्यारे सेइं अस्सर केरते। 7 तुस त रोड़ी दौड़ लोरे थिये दौड़ने, तुस केनि रोके, कि सच्चे न मनथ। 8 एरी शिखर तुसन परमेशर नई दित्तोरी ज़ैने तुस अपने बच्चे भोनेरे लेइ कुजोरेथ। 9 झूठी शिक्षा थोड़े ज़ेरे खमीरीरी ज़ेरी ज़ैन सारे सोन्नेरे अट्टे खमीर केरते। 10 अवं प्रभु पुड़ भरोसो रखताई, कि तुसन झूठी शिक्षा पुड़ विश्वास केरने करां दूर रखे; पन ज़ै तुसन परेशान केरते, तै कोई कि न भोए परमेशर तैस सज़ा देलो। 11 पन हे ढूलाव ते बेइनव, अगर अवं लोकन प्रचार केरतो भोथो कि खतनो केरनो ज़रूरीए, त स्ताव न गाथो। अगर अवं ई प्रचार न केरतो राथो कि मुक्ति सिर्फ मसीहेरे क्रूसे सेइं, त फिरी केन्ची ठोकर न लगेथी। 12 रोडू भोथू कि ज़ैना तुसन टपलातन, तैना अपनो अंग कतेथे। 13 हे ढूलाव ते बेइनव, तुस आज़ाद भोनेरे लेइ कुजोरेथ पन एरू न भोए, कि ई आज़ादी जिसमानी कम्मां केरे लेइ मौको बने, बल्के प्यारे सेइं एककी होरेरे सेवक बना। 14 किजोकि सारो कानून इस्से एककी गल्ली मां पुरो भोइ गाते, “कि तू अपने पड़ोसी सेइं अपनी ज़ेरो प्यार केर।” 15 पन अगर तुस एककी होरि सेइं लटते ते तंग केरते राथ, त खबरदार राथ, एककी होरिरी बरबादी केरेले। 16 पन अवं ज़ोताई, पवित्र आत्मारें चलाने सेइं चलेले, त तुस जिसमेरी खुवैइशां कधी पूरी न केरेले। 17 किजोकि जिसम पवित्र आत्मारें खलाफे, ते पवित्र आत्मा जिसमेरे खलाफ खुवैइश केरते, ते इना एककी होरेरे दुश्मन आन; एल्हेरेलेइ ज़ैन तुस केरनू चातथ तैन न केरि बटथ। 18 ते अगर तुस पवित्र आत्मारें चलाने सेइं चलतथ त कानूनरे अधीन न राए। 19 जिसमेरां कम्मां बांदन, मतलब बदमाशी, गंदा कम्मां, चपलूसी। 20 मूरती केरि पूजा, टूनो, बैर, लड़ाई, जलन, सरक, खलाफत, फसाद, विधर्म। 21 नफरत, नशो केरनो, नाच, ते इन केरे ज़ेरां होरां भी कम्मां आन, ज़ैन केरे बारे मां अवं तुसन पेड़लू ज़ोताई, ज़ेन्चरे पेड़लू भी ज़ोवरूए, कि एरां कम्मां केरनेबाले परमेशररे राज़ेरे वारस नई भोने। 22 पन पवित्र आत्मारो फल प्यार, आनन्द, शान्ति, सबर, ते दया, भलाई, विश्वास, 23 नम्रता, ते बरदाश केरनू; एरां कम्मां केरे खलाफ कोई कानून नई। 24 ते ज़ैना मसीह यीशु मां आन, तैनेईं जिसम तैसेरे खुवैइशन सेइं साथी क्रूसे पुड़ चाढ़ोरोए। 25 अगर

पवित्र आत्मां असन नर्वीं ज़िन्दगी दित्तोरीए, त पवित्र आत्मारें मुताबिक चलम भी। 26 अस घमण्ड न केरम, अस एककी होरि न सरकाम, ते एककी होरि सेइं न जलन केरम।

6 हे ढूलाव ते बेइनव, अगर तुसन पतो चले कि केन्चे कोई पाप कियोरोए, त तुस ज़ैना पवित्र आत्मारें चलाने सेइं चलतथ, तैस बड़े नेरमी सेइं वापस धार्मिकतारे बत्तां वापस एजनेरी लेइ मदत केरा, ते अपनो भी खियाल रखा, कि तुस भी तैस्से अज़मैइशी मां न पेथ। 2 तुस एककी होरिरी मुशकलन मां मदत केरा, ते एन्चरे मसीहेरो कानून पुरो केरा। 3 अगर कोई अपने आपे खास मैन्हु समझे ते तै सच्चे न भोए, त तै अपने आपे धोखो देते। 4 पन हर कोई अपने कम्मे परखे, ते तैखन तैस होरि केरे बारे मां नई पन अपने बारे मां घमण्ड केरनेरो मौको भोलो। 5 किजोकि हर कोई मैन्हु अपनो भार छूलो। 6 ज़ैन वचनेरी शिक्षा मैलतीए, तैना सब रोड़ी चीज़न मां शिखालेबाले शामिल रखन। 7 धोखो न खाथ, परमेशर ठाठन मां न उड़ाव गाए, किजोकि मैन्हु ज़ैन किछ बेते, तैन्ने कटेलो। 8 किजोकि ज़ै अपने जिसमेरे लेइ बेते, तै जिसमे सेइं विनाशरी फसल कटेलो; ते ज़ै आत्मारें लेइ बेते, ते आत्मा सेइं हमेशारी ज़िन्दगरी फसल कटेलो। (aiōnios g166) 9 अस रोड़ां कम्मां केरने मां हिम्मत न हारम, किजोकि अगर अस हार न मनमेले त परमेशर अपने वक्ते पुड़ असन इनाम देलो। 10 एल्हेरेलेइ ज़ैडी तगर मौको मल्ले सेबन सेइं भलाई केरा; खास केरतां मसीही लोकन सेइं। 11 हेरा, मीं केत्रे बडे-बडे लफसन मां तुसन अपने हथथे सेइं लिखोरूए। 12 जेत्रे लोक यहूदन खुश केरने चातन तैना तुसन खतनो कराने लेइ ज़ोतन। तैना एन केरतन कि लोक प्रचार केरनेरे लेइ तैन न स्तान कि परमेशर लोकन सिर्फ एल्हेरेलेइ बचाते कि तैना विश्वास केरतन कि मसीह क्रूसे पुड़ मरोए। 13 किजोकि खतनो करानेबाले एप्पू भी सेबमी कानून पुड़ न चलन, पन तैना चातन तुस खतनो कराथ, ताके तैना होरि यहूदी केरे सामने घमण्ड केरनेरे काबल भोन, कि तुसेईं तैन केरे वजाई सेइं खतनो कियोरोए। 14 पन मेरे लेइ इने, अगर अवं घमण्ड केरि त सिर्फ इश्शे प्रभु यीशु मसीह पुड़ ज़ै इश्शे लेइ क्रूसे पुड़ मरो। किजोकि तैसेरे मरने सेइं अवं हुनी दुनियारे चीज़ां केरि इच्छां केरो गुलाम न राव, ते तैन मीं पुड़ राज़ केरनेरी कोई शक्ति नई। 15 किजोकि न खतनो, ते न खतनो न भोनो ज़रूरीए, पन ज़रूरी इने, कि परमेशरें तुस पवित्र आत्मारें कम्मरे ज़िरीरे अक नर्वीं इन्सान बनोरेथ। 16 परमेशर तैन सेबन अपनि शान्ति देलो ते तैन बरकत देलो ज़ैना इस नियमं मन्तन, तैना परमेशरें लोक आन। 17 अग्रोवं जो कोई मीं दुख न दे, किजोकि मेरे जानी पुड़ ज़ैना दाग आन तैना हिरातन कि अवं यीशु मसीहेरो दास आई। 18 हे ढूलाव ते बेइनव, इश्शे प्रभु यीशु मसीहेरो अनुग्रह तुसन पुड़ भोए। आमीन।



# इफिसियों

**1** अवं पौलुस परमेशेरी मेर्जी सेइं यीशु मसीहेरो प्रेरित आई। अवं तुसन जैना परमेशेरे लोक आथ ते इफिसुस नगरे मां रातथ ई चिट्टी लिखने लोरोई। 2 इश्शे बाजी परमेशर ते प्रभु यीशु मसीह करां तुसन अनुग्रह ते शान्ति मैलती राए। 3 इश्शे प्रभु यीशु मसीहेरे परमेशर ते कने बाजी केरि बड्याई भोए, इश्शो रिश्तो मसीह सेइं भोनेरे वजाई सेइं तैने असन हर लिहाजे सेइं तैना आत्मिक बरकतां दित्तोरिन, जैना बरकतां स्वर्गों एइतिन। 4 जेन्चरे तैने अस दुनिया बनानेरे पेइली मसीह मां चुने, कि अस तैसेरी नज़री मां प्यारे मां पवित्र ते बेइलज़ाम भोम। 5 किजोकि परमेशरे असन सेइं प्यार कियो, तैनी बडे पेइले ई फैसलो कियोरो थियो कि तै असन यीशु मसीहेरे ज़िरिये अपने बच्चां केरे रूपे मां गोद ने, किजोकि तै इन केरनु चातो थियो। 6 अस परमेशेरे अनुग्रहेरे लेइ तैसेरी बड्याई केरतम, जै तैने असन मुफते मां दित्तो, किजोकि इश्शो रिश्तो तैसेरे दलारे मट्टे सेइं आए। 7 परमेशेरे बडे अनुग्रहेरे मुताबिक मसीहेरे खून बगाने सेइं असन छुटकारो मैल्लो, मतलब इश्शे पाप माफ़ भोए। 8 जै तैनी सारे ज्ञान ते समझ सेइं साथी असन पुइ बडो जादे कियो। 9 कि तैने अपनि मेरज़रो भेद, अपने रोडे इरादेरे मुताबिक असन पुइ बांदो कियो, जै तैने पूरो केरनो थापोरो थियो। 10 परमेशेरे ठहरावरे वक्ते पुइ ते स्वर्ग ते धरतरी चीज़न साथी आनेलो ते मसीह तैस पुइ राज़ करालो। 11 मसीह सेइं इश्शो रिश्तो भोनेरे वजाई सेइं परमेशरे अस चुने, तैन हासिल केरनेरे लेइ जेसेरो वादे तैने असन देनेरे लेइ कियोरो थियो। इन बिलकुल तेन्चरे भोव जेन्चरे तैनी बडे पेइलू पूरू केरनु थापेरू थियूं ते इच्छा कियोरी थी। 12 अस यहूदी पेइले लोक आम जैनेई मसीह पुइ उमीद रखोरि थी, ते अस चुने जे, ताके परमेशेरे महिमारी स्तुति केरि बटम। 13 ते तुस भी मसीह सेइं शामिल भोए ज़ैखन तुसेईं सच्चू वचन शुनू, जै खुशखेबरां तुश्शे लेइ मुक्ति आनी, ज़ैखन तुसेईं विश्वास कियो परमेशरे तुसन पुइ अपनि छाप लाई, ई छाप पवित्र आत्मा आए, जै तैनी असन दित्तो, जेसेरो वादो तैनी कियोरो थियो। 14 पवित्र आत्मा भी छुटकारेरे सैयरो जेरो आए, जै पक्कू केरते कि परमेशरे असन तै विरासत देलो जेसेरो तैनी वादो कियोरोए, ते तैनी अस अपने लोकां केरे रूपे मां धिनोरेम, ताके तैसेरे महिमारी बड्याई भोए। 15 एल्हेरेलेइ, जेइसेरू मीं शुनेरूए कि तुस प्रभु यीशु पुइ विश्वास केरतथ ते परमेशेरे सेबभी लोकन सेइं प्यार केरतथ, 16 तुश्शे लेइ परमेशेरेरू शुक़ केरनु न शैरी, ते अपने प्रार्थनान मां तुसन याद केरताई। 17 अवं प्रार्थना केरताई कि परमेशर, इश्शे प्रभु यीशु मसीहेरे महिमा बाले बाजी, तुसन पवित्र आत्मा दे, तै तुसन अक्लमन्द बनालो ते परमेशरे तुसन पुइ बांदो केरेलो, ताके तुस तैस पिशैनी बटथ। 18 अवं ई भी प्रार्थना केरताई कि तै तुश्शे मने खोलेलो, कि तुस बुझथ कि इश्शे कुजानेरी कुन

उमीद आए, ते केत्री महान ते महिमा बैली बरकतां केरे लेइ परमेशरे अपने लोकन जो वादो कियोरोए। 19 ते तैसेरी शक्ति इश्शे लेइ जैना अस विश्वास केरतम, केत्री महाने, तैसेरी शेक्ते कम्मरे मुताबिक, 20 जैन तैनी मसीहेरे बारे मां कियूं, कि तैस मुइदन मरां जींते केरतां स्वर्ग मां अपने देइने पासे बिशालो। 21 तैड़ी ते हर किसमेरी हकौमत, ते अधिकार, ते शक्ति, ते प्रभुता, ते तैसेरी पदवी हर एक्के अधिकैरी करां तै महान आए, जैना न सिर्फ़ इस जहानी मां, पन एजनेबाले जहानी मां भी आए। (aiōn g165) 22 ते परमेशरे सब किछ मसीहेरे अधिकारे मां कियूं, तैनी सेबभी चीज़न पुइ अधिकारी बनेइतां कलीसिया दित्तो। 23 कलीसिया मसीहेरी जान आए, ते तैसेरी भरपूरी जै सेबबन मां सब किछ पूरू केरतीए।

**2** बीतोरे वक्ते मां परमेशेरे तरफां तुसन कां नव्वीं ज़िन्दगी न थी; तुस अपने पाप ते बुरे कम्मां केरे वजाई मरोरे लोकां केरे जेरे थियो। 2 तैस वक्ते तुस दुनियारे रीति पुइ चलते थियो, ते तुस अम्बरेरे दुष्ट आत्मा केरे अधिकैरी मुताबिक चलते थी, जेसेरी आत्मा हेजु भी परमेशेरे हुकम न मन्नेबाले लोकां केरे मन्न मां कम केरती। (aiōn g165) 3 एन मां अस भी सब पेइले अपने जिसमेरे खुवैइशन मां दिहाड़े कटते थी, ते जिसम, ते मनेरी मर्जी पूरी केरते थी, ते होरि लोकां केरे जेरे स्भाव सेइं बुरे थियो ते परमेशेरे सज़ारे अधीन थियो। 4 पन परमेशर जै बडो दया केरनेबालोए; अपने तैस बडे प्यारे सेइं, जैस सेइं तैने असन सेइं प्यार कियो। 5 ज़ैखन अस पापां केरे वजाई सेइं मरे लोकां केरे जेरे थियो, तैनी असन ज़िन्दगी दित्ती ज़ैखन तैनी मसीह मुइदन मरां जींते कियो, परमेशेरे अनुग्रहे सेइं तुसन मुक्ति मैलोरीए। 6 किजोकि तैनी अस मसीह सेइं साथी मुइदन मरां जींते कियो, ते स्वर्गे ठैरन मां तैस सेइं साथी बिशाले। 7 परमेशरे एन कियूं कि एजनेबाले वक्ते मां दुनियारे लोकन हिराए कि तैसेरो अनुग्रह केत्रो महान आए। ई अनुग्रह इश्शे लेइ हिराव, तैने इश्शे लेइ एन कियूं जैना अस यीशु मसीह मां आम। (aiōn g165) 8 किजोकि विश्वासेरे ज़िरिये परमेशेरे अनुग्रहे सेइं तुसन मुक्ति मैलोरीए, ते तुसेईं अपनो आपे एप्पू नई बचावरो बल्के परमेशेरे दाने सेइं तुस बचोरेथ। 9 ते भले कम्मन सेइं नई, एरू न भोए कि कोई घमण्ड केरे। 10 किजोकि अस परमेशेरे बनोरेम; ते मसीह यीशु मां तैन भले कम्मां केरे लेइ पैदा कियोरेम, जैना परमेशरे पेइले इश्शे केरनेरे लेइ तियार करां। 11 एल्हेरेलेइ याद केरा, कि तुस जैना ज़रमनेरे गैर कोमरेथ, ते खतनो कियो लोक तुसन जो बगैर खतने बाले ज़ोतन। 12 तुस लोक तैस वक्ते मसीह न थियो ज्ञानते, ते तुस परमेशेरे चुनोरे इस्पाएली लोक न थियो, ते तुस तैन रोडी चीज़न मां हिस्सेदार न थियो जैन केरो वादो परमेशरे यहूदी लोकन सेइं कियोरो थियो, ते न उमीद ते दुनियाई मां परमेशरे करां दूर थियो। 13 पन अक वक्त थियो कि तुस परमेशरे करां दूर थियो, पन हुनी यीशु मसीह मां तैसेरे खून सेइं नेडे आनोरेथ। 14 किजोकि मसीहे इश्शो मेले कराव, तैने यहूदी ते

गैर यहूदी दुइये अक केरे, ते अलग केरनेबाली दिवार जै मझाटे थी, डोली। 15 मसीहेरे क्रूसेरे मौतरी वजाई सेइं, तैनी कानूनेरे सारे नियम पूरे तरीके सेइं खतम किये। मसीहेरो एरो केरनेरो मकसद ई थियो कि दूई टोली केरि अक नर्व्वी टोली बनाए, जै तैस सेइं जुडोरी भोए। 16 मसीहेरे क्रूसेरी मौतरे ज़िरिये, तैनी दूई टोली अक की, ते परमेशरे सेइं तैन केरो मेल कराव, एन्चरे यहूदी ते गैर यहूदी केरि दुश्मनी खतम की। 17 ते मसीहे एइतां तुस गैर कौमरे लोक जैना परमेशरे करां दूर थिये, ते यहूदी जैना तैसेरे नेडे थिये, दुइयन मेल मिलापेरी खुशखबरी शुनाई। 18 किजोकि मसीहेरे बदौलम अस सारे एक्की पवित्र आत्मार जिरिये बाजी परमेशरे कां एज्जी बटतम। 19 एल्हेरेलेइ तुस गैर कौमां केरे लोक परदेशी ते मुसाफर न राए, पन परमेशरेरे लोकां केरू झुण्ड, ते परमेशरेरे घरानेरे भोए। 20 तुस इमारतरे जेरेथ कि जेसेरी बुनीयाद प्रेरित ते नेबी आन ते यीशु मसीह एप्पू तैसेरे कूनेरो घोडे। 21 जैस मां सारी इमारत साथी मिलतां प्रभु मां अक मन्दर बनती गातीए। 22 तुस गैर कौमरे विश्वासी लोक भी परमेशरेरे होरि लोकन सेइं साथी शामिल किये जे, किजोकि तुस मसीह सेइं साथी अक भोरेथ। ताके तुस अक घर बनथ जैडी परमेशरेरो आत्मा रहते।

**3** किजोकि परमेशरे तुशे गैर कौमां केरे लेइ इन कियोरू, अवं पौलुस तुशे लेइ प्रार्थना केरताई, अवं कैदे मां आई, किजोकि अवं तुशे लेइ यीशु मसीहेरी सेवा केरताई। 2 पक्कू तुसेईं शुनेरूए, परमेशरे अपने अनुग्रहेरे जिरिये तुसन खुशखबरी शुन्नेरी लेइ मीं जिमेवारी दित्तोरीए। 3 परमेशरेरो छप्पोरो मकसद बड़ी पेइलो छपोतो थियो, हालांकी तैनी मीं पुइ बांदो कियो, किछ गल्लां आन जैना अवं तुसन चिट्टेरे जिरिये समझानो चाताई। 4 जैस सेइं तुस पेढतां बुझी बटतथ, कि अवं मसीहेरो तै भेद कोडि तगर समझताई। 5 बीतोरे वक्ते मां परमेशरे ई भेद लोकन पुइ बांदो नई कियोरो, पन हुनी पवित्र आत्मार जिरिये अपने पवित्र प्रेरितन ते नेबन पुइ बांदो कियो। 6 परमेशरेरो मकसद ई आए, खुशखबरेर जिरिये यीशु मसीहे सेइं तैन केरो रिशतो भोनेरे वजाई सेइं गैर कौमां केरे लोक तैस्से विरासती मां हिसेदार भोले, ते तैना तैस्से जानरे अंग आन, जेसेरो वादो परमेशरे यहूदन सेइं कियोरो। 7 परमेशरे अनुग्रह ते बेडि शक्ति सेइं मीं ते खुशखबरेरारी प्रचार केरनेरो लेइ सेवा केरनेरो खास अधिकार दित्तोरीए। 8 चाए अवं परमेशरेरे सेब्भी लोकन मरां निकडे करां निकोडोई। परमेशरे मीं पुइ अनुग्रह कियो, कि अवं गैर कौमन खुशखबरी शुनेई बेटि कि मसीह हमेशारी बरकतां केरो देनेबालोए। 9 अवं इस भेदेरे मकसदेरे बारे ज़ोनेरे लेई चुनोरोई, जै परमेशर हर चीज बनानेबालोए तैनी शुरू करां छप्पोरो रखोरो थियो। (aiōn g165) 10 ताके हुनी कलीसियारे जिरिये सेइं, परमेशेरू बडू ज्ञान, अम्बरेरे तैन प्रधांन ते अधिकैरन पुइ बांदू कियू गाए। 11 परमेशरे दुनिया बनानेरे पेइलो इन्ने थापेरू थियू, जैन तैने इश्शे प्रभु यीशु मसीह मां पूरू कियू। (aiōn g165) 12

किजोकि मसीह पुइ इश्शो विश्वासे, तैसेरे वजाई सेइं अस परमेशरेरी मौजूदगी मां हिम्मत ते भरोसे सेइं साथी एज्जी बटतम। 13 एल्हेरेलेइ अवं बिनती केरताई कि जैना दुःख तुशे लेइ मीं पुइ लोरेन एजने, तैन केरे वजाई सेइं दिलेरी न शैरी, किजोकि इन सब तुशे फैइदरे लेइ आए। 14 एल्हेरेलेइ अवं तैस बाजी परमेशरेरे कां जैधू केरे भारे प्रार्थना केरताई, 15 तैए आए जै स्वर्ग ते धेरती पुइ रानेबाले विश्वासी लोकां केरो बाजी। 16 कि तै अपने महिमारे धनेरे मुताबिक तुसन इन दान दे, कि तुस तैसेरी आत्माई सेइं अपनो एनत्रीयो मैन्हु मां शक्ति हासिल केरतां मजबूत भोते गाथ। 17 ते विश्वासे सेइं मसीह तुशे दिले मां राए, कि तुस प्यारे मां ज़ील छेड़तां ते मुनीयाद छेड़तां, 18 सब पवित्र लोकन सेइं रोडेवारे समझनेरी शक्ति हासिल केरा; कि तैसेरी चौड़ाई, ते लमबाई, ते ऊँचाई, ते दुघार केत्रोए। 19 ते अवं प्रार्थना केरताई कि तुस मसीहेरे तैस प्यारे सेमझी बटतथ जै समझी करां बेडरे, कि तुस परमेशरेरी भरपूरी सेइं भरोते गाथ। 20 हुनी जै एरो शक्ति बालोए, जै इश्शी बिनती ते समझी करां बडू जादे कम केरि बटते, ते तैस शेक्तेरे मुताबिक असन मां कम केरते, 21 कलीसिया मां, ते मसीह यीशु मां, तैसेरी महिमा पीडी करां पीडी तगर हमेशा भोती राए। आमीन। (aiōn g165)

**4** अवं जै प्रभुएरी सेवा केरनेरे वजाई सेइं कैदे मां आई, तुसन कां बिनती केरताई, कि जेन्चरे परमेशरे तुस अपने लोक भोनेरे लेइ कुजेवरेथ, तैसेरे मुताबिक जिन्दगी भी ज़ीथ। 2 मतलब सैरी दीनतां ते नम्रता सेइं साथी, ते सबर केरतां प्यारे सेइं एक्की होरेरी झल्लां। 3 इस कम्मे मां अपनि पूरी कोशिश केरा ताके तुस मेल मिलापे सेइं राथ, किजोकि पवित्र आत्मार जिरिये तुस अक कियोरेथ। 4 अस सारे विश्वासी एक्की जानरे अंगां केरे जेरे आम, ते असन सेब्भन अक्के पवित्र आत्माए मैलोरोए; ते तुसन अक्के उमीद दित्ती, जैखन तुस परमेशरेरे लोक भोनेरे लेइ चुने जे। 5 अक्के प्रभुए जै यीशु मसीहे, जैस पुइ अस सब विश्वास केरतम, ते असेईं सेब्भन अक्के बपतिस्मो मैल्लो। 6 ते अक्के परमेशरे, जै सेब्भी केरो बाजीए, तैए सेब्भन पुइ राज़ केरते ते इश्शे दरमियान कम केरते, ते असन सेब्भन मांए रहते। 7 पन मसीहे असन मरां हर एक्की तैसेरू कम केरनेरे लेइ अलग-अलग किसमेरी काबलीत दित्तोरीए। 8 एल्हेरेलेइ पवित्रशास्त्र ज़ोते, “जैखन ते उच्चे पुइ चाढो, ते तैने बडे कैदी एप्पू सेइं साथी ने, ते तैने लोकन बेडि बरकतां दित्ती।” 9 (तैसेरे उच्चे चढनेरो साफ मतलब ई आए, कि मसीह धेरतेरे बुनीयें ठारन मां ओरो थियो। 10 एल्हेरेलेइ मसीह बुन ओरो थियो, तैए आए जै सैरी अम्बरे करां भी उबरो जेव, मसीहे एन एल्हेरेलेइ कियू ताके सब किछ तैसेरे हजूरी सेइं भरपूर भोए) 11 ते तै मसीहे जैने (कलीसियाई) जिमेवारी दित्ती, तैने किछ प्रेरित किछ नबी, किछ खुशखबरी शुनाने बाले, किछ रखवाले ते किछ उस्ताद चुने। 12 मसीहे अपने लोकन इना जिमेवारी एल्हेरेलेइ दित्तोरिन, कि कलीसिया जै मसीहेरी जाने तरक्की केरे। 13

जैखन कि अस सब विश्वास, ते परमेशररे मट्टेरी पिशानी मां अक भोम, ते ज्ञांतगर अक सिद्ध मैन्हु न भोम ते मसीहेरे कदरे अनदाजे तगर न पुजांम। 14 ताके अस अग्रोंव जो बच्चां केरे जेरे न रहम, जैना मैन्हु केरि ठगनेरी गल्लां ते चलैकी सेइं तैन केरे कोशिशी सेइं खियालां केरि ते शिक्षारी हर एककी बयाने सेइं उछड़ाए, ते इरां उरां घुमाए गाते भोन। 15 बल्के प्यारे सेइं सत्र जोइतां, सेब्भी गल्लन मां मसीहेरे जेरे सिद्ध भोथ जै कलीसियारी क्रोड़ी। 16 जैस सेइं सारी जान सेब्भी जोड़ां केरि मदी सेइं साथी मिलतां, ते साथी जुडतां तैस अस्सरेरे मुताबिक जै सेब्भी हिसन सेइं भोइतां, अपने आपे बढ़ाते, कि तै प्यारे मां तरक्की केरतो राए। 17 एल्हेरेलेइ अव इन ज़ोताई, ते प्रभु मां खबरदार केरताई कि जेन्चरे गैर विश्वासी लोकां केरे लोक अपने मनरे बेकार खियालन पुड चलतन, तुस अजेरे बाद तैन केरे जेरे न चला। 18 किजोकि तैना बेसमझ भोरेन, ते तै अज्ञानतारी वजाई सेइं ते सखत मनरे वजाई सेइं तैना तैस ज़िन्दगी करां दूर आन जै परमेशर देते। 19 ते तैना बेशर्म भोइतां, एशे मां लेगि जे, कि सेब्भी किसमेरां गन्दां कम्मां शोके सेइं केरन। 20 पन तुसन मसीहेरी एरी शिक्षा नईं मैल्लोरी। 21 बल्के मीं पूरु याकीने कि जैखन तुसेईं यीशुपरे बारे मां अपने उस्तादन करां शुन्हु, त तुसेईं तैन करां सच्ची शिक्षा शिखवी। 22 कि तुस पेइले चाल चलनेरे पुरानी इन्सानयती जै टपलाने बैली इच्छां केरे मुताबिक भ्रष्ट भोइ गातीए, खोल्ला। 23 इसेरे बदले पवित्र आत्मा तुशे खियालन ते नज़िरियो बदले। 24 परमेशरे तुसन नव्वों स्वभाव दित्तोरौए, जै तैसेरे स्वभावेरे जेरो आए। त तुस नव्वें स्वभावेरे जेरे ज़ीथ। सच्चे तुस धर्मी ते पवित्र भोथ। 25 एल्हेरेलेइ झूठ जॉन् शेरतां हर कोई अपने पड़ोसी सेइं सत्र जोए, किजोकि अस एप्पू मांमेइं एककी जानेरे अंग आम। 26 अगर तुस क्रोधे मां भोथ खबरदार राथ, कि पाप न केरथ, दिहाड़ो डुबने तगर तुशे क्रोध मुक्की गाए। 27 ते शैताने मौको न देथ कि तै तुशेरी अज़मैइश केरे। 28 चोरी केरनेबालो फिरी चोरी न केरे; बल्के इमानदेरी सेइं अपने हथ्यन सेइं मेहनत केरे; एल्हेरेलेइ जैस ज़रूरत भोए तैस देनेरे लेइ तैस कां किछ भोए। 29 कोई गन्दी गल तुशे ज़बाना न निस्से, पन ज़रूरतरे मुताबिक तैने ज़ोथ, जैन होरि केरे लेइ विश्वासे मां मज़बूती सेइं बद्धनेरी वजा भोए। तैखन जैन तुसेईं ज़ोवं तैन लोकां केरे लेइ रोडू भोलू जैना तुशेरी शुन्तन। 30 ते जैन किछ तुस केरथ तैसेरे वजाई सेइं परमेशररे पवित्र आत्मा दुखी न केरा, जैस सेइं तुसन पुड छुटकारेरे दिहाड़े लेइ छाप दित्तोरौए। 31 सेब्भी किसमेरी टलइठार ते प्रकोप, ते क्रोध, सखत गल, ते तुहीन ते सारो बैर-भाव सेइं तुस दूर कियोरेथ। 32 ते एककी होरि पुड दया केरा, ते माफ़ केरनेबाले भोथ, ते जेन्चरे परमेशरे मसीह मां तुशे पाप माफ़ किये, तेन्चरे तुस भी एककी होरेरे पाप माफ़ केरा।

**5** एल्हेरेलेइ तुस परमेशररे बच्चेथ जैन सेइं तै प्यार केरते, तैसेरे जेरे बन्नेरी कोशिश केरा। 2 होरि केरे लेइ प्यारे सेइं

भेरतां ज़िन्दगी ज़ीथ, जेन्चरे मसीहे भी तुसन सेइं प्यार कियो; ते इशे लेइ अपनो आप रोड़ी मुशकरे लेइ परमेशरे कां चढ़तां बलिदान केरो। 3 ते जेरू परमेशररे लोकां केरे लेइ ज़रूरीए, तेन्चरे तुसन मां भी बदमाशी, ते कोन्ची किसमेरू बुरू कम न भोए, या लालचरे बारे मां गल भी न भोए। 4 ते न बे शरमी, न बेंसरी गल्लां, न मेवजेरी गल्लां, किजोकि इना गल्लां शोभन्न न, बल्के तुसेईं परमेशररू शुक्र कियोरू लोड़े। 5 किजोकि तुस इन ज्ञानतथ, कि कोन्ची बदमाश, या भिट्टो मैन्हु, या लालची मैनेरो जै मूरती पूजा केरनेबालोए, मसीह ते परमेशररे राज़े मां तैसेरो कोई हिस्सो नईं। 6 कोई तुसन ई सल्लाह देइतां धोखो न दे, कि परमेशरे हकीकति मां तैन सज़ा न देलो जैना एरे पाप केरतन। 7 एल्हेरेलेइ तैन केरू साथ न रखा। 8 किजोकि तुस त पेइले आंधरू थी, पन हुनी प्रभु यीशु मां लोआथ, ते लोअरे बच्चां केरे जेरे चला। 9 (किजोकि लोअरो फल सेब्भी किसमेरी भलाई, ते धार्मिकता, ते सच्चे)। 10 ते इन तोप्यां कि प्रभु कुन रोडू लगते। 11 ते आंधेरां ते बेकार कम्मन मां शामिल न भोथ, बल्के लोकन इन हिराथ कि इना कम्मां बुरन। 12 किजोकि गैर विश्वासी लोकां केरां छपोरां कम्मां केरि गल केरनि भी शर्मासी गल आए। 13 जैखन लौ कोन्ची चीज़ी पुड चमकती त हर कोई लेइ बटते कि इन केरू, किजोकि जैखन लौ किछ हिराती, त तै चीज़ एप्पू लौ भोइ गातीए। 14 एल्हेरेलेइ एन्चरे ज़ोवं गाते, “हे झुलने बाला उठ ते मुडइन मरां जींते भो, ते मसीहेरी लौ तीं पुड चमकेली।” 15 एल्हेरेलेइ रोडे चारे हेरा, कि केरि ज़िन्दगी जींने लोरेथ। बेअक्लां केरि जेरे नईं पन अक्लमन्दा केरि जेरे ज़िन्दगी ज़ीथ। 16 ते मौको कीमती समझा, किजोकि दिहाड़े बुरेन। 17 एल्हेरेलेइ बेअक्ल न बना, पन ध्याने सेइं समझा, कि प्रभुएरी तुशे लेइ कुन मर्जी? 18 ते शराब पीने मां मतवाले न भोथ, किजोकि एस सेइं बदचलनी भोतीए, पन पवित्र आत्मा सेइं भरोते राथ। 19 ते एप्पू मांमेइं परमेशररां भजन ते स्तुति केरते ते आत्मिक गीत ज़ोथ, ते अपने-अपने मने मां प्रभुएरे लेइ गीत ज़ोथ ते किरतन केरते राथ। 20 ते सदा सेब्भी गल्लां केरे लेइ प्रभु यीशु मसीहेरे न्वे सेइं बाजी परमेशररू शुक्र केरते राथ। 21 ते मसीहेरे डरे सेइं एककी होरेरे अधीन राथ। 22 हे कुआन्शव, अपने-अपने मुन्शां केरे अधीन राथ, जेन्चरे प्रभुएरे। 23 किजोकि मुन्श त कुआन्शरी क्रोड़ी जेन्चरे मसीह कलीसियारी क्रोड़ी, ते मसीह कलीसियारो मुक्ति देनेबालोए जै तैसेरी जाने। 24 जेन्चरे कलीसिया मसीहेरे अधीने, तेन्चरे कुआन्शां भी हर गल्ली मां अपने-अपने मुन्शेरे अधीन रान। 25 हे मुन्शव, अपने-अपने कुआन्शन सेइं प्यार केरा, जेन्चरे मसीहे भी कलीसिया सेइं प्यार केरतां अपनो आप तैसेरेलेइ दित्तो। 26 ताके तैस वचनेरे ज़िरिये पनेरे निहाने सेइं शुद्ध केरतां पवित्र बनाए। 27 ते तैस अक एरी महिमा बाली कलीसिया बनेइतां एप्पू कां खड़ी केरे, जैस मां न कोई दाग, न धबो, न कोई एरी चीज़ भोए, बल्के पवित्र ते बेइलज़ाम भोए। 28 एन्चरे मुन्श अपने कुआन्शी सेइं अपने

जानी बराबर प्यार केरे। जै अपने कुआन्शी सेइं प्यार केरते, तै एप्पू सेइं प्यार केरते। 29 किजोकि कोन्चे कधी अपने जानी सेइं बैर नईं रखोरो, बल्के तैसेरी हेरगेश कियोरीए, जेन्चरे मसीहे भी कलीसियाई सेइं केरते। 30 एल्हेरेलेइ अस मसीहेरे जानरे अंगां केरे जेरे आम। 31 जेन्चरे पवित्रशास्त्र जोते “एल्हेरेलेइ मइद अम्मा बाजी शैरतां अपने कुआन्शी सेइं मिलोरो रालो।” 32 ई भेद त बडोए; पन अव मसीह ते कलीसियारे बारे मां जोताई। 33 पन तुसन मरां हर कोई अपने कुआन्शी सेइं एप्पू बराबर प्यार केरे, ते कुआन्श भी अपने मुन्शेरो इज्जत केरे।

**6** पवित्रशास्त्र जोते, “अपने अम्मा ते बाजी केरि आदर केरा, तैखन तुशू भलू भोलू ते दुनियाई मां तुशुशी लम्मी उमर भोली।” ई पेइलो हुक्मे जैस सेइं परमेशरे वादो कियोरोए, त बच्चव इन तुशुशे लेइ रोडू आए, तुस जैना प्रभु यीशु पुइ विश्वास केरतथ, अपने अम्मा बाजी केरू ज़ोनू मन्ना। 4 ते हे बच्चन बालव, अपने बच्चन न सरकाथ, पन प्रभुएरी शिक्षा ते खबरदारी देइतां, तैन केरि हेरगेश केरा। 5 हे गुलामाव, जैने लोक दुनियारे मुताबिक तुशुशे मालिकन, अपने मनेरे सचैई सेइं डरते, ते थरकते, ते जेन्चरे मसीहेरो तेन्चरे तैन केरो भी हुक्म मन्ना। 6 ते मैन्हु खुश केरेने बालां केरि जेरे हिरानेरे लेइ सेवा न केरा, पन मसीहेरे दासां केरे जेरे मने सेइं परमेशरेरी मेज्जां पुइ चला। 7 ते तै सेवा मैन्हु केरि नईं, पन प्रभुएरी जैनतां केरा। 8 किजोकि तुस ज्ञानतथ, कि जै कोई जेरू रोडू कम केरेलो, चाए गुलाम भोए, चाए आजाद; तैस प्रभु करां तेरहु इनाम मैलेलू। 9 एन्चरे हे मालिकव, तुस भी धेमकी शैरतां अपने नौकरन सेइं रोडो बर्ताव केरा, किजोकि तुस ज्ञानतथ, कि तैन केरो ते तुशुशो दुइयां केरो मालिक स्वर्गं मांए, ते तै केन्चेरी तरफदारी न केरे। 10 आखरी मां तुस प्रभुएरी शक्ति बाले शक्ति मां मजबूत बना। 11 परमेशरेरे सारे हथियार बन्धा; ताके तुस शैतानेरे सारे मन्सूबां केरो मुकाबलो केरि बटतथ। 12 किजोकि इशुशी ई लडाई, खुने या मांसे सेइं यानी मैन्हु केरे खलाफ नईं, बल्के प्रधान्न् सेइं, ते अधिकैरन सेइं, ते इस दुनियारे आंधरेरे हाकिमन सेइं ए, ते तैस दुष्टेरे आत्मिक फौजन सेइं ए जैना आसमाने मां आन। (aiōn g165) 13 एल्हेरेलेइ परमेशरेरे सारे हथियार बन्धा, ताके तुस जेइस बुरे दिहाइन एजन त तुस सामनो केरि बटतथ, ते सब किछ पूरू केरतां मजबूत राथ। 14 परमेशरेरे सच्च्यैई पटकेरी जेरि अपने कमरी सेइं बन्धा, ते धार्मिकतारी झिलम लेइतां, 15 ते पवन्न मां मेलेरे खुशखबरी शुनानेरे तियैरारे बूट लाथ। 16 ते तैन सेबभन सेइं साथी विश्वासेरी ढाल धिन्तां मजबूत भोथ जैस सेइं तुस तैस शैतानेरे सब ज़लते तीर हिशेई बटथ। 17 ते मुक्करो टोप, ते आत्मारी तलवार जैन परमेशेरू वचने, नेथ। 18 ते हर वक्त ते हर किसमे सेइं जै पवित्र आत्मा चलाने सेइं प्रार्थना ते बिनती केरते राथ, ते बींझे राथ, कि सब परमेशरेरे लोकां केरे लेइ लगातार बिनती केरा। 19 ते मेरे लेइ भी, कि मीं वचन शुनानेरे वक्त हिम्मत भोए, कि अव दिलेरी सेइं खुशखेबरारो भेद

जोईं बेटि। 20 एल्हेरेलेइ अव शंगलन सेइं बन्धोरो राजदूतेरो जेरो सेवा केरनेबालोईं। प्रार्थना केरा कि जेन्चरे मीं शुनावरू लोडे, तेन्चरे अव दिलेरी सेइं खुशखबरी शुनेईं बेटि। 21 तुस भी, अव जोईं बटताईं ते कुन केरने लोरोईं, इस सेइं बुझा। तुखिकुस जै तुसन सब किछ ज़ोलो। तै इशुशो ट्लारो साथीए, ते प्रभु मां वफादार सेवके। 22 तै मीं तुसन कां एल्हेरेलेइ भेजोरोए, कि तुस इशुशी हालती ज्ञानतथ, ते तै तुशुशे मन्न मां हिम्मत दे। 23 अव प्रार्थना केरताईं कि इशुशो बाजी परमेशरे ते प्रभु यीशु मसीह तुसन विश्वासी लोकन शान्ति दे, ते तैना तुसन एककी होरि सेइं प्यारे मां ते मसीह पुइ विश्वासे मां बनोरे रानेरे वजा भोन। 24 जैना इशुशे प्रभु यीशु मसीह सेइं सच्च्यो प्यार केरतन, तैन सेबभन पुइ अनुग्रह भोतो राए।

# फिलिप्पियों

**1** अवं पौलुस, त कने तीमुथियुस, यीशु मसीहेरे दास आम। इश्शे तरफां सेबभी पवित्र लोकां केरां नंवां, जैना मसीह यीशु मां भोइतां फिलिप्पी नगरे मां रातन, रखवालन ते सेवकन समेत, 2 इश्शे बाजी परमेशर ते प्रभु यीशु मसीहे करां तुसन अनुग्रह ते शान्ति मैलती राए। 3 अवं जैखन-जैखन तुसन याद केरताई, तैखन-तैखन अपने परमेशरेरु शुक केरताई। 4 ते जैखन भी तुश्शे सेबभी केरे लेइ बिनती केरताई, ते हमेशा आनन्दे सेइं प्रार्थना केरताई। 5 किजोकि तुस पेइले दिहैडे करां अज तगर यीशु मसीहेरी खुशखबरी फेलाने मां मीं सेइं साथी शामिल रावरेथ। 6 ते मीं इस गल्लरो भरोसोए, कि परमेशरे तुसन मां रोडे कम्मरी शुरुआत कियोरीए, तैए तैस कम्मरे यीशु मसीहेरे वापस एजनेरे दिहाडे तगर पूरू केरेलो। 7 इन जेइजे, कि अवं तुसन सेबभी केरे लेइ एरू सोची, किजोकि तुस मेरे मने मां बस्सोरेथ, ते मेरे कैदे मां खुशखबरे लेइ जुवाब ते सबूत देने मां तुस सब मीं सेइं साथी अनुग्रहे मां मीं साथिथ, 8 इस मां परमेशर मेरो गवाहे, कि अवं यीशु मसीहेरो जेरो प्यार केरतां तुश्शे सेबभी केरू लालच केरताई। 9 ते अवं ई प्रार्थना केरताई, कि तुश्शो प्यार ज्ञान ते सेबभी किसमेरो जमीर सेइं होरे भी बद्धते गाथ। 10 इडी तगर तुस रोडी करां रोडी गल्लां टलापेरी बुझा, ते मसीहेरे दिहाडे तगर सच्चे बनोरे राथ; ते ठोकर न खाथ। 11 ते तैस धार्मिकतारे फले सेइं जै यीशु मसीहेरे जिरिये भोते, भरोते गाथ जैस सेइं परमेशरेरी महिमा ते बड्याई भोती राए। 12 हे ढूलाव ते बेइनव, अवं सच ज़ोताई, कि तुस इन ज्ञाना, कि मीं पुइ जै बीतोरीए, तैस सेइं खुशखबरी बडोतरी भी भोइ। 13 इडी तगर कि महाराजेरी सारी फौज ते बाकी सारे लोकन मां इन बांदू भोव कि अवं मसीहेरे लेइ कैद मां आई। 14 ते प्रभु यीशु मां जैना ढूला आन, तैन मरां बडे मेरे कैद भोनेरे वजाई सेइं आन, तैना हिम्मत केरतां परमेशरेरो वचन बेधड़क भोइतां ते दिलेरी सेइं शुनानेरी कोशिश केरतन। 15 किछ लोक त जलन ते लडैई सेइं मसीहेरो प्रचार केरतन ते किछ लोक सच्चे दिले सेइं। 16 किछ त इन सेमझतां कि अवं खुशखबरे लेइ जुवाब देनेरे लेइ ठेरावरोई प्यारे सेइं प्रचार केरताई। 17 पन तैना होरे लोक साफ दिले सेइं नई पन जलनी सेइं मसीहेरो प्रचार केरतन, इन सेमझतां कि मेरे कैद मां मेरे लेइ मुसीबत बधान। 18 त कुन भोव? सिर्फ इन, कि हर बत्तां चाए बुरे खियाले सेइं, चाए सचैई सेइं, मसीहेरे बारे मां खुशखबरी प्रचार भोतीए, ते अवं इस सेइं खुश आई, ते खुश भी रेइलो। 19 किजोकि अवं ज्ञानताई, कि तुश्शी प्रार्थनाई सेइं, ते यीशु मसीहेरी आत्मार दाने सेइं इसेरो नितीजो मेरी मुक्ति भोली। 20 अवं त दिले सेइं इन चाताई, ते ई उमीद रखताई, कि अवं कोन्ची गल्ली मां न छिथोई, बल्के जेन्चरे मेरी बडी दिलेरी सेइं मसीहेरी बड्याई मेरे जिसमे सेइं भोती राई, तेन्चरे हुना भी भोए चाए अवं ज़ीतो रेइ या मेरी। 21 किजोकि मेरे लेइ ज़ीतू रानू

मसीहे, ते मरनू फैइदोए। 22 पन अगर जिसमे मां ज़ीतू रानू मेरे कम्मरे लेइ फैइदेमदे त अवं न जैनी, कि केस चुनी। 23 किजोकि मीं दुइयां केरे मझाटे चुने मां मुशकिल भोने लोरीए। अवं मरनू चाताई ताके स्वर्ग मां मसीह साथी रेइ बेदि, किजोकि इन बडू जरूरीए। 24 पन तुश्शी मद्दत केरनेरे लेइ मेरू ज़ीतू रानू बडू जरूरीए। 25 एल्हेरेलेइ कि मीं इलहेरो भरोसोए ते अवं ज्ञानताई कि अवं ज़ीतो रानोई, बल्के तुसन सेबभन सेइं साथी रानोई जैस सेइं अवं तुश्शी मद्दत केरि, कि विश्वासे मां मजबूत भोथ, ते इस मां खुश राथ। 26 जैखन अवं तुसन कां दुबारा एज्जी, तुसन कां जादे वजा भोली यीशु मसीह पुइ घमण्ड केरनेरी एल्हेरेलेइ जैन किछ ते मेरे जिरिये केरने लोरोए। 27 सिर्फ एत्रू केरा कि तुश्शो चालचलन मसीहेरे खुशखबरे कबल भोए। चाए अवं तुसन एइतां हेरी, चाए न एज्जी, तुश्शे बारे मां इन शुनी, कि तुस अक मन भोइतां बनोरे रातथ, ते अकोट्टे भोइतां खुशखबरे विश्वासेरे लेइ मेहनत केरते रातथ। 28 ते कोन्ची गल्ली मां खलाफत केरनेबालन करां न डराथ। ई तैन केरे लेइ बरबाद भोनेरो साफ निशाने, पन तुश्शे लेइ मुक्तरो, ते इन परमेशरेरे तरफां आए। 29 किजोकि मसीहेरे वजाई सेइं तुसन पुइ ई अनुग्रह भोव कि न सिर्फ तैस पुइ विश्वास केरा पन तैसेरेलेइ दुःख भी झैल्लां। 30 ते तुसन तेन्चरे मुसीबत केरनीए, जेन्चरे तुसेईं मीं करां केरते लोरीए, ते हुना भी शुन्तन, कि अवं तेन्चरे केरताई।

**2** अगर मसीह मां किछ तसल्ली ते प्यारे सेइं हिम्मत ते आत्मारी मौजूदगी, ते किछ दर्द ते दयाए। 2 ते मेरो ई आनन्द पूरो केरा कि अक्के मन राथ ते अक्के प्यार, ते अक्के खियाल, ते अक्के सोच रखा। 3 खुदगरज या झूठी बड्यैयरे लेइ किछ न केरा पन नर्म भोइतां एक्की होरि एप्पू करां रोडो समझा। 4 तुसन मरां हर कोई सिर्फ अपने भलैइयरे लेइ न सोचे, बल्के होरि केरि भलैइयरे लेइ भी सोचे। 5 जेन्चरे यीशु मसीहेरो सुभाव थियो तेन्चरे तुश्शो भी भोए। 6 जैने परमेशरेरे बराबर भोइतां भी परमेशरेरे बराबर भोने अपने कब्जे मां रखनेरी चीज न समझू। 7 बल्के अपनो आप खाली केरो, ते गुलामेरू रूप धारण केरू, ते मैनु केरे जेरो बनो। 8 ते मैनेरे रूपे मां बांदो केरतां दीन केरो, ते इडी तगर हुकम मन्ने बालो राव, कि मौत, हाँ, क्रूसेरे मौत भी झैल्लैली। 9 एल्हेरेलेइ परमेशरे तै बडो महान भी केरो, ते तैस तैन नवं दितू जैन सेबभी नंवन करां बडूए। 10 कि स्वर्ग मां ते थेरती पुइ ते थेरतलरे बुने; तैना सब यीशुएरे नंवे पुइ जैथूए टेकन। 11 ते बाजी परमेशरेरी महिमारे लेइ हर अक ज़िभ मन्ने कि यीशु मसीह प्रभुए। 12 ते हे मेरे टलाव, जेन्चरे तुस सदा हुकम मन्ने ओरेथ, तेन्चरे हुना भी न सिर्फ मीं सेइं साथी रेइतां पन खास केरतां जैखन अवं दूर भोताई फिरी भी डरते राथ ते थरकते अपने मुक्तरू कम पूरू केरते गाथ। 13 किजोकि परमेशर जै तुसन मां कम केरते, ते तुसन इच्छा ते शक्ति तैन केरनेरे लेइ देते, जैस सेइं तै खुश भोते। 14 त सब कम्मां बगैर शकैइतां ते बगैर बेसी सेइं केरा। 15 ताके तुस बेइलजाम ते शरीफ भोइतां टारे ते

ढीठ लोकन मां परमेशरेंरे बेइलजाम बच्चे बना, जैन मां तुस फैइदेरी थी तैना मीं मसीहरे खातर नुकसान सैमझोरिन। 8 जिन्दगरो वचन घिन्तां दुनियाई मां बलते दीयां केरे जेरे लेइहोते रातथ, 16 कि मसीहरे वापस एजनेरे दिहाड़े घमण्ड केरनेरी वजा भोए, कि न मेरी दौड़-धूप ते न मेरी मेहनत बेकार भोए। 17 अगर मीं तुशे विश्वासरे बलिदाने या सेवारे लेइ अपनो खून भी बगानो पे, त फिरी भी अवं खुश आई, ते तुसन सेबूनी साथी खुश आई। 18 तेन्चरे तुस भी खुश भोथ, ते मीं साथी आनन्द केरा। 19 मीं प्रभु यीशु मां उमीदे, कि अवं तीमथियुसे तुसन कां जल्दी भेजेलो, ताके तुशो हाल शुन्तां मीं शान्ति मैल्ले। 20 किजोकि मीं कां एरे जेरे सुभावेरो कोई नई, जै साफ दिले सेइं तुशु फिक्क केरे। 21 किजोकि सब अपने फैइदो तोपतन, न कि यीशु मसीहे। 22 पन तुसेईं ते परखो ते पिशानो भी, कि जेन्चरे मट्टू बाजी साथी केरते, तेन्चरे तैनी मीं सेइं साथी खुशखबरी फैलाने मां मीं सेइं साथी मेहनत केरि। 23 ते मीं उमीदे, कि जेखन मीं पतो चलेलो कि मेरी कुन हालत भोली, तैखन अवं तैस लूशी भेजेलो। 24 ते मीं प्रभु मां भरोसोए, कि अवं एण्णू भी जल्दी एज्जेलो। 25 पन मीं इपफ्रुदीतुस जै मेरो द्वालाए, ते मद्दतगार, ते साथी योधो ते तुशो दूते, ते ज़रूरी गल्लन मां मेरी सेवा टेल केरनेबालोए, तुसन कां भेज्जो ज़रूरी समझो। 26 किजोकि तैसेरो मन तुसन सेबून मां लगगोरो थियो। एल्हेरेलेइ बे चैन रातो थियो किजोकि तुसेईं तैसेरे बिमरारो हाल शुनोरो थियो। 27 ते ते सच्चे बिमार त भोरो थियो, इड़ी तगर कि मरने पुइ थियो, परमेशरे तैस पुइ दया की; ते सिर्फ तैस्से पुइ नई, पन मीं पुइ भी, कि मीं दुःख पुइ दुख न भोए। 28 एल्हेरेलेइ अवं तैस भेज्जनेरी होरि भी कोशिश केरि, तुस फिरी तैस सेइं मिलतां खुश भोइयथ ते मेरो भी दुःख घटे। 29 एल्हेरेलेइ तुस प्रभु मां बड़े आनन्दे सेइं तैस सेइं मुलाकात केरा, ते एरे जेरे लोकां केरि आदर केरा। 30 किजोकि तैए मसीहरे कम्मरे लेइ अपनि जान खतरे मां छेड़तां मौतरे नेड़ो पुजोरो थियो, ताके जै घाटो तुशे तरफां मेरी सेवा मां भोव, तैस ते पूरो केरे।

**3** हे मेरे द्वालाव ते बेइनव, प्रभु मां आनन्दित राथ, तैना गल्लां तुसन बार-बार लिखने मां मीं त कोई कष्ट न भोए, ते इस मां तुशुशी सलामतीए। 2 तैन बुरां कम्मां केरनेबाले लोकन करां हुशार राथ, जैना खुवार कुतरां केरे जेरे खाने बालां आन। 3 किजोकि खतने बाले त असां आम जैना परमेशरेंरे आत्मारो चलाने सेइं चलतम ते आराधना केरतम ते मसीह यीशु पुइ घमण्ड केरतम ते जिसमे पुइ भरोसो न रखम। 4 पन अवं त जिसमे पुइ भरोसो रेख्खी बटताई अगर कोन्ची होरि जिसमे पुइ भरोसो रखनेरो वचार भोए, त अवं तैस करां भी जादे रेख्खी बटताई। 5 अठोवं दिहाड़े मेरो खतनो भोव, इसाएल केरे कुटमे ते बिन्यामीनेरे गोत्रे मरां आई; इब्रैनी केरो इब्रानी; कानूनरे बारे मां अगर कोई जोए त फरीसी। 6 जोशेंरे बारे मां अगर कोई जोए त कलीसियाई सताने बालो; ते अगर कानूनरे धार्मिकतारे बारे मां कोई जोए त बेइलजाम। 7 पन जैना-जैना गल्लां मेरे

फैइदेरी थी तैना मीं मसीहरे खातर नुकसान सैमझोरिन। 8 बल्के मीं अपने प्रभु यीशु मसीहरे पिशानारी बड़वैयरे वजाई सेइं अवं सब गल्लां नुकसान समझताई, जेसेरे वजाई सेइं मीं बेड़ि चीजां केरो नुकसान उठाव, ते तैन कूड़ो समझताई, जैस सेइं अवं मसीह हासिल केरि। 9 ते तैस मां भोइ, न कि एपनी तैस धार्मिता सेइं, जै मूसरे कानूने सेइं ए, बल्के तैस धार्मिकता सेइं जै परमेशरेंरे तरफां मसीह पुइ विश्वास केरने सेइं भोतीए। 10 ते अवं तैस ते तैसेरे जीती भोनेरी शक्ति, ते तैस साथी दुखन मां शामिल भोई, ते तैसेरी मौतरी बराबरी हासिल केरि। 11 ताके अवं कोन्ची रीति सेइं मुइदन मरां जीति भोनेरे पदे तगर पुजी। 12 ई मतलब नई, कि मीं हासिल केरू, या अवं सिद्ध भोइ जेव, पन तैस चीजी हासिल केरनेरे लेइ दौड़ने लोरोई, जेसेरे लेइ मसीह यीशुए अवं द्वालावरो थियो। 13 हे द्वालाव ते बेइनव, मेरू इन गुमान नई कि मीं द्वालाव, पन सिर्फ अक कम केरताई, कि जैना गल्लां पत्रोवं रेइ तैन बिसरतां, अग्री गल्लां केरे पासे गाताई। 14 निशानेरे पासे दौड़तो चलताई, ताके मीं तैन इनाम मैल्ले, जेसेरे लेइ परमेशरे अवं मसीह यीशु मां बा कुजेवरोई। 15 असन मरां जेरे सिद्धन, ईए विचार रखा, ते अगर कोन्ची गल्ली मां तुशो होरो खियाल भोए त परमेशर तैस भी तुसन पुइ बांदो केरेलो। 16 एल्हेरेलेइ जैड़ी तगर पुजोरेम, तैसेरे मुताबिक चलम। 17 हे द्वालाव ते बेइनव, तुस सब मिलतां मेरी जेरि चाल चला, ते तैन केरि पिशान रखा, जैना इस रीति पुइ चलतन जेसेरी मिसाल तुस असन मां हेरतथ। 18 किजोकि बड़े एरी चाल चलतन, जैन केरि चर्चा मीं तुसन सेइं बार-बार की ते अज भी लेरां देइ-देइ ज़ोताई, कि तैना अपने चालचलन सेइं मसीहरे क्रूसरे बैरिन। 19 तैन केरो अन्त विनाशे, तैन केरो ईश्वर पेटे, तैना एपनी शरमरी गल्लन पुइ घमण्ड केरतन, ज़मीनारी गल्लन पुइ मन लातन। 20 पन इशुओ मुखल स्वर्गे, ते अस एक्की मुक्ति देनेबाले प्रभु यीशु मसीह स्वर्गां बलगने लोरेम। 21 तैए एपनी शक्ति सेइं तैस अस्सेरे मुताबिक तैना सब चीज़न अपने वशे मां केरि बटते, इशुओ कमज़ोर जिसमेरू रूप बदलतां, अपने महिमारो जिसमेरे मुताबिक बनालो।

**4** एल्हेरेलेइ हे मेरे द्वाले द्वालाव ते बेइनव अवं तुसन सेइं प्यार केरताई, जैन मां मेरो दिल लगगोरो रहते जै मेरो आनन्द ते ताज भोए, हे द्वाले द्वालाव ते बेइनव, प्रभु मां एन्चरे मज़बूत राथ। 2 अवं यूओदियारे छंदे केरताई, ते सुन्तुखेरे भी, कि तैना प्रभु मां अक मन रान। 3 ते हे सच्चे मद्दतगार अवं तीं कां भी बिनती केरताई, कि तू तैन कुआन्शां केरि मद्दत केर, किजोकि तैनेई मीं सेइं साथी खुशखबरी फैलाने मां, क्लेमैस ते मेरे तैन मद्दत केरनेबालन समेत मेहनत की, जैन करां नंवां जिन्दगरे किताबी मां लिखोरन। 4 प्रभु मां सदा आनन्दित राथ; अवं फिरी ज़ोताई, आनन्दित राथ। 5 तुशुशी नरमी सेबूनी मैनु पुइ बांदी भोए, प्रभु नेड़ोए। 6 कोन्ची भी गल्लारी फिक्क न केरा, पन हर एक्की गल्ली मां तुशुशी दरखुवास, प्रार्थना बिनती

सेईं शुक्रे साथी परमेशरे कां हाज़र भोन। 7 तैखन परमेशरेरी शान्ति, ज़ै समझी करां बिलकुल बेडरे, तुशशे दिलन ते तुशशे खियालन मसीह यीशु मां बिलकुल मैफूज़ रखेली। 8 आखरी मां, हे मेरे ढूलाव ते बेडनव, ज़ैना-ज़ैना गल्लां सच्छीन, ते ज़ैना-ज़ैना आदरारे काबलन, ते ज़ैना-ज़ैना गल्लां पवित्ररन, ते ज़ैना-ज़ैना गल्लां रोड़िन, ते ज़ैना-ज़ैना गल्लां मने रोड़ी लेगतिन, ते ज़ैना-ज़ैना गुण ते ज़ैना-ज़ैना गल्लां तरीफेरी, तैन पुड़ धयान केरा। 9 ज़ैना गल्लां तुसेईं मीं करां शिखी, ते कबूल की, ते शुनी ते मीं हेरी, तैन केरो हुक्म मन्ना तैखन परमेशर ज़ै शान्ति देनेबालोए तुसन साथी भोलो। 10 अवं प्रभु मां बड़ो खुश आईं कि हुनी एत्रे दिहाड़न पत्ती तुसन मेरे बारे मां फिरी खियाल भोव; याकीन्न तुशशे शुरुआती मां इस एरो खियाल थियो, पन तुसन मौको न मैल्लो। 11 इन नईं कि अवं अपनि कम्मरे वजाईं सेईं ज़ोताईं; किजोकि मीं इन्ने शिखोरूए कि ज़ैस हालती मां आईं, तैस्से मां राजी भोईं। 12 अवं निकडू भोनू भी ज़ानताईं ते बडू भोनू भी ज़ानताईं, ते मीं हर एक्की गल्ली ते सेबभी हालतन मां रज़नू, ढूलुखुनू ते बधनू घटनू शिखोरूए। 13 ज़ै मीं ताकत देते तैस मां अवं सब किछ केरि बटताईं। 14 फिरी भी तुसेईं रोडू कियूं, कि मेरे दुखे मां मीं साथी भोए। 15 ते हे फिलिप्पियों, तुस एप्पू भी ज़ानतथ, कि खुशखबरी प्रचाररे शुरुआती मां ज़ैखन अवं मकिदुनिया अग्रोवं जेव, तैखन मीं तुस शारे ते कोन्ची होरि मेनडलारे लोकेईं लेने देनेरे बारे मां मद्दत न की। 16 एन्चरे ज़ैखन अवं थिस्सलुनीके नगरे मां थियो; तैखन भी तुसेईं मेरी घटी पूरी केरनेरे लेइ एक्की बार नईं बल्के काईं बार किछ भेजेरू थियूं। 17 इन नईं कि अवं दान चाताईं पन अवं एरो फल चाताईं, ज़ै तुशशे फैइदेरे लेइ बड़तो गाए। 18 मीं कां सब किछे, बल्के बडू जादे, ज़ैन तुसेईं इपफुदीतुसेरे हथ्ये भेजेरू थियूं, तैन मेलतां रज़ोरोईं, तैन त खुशबू ते कबूल केरनेरे काबल बलिदाने, ज़ैन परमेशरे पसंदे। 19 ते मेरो परमेशर भी अपने तैस धनेरे मुताबिक ज़ैन महिमा सेईं यीशु मसीह मांए, तुशशी हर अक ज़रूरत पूरी केरेलो। 20 इशशो परमेशर ते बाजी एरी महिमा हमेशा भोती राए। आमीन। (aiōn g165) 21 हर अक पवित्र मैन्हू ज़ै यीशु मसीह मांए तैस जो नमस्कार ज़ोथ। ज़ै ढूला मीं साथीए तुसन नमस्कार ज़ोते। 22 सब पवित्र लोकन, खास केरतां ज़ैना महाराजोरे घरानेरेन तुसन नमस्कार ज़ोतन। 23 इशशे प्रभु यीशु मसीहेरो अनुग्रह तुशशी आत्माईं सेईं साथी राए।

# कुलुस्सियों

1 अवं पौलुस ई चिठी लिखने लोरोई, अवं परमेशेरी मेज्जी सेइं मसीह यीशुएरो प्रेरित आई, ते विश्वासी द्वाला तीमुथियुस भी मीं साथी आए। 2 मसीह मां तैन पवित्र ते विश्वासी द्वाला केरे न्वंवे ज़ैना कुल्लुसे नगरे मां रातन। इश्शे बाजी परमेशेरे तुसन अनुग्रह ते शान्ति देतो राए। 3 अस ज़ैखन तुशुशे लेइ प्रार्थना केरतम त अपने प्रभु यीशु मसीहेरे बाजी, परमेशेरू शुक्र केरतम। 4 किजोकि असेईं शुनोरूए, कि मसीह यीशु पुइ तुशुशो विश्वासे, ते तुस सेब्भी पवित्र लोकन सेइं तुस प्यार केरतथ। 5 तैस उमीद कियोरी चीज़ारे वजाई सेइं ज़ै तुशुशे लेइ स्वर्गं मां रखोरीए, ज़ेसेरे बारे मां तुसेईं तैस खुशखेबारे सच्चे वचने सेइं शुनोरूए, ज़ै तुसन कां पुजोरोए। 6 ते ज़ेन्चरे दुनियाई मां भी फल आनते, ते बद्धतो गाते; मतलब ज़ैस दिहैडी करां देतु तुसेईं तै शुनु, ते सचैई सेइं परमेशेरो अनुग्रह पिशानो, तुसन मां भी एरू केरि बटते। 7 तैसेरी शिक्षा तुसेईं इश्शे दलारे मद्दतगार इपफ्रास करां हासिल की, ज़ै इश्शे लेइ मसीहेरो वफादार सेवके। 8 तैने तुशुशे प्यारेरे बारे जोवं ज़ै होरि लोकां केरे लेइ आए, ज़ै पवित्र आत्मा मांए तुसन दित्तोरोए। 9 एल्हेरेलेइ ज़ैस दिहैडी करां इन शुनु, त असेईं हमेशा तुशुशे लेइ प्रार्थना की, कि परमेशेरी आत्मा तुसन अक्ल ते मसझ दे ज़ैस सेइं तुस तैसेरी मर्जी पूरे तरीके सेइं सेमझी बटेले। 10 ताके तुस तेरही जिन्दगी जीथ ज़ेरे प्रभुएरे लोकन जीयोरी लोडे, ते तुस प्रभुए हर बत्तां खुश केरथ, ताके तुस लगातार हर किसमेरी भलाई केरते राथ, ते परमेशेरी पिशानी मां बद्धते गाथ। 11 अवं प्रार्थना केरताई कि परमेशर अपनि महिमारे शेक्ते इस्तेमाल केरनेरे ज़िरिये तुसन मजबूत केरे, ताके तुस आनन्दे ते सबरी सेइं दुख झैल्लि बटतथ। 12 बाजी परमेशेरू शुक्र केरते राथ, ज़ैने अस इस काबल बनाए कि स्वर्गे राज्जे मां तैसेरे अपने लोकन सेइं साथी विरासती मां हिसेदार भोम। 13 किजोकि तैने अस शैतानेरे राज्जे मरां छुटेइतां अपने दलारे मट्टेरे राज्जे मां आने 14 परमेशेरेरे अपने मट्टेरे बलिदाने सेइं असन पापां केरि माफ़ी दित्ती (यानी शैतानेरे राज्जे करां आज़ाद कियो)। 15 परमेशेरे त कोई न लेईं बटे, पन ज़ैखन तैसेरू मट्टू मैन्हु बनू त तैनी परमेशर लोकन पुइ बांदो कियो, ज़ैन किछ परमेशेरे बनाव तैस पुइ तैस कां सेबभना जादे अधिकार आए। 16 किजोकि ई तै (मसीह) थियो ज़ैने सब किछ बनानेरे वक्ते परमेशेरे सेइं कम कियू, चाए अम्बरे पुइ भोन या धेरती पुइ भोन, लेवरी भोन या आलेईं, कुन तखत भोन, या रियासतां, कुन हकौमतां भोन या अधिकार, सैरी चीज़ां तैस्से सेइं ते तैसेरेलेइ बनेइ। 17 ते मसीह सेब्भी चीज़ां बनाने करां पेइलो थियो, ते सब चीज़ां तैस मां बनोरी रैतिन। 18 तैए कलीसियारो प्रधाने ज़ै तैसेरी जाने; तैए पेइलोए ते मुइदन मरां जीतो भोने बालन मरां पेइलोए कि सेब्भी गल्लन मां तैए प्रधान भोए। 19 किजोकि बाजी परमेशर इस्से मां खुश भोते कि मसीह

मां तैसेरे सारे सुभाव वास केरतन। 20 परमेशेरे फैसलो कियो कि अपने मट्टे भेजे, ज़ैने अपनो खून बगाव ते कूसे पुइ अपनि जान दित्ती। परमेशेरे सेब्भी चीज़न सेइं मेल मलाप केरनेरे लेइ एन कियू। एन्चरे तैनी मसीहेरे ज़िरिये सेइं सेब्भी चीज़ां केरो मेल मिलाप एप्पू साथी कियो, चाए तैना धेरतरी भोन, चाए स्वर्गेरी भोन। 21 ते तुस ज़ैना पेइले परमेशेरे करां दूर थिये, ते बुरे कम्मां सेइं मने सेइं बैरी थी। 22 फिरी भी परमेशर अपने मट्टे यीशुएरे मैन्हु बन्ने सेइं ते कूसे पुइ मौतरे ज़ियरीए तुशुशो मेल कराव, ताके तुसन एप्पू कां पवित्र ते बे दाग ते बेइलजाम हज़ार केरे। 23 पन तुस मसीह पुइ विश्वास केरनेरे मां बुनीयादरे ज़ेरे मजबूत राथ, ते तैस खुशखेबारे उमीद पुइ ज़ै तुसेईं शुनोरी एन शारथ, ज़ेसेरो प्रचार अम्बरे करां बुन सैरी सष्टि मां कियो जेव; ते ज़ैस मां अवं पौलुस सेवक बनो। 24 हुनी अवं तैन दुखन सेइं खुश आई, ज़ैना तुशुशे लेइ झैल्लताई, ते मसीहेरी दुखां केरि घटी तैसेरे जानारे लेइ, मतलब कलीसियारे लेइ, अपने जिसमे मां पूरी केरताई। 25 ज़ेसेरो अवं परमेशेरेरे इंतज़ामेरे मुताबिक सेवक बनो, ज़ै तुशुशे लेइ मीं सोंफो, ताके अवं परमेशेरू वचन पूरो-पूरो प्रचार केरि। 26 मतलब तैस भेदे ज़ै ज़माना ते पीड़न करां छप्पोरो थियो, पन हुनी तैसेरे तैन पवित्र लोकन पुइ बांदो भोरोए। (aiōn g165) 27 ज़ैन पुइ परमेशेरे बांदो केरनो चाव, कि तैन ज्ञान भोए होरि कौमन मां तैस भेदेरी महिमारी कीमत कुने ते तै ईए, कि मसीह ज़ै महिमारी उमीदे तुसन मां रहते। 28 ज़ेसेरो प्रचार केरतां अस हर एक्की मैन्हु ज़ोतम ते सारे ज्ञाने सेइं हर एक्की मैन्हु शिखालतम, कि अस हर एक्की मैन्हु मसीह कां सिद्ध केरतां पेश केरम। 29 ते एल्हेरेलेइ अवं तैसेरी शेक्तेरे मुताबिक ज़ै मीं मां शेक्ति सेइं साथी अस्सर केरतीए तन मन लेइतां मेहनत भी केरतम।

2 अवं चाताई कि तुस ज्ञानथ, कि तुशुशे ते तैन केरे ज़ैना लौदीकिया नगरे मां आन, ते तैन सेब्भी केरे लेइ ज़ैनेई अवं नई लोरोई कि अवं केन्चरे मेहनत केरताई। 2 ताके तैन केरे मन्न मां शान्ति भोए ते तैना प्यारे सेइं एप्पू मांमेई बनोरे रान, ते तैस पूरी समझरू धन हासिल केरन, बाजी परमेशेरेरे भेदे मतलब मसीह पिशानन्। 3 ज़ैस मां समझरे ते ज्ञानेरे सारे भण्डार छपोरेन। 4 इन अवं एल्हेरेलेइ ज़ोताई, कि कोई मैन्हु तुसन लालच देने बैली चीज़ी सेइं धोखो न दे। 5 किजोकि अवं अगर जिसमेरे लिहाजे सेइं दूराई, फिरी भी आत्मिक लिहाजे सेइं नेडो आई, ते तुशुशे रीति सेइं तुशुशी हालती ते तुशुशे विश्वासे ज़ै मसीह यीशु मां मजबूती हेरतां खुश भोव। 6 ते ज़ेन्चरे तुसेईं मसीह यीशु अपनो प्रभु कबूल कियोरोए, तेन्चरे तैस मां चलते भी राथ। 7 ते तैस मां ज़ील छडते राथ ते बद्धते राथ; ते ज़ेन्चरे तुस शिखालोरेथ तेन्चरे विश्वासे मां मजबूत भोते गाथ, ते खूब शुक्र केरते राथ। 8 खबरदार राथ कि तुसन कोई तैसेरे ज्ञाने ते धोखे सेइं शिकार न केरे, ज़ैन मैन्हु केरू रुवाज़ेरू ते दुनियारी पेइली शिक्षारे मुताबिके पन मसीहेरे नई। 9 किजोकि तैस मां



ईश्वरत्वैरी सारी भरपूरी जानी मां एइतां वास केरती। 10 ते खोलोरीए। 10 ते नर्वीं इन्सानयत लोरीए ज़ै अपने बनाने बालेरे रूपेरे मुताबिक ज्ञान हासिल केरनेरे लेइ नंवी बनातीए। 11 तैस मां न कोई यूनानी राव, न यहूदी, न बगैर खतने बालो, न जंगली, न स्कूती, न गुलाम न आज़ाद, सिर्फ मसीह सब किछ ते सेबन मांए। 12 एल्हेरेलेइ परमेशेरे चुनोरां केरे ज़ेरे ज़ैना परमेशेरेरी शक्ति पुइ विश्वास केरतां, ज़ैने ते मुइदन मरां ज़ींते कियो, तुस भी तैस सेइं साथी ज़ींते किये। 13 ते तैने तुस भी, ज़ैना अपने पापन, ते अपने जिसमेरे खतनेरे हालती मां फटरे थी, तैस सेइं साथी ज़ींते भी केरे, ते इश्शे सब पाप माफ़ केरे। 14 इन सेबन करां बा प्यारे ज़ै सेबन सिद्धांतो पटकोए बंधा। 15 ते मसीहेरी शान्ति जेसेरे लेइ तुस अक जान भोनेरे लेइ कुजेवरे भी आथ, तुश्शे दिलन मां राज़ केरे, ते तुस शुक्र केरते राथ। 16 मसीहेरे वचन अपने दिलन मां रोडे़वारे बसने देथ; ते सारे ज्ञाने सेइं एक्की होरि शिखाला, ते नसीहत देथ, ते अपने-अपने मन्न मां अनुग्रहे साथी परमेशेरे लेइ भजन ते स्तुति ते आत्मिक गीत ज़ोते राथ। 17 ते वचन या कम ज़ैन किछ भी केरा सब प्रभु यीशुएरे नंवे सेइं, ते तैसेरे ज़िरिये बाजी परमेशेरेरू शुक्र केरा। 18 हे कुआन्शव, ज़ेन्चरे प्रभु मां जेइज़े, तेन्चरे अपने-अपने मुन्शां केरे अधीन राथ। 19 हे मुन्शाव, एपनी-एपनी कुआन्शन सेइं प्यार रखा, ते तैन सेइं सखत बर्ताव न केरा। 20 हे बच्चाव, सेबनी गल्लन मां अपने-अपने अम्मा बाजी केरो हुकम मन्ना, किजोकि प्रभु इस सेइं खुश भोते। 21 हे बच्चन बालव, अपने बच्चन तंग न केरा, एरू न भोए कि तैन केरि हिम्मत न टलुटे। 22 हे सेवकाव, ज़ैना जिसमेरे मुताबिक तुश्शे मालिकन, सेबनी गल्लन मां अपने मालिकां केरो हुकम मन्ना, मैनन् खुश केरनेरे बालां केरे ज़ेरे हिरानेरे लेइ नईं, पन सच्चे मने सेइं ते परमेशेरेरे डरे सेइं। 23 ते ज़ैन किछ तुस केरतथ, तैन मने सेइं केरा, इन समझतां कि मैन्हु केरे लेइ नईं पन प्रभुएरे लेइ केरतथ। 24 किजोकि तुस ज्ञानतथ कि तुसन एसेरे बदले प्रभु करां बदले मां मीरास मैल्लनीए, तुस प्रभु यीशु मसीहेरी सेवा केरतथ। 25 किजोकि ज़ै बुराई केरते, तैस एपनी बुरेइयरो फल मैलनोए; तैडी केन्चरी तरफदारी नईं।

**3** ते ज़ैखन तुस मसीह सेइं साथी ज़ींते किये, त स्वर्गेरे चीज़ां केरे तोपी मां राथ, ज़ैडी मसीह मौजूदे ते परमेशेरेरे देइने पासे बिशोरोए। 2 धेरतेरे नईं पन स्वर्गेरे चीज़न पुइ ध्यान लाथ। 3 किजोकि तुस त मरे, ते तुश्शी ज़िन्दगी मसीह सेइं साथी परमेशेरे मां छपोरूए। 4 ज़ैखन मसीह ज़ै इश्शी ज़िन्दगीए, बांदो भोलो, तैखन तुस भी तैस सेइं साथी महिमा साथी बांदे किये गाले। 5 एल्हेरेलेइ अपने तैन अंगन मैरी देथ, ज़ैना धेरती पुइ आन, मतलब बदमाशी, गन्दगी, बुरे खियाल, बुरी खुवैइश ते लालचे ज़ैन मूर्ती पूजने बराबरे। 6 इन केरे वजाई सेइं परमेशेरो क्रोध हुकम न मन्ने बालन पुइ एइते। 7 ते तुस भी, ज़ैखन इन बुरेइन मां ज़िन्दगी बीताते थी, त इन केरे मुताबिक च़लते भी थी। 8 पन हुनी तुस भी इन सेबन मतलब क्रोध, सरक, बैर, तुहीन, गैई देनी इना सब गल्लां शारा। 9 एक्की होरि सेइं झूठ न ज़ोथ किजोकि तुसेईं पुरानी इन्सानयत तैसेरे कम्मन समेत

**4** हे मालिकव, अपने-अपने गुलामन सेइं साथी इन्साफ ते ठीक-ठीक बर्ताव केरा, इन समझतां कि स्वर्गे मां तुश्शो भी अक मालिके। 2 प्रार्थना मां लगगोरो राथ, ते शुक्र सेइं साथी हुशार राथ। 3 साथी इश्शे लेइ भी प्रार्थना केरते राथ, कि परमेशर इश्शे लेइ शुनानेरे लेइ एरी बत खोल्ले, कि अस मसीहेरे तैस भेदेरे बारे मां जोई बटम जेसेरे लेइ अवं कैदे मां आई। 4 ते तैस बांदो केरि, ज़ेन्चरे मीं कियो लोडे। 5 वक्त कीमती सेमझतां बेइरन साथी सैमझदारी सेइं बर्ताव केरा। 6 तुश्शो वचन सदा अनुग्रहे सेइं ते एरो लूनी भोए, कि तुसन हर एक्की मैन्हु रोडे़वारे जुवाब देनो एज्जे। 7 टलारे ढ़ला ते वफादार सेवक, तुश्शिकुसे ज़ै प्रभु मां मेरो मद्दतगार, तै मेरी सेबनी गल्लन मां तुसन ज़ोलो। 8 तै मीं एल्हेरेलेइ तुसन कां भेजो, कि तुसन इश्शी हालतरो

पतो भोए ते तै तुशुशे दिलन शान्ति दे। 9 ते तैस सेइं साथी उनेसिमुस भी भेजो जै वफादार ते टूलारो ढूलाए ते तुसन मरांए, ते तुसन इडी तगर सैरी गल्लां ज़ोले। 10 अरिस्तर्खुस जै मीं सेइं साथी कैदीए, ते मरकुस जै बरनबासेरो ढूलाए लगते। (जेसेरे बारे मां तुसन हुक्म मैल्लोरो थियो कि अगर तै तुसन कां एज्जे, त तैस सेइं रोडेचारे बर्ताव केरथ) 11 ते यीशु जै जो यूस्तुस ज़ोतन, तै तुसन नमस्कार ज़ोते। खतनो केरें लोकन मां सिर्फ ईए परमेशरेरे राज्जे लेइ मद्दतगार ते मेरे शैनतरी वजा राए। 12 इपफ्रास जै तुसन मरांए, ते मसीह यीशुएरो दासे, तुसन जो नमस्कार ज़ोते ते सदा तुशुशे लेइ प्रार्थना केरते, ताके तुस सिद्ध भोइतां पूरे विश्वासे सेइं साथी परमेशरेरे मेर्जी पुड़ मज़बूत राथ। 13 अवं तैसेरो गवाह आई, कि तै तुशुशे लेइ ते लौदीकिया ते हियरापुलिस बालां केरे लेइ बड़ी कोशिश केरतो रहते। 14 टूलारे तबीब लूका ते देमासेरू तुसन नमस्कार। 15 लौदीकिया नगरेरे ढूलान ते नुमफास ते तैन केरे घरेरे कलीसियान जो नमस्कार ज़ोथ। 16 ते ज़ैखन ई चिट्टी तुशुशे इडी पढ़ी गाए, त एरू केरनू कि लौदीकियारे कलीसिया मां भी पढ़ी गाए, ते तै चिट्टी जै लौदीकियारां एज्जे तैस तुस भी पेइथ। 17 फिरी अरखिप्पुसे सेइं ज़ोइयथ कि जै सेवा प्रभु मां तीं सोंफी, तैस बड़े हुशैरी सेइं पूरी केरथ। 18 अवं पौलुस अपने हथ्थन सेइं नमस्कार लिखताई। मेरी शंगलन याद रखा; तुसन पुड़ अनुग्रह भोतो राए। आमीन।

# 1 थिस्सलुनीकियों

**1** अवं पौलुस ई चिट्ठी लिखताई। सिलवानुस ते तीमुथियुस भी मीं सेईं साथी आन, थिस्सलुनीकि नगरेरे कलीसियारे विश्वासी लोकन, ज़ैना बाजी परमेशर ते प्रभु यीशु मसीह मां आन, तैन अनुग्रह ते शान्ति मैलती राए। 2 अस अपने प्रार्थनान मां तुसन याद केरतम, ते सदा तुश्शी सेब्भी केरे लेइ परमेशरेरु शुक्र केरतम। 3 ते अपने बाजी परमेशरेरे सामने तुश्शां कम्मां, ज़ैना तुस विश्वासेरे वजाई सेईं केरतथ, ते बड़ी मेहनतरां कम्मां ज़ैन सेईं पतो चलते तुस होरन सेईं प्यार केरतथ, ते इश्शे प्रभु यीशु मसीहरे वापस एजनेरे उमीदरे लेइ मुसीबतन मां सबर केरतथ, अस लगातार याद केरतम। 4 ते हे ढूलाव, ते परमेशरेरे ढूलारे लोकव, अस ज्ञानतम, कि तुस परमेशरे अपने लोक भोनेरे लेइ चुनोरेथ। 5 किजोकि यीशु मसीहरे बारे मां खुशखबरी तुसन कां न सिर्फ लफसन मां पुजी बल्के पवित्र आत्मार शक्ति सेईं, ते बड़े याकीने सेईं साथी पुजी, जेन्चरे तुस ज्ञानतथ, कि अस तुश्शे लेइ तुसन मां केरहे बनोरे थिये। 6 ते तुस बड़े दुखे मां पवित्र आत्मार आनन्दे सेईं साथी वचने मेन्तां इश्शे ते प्रभुएरी चाल चलने लाए। 7 इडी तगर कि मकिदुनिया ते अखाया इलाकां केरे सेब्भी विश्वासी लोकां केरे लेइ तुस अक नमूनो बने। 8 किजोकि तुश्शे इट्टां न सिर्फ मकिदुनिया ते अखाया इलाकन मां प्रभुएरु वचन शुनावं, पन तुश्शे विश्वासेरी जै परमेशरे पुड़, हर ठैरी ज़ैडी अस जे चर्चा फेलोरीए, कि असन तुश्शे बारे मां ज़ोनेरी ज़रूरत नई। 9 किजोकि तैना एप्पू होरन ज़ोतन कि ज़ैखन अस तुसन कां आए त कुन भोवं। तुस मूरतन करां दूर भोइतां परमेशरेरे पासे फिरे, ताके ज़ीते ते सच्चे परमेशरेरी सेवा केरथ, 10 ते तैसेरु मट्टु स्वर्गोरां वापस एजने बलगते राथ, ज़ैन तैने मुड़दन मरां ज़ीतो कियूं, मतलब यीशुए, ज़ै असन एजनेबाले परमेशरेरे प्रकोपे करां बचाते।

**2** हे ढूलाव, तुस एप्पू ज्ञानतथ कि इश्शू तुसन कां एजनू बेफेइदू न भोवं। 2 बल्के तुस एप्पू ज्ञानतथ, कि असेईं पेइले फिलिप्पी नगरे मां दुख झल्लने ते मुसीबत झल्लने पुड़ भी इश्शे परमेशरे असन दिलेरी दिती, कि अस परमेशरेरो खुशखबरी बड़ी खलाफत भोंते भी तुसन शुनाम। 3 किजोकि इश्शी शिक्षा न टपलाने सेईं ते न धोखे सेईं, ते न बुरे मकसदे सेईं आए। 4 पन जेन्चरे परमेशरे अस इस काबल बनेइतां असन खुशखबरी सोंफी, अस तेन्चरे बियांन केरतम, ते मैन्न नई, बल्के परमेशरे खुश केरनेरे लेइ शिक्षा देतम, ज़ै इश्शे मन्न परखते। 5 तुस ज्ञानतथ, कि असेईं कथी चपलूसारी गल्लां नई कियोरी, ते न लालचरे लेइ बहानो केरते थी, परमेशर इस गल्लरो गवाहे। 6 ते असन मसीहरे प्रेरित भोनेरे वजाई सेईं तुसन करां मद्दत नेनेरो अधिकार थियो। फिर भी अस मैन्न करां आदर न थिये चाते, ते न तुसन करां, न होरि कोन्वी करां। 7 पन जेन्चरे अम्मा अपने मट्टां केरि हेरगोश केरतीए, तेन्चरे असेईं भी तुसन मां रेइतां

नरमी हिराई। 8 ते तेन्चरे अस तुश्शू लालच केरते, न सिर्फ परमेशरेरी खुशखबरी, पन अपने-अपने प्राण भी तुसन देनेरे लेइ तियार थिये, एल्हेरेलेइ तुस इश्शे बड़े ढूलारे भोइ जोरे थिये। 9 किजोकि, हे ढूलाव, तुस इश्शी मेहनत ते कछे याद रखतथ, कि असेईं एल्हेरेलेइ रात दिहैडी कारोबार केरतां तुसन मां परमेशरेरी खुशखबरी प्रचार की, कि तुसन मरां कोन्वी पुड़ भार न भोए। 10 तुस एप्पू गवाह आथ, ते परमेशर भी गवाहे, कि तुसन ज़ैना विश्वास केरतथ, अस केरी पवित्रता, ते धार्मिकता ते बेइलजामे सेईं राए। 11 तुसन पतोए, कि जेन्चरे बाजी अपने बच्चन सेईं बर्ताव केरते, तेन्चरे अस भी तुसन मरां हर केन्वी शिक्षा देते, ते दिलासो देते, ते समझते थिये। 12 कि तुस एरी जिन्दगी जीथ ज़ैस सेईं परमेशर खुश भोए, ज़ै तुसन अपने राज़े ते महिमा मां कुजाते। 13 अस भी परमेशरेरु शुक्र लगातार केरतम, कि ज़ैखन इश्शे ज़िरिये परमेशरेरी खुशखबरी तुसन कां पुजी ज़ै असेईं प्रचार की, त तुसेईं तै मैन्हु केरि नई, बल्के परमेशरेरु वचन सेमझतां (ते सच्चे इन परमेशरेरु वचन आए) कबूल की, ते तै वचन तुसन मां ज़ैना मसीह पुड़ विश्वास केरतथ कम केरते। 14 एल्हेरेलेइ तुस, हे ढूलाव, परमेशरेरी तैन कलीसियां केरि जेरि चाल चलने लाए, ज़ैना यहूदिया मां यीशु मसीह मां आन, किजोकि तुसन भी अपने लोकन करां एरो दुःख मैल्लो, जेन्चरे तैन यहूदन करां मैल्लोरो थियो। 15 ज़ैनेईं प्रभु यीशु ते नबी भी मारे, ते अस सताए, ते परमेशर तैन सेईं खुश नई, ते तैना सेब्भी मैन्हु केरि खलाफत केरतन। 16 ते तैना गैर कौमन सेईं तैन केरे मुक्करे लेइ गल्लां केरने लेइ असन रोकतन। तैना पापे पुड़ पाप केरतन ज़ांतगर परमेशर तैन सज़ा न दे, ते हुनी परमेशरे तैन पक्को सज़ा देनेबालोए। 17 हे ढूलाव, ज़ैखन अस थोड़े चिरेरे लेइ मने मां नई बल्के बादे मां तुसन करां अलग भोरे थी, ते असेईं बड़े लालचरे सेईं तुसन हेरनेरी बडी जादे कोशिश की। 18 एल्हेरेलेइ (मतलब मीं पौलुसे) एक्की बार नई बल्के बार-बार तुसन कां एजनू चाव, पन शैतान अस तुसन कां एजनेरे लेइ रोके। 19 भला इश्शी उमीद, या आनन्द, या बड़ीवैयरु ताज कौन आए? इन तुस भोले ज़ैखन प्रभु यीशु वापस एज्जेलो 20 इश्शी बड़याई ते आनन्द तुस आथ।

**3** एल्हेरेलेइ ज़ैखन असेईं जादे न बेलगी बटु त असेईं इन ठहराव कि अस एथेंस नगरे मां अकैल्ले रेइ गाम। 2 ते असेईं तीमुथियुस ज़ै मसीहरे खुशखबरी मां इश्शो ढूलाए, ते परमेशरेरो सेवके, एल्हेरेलेइ तुसन कां भेजो, कि तै तुसन विश्वासे मां मज़बूत केरे ते तुश्शी हिम्मत बथाए। 3 कि कोई इन दुखां केरे वजाई सेईं न घबराए, किजोकि तुस एप्पू रोडे चारे ज्ञानतथ परमेशरे फैसलो कियोरोए, कि अस सताए गानेमा। 4 किजोकि पेइले भी, ज़ैखन अस तुसन कां थिये, त तुसन सेईं जोते थी, कि अस सताए गानेमा, ते तुस ज्ञानतथ एरु भोवं भी। 5 एल्हेरेलेइ ज़ैखन मीं करां होरु न बेलगोव, त तुश्शे विश्वासेरो हाल ज़ान्नेरे लेइ तीमुथियुस भेजो, किजोकि अवं डरों थियो

कि एरू न भोए, कि अज़माने बाले (शैताने) तुस अज़माए त नई, ते तुसन कोन्ची चीज़ारो घाटो न भोलो। 13 हे ढूलाव, अस न, कि इश्शी मेहनत बेकार त न भोइ। 6 पन तीमुथियुसे ज़ै तुसन करां इश्शे इडी अव, ते तुश्शे विश्वासेरे ते प्यारेरे बारे मां खुशखबरी शुनाई। ते ई गल भी शुनाई, कि तुस सदा प्यारे सेइं असन याद केरतथ, ते असन हेरनेरी इच्छा रखतथ, जेन्चरे अस भी तुसन हेरनेरी इच्छा रखतथ। 7 एल्हेरेलेइ हे ढूलाव, अपनि सारी तंगी, ते मुसीबतन मां तुश्शे विश्वासे सेइं असन शान्ति मैल्ली। 8 तुश्शो प्रभु पुड़ मज़बूत विश्वासे इश्शे लेइ अक नव्वें जिन्दगरे साँसेरो ज़ेरोए। 9 ते ज़ेरो आनन्द असन तुश्शे वजाई सेइं अपने परमेशरेरे सामने, तैसेरे बदले मां अस कोस तरीके सेइं परमेशरेरु शुक्र केरम। 10 अस रात दिहाड़ी बड़ी प्रार्थना केरते रातम, कि तुसन सेइं दुबारां मिलम, ते तुश्शी मद्दत केरम कि तुस होरि जादे मज़बूती सेइं प्रभु यीशु पुड़ विश्वास केरथ। 11 ते अस प्रार्थना केरतम कि इश्शो बाजी परमेशर ते इश्शे प्रभु यीशु, बत खोल्ले कि अस तुसन कां एज्जी बटम। 12 ते प्रभु एरू केरे, कि जेन्चरे अस तुसन सेइं प्यार केरतम; तेन्चरे तुश्शो प्यार एप्पू मांमेइं, ते सेब्भी मैनु सेइं बधे, ते तरक्की केरतो राए। 13 ताके ते तुश्शे मन्न मज़बूत केरे, कि ज़ैखन इश्शो प्रभु यीशु अपने सब पवित्र लोकन सेइं साथी एज्जे, त ते इश्शे बाजी परमेशरेरे सामने तुश्शे मन्न पवित्रता मां बेइलज़ाम ठहरालो।

**4** आखर, हे ढूलाव अस तुसन कां बिनती केरतम, ते तुसन प्रभु यीशु मां समझातम, कि जेन्चरे तुसेईं इश्शो ज़ेरो चाल चलन रखखो, ते परमेशर खुश केरनो शिखरोए, ते जेन्चरे तुस चलतथ भी, तेन्चरे तुस अग्रोव बद्धते राथ। 2 किजोकि तुस जानतथ, कि इना हदायतां असन प्रभु यीशु करां मैलोरिन। 3 परमेशर चाते, कि तुस पवित्र बना, मतलब बदमाशी केरने करां बचोरे राथ। 4 ते तुसन मरां हर केन्चे ज़ानेरू लोडे कि केन्चरां अपने कुआन्शी सेइं पवित्रता ते आदरी सेइं जिन्दगी जीयोरी लोडे। 5 ते इन कम खुवैशी सेइं नई, ते न गैर कौमां केरे ज़ेरे, ज़ैना परमेशरे न पिशानन्। 6 कि इस गल्ली मां कोई अपने विश्वासी ढूलाए न ठगे, ते न तैस पुड़ हकोमत चलाए; किजोकि प्रभु इन सब गल्लां केरि सज़ा देलो, जेन्चरे कि असेईं पेइलू तुसन सेइं ज़ोरू थियूं, ते खबरदारी भी दित्तोरी थी। 7 किजोकि परमेशरे अस अशुद्ध जिन्दगी जीनेरे लेइ नई, पन पवित्र जिन्दगी जीनेरे लेइ कुजवरेम। 8 एल्हेरेलेइ ज़ै कोई इना हदायतां केरो इन्कार केरते, ते मैनु केरो नई, पन परमेशरेरो इन्कार केरते, ज़ै अपनो पवित्र आत्मा तुसन देते। 9 पन विश्वासी भाईचारेरे प्यारेरे बारे मां तुसन किछ लिखनेरी ज़रूरत नई, एप्पू मांमेइं प्यार रखनो तुसेईं परमेशरे करां एप्पू शिखरोए। 10 ते सारे मकिदुनिया इलाकेरे सेब्भी ढूलान सेइं साथी एरू केरतथ भी, पन हे ढूलाव, अस तुसन कां छन्दे केरतम कि होरे भी बद्धते गाथ। 11 ते जेन्चरे असेईं तुसन हुक्म दित्तो, तेन्चरे तुस होरन सेइं लड़ाई न केरा, ते अपनू कम केरा त कने अपने लेइ कमाई केरा। 12 ते एन्चरां तैना भी तुश्शी आदर केरेले ज़ैना विश्वासी

नई, ते तुसन कोन्ची चीज़ारो घाटो न भोलो। 13 हे ढूलाव, अस न चातम, कि तुस तैन केरे बारे मां अनज़ान राथ ज़ैना विश्वासी मरैन अनज़ान राथ, एरू न भोए, कि तुस होरि केरे ज़ेरे शोग केरथ, ज़ैन मरैनरां पती उमीद नई। 14 किजोकि अगर अस विश्वास केरतम, कि यीशु मरो, ते ज़ीतो भोव, त तेन्चरे परमेशर तैन भी ज़ैना यीशु पुड़ विश्वास केरतां मरे, परमेशर तैन भी यीशु सेइं साथी वापस आनेलो। 15 किजोकि अस प्रभु यीशुएरे वचनेरे मुताबिक तुसन सेइं इन ज़ोतम, कि अस ज़ैना ज़ीतेम, ते प्रभुएरे वापस एजने तगर बंचोरे रामेले, त ज़ैना विश्वासी मरोरैन पेइले तैस सेइं मिलमेले, फिरी अस मिलमेले। 16 किजोकि प्रभु यीशु एप्पू स्वर्गरां एज्जेलो; ते ज़ोरे सेइं हुक्म देलो, तैस वक्ते प्रधान दूतेरी आवाज़ शुनोली, ते परमेशरेरी महिमारो नइशिनगो बजो गालो, ते ज़ैना मसीह पुड़ विश्वास केरनेबाले मां मरैन, तैना पेइले ज़ीते भोनेन। 17 तैखन अस ज़ैना ज़ीते बचोरे रहमेले, ते तैन सेइं साथी बिदलारी पुड़ नियो गानेम, कि अम्बरे मां प्रभु सेइं मिलमेले, ते तेइसेरां बाद अस सदा प्रभु सेइं साथी रानेम। 18 एल्हेरेलेइ इन्ने गल्लन सेइं एक्की होरि तस्सली देते राथ।

**5** हे ढूलाव ते बेइनव, इसेरी ज़रूरत नई, कि वक्तन ते कालां केरे बारे ज़ेइस प्रभु यीशु वापस एज्जेलो तुसन किछ लिखू गाए। 2 किजोकि तुस एप्पू रोडे चारे ज़ानतथ, ते जेन्चरे चोर राती एइते, तेन्चरे प्रभुएरू दुबारां एज्जेलो भोलू। 3 ज़ैखन लोक ज़ोले, “कि शान्तिए, ते कोई डर नई,” त तैन पुड़ अकदम विनाश एज्जेलो, जेन्चरे दोज़ीती पुड़ तकलीफ; ते तैना तैस मुसीबती करां न बचेले। 4 पन हे ढूलाव ते बेइनव, तुस त (आत्मिक) आंधरे मां नई, कि ते दिहाड़ी पुसन पुड़ चोरेरी ज़ेरे एज्जे। 5 किजोकि तुस सब लोअरे बच्चे आथ, ते दीसारे बच्चे आथ, अस न रातेरम, न आंधारेरम। 6 एल्हेरेलेइ अस होरि केरे ज़ेरे झुलोरे न रहम, पन बींझे रहम ते हुशार रहम। 7 किजोकि ज़ैना झुलोरे रातन, तैना राती झूलतन, ते ज़ैना नशे मां रातन, तैना राती नशे मां भोतन। 8 पन अस त दीसेरम, विश्वास ते प्यार लेइतां कि इश्शी हिफाज़त भोए जेन्चरे झिलम सिपाहेरी हिफाज़त केरतीए, ते मुक्तेर उमीद लेइतां जेन्चरे सिपाही टोप लाते, खबरदार रहम। 9 किजोकि परमेशरे अस सज़ारे ते क्रोधेरे लेइ नई, पन एल्हेरेलेइ चुनोरेम कि अस अपने प्रभु यीशु मसीहेरे ज़िरिये सेइं मुक्ति हासिल केरम। 10 यीशु मसीह इश्शे लेइ एल्हेरेलेइ मरो, कि अस चाए बींझे भोम, या झुलोरे भोम, सब मिलतां तैस सेइं साथी ज़ीमां। 11 एल्हेरेलेइ एक्की होरि हिम्मत देथ, ते एक्की होरेरी तरक्की भोनेरी ज़िरियो बना, लगातार, तुस एरू केरतथ भी। 12 ते ढूलाव, अस तुसन सेइं बिनती केरतम, कि ज़ैना तुश्शे लेइ बड़ी मेहनत केरतन, ते प्रभु मां तुश्शी अगवाई केरनेबाले आम, ते ज़ैना तुसन सलाह देतन, तैन केरि आदर केरा। 13 ते ज़ैना कम्मां तैनेईं तुश्शे लेइ कियां तैन केरे वजाई सेइं तैन केरि आदर ते तैन सेइं बड़ो प्यार केरा, ते एप्पू मांमेइं मेल मालपे सेइं राथ। 14 हे ढूलाव ते बेइनव,

अस तुसन कां मिनत केरतम, कि ज़ैना आलसी आन, तैन खबरदार केरा, ज़ैन केरि हिम्मत घटे तैन हिम्मत देथ, तैन केरि मद्दत केरा ज़ैना (आत्मिकता) मां कमज़ोरन, सेब्भी केरे लेइ बरदाशत केरनु हिराथ। 15 इस गल्लारू ध्यान रख्खा, कि कोई कोन्ची सेइं बुरीयीयेरे बदले बुराई न केरे, पन सदा भलाई केरनेरे लेइ तियार राथ, एप्पू मांमेइं ते सेब्भन सेइं भी भलाई केरनेरी कोशिश केरा। 16 सदा खुश राथ। 17 लगातार प्रार्थना केरते राथ। 18 हर हाले मां शुक्र केरा, किजोकि तुश्शे लेइ मसीह यीशु मां परमेशेरेरी ईए मर्जीए। 19 पवित्र आत्मा रे कम्मन ज़ैना लोकां केरे ज़िन्दगी मां भोतन तैन न रोका। 20 भविष्यवैनी केरो इन्कार न केरा। 21 सब गल्लां परखा, ज़ैना रोड़ी भोन तैन अपनाथ। 22 सेब्भी किसमेरी बुरैई करां बच्चोरे राथ। 23 शान्ति देनेबालो परमेशेरे एप्पू तुसन पूरे तरीके सेइं पवित्र केरे; ते तुश्शी आत्मा ते प्राण ते जिसम इश्शे प्रभु यीशु मसीहेरे दुबारां एजने तगर पूरे, ते बेइलज़ाम ते सुरक्षित रान। 24 तुश्शो कुजाने बालो वफादारे, तै एरू केरेलो। 25 हे ढ्लाव, इश्शे लेइ प्रार्थना केरा। 26 सेब्भी विश्वासी ढ्लान मसीहेरे प्यारे सेइं नमस्कार केरा। 27 अवं तुसन प्रभुएरी कसम देताई, कि ई चिट्ठी सेब्भी विश्वासी ढ्लान पेढ़तां शुनाई गाए। 28 इश्शे प्रभु यीशु मसीहेरो अनुग्रह तुसन पुइं भोतो राए।

## 2 थिस्सलुनीकियों

**1** अवं पौलुस ई चिट्ठी लिखने लोरोई। सिलवानुस ते तीमुथियुस भी मीं सेईं साथी आन। थिस्सलुनीकि नगरेरे कलीसियारे विश्वासी लोकन, जैना बाजी परमेशर ते प्रभु यीशु मसीह मां आन, 2 अस प्रार्थना केरतम कि इश्शे बाजी परमेशर ते प्रभु यीशु मसीह तुसन अनुग्रह ते शान्ति दे। 3 हे ढूलाव ते बेइनव, तुश्शे बारे मां असेईं हर वक्त परमेशरेशू शुक्र कियेरू लोडे, ते इन इश्शे लेइ ठीक भी आए। एल्हेरेलेइ कि तुश्शो यीशु मसीह पुड़ विश्वास बड़ो बढतो गाते, त कने तुश्शो एक्की होरि सेईं प्यार केरनो भी बड़ो बढने लोरोए। 4 ई वजा आए, कि अस एप्पू परमेशररे कलीसियान मां, तुश्शे बारे मां घमण्ड केरतम, चाए तुसन पुड़ मुसीबत या दुःख भी एज्जन, फिरी भी तुस सबरी सेईं झैलतथ, ते तुस यीशु मसीह पुड़ विश्वास केरते रातथ। 5 परमेशर अपनो इन्साफ हिरानेरे लेइ ई स्ताव इस्तेमाल केरेलो, कि तुस परमेशररे राज्जेरे काबल भोथ, जेसेरे लेइ तुस दुःख भी झैलतथ। 6 परमेशरे हमेशा ठीक तरीके सेईं इन्साफे केरते, कि जैना तुसन दुःख देतन, तैन बदले मां दुःख दे। 7 तुस जैना दुःख झैलतथ, परमेशर तुसन आराम देलो ते असन भी। इन तेइस भोलू जेइस प्रभु यीशु अपने शेक्तिबाले स्वर्गदूतन सेईं साथी बेलति अगारे लप्पी सेईं साथी स्वर्गां एज्जेलो। 8 ते जैना लोक परमेशरे न पिशानन त कने इश्शे प्रभु यीशुएरे खुशखेबरी न मन्न, तैन ते सज़ा देलो। 9 तैना प्रभुए करां हमेशारे लेइ अलग भोले, ते तैसेरे महान शेक्ते हिस्सेदार न भोले। ते तैन हमेशारी सज़ा देइतां नाश केरेलो। (aiōnios g166) 10 इना गल्लां तेइस भोली जेइस यीशु अपने लोकन करां आदर हासिल केरनेरे लेइ वापस एज्जेलो, ते जैना लोक तैस पुड़ विश्वास केरतन तैना हैरान भोले। तुस भी तैन्ने लोकन मरां भोले, किजोकि जै सन्देश असेईं तैसेरे बारे मां तुसन शुनव तुसेईं तैस पुड़ विश्वास कियो। 11 एल्हेरेलेइ अस लगातार तुश्शे लेइ प्रार्थना भी केरतम, कि परमेशर तुसन इस काबल बनाए, जेरि जिन्दगी जीनेरे लेइ तुस कुजवरे तेन्चरे तुस जीथ। ते तै तुसन अपने शेक्ति सेईं इस काबल बनालो कि तुस जैना रौड़ केरथ ते जैन तुस केरनू चाथ, ते जैन कम तुस अपने विश्वासे सेईं केरतथ पूरू केरथ। 12 एन्चरे इश्शे प्रभु यीशु मसीहरे नब्बेरी तुश्शे जिरिये बडीयाईं भोली। ते तैसेरे जिरिये तुसन आदर मैलेली। इन सब किछ इश्शे परमेशर त कने प्रभु यीशु मसीहरे अनुग्रहे सेईं भोलू।

**2** हे ढूलाव ते बेइनव, असन कां प्रभु यीशु मसीहरे वापस एजनेरे बारे मां जोनेरे लेइ किछ आए। ते वक्त एज्जेलो जेइस अस तैस सेईं साथी मिलमेले। 2 इन सोचतां तुस परेशान न भोथ या तुश्शो दिल न घबराए कि प्रभुएरी दिहाडी पेइली ओरिए। किछ जोई बटतन कि इन भविष्यवाणी मां या सन्देशे मां या चिट्ठी मां तैन कां ओरू थियूं। 3 लोक जैना इस बारे मां झूठी गल्लां जोतन तैन पुड़ विश्वास न केरा। किजोकि यीशु

मसीहरे वापस एजनेरे पेइले, ते वक्त एज्जेलो जेइस बड़े लोक परमेशररे खलाफ भोले, ते फिरी अधर्मी मैन्हु बांदो भोले। तै, तै आए जै नाश भोनेरे लेइ ठहरावरोए। 4 तै अधर्मी मैन्हु परमेशररी खलाफत केरेलो, ते तैन सब किछ जैन लोक देबते सेमझतां आराधना केरतन, तै इन जोलो ई अवं इन सेबन करां महान आईं। इडी तगर कि तै परमेशररे मन्दरे मां बिश्तां अपनो आपे जो परमेशर जोलो। 5 इन न बिसरा, कि मीं बड़े बार इन गल्लां केरे बारे मां जोरूए, जैखन अवं तुसन सेईं साथी थियो। 6 हुन्ना तै अधर्मी मैन्हु बांदो नईं भोरो किजोकि कोई आए जैने ते रोकरोए, कि तै अपने वक्ते पुड़ बांदो भोए। 7 किजोकि अधर्मी चीजां केरि शक्ति इस दुनियाईं मां पेइली छेपतां कम केरने लोरीए, पन अक आए जै तैस रोकते। ते तै तैस रोकतो रालो जां तगर तै दूर न कियो गाए। 8 तैटां बाद तै दुष्ट मैन्हु एज्जेलो, पन बादे मां जैखन प्रभु यीशु एज्जेलो, त तैस दुष्ट मैन्हु अपने ऐशेरे फुकी सेईं ते एजनेरी महिमाईं सेईं मारेलो। 9 तै दुष्ट मैन्हु, शैतानेरे शेक्ति सेईं एज्जेलो। तै हर किसमेरे झूठे चमत्कार ते निशान, ते बडां-बडां कम्मां केरेलो, ताके लोक सोचन कि तै परमेशर जै एन केरते। 10 ते तै हर किसमेरां बुरां कम्मां केरेलो, ते तैन धोखो देलो जैना परमेशरे नाश केरनेन। किजोकि तैनेईं तैस सच्चे पुड़ विश्वास केरने करां इन्कार कियो, जैस सेईं तैन मुक्ति मैल्लेथी। 11 एल्हेरेलेइ परमेशर तैन मां अक धोखो देनेबाली आत्मा भेजेलो जै तैन सच्चे करां दूर केरेली, ताके तैना झूठे पुड़ विश्वास केरन जैन तै दुष्ट मैन्हु तैन सेईं जोलो। 12 परमेशर तैन सेबभी लोकन सज़ा देलो जैनेईं यीशु मसीहरे सच्चे सन्देशे पुड़ विश्वास न कियो, पन पाप केरने सेईं खुश भोए। 13 हे ढूलाव ते बेइनव, असेईं तुश्शे लेइ परमेशरेशू शुक्र कियेरू लोडे। किजोकि परमेशर तुसन सेईं प्यार केरते, तैने तुस दुनिया बनाने करां पेइले चुने, कि पवित्र आत्मारे पवित्र बनाते, ते यीशु मसीहरे बारे मां जै सच्चे सन्देशे तैस पुड़ विश्वास केरतां परमेशर तुसन मुक्ति दे। 14 जै खुशखेबरी असेईं प्रचार की परमेशर ते इस्तेमाल की, कि तुसन बघानेरे लेइ कुजाए, तुस इश्शे प्रभु यीशु मसीहरी महिमाईं मां शामिल भोथ। 15 एल्हेरेलेइ, ढूलाव ते बेइनव, जै शिक्षा असेईं तुसन दिती, जैखन असेईं तुसन सेईं गल्लां की त कने चिट्ठी केरे जिरिये, तैस पुड़ तुस लगातार विश्वास केरते राथ। 16 अस प्रार्थना केरतम इश्शो प्रभु यीशु मसीह एप्पू, ते इश्शो बाजी परमेशर जैने असन सेईं प्यार कियो, ते जैने अपने अनुग्रहे सेईं असन हमेशारो होसलो ते पक्की उमीद दिती, (aiōnios g166) 17 तैना तुसन होसलो देन, ते तुसन मजबूत केरन ताके तुस लगातार भलाई केरथ ते जैन जोथ तैन रौड़ भोए।

**3** आखरी मां हे ढूलाव ते बेइनव, इश्शे लेइ प्रार्थना केरते राथ, कि अस प्रभु यीशुएरू वचन होरि भी बड़े रैन शुनेईं बटम, ते जैना शुन्न त तैना तेन्चरे मनन जेन्चरे तुसेईं मन्नू। 2 ते ई भी प्रार्थना केरा कि परमेशर असन बुरे ते दुष्ट लोकां केरे जिरिये नुकसान पुजाने करां बनेइतां रख्खे, किजोकि बड़े लोक

जैनेई प्रभु यीशुएरी खुशखबरी शुनी, ते तैनेई इस पुड़ विश्वास न कियो। 3 पन तुस प्रभु पुड़ पूरो भरोसो केरि बटतथ, तैए तुसन मजबूत केरेलो, ते दुष्टे करां यानी शैताने करां बचालो, ताके तै तुसन कोई नुकसान न पुजेई बटे। 4 ते असन प्रभु मां तुसन पुड़ भरोसोए, कि जैन किछ असेई तुसन केरनेरे लेइ ज़ोरुए, तुस तेन्चरे केरते ओरेथ ते एजनेबाले वक्ते मां केरते राले। 5 अस प्रार्थना केरतम, कि प्रभु यीशु मसीह तुसन इन समझनेरे काबल बनाए कि परमेशर तुस सेइं केत्रो प्यार केरते, ते बरदाश केरा जेन्चरे मसीहे बरदाश कियूं। 6 हे ढूलाव ते बेइनव, अस प्रभु यीशु मसीहेरे दित्तोरे अधिकार सेइं तुसन ई हुक्म देतम, कि तुसन मरां हर कोई एरे ढूलान ते बेइनन सेइं साथ न रखवे, जैना आलसी आन त कने जै शिक्षा असेई तुसन दित्ती तैस न मन्। 7 किजोकि तुस एप्पू रोड़े चारे ज्ञानतथ, कि तुसेईं तेन्चरे ज़िन्दगी जीयोरी लोड़े जेन्चरे असेई जी, जैखन अस तुसन सेइं साथी थिये, अस आलसी न थिये पन कम केरते थिये। 8 असेई कोन्चेरी रोटी मुफ्त न खाइ, पन अस मेहनत ते कष्टे सेइं रात दिहैडी कारोबार केरते थिये, कि अस अपने ज़रूरतां केरे लेइ तुसन पुड़ निर्भर न भोम। 9 असेई बड़ी मेहनत की, एल्हेरेलेइ नई कि असन अधिकार नई, कि तुसन हुक्म देम कि तुस इश्शी ज़रूरतां पूरी केरा। पन एल्हेरेलेइ कि असेई अपनो आप तुश्शे लेइ मिसाल बनाई ताके तुस इश्शे जेरि ज़िन्दगी जीथ। 10 जैखन अस तुसन सेइं साथी थिये तैखन असेई तुसन हुक्म दित्तोरो थियो, कि अगर कोई कम केरने करां इन्कार केरे त तैस रोटी भी न देथ। 11 इश्शे शुन्ने मां ओरू आए कि तुसन मां बड़े लोक एरे आन जैना आलसी ज़िन्दगी जीतन। तेना एप्पू कम न केरन, पन होरि केरे कम्मन मां दखल देतन। 12 एरे लोकन अस प्रभु यीशु मसीहेरे दित्तोरे अधिकारे सेइं हुक्म देतम ते समझातम, कि चुपचाप कम केरतां अपनि ज़िन्दगी जीनेरे लेइ कमाई केरन। 13 ते तुस, ढूलाव ते बेइनव, भलाई केरने मां हिम्मत न हारा। 14 अगर कोई इश्शी इस चिट्टेरे सन्देशे न मन्ने, त सेबि केरे सामने तैसेरी पिशान केरा, ते तैस सेइं साथ न रखखा, ताके तै छिथोए; 15 फिरी भी तैस सेइं दुश्मनेरो जेरो बर्ताव न केरा, पन तैस सेइं विश्वासी सैथेरो जेरो बर्ताव केरतां तैस खबरदार केरा, कि जेरू तैने कियूं तैन न केरे। 16 हुनी अवं प्रार्थना केरताई प्रभु जै शान्ति देनेबालोए, तुसन हर वक्त हर किसमे सेइं शान्ति देतो राए, ते प्रभु लगातार तुसन सेबिन सेइं साथी भोए। 17 अवं पौलुस अपने हस्थे सेइं नमस्कार लिखताई, इन मेरू सबूते, अवं चिट्ठी केरे आखरी मां एन्चरे लिखताई, ताके हर एक्की पतो चले कि ई चिट्ठी मेरे तरफां आए। 18 इश्शे प्रभु यीशु मसीहेरो अनुग्रह तुसन सेबिन पुड़ भोतो राए।

# 1 तीमथियुस

**1** अवं पौलुस ई चिट्ठी लिखने लोरोई। अवं इशशे मुक्ति देनेबाले परमेशरे ते यीशु मसीहेरे अधिकारे सेइं प्रेरित आई, जैस पुड़ इशशी उमीदे। 2 अवं ई चिट्ठी तीमथियुसे जो लिखने लोरोई। हे तीमथियुस तू मेरे मट्टे जेरू आस, किजोकि जेन्चरे अवं विश्वास केरताई तेन्चरे तू भी विश्वास केरतस। अवं प्रार्थना केरताई इशशे बाजी परमेशर ते प्रभु यीशु मसीह तीं अनुग्रह, दया त कने शान्ति देतो राए। 3 हे तीमथियुस जेन्चरे तू ज्ञानतस, इफिसुस नगरे मां किछ एरे लोक आन जैना गलत शिक्षा देतन। तैना लगातार झूठी कहनी शिखालतन ते पूर्वजां केरे नव्वां केरे बारे मां शिखालतन। जैखन अवं इफिसुस नगरेमां मकिदुनिया इलाके जो गानेरे लेइ तियार थियो, त मीं तीं जेरू थियूं कि इफिसुस नगरे मां रा ते तैन जो, कि एरी जेरि शिक्षा न देतन, जैखन तैना एरी जेरि शिक्षा देतन त लोक तैन केरे बारे मां बेंस केरतन। नितीजो ई आए, जैन कम परमेशरे दितोरूप, शिखालनेबाले तैन नई लौ केरने जैन सिर्फ परमेशरे पुड़ रेखतां भोड़ सकते। 5 मेरो हुक्म देनेरो मकसद ई आए, कि तुस एक्की होरि सेइं साफ दिले ते रोड़े ज़मीरे, ते सच्चे विश्वासे सेइं प्यार केरा। 6 झूठी शिक्षा देनेबालेई इन सैरी गल्लां केरनि बंद की ते सिर्फ बेकार बेंस केरतन। 7 ते शास्त्री बन्नु चातन, पन जैना गल्लां तैना होरन शिखालतन ते जैन केरो दावो केरतन तैन एप्पू भी न समझन। 8 अस ज्ञानतम, कि अगर लोक मूसेरे कानूने सही तरीके सेइं शिखालन त तैन रोड़ू आए। 9 तुस ज्ञानतथ मूसेरो कानून धर्मी मैनेरे लेइ नई। पन तैन केरे लेइ आए, जैना परमेशरेरे कानूनेरो इन्कार केरन ते तैस न मनन, ते जैना परमेशरेरी आराधना न केरन ते जैना लगातार पाप केरतन, ते जैना अशुद्ध आन, ते परमेशरेरी आदर न केरन, ते जैना अपने अम्मा बाजी ते होरि केरे कातलिन। 10 ते कने बदमाशी केरनेबालां, मड़द मड़दन सेइं जिसमानी रिश्तो रखनेबालां, नौकर बेचबालां, झूठ ज़ोने बालां, ते झूठी कसम खाने बालां, ते इन केरे अलावा रोड़ी शिक्षारी खलाफ कम केरनेबालां केरे लेइ आए। 11 ई शिक्षा महान परमेशरेरी महिमारे खुशखबारे मुताबिके, ई परमेशरे मीं होरन शुनानेरे लेइ दितोरीए। 12 अवं अपने प्रभु मसीह यीशुएरू शुक केरताई जैने मीं शक्ति दित्ती, तैने अवं वफादार सेमझतां मीं अपनी सेवा दित्ती। 13 विश्वासी बन्ने करां पेड़लो अवं यीशुएरे बारे मां तुहीन केरनेबालो ते विश्वासी लोकन सताने बालो, ते तैन नुकसान पुजाने बालो थियो। पन परमेशरे मीं पुड़ अपनी दया हिराई, किजोकि मीं हेजू यीशु पुड़ विश्वास न थियो कियोरो ते अवं न थियो ज्ञानतो कि कुन लोरोई केरने। 14 ते इशशे प्रभुएरू अपनी बड़ो अनुग्रह लगातार हिराव। ते तैनी विश्वास ते प्यार दित्तो, किजोकि अवं तैस सेइं साथी अक भोरो थियो। 15 ई गल सच्चे, ते हर किसमे सेइं मन्ने काबल, कि मसीह यीशु असन पापी लोकन मुक्ति देने इस दुनियाई मां अवं, जैन मरां सेबन्ना

जादे पापी अवं आई। 16 पन परमेशरे मीं पुड़ दया की, एन तैने एल्हेरेलेइ कियूं, कि मेरे ज़िरिये, जैने मैने होरन करां जादे बुराई की, यीशु मसीह तैस पुड़ अपनी पूरी बरदाशत हिरैई बटे, चाए मीं जैन भी कियोरू थियूं। तैने एन कियूं ताके बादे मां होरे लोक विश्वास केरन ते हमेशारी ज़िन्दगी हासिल केरन। (aiōnios 9166) 17 हुनी हमेशारो राज़ो, जै सदा ज़ींतोए ते आलाए महान परमेशरेरी आदर, ते महिमा सदा भोती राए। आमीन। (aiōn 9165) 18 हे मट्टां तीमथियुस, अवं इन्ना हदायतां देने लोरोई: अवं तीं तैना गल्लां याद केरताई जैना बीतारे वक्ते मां नेबेई तीं ज़ोरी थी। तू तैन गल्लां केरो इस्तेमाल हथियारां केरो ज़ेरो तैन केरे खलाफ लड़नेरे लेइ केर, जैना झूठी शिक्षा देतन। 19 तू मसीह पुड़ लगातार विश्वास केर ते अपने ज़मीर भी साफ रख। किछ लोकेई अपने साफ ज़मीरिरो इन्कार कियोरोए तैसेरो नितीजो ई भोव कि तैनेई यीशु पुड़ विश्वास केरनो शारो। 20 तैन्ने मां हुमिनयुस ते सिक्न्दरे, जैना मीं शैतानेरी शक्ति मां देइतां तैन सज़ा दित्तोरीए, एस सेइं तैना इन शिखले कि परमेशरेरी तुहीन केरनि बंद केरन।

**2** हुनी अवं सेबन्ना करां बेद्धतां इन ज़ोताई, कि बिनती, ते प्रार्थनां, ते दरखुवासां, सेबन्नी मैन्हु केरे लेइ की गान। 2 राज़ां ते सेबन्नी उच्चे पदे बालां केरा लेइ प्रार्थना केरा, ताके तैना असन सुखे ते बगैर खतरे सेइं ज़ींने देन ते अस परमेशरेरी आराधना केरि बटतम ते होरि लोकन सेइं रोड़ो बर्ताव केरि बटम। 3 इन इशशे मुक्ति देनेबाले परमेशरे रोड़ू लगते ते पसंद एइते। 4 तै इन चाते, कि सेबन्नी मैन्हु मुक्ति मैल्ले; ते तैना सच्चेरे ज्ञाने ज्ञानन। 5 किजोकि सिर्फ अक्के परमेशरे, ते अक मैन्हु आए जै परमेशर ते लोकां केरो बिचवाई कराने बालो, ते तै मैन्हु यीशु मसीह आए। 6 सेबन्नी लोकन पाप ते मोतरी शक्ति करां छुटकारो देनेरे लेइ मसीहेरू अपना आप बलिदान कियो। तैसेरे मोतरे ज़िरिये परमेशरे ठीक वक्ते पुड़ सबूत दित्तू कि तै सेबन्नी लोकन बचानो चाते। 7 ई वजा आए, परमेशरे अवं खुशखबरी प्रचार केरनेबालो ते प्रेरित भोनेरे लेइ चुनो। तैने अवं गैर कौमन विश्वासेरो सच्चे सन्देश शिखालनेरे लेइ चुनो। अवं झूठ नई लोरो ज़ोने बलके सच्च ज़ोने लोरोई। 8 अवं चाताई, कि हर ठैरी सभान मां मड़द परमेशरेरे लेइ समर्पित हथ खड़े केरतां बगैर सरकां ते बगैर बेंसी सेइं प्रार्थना केरन। 9 तेन्चरे मसीही कुआन्शां भी इज़जतदार लिगड़ां लेइतां, ते अपना आप रोड़ेचारे सजेइतां, न कि अलग-अलग किसमे सेइं दोग बनाने, ते सोन्ने, ते मोती, ते कीमती लिगड़न सेइं। 10 बलके इस्सेरे बदले तैनेई होरि केरे लेइ रोड़ां कम्मां केरतां अपना आप खूबसूत लोड़े बनावरो, किजोकि परमेशरेरी भक्ति केरनेबैली कुआन्शन इन शोभा देते। 11 जैखन होरे लोक विश्वासी लोकन शिखालन त सेबन्नी कुआन्शेई चुपचाप ते आदरी सेइं शुन्तां शिखोरो लोड़े। 12 अवं अज़ाज़त न देई कि कुआन्शां मड़दन शिखालन ते तैन पुड़ अधिकार रखन। जैखन तुस आराधना केरनेरे लेइ अकोट्टे भोथ



त कुआन्शेई चुप लोडे रावरू। 13 अवं इन एल्हेरेलेइ ज़ोताई किजोकि परमेशरे पेड़लो आदम बनाव, तैसेरे पती हव्वा बनाई। 14 होरि वजा ई आए कि कुआन्शां सप्ये करां धोखो खाव न कि आदमे, एन्चरां हव्वा परमेशरेरो हुकम टलोडो। 15 फिरी भी कुआन्शा बच्चे ज़रमने सेइं परमेशरेरो करां मुक्ति हासिल केरेली, अगर मसीह पुड़ लगातार विश्वास केरती राए, ते होरि लोकन सेइं प्यार केरती राए, ते शुद्ध त कने रोड़े तरीके सेइं बर्ताव केरे।

**3** ई गल सच्च्ये, कि ज़ै कलीसियाई मां अगवो भोनो चाते, त तै आदरारे पदेरी इच्छा रखते। 2 ते इन ज़रूरीए कि अगवो बेइलज़ाम भोए, ते तैसेरी अक कुआन्शा लोडे, ते तै अपने आपे पुड़ कैबू केरनेबालो, समझदेरी सेइं जीनेबालो भोए, इज़्जतदार भोए, ते ट्लाहना केरि आदर केरनेरे लेइ तियार रानेबालो भोए, ते होरि लोकन परमेशरेरो सन्देश रोड़े चारे शिखालनेरे काबल भोए। 3 तै शराबी या मार-पीट केरनेबालो न लोडे, बल्के दया केरनेबालो लोडे, ते लड़ाई न केरनेबालो लोडे ते पेइंसां केरे लालची न भोए। 4 तै अपने घरेरो रोड़े चारे च़लानेबालो ते बन्दो बसत केरनेबालो लोडे, ते तैनी अपने बचन शिखालोरू लोडे कि तैना हर गल्ली मां इज़्जती सेइं तैसेरी मनन। 5 ज़ैखन अगर कोई अपने घरेरो बन्दो बसत केरनो न ज़ानतो भोए, त तै परमेशरेरी कलीसियारी हेरगेश केन्चरे केरेलो? 6 तै नञ्चो विश्वासी न लोडे, एरू न भोए अभिमान केरे ते तैस शैतानेरी ज़ेरि तैस सज़ा मैल्ले। 7 ते ज़ैना लोक विश्वासी नईं तैनेईं भी तैसेरे बारे मां इन ज़ोरू लोडे कि ए रोड़ो मैन्हु आए। ताके एरू न भोए कि तै घटिया भोए ते शैतानेरे ज़ाले मां फंसे। 8 तेन्चरे सेवक भी तेरेहे लोइन ज़ैन केरि लोक आदर केरन। ईमानदार लोइन, ते पीने बाले न भोन, ते एरे मैन्हु न भोन ज़ैना पेइंसां केरे लेइ किछ भी केरि बटतन। 9 पन तैन केरे ज़मीर साफ लोइन ते ज़ै शिक्षा परमेशरे बांदी कियोरीए, तैस पुड़ लगातार विश्वास केरनेबाले लोइन। 10 ज़ैखन कलीसियारे सेवक चुने गान त पेइलू तैन केरू चालचलन परखू गाए, कि तैन मां रोड़े गुण आन, ते केन्ची तैन मां कोई गलती न लेइहोए, त फिरी सेवकेरू कम केरन। 11 एन्चरे कलीसियाई मां सेवा केरनेबालां केरि कुआन्शां भी आदरारे काबल भोन, होरन बदनम केरनेबैली न लोइन, पन शांत सुभावे बैली, ते सेबभी गल्लन मां ईमानदार भोन। 12 कलीसियारो सेवक अपने कुआन्शरे लेइ वफादार लोडे, ते बच्चां ते अपने घरेरे सारे लोकां केरो रोड़ो चारे हेरगेश केरनेबालो लोडे। 13 किजोकि ज़ैना सेवकेरू कम रोड़े चारे केरतन, तैना लोकां केरि नज़री मां इज़्जतदार भोतन। ते तैना अपने तैस विश्वासेरे बारे मां ज़ै यीशु मसीहे पुड़े बड़े दिलेरी सेइं ज़ोतन। 14 अवं तीं कां जल्दी एजनेरी उमीद रखने पुड़ भी इना गल्लां एल्हेरेलेइ लिखताई। 15 अगर मीं एजने मां च़िर लगे, त तू ज़ानस, कि लोकेईं परमेशरेरे टब्बेरे होरि लोकन सेइं केन्चरे बर्ताव कियोरो लोडे। इन टब्बर तैना लोकन सेइं बनोरू, ज़ैना यीशु पुड़ विश्वास केरतन ते ज़ींते परमेशरेरे कलीसियारेन। इना विश्वासी सच्च्यी

शिक्षाई मज़बूती सेइं मन्तन ते सम्भालतन जेन्चरे बुनीयाद ते खम्मबे इमारती सम्भालतन ते मज़बूत केरते। 16 ते इस मां शक नईं, अस पूरे याकीन सेइं ज़ोईं बटतम, ज़ैना शिक्षां परमेशरे बैदी की एना बिलकुल सच्च्यी आन, मतलब, मसीह मैनेरे रूपे मां बांदो भोव, पवित्र आत्मा तै हर कम्मे मां धर्मा ठहराव, स्वर्गदूतेईं ते लाव, लोकेईं तैसेरे बारे मां कौमन मां प्रचार कियो, सारे दुनियाईं मरां लोकेईं तैस पुड़ विश्वास कियो, परमेशरे तै उबरे स्वर्गें जो नीयो।

**4** पन पवित्र आत्मा साफ ज़ोते, कि आखरी वक्ते मां किछ लोक मसीही शिक्षाई पुड़ विश्वास केरनो बन्द केरेले। तैना दुष्ट आत्मान कबूल केरेले, तैना तैन बुरी बती च़लैली, त कने तैना लोक दुष्ट आत्मां केरि झूठी शिक्षाई पुड़ विश्वास केरेले। 2 इन तैना झूठे पाखंडी लोक आन, ज़ैना इन झूठी शिक्षान शिखालतन, तैन केरो ज़मीर ज़ै रोड़े ते बुरे मां फेसलो केरते मर्रां आए ते जेन्चरे तात्ते लोहे सेइं तै फुकोरोए। 3 एरे लोक इन शिखालतन कि इला नईं बनानो ते खानेरी किछ चीज़ां न लोइन खेवरी, पन परमेशरे इन खानेरी चीज़ां विश्वासी लोकां केरे खानेरे लेइ बनोरिन ज़ैना सच्च्यी शिक्षा ज़ानतन कि प्रार्थना केरतां खारू लोडे। 4 किजोकि परमेशरेरी बनेवरी हर चीज़ रोड़ीए। अस परमेशरेरू शुक्र केरतां सब किछ खेइ बटतम। 5 किजोकि परमेशरेरे वचने, ते प्रार्थनाई सेइं शुद्ध भोते। 6 अगर तू ढ़लान ते बेइनन लगातार इन्ना गल्लां याद करातो रालो, ज़ैन केरि हदायत मीं तीं दित्तोरिए त कने विश्वासेरे सन्देशे ते तैस रोड़ी शिक्षाई सेइं ज़ैस मां तू मज़बूत बनावरोस ज़ै तू मन्तो ओरोस। त तू यीशु मसीहेरो रोड़ो सेवक भोलो। 7 पन बनेवरी कहैनी ते बेकार कहैनी केरे वजाई सेइं वक्त बरबाद न केर ज़ैन सेइं परमेशरेरी आदर न भोए। पन तू लगातर परमेशरेरी आदर केरनेबाली ज़िन्दगी ज़ीनी शिखाल। 8 किजोकि जिसमानी वर्जिशी सेइं जानी फैइदो भोते, पन भेक्तेरे लेइ तियारी बडी रोड़ीए किजोकि इस वक्तेरी ते एजनेबाले वक्तेरी ज़िन्दगरो फैइदो इस्से मां आए जेसेरो वादो परमेशरे कियोरोए। 9 ते ई गल सज़, ते हर तरीके सेइं मन्नेरे काबल। 10 किजोकि अस मेहनत ते कोशिश एल्हेरेलेइ केरतम, किजोकि इश्शी उमीद तैस ज़ींते परमेशरे पुड़े। ज़ै सेबभी लोकां केरो, ते खास केरतां विश्वास केरनेबालन मुक्ति देनेबालोए। 11 विश्वासी लोकन इना गल्लां शिखाल ते तैन ई हुकम दे कि तैना इन मनन। 12 तू एन्चरे बर्ताव केर कि कोई भी तेरी अनादर न केरे किजोकि तू जवान आस। पन तू विश्वासी लोकां केरे लेइ इन सैरी गल्लन मां अक मिसाल बन, गलबाती मां, होरन सेइं बर्ताव केरने मां, ते होरन सेइं प्यार केरने मां, ते यीशु मसीह पुड़ विश्वास केरने मां, ते बेइलज़ाम ज़िन्दगी ज़ीने मां ताके लोक भी एन्चरां केरन। 13 ज़ांतगर अवं न एज्जी, तांतगर ज़ैखन विश्वासी लोक अकोट्टे भोतन ज़ोरे सेइं पढ़ने मां, ते तैन केरो होसलो बद्ध ते पवित्रशास्त्रेरो मतलब शिखाल। 14 इस गल्ली याद रख ज़ैखन बुजुर्गां केरे एक्की

टोलां तीं पुड हथ रखीरे थिये, परमेशरे तैन अक सन्देश दित्तो कि तैस वरदानेरे बारे मां ज़ोन ज़ै तैने तीं दित्तोरी। तैस वरदानेरे नज़र अनदाज़ न केर। 15 तैन गल्लन सोचतो रा, ते तैन मां अपनू ध्यान लेइतां रख, एन्चरे हर कोई हेरी बटेलो कि तू विश्वासे मां बद्धने लोरोस। 16 इस गल्लरू ध्यान रख कि तू केन्चरे ज़ीतस ते केन्चरे शिखालतस। इसेरो नितीजो ई भोलो कि परमेशरे इन्साफे मां तेरे ज़िरिये तीं ते तेरे शुन्नेबालन बचालो।

**5** बुढे मैन्हु न झिड़क पन तैस एन्चरे आदरी सेइं सल्लाह दे ज़ेन्चरे अपने बाजी, एप्पू करां निकडे मैन्हु एन्चरे सल्लाह दे ज़ेन्चरे अपने निकडे ढ़लाए। 2 बुढी कुआन्शन सेइं एन्चरे बर्ताव केर ज़ेन्चरे अम्मा सेइं, ते जवान कुआन्शन सेइं एन्चरे बर्ताव केर ज़ेन्चरे अपने बेइनी सेइं। इन साफ दिले सेइं केर। 3 तैन विधवां केरि आदर केरा, ज़ैन केरो कोई हेरगेश केरनेबालो नई तैन केरू ध्यान रख्खा। 4 ते अगर कोन्ची विधवांरां मट्टां या पोट्लडां या थियोडां भोन, ते तैन पेइलू अपने घरेरे लोकां केरू ध्यान रख्खा तां परमेशरेरी भक्ति केरनि शिखोरी लोडे। ते तैना एन केरतां अपने अम्मा-बाजी ते दादा देदी केरू हक देन, किजोकि इन परमेशरे पसंद एइते। 5 ज़ै विधवा आए ते तैसेरो ध्यान रखनेबालो कोई नई, तै परमेशरे पुड उमीद रखतीए, ते रात दिहैडी बिनती ते प्रार्थनाई मां परमेशरे करां मद्दत मगतीए। 6 पन ज़ैना विधवां अपनो सारो वक्त एशे मां बितातिन तैना जिसमानी रूपे सेइं त ज़ीतिन पन आत्मिक रूपे सेइं मेरीन। 7 इन गल्लां केरो भी हुक्म दे कि तैना बेइलज़ाम रान। 8 पन अगर कोई अपने रिशतेदारां केरि ते खास केरतां अपने घरानेरू ध्यान न रख्खे, ते तै विश्वासे करां मुकरोरोए, ते ज़ै विश्वास न केरे तैस करां बुरो बनोरोए। 9 तैरसे विधवारू नं लिखू गाए, ज़ै शठ सालन करां घट न भोए, ते अपने मुन्शे सेइं वफादार रावरी भोए। 10 ते होरे लोक तैसेरे बारे मां ज़ानते भोन कि तैसां हमेशा रोडां कम्मां कियोरन। ज़ेन्चरे कि, तैसां बच्चे रोडे चारे पाले, ते तैना विश्वासी लोक अपने घरे मां आने, ज़ैना सफरे मां थिये, ज़ेन्चरे होरि लोकां केरि सेवा कियोरी भोए, ते तैन लोकां केरि मद्दत कियोरी भोए ज़ैना मुसीबती मां थिये, ते ज़ैसां हर किसमेरां रोडां कम्मां कियोरां भोन। 11 पन जवान विधवां केरां नंवां न लिख, किजोकि ज़ैखन तैन केरि जिसमानी इच्छा तैस वादे करां शक्ति बाली भोती, ज़ै तैनेई विधवा रेइतां मसीहेरी सेवा केरनेरे लेइ कियोरोए, त तैना ड़ला बनानो चैतिन। 12 दुबारां ड़ला केरतां तैना दोषी भोतिन, किजोकि तैनेई अपनो पेइलो वादो बरकरार नई रखोरो। 13 एन्चरे तैना घरे-घरे फिरतां आलसी भोनु शिखतिन, ते सिर्फ आलसी नई, पन होरि केरे खलाफ गल्लां केरतिन, ते होरि केरे कम्मन मां दखल देतिन, ते तैना गल्लां ज़ोतिन ज़ैना न लोइन ज़ोरी। 14 एल्हेरेलेइ अव इन चाताई, कि जवान विधवां ड़ला बनान; ते तैन बच्चे भोन ते घरबार सुमालन, ते दुश्मन् बदनाम केरनेरो मौको न देन। 15 किजोकि किछ जवान विधवां कुआन्शेई परमेशरे करां दूर

भोइतां शैताने पत्ती चलनू शुरू कियोरू। 16 अगर कोन्ची विश्वास केरनेबालेरी टब्बरे मां विधवां भोन, त तैए तैन केरि मद्दत केरे न तैन केरि ज़िमेवारी कलीसियाई पुड भोए। तैखन कलीसिया तैस विधवारी मद्दत केरि बटते ज़ेसेरो कोई न भोए। 17 ज़ै बुजुर्ग रोडे चारे कम केरते तै आदर हासिल केरनेरे ते बराबर तनखाएरे काबले, खास केरतां तैना ज़ैना परमेशेरू वचन शुनाने, ते शिखालने मां बडी मेहनत केरतन। 18 किजोकि पवित्रशास्त्र मां इन लिखोरूए, “कि तू जोटलोरे दांतेरू आशी न बेन्थां,” किजोकि, “मज़दूर अपने मज़दूरां हकदारि।” 19 कोई दोष कोन्ची बुजुर्गे लव गाए, त ज़ांतगर दूई या जादे लोक न ज़ोन कि असेई ए पाप केरतो लावरोए, तांतगर न शुन। 20 ज़ैना लोक पाप केरतन तैन सेबभी विश्वासी लोकां केरे सामने झिड़क, ताके होरे विश्वासी लोक भी डरन। 21 परमेशर ते मसीह यीशु, ते चुनोरे स्वर्गदूत हाज़र सेमझतां अव तीं हादयत देताई, ध्यान राए कि तू केन्चेरो इन्साफ जल्दी न केरस, ते कोन्चेरी तरफदारी न केर। 22 कलीसियारो बुजुर्ग चुनेरे बारे मां जल्दी कथे नई केरनि। ते होरि केरे पापन मां शामिल न भो, अपनो आप पवित्र बनोरो रख। 23 अग्रोव जो पानी न पी, पन अपने पेटेरे ते अपने बार-बार बिमार भोनेरे लेइ थोडो-थोडो दाछारो रस भी कम्मे मां आन। 24 अव ज़ोताई कि जल्दी बुजुर्ग नई चुन्ने, किजोकि किछ लोक खुले आम पाप केरतन, इन्साफे करां पेइले भी तैना विश्वासी लोकां केरे सामने दोषी आन। हांलाकि होरि लोकां केरे पाप बादे न भोन पन बादे मां पिशाने गातन। 25 एन्चरे ज़ैखन लोक रोडां कम्मां केरतन, त तैन होरि विश्वासी केरे ज़िरिये हेरू गाते। अगर तैना तैन एक्की बारे साफ चारे लेई बटन, आखर तैना तैन पिशानेले।

**6** ज़ैना विश्वासी लोक गुलाम आन, तैनेई हर तरीके सेइं अपने मालिकां केरि आदर कियोरी लोडे ताके होरे लोक परमेशरेरी ते इश्शे शिक्कारी तुहीन न केरन। 2 ते ज़ैना मालिक विश्वासी भोन, त तैन केरू मसीह पुड विश्वास केरनेरे वजाई सेइं तैन केरि बराबर इज़्जत की गाए, बल्के तैन केरे लेइ होरू भी जादे कम कियोरू लोडे। किजोकि इस सेइं फेइदो नेनेबाले विश्वासी आन ते तैना गुलाम तैन सेइं प्यार केरतन, इन गल्लां केरि शिक्षा दे ते इन होसलो दे कि तैना इन सब केरन। 3 किछ लोक इश्शे शिक्कारी खलाफत केरि बटतन, पन इना यीशु मसीहेरी रोडी शिक्षां आन। इना शिक्षां भेक्करी ज़िन्दगी बद्धेतिन। 4 ज़ै कोई अलग शिखालते तै अभिमानी ते तै किछ न समझे। एरे ज़ेरे मैन्हु गैर ज़रूरी मुद्दां ते लफसां केरो मतलब ज़ान्नेरे लेइ होरन सेइं बैस ते तर्क केरतन। ज़ैन केरो नितीजो जलन, ते लडाई ते तुहीनरी गल्लां, ते बुरी-बुरी शक, 5 ते मैन्नू मां बेफैइदी लडेई पेदा भोतिन, ते ज़ैन केरे मन बुरे शक्की सेइं भेरोरेन, ते तैना लगातार होरन सेइं बैस केरतन, ते तैना सेइी न बटथ कि सच कुने, तैना समझतन परमेशरेरे बारे मां शिक्षा देनी कमाई केरनेरो ज़िरियोए। 6 पन इश्शे इन लेइ इन रोडू कि अस तैन केरम ज़ैस सेइं परमेशर

खुश भोए ते जैन परमेशर असन देते तैस सेइं अस राजी भोम। 7 ते न असेईं दुनियाईं मां किछ आनोरू, ते न किछ नेही बटम। 8 ते अगर असन कां किछ खाने पीने ते लाने जो भोए, ते इस्से अनुग्रह तुसन सेबभन पुड़ भोतो राए।

मां खुश रहम। 9 पन जै धनी भोनो चाए, तैना इन सब पाप केरतां बड़े आसान तरीके सेइं धोखो खातन, जेन्चरे जानवर जाले मां फसतन तेन्चरे तैना फसतन। तैना इन केरनू चातन जैन तैन केरे लेइ बेवकूफी ते खतरोए, ते एरी इच्छां तैन बरबाद ते नाश केरनेरे पासे नेतिन। 10 किजोकि पेइंसां केरू लालच सेबभी किसमेरे बुरैइअरू वजाए, किछ लोकेईं बले-बले मसीह पुड़ विश्वास केरनो शारो किजोकि तैना धनी भोनू चाते थिये, ते तैनेईं तैस मैनेरो ज़ेरो बड़े तरीकन सेइं दुःख झैल्लो ज़ै अपने आपे कोन्ची हथियारे सेइं ज़खमी केरते। 11 पन हे तीमुथियुस, तू परमेशरेरो मैनुस, तीं इन गल्लां न लोड़न कियोरी, सिर्फ ज़ैन ठीके तैन केरनेरे लेइ हर किसमे सेइं कोशिश केर। एरी ज़िन्दगी ज़ी ज़ैस सेइं परमेशरेरी आदर भोती, मसीह पुड़ भरोसो केर, होरि लोकन सेइं प्यार केर, मुश्किल वक्ते मां हिम्मत रख, ते होरि लोकन सेइं नेरमी सेइं बर्ताव केर। 12 जेन्चरे अक रोड़ो सिपाई जंगी मां लड़ेईं मां हार न मन्ने, तेन्चरे तू भी परमेशरे पुड़ भरोसो रखने मां ते तैसेरी गल मन्ने मां हार न मन्न। ते तैस हमेशारी ज़िन्दगी मज़बूती सेइं ठेमतां रख, जेसेरे लेइ तू परमेशरे कुजावरोस, ते जेसेरे बारे मां तीं बड़े लोकां केरे सामने दिलेरी सेइं ज़ोरू थियू कि तू मसीह पुड़ विश्वास केरतस। (aiōnios g166)

13 अवं तीं परमेशरे सामने ज़ै सेबभन ज़िन्दगी देते, ते मसीह यीशुएरे सामने ज़ोताईं, ज़ैने पुन्तियुस पिलातुसेरे सामने रोड़ी गवाही दिती, ई हुकम देताईं। 14 जैन किछ परमेशरे तीं केरनेरे लेइ हुकम दित्तोरो तैन सब किछ पूरू केर, ताके यीशु मसीह ज़ांतगर वापस न एज्जे तीं पुड़ कोई दोष न लेईं बटे तू कुन गलत केरने लोरोस। 15 सिर्फ परमेशर तै राज़ोए ज़ै बड़यैयरे काबले, तै महान राज़ो ते महान प्रभुए, तैए मसीहे सही वक्ते पुड़ बांदो केरेलो। 16 सिर्फ तैए हमेशा ज़ीतो रहते, ते तै तैस महिमा बैली लोईं मां रहते ज़ैस कां कोई न एज्जी बटे। तैसेरी आदर ते शक्ति हमेशा राली। आमीन। (aiōnios g166) 17 इस दुनियारे दौलतमंदन हुकम दे, कि तैना घमण्डी न भोन ते चंचल धने पुड़ उमीद न रखन, पन परमेशरे पुड़ ज़ै इशे सुखेरे लेइ बडू हछछू देते। (aiōn g165) 18 ते तैन ज़ो कि तैना अपने पेइंसे रोड़े कम्मां केरे लेइ इस्तेमाल केरन ते भलाई केरने मां दौलतमंद बनन ते हमेशा तियार रान होरन खुल्ले दिले सेइं देनेरे लेइ ज़ो। 19 एन्चरे केरने सेइं तैना अपना रोड़ां कम्मां खज़ानेरे ज़ेरे जमा केरेले, ज़ैना तैन केरे लेइ एजनेबाले वक्ते स्वर्गें मां मज़बूत मुनीयादरां ज़ेरां भोलां। ते तैना तै सच्च्ची ज़िन्दगी हासिल केरेले ज़ै हमेशारे लेइ आए। 20 हे तीमुथियुस इस गल्ली पुड़ ध्यान दे कि ज़ैन परमेशरे तीं केरनेरे लेइ दित्तोरूए तैन्ने केर। दुष्ट ते बेकार गल्लन करां ते तैन शिक्षान करां बेचता रा, ज़ैना परमेशरेरी सच्च्ची शिक्षां केरि खलाफत केरतन, तैस तैना ज्ञान ज़ोतन पन तैन गलते। 21

## 2 तीमथियुस

1 अवं पौलुस ई चिट्ठी लिखने लोरोई। परमेशरे अवं यीशु मसीहेरो प्रेरित भोनेरे लेइ चुनो, ताके अवं इस सन्देशेरो प्रचार केरि कि परमेशरे यीशु मसीह पुइ विश्वास केरनेरे जिरिये वादो कियो कि हमेशारी ज़िन्दगी देलो। 2 अवं ई चिट्ठी तीमथियुसे लिखने लोरोई, जैन मेरे मट्टेरू जेरूए, हे तीमथियुस अवं प्रार्थना केरताई बाजी परमेशर ते इश्शे प्रभु यीशु मसीह तीं अनुग्रह ते दया ते शान्ति देतो राए। 3 जैस परमेशरेरी सेवा अवं अपने दादे पड़दादां केरे रिति पुइ शुद्ध जमीरे सेइं केरताई, तैसेरू शुक्र भोए, कि अवं एपनी प्रार्थनान मां तीं रात दिहैड़ी याद रखताई। 4 मीं यादे ज़ैखन अस अलग भोने लोरे थिये तैखन तू केन्द्रे लेरां देने लोरो थियो, ते तीं सेइं मिलनेरी बड़ी इच्छा रखताई कि ज़ैखन मिली त अवं आनन्दे सेइं भरी गेइ। 5 ते अवं तेरे अम्मा यूनिके ते तेरी नानी लोइसेरो तै सच्च्रे विश्वास याद केरताई। तेरो विश्वास भी तेरहो आए, ते मीं याकीने तीं मां भी आए। 6 एल्हेरेलेइ अवं तीं याद कराताई, कि तू परमेशरेरे तैस वरदाने जैन मेरे हथ रखने सेइं तीं मैल्लोरू थियूं चमका। 7 किजोकि परमेशर अस डरपोक नई बनावेर बल्के तैसेरो आत्मा इश्शे दिलन मज़बूत केरते, ते मद्दत केरते कि अस होरि लोकन सेइं प्यार केरम ते ताके आपे कैबू मां रखम। 8 एल्हेरेलेइ होरि लोकन प्रभु यीशुएरे बारे मां ज़ोने करां शरमा ते एल्हेरेलेइ शरमा कि अवं प्रभुएरी सेवा केरनेरे लेइ कैदे मां आई। बल्के तू परमेशरेरे तैस शक्ति इस्तेमाल केर ते मीं सेइं साथी खुशखेबारे लेइ दुःख झलने मां शामिल भो। 9 परमेशरे असन मुक्ति दिती, ते अस पवित्र ज़िन्दगी जीनेरे लेइ कुजाए, तैने अस एल्हेरेलेइ नई कुजवेर कि असेईं रोड़ां कम्मां कियां, किजोकि दुनिया बनाने करां पेइलो परमेशरेरो ई मकसद थियो कि ते यीशु मसीह इश्शे लेइ इस दुनिया मां भेजतां असन पुइ अनुग्रह हिराए। (aiōnios g166) 10 पन हुनी इश्शे मुक्ति देनेबाले यीशु मसीह ओरोए ते तैनी अपनो अनुग्रह हिरावरोए। तैने मौतरी शक्ति नाश की, तैने असन खुशखेबारे जिरिये हमेशारे ज़िन्दगरी बत हिराई। 11 इस खुशखेबारे लेइ परमेशरे अवं प्रचारक ते प्रेरित ते शिक्षा देनेबालो चुनो। 12 एल्हेरेलेइ अवं कैदखाने मां दुःख भी झैल्लने लोरोई, पन शरमेई न, किजोकि अवं मसीहे ज्ञानताई जैस पुइ मीं विश्वास कियोरोए, ते मीं याकीने, कि जैन मसीहे दितोरू जांतगर तै वापस न एज्जे तांतगर तै तैसेरी रखवाली केरि बटते। 13 जैना रोड़ी शिक्षां तीं मीं करां शुनोरिन तैन तू मिसालरे रूपे मां रख, इन तू विश्वासे ते प्यारे सेइं साथी केर, किजोकि तू मसीह यीशु सेइं साथी अक भोरोस। 14 ते तैस सच्च्रेरी रखवाली केर, जैन पवित्र आत्मा रे जिरिये सेइं तीं सोंफेरू, जै असन मां रहते। 15 तू ज्ञानतस, कि आसिया इलाकेरे बड़े विश्वासी लोक जैनेई अवं शारोरोई, जैन मां फूगिलुस ते हिरमुगिनेसे भी अवं शारो। 16 उनैसिफूरुसेरे घराने पुइ प्रभु दया केरे, किजोकि तै बड़े बार मीं कां अवं ते मीं

होसलो दितो, ते मीं सेइं कैदखाने मां एजनेरे लेइ न शरमाव। 17 पन ज़ैखन तै रोम नगरे मां अवं, त बड़े कोशिश सेइं तोपतां मीं सेइं मुलाकात केरि। 18 प्रभु इन्साफेरे दिहाड़े अपनि महान दया उनैसिफूरुसे पुइ हिराए। तू एप्पू रोड़े चारे ज्ञानतस कि इफिसुस नगरे मां तैनी मेरी केत्री मद्दत की।

2 एल्हेरेलेइ हे मेरे मट्टां तीमथियुस, तू अपने आपे मज़बूत केर इन जैनतां कि परमेशरे तीं अनुग्रह दितोरू, जै सिर्फ यीशु मसीह सेइं अक भोइतां मैलते। 2 तीं बड़े लोकां केरे सामने जै मसीहेरे सन्देशी शिक्षा मीं करां शुनोरिन। एल्हेरेलेइ अवं चाताई कि तैए सन्देश तू होरि विश्वासी लोकन शिखाल, जैना वफादार भोन ते होरन शिखालनेरे काबल भोन। 3 बिलकुल तेन्चरे जेन्चरे अक सिपाही जंगरे मैदाने मुशिकल हालातन मां सबरी सेइं झैल्लते, तेन्चरे तू भी मुशिकल हालातन मां सबरी सेइं दुःख झैल्ल जेन्चरे अस यीशु मसीहेरे लेइ झैल्लतम। 4 अक सिपाही ज़ैखन फौजी मां नौकरी केरते त तै होरि किसमेरू कम न केरे, किजोकि तै अपने भरती केरनेबाले खुश केरनू चाते। 5 फिरी आखाड़े मां घुल्लने बालो अगर कानूनेरे मुताबिक न घुल्ले त तैस ताज न मैल्ले। 6 जै ज़मीनदार मेहनत केरते, फसलरे पेइले हिस्सेरो हकदार तैए भोते। 7 जैन अवं ज़ोताई, तैस पुइ ध्यान दे, ते प्रभु तीं सेबभी गल्लां केरि समझ देलो। 8 लगातार याद रख कि यीशु मसीह कौने, तै दाऊदेरे खानदेनी मरां आए, ते परमेशरे तै मुइदन मरां ज़ींतो कियो ते ईए खुशखबरी अवं लोकन शुनाताई। 9 अवं खुशखबरी शुनाताई एल्हेरेलेइ अवं मुजरामेरो जेरो दुःख झैल्लताई, इड़ी तगर कि कैदे मां आई, पन कोई भी लोकन परमेशरेरू वचन प्रचार केरने करां न रोकी बटे। 10 एल्हेरेलेइ अवं तैन लोकां केरे फैइदेरे लेइ दुःख झल्लताई जैना परमेशरे चुनोरिन, ताके तैना भी यीशु मसीह पुइ विश्वास केरतां मुक्ति हासिल केरन ते हमेशारी महिमा हासिल केरन। (aiōnios g166) 11 ई गल सच्च्रे, कि अगर अस तैस सेइं साथी मरे त तैस साथी जींते भी भोमेले। 12 अगर अस तैसेरे वजाई सेइं दुःख झैल्लते रहले, त तैस सेइं साथी राजां केरू जेरू अस भी राज केरमेले, अगर अस तैसेरो इन्कार केरमेले कि अस तैस न ज्ञानम, त तै भी इश्शो इन्कार केरेलो। 13 अगर अस मसीह सेइं साथी वफादार न भोम, त तै फिरी भी वफादार बनोरि रालो, किजोकि ते अपने रभावेरे खलाफ न गेइ बटे। 14 जैना गल्लां मीं तीं सेइं ज़ोरिन तैन तू अपने लोकन बिसरने न दे, ते प्रभुए गवाह रेखतां तैन खबरदार केर, कि लफसन पुइ बेंस न केरन, जैस सेइं किछ फैइदो न भोए, बल्के शुन्ने बालां केरो बड़ो नुकसान भोते। 15 बड़ी मेहनत केर ताके तू परमेशरेरे सामने कबूल भोनेरे काबल भोस, तू एरे मैनेरो जेरो भोनेरी कोशिश केर जै अपने कम्मे सेइं वजाई सेइं शरमिनदा न भोए, ते जै सच्च्रे सन्देश ठीक तरीके सेइं शिखालतो भोए। 16 पन बेकार ते बेवकूफ गल्लन करां दूर राए, किजोकि एरी गल्लां परमेशरे करां दूर केरतिन। 17 ते तैन केरि गल्लां मैनेरे शड़ोरे जखेमेरी

ज़ेरि फैलतां लोकां केरे विश्वासे नाश केरतिन। ते हुमिनयुस ते सच्च्रे सन्देशेरे खलाफत केरतन ज़ेन्चरे यन्नेस ते यन्नेसे मूसेरी फिलेतुस तैन केरे ज़ेरे आन। 18 तेनेई सच्च पुड़ विश्वास केरनो खलाफत कियोरी थी। तैन केरे मन बुरेन ते तैन केरो मसीह पुड़ बंद कियो। तैना ज़ोतन परमेशेरे पेड़ले मरे विश्वासी लोक हमेशेरे विश्वास सच्च्रो नई। 9 तैन केरि कामयाबी सिर्फ थोड़े वक्तेरीए, ज़िन्दगरे लेड़ जीते कियोरेन। एसेरो नितिजो ई भोते कि किछ किजोकि ज़ेन्चरे लोकेई यन्नेस ते यन्नेस पिशानोरे थिये कि लोक मसीहेरी शिक्षाई पुड़ विश्वास केरनो बंद केरतन। 19 तैना बेवकूफन। तेन्चरे हर कोई इन भी पिशानेलो कि इना भी परमेशेरे लोक पक्की मुनीयादारे ज़ेरे आन ज़ै हिल्ले न। इस मुनीयादी पुड़ एरे लफस लिखोरेन: “प्रभु ज़ानते तेसेरे लोक कौन आन, ते इन भी कि ज़ैना प्रभुएरी आराधना केरतन तेनेई ते अवं कुन विश्वास केरताई। तू ज़ानतस अवं सबर केरतो बुरां कम्मां केरनां बंद कियोरां लोड़न।” 20 एक्की अमीर घरे मां किछ सोन्नेरे ते चैदरां भांडां भोतन ते लेकड़ारां ते मितरां भोतन। माघां भांडां खास मौके पुड़ इस्तेमाल केरनेरे लेड़ भोतन ते सस्तां रोज़ इस्तेमाल केरनेरे लेड़ भोतन। 21 तेन्चरे विश्वासी लोक ज़ैना अपनो आप एन सैरी बुरी चीज़न करां अलग केरे त तै कीमती भांडेरो ज़ेरो भोलो ज़ैन खास मौके पुड़ इस्तेमाल कियूं गाते, ज़ेसेरी ज़िन्दगी पवित्र भोली त तै अपने मालिकेरे इस्तेमाल भोनेरे काबल भोलो। 22 जवैनरी खुवैइशन करां दूर रा, ते ज़ैना मैन्हु शुद्ध मन सेइं प्रभुएरु नवं घिन्तन, तैन सेइं साथी धार्मिकता, प्यार, ते मेल मलापेरो पीछो केर। 23 अवं फिरी ज़ोताई तू अपनो आप बेवकूफी, ते बेफैइदी गल्लन करां दूर रा, किजोकि तू ज़ानतस, कि तैन सेइं लड़ाई भोतिन। 24 ते परमेशेरो दास लड़ाको न लोड़े, पन सेबन दया केरनेबालो ते परमेशेरे वचनेरी रोड़े चारे शिक्षा देनेबालो, ते ज़ैना लोक तेसेरे खलाफ भोन तैन सेइं सबर केरनेबालो लोड़े। 25 ते ज़ैना लोक तेसेरी खलाफत केरन तैन बड़े नेरमी सेइं शिखालेनेबालो लोड़े, भोड़ सकते परमेशर तैन लोकां केरि मद्दत केरे कि तैना मन फिरान, ते मसीहेरी सच्च्चाई पिशानन 26 ते एरे लोक दुबारां फिरी साफ तरीके सेइं सोचनेरे काबल भोले ते शैतानेरे धोखे करां ज़ै ज़ालेरे ज़ेरोए बचले। शैताने तैना फासवरे थिये कि ज़ैन तै चाते तैना तैन करां कराए।

**3** ध्यान दे अवं हुन्ना कुन ज़ोने लोरोई, कि दुनियारे आखरी दिहाड़न मां बुरो वक्त एजनीए। 2 किजोकि लोक सिर्फ अपने आपे सेइं प्यार केरेले, दौलतरे लालची, बड़कां मारनेबाले, अभिमानी, होरन बेइज़्ज केरनेबाले, अम्मा-बैपू केरू ज़ौनू न शुन्ने बाले, होरि केरू शुक्र न केरनेबाले, अपवित्र, 3 होरन सेइं प्यार न केरनेबाले, माफ़ न केरनेबाले, दोष लाने बाले, अपनि इच्छान पुड़ कैबू न केरनेबाले, सखत, सच्च्रे सेइं नफरत केरनेबाले। 4 धोखो देनेबाले, ढीठ, ते अभिमानी ते परमेशेरे नई बल्के एशेरे चानेबाले भोले 5 तैना भेक्तरू रूप त बनाले पन तैस शक्ति न मन्नेले ज़ै तैन भक्त बनाथी, एरे ज़ेरे लोकन सेइं संगती न रेखां। 6 एन्ने मां तैना लोकन, ज़ैना लोकां केरे घरन मां गेड़तां बेवकूफ कुआन्शन अपने वशे मां केरतन, ज़ैन केरे मन पापे सेइं देबोड़तां हर किसमेरी खुवैइशन मां आन। 7 ते हमेशा नर्वी-नर्वी गल्लां त शिखती रैतिन, पन तैना मसीहेरी सच्च्ची शिक्षाई कथे न सेमड़ी बटन। 8 इना झूठे उस्ताद मसीहेरे

सच्च्रे सन्देशेरे खलाफत केरतन ज़ेन्चरे यन्नेस ते यन्नेसे मूसेरी खलाफत कियोरी थी। तैन केरे मन बुरेन ते तैन केरो मसीह पुड़ विश्वास सच्च्रो नई। 9 तैन केरि कामयाबी सिर्फ थोड़े वक्तेरीए, किजोकि ज़ेन्चरे लोकेई यन्नेस ते यन्नेस पिशानोरे थिये कि लोक मसीहेरी शिक्षाई पुड़ विश्वास केरनो बंद केरतन। 19 तैना बेवकूफन। तेन्चरे हर कोई इन भी पिशानेलो कि इना भी परमेशेरे लोक पक्की मुनीयादारे ज़ेरे आन ज़ै हिल्ले न। इस मुनीयादी पुड़ एरे लफस लिखोरेन: “प्रभु ज़ानते तेसेरे लोक कौन आन, ते इन भी कि ज़ैना प्रभुएरी आराधना केरतन तेनेई ते अवं कुन विश्वास केरताई। तू ज़ानतस अवं सबर केरतो बुरां कम्मां केरनां बंद कियोरां लोड़न।” 20 एक्की अमीर घरे मां किछ सोन्नेरे ते चैदरां भांडां भोतन ते लेकड़ारां ते मितरां भोतन। माघां भांडां खास मौके पुड़ इस्तेमाल केरनेरे लेड़ भोतन ते सस्तां रोज़ इस्तेमाल केरनेरे लेड़ भोतन। 21 तेन्चरे विश्वासी लोक ज़ैना अपनो आप एन सैरी बुरी चीज़न करां अलग केरे त तै कीमती भांडेरो ज़ेरो भोलो ज़ैन खास मौके पुड़ इस्तेमाल कियूं गाते, ज़ेसेरी ज़िन्दगी पवित्र भोली त तै अपने मालिकेरे इस्तेमाल भोनेरे काबल भोलो। 22 जवैनरी खुवैइशन करां दूर रा, ते ज़ैना मैन्हु शुद्ध मन सेइं प्रभुएरु नवं घिन्तन, तैन सेइं साथी धार्मिकता, प्यार, ते मेल मलापेरो पीछो केर। 23 अवं फिरी ज़ोताई तू अपनो आप बेवकूफी, ते बेफैइदी गल्लन करां दूर रा, किजोकि तू ज़ानतस, कि तैन सेइं लड़ाई भोतिन। 24 ते परमेशेरो दास लड़ाको न लोड़े, पन सेबन दया केरनेबालो ते परमेशेरे वचनेरी रोड़े चारे शिक्षा देनेबालो, ते ज़ैना लोक तेसेरे खलाफ भोन तैन सेइं सबर केरनेबालो लोड़े। 25 ते ज़ैना लोक तेसेरी खलाफत केरन तैन बड़े नेरमी सेइं शिखालेनेबालो लोड़े, भोड़ सकते परमेशर तैन लोकां केरि मद्दत केरे कि तैना मन फिरान, ते मसीहेरी सच्च्चाई पिशानन 26 ते एरे लोक दुबारां फिरी साफ तरीके सेइं सोचनेरे काबल भोले ते शैतानेरे धोखे करां ज़ै ज़ालेरे ज़ेरोए बचले। शैताने तैना फासवरे थिये कि ज़ैन तै चाते तैना तैन करां कराए।

**4** ज़ैखन मसीह यीशु राजेरो ज़ेरो राज़ केरने एज्जेलो त तै जीते ते ज़ैना मर्रन, लोकां केरो इन्साफ केरेलो, अवं तीं परमेशेरे ते मसीहे गवाह रेखतां हुकम देताई। 2 कि तू परमेशेरेरू वचन प्रचार केर, वक्त बे वक्ते तियार रा, तू लोकन ज़ैना बुरां कम्मां तेनेई कियां हिरा, तैन केरे पापां केरे लेड़ तैन झिड़क पन तैन होसलो भी दे ते तैन सबरी सेइं शिखाल। 3 किजोकि एरो वक्त एजनीए, कि लोक रोड़ी शिक्षा न शुन्नी चाले, पन तैना अपने मेर्जी पुड़ चलनू चाले ते तैना अपने लेड़ बड़े उस्ताद तोप्येले ज़ैना तैन सेइं तैन ज़ोन ज़ैन तैना शुन्नु चातन। 4 तैना तैन करां शुन्नु न चाले ज़ैना परमेशेरेरू सच्च्छू वचन शुनातन पन तैना झूठी कहनी शुन्नी चाले (ज़ैना मैन्हु केरि बनेवरिन)। 5 पन तू अपनो आप कैबू मां रख चाए किछ भी की न भोए, इस मां तीं ज़ैना भी दुःख भी झैल्लेने पन त झाल, खुशखबरी शुनानेरे लेड़ बड़ी प्रचार केर, ते ज़ैन कम परमेशेरे तीं केरनेरे लेड़ दितोरू तैन पूरे केर। 6 अवं इना हुकम तीं देताई किजोकि मेरी ज़िन्दगी ते परमेशेरे लेड़ कम खतम भोवरूए किजोकि अवं ज़ानताई अवं जल्दी मरेलो। 7 तीं जंगी मां रोड़ी सिपेहेरे ज़ेरे ज़ै लड़ाई केरने मां कथी हार

न मन्ने, तू भी मसीहेरे लेइ बड़ी मेहनत केरनि कथे हिम्मत न हार, मीं तैन कम पूरू कियूं जैन मसीह यीशुए मीं केरनेरे लेइ दितोरू थियूं, मीं वफादेरी सेइं खुशखबरी प्रचार की। 8 हुनी, प्रभुएरे मेरे लेइ स्वर्गे मां इनाम रखेरू किजोकि मीं तैस खुश केरनेबाली जिन्दगी जीयोरीए। प्रभु जै धर्मी इन्साफ केरनेबालोए मीं इन इनाम तेइस देलो जेइस ते वापस इन्साफ केरनेरे लेइ एज्जेलो। पन इन इनाम सिर्फ मेरे लेइ नई, पन तैन सेबभी केरे लेइ भी आए, जैना तैसेरे एजनेरी बड़ी इच्छा रखतन। 9 मीं कां जल्दी एजनेरी कोशिश केर। 10 किजोकि देमासे इस दुनियारी चीजन सेइं प्यार केरतां अवं शारो, ते तै थिस्सलुनीके नगरे जो चलो जेव, ते क्रैसकेंस गलातिया इलाके जो जेव ते तीतुस दलमतिया इलाके जो चलो जेव। (aiōn g165) 11 सिर्फ लूका मीं सेइं साथीए, जैखन तू एजस त मरकुसे भी एप्पू सेइं साथी एना, किजोकि तै इड़ी मेरे मदत केरनेरे काबले। 12 तुखिकुस मीं इफिसुस नगरे जो भेजोरोए। 13 जैखन तू एजस त तै चोगो एना जै मीं त्रोगास नगरे मां मरकुसेरे घरे रखोरोए। ते मेरे चर्मपत्र भी एना, खास केरतां तै जै छेल्ली केरे खेडू सेइं बनोरोए। 14 सिकन्दर ताम्बेरू कम केरनेबाले मीं बड़े बारे दुःख दितोरोए, प्रभु तैस तैसेरे बुरे कर्मां केरे मुताबिक बदलो देलो। 15 तू भी तैस करां खबरदार रा, किजोकि तैने इश्शे शिक्षारी बड़ी खलाफत की जै मसीहेरे बारे मां आए। 16 जैखन पेइले बार अवं आदालती मां अपनो आप बचाव केरनेरे लेइ जोरो थियो त कोई भी मीं सेइं साथी न थियो। पन तैना सारे मीं शैरतां चले जे, परमेशर इन तैन केरे खलाफ न गने। अवं प्रार्थना केरताई परमेशर तैन हछु माफ़ केरे। 17 पन प्रभु मेरो मदतगार राव, तैने मीं हिम्मत दिती, ते अवं यीशु मसीहेरी खुशखबरी शूनानेरे काबल भोव कि सारे गैर कौमां केरे लोक शुन्न, ते तैने अवं मौती करां एन्चरे बचाव जेन्चरे शेरे करां। 18 ते प्रभु मीं हर एक्की बुरे हमले करां बचालो ते अपने स्वर्गेरे राज्जे मां हफाजती सेइं पुजालो, सारे महिमा हमेशा-हमेशा परमेशेरी भोती राए। आमीन। (aiōn g165) 19 मेरू नमस्कार प्रिस्का ते तैसेरे घरे बाले अक्विला ते कने उनेसिफुरूसेरे घराने दे। 20 इरास्तुस कुरिन्थुस नगरे मां रावरोए, ते त्रुफिमुस मीं मीलेतुस नगरे मां बिमार शारोरोए। 21 हीवतडेरे पेइले एजनेरी कोशिश केर, ते यूबूलुस ते पूदेस ते लीनुस ते क्लौदिया, ते इठेरे सारे विश्वासी लोकेई नमस्कार भेजेरू आए। 22 अवं प्रार्थना केरताई प्रभु तीं सेइं साथी भोए, ते तैसेरो अनुग्रह तुसन सेबभन पुड़ भोतो राए।

# तीतुस

**1** अवं पौलुस ई चिट्ठी लिखने लोरोई। अवं परमेशेररो दास ते यीशु मसीहेरो प्रेरित आई। अवं परमेशेररे चुनोरे लोकां केरे विश्वास मजबूत केरनेरे लेइ ते तैन केरि मद्दत केरनेरे लेइ चुनोरोई, कि तैना यीशु मसीहेरी सच्चरी शिक्षा ज्ञानन ताके तैना एरी जिन्दगी ज़िन ज़ैस सेइं परमेशर खुश भोए। **2** तैसेरो नितीजो ई भोए कि तैना परमेशेररे सेइं हमेशा रानेरी उमीद रखन, परमेशर ज़ै कद्दे झूठ न जोए, तैने दुनिया बनाने करां पेइलो वादो कियोरो थियो, कि तैसेरे लोक हमेशारे लेइ ज़ीयले। (aiōnios g166) **3** ते हुनी परमेशरे ठीक वक्ते पुइ ई खुशखबरी असन पुइ बांदी की ज़ै अस सेबन प्रचार केरतम। इश्शे मुक्ति देनेबाले परमेशरे ई जिमेवारी मीं दित्तोरीए ते तैसेरेलेइ इन कम केरनेरे लेइ मीं हुक्म दित्तोरोए। **4** अवं ई चिट्ठी तीतुसे जो लिखने लोरोई। तू मेरे मट्टे ज़ेरू आस, किजोकि जेन्चरे अवं विश्वास केरताई तेन्चरे तू भी विश्वास केरतस। अवं प्रार्थना केरताई इश्शो बाजी परमेशर ते इश्शो मुक्ति देनेबालो प्रभु यीशु मसीह तीं अनुग्रह त कने शान्ति देतो राए। **5** मीं तू एल्हेरेलेइ क्रेते टैपू मां शारोरो थियो, ताके तू तैडी इश्शु कम पूरू केरस, ते होरि नगरन मां बुजुर्ग चुन जेन्चरे तीं केरनेरो हुक्म दित्तोरो थियो। **6** लीडर बेइलज़ाम लोडे ते अपने कुआन्शी सेइं वफादार लोडे, ज़ैन केरे बच्चे विश्वासी भोन ते बुरो बर्ताव केरनेबाले न भोन ते तैना अपने अम्मा बाजी केरो हुक्म मन्नेबाले भोन। **7** किजोकि रखवालो परमेशेररो भण्डारी भोने वजाई सेइं बेइलज़ाम लोडे, न अपनि च़लानेबालो, न सेरकलो, न शराबी, न लडाको, ते न पेइसां केरो लालची लोडे। **8** पन मेहमानां केरि आदर केरनेबालो, होरि केरि भलाई केरनेबालो, अपने आपे पुइ कैबू केरनेबालो, धरमात्मा, पवित्र ते अपने इच्छान कैबू केरनेबालो लोडे। **9** ते तै यीशु मसीहेरे तैस सन्देशे पुइ ज़ै भरोसेरे काबले मजबूती सेइं विश्वास केरनेबालो लोडे, ज़ै असेईं तैस शिखालोरोए। ताके तै होरन सही शिक्षाई मन्नेरे लेइ होसलो देइ बटे ते ज़ैना गलत भोन तैन सुधैरी बटे। **10** अवं इन एल्हेरेलेइ ज़ोताई, किजोकि बड़े लोक सही शिक्षारी खलाफ केरेले, ज़ैना बेकार गल्लां शिखालतन ते होरन धोखो देतन। इन खास केरतां किछ यहूदी केरे लेइ सच्च आप ज़ैना विश्वासी बनोरेन (इना तैना लोकन ज़ैना चातन कि सारे मसीही लोक यहूदी केरे कानूने मनन, खास केरतां खतनेरे कानूने)। **11** एन लोकन शिखालनेरी अज़ाज़त न दे, किजोकि ज़ैखन तैना इन गल्लन शिखालतन, ज़ैना तैनेईं शिखैलोरी लोइन, त तै सारे टब्बरां केरे विश्वासे बरबाद केरतन। तैना इन एल्हेरेलेइ केरतन कि पेइसो कमेई बटन। **12** अक मैनू क्रेत टैपेरो आप ज़ैस जो तैना अक्लमन्द ज़ोतन तैने ज़ोरूए, “क्रेतेरे लोक हमेशा झूठे, जंगली जानवरं केरो ज़ेरो बर्ताव केरनेबाले, तैना आलसी ते हमेशा अदंग खानेबाले भोतन।” **13** इन गल्लां क्रेतेरे लोकां केरे बारे मां सच्चरी आन। एल्हेरेलेइ तैन खबरदार केर, कि तैना यीशु

मसीहेरी शिक्षाई पुइ विश्वास केरन। **14** ते यहूदी केरि बनोवरी कहैनी ते ज़ैना लोक सच्चरे करां दूर भोरेन तैन केरे हुक्म शुन्ने बंद केरा। **15** ज़ैन लोकां केरे मने मां पापी खियाल नई तैन केरे लेइ रीतरे मुताबिक सब किछ शुद्धे। पन तैन लोकां केरे लेइ ज़ैना बुरेन ते यीशु मसीह पुइ विश्वास न केरन तैन केरे लेइ किछ भी शुद्ध नई ज़ैन तैना केरतन। **16** तैना झूठे उस्ताद ज़ोतन कि अस परमेशरे ज़ानतम, पन तैन केरां कम्मां साफ तरीके सेइं हिरातन कि तैना तैस न ज़ानन, किजोकि परमेशर तैन सेइं नफरत केरते ते तैना हुक्म न मन्नेबालेन, ते किछ भी रोडू केरनेरे काबल नई।

**2** पन हे तीतुस तू विश्वासी लोकन तैन शिखाल ज़ैन यीशु मसीहेरे बारे मां सही शिक्षारे मुताबिक ठीके। **2** बुद्धे मड़दन शिखाल कि अपने आपे पुइ कैबू केरनेबाले बनन, ते तैनेईं एरो बर्ताव केरन कि लोक तैन केरि आदर केरन, ते समझदारी सेइं बर्ताव केरनेबाले भोन। ते तैना परमेशेररे पुइ मजबूती सेइं विश्वास केरनेबाले बनन, होरन सेइं प्यार केरनेबाले ते सबर केरनेबाले बनन। **3** एन्चरे बुद्धी कुआन्शन शिखाल कि एरी जिन्दगी ज़िन ज़ैस सेइं परमेशेररी आदर भोए। तैना होरन पुइ दोष लाने बैली, ते पीने बैली नई, पन ते तैन ज़ो कि तैन होरन तैन शिखालन ज़ैन रोडूए। **4** ताके तैना जवान कुआन्शां केरे लेइ मिसाल भोन ते तैन शिखालनेरे काबल भोन कि अपने मुन्शन ते बचन सेइं केन्चरे प्यार केरन। **5** ते तैना अपने आपे कैबू केरनेबैली, अपने मुन्शां केरे लेइ वफादार, ते घरेरो कारोबार केरनेबैली, भलाई केरनेबैली ते अपने-अपने मुन्शां केरे अधीन राने बैली भोन, ताके परमेशेररे वचनेरी तुहीन न भोए। **6** एन्चरे जवान मड़दन भी अक्लमन्द भोइतां ज़ीनेरे लेइ समझा। **7** हर गल्ली मां तू हमेशा अपनो आप अक मिसाल बना, ताके तैन भी एन्चरे केरन। ज़ैखन तू परमेशेररे बारे मां शिखालस त रोडे मकसदे सेइं शिखाल। एन्चरे लोक तेरी आदर केरेले। **8** ते ज़ैन सच्चरे तैन शिखाल ते जेसेरी आलोचना न भोए, ताके तेरे दुश्मन छिथोन, किजोकि फिरी कोई बुराई नई भोनी जेसेरी तैना खलाफ केरि बटन। **9** ज़ैना विश्वासी गुलाम आन तैन शिखाल कि हमेशा अपने मालिकां केरि गल मनन। तैन ज़ो कि तैन केरन ज़ैस सेइं तैन केरे मालिक खुश भोन ते कम्मेरे बारे मां शिकायत न केरन। **10** च़ोरी न केरन, पन इन साबत केरन कि तैना हमेशा ईमानदारन, ताके लोक तैन केरे रोडे बर्ताव हेरन ते ज़ैन तैना केरतन तैन लोकां केरे लेइ, इश्शे मुक्ति देनेबाले परमेशेररो सन्देशे शुन्नेरी वजा भोली। **11** किजोकि परमेशरे सेबनी लोकन मुक्ति देनेरे लेइ अक बत देइतां अपनो अनुग्रह हिराव। **12** परमेशर अपने अनुग्रहेरे ज़िरिये असन शिखालते, परमेशर असन शिखालते कि अस तेरहो बर्ताव न केरम ज़ैस सेइं तै खुश भोए। जेन्चरे गैर विश्वासी चीज़ां केरू लालच केरतन तुस एरू न केरा, तुस ज़ांतगर इस दुनियाई मां आथ, अक्लमन्द ते धर्मी लोकां केरो ज़ेरो ते एरो ज़ेरो बर्ताव केरा ज़ैस सेइं परमेशर खुश भोते। (aiōn g165) **13** अस तैस अनोखी दिहैडरी उमीदी

मां रातम, कि जेइस इश्शो महान परमेशर ते मुक्ति देनेबाले मद्दत भोली कि तैना एक्की मकसदे सेइं जिन्दगी ज़ीन। 15 सारे यीशु मसीह महिमाई सेइं साथी वापस एज्जेलो। 14 एने यीशु विश्वासी लोक ज़ैना मीं सेइं साथी आन तीजो नमस्कार ज़ोतन। मसीहे अपनो आप इश्शे लेइ बलिदान कियो ताके असन पापेरे इश्शे विश्वासी सैथी लोकन ज़ैना असन सेइं प्यार केरतन तैन शक्ति करां छुटकारो दे, ताके अस शुद्ध भोम ते तैसेरे अपने नमस्कार। अवं प्रार्थना केरताईं प्रभु तुसन सेभन पुड़ अनुग्रह लोक बनम ज़ैना रोड़ां केरतन। 15 इना गल्लां शिखाल ते अपनो केरतो राए। पूरो अधिकार इस्तेमाल केर, ते अपने शुन्नेबालन होसलो दे ते झिड़क दे। कोई तीं घटया न समझे।

**3** विश्वासी लोकन याद करा, कि हाकिमां ते अधिकैरी केरे अधीन रान, ते तैन केरो हुक्म मन्न, ते हमेशा रोड़ो केरनेरे लेइ तियार रान। 2 कोन्ची बदनाम न केरन, लड़ाके न भोन, पन नर्म सुभावैरे भोन, ते सेब्भी मैनन् सेइं साथी बेड़ि नेरमी सेइं रान। 3 किजोकि अस भी पेड़ले बेअक्ल ते हुक्म न मन्नेबाले थिये ते लोकेई असन धोखो दित्तोरो थियो। बड़े खुवैइशां ते एशेरे केरनेरे गुलाम थिये, इश्शी जिन्दगी दुष्टे ते जलनी सेइं भरोरी थी ते एक्की होरि सेइं नफरत केरते थिये। 4 पन फिर भी इश्शे मुक्ति देनेबाले परमेशरेरे असन लोकन पुड़ दया ते प्यार हिराव। 5 तैने अस इश्शे पापां केरि सज़ाईं करां बचाए एल्हेरेलेइ नई कि असेईं रोड़ां कम्मां कियोरां थियां, पन तैसेरे दयारे वजाईं सेइं। तैन इश्शे पाप धोइतां असन नंक्व ज़र्म दित्तू ते पवित्र आत्मा देनेरे ज़िरिये असन नर्वीं जिन्दगी दित्ती। 6 परमेशर पवित्र असन मुफते मां दित्तो कि इश्शे जिन्दगी मां शक्ति सेइं कम केरे, किजोकि यीशु मसीह इश्शो मुक्ति देनेबालो बन्नेरे लेइ इश्शे पापां केरे लेइ मरो। 7 परमेशरे इन कियूं ताके तै अपने अनुग्रहे सेइं अपने नज़री मां धर्मी बनाए, ताके अस तैसेरे बच्चे बनम ते पूरे तरीके सेइं हमेशा तैस सेइं साथी रानेरे उमीदी सेइं केरम। (aiōnios g166) 8 ई गल सज़्जे, अवं चाताईं कि तू इन शिक्षान पुड़ ज़ोर दे ताके सब ज़ैना परमेशरे पुड़ भरोसो रखतन तै अपनो आप रोड़ू केरनेरे लेइ सॉफेले, इना शिक्षां सेब्भी केरे लेइ रोड़ी ते फैइदामंद आन। 9 पन बेवकूफी बेंस ते पूर्वजां केरे नव्वां केरे बारे मां, ते लड़ाईं ते तैन ते मूसेरे कानूनेरे बारे मां लड़ाईं करां दूर रा, किजोकि तैन सब बेकार ते बेफैइदू आए। 10 ज़ैना लोक कलीसियाईं मां फिरके बनानेरी वजा बनतन, कम से कम दूईं बार तैन खबरदार केर कि तैना एन न केरन, तैट्ठां बाद अपनो वक्त तैन पत्ती बर्बाद न केर। 11 तुस ज़रूर ज़ैनी बटतथ एरो ज़ेरो मैन्हु ज़ैनी बुज़्झतां गलत बत्तां च़लते, ते तैन अपना बुरां कम्मां इन साबत केरतन कि तैना पापिन। 12 अवं अरतिमास या तुखिकुसे तुसन कां भेज़नेरे लेइ बिस्तार बनाने लोरोईं, ज़ैखन तैन मरां अक तीं कां पुज़ते त निकुपुलिस नगरे मां मीं सेइं मिलनेरी पूरी कोशिश केर, किजोकि मीं तैड़ीए हिवतड़ो कटनो थापोरोए। 13 ज़ैखन जेनास शास्त्री ते अपुल्लोस तैट्ठां गानेरे लेइ तियार भोन त ज़ेन्नू भोइ बटे तैन केरि मद्दत केर, ताके तैन कोन्ची भी चीज़री घटी न भोए। 14 सिर्फ इन नई, बल्के तू विश्वासी लोकन शिक्षा देतो रा, कि तैना रोड़ां कम्मां केरन ताके तैन लोकां केरि मद्दत केरन ज़ैन ज़रूरत आए। इस सेइं तैन केरि



# फिलेमोन

**1** अवं पौलुस ई चिट्ठी लिखने लोरोई। अवं कैदे मां आई किजोकि अवं यीशु मसीहेरे बारे मां प्रचार करताई। हे फिलेमोन तीं इश्शे ढूला तीमुथियुस ते मेरे तरफां नमस्कार। तू इश्शो टूलारो दोस्तस आस ते जेन्चरे अस मसीहेरे लेइ कम केरतम तेन्चरे तू भी केरतस। 2 अवं इश्शी विश्वासी बेइन अफफिया ते इश्शे सैथी अरखिप्पुस जै सिपेहेरे जेरो प्रभुएरी सेवा केरते, ते तैन कलीसियारे लोक जैना तेरे घरे मां अकोट्टे भोतन, तैन भी लिखने लोरोई, 3 अवं प्रार्थना करताई, इश्शे बाजी परमेशर ते प्रभु यीशु मसीह तुसन पुड़ अनुग्रह केरे ते तुसन शान्ति दे। 4 अवं जैखन भी तेरे लेइ प्रार्थना करताई, तेरे लेइ अवं परमेशेरू शुक्र करताई। 5 किजोकि मीं प्रभु यीशु मां तेरे विश्वासेरे बारे मां ते परमेशेरू लोकां केरे लेइ तेरे प्यारे बारे मां शुनु। 6 अवं प्रार्थना करताई तेरी संगती जै विश्वासी लोकन सेइं साथीए, तुश्शे तैन रोडि चीजां केरे ज्ञानेरे जिरिये जैना परमेशरे दित्तोरिन बद्धती गाए। इन मसीहेरे महिमारे लेइ भोतू राए। 7 किजोकि हे ढूला, अवं तेरे प्यारे सेइं जै तू मीं केरतस बड़ो खुश आई, ते मीं बड़ो होसलो भोव, एल्हेरेलेइ कि तेरे प्यारेरे जिरिये होरि परमेशेरू लोकन भी होसलो मैल्लो। 8 अवं तीं किछ केरनेरे लेइ पुछताई जैन तीं कियोरू लोड़े। अवं मसीहेरो दित्तोरे अधिकारे इस्तेमाल केरतां इन केरनेरे लेइ हुक्म देइ बटतो थियो, पन अवं न केरेलो। इसेरे बदले मां, अवं बल्हे चारे ज़ोताई कि तू इन केर, किजोकि अस एक्की होरि सेइं ते परमेशेरू लोकन सेइं प्यार केरतम। अवं पौलुस हुनी सियाने मैनेरे रूपे मां तीं पुछतई, अवं लोकेई कैदे मां बंद कियोरुई किजोकि अवं यीशु मसीहेरी सेवा करताई। 10 अवं उनेसिमुसेरे लेइ मिनत करताई जैन मेरे लेइ मट्टेरू जेरूए। तैन मसीह मां मेरू मट्टू इड़ी कैदखाने मां बनू। 11 तै बीतारे वक्ते मां तेरे लेइ केन्ची कम्मरोए न थियो, पन हुनी तेरे त कने मेरे दुइयां केरे बड़े कम्मरोए। 12 अवं उनेसिमुसे तीं कां वापस भेजने लोरोई, तैस सेइं अवं पूरे दिले सेइं प्यार करताई। 13 अवं ज्ञांतगर खुशखबरी प्रचार केरनेरे वजाई कैदखाने मां आई तांतगर तैस अपनि मद्दत केरनेरे लेइ इडी एप्पू सेइं साथी रखनो चातो थियो। ताके तै तेरे ठैरी मेरी मद्दत केरे, किजोकि अवं ज्ञानताई तू मेरी मद्दत केरनि चातस। 14 पन मीं तेरी मेर्जी बगैर किछ भी केरनू न चाव, अवं चाताई तू ई मेरी मद्दत केर, किजोकि तू इन केरनेरे लेइ खुश आस ते एल्हेरेलेइ नई कि अवं इन केरनेरे लेइ दबाव बनाने लोरोई। 15 शैइद परमेशरे उनेसिमुस एल्हेरेलेइ तीं करां नश्शने दित्तो, ताके तै मसीह पुड़ विश्वास केरे, ते तैसेरो नितीजो ई भोए कि तै हमेशा तीं सेइं साथी राए। (aiónios g166) 16 पन हुनी ते तेरो गुलाम नई, बल्के गुलामे करां भी बेद्धतां आए। ते हुनी तेरो टूलारो विश्वासी ढूला आए। अवं तैस सेइं बड़ो प्यार करताई, पन तीं तैस अपने गुलामेरे रूपे मां होरो भी प्यार कियोरु लोड़े किजोकि तै मसीह मां अक ढूलाए।

17 अगर तू मीं शामिल समझतस, त जैखन उनेसिमुस वापस तीं कां एज्जे त तैस एन्चरे कबूल केर जेन्चरे मीं। 18 ते अगर तैने किछ तेरो नुकसान कियोरुए, या तेरे किछ पेइंसां केरो कर्जो भोए त अवं तैसेरे बदले देइलो। 19 अवं पौलुस अपने हथ्थन सेइं लिखताई, कि अवं तीं एप्पू वापस देइलो, तू इन पेइलू ज्ञानतस, अगर मीं तेरी मद्दत न भोथी कियोरी त तीं अपने आपे सेइं न भोथू मैलोरू, मेरो कर्जो जै तीं पुड़े तै तेरी अपनि जिन्दगी आए। 20 हे मेरे टूलारे दोस्त, साथी विश्वासी भोनेरे वजाई सेइं इन मेरे लेइ केर ते मसीह मां मीं खुश केर। 21 मीं ई चिट्ठी लिखोरीए, किजोकि मीं याकीन कि जैन केरनेरे लेइ ज़ोरू तैन तू केरेलो हकीकति मां अवं ज्ञानताई तू तैस करां भी बड़ जादे केरेलो, जैन केरनेरे लेइ मीं ज़ोरूए। 22 ते अक होरि गल, तू अपने घरे मां मेरे लेइ अक कमरो तियार केर। किजोकि मीं उमीदे परमेशर तुश्शे प्रार्थनां केरो जुवाब देलो ते तीं कां फिरी एजने देलो। 23 इपफ्रास, जै यीशु मसीहेरी खुशखबरी प्रचार केरनेरे वजाई सेइं मीं साथी कैदीए तै तीं नमस्कार ज़ोते। 24 ते मरकुस ते अरिस्तार्खुस ते देमास ते लूका जैना प्रभुएरू कम मीं सेइं साथी केरतन तींजो नमस्कार ज़ोतन। 25 इश्शे प्रभु यीशु मसीहेरो अनुग्रह तुसन पुड़ भोतो राए। आमीन।

# इब्रानियों

**1** परमेश्वरे बड़े पेड़ले इश्शे दादे पड़दादन सेइं बड़े बारे ते अलग-अलग किसमे सेइं नेबी केरे ज़िरिये गल्लां की। **2** पन इन आखरी दिहाइन मां परमेश्वरे असन सेइं अपने मट्टेरे ज़िरिये गल्लां की, ज़ैन तैनी सैरी चीज़ां केरू बारस ठहराव ते तैसेरे ज़िरिये परमेश्वरे सारी स्रष्टि बनाई। (aiōn g165) **3** मट्टू परमेश्वरेरी महिमारू प्रकाश आए, ते तैन हर किसमे सेइं परमेश्वरेरू ज़ेरू आए, तैन्ने सैरी चीज़न अपने शेक्तेर वचनेरे ज़िरिये सेइं संभालते, तैन्ने लोकन पापन करां शुद्ध केरतां स्वर्ग मां परमेश्वरेरे महिमा मां देइने पासे बिश्शू। **4** एन केरने सेइं परमेश्वरे मट्टू, स्वर्गदूतन करां महान कियूं, ते ज़ैन नवं तैस दित्तू जेवं तैन स्वर्गदूतन करां महान आए। **5** किजोकि परमेश्वरे स्वर्गदूतन मरां कोन्ची सेइं कथे नईं ज़ोरू, “तू मेरू मट्टू आस; अज़ अवं इन बांदू केरताईं तू मेरू मट्टू आस” ते फिरी परमेश्वरे केन्ची स्वर्गदूते सेइं इन नईं ज़ोरू, “अवं तैसेरो बाजी भोइलो, ते तैन मेरू मट्टू भोलू” **6** ते फिरी परमेश्वरे अपने पेड़ले मट्टे दुनियाईं मां भेजनें करां पेड़लू इन ज़ोवं, “परमेश्वरेरे सब स्वर्गदूत तैस कां मथ्यो टेकन।” **7** परमेश्वर स्वर्गदूतां केरे बारे मां इन ज़ोते, “तै अपने स्वर्गदूतन हवारे ज़ेरे बनाते, ते अपने सेवकन अगारे लपारे ज़ेरे बनाते।” **8** पन परमेश्वरे अपने मट्टेरे बारे मां ज़ोते, ‘हे परमेश्वर तेरू राज़ सदा रालू, ते तू इन्साफे सेइं राज़ केरेलो। (aiōn g165) **9** ज़ैन रोडूए तैस केरने सेइं तू प्यार केरतस ते ज़ैन गलते तैन केरने सेइं नफरत केरतस; एल्हेरेलेइं तेरे परमेश्वरे तू चुनोरोस ते तेरे सैथन करां जादे तीं आदर ते आनन्द दित्तोरोए।’ **10** ते पवित्रशास्त्र इन भी ज़ोते, ‘हे प्रभु, तीं शुरू मां दुनियारी रचना की,’ ते ज़ैन किछ अम्बरे मां आए तैन तीं बनावं। **11** तैन सब किछ खतम भोइ गानूए; पन तू हमेशा रालो; ते तैन सब किछ लिगडां केरू ज़ेरू पुरानू भोइ गालू। **12** ते तू तैन च़ादरारू ज़ेरो बनालो, ते तैन लिगडां केरू ज़ेरू बेदलोईं गालू; पन तू कथे न बेदलोस; ते तेरी ज़िन्दगी कथी खतम न भोली। **13** ते परमेश्वरे स्वर्गदूतन मरां केस सेइं किताली ज़ोवं, ‘तू मेरे देइने पासे आदरारे ठैरी बिश;’ ते अवं तेरे दुश्मन तेरे अधीन केरेलो।” **14** तैना सब स्वर्गदूत सिर्फ परमेश्वरेरे सेवक आन; परमेश्वरे तैना तैन लोकां केरि हिफाज़त केरनेरे लेइं भेजोरेन ज़ैन मुक्ति मैलोरीए।

**2** एल्हेरेलेइं, ज़ैना गल्लां असेईं शुनोरिन, तैन पुड़ असेईं होरो भी मन लेइतां ध्यान कियेरू लोइं, कोस्कोईं एरू न भोए, कि असां टेपलोइतां तैन करां दूर च़ले गाम। **2** किजोकि ज़ैन वचन परमेश्वरे स्वर्गदूतां केरे ज़िरिये ज़ोरू थियूं, तैन सच्चू साबत भोवं, ते हर एककी पाप केरनेबाले ते हुकम न मन्नेबाले सज़ा मैल्ली। **3** त असन भी सज़ा मैलेली, अगर अस एत्री महान मुक्ति करां बे खबर राए त। ज़ेसेरे बारे मां पेड़ले प्रभुए एप्पू ज़ोरूए, ते ज़ैन चेलेईं एन प्रभु करां शुनोरू थियूं तैन केरे ज़िरिये असन याकीन भोवं कि एन सच्चू आए। **4** परमेश्वरे भी निशान

ते चमत्कार ते बड्डां-बड्डां कम्मां केरे ज़िरिये ते अपने मेरज़रे मुताबिक लोकन पवित्र आत्मारें ज़िरिये वरदान देइतां इन साबत कियूं। **5** परमेश्वरे एजने बैली दुनिया ज़ेसेरे बारे मां अस ज़ोने लोरेम, स्वर्गदूत केरे अधीन मां न की पन प्रभु यीशुएरे अधीन की। **6** बल्के पवित्रशास्त्रे मां कोस्कोईं केन्चे परमेश्वरे सेइं एन ज़ोरूए, “मैन्हु कुन चीज़े, ज़ेसेरे बारे मां तू सोचतस? या इन्सान कोने, कि तू तैसेरी फिक्र केरतस? **7** तीं तै शक्ति मां किछ वक्तेरे लेइ स्वर्गदूतन करां थोडो ज़ेरो घट कियो, ते तीं तैस राज़ेरी ज़ेरि महिमा ते आदर दित्तोरीए, ते तैस अपने हथ्यां केरे कम्मन पुड़ अधिकार दित्तो। **8** तीं तैस सेबभी चीज़न पुड़ अधिकार दित्तोरोए,” ज़ैखन सब किछ तैसेरे अधिकारे मां कियूं, ते किछ भी बाकी न रखवू, ज़ैन तैसेरे अधीन न भोए। पन असां हुन्ना तगर सैरी चीज़ां तैसेरे अधिकारे मां न लहम। **9** पन असां यीशु लहतम, ज़ै स्वर्गदूतन करां किछ वक्तेरे लेइ निकडो कियोरो थियो, ताके तै परमेश्वरेरे अनुग्रहे सेइं सेबभी केरे लेइ अपनि जान दे। किजोकि यीशुए दुख बरदाश कियो ते मरो, ते हुनी अस ज़ानतम कि तैस महिमा ते आदर दित्तोरीए। **10** परमेश्वरे सब किछ बनाव, ते तै सब किछ अपने लेइ सुमैलतां रखते। परमेश्वरे ठीक कियूं ज़ैन तैनी दुखेरे ज़िरिये यीशु सिद्ध कियो, ताके तै बड़े लोकन महिमा मां पुजाए। किजोकि यीशु ही आए ज़ै असन मुक्तेरे पासे नेते। **11** किजोकि पवित्र केरनेबालोरे ते पवित्र भोने बालां केरो बाजी अक्के, एल्हेरेलेइं यीशु तैन जो ढूला बेइन ज़ोने करां न शरमाए। **12** पन मसीह परमेश्वरे सेइं ज़ोते, “अवं अपने लोकन इन ज़ोएलो कि तीं मेरे लेइ इन कियोरूए ते तैन केरे सभाईं मां तेरे नव्वेरू गीत जोइलो।” **13** ते फिरी तै ज़ोते, “अवं तैस पुड़ भरोसो रेखेलो।” ते फिरी तै ज़ोते, “अवं तैन लोकन सेइं साथी भोनोईं, ज़ैना परमेश्वरे मीं दित्तोरेन।” **14** किजोकि जेन्चरे परमेश्वरेरे बच्चे, मैन्हु आन, तेन्चरे यीशु भी तैन केरो ज़ेरो मैन्हु बनो। परमेश्वरे एन एल्हेरेलेइं कियूं ताके तैसेरे मौतरे ज़िरिये शैताने बरबाद केरे ज़ेस कां मौतरो अधिकार थियो। **15** ते एन्चरे ज़ेरे ज़ीते थिये। **16** किजोकि प्रभु यीशु स्वर्गदूतां केरि नईं बल्के अब्राहमेरे वंशरी मद्दत केरते। **17** एल्हेरेलेइं यीशु मसीहे हर गल्ली मां मैन्हु केरो ज़ेरो बन्नू ज़रूरी थियूं, ताके सेबभी केरे पापां केरे बलिदानेरे लेइ परमेश्वरेरे सामने दया केरनेबालो ते ईमानदार महायाजक बने। **18** किजोकि यीशुएरी अज़मैइश कीजेईं ते तैनी एप्पू दुःख झैल्लोरोए, एल्हेरेलेइं ते तैन लोकां केरि मद्दत केरि बटते, ज़ैना आज़मैइशरो सामनो केरतन।

**3** एल्हेरेलेइं हे विश्वासी ढूलाव ते बेइनव, तुस परमेश्वरे स्वर्ग मां तैस सेइं शामिल भोनेरे लेइ कुजोरेथ। एल्हेरेलेइं प्रभु यीशुएरे बारे मां ध्यान देथ ज़ै इश्शे लेइ परमेश्वरेरी बिस्तार आन्ने बालो दूत ते महायाजक आए ज़ेसेरो अस इकरार केरतम। **2** यीशु परमेश्वरेरे लेइ वफादार थियो, ज़ैनी ते ठहरावरो थियो, जेन्चरे मूसा भी परमेश्वरेरे लोकां केरि सेवाईं मां वफादार थियो। **3**

किजोकि घर बनानेबालो घरे करां जादे इज्जतरे काबल समझो गाते, तेन्चरे यीशु भी मूसा करां जादे इज्जतरे काबल समझो जेव। 4 किजोकि हर घरेरो कोई न कोई बनानेबालो जरूर भोते, पन ज़ैनी सब किछ बनावं तै परमेशरे। 5 मूसा त परमेशरेरो सेवक भोने सेइं परमेशरेरे घरेरे लोकन मां वफादार राव। ताके तैना गल्लां केरि बटे, ज़ैना परमेशर एजनेबाले वक्ते मां ज़ोनेबालो थियो। 6 पन मसीह मट्टू भोनेरे वजाई सेइं परमेशरेरे लोकां केरू मुखतियारे, ते असां तैसेरे लोकम, शर्त एने कि असां तैस दिलेरी ते उमीदी मज़बूत रखम, ज़ैस पुड़ असां भरोसो केरतम। 7 बस्सा पवित्र आत्मा जोते, “अगर अज़ तुस परमेशरेरी आवाज़ शनथ। 8 त अपने दादे पड़दादां केरे ज़ेरे तैसेरो हुक्म मन्ने करां इन्कार न केरथ, ज़ैखन तैनेई परमेशरेरे खलाफ खलाफत की, ते जेन्चरे तैस दिहाड़े तुश्शे दादे पड़दादेई ज़ेइस तैना सुनसान ठैरी मां थिये, तैनेई परमेशरेरी अज़मैइश की। 9 तैड़ी तुश्शे दादे-पड़दादे 40 सालन तगर मेरां महान कम्मां हेरनेरे बाद भी, अवं चनोती देइतां अज़माव। 10 एल्हेरेलेइ अवं तैस वक्तेरे लोकन पुड़ क्रोधे भोव, ते मां ज़ोवं, तैना हमेशा मेरो इन्कार केरतन, ते ज़ेन केरनेरो मां हुक्म दित्तोएए तैन केरने करां इन्कार केरतन। 11 एल्हेरेलेइ मां एपनी सरकी मां कसम खाइ, कि तैना तैस ठैरी कथे दाखल न भोले ज़ैडी अवं तैन आराम देथो।” 12 हे ढूलाव ते बेइनव खबरदार राथ, तुसन मरां केन्चेरो दिल एत्रो बुरो ते बेईमान न भोए, कि ज़ै तैस ज़ीते परमेशरे करां दूर केरे। 13 पन ज़ांतगर तै दिहाड़ी ज़ैस जो अज़ ज़ोतन, रोज़ एक्की होरि हिम्मत देते राथ, एरू न भोए कि तुसन मरां कोई पापेरे धोखे मां एइतां परमेशरेरे लेइ सखत दिल न भोइ गाए। 14 किजोकि अगर असां अपने पेइले विश्वासे पुड़ अपने मौती तगर लगातार मज़बूत रातम, त अस अकोट्टू कम केरने मां मसीह सेइं साथी जुड़तम। 15 जेन्चरे पवित्रशास्त्रे मां लिखोरूए, “अगर अज़ तुस तैसेरी आवाज़ शनथ त तुस अपने दिले सखत न केरा, त अपने दादे पड़दादां केरे ज़ेरे तैसेरो हुक्म मन्ने करां इन्कार न केरथ, ज़ैखन तैनेई परमेशरेरे खलाफ खलाफत की।” 16 तैना लोक कौन थिये, ज़ैनेई परमेशरेरी आवाज़ शन्तां भी तैसेरे खलाफ खलाफत की? तैना सब लोक तैना थिये ज़ैना मूसेरे ज़िरिये मिश्र मुलखे मरां निसारे थिये। 17 तैना कौन लोक थिये, ज़ैन सेइं परमेशर 40 सालन तगर क्रोधे राव? तैना लोक तैना थिये, ज़ैनेई पाप कियो ते मेरतां तैन केरि लाशां सुनसान ठैरी मां रेइ जेई। 18 ज़ैखन परमेशरे क्रोधे मां कसम खाइ, कि तैना तैस ठैरी कथे दाखल न भोले ज़ैडी अवं तैन आराम देथो, हकीकति मां तै तैन केरे बारे मां ज़ोतो थियो ज़ैनेई हुक्म न थियो मन्नोरो। 19 बस्सा, असन हुनी पतो लगे, कि तैना विश्वास न केरनेरी वजाई सेइं तैड़ी दाखल न भोइ सके।

**4** एल्हेरेलेइ ज़ैखन परमेशरेरो ए वादोए कि असां तैस आरामे मां दाखल भोइ सकतम, ते असेईं खबरदार राहेरू लोड़ते, ताके कोस्कोई एरू न भोए, कि तुसन मरां कोई तैस मां दाखल

भोने करां एरो रेइ गाए। 2 किजोकि जेन्चरे असेईं यीशु मसीहेरी खुशखबरी शुनी, तेन्चरे इस्राएली लोकेई भी आरामेरे ठैरी दाखल भोनेरी खुशखबरी शुनोरी थी। पन तैनेई तैस पुड़ विश्वास न कियो, एल्हेरेलेइ ते सन्देश तैन केरे लेइ बेफैइदो भोव। 3 पन असेईं ज़ैनेई विश्वास कियो, परमेशरेरे तैस वादो कियोरे आरामे मां दाखल भोतम, जेन्चरे परमेशरे ज़ोरू थियू, “मीं अपने क्रोधे मां कसम खाइ, कि तैना तैस ठैरी कथे दाखल न भोले ज़ैडी अवं तैन आराम देथो।” परमेशरे एन एल्हेरेलेइ नई ज़ोरू, किजोकि हेजू तगर आरामेरी ठार तियार न थी, पन तै ठार दुनिया बनानेरे वक्ते करां तै तियार आए। 4 किजोकि परमेशरे सत्तोवं दिहैडारे बारे मां पवित्रशास्त्रे मां एन्चरे ज़ोरू आए, “परमेशरे अपना सब कम्मां खतम केरतां सत्तोवं दिहाड़े आराम कियो।” 5 ते अस भी इन पढतम कि तैनी बादे मां ज़ोवं, “एना मेरे आरामेरे ठैरी कथी दाखल न भोले।” 6 तैना इस्राएलेरे लोक ज़ैनेई पेइली ई खुशखबरी त शुनी, पन आरामेरे ठैरी दाखल भोने मां कामयाब न भोए, किजोकि तैनेई परमेशरेरे हुक्म न मन्ने। पन हुन्ना भी किछ लोकां केरे लेइ आरामेरे ठैरी दाखल भोनेरे लेइ मौको आए। 7 एल्हेरेलेइ परमेशरे कोई होरो वक्ते अपने आरामेरे ठैरी मां दाखल भोनेरे लेइ ठहरावरो, तै वक्त अज़ आए, इश्शे दादे पड़दादेई खलाफ केरनेरे बड़े सालना बाद परमेशरे दाऊदेरे ज़िरिये ज़ोवं, जेन्चरे तैने ज़ोवं “अगर अज़ तुस तैसेरी आवाज़ शनथ, त अपनो दिल सखत न केरा।” 8 अगर यहोशूए तैना लोक आरामे मां दाखल करावरे भोथे त बादे मां परमेशरे होरि दिहैडारे बारे मां गल न थी केरनि। 9 एल्हेरेलेइ परमेशरे लोकां केरे लेइ एरी ठार तियार आए ज़ैडी तैना पूरे तरीके सेइं आराम केरि बटतन। तैना तेन्चरे आराम केरेले जेन्चरे परमेशरे सत्तोवं दिहाड़े आराम कियोरो थियो। 10 किजोकि ज़ै कोई परमेशरेरे आरामे मां दाखल भोते त तै परमेशरेरो ज़ेरो अपने कम्मन पूरे केरतां आराम केरते। 11 एल्हेरेलेइ एज्जा अस भी तैस आरामेरी ठैरी मां दाखल भोनेरी कोशिश केरम, ताके कोई भी मैन्दू इस्राएली लोकां केरे ज़ेरो हुक्म न मेन्तां तैस आरामेरी ठैरी दाखल भोने करां रेइ न गाए। 12 किजोकि परमेशरेरू वचन ज़ाँतू ते शेक्ति बालू आए, ते हर दूई धारण बैली तलवारी करां भी जादे तिख्खू आए। ते तैन प्राण ते आत्माई गहराई तगर चीरते, जेन्चरे तिख्खी तलवार जोइन ते हेडी केरे अन्त्रीयां मासे वारां पार चिरतां निसतीए ते दिलेरे खियाल ते मैनेरो इरादो भी ज़ानते। 13 दुनियारी कोई भी चीज़ परमेशरेरी नज़री करां छपूरी नई, बल्के तैसेरे सामने सब चीज़ां खुल्ली ते बेदिन, ते असेईं तैस, ज़ैन किछ भी अपने पूरे ज़िन्दगी मां कियोरू तैसेरो हिसाब देनो पेनोए। 14 बस्सा, एज्जा अस अपने विश्वासे पुड़ मज़बूत रहम। किजोकि इश्शो अक महान महायाजके, ज़ै स्वर्गें मां जोरोए, यानी परमेशरेरू मट्टू यीशु। 15 किजोकि इश्शो महायाजक इश्शी सैरी कमज़ोरी समझते। किजोकि शैताने तै सेब्वी गल्लन मां इश्शो ज़ेरो अज़माव, पन तैनी कोई पाप न

कियो। 16 एल्हेरेलेइ एज्जा असं दिलेरी सेइं, अनुग्रह देनेबाले विश्वासी बनम! अगर परमेश्वर अजाजत दे त असां इन केरमेले। परमेश्वररे तखतेरे सामने च़लम, ताके तै असन पुइ अनुग्रह ते केन्चरे आने गान? तैनी एककी बारे परमेश्वररी सच्चवाई पिशानोरी दया केरे ते ज़रूरतेरे मौके तै इश्शे मद्दत केरे।

**5** परमेश्वरे हर महायाजक इस्राएली लोकन मरां चुनो, ते परमेश्वरे महायाजक, लोकां केरि तरफां अपनि सेवा केराने लेइ ठहराए, ताके तैना लोकां केरे मैफरे लेइ च़द्वल ते पापां केरू बलिदान चाढ़न। 2 किजोकि अक याजक एप्पू बेड़ि गल्लन मां कमज़ोरे, एल्हेरेलेइ तै बेसमझ, ते टेपलोरे लोकन नेरमी सेइं बताव केरि बटते। 3 किजोकि तै एप्पू कमज़ोरे, एल्हेरेलेइ तैस न सिर्फ़ लोकां केरे पापां केरे लेइ, बल्के अपने पापां केरे लेइ भी बलिदान चाढ़नेरि ज़रूरत भोतीए। 4 कोई मैन्हु अपने लेइ महायाजकेरी पदवी अपने आपे सेइं हासिल न केरि सखे, जांतगर तै हारूनरो ज़ेरो परमेश्वररी तरफां कुजाव न गाए। 5 तेन्चरे मसीहे भी महायाजक बेनतां अपनि आदर न की, बल्के परमेश्वरे तैस आदर दिती ज़ैखन तैने ज़ोवं, “तू मेरू मट्टू आस, अज़ अवं इन बांदू केरताई तू मेरू मट्टू आस।” 6 एल्हेरेलेइ परमेश्वर फिरी एककी होरि ठैरी ज़ोते, “तू मेलिकिसिदकेरो ज़ेरो हमेशारे लेइ याजक आस।” (aiōn g165) 7 यीशुए एककी मैनेरी ज़ेरि ज़िन्दगी गुज़ारनेरे दिहाइन मां फुकैरी-फुकैरी ते लेरां देइ-देइ परमेश्वरे कां प्रार्थना ते बिनती की, ज़ै तैस मौती करां बचेइ सकतो थियो, ते परमेश्वररे लेइ तैसेरे भक्तेरे वजाई सेइं परमेश्वरे तैसेरी फरयाद शुनी। 8 ते परमेश्वररे मट्टू भोइतां भी तैनी दुख झैल्लतां हुकम मननो शिखो। 9 ज़ैखन तैनी तैन सब कियू ज़ैन तैनी कियेरू लोइतू थियू, त तै तैन केरे लेइ हमेशारे लेइ मुक्तेरो ज़िरयो बनो, ज़ैना तैसेरे हुकम मन्तन। (aiōnios g166) 10 ते तैस परमेश्वररी तरफां मेलिकिसिदकेरी ज़ेरि महायाजकेरी पदवी मैल्ली। 11 असन कां इस बारे मां ज़ोनेरे लेइ बडू किछ आए, पन तुसन समझानू मुश्किले, किजोकि तुस समझाने मां सुसतथ। 12 द्रासले मां अज़ तगर तुस गुरु बनोरे लोइते थिये, किजोकि तुसन विश्वास कियेरे बडू च़िर भोरूए। पन हुन्ना त ज़रूरत इस गल्लरीए कि कोई मैन्हु तुसन परमेश्वररे वचनेरी शुरुआतरी गल्लां दुबारां शिखाले। तुस तैन बच्चां केरे ज़ेरेथ ज़ैन हेजू दुइ पीतन ते शुरी रोटी तैन खेइ बटन। 13 ज़ै दुइ पीते, तै हेजू बच्चो भोते, किजोकि तैस नई पतो सही कुने ते गलत कुने। 14 पन शुरी रोटी तैन केरे लेइ भोचे ज़ैना विश्वासे मां बड्डेन, ते अपने तजरबे सेइं इस काबल भोरेन, कि रोडे ते बुरे मां फ़क सेमझी सखन।

**6** एल्हेरेलेइ एज्जा अस मसीहेरे बारे मां शुरुआतरी शिक्षारी गल्लां बार-बार दोरहानेरे बगैर अस सिधतारे पासे च़लते रहम। ते मौतेरे पासे नेनेबाले कम्मन करां मन फिराम ते परमेश्वरे पुइ विश्वास केरनो, 2 बपतिस्मे ते हथ रखनेरी शिक्षारे बारे मां, ते मुइदां केरे ज़ींते भोनेरे बारे, ते हमेशारे इन्साफेरे बारे मां दुबारा गल न केरम। (aiōnios g166) 3 एज्जा अस परिपक्व

विश्वासी बनम! अगर परमेश्वर अजाजत दे त असां इन केरमेले। 4 ज़ैना लोक अपने विश्वास शारतन तैन फिरी मनफिरानेरे पासे केन्चरे आने गान? तैनी एककी बारे परमेश्वररी सच्चवाई पिशानोरी थी, ते तैन स्वर्गोरां वरदाना मैलोरां थियां ते तैनेई होरन सेइं साथी पवित्र आत्मा हासिल कियोरो थियो। 5 तैनेई मैसूस कियोरू थियू कि परमेश्वररे वचन रोडू आए, ते तैनेई एजनेबाले ज़मानेरी शक्ति मैसूस कियोरी थी। (aiōn g165) 6 ते हुनी तैनेई अपनो विश्वासे शारोरो! एल्हेरेलेइ तैन मनफिरानेरे पासे आनू मुशकिले, किजोकि तैना एप्पू परमेश्वररे मट्टे फिरी कूसे पुइ चाढ़ने लोरेन! ते लोकां केरे सामने तैसेरी बेइज़ी केरने लोरेन। 7 ज़ैन लोकन रोडी शिक्षा मैलोरीए तैना तैस ज़मीनेरे ज़ेरे आन ज़ैस पुइ झैडी लगगीती रातीए। अगर ज़मीन रोडीए त ज़िमदाररे लेइ रोडी फसल देचे, ते तैस परमेश्वररी तरफां बरकत मैलचे। 8 होरे लोक तैस ज़मीनेरे ज़ेरे आन ज़ैस मां कंटे ते झैल्लां लगतन ते तै कोन्ची कम्मरी नई। ते परमेश्वर तैस ज़मीनी फिटकार देनेबालोए ते आखरी मां तैस अग्गी मां बरबाद केरेलो। 9 हे मेरे ट्लारे ढ़लाव ते बेइनव, हालांकी असां एरी गल्लां ज़ोतम फिर भी अस विश्वास केरतम कि एन तुश्शे लेइ नई। इश्शो भरोसोए कि तुस रोडी गल्लां केरे लेइ आथ ज़ैना मुक्तेरे ज़िरिये एइतिन। 10 किजोकि परमेश्वर बेइनसाफ नई कि ज़ै तुश्शू कम ते प्यार बिसरी गाए, ज़ै तुसेई तैसेरे लोकां केरि सेवा केरनेरे ज़िरिये तैसेरेलेइ हिरावरोए। ते परमेश्वर याद केरेलो कि तुस हेजू भी तैन केरि मद्दत केरने लोरेथ। 11 इश्शी इच्छा ई आए कि तुस जांतगर ज़ींतेथ रोडो बताव केरते राथ, इन पक्कू केरनेरे लेइ कि तुश्शी उमीद सच़ भोली। 12 तैखन तुस आलसी न बनेले। पन तुस तैन केरे ज़ेरे च़ललेले ज़ैना अपने विश्वास ते सबबारे वजाई सेइं परमेश्वररे वादां केरे बारस भोले। 13 ज़ैखन परमेश्वरे अब्राहमे सेइं वादो कियोरो थियो त कसम केरनेरे लेइ तैस करां बड्डो कोई न थियो, एल्हेरेलेइ तैनी अपने ही कसम कमाइतां ज़ोवं, 14 “अवं तीं सच्चे बरकत देइलो, ते तेरू वंश बेशुमार बेधेइलो।” 15 एल्हेरेलेइ अब्राहम तैन वादन हासिल केरनेरे लेइ सबरी सेइं इंतज़ार केरतो राव। 16 मैन्हु त एप्पू करां बडां केरे नच्वेरी कसम केरतन ते एन्चरे तैन हर मसलेरो हल कसम केरतां खतम भोते। 17 एल्हेरेलेइ परमेश्वरे भी कसम खाइ, एन केरने सेइं तैनी तैन लोकन ज़ैन सेइं वादो कियोरो थियो, इन हिरानू चाऊ कि ज़ै वादो तैनी कियोरोए ते पूरो केरेलो। 18 त इडी दूई गल्लां आन तैसेरो वादो ते तैसेरी कसम, ज़ैना कथे न बेदलोने ते तैन केरे बारे मां परमेश्वर कथे झूठ न ज़ोए। एल्हेरेलेइ अस ज़ैना तैसेरे सहारे मां ओरेम त ज़ै उमीद असन दितोरीए, तैस मां अस बनोरे रहम, ते अस बडे जादे जोशे मां आम। 19 इश्शी उमीद प्राणा केरे लेइ पक्की आए तै टेली न बटे ते ई असन परमेश्वरे करां भटकने न दे, बल्के ई असन परमेश्वररे मन्दरे मां महा पवित्र ठैरी पुजातीए। 20 ज़ैडी यीशु इश्शे लेइ मेलिकिसिदक महायाजकेरो

जेरो हमेशारो महायाजक बेनतां इश्शे लेइ बत हिराने बालेरो जेरो दाखल भोव। (aiōn g165)

**7** ई मेलिकिसिदक शालेमेरो राजो ते परमप्रधान परमेशरेरो याजक थियो, जैखन अब्राहम राजन मौरतां वापस ओरो थियो, त मेलिकिसिदके तैस सेइं मिलतां तैसेरी बडी आदर की ते तैस बरकत दिती। 2 अब्राहमे तैस तैन सेबभी चीजां केरो दशोवं हिस्सो दिती जैना तैनी कब्जो केरतां ऐनोरी थी। मेलिकिसिदकेरो नंवेरो मतलब धार्मिकतारो राजो आए, ते शालेमेरो मतलब शैन्तारो राजो। 3 तैसेरो न कोई बाजी, न अम्मा, न तैसेरु कोई वंश, न तैसेरी जरमनेरे बारे मां न तैसेरे मरनेरे बारे मां लिखोरूए। तै परमेशरेरे मट्टेरो जेरोए तै हमेशारे लेइ याजक बनोरो रहते। 4 पन हुनी इस पुइ ध्यान देथ मेलिकिसिदक केत्रो महान थियो। जैस पूर्वज अब्राहमे कब्जो कियोरी चीजां केरो दशोवं हिस्सो दिती। 5 मूसरे कानूनेरे मुताबिक जैना लेवेरे खानदाने मरां थियो यानी जैना याजक ठहराए गातन, तैन हुकम दिती जोरोए कि तैना इस्राएली लोकन यानी अपने लोकन करां दशोवं हिस्सो नेन, हालांकी तैना भी अब्राहमेरी वंशे मरां आन। 6 पन मेलिकिसिदके जै लेवी केरे वंशे मरां न थियो फिरी भी अब्राहमे करां दशोवं हिस्सो नीयो, ते तैस बरकत दिती जैस सेइं परमेशरे वादो कियो थियो। 7 अस पक्कू ज्ञानतम कि जै बरकत देते तै बरकत मैलने बाले करां महान आए। 8 ते याजक जैना दशोवं हिस्सो नेतन तैना तैन मैन्हु आन जैना मरतन, पन मेलिकिसिदक एन करां भी महान आए, किजोकि पवित्रशास्त्र जोते कि ते जीतो आए। 9 बल्के अस जोइं सकतम कि लेवी भी जै दशोवं हिस्सो नेते, अब्राहमेरे जिरिये मेलिकिसिदक जो दशोवं हिस्सो दिती। 10 एल्हेरेलेइ कि जैस मौके मेलिकिसिदके लेवेरे पूर्वज अब्राहमे सेइं मुलाकत की, तैस मौके लेवी जरमोरो भी न थियो। 11 इना लेवी याजकेरे आधारे पुइ कानून इस्राएली लोकन दित्तोरो थियो, अगर लेवी ते याजकेरु कम ठीक थियूं, त अलग किसमेरे याजकेरु बांदू भोनु ज़रूरी न थियूं, जै मेलिकिसिदकेरो जेरो आए। पन हारूनेरो जेरो नई। 12 किजोकि जैखन याजकेरी पदवी बेदलोतीए त कानूनेरु बेदलोनु भी ज़रूरीए। 13 असां इना सैरी गल्लां मसीहेरे बारे मां जोने लोरेम जै होरि गोत्रे मरां आए, ते तैस गोत्रे मरां केन्चे बलिदान केरनेरे ठैरी याजकेरी सेवा नई कियोरी। 14 किजोकि इन अस ज्ञानतम, कि इश्शो प्रभु यहूदारे गोत्रे मरां थियो। ते मूसा एस गोत्रे मरां याजकेरे पेदवरे बारे मां कोई गल नई कियोरी। 15 मेलिकिसिदकेरो जेरो अक होरो भी याजक एजने सेइं इन होरु भी साफ भोते। 16 किजोकि यीशु कानूनेरे हुकमेरे मुताबिक याजक लोइतो थियो, पन तै नाश न भोनेबैली जिन्दगरे शेक्ते जिरिये महायाजक बनो। 17 किजोकि तैसेरे बारे मां परमेशर पवित्रशास्त्रे मां इ गवाही देते, “कि तू मेलिकिसिदकेरे जेरो हमेशारे लेइ याजक आस।” (aiōn g165)

18 एन्चरे मूसरो कानून कमजोर ते बेफल भोनेरे वजाईं सेइं हुनी कम न केरि बटे। 19 (किजोकि मूसरे कानूने कोई गल्ली सिद्ध

न केरि बटी) पन हुनी असन कां अक रोड़ी उमीदे जेसेरे जिरिये सेइं असां परमेशरेरे सामने एज्जी बटतम। 20 ते परमेशरे भी तैस वक्ते कसम खाइ जैखन तैनी यीशु महायाजक बनाव। 21 किजोकि होरे याजक त बगैर कसमा याजक बनाव, पन जैखन यीशु, परमेशरेरी तरफां याजक बनाव त तैनी जोवं, “अवं, प्रभु कसम खाताई, कि तू हमेशा याजक रालो ते अवं अपने मने कधी न बेदलेलो।” (aiōn g165) 22 एल्हेरेलेइ यीशु ज़मानत देते कि पुरानो करार नव्वे करारे करां रोड़ी भोलो। 23 ते अक फर्के, किजोकि पेइले बडे याजक बेनतां आए, पन तैना सब मरे ते तैनेई लगातार याजकेरु कम न केरि बटु। 24 पन यीशु आखरी तगर रानेबालो याजके ते एल्हेरेलेइ तैसेरी ठैरी होरो कोई याजक न रख्खो गाए। (aiōn g165) 25 एल्हेरेलेइ जैना लोक यीशुएरे जिरिये सेइं परमेशरे कां एइतन, यीशु तैन पूरी-पूरी मुक्ति देइ बटते, किजोकि तै तैन केरे लेइ बिनती केरनेरे लेइ हमेशा जीतोए। 26 एल्हेरेलेइ असन एरे जेरो महायाजक ज़रूरी थी, जै इश्शे ज़रूरतन पूरी केरे, जै पवित्र, निष्कपट ते शुद्ध, ते पैपन करां अलग भोए ते जै परमेशरे स्वर्ग जो नेवरो भोए। 27 ते होरि महायाजक केरु जेरु यीशु ज़रूरी नई, कि पेइले अपने पापां केरे लेइ ते फिरी अपने लोकां केरे पापां केरे लेइ रोइ बलिदानां चाढे, किजोकि यीशुए सेबभी लोकां केरे पापां केरे लेइ एककी बार अपनो आप बलिदान केरतां एरु बलिदान चाढू जैन हमेशारे लेइ आए। 28 किजोकि मूसरो कानून त तैन मैन्हु महायाजक भोनेरे लेइ ठहराते जैना सिद्ध नई, पन मूसरे कानूनेरे बाद परमेशरे कसम खेइतां अपनू मट्टू ठहराव ते तैसेरु मट्टू हमेशारे लेइ सिद्ध महायाजक बनोरोए। (aiōn g165)

**8** जैना गल्लां हुन्ना अस जोने लोरेम तैन मरां सेभना बड्डी गल ई आए कि इश्शे एरो महायाजक, जै स्वर्ग मां परमेशरेरे महिमा बाले तखतेरे देइने पासे बिशोरोए। 2 ते जै तैस महा पवित्र ठैरी ते तैस सच्चे तेम्बु मां सेवा केरते, जै केन्चे मैने नई बल्के परमेशरे खडो कियोरोए। 3 किजोकि हर महायाजक पापां केरे मैफरे लेइ चढतल ते बलिदान चाढनेरे लेइ ठहराव गाते, एल्हेरेलेइ ज़रूरी आए, कि इश्शे महायाजके (यीशु) कां भी किछ चाढनेरे लेइ भोए। 4 ते अगर यीशु दुनियाई मां भोथो त कथे कोई याजक न थियो भोनु, किजोकि इडी मूसरे कानूनेरे मुताबिक चढतल चाढनेरे लेइ याजक आन। 5 इना याजक जैना कम केरतन, तैना सिर्फ स्वर्गेरी चीजां केरि नकल ते सैयोए, पन जैना चीजां स्वर्ग मां आन। एल्हेरेलेइ जैखन मूसा तेम्बु बनानेरी तियेरी मां थियो, त परमेशरे तैस हदैइयत दिती, “हेर जै नमूनो मीं तीं पहाडे पुइ हिरावरो थियो तैसेरे हिसाबे सेइं तू सैरी चीजां बना।” 6 पन हुनी जै महायाजकेरी सेवा यीशु दित्तोरी ते पुराने याजकेरे सेवाईं करां बडी बड्डीए, किजोकि तै जैना गल्लां केरि बिचवाईं केरते तैना पुराने करारे करां भी उच्ची आन, ते वादन पुइ तैसेरी बुनियादे। 7 किजोकि अगर पेइले करारे मां कोई खांमी न भोथो त होरो करार केरनेरी कोई ज़रूरत न थी भोनी।

8 पन परमेशर लोकन पुड़ दोष लेइतां ज़ोते, “तक्का प्रभु ज़ोते कि तै दिहाड़ी एज्जी राहोरीए, इस्राएलरे लोक ते यहूदारे लोकन सेइं साथी नंवो करार केरेलो। 9 ए तैस कराररे ज़ेरो न भोलो ज़ै मां तैन केरे दादे पड़दादन सेइं तैस दिहाड़े कियोरो थियो। ज़ैखन मीं मिसे मरां तैन कढनेरे लेइ तैन केरो हथ ठामोरो थियो, किजोकि प्रभु ज़ोते कि तैना मेरे तैस कराररे मुताबिक वफादार न राए, एल्हेरेलेइ मीं भी तैन केरे पासे कोई ध्यान न दित्तू। 10 प्रभु ज़ोते कि ज़ै करार अवं इस्राएलरे लोकन सेइं तैस मौके केरेलो तै ईए, कि अवं अपने कानून तैन केरे मन्न मां छुडेलो, ते तैन केरे दिलन मां लिखेलो, ते अवं तैन केरो परमेशर भोलो ते तैना मेरे लोक भोलो। 11 ते केन्वी ए ज़रूरत न भोली कि अपने पुड़ोसन, या अपने रिशतेदारन ए शिक्षा दे कि प्रभु पिशाना, किजोकि निकड़े करां बड़े तगर सब मीं पिशानेले। 12 एल्हेरेलेइ अवं तैन केरे अधर्म माफ़ केरेलो, ते तैन केरे पापन फिरी कथे याद न केरेलो।” 13 ज़ैखन परमेशरे नंवो करारे कमाव त पेड़लो करारे पुरानो बनाव, ते ज़ै चीज़ पुरानी ते कमज़ोर भोती तै जल्दी खतम भोतीए।

9 पेड़ले कराररे मुताबिक भी परमेशरेरी आराधना केरनेरे नियम थिये; ते आराधना केरनेरे लेइ मैन्हु केरि बनोरी अक ठार थी। 2 यानी अक तेम्बु बनोरो थियो, ते तैसेरे दूई हिस्से थिये, पेड़ले हिस्से मां अक दीवत (दीयो), मेज़ ते चैदोरी रोटी रेखोरी भोती थी, तैस हिस्से जो पवित्र ठार ज़ोते थिये। 3 ते होरि हिस्से मां पड़दे पतोरं तै ठार थी, तैस हिस्से जो परमपवित्र ठार ज़ोते थिये। 4 एसमां सोन्नेरी तै बलिदान केरनेरी ठार थी ज़ैस पुड़ खुशबूदार चीज़ां बालते थिये, ते च़ेरे पासन सोन्ने सेइं पलेटोरो कराररे सुंदुख थियो। ते तैस सुंदुखे मां मन्ने सेइं भरतां अक सोन्नेरू भांड थियूं, ते कने हारूनेरी तै सोटी थी ज़ैस पुड़ पदलां लगगोरां थियां ते दूई घोड़ां केरि सलेटां थी, ज़ैन पुड़ दश हुक्म लिखोरे थिये। 5 एस सुंदुखेरे बेइंयें पासे महिमा बाले करूब बनोरे थिये, ज़ैना परमेशरेरी मौजूदगी हिराते थिये। तैना अपने-अपने फंगन सेइं तैस ठैरी सैयो केरि रावरे थिये, ज़ैड़ी पाप माफ़ कियोरे थिये। पन हुनी इन गल्लन रोड़े च़ारे ज़ोनेरो वक्त नई। 6 एना सब चीज़ां एस तरीके सेइं तियार केरनेरे बाद, याजक तेम्बेरे तैस पेड़ले हिस्से मां रोज़ गाते, ताके सेवारू कम पूरू केरन। 7 पन परमपवित्र ठैरी मां सिर्फ़ महायाजक साले मां सिर्फ़ एककी बार गाते। ते तै भी खून घिन्तां ताके अपनि ते अपने लोकां केरे पापां केरे लेइ बलिदान च़ाढ़े, ज़ैना तैनेई अनज़ाने मां किये। 8 एस नियमें सेइं पवित्र आत्मा इन हिराते, कि ज़ांतगर पेड़लो तेम्बु आए, तांतगर परमपवित्र ठैरी गानेरी बत बंदे। 9 ते इन सब किछ इस वक्तेरे लेइ अक मसाले, एस सेइं एन बांदू भोते कि ज़ै च़ढतल ते बलिदान याजक परमेशरे जो च़ाढ़ते थिये, तैस सेइं आराधना केरनेबालां केरो ज़मीर रोड़ेच़ारे शुद्ध न भोए। 10 तैन केरो तलक सिर्फ़ खाने पीनेरे चीज़ ते अलग-अलग शुद्ध भोनेरे रसमन सेइं भोतो थियो। इन सिर्फ़ जिसमानी रसमां आन,

इन तैखन तगर लागू भोतन ज़ांतगर परमेशरे नव्वों नियाम न बनाए। 11 पन ज़ैखन मसीह इश्शो महायाजक बेनतां अव, त तै रोड़ी चीज़ां घिन्तां अव ज़ैना हुन्ना मौजूद आन। तै स्वर्गें मांजो परमेशरेरे हज़ूरी मां जेव। ते तै हज़ूरी एककी महान ते सिद्ध तेम्बेरो ज़ेरि आए, ज़ै मैन्हु केरे हथ्यां केरे ज़िरिये सेइं नई बनोरो ते न दुनियारो। 12 ज़ैखन मसीह तैस तेम्बु मांमेइं भोइतां पवित्र ठैरी दाखल भोव, त तैनी थावां ते बछड़ां केरो खून नई, बल्के अपनो खूनेरे ज़िरिये एककी फेरे पवित्र ठैरी दाखल भोव ते असन इश्शो पापन करां हमेशारे लेइ छुटकारो दित्तो। (aiōnios g166) 13 किजोकि ज़ैखन थावां ते दांतां केरो खून ते बेछड़ी केरि मांजान अपवित्र लोकन पुड़ छक्के गाने सेइं तैना लोक जिसमानी तरीके पवित्र मन्ने गाते थिये, 14 त मसीहे सनातन आत्मार ज़िरिये सेइं अपनो आप परमेशरे कां बगैर पापेरू बलिदान केरतां च़ाढ़ू, ते तैसेरो खून असन इश्शो ज़मीरेरे तैन कम्मन करां होरो भी जादे पवित्र केरेलो, ज़ैन केरो तलक मौती सेइं ए, ताके अस ज़ींते परमेशरेरी आराधना केरम। (aiōnios g166) 15 एहे वजा आए कि परमेशरे अपने ते दुनिया मज़ाटे मसीह बिचवाई बनेइतां तैसेरे ज़िरिये सेइं अक नंवो करार बनावरोए, ताके ज़ैना परमेशरेरे कुजोरेन तैना हमेशारी बरकत हासिल केरन ज़ेसेरे लेइ परमेशरे तैना कुजोरेन। किजोकि पेड़ले दित्तोरे कराररे अधीन कियोरे पापन करां तैन आज़ाद केरनेरे बदले मां मसीह मरोए। (aiōnios g166) 16 किजोकि वसीयतरे सिल्लले मां वसीयत देनेबालेरी मौत साबत भोनी ज़रूरीए। 17 एल्हेरेलेइ वसीयत देनेबालेरे ज़ींते दम्में तगर वसीयत कम्मरी न भोए, पन तैसेरे मरनेरे बाद तै वसीयत पक्की भोतीए। 18 एहे वजा आए कि पेड़लो करार भी खूनेरे बगैर नई कियोरो। 19 एन्चरं ज़ैखन मूसा सैरी लोकन कानूनेरो अक-अक हुक्म शुनाव, त तैनी थावां ते बछड़ां केरो खून पैनी मां मिलाव, ते फिरी लाल उन्ना ते जूफा सेइं एन्तां कानूनेरी किताबी ते सैरी लोकन पुड़ छिड़को। 20 ते ज़ोवं कि, “ए तैस कराररे खून ज़ेसेरो हुक्म परमेशरे तुश्शे लेइ दित्तोरोए।” 21 एन्चरे तैनी तेम्बु पुड़ ते आराधना केरनेरी सैरी चीज़न पुड़ खून छिड़को। 22 किजोकि मूसे कानूनेरे मुताबिक लगभग सैरी चीज़ां खूने सेइं पवित्र की गेइचन, ते ज़ांतगर खून न बगाव गाए, तांतगर पाप भी माफ़ न भोन। 23 त फिरी ए ज़रूरते कि तैना चीज़ां ज़ैना स्वर्गरी नकल आन, तैना जानवरां केरे बलिदाने सेइं शुद्ध की गाना। पन स्वर्गरी चीज़न इन करां भी जादे रोड़े बलिदाने सेइं शुद्ध भोनेरी ज़रूरते। 24 किजोकि मसीह मैन्हु केरे बनेवरे घरे मां ज़ैन सच़रे पवित्र ठारारी नकले, दाखल नई भोरो, बल्के स्वर्गें मां दाखल भोव ज़ैड़ी ते इश्शे लेइ परमेशरे कां हाज़रे। 25 यहूदी केरो महायाजक पवित्र घरे मां हर साल होरि केरो यानी जानवरां केरो खून नेइतां गाते, पन मसीह अपने आपे बार-बार बलिदान केरनेरे लेइ न गाए। 26 वरना दुनियारे शुरु करां लेइतां हुन्ना तगर तैस बार-बार दुख झीलनो पेशो; पन हुनी जुगेरे आखरी मां तै बांदो भोवं, ताके अपने बलिदाने

सेइं पाप दूर केरे। (aiōn g165) 27 ते जेन्चरे सेइं मैनेरु मरनू ते एककी बार इन्साफेरु भोनू पक्कुए। 28 तेन्चरे सेइं मसीहे भी बडे लोकां केरे पाप सैलतां गानेरे लेइ एककी बार बलिदान भोव, ते दुबारां पापां केरु बलिदान देनेरे लेइ नई, बल्के तैन मुक्ति देनेरे लेइ एज्जेलो, जैना तैसेरे इंतज़ारे मां आन।

**10** मूसेरो कानून एजने बैली रोड़ी चीजां केरो सिर्फ अक सैयोए, न कि असली रूपे। एल्हेरेलेइ एककी किसमेरां बलिदानां जैना हर साल चाढां गातन, तैना परमेशरे कां एजने बालन कथे भी सिद्ध न केरि सखन। 2 अगर केरि सखेथां, त कुन तैन केरु चाढनू बंद न भोथू? एल्हेरेलेइ अगर आराधना केरनेबाले एककी बारे हमेशारे लेइ पवित्र भोइ गाथे, त तैन केरो ज़मीर तैन पापी न बनाथो। 3 पन तैना बलिदानां तैन लोकन हर साल याद करातन कि तैना पापिन। 4 किजोकि मुमकिन नई, कि दांतां केरो ते थावां केरो खून पापे दूर केरि सके। 5 एल्हेरेलेइ जैखन मसीह दुनियाई मां ओरो थियो, त तैनी परमेशर सेइं ज़ोरु थियू, “तीं बलिदान ते चढ़तल न चाई, बल्के तीं मेरे लेइ अक जान तियार की। 6 तू न भस्म भोनेबाले बलिदाने सेइं, ते न पापेरे बलिदाने सेइं खुश भोव।” 7 तैखन मसीहे जोवं, “हे परमेशर, हेर, अवं तेरी इच्छा पूरी केरनेरे लेइ ओरोई, जेन्चरे मेरे बारे मां पवित्रशास्त्रे मां लिखोरूपे।” 8 पेइले त तै जोते, न तीं कोई बलिदान ते न कोई चढ़तल चाई, ते न भस्म भोनेबालू बलिदान ते न पापेरु बलिदान चाव, ते न तैन सेइं तू खुशी भोव, हालांकी एना बलिदानां मूसेरे कानूनेरे मुताबिक दितां गातन। 9 फिरी तै एन जोते, “हेर, अवं तेरी मर्जी पूरी केरनेरे लेइ ओरोई,” एन्चरे तै पेइले सारे बलिदानन हटाते ताके तैन केरे ठैरी मसीहेरे बलिदाने रखे। 10 परमेशरेरी मर्जी ई थी, कि यीशु मसीहेरे जिसम एककी बार बलिदान भोने सेइं अस हमेशारे लेइ पवित्र भोम। 11 पेइले करारेरे मुताबिक हर याजक बलिदान केरनेरे ठैरी खडे भोइतां रोज़ सेवा केरतन, ते एककी किसमेरां बलिदानां बार-बार चाढतन, जैना पापे कधी भी दूर न केरि सखन। 12 पन मसीह ज़ै इशो महायाजके, इशो पापां केरे लेइ एककी बार बलिदान भोइतां परमेशरेरे देइने पासे गेइतां बिशशी जेव। 13 तैडी तै तैस वक्तेरो इंतज़ार केरने लोरोए, कि परमेशर तैसेरे दुश्मन पूरे तरीके सेइं हाराए। 14 तैनी एककी बलिदाने सेइं जैना लोक पवित्र कियोरेन, तैना हमेशारे लेइ सिद्ध कियोरेन। 15 पवित्र आत्मा भी एस गल्लरी गवाही देते। पेइलू त एन जोते कि 16 “प्रभु जोते, कि ज़ै करार अवं तैन दिहैइना बाद अपने लोकन सेइं केरेलो तै ईए, अवं अपने कानून तैन केरे मन्न मां छुडेलो ते तैन केरे दिलन मां लिखेलो।” 17 ते फिरी एन भी जोते कि, “अवं तैन केरे पाप ते बुरां कम्मां माफ़ केरेलो, ते फिरी कधी याद न केरेलो।” 18 बस्सा, जैखन तैन केरे पापां केरि माफ़ी भोइजेइ, त फिरी पापां केरे लेइ बलिदानेरी ज़रूरत नई। 19 एल्हेरेलेइ ढुलाव ते बेइनव, असन यीशुएरे खूनेरे ज़िरिये सेइं मन्देरे परमपवित्र ठारी मां

दाखल भोनेरी दिलेरी भोरीए। 20 यीशुए इशो लेइ अक नर्वीं ते जिन्दगी देनेबाली बत खोलरोरीए, ज़ै तैनी पडदे मां यानी अपने जिसमे मां मौतरे ज़िरिये इशो लेइ बनाई। 21 ते एल्हेरेलेइ इशो एत्रो महान याजक ज़ै परमेशरेरे घरेरो मुखतियारे। 22 त एज्जा अस सच्च्वे दिले सेइं ते पूरे विश्वासे सेइं, ते एरो ज़मीर ज़ै खूनेरे तेप्पेई सेइं पापेरे एसासे करां पवित्र कियोरे, ते एरो जिसम नेइतां ज़ै साफ पैनी सेइं धोवरोए, परमेशरे कां नेम। 23 ते अस एपनी उमीदरो इकरार रोइचारे टलेइतां रखम, किजोकि ज़ैनी असन सेइं वादो कियोरोए ते सच्च्वोए। 24 ते असेई इस गल्लारू ध्यान लोइे रखोरु कि अस केन्चरे प्यार ते रोइां कम्मां केरे लेइ एककी होरेरी हिम्मत बधाम। 25 ते एककी ठैरी अकोट्टू भोनू न शारम, जेन्चरे होरे लोक केरतन बल्के अस एककी होरि हिम्मत देथ, तुस ज़ैस हिसाबे सेइं परमेशरे दुबारे एजनेरी दिहैड़ी नेइते लातथ तैस्से हिसाबे सेइं जादे एन गल्लन पुइ चलते भी राथ। 26 किजोकि अगर अस सच पिशानेरां बाद, ज़ैनी बुझतां पाप केरम त पापां केरे लेइ कोई बलिदान बाकी नई रावरु। 27 हाँ, परमेशरेरे इन्साफ ते भयानक अग ज़ै परमेशरेरे दुश्मन भस्म केरेली तै बाकी आए। 28 जैखन मूसेरे कानून न मन्नेबाले, दूई या टलाई मैन्हु केरे गवाही देने सेइं तैस मैन्हु बगैर दया केरतां मौतरी सज़ा दिती गातीए। 29 त तै मैन्हु केत्री सज़ारो लैईक भोलो, ज़ैनी परमेशरेरे मट्टू पावन हैठ ढुलेन्चू, ते करारेरो खून ज़ैस सेइं तै पवित्र ठहरावरो थियो, तै अपवित्र समझो। ते पवित्र आत्मारी बेइजती की, जेसेरे ज़िरिये असन अनुग्रह मैलते। 30 किजोकि अस ज्ञानतम, तैनी ज़ोरु थियू, “बदलो घिन्नों मेरु कम्मे, अवं एप्पू बदलो देइलो।” ते फिरी तैनी एन भी जोवं, “प्रभु अपने लोकां केरि इन्साफ केरेलो।” 31 जीते परमेशरेरे हथ्यन मां गानू बड़ी खतरनाक गल्ले। 32 पन तैना पेइले दिहाड़े याद केरा, जैखन तुसन मसीह पिशानेरी लौ मैल्ली, ते तैसेरे बाद तुसेईं बेइ मुशकलातां केरो दैतां मुकाबलोइ कियो। 33 यानी कथे त तुस लोकां केरे तुहीन केरने सेइं ते मुसीबती सेइं तुस तमाशो बने, ते कधी तुसेईं होरे मुसीबत बरदाशत केरते लाए ते तुसेईं तैन केरु साथ दित्तू। 34 किजोकि तुसेईं कैदन सेइं हमदरदी की, ते अपनो माल भी लुटानो खुशी सेइं कबूल कियो। किजोकि तुस ज्ञानते थिये कि अक बड़ी बड्डी खास मलकियत तुसन कां आए ज़ै हमेशारे लेई आए। 35 एल्हेरेलेइ तुस हिम्मत न हरा, किजोकि तैसेरो फल बडो बड्डोए। 36 तुसेईं बेइ सब्री सेइं कम कियेरु लोइते, ताके तुस परमेशरेरी मर्जी पूरी केरतां तै चीज़ हासिल केरि सखथ जेसेरो तैनी वादो कियोरोए। 37 किजोकि जेन्चरे पवित्रशास्त्रे मां लिखोरु आए, “हुनी थोडु चिर बाकी आए, कि एजनेबालो एज्जेलो ते चिर न लाएलो। 38 पन मेरे धर्मी लोक मीं पुइ विश्वासे रखने सेइं जीते राले, अगर तैना मीं पुइ विश्वासे केरने करां पत्रोवं हटन त मेरो दिल तैन पुइ खुश न भोलो।” 39 पन अस हटने बाले नई, कि परमेशरे पुइ

विश्वास करने करं पत्रों हटम ते नाश भोम, बल्के अस विश्वास करनेबाले आम, ताके इशे प्राण बचाए गान।

**11** हुनी विश्वास उमीद कियोरी चीजां केरु याकीन, ते अलेई चीजां केरु सबूते। 2 इशे दादे पडदादन भी एरो विश्वास थियो। एल्हेरेलेइ परमेशर तैन पुड़ खुश भोव। 3 विश्वासे सेइं असन पतो लगते कि दुनियारी हर चीज परमेशररे वचने सेइं बनोरीए। एल्हेरेलेइ जैन किछ अस लहतम, तैन लेइहोने बैली चीजन सेइं नई बनोरोए। (aiōn g165) 4 विश्वासे सेइं आदमेरे मट्टे हाबिले अपने बट्टे ढूला केने केरां रोडू बलिदान परमेशररे लेइ च्हाडू। जेसेरी वजाई सेइं परमेशर तैसेरु बलिदान कबूल कियूं, ते तैसेरे बारे मां गवाही दिती, कि हाबिल धर्मा मैनुआए। हालांकी हाबिल मेरि जोरोए, फिरी भी अस तैसेरे विश्वासेरे जिरिये परमेशर पुड़ भरोसो केरनो शिखतम। 5 विश्वासे सेइं हनोक नव्वेरो मैनुहु मीती करां पेइलो जीतो स्वर्ग जो नीयो, ते तैसेरो पतो न चलो, किजोकि परमेशर तै स्वर्ग जो नीयोरो थियो, तैसेरे उबरे गाने करां पेइले तैसेरे हके मां गवाही दितोरी थी, कि तैनी परमेशर खुश कियो। 6 किजोकि विश्वासेरे बगैर परमेशर खुश केरनो नामुमकिने, बस्सा रोडू एने कि परमेशर का एजन बालन विश्वास कियोरो लोडे कि परमेशर आए, परमेशर तैन जैना तैस सच्चई सेइं तोपतन फल देते। 7 विश्वासे सेइं नूहे तैन गल्लां केरे बारे मां जैना एजनेबाले वक्ते मां भोनी बैली थी, परमेशररे तरफां हुकम मैलतां परमेशररे प्यारे सेइं तैस पुड़ अमल कियूं, ते अक किशती बनाई जैस मां तैसेरु सारु टब्बर बच्चू, एन केरने सेइं तैनी सारी दुनिया मुज्जम बनाई ते एप्पू तैस धार्मिकतारो बारस बनो जै विश्वासे सेइं हासिल भोचे। 8 विश्वासे सेइं जैखन परमेशरे अब्राहम, जैस जगाई गाने जो परमेशर तै कुजोरो थियो, त तै हुकम मेन्तां तैस जगाई चलो जेव, जै जगाई बादे मां परमेशर तैस विरासतरो जेरो देनेबालो थियो। हालांकी तै एन भी न थियो ज्ञानतो कि अवं कोरां चलोरोई, फिरी भी चलो जेव। 9 विश्वासेरे जिरिये सेइं तै परमेशररे कियोरे वादेरे मुताबिक तैस मुलखे मां परदेशी केरो जेरो तेम्बन मां गेइतां बस्सो। ते तैस सेइं साथी तैसेरु मट्टू इसहाक ते तैसेरु पोदलडू याकूब भी राए, तैन भी परमेशर केरां तैए वादो मैलो ते तैना भी तेम्बन राए। 10 किजोकि अब्राहम तैस नगरेरे इंतजारे मां थियो (जैन स्वर्ग मांए) जेसेरी मुनीयाद सदारे लेइ आए, जेसेरो तियार केरनेबालो ते बनानेबालो परमेशर। 11 विश्वासे सेइं सारा दोज्जीती भोनेरी ताकत हासिल की, हालांकी तै उमरारे हिसाबे सेइं बच्चो ज्ञानेरे काबल न थी राहोरी, सारा एन याकीन थियूं कि वादो केरनेबालो परमेशर अपनो वादो पूरो केरेलो। 12 जेइस अब्राहम बडो बुड्डो थियो ते बच्चे पैदा केरनेरे काबल न थियो, अम्बरेरे तारां केरे ते समुदरेरी रेतारे बराबर एनू हछु वंश पैदा भोव। 13 एन सेबमी लोकेई परमेशर पुड़ भरोसो कियो ते मेरि जे, ते तैन तै कोई चीज न मैल्ली जेसेरो वादो परमेशर कियोरो थियो, तैनेई समझू कि परमेशर एन एजनेबाले वक्ते मां केरेलो,

ते तैना इन भी समझते थिये, कि तैना ज़मीनी पुड़ परदेशी ते मुसाफर आन। 14 जैना एरी गल्लां जोतन तैन सेइं एन साबत भोते, कि तैना अज तगर अपने मुलखेरी तलाशी मां आन। 15 अगर तैना तैस मुलखेरो खियाल रखते भोथे जैस मरां तैना ओरे थिये, त तैना वापस गेइ बटते थिये। 16 पन असलीती मां तैना एककी रोडे स्वर्गेरे मुलखेरे उमीदी मां थिये, एल्हेरेलेइ परमेशर तैन केरो परमेशर जुवाने सेइं खुश भोव, एल्हेरेलेइ तैनी तैन केरे लेइ अक नगर तियार कियोरोए। 17 विश्वासे सेइं अब्राहमे अपने इम्तिहानेरे मौके अपने मट्टे इसहाकेरु बलिदान देने करां न टलो, जैन तैस परमेशररे वादे कबूल केरने बद् मैलोरो थियूं, तैस्से अकेल्ले मट्टे बलिदान केरने जो तियार भोइ जेव। 18 हालांकी परमेशर तैस सेइं ज़ोरु थियूं, “कि इसहाकेरे वंश सेइं तेरे वंशरु नव रालू।” 19 किजोकि अब्राहमे याकीन थियूं, कि परमेशर कां मुडदन जीते केरनेरी शक्ति आए, एल्हेरेलेइ लेइ जेन्चरे परमेशर इसहाक मुडदन मरां फिरी वापस आनो। 20 विश्वासे सेइं इसहाके अपने दुइये मट्टन याकूबे ते एसावे आशिवाद दितो, कि एजनेबाले वक्ते मां तैना वादे पूरे भोले। 21 विश्वासे सेइं याकूबे मरते वक्ते यूसुफेरे दुइये मट्टन बरकत दितो ते अपने सोटेरे सहारे सेइं परमेशररी आराधना की। 22 विश्वासे सेइं यूसुफे मरते बार पूरे याकीन सेइं ज़ोरु थियूं, इस्राएली लोक मिस्र मुलख शारेले। ते तैन हुकम दितोरो थियो कि जेइस तैना मिस्र मुलखे मरां निसले त तैना तैसेरी हेड्डी साथी नेन। 23 विश्वासे सेइं मूसेरे हाज बव्वेई तैसेरे जरमनेरां पत्ती ट्लाई महीन्न तगर छपेइतां रख्खो, किजोकि तैनेई हेरु कि ते बच्चो खासे, ते तैना राजेरो हुकम ट्लोइने करां न डरे। 24 विश्वासे सेइं मूसा बट्टे भोइतां फिरीनेरे कुइयरु मट्टू बन्ने करां इन्कार कमाव। 25 पापेरे थोडे दिहाडे आनन्देरी जिन्दगी गुजारनेरे बजाहे तैनी परमेशररे लोकन सेइं साथी मिलतां दुख झैलनो चुनो। 26 तैनी मसीहेरे लेइ दुख झैलनो मिस्रेरे खजाननू करां जादे दौलत समझी, किजोकि ते ज्ञानतो थियो कि तैस स्वर्ग मां इनाम मैलनूए। 27 विश्वासे सेइं तैनी राजेरे सरकरो डर न कियो, बल्के मिस्र मुलख छैडी दितो, एल्हेरेलेइ तैनी समझोरु थियूं जेन्चरे तैनी न लेइहोने बाले परमेशर लाहू। 28 विश्वासे सेइं मूसे इस्राएली लोकन हुकम दितो कि तैना फ्रसह तिहारेरी दिहाडी बनानी ते गबडेरो खून दारन छिड़कन, ताके मौतरो स्वर्गदूत जै परमेशररी तरफां भेजोरोए इस्राएलेरे पेइले मट्टन न मेरी बटे। 29 विश्वासे सेइं इस्राएली लोक लाल समुन्द्रे मांमेई एन्चरे लंघे जेन्चरे शुक्कोरी ज़मीनी पुड़मेई पार निस्से, पन जैखन मिस्रेई तैङ्गां पार लंघनेरी कोशिश की त तैना डुबतां मेरि जे। 30 किजोकि इस्राएली लोकेई परमेशर पुड़ विश्वास कियो, ते सत दिहैइन तगर यरीहो नगरेरे चक्कर लाए (जेन्चरे परमेशर ज़ोरु थियूं) ते दिवार डुल्ली। 31 विश्वासे सेइं राहाब वेश्या परमेशररे हुकम न मन्ने बालन साथी नाश न भोइ; एल्हेरेलेइ कि तैसां इस्राएली जासूस शैन्ति सेइं अपने घरे मां आने जैना छेपतां



यरुहो नगरे हेरने ओरे थिये। 32 हुनी होरू किछ ज़ोनेरी ज़रूरत नई। हुनी मीं कां वक्त नई कि एरे ज़ेरे लोकां केरे बारे मां ज़ोई, ज़ेन्चरे गिदोन, बाराक, शिमशोन, यिफतह, दाऊद, ते शमूएल ते होरे नबी। 33 तैनेई विश्वासे सेइं राज़ां ज़ीतां, ते धार्मिकतारां कम्मां कियां ते वादो कियोरी चीजां हासिल की, ते शेरेई तैना न खाए। 34 अग्गां तैना न फुके, ते तलवारी सेइं तैना न मारे जे, ज़ैखन तैना कमज़ोर थिये तैखन तैन ताकतबर बनाए, ते जंगी मां भी बहादर निस्से, ते तैनेई दुश्मना केरि फौज निशानी। 35 विश्वासे सेइं किछ कुआन्शन अपने मुओरे लोक ज़ीतो मैल्ले, किछ मार खांते-खांते मेरि जे। ते तैनेई अपनो विश्वास शारनो न चाव, तैसेरे बदले मां तैनेई कैद रानू मन्ज़ूर कियू, एल्हेरेलेइ तैना मरनेरां बाद फिरी ज़ीते भोन, ते तैन रोड़ी ज़िन्दगी मैल्ले। 36 किछ लोकां केरो मज़ाक बनाव जेव, किछ लोकन कोड़े बाए, ते किछ शंगलन सेइं बंधे ते कैदखाने मां छुडे। 37 ते किछन घोड़ेई बेई; ते आरे सेइं चिरे, ते तलवारी सेइं मारे जे। तैना गरीब थिये, तैन दुःख दितो जेव ते तैन सेइं बुरो बर्ताव कियो जेव। तैना भैङ्गां छैल्ली केरि खाड़ी लेइतां इरां उरां नशते थिये। 38 तैना जंगलन ते पहाड़न ते कुढन मां ते धेरतरे खडन मामेइं हंठते थिये। 39 इन बुरु संसार तैन विश्वासी लोकां केरे काबल न थियूं, तैन सेव्भी केरे विश्वासेरे वजाई सेइं परमेशर तैन पुड़ खुश भोव, पन तैन, तैन मैल्लू ज़ेसेरो वादो परमेशरे कियोरो थियो। 40 किजोकि परमेशरे कां न सिर्फ तैन केरे लेइ बल्के इश्शे लेइ रोड़ी योजनाए। परमेशरे तैन शुद्ध बनानो चाते, पन सिर्फ असन सेइं साथी।

**12** एल्हेरेलेइ ज़ैखन गवाहां केरे एत्रो बड्डो घाने असां घेरोरेम, त अस भी सैरी रकावटां ते तैस पापे दूर केरम ज़ै असन उलझाते, ते तैस दौड़ी ज़ै असेई दौवडनीए बल्हे सेइं दौवडम। 2 एज्जा अस विश्वासे मां पवित्र केरनेबाले यीशु पुड़ नज़र रखम, ज़ैनी तैस खुशारे लेइ ज़ै तैसेरी नज़री मां थियो, बेइज़तरी परवाह न की, बल्के क्रूसेरो दुख झैल्लो ते परमेशरेरे तखतेरे देइने पासे गेइतां बिश्शो। 3 तुस एस गल्ली पुड़ खियाल केरा, कि अपने खलाफत केरनेबाले ज़ैनी पैपी केरि तरफां केत्रो दुख झैलो, ताके बेदिल भोइतां हिम्मत न हैरी। 4 तुसेई पापे सेइं लड़ते-लड़ते हेजू तगर एत्रो मुकाबलो नई कियोरो कि तुसेई अपनो खून बगावरो भोए। 5 ते तुसेई तैन समझानू बिसरी छुडू, कि ज़ैस मां तुसन जो मट्टां ज़ोव, “कि हे मेरे बच्चव परमेशरेरे हुकमे एरे न समझा। ते ज़ैखन प्रभु तीं झिङके त शारनेरे ज़ेरे मैसूस न केर। 6 किजोकि ज़ैस सेइं परमेशर प्यार केरते तैस झिङते भी, ते ज़ैस तै अपनू मट्टू बनाते तैस सोटेई भी बाते।” 7 ए हदैइत तुश्शे समझनेरे लेइए, एस बल्हे सेइं बरदाशत केरा, परमेशर तुसन अपना मट्टां सेमझतां बर्ताव केरते, किजोकि तैन कौन ज़ेरू मट्टूए ज़ैस तैसेरो बाजी समझाए नन्ना? 8 पन अगर तुसन सुधारने न गाथ ज़ैस शामिल त तुस न गैर औलाद भोनेथ न की अपना मट्टां। 9 एसेरे अलावा ज़ैखन इश्शे जिसमानी बाजी

सुधारते रहते थिये ते अस तैन केरि इज़्जत केरते राए, त कुन आत्मां केरो बाजी यानी परमेशरेरी जादे इज़्जत न केरम ताके ज़ीते राम। 10 इश्शे जिसमानी बाजी त थोड़े दिहाड़ां केरे लेइ एपनी समझरे मुताबिक असन सुधारते रहते थिये, पन परमेशर इश्शे फेइंदेरे लेइ असन सुधारते ताके असां तैसेरी पवित्रतैई मां शामिल भोम। 11 एसमां शक नई कि ज़ैखन केन्ची हदैइत की गाचे त तै खुशी नई, बल्के बडू बुरु बुझते, पन ज़ैखन तै बले-बले पक्को भोइ गाते त तैस बादे मां धर्मी बेनतां चेंनरो फल मैलते। 12 बस्सा एपनी कमज़ोर पैखडन ते कमज़ोर ज़ैन्धु मज़बूत केरा। 13 ते अपने पावन सिधी बत्तां च़लाथ ताके टोंटे टेपलोए न ते तैना बेझोन। 14 सेव्भन सेइं मेल मिलापे सेइं राथ, ते तै पवित्रताई हासिल केरनेरी हर वक्त कोशिश केरा जेसेरे बगैर कोई प्रभु न लेई सके। 15 खबरदार एरू न भोए कि कोई मैन्हु परमेशरेरे अनुग्रह करां रेइ गाए, एरू न भोए कि कोई टलितू ज़ील लगगे ते तुसन परेशान केरे ते होरे लोक भी भिटे भोइ गान। 16 ते न कोई मैन्हु तुसन मां बदमाशी केरनेबालो भोए, या एसावेरो ज़ेरो अधर्मी न बने, ज़ैनी एक्की बार रोटी खानेरे लेइ अपने बड्डे भोनेरू हक बेचतां छुडू। 17 किजोकि तुस ज़ानतथ कि बादे मां ज़ैखन तैनी तै बरकत हासिल केरनेरी कोशिश की, त तैस न मैल्ली, तैस अपनि नियत बदलनेरो मौको न मैलो हालांकी ते लेरां देइ-देइ तैस तोपनेरी कोशिश केरतो राव। 18 तुस तैस पहाड़े कां नेडे नई ओरे, ज़ैस सेइं तुस हुरी सकते थिए, तैन पहाड़ अग्गी सेइं फुकोतू थियूं ते अंधगुबारी ते बडो तूफान थियो। 19 तैड़ी नइशिगेरी शोर ते ज़ोने शुनाने बालेरी एरी आवाज़ शुनीती थी, कि ज़ैखन लोकेई तै आवाज़ शुनी त मिनत केरने लगगे, कि असन सेइं होरि गल्लां न केर। 20 एल्हेरेलेइ कि तैनेई तै हुकम बरदाशत न केरि बटो, “अगर कोई जानवर भी एस पहाड़े सेइं हुरेलो त तै घोड़ेई बैइतां मारो गालो।” 21 ते नज़ारो एत्रो खतरनाक थियो कि मूसे ज़ोव, “अवं डरने ते थरकने लोरोई।” 22 बल्के तुस सिय्योनेरे पहाड़े ते ज़ीते परमेशरेरे नगर यानी स्वर्गेर यरूशलमे मां लखेई स्वर्गदूतन कां खुशी मनाने ओरेथ। 23 ते तुस परमेशरेरी पेइले बच्चां केरि सभाई मां ते कलीसियाई मां ओरेथ, एना तैना लोकन ज़ैन केरां नच्चां स्वर्ग मां लिखोरेन, तुस इन्साफ केरनेबाले परमेशरे कां ओरेथ, ते धरमी केरि आत्मन कां ओरेथ, यानी तैन कां ज़ैना सिद्ध कियोरेन। 24 तुस नच्चे करारे बिचवाई केरनेबाले यीशु ते तैसेरे छिड़कोरे खूने कां ओरेथ, ज़ै हाबिलेरे खूने करां रोड़ी गल्लां ज़ोते। 25 खबरदार राथ, तुस परमेशर ज़ै तुसन सेइं गल्लां केरते तैसेरो इन्कार न केरथ, किजोकि ज़ैनेई ज़मीनी पुड़ हदैइत केरनेबालेरो इन्कार कियो त तैना न बंचे, त अगर अस स्वर्ग हदैइत केरनेबालेरो इन्कार केरमेले त केन्चरे बंचमेले? 26 तैखन तैसेरी आवाज़ी सेइं धरती हिली जेई पन तैनी ई वादो कियोरोए कि, “एक्की फेरे फिरी अवं सिर्फ ज़मीन नई बल्के अम्बरे भी हिलेइलो।” 27 तैसेरू “एक्की फेरे फिरी” ज़ोने सेइं साफ पतो

लगते की पैदा कियोरी चीजां जैना हिलचन तेना खतम भोनिन ताके जैना हिलन नन्ना तेना रैनिन। 28 ज़ैडी असन तैन राज़ मैलने लोरूप ज़ैन हिलनेरू नई त एज्जा अस तैसेरू शुक़ केरम ते हिम्मत केरम कि, अस परमेशरेरी आराधना परमेशरेरे डरे सेइं केरि बटम ज़ैस सेइं तै खुश भोए। 29 किजोकि इश्शो परमेशर भस्म केरनेबैली अगारो ज़ेरोए।

**13** एक्की होरि सेइं ढला ते बेइनां केरो ज़ेरो प्यार केरते राथ। 2 बखले लोकां केरि खातरदारी केरा, किजोकि एरू केरने सेइं किछेई अनज़ाने मां स्वर्गदूतां केरि खातरदारी कियोरीए। 3 कैदन याद रखा, मन्ना कि ज़ेन्चरे तुस एप्पू भी तैन सेइं साथी कैद आथ, ते ज़ैन सेइं बुरो बर्ताव भोते तैन भी याद रखा, इन सेमझतां मन्ना कि ज़ेन्चरे तुसन सेइं बुरो बर्ताव भोव। 4 इला बनानो सेबभी लोकन मां इज़्जतरी गल समझी गाए, ते कुआन्शा ते मड़द एक्की होरेरे लेइ वफादार रान, किजोकि परमेशर बदमाशी केरने ते नाजाइज़ रिशते रखनेबालां केरो इन्साफ केरेलो। 5 अपने आपे दौलतरे लालचे करां दूर रखा, ते ज़ेत्रू तुसन कां आए तैस्से मां राज़ी राथ, किजोकि परमेशरे एप्पू एन ज़ोरूप, “अवं तीं करां कधे भी दूर न भोइलो, ते न कधे तीं शैरेलो।” 6 एल्हेरेलेइ अस दिलेरी सेइं ज़ोई सकतम कि, “प्रभु मेरो मद्दत केरनेबालोए, अवं डेरि नन्ना इन्सान मेरू कुन बगैडी सकते?” 7 ज़ैना तुश्शे अगुवे थिये, तैन याद रखा, ज़ैनेई तुसन परमेशरेरू बच्चन शुनावरू थियूं, इस गल्ली पुड़ ध्यान देथ, कि तेना केरी ज़िन्दगी गुज़ैरतां चले जे, ते ज़ेरो विश्वास तैन थियो तुस भी तैन केरो ज़ेरो विश्वास केरा। 8 यीशु मसीह हीज ते अज़ बल्के हमेशारे लेइ अक्कां ज़ेरोए। (aiōn g165) 9 अलग-अलग किसमां केरि शिक्षाई सेइं न टेपलोथ, रोडू एन्ने कि तुश्शो दिल परमेशरेरे अनुग्रहे सेइं मज़बूत राए, न कि एरो परहेज़ेरे खाने सेइं, ज़ेसेरे खाने बालन कोई फैइदो न मैलो। 10 इश्शी अक एरी बलिदान केरनेरी ठारे, तैस मरां तैन खानेरी कोई अज़ाज़त नई ज़ैना तेम्बु मां सेवा केरतन। 11 किजोकि महायाजक ज़ैन जानवरां केरो खून मन्दरे मां परमपवित्र ठैरी मां पापेरे बलिदानेरे लेइ नेतो थियो, तैन केरो बाकी जिसम ज़ैडी इस्पाएली लोक रहते थिये तैद्वं बेइर फुकते थिये। 12 एल्हेरेलेइ, यीशुए भी लोक एप्पू अपने खूने सेइं पवित्र केरनेरे लेइ यरूशलेम नगरे करां बेइर दुःख झैल्लो ते मरो। 13 एल्हेरेलेइ, एज्जा अस भी यहूदी केरि रसमन शैरतां यीशु पुड़ विश्वास केरम ते तैसेरो ज़ेरो दुःख ते निन्दा झैल्लम। 14 किजोकि ई दुनिया इश्शु हमेशारू घर नई, पन अस एजनेबाले घरेरे इंतज़ारे मां आम ज़ैन एजनेबाले वक्ते मां इश्शू भोलू। 15 एल्हेरेलेइ असां यीशुएरे ज़िरिये परमेशरेरे लेइ तारीफरू बलिदान च़ाढ़म, यानी ज़ैखन अस अपने शब्दन सेइं इकरार केरतम कि यीशु इश्शो प्रभु आए। 16 पन भलाई केरनि ते ज़ैन ज़रूते तैन केरि मद्दत केरा, किजोकि परमेशर एरे ज़ेरे बलिदान सेइं खुश भोते। 17 अपने अगुवां केरो हुक्म मन्ना, ते तैन केरे अधीन राथ, किजोकि तैन केरे ज़िमेदारी कि तेना

प्राणा केरि रखवाली केरन, ते एस कम्मरो तैनेई परमेशरेरि हिसाब भी देने पेनोए। अगर तुस तैन केरो हुक्म मन्नेले त तेना अपनू कम खुशी सेइं केरेले त तुसन फैइदो भोलो, पन अगर तैस कम तकलीफ बुझेले त तुसन कोई फैइदो न भोलो। 18 इश्शो लेइ प्रार्थना केरते राथ, असन याकीने इश्शो ज़मीर साफे, ते अस हर हिसाबे सेइं नेक नीती सेइं ज़िन्दगी गुज़ारनी चातम। 19 अवं तुसन कां बिनती केरताई कि मेरे लेइ प्रार्थना केरा, कि अवं फिरी लूशी तुसन कां एज्जी सेखी। 20 हुनी शान्ति देनेबालो परमेशर, ज़ैनी भैइं केरो महान रखवालो मतलब प्रभु यीशु मसीहे, इश्शे प्रभु हमेशारे करारेरे खूने सेइं मुड़दन मरां ज़ीतो कियो, (aiōnios g166) 21 तुसन हर रोडे कम्मो मां सिद्ध केरे, ज़ैस सेइं तुस तैसेरी मज़ी पूरी केरथ, ते ज़ैन किछ परमेशरेर पसंद एइते तैस यीशु मसीहेरे ज़िरिये असन मां केरे, ते मसीहेरी बडयाई हमेशा-हमेशा भोती राए, आमीन। (aiōn g165) 22 हे ढलाव ते बेइनव, अवं तुसन कां बिनती केरताई कि मेरी तुस तैना गल्लां सबरी सेइं शुना, ज़ैना मीं तुश्शे हिम्मत बद्दामेरे लेइ लिखोरिन, किजोकि ई चिट्ठी ज़ै मीं तुसन लिखी बड़ी नई। 23 ताके तुसन पतो लग्गे कि इश्शो विश्वासी ढला तीमुथियुस कैदेरां छुटोरोए, ते अगर तै जल्दी अव, त अस दुइये तुसन सेइं मिलमेले। 24 अपने सेबभी विश्वासी लोकन ते सेबभी पवित्र लोकन जो इश्शु नमस्कार ज़ोथ। इतालिया मुलखेरे विश्वासी लोकेई तुसन जो नमस्कार ज़ोरूप। 25 तुसन सेबभन पुड़ परमेशरेरो अनुग्रह भोतो राए, आमीन।

# याकूब

1 अवं याकूब, जै परमेशर ते प्रभु यीशु मसीहेरे दास आई। अवं तैन 12 यहूदी गोत्रां केरे विश्वासी लोकन जैना तितर बितर भोइतां सारे दुनियाई मां रातन, तैन जो नमस्कार लिखताई। 2 हे मेरे ढूलाव ते बेइनव, जैखन तुसन पुड़ अलग-अलग किसमां केरि अज़मैइशां एज्जन, त एस खुशारी गल समझा, 3 किजोकि तुस ज्ञानतथ, तुशे विश्वासेरे परखे गाने सेइं इन साबत भोते, कि तुस हेजू तगर भी परमेशरे पुड़ भरोसो रखतथ, ते तुस मुशकलन सबरी सेइं झललेलो। 4 पन मुशकलन मां सबर केरनि शिख्खा, कि तुस आत्मिकता मां मज़बूत ते सिद्ध भोते गाथ, ते तुसन मां कोन्ची रोड़ी गल्लरी घटी न भोए। 5 पन अगर तुसन मरां कोन्ची अक्लारी घटी भोए, त तै परमेशरे करां मगगे, जै बगैर दोष लेइतां सेबन खुशी सेइं देते, त मगने बाले दिस्ती गाली। 6 पन विश्वासे सेइं मगगे, ते शक न केरे। किजोकि शक केरनेबालो समुन्दरी छेल्ली केरो ज़ेरोए, जैना हवाई सेइं च़लतिन ते उछड़तिन। 7 एरो मैन्हु इन न समझे, कि मीं प्रभु करां किछ मैलेलू। 8 ई मैन्हु दूमन्नीए ते एपनी सैरी गल्लन मां चंचल आए। 9 गरीब विश्वासी ढूला खुश भोए, किजोकि परमेशरे तैसेरी आदर कियोरीए। 10 ते धनी विश्वासी अपने घटिया हालती पुड़ खुश भोए, किजोकि घासेरे फूड़ोवेंरो ज़ेरो मिटी गातो। 11 दिहाड़ो निसते बड़ी धुप पेतीए, ते घासे शुकाते, ते तैसेरू फूड़ोंव झैड़ी गाते, ते तैसेरी शोभा गाती रहतीए; तेन्चरे दौलतमन्द ढूला भी अपने कम्मन मां मैरी गानेन। 12 धने ते मैन्हु, जै अज़मैइशी मां मज़बूत रहते; किजोकि तै अपने विश्वास साबत केरतां जिन्दगरू तैन इनाम हासिल केरेलो, ज़ेसेरो वादो प्रभुए तैन सेइं कियोरोए, जैना तैस सेइं प्यार केरतन। 13 जैखन कोन्चेरी अज़मैइश भोए, त तै इन न जोए, कि मेरी अज़मैइश परमेशरेरी तरफां भोतीए। न बुरी गल्लन सेइं परमेशरेरी अज़मैइश भोइ बटतीए, ते न तै बुरी गल्लन सेइं केन्चेरी अज़मैइश केरते। 14 पन हर कोई अपने खुवैइशन मां खिचोइतां, ते फेसतां अज़मैइशी मां गाते। 15 ते फिरी बुरु केरनेरी खुवैइशरो नितीजो ई भोते, कि मैन्हु बुरी चीजां केरतन, ते आखरी मां तैन हमेशारी सज़ा मैलतीए। 16 हे मेरे दलारे ढूलाव ते बेइनव, धोखो न खाथ। 17 किजोकि हर रोडू वरदान, ते हर रोडू दान इशे बाजी परमेशरेरे तरफां आए, जैनी सैरी लोआं (यानी दिहाड़ी चाँदनी, तारे) बनेइं। परमेशर हमेशा अक्कां ज़ेरो आए, तै छावरो ज़ेरो न बेदलो। 18 तैन अपने मेर्जी सेइं असन सच्चेरे वचने ज़िरिये सेइं नक्वीं जिन्दगी दिस्ती, ताके अस तैसेरी सन्ननाई मरां फसलारे ज़ेरे पेइले फल भोम। 19 मेरे दलारे ढूलाव ते बेइनव, ई गल तुस ज्ञानतथ, एल्हेरेलेइ हर कोई मैन्हु शुन्नेरे लेइ हुशार ते ज़ोने मां पत्रोंव भोए, ते सरकी मां ढिल्लो भोए। 20 किजोकि जैखन मैन्हु सरकी मां भोए त तै धार्मिकतारू कम न केरि बटे जैस सेइं परमेशर खुश भोए। 21 एल्हेरेलेइ सारी गंदगी ते दुष्ट दूर केरतां, तैन परमेशरेरू वचन

नेरमी सेइं कबूल केरे, जैन दिले मां छडू जेव, जैन तुशे प्राणन मुक्ति देइ बटते। 22 पन परमेशरेरे वचने पुड़ चलनेबाला बना, ते सिर्फ शुन्ने बाले नई, जैना अपने आपे धोखो देतन। 23 किजोकि जै परमेशरेरू वचन शुन्ने बालो भोए, ते तैस पुड़ चलने बालो न भोए, त तै तैस मैनेरो ज़ेरोए, जै अपनू तुतर शीशे मां हेरते। 24 ते तै अपनो आप हेरतां च़लो गाते, ते तैखने बिसरते कि अवं केरो थियो। 25 पन जै मैन्हु कानूने ध्यान सेइं पढ़ते, जै पूरे तरीके सेइं असन आज़ादी देते, सिर्फ शुने न पन तेन्चरे कम केरते, तै अपने कम्मे मां बरकत हासिल केरेलो। 26 अगर कोई अपनो आप भक्त समझे, ते अपनि जिभी कैबू मां न रखे, तै अपने आपे धोखो देते, ते तैसेरी भक्ति बेफैइदी आए। 27 इशे बाजी परमेशरेरे नेइे शुद्ध ते रोड़ी भक्ति ई आए, कि बे सहारां ते विधवां केरे मुसीबती मां खबर नी गाए, ते अपनो आप दुनियारे बुरे सुभावरे अस्सरे करां दूर रखम।

2 हे मेरे ढूलाव ते बेइनव, इशे महिमा बालो प्रभु यीशु मसीहेरो विश्वास तुसन मां तरफदारी सेइं न भोए। 2 अगर अक मैन्हु सोन्नेरे छल्ले ते रोड़ां लिगड़ां लेइतां तुशे झुण्डे मां एज्जे ते अक गरीब भी मेलां लिगड़ां लेइतां एज्जे। 3 ते तुस तैस रोड़े लिगड़न बालेरू तुतर हेरतां ज़ोथ, “तू इडी रोड़ी ठैरी बिश,” ते तैस गरीबे सेइं ज़ोथ, “कि तू इडी खडो रा, या इडी तल्ले बिशा।” 4 त कुन तुसेईं भेद भाव न कियो, ते बुरे खियाले सेइं इन्साफ केरनेबाले न भोए? 5 हे मेरे दलारे ढूलाव ते बेइनव शुना, कुन परमेशरे दुनियारे गरीब न चुने, कि विश्वासे मां धनी भोन, ते तैस राज़ेरे बारस भोन, ज़ेसेरो वादो तैन तैन सेइं कियोरोए जैना तैस सेइं प्यार केरतन। 6 पन तुसेईं तैस गरीबेरी बेइजती की, कुन धनी लोक तुसन पुड़ ज़ुलम न केरन? ते कुन तैना तुसन आदालतन मां घसीटी-घसीटी न नेन? 7 कुन तैना तैस रोड़े न्चवेरी तुहीन न केरन ज़ेसेरे तुसन ज़ो ज़ोतन? 8 फिरी भी तुस पवित्रशास्त्रेरे इस वचनेरे मुताबिक, कि “तू अपने पड़ोसी सेइं अपनो ज़ेरो प्यार केर,” सच्चे तैस राज़-कानून पूरो केरतथ, त रोडू केरतथ। 9 पन अगर तुस तरफदारी केरतथ, त पाप केरतथ; ते मूसेरो कानून तुसन पापी ठहराते। 10 किजोकि अगर कोई मूसेरे सारे कानूने पुड़ चलते, ते एक्की गल्ली पुड़ न च़ेलि बटो त ते सेबभी गल्लन मां दोषी भोते। 11 एल्हेरेलेइ कि जैने इन ज़ोव, कि “तू बदमाशी न केरां,” तैन इन भी ज़ोव, “तू खून न केरां” एल्हेरेलेइ अगर तीं बदमाशी न की, पन खून कियो फिरी भी तू मूसेरे कानूने पुड़ चलने बालो न भोव। 12 तुशेरी गल्लां ते बर्ताव तैन लोकां केरे ज़ेरो भोए, जैन केरो इन्साफ आज़ादी देनेबाले कानूनेरे मुताबिक भोलो। 13 किजोकि जैने दया न की तैसेरो इन्साफ बगैर दयाई सेइं भोलो। दया इन्साफे करां भारी भोतीए। 14 हे मेरे ढूलाव ते बेइनव, अगर कोई ज़ोए कि मीं यीशु मसीह पुड़ विश्वासे, पन होरि केरे लेइ रोड़ां कम्मां न केरतो भोए, त तैस सेइं कुन फैइदो? कुन एरो विश्वास तैस मुक्ति देइ बटते? 15 अगर कोई विश्वासी ढूला या बेइन भोए जैन

लिंगाङ्ग करि ज़रूरत भोए, ते तैन रोज़ खाने जो न भोए। 16 ते तुसन मरां कोई तैन सेइं ज़ोए, “खुशी सेइं गाथ परमेशर तुसन बरकत दे,” तुस गर्म राथ, ते रज़्जा; पन ज़ैना चीज़ां जानरे लेइ ज़रूरिन तैना तैन न दे, त कुन फैइदो? 17 तेन्चरे विश्वास भी, अगर रोड़े कम्मन सेइं न भोए, त अपने सुभावे मां मर्रोए। 18 बल्के कोई ज़ोई बटते कि, “तीं विश्वासे, ते अवं रोड़ां कम्मां केरताई।” पन अवं ज़ोताई तू अपनो विश्वास मीं रोड़ां कम्मां केरे बगैर हिरा, ते अवं अपनो विश्वास रोड़े कम्मन सेइं तीं हिरालो। 19 तीं विश्वासे कि अक्के परमेशरे, तू रोड़ू केरतस, भूतां भी विश्वास केरतन, ते थरकतन। 20 पन हे निकम्मे मैन्हु तू इन न ज्ञानस, कि रोड़े कम्मन बगैर विश्वास मर्रोए। 21 ज़ैखन इश्शे पूर्वज अब्राहमे अपनू मट्टू इसहाक बलिदान केरनेरे ठैरी पुड़ च़ाढू, त कुन तै कम्मन सेइं धर्मी न भोव? 22 तीं हेरू कि विश्वासे तैसेरे कम्मन सेइं साथी अस्सर कियोरोए, ते कम्मन सेइं विश्वास सिद्ध भोव। 23 ते पवित्रशास्त्रेरो ई वचन पूरो भोव, “कि अब्राहमे परमेशरे पुड़ विश्वास कियो, ते तै तैसेरेलेइ धार्मिकता गनो जेव,” ते तै परमेशरेरो दोस्त भोव। 24 ते तुसेईं हेरू कि मैन्हु सिर्फ विश्वासे सेइं नई, बल्के कम्मन सेइं भी धर्मी भोते। 25 तेन्चरे राहाब वेश्यां भी ज़ैखन तैसां बिस्तार देनेबाले लोक अपने घरे मां रखे, ते होरि बत्तां वापस भेजे, त कुन कम्मन सेइं धर्मी न भोइ? 26 ते ज़ेन्चरे जान आत्मा बगैर मर्रीं आए, तेन्चरे विश्वास भी रोड़े कम्मन बगैर मर्रोए।

**3** हे मेरे ढूलाव ते बेइनव, तुसन मरां बड़े परमेशरेरे वचनेरे उस्ताद न भोन, किजोकि तुसन पतोए, कि इश्शो उस्तादां केरो इन्साफ जादे सेखती सेइं भोलो। 2 अस बड़े बार गेलती केरतम, ज़ै जोने मां गलती न केरे, तैए सिद्ध मैनुए, ते सारे जानी कैबू केरते। 3 ज़ैखन अस अपने कैबू मां केरनेरे लेइ घोड़ां केरे ऐशी मां लगाम लातम, त अस तैन केरि सारी जानी भी फेरी सखम। 4 हेरा, पैनेरां जिहाजां भी, अगर बडां भोतन, ते तेज़ हवाई सेइं च़लां गातन, फिरी भी एककी निकडी पतवारी सेइं च़लानेबालो अपने मेज़ीं सेइं फिराते। 5 तेन्चरे ज़िभ भी, अगर अक निकडो अंगे, ते बेड़ि-बेड़ि घमण्डेरी गल्लां केरती, तक्का, थोड़ी ज़ेरि अग्गी सेइं केत्रे बड़े-बड़े जंगले मां अग लाई गातीए। 6 ज़िभ भी अक अगारी ज़ेरीए, ज़िभ इश्शे जानी मां अक बुरो हिस्सो आए, ते सैरी जानी पुड़ कलंक लातीए, ते ज़िन्दगरी दुनियाई मां अग लातीए, ते नरकेरी अग्गी सेइं बलती रहतीए। (Geenna g1067) 7 हर किसमां केरे जंगली जानवर, चुडोलू, ते पेटेरे भारे बाले जीप जन्तू ते दरियारे जानवर त इन्सानेरे हथ्ये एज्जी बटतन ते ओरे भी आन। 8 पन ज़िभी मैनु मरां कोई भी कैबू मां न केरि सके, तै अक एरी बलाए ज़ै कथे रुके न, तै सप्पेरे ज़ेहरेरे ज़ेरीए नुकसान देने बालीए। 9 इस्से ज़िभी सेइं अस प्रभु ते बाजी परमेशरेरी तारीफ़ केरतम, ते इस्से सेइं मैन्हु, ज़ै परमेशरेरे रूपे मां बनोरोए श्राप देतम। 10 एककी ऐशी सेइं शुक्र ते श्राप निसतन। हे मेरे ढूलाव ते बेइनव एरू न लोड़े भोरू।

11 कुन एककी नागे मरां मिट्टू ते लूनू पानी निस्सी बटते? 12 हे मेरे ढूलाव ते बेइनव, कुन फ़ेगेरो बुटे पुड़ ज़ैतून, या दाछी पुड़ फ़ैगू लेगि बटतन? तेन्चरे लूनो नाग भी मिट्टू पानी न निस्सी बटे। 13 तुसन मरां ज्ञानी ते समझदार कौने? ज़ै एरो भोए तै अपने कम्मन रोड़े चाल चलने सेइं तैस नग्रता सेइं साथी बांदो केरे ज़ै ज्ञाने सेइं पैदा भोतीए। 14 पन अगर तुस अपने-अपने मने मां सखत जलन, ते खुदगर्जी रखतथ, त बेड़ि-बेड़ि गल्लां न केरथ ते सच्चेरे खलाफ़ झूठ न ज़ोइयथ। 15 इन ज्ञान तैन नई, ज़ैन स्वर्गां ओरूए बल्के दुनियारू, ते जिसमानी, ते शैतानीए। 16 एल्हेरेलेइ कि ज़ैडी जलन, ते खुदगर्जी भोतीए, तैडी फसाद ते हर बुरू कम भोते। 17 पन ज़ैन ज्ञान स्वर्गां एइते तैन पेड़लू त पवित्र भोते, फिरी मिलनसार, हलीम ते शिखालने बालू, ते दया ते रोड़े कम्मन सेइं ते बगैर तरफ़दारी ते पाखंडे बगैर भोते। 18 ते मिलाप केराने बालां केरे लेइ धार्मिकतरो फल मेल मलापे सेइं साथी बेव गाते।

**4** तुसन मां लड़ाई ते झगड़े कोट्टां एइतन? कुन तैन खुवैइशन सेइं नई ज़ैना तुश्शे अंगन मां लेइतिन? 2 तुस खुवैइशन रखतथ, पन तुसन मैल्ले न, एल्हेरेलेइ तुस खून ते जलन केरतथ, ते किछ हासिल न केरि बटथ तुस झगड़तथ ते लड़तथ; तुसन एल्हेरेलेइ न मैल्ले, कि तुस मगथ न। 3 तुस मगथ ते मैल्ले न, किजोकि बुरी इच्छा सेइं मगथ, ताके अपने एशे मां खर्च केरथ। 4 हे बेईमान लोकव, कुन तुस न ज्ञानथ, कि दुनियारी चीज़न सेइं दोस्ती रखनी परमेशरे सेइं बैर केरनोए, ज़ै कोई दुनियारो दोस्त भोनो चाते, तै अपनो आप परमेशरेरो दुश्मन बनाते। 5 कुन तुस इन समझतथ, कि पवित्रशास्त्र बैकैइदू ज़ोते कि, “ज़ै आत्मा तैने असन मां छडी, कुन तै एरी इच्छा केरती, ज़ेसेरो फल जलन भोए?” 6 पन ज़ै अनुग्रह परमेशर देते तै बड़ा मज़बूते, एल्हेरेलेइ पवित्रशास्त्रे मां इन लिखोरूए, “कि परमेशर अभिमान केरनेबालां केरो मुकाबलो केरते, पन दीनन् पुड़ अनुग्रह केरते।” 7 एल्हेरेलेइ परमेशरेरे अधीन भोथ, ते ज़ैन शैतान तुसन करां करानू चाते तैन न केरा, त तै तुसन करां दूर नश्शेलो। 8 परमेशरेरे नेड़े एज्जा, त तै तुश्शे नेड़े एज्जेलो, हे पापी लोकव, अपने ज़िन्दगी करां पाप दूर केरा, ते हे दुमन्ने बाले लोकव अपने मन्न् पवित्र केरा। 9 अपने पापां केरे वजाई सेइं दुखी भोथ, ते शोग केरा, ते लेरां देथ, तुश्शी हासी शोगे मां, ते तुश्शी खुशी उदेसी मां बेदलोए। 10 प्रभुपरे सामने नग्र बना, त तै तुसन इज़्जत देइतां उच्चे केरेलो। 11 हे ढूलाव ते बेइनव, एककी होरेरी तुहीन न केरा, ज़ै अपने ढूलाएरी तुहीन केरते, या अपने ढूलाए पुड़ दोष लाते, तै मूसेरे कानूनैरी भी तुहीन केरते, ते मूसेरे कानून पुड़ दोष लाते, ते अगर तू कानून पुड़ दोष लातस, त तू कानून पुड़ च़लने बालो न भोव, पन तैसेरो हाकिम भोव। 12 मूसेरो कानून देनेबालो ते हाकिम त अक्के, तै परमेशर आए, ज़ैस कां बचावे ते नाश केरनेरी शक्ति आए, तू कौन आस, ज़ै अपने पड़ोसी पुड़ दोष लातस? 13 तुस ज़ैना इन

जोतथ, “कि अज्ञ या कालां अस कोन्ची होरि नगर मां गेइतां इश्शो जेरो दुःख सुख झैल्लने बालो मैन्हु थियो, तैने दिले सेइं अक साल बीतामेले, ते बुपार केरतां फैइदो उठामेले।” 14 ते प्रार्थना की, कि झैडी न भोए, ते सड़े द्वालाई साल झैडी न भोइ। इन न ज्ञानथ कि कालां कुन भोलू, शुना, तुश्शी ज़िन्दगी आए 18 फिरी तैने प्रार्थना की, त अम्बरेरां झैडी भोइ, ते धेरती पुड़ कुन? तुस त भाखेरे ज़ेरेथ, ज़ै थोडे चिरे लेइहोते, ते फिरी गैइब फसल भोइ। 19 हे मेरे द्वालाव ते बेइनव, अगर कोई विश्वासी भोते। 15 एल्हेरेलेइ तुसेई इन ज़ोरू लोडे, “अगर प्रभु चाए, त परमेशरेरी सच्च्ची शिक्षा मन्नी शारे, ते कोई तैस मनफिरानेरे लेइ अस जीति रहमेले, ते इन या तैन कम भी केरमेले।” 16 पन हुनी मदत केरे, 20 त तै इन बुझे, कि ज़ै कोई कोन्ची भटकोरे पैपी तुस अपने अभिमाने पुड़ घमण्ड केरतथ, एरू सब घमण्ड बुरू मनफिरानेरे लेइ मदत केरे, त तै एककी प्राणे (मैन्हु) मौती करां भोते। 17 एल्हेरेलेइ ज़ै कोई भलाई केरनि ज्ञानते ते न केरे, बचालो, ते परमेशर तैसेरे बड़े पाप भी माफ़ केरेलो। तैसेरेलेइ ई पापे।

**5** हे दौलतमंदव विश्वासी लोकव, शुना, तुस अपने एजनेबाले दुखेरे लेइ ज़ोरे-जोरे लेरां देथ। 2 तुश्शू धन नाश भोवं ते तुश्शे लिंगइन खर लगगे। 3 तुश्शे सोन्ने चैदी मोरचो लगगे, ज़ेइस परमेशरे तुश्शो इन्साफ केरेलो त ई मोरचो तुश्शे खलाफ गवाहेरो ज़ेरो भोलो, ते अगगारो ज़ेरो तुश्शू मास फुकेलो, तुसेई आखरी युगे मां धन अकोट्टू कियूं। 4 तक्का, ज़ैन मज़दूरेई तुश्शां ऊडारां कट्टां, तैन केरि ते मज़दूरी ज़ै तुसेई तैन न दिती, चिन्डां मारने लोरीए, ते फसल कटने बालां केरि फरयाद फौजरे परमेशरे शुनोरीए। 5 तुस धेरती पुड़ एश केरने मां लगगोरो राए, तुसेई सिर्फ अपने सुखेरे लेइ ज़िन्दगी ज़ी, एल्हेरेलेइ तुसेई अपनी आप तैस दिहाड़ेरे लेइ तियार कियोरोए ज़ेइस परमेशर तुश्शो इन्साफ केरेलो। 6 तुसेई धर्मी दोषी बनेइतां मारो, तै तुश्शे सामनो न केरे। 7 ते हे द्वालाव ते बेइनव, प्रभुएरे एजने तगर सबरी सेइं बलगा, हेरा, ज़मीनदार कीमती फसलरे कीमती फलेरे उमीदरो पेइली ते आखरी झैडी भोने तगर सबरी सेइं बलगते। 8 तुस भी तेन्चरे सबरी सेइं बलगा, ते अपने दिले मज़बूत केरा, किजोकि प्रभुएरू एजनु नेइए। 9 हे द्वालाव ते बेइनव, एककी होरि पुड़ दोष न लाथ ताके तुसन पुड़ भी दोष न लाव गाए, हेरा, हाकिम नेडे ते एजनेरे लेइ तियारे। 10 हे द्वालाव ते बेइनव, ज़ैन नेबेई प्रभुएरे नंवे सेइं गल्लां की, तैन सबर केरनेरो अक नमूनो समझा। 11 हेरा, अस बलगने बालन जो धन ज़ोतम, तुसेई अय्यूबेरे सबरारे बारे मां शुनोरूए, ते प्रभु करां तैसेरो ज़ै प्रतिफल भोव तैने भी बुझू, ज़ैस सेइं प्रभुएरी बड़ी महरबानी ते दया बांदी भोतीए 12 पन हे मेरे द्वालाव ते बेइनव, सेबहन करां बट्टी गल ईए, कि कसम न खाथ, न स्वर्गरी न धेरतरी, न होरि कोन्ची चीज़री, पन तुश्शी गल हांपरी हाँ, ते न एरी नां भोए, फिरी परमेशर तुसन सज़ा न देलो। 13 अगर तुसन मां कोई दुखी भोए त तै प्रार्थना केरे, अगर खुश भोए, त परमेशरेरां भजना जोए। 14 अगर तुसन मां कोई रोगी भोए, त कलीसियारे बुजुर्गन कुजाए, ते तेना प्रभुएरे नंवे सेइं तैस पुड़ तेल मेलतां तैसेरेलेइ प्रार्थना केरन। 15 ते विश्वासेरी प्रार्थनाई सेइं रोगी बचेलो ते प्रभु तैस बज़्जालो, ते अगर तैने पाप कियोरे भोले त परमेशर तैस माफ़ केरेलो। 16 एल्हेरेलेइ तुस एककी होरेरे सामने अपने-अपने पाप मन्ना, ते एककी होरेरे लेइ प्रार्थना केरा, ज़ैस सेइं तुस बेइज्जोथ, धर्मी मैनेरे प्रार्थनारे अस्सरे सेइं बडू किछ भोइ बटते। 17 एलिय्याह भी

# 1 पतरस

1 अवं पतरस यीशु मसीहेरो प्रेरित आई, अवं ई चिट्ठी परमेशेरे चुनारे लोकां केरे लेइ लिखने लोरोई, जैना परदेशी केरे जेरे पुन्तुस, गलातिया, कप्पदूकिया, आसिया ते बितूनिया इलाकां केरे अलग-अलग नगरन मां तितर-बितर भोइतां रातन। 2 बाजी परमेशेरे बडो पेइलो ई फैसलो कियोरो थियो कि तुस तैसेरे लोक भोथ त कने तै तुसन पवित्र आत्माे कम्मरे जिरिये पवित्र बनाए। तैने एन एल्हेरेलेइ कियू ताके तुस यीशु मसीहेरी मन्थ ते तैसेरे खूनेरे जिरिये सेइं शुद्ध भोथ। अवं प्रार्थना केरताई कि परमेशर तुसन अनुग्रह ते शान्ति जादे करां जादे दे। 3 इश्शे प्रभु यीशु मसीहेरे बाजी ते परमेशेरू शुक्र भोए, परमेशेरे असन पुइ महान दया केरतां असन नर्वी ज़िन्दगी दिती। किजोकि परमेशेरे यीशु मसीह मुइदन मरां जीतो कियो त कने तैने अस पूरी उमीदी सेइं जीनेरे काबल बनोरेम, मतलब असन तैन चीजां हासिल केरनेरी पूरी उमीदे, जैन केरो देनेरो वादो परमेशेरे असन सेइं कियोरोए। 4 अस तैस विरासती हासिल केरनेरो इंतज़ार केरने लोरेम जै परमेशेरे इश्शे लेइ तियार कियोरीए। कोई भी तैन चीज़न कधी बरबाद न केरि बटे। किछ भी तैस खराब केरि बटे। तैना चीजां कधी भी पुरैनी न भोली ते तैन केरि खूबसूरती कथे न घटेली। परमेशेरे इना चीजां तुश्शे लेइ स्वर्ग मां रेखोरिन। 5 परमेशर तुसन अपने महान शेक्तेरे जिरिये सेइं सम्भाले, किजोकि तुस यीशु पुइ विश्वास केरतथ। तै तुसन यीशु मसीहेरे वापस एजने तगर सम्भैलतां रखेलो। तेइस तुस ज़ानेले कि परमेशेरे तुस पापे करां ते मौती करां पूरे तरीके सेइं बचावरेथ। 6 तुसेईं इन सेम्भी चीजां केरे बारे मां खुश भोरू लोडे, चाए हुना किछ वक्तेरे लेइ अलग-अलग किसमेरी मुसीबतां तुसन दुखी केरतिन। 7 इन मुसीबतां केरो मकसद ई आए कि इन बांदू भोए कि तुस सच्चे परमेशेरे पुइ विश्वास केरतथ। तुश्शो यीशु मसीह पुइ विश्वास केरनो सोन्ने करां भी जादे कीमतीए। जेन्चरे नाश भोनेबालू सोन्नु अग्गी सेइं परखू ते शुद्ध कियू गाते, तेन्चरे अगर तुश्शो विश्वास अगारे जेरे अज़मैइशन सेइं परखनेरे बाद भी मज़बूत रहते त जेइस यीशु मसीह फिरी एज्जेलो, परमेशर तुसन जो शाबाश ज़ोलो, महिमा ते आदर देलो। 8 तुसेईं यीशु मसीह कथे नई लवरो, पन फिरी भी तुस तैस सेइं प्यार केरतथ। तुस हुना तैस न लाथ पन तुस तैस पुइ विश्वास केरतथ। एसेरो नितीजो ई आए, कि तुस बडे खुश आथ। तुस एत्रे खुश आथ कि लफज़न मां बियांन न केरोए। 9 तुस एल्हेरेलेइ खुश आथ किजोकि परमेशर तुश्शे प्राण पापेरे सज़ाई करां बचाने लोरोए। इन यीशु मसीह मां तुश्शे विश्वासेरू इनामे। 10 ई मुक्ति किछ एरी थी जेसेरे बारे मां नबी बडू ज़ाननू चाते थियो। तैनेई ज़ोवं केन्चरे परमेशर तुसन पुइ अनुग्रह केरतां बचालो जेसेरे काबल तुस न थिये, तैनेई बडी जांच पड़ताल की, कि तैन जुवाब मैल्ले। 11 मसीहेरो आत्मा तैन मां थियो ते तैन सेइं ज़ोने लोरो थियो

कि मसीहे केन्चरे दुःख झैल्लेलो ते तैटां बाद तैस महान आदर दिती गाली। एल्हेरेलेइ तैना इन खोज केरतां तोपने लगे कि सच्चे मसीह कौन भोलो ते इन केइस भोलू। 12 पन परमेशेरे इन अपने गल्लां ज़ोनेबालन सेइं ज़ोवं, कि तैन केरो सन्देश तैन केरे अपने आपेरे लेइ नई, पन तुश्शे लेइ आए। तै सन्देश यीशु मसीहेरे बारे मां खुशखबरी आए, जै तुसेईं इस वक्त शुनी। परमेशेरे स्वर्गं पवित्र आत्मा भेजो कि लोकां केरि मदत केरे कि तैना तुसन खुशखबरी शुनान। इन सब एत्रू हैरान केरनेबालू ए कि स्वर्गदूत भी इन हेरनेरी बडी इच्छा रखतन। 13 एल्हेरेलेइ अपने मने तियार केरा ते अपने आपे कैबू मां रख्खा। तैस मुकरी उमीद रख्खा जै तुसन अनुग्रह सेइं तेइस मैलनी जेइस यीशु मसीह दुबारा इस दुनियाई मां एजनीए। 14 परमेशेरे मन्ना किजोकि तुस तैसेरे बच्चेथ। बुरां कम्मां न केरा जैना तुस बुरी इच्छाई सेइं केरते थिये जेइस तुस परमेशेरेरे सच्चाई न थिये ज़ानते। 15 पन हुनी तुस जैन किछ केरतथ तैस मां पवित्र भोथ, जेन्चरे परमेशर पवित्रे जैने तुस अपने बच्चे भोनेरे लेइ चुनोरेथ। 16 किजोकि पवित्रशास्त्रे मां परमेशेरे ज़ोवरू ए “पवित्र बना, किजोकि अवं पवित्र आई” 17 ज़ैखन तुस प्रार्थना केरतथ तुस परमेशेरे जो बाजी ज़ोतथ। पन याद रख्खा तै तरफदारी न केरे। एल्हेरेलेइ ज़ैखन तुस इस दुनियाई मां परदेशी केरे जेरे रातथ त तुसेईं तैसेरी बडी इज़्ज़त कियोरी लोडे। 18 किजोकि तुस ज़ानतथ, बीतोरे वक्ते मां तुस बेकार तरीके सेइं जीते थिये जेन्चरे तुश्शे दादे-पड़दादे जीते थिये। पन हुनी तुस बेकार ज़िन्दगी करां छुटावरेथ, तुस नाश भोनेबाले सोन्ने चैदी सेइं नई धिन्नोरे, 19 पन मसीहेरे कीमती खूने सेइं धिन्नोरेथ, मसीह जै शुद्ध ते सिद्ध गबडेरो जेरोए। 20 दुनिया बनाने करां पेइले परमेशेरे इन ठहरावरू थियुं कि यीशु मसीह मुक्ति देनेबालो भोलो। पन तै इन आखरी दिहाइन मां इस दुनियाई मां अवं ताके तुश्शी मदत केरे। 21 यीशु मसीहे जैन कियू तैसेरे वजाई सेइं तुस हुनी परमेशेरे पुइ विश्वास केरतथ, तैए आए ज़ैने यीशु मसीह मुइदन मरां जीतो कियो ते तैस आदर दिती ताके तुश्शो विश्वास ते उमीद परमेशेरे पुइ भोए। 22 किजोकि तुस सत्र मन्नेरे जिरिये शुद्ध कियोरेथ, ते हुनी तुसेईं विश्वासी सैथन सेइं इमानदेरी सेइं प्यार कियोरो लोडे। तुसेईं एक्की होरि सेइं गहराई ते पूरे दिले सेइं प्यार कियोरो लोडे। 23 किजोकि तुसन परमेशेरी तरफां नर्वी ज़िन्दगी मैलोरी। तुसेईं ई ज़िन्दगी एरी चीज़ी सेइं नई हासिल कियोरी जै नाश भोली। पन तैस सेइं ज़ैन हमेशा रालू। मतलब परमेशेरेरे जीते ते हमेशा रानेबाले वचने सेइं मैलोरीए। (aiōn g165) 24 किजोकि पवित्रशास्त्र ज़ोते “सारे लोक घासेरे जेरे आन ते तैन केरि शोभा जंगली फूडोवेरी जेरीए। घास शुक्की गालो ते फूडोवं झेडी गालू। 25 पन प्रभुएरू वचन सदा बनोरू रालू, ते वचन मसीहेरे बारे मां खुशखबरी ज़ैन तुसन शुनव जेवं।” (aiōn g165)

**2** एल्हेरेलेइ सब किसमेरो बुरो सलूख केरनो शारा। होरन धोखो न देथ, पाखंड न केरा। ते होरन सेइं जलन न केरा। होरि केरे बारे मां बुरी गल्लां न जोथा। 2 जेन्चरे नंवे ज़मोरि बच्चे अपने अम्मारे खालिस दुद्धेरी इच्छा रखतन, तेन्चरे तुस भी परमेशेरू वचन शिखनेरे लेइ इच्छा रख्खा ज़ैस सेइं तुस आत्मिक तरीके सेइं मज़बूत बनेले। फिरी आखरी मां परमेशार तुसन दुनियारी बुरी चीज़न करां पूरे तरीके सेइं बज़ालो। 3 जेन्चरे पवित्रशास्त्र ज़ोते, “तुसेईं तजरबे सेइं ज़ानेरू कि प्रभु भलो आए।” 4 तुस प्रभु यीशु कां ओरेथ। तै खास घोड़े ज़ेरोए ज़ै घरेरे बुनियादी मां लोरोए, पन तै ज़ींतो घोड़े। बड़े लोकेईं तै रद कियो, पन परमेशरे तै चुनो ते बड़ो कीमती मन्नो। जेन्चरे लोक घोड़न सेइं घर बनातन, तेन्चरे परमेशार तुसन एककी एरे झुण्डे मां शामिल भोनेरी वजा बनाने लोरोए, ज़ैस मां परमेशेरुओ आत्मा रहते, ताके तुस ज़ैन यीशु मसीहे इश्शे लेइ कियोरूए तैसेरे वजाईं सेइं याजक बना, ज़ैना बलिदाना चाढ़तन, तुस भी तैन केरां ज़ेरां रोड़ां कम्मां केरथ ज़ैन सेइं परमेशार खुश भोते। 6 एल्हेरेलेइ जेन्चरे परमेशार पवित्रशास्त्रे मां ज़ोते, “तक्का, अवं अक मैन्हु सिव्योन नगरे मां रखने लोरोईं। ज़ै कूनेरो खास ते चुनोरो घोड़े, तै अक कीमती घोड़ेरो ज़ेरो ज़ै मुनीयादी मां रख्खोरोए। ते ज़ै तैस पुड़ विश्वास केरेलो ते कोन्ची भी तरीके सेइं शरमिनदो न भोलो।” 7 तुस ज़ैना यीशु मसीह पुड़ विश्वास केरतथ ईं घोड़ तुश्शे लेइ बड़ो कीमतीए। पन पवित्रशास्त्र तैन लोकां केरे बारे मां ज़ोते ज़ैना विश्वास न केरन, “ज़ै घोड़ राज़ मिस्त्रेईं इस्तेमाल केरनो न चाव, तैए घरेरे मुनीयादरो खास घोड़ भोव,” 8 ते पवित्रशास्त्र फिरी ज़ोते, “ईं घोड़ लोकां केरे बिछड़नेरी वजा भोलो। ईं अक चट्टाने ज़ै तैन बिछोड़ेली।” तैना एन्चरे बिछड़तन किजोकि तैना परमेशेरु सन्देश मन्ने करां इन्कार केरतन। तैन सेइं इन भोनेरे लेइ परमेशार इन थापेरू थियूं। 9 पन तुस तैन केरे ज़ेरे नईं किजोकि तुस परमेशेरु चुनोरे लोक आथ, परमेशार ज़ै राज़ोए, तुस तैसेरे याजक आथ, तुस एरे लोक आथ ज़ैनेईं अपनो आप परमेशरे सौंफोरोए, ते परमेशेरु अपने लोक आथ। तैने तुस आंधरे मरां बड़े लोईं मां कुजावरेथ, ताके तुस परमेशेरु महान कम्मां केरे बारे मां एलान केरथ। 10 तुश्शे बारे मां होशे नेबे ज़ैन ज़ोरू तैन सच्चे, “तुस पेड़ले परमेशेरु लोक न थिये पन हुनी तुस परमेशेरु लोक आथ। तुस पुड़ पेड़ले परमेशेरु दयाईं न थिये ज़ानते पन हुनी ज़ानतथ, किजोकि तैने तुसन पुड़ अपनि दया हिरावरीए।” 11 हे ट्लाराव, तुस इस दुनियाईं मां परदेशी ते मुसाफरां केरे ज़ेरे ज़ीने लोरेथ, अवं तुसन खबरदार केरताईं, कि तुस जिसमेरी सैरी पापी खुवैशन करां दूर राथ, किजोकि तैना हमेशा तुश्शे आत्मार खलाफ लेइतिन। 12 ज़ैना लोक परमेशेरु पुड़ विश्वास न केरन तैना तुश्शे चेत्रे पासन रहतन, तैना जोले तुस गलत केरने लोरेथ। तुस एरी रोड़ी ज़िन्दगी ज़ीथ कि लोक तुश्शां रोड़ां कम्मां हेरतां तैस दिहाड़े ज़ेइस यीशु मसीह दुबारा एज्जो परमेशेरु बडयाईं केरेले। 13 प्रभुएरे इज़्जतरे खातर,

मैन्हु केरे ठहरावरे हर एककी अधिकाररे अधीन राथ, किजोकि ई प्रभुएरी इच्छा आए, हकोमत केरनेबालेरे अधीन एल्हेरेलेइ राथ किजोकि तै बड़ो खास अधिकारी आए। 14 ते हाकिमेरे भी अधीन भोथ, किजोकि राज़ो तैस बुरां कम्मां केरनेबालन सज़ा देने लेइ ते रोड़ां कम्मां केरनेबालां केरि तारीफ़ केरनेरे लेइ इस्तेमाल केरते। 15 किजोकि परमेशेरु मज़ीं ईए, कि तुस रोड़ां कम्मां केरतां तैना बेवकूफ़ लोकन ज़ैना परमेशरे न ज़ानन, तुश्शे खलाफ़ दोष लाने करां रोकथ। 16 हुनी तुस पापेरे गुलाम नईं किजोकि तुस इश्शे प्रभु यीशु मसीहे ज़िरिये आज़ाद कियोरथ। पन अपनि ई आज़ादी बुरे कम्मां केरे लेइ इस्तेमाल न केरा, पन तुस भला कम्मां केरे ज़िरिये इन हिराथ कि तुस सच्चे परमेशेरु दास आथ। 17 सेबमी केरि आदर केरा, अपने विश्वासी साथी लोकन सेइं प्यार केरा, परमेशेरु करां डरा, हकोमत केरनेबालेरी विश्वासी आथ अपने मालिकां केरे हुक्म मन्ना ते हमेशा तैन केरि आदर केरा। इन न सिर्फ़ दया केरनेबालन सेइं केरा, बल्के ज़ैना दया न केरन तैन सेइं भी। 19 किजोकि अगर अस बगैर गलती केरतां दुःख झैल्लतम त अस ज़ानतम कि परमेशेरु सब किछ ज़ानते ते परमेशार असन सेइं खुश भोते। 20 किजोकि अगर तुसेईं पाप केरतां मार खाइ त तुश्शी कोई बडयाईं नईं कि तुसेईं सज़ाईं मां सबर की। पन अगर भलाई केरतां दुःख झैलतथ ते सबर केरतथ त इस सेइं परमेशार खुश भोते। 21 परमेशेरु तुसन कुजानेरी अक वजा ईं भी आए कि तुस तैसेरेलेइ दुःख झैल्ला, मसीह भी तुश्शे लेइ दुःख झैल्लांतां तुसन अक मिसाल दिती। तुसेईं भी तेन्चरे कियोरू लोड़े जेन्चरे मसीहे कियूं। 22 पवित्रशास्त्र ज़ोते, तैने कधी पाप नईं कियोरो। तैने कधी झूठ नईं ज़ोवरा। 23 ज़ैखन लोकेईं यीशु बेइज़्जत कियो, त तैने तैसेरे बदले मां तैना बेइज़्जत न कियो। ज़ैखन लोकेईं तैस दुःख दितो त तैने बदले मां तैन दुख न दितो, बल्के तैने परमेशेरु पुड़ भरोसो कियो कि ते तैसेरी मदद केरे। ते ज़ानतो थियो कि परमेशार हमेशा धार्मिकताईं सेइं लोकां केरो इन्साफ़ केरते। 24 ज़ैखन मसीह मरो, त तैसेरे जानी पुड़ इश्शे पापां केरे लेइ तैस क्रूसे पुड़ सज़ा दिती। तैने एन कियूं कि अस पाप केरनो बंद केरम ते धार्मिकतारी ज़िन्दगी ज़ीनी शुरू केरम। तैसेरे ज़खम ज़ैना तैनी भैड्डां केरे ज़ेरे थिये, पन हुनी तुस मसीह कां वापस ओरेथ ज़ै तुश्शे प्राणा केरो पुहाल ते रखवालोए।

**3** हे कुआन्शव, तुस भी अपने मुश्शां केरे अधीन राथ। एल्हेरेलेइ अगर इन मां कोई एरो भोए ज़ै परमेशेरु वचने न मनतो भोए, तुश्शे ज़ीनेरे तरीके सेइं तुश्शे बगैर ज़ोने तैन केरे विश्वास केरनेरी वजा भोली। तैना तुश्शे रोड़े ते पवित्र बर्ताव हेरतां मसीह पुड़ विश्वास केरेले। 3 ते तुश्शी सजावट दिखावेरी न भोए, मतलब अलग-अलग किसमे दोग बनानो, ते सोन्नेरे गेहने, या किसमां-किसमां केरां लिगाड़ां लाना। 4 बल्के तुस अपने गुना

केरे जिरिये अपनो आप खूबसूरत बनाथ जै तुसन करां दूर न गाए, मतलब नेरमी ते शांत स्भावे सेइं जै परमेशररे लेइ बड़ो कीमती आए। 5 ते पेइले जुमाने मां पवित्र कुआन्शां भी, जैना परमेशरे पुड उमीद रेखती थी, तैना अपनो आप इस तरीके सेइं सजैती ते अपने-अपने मुन्शां केरे अधीन रैती थी। 6 जेन्चरे सारा अब्राहमेरे अधीन रहती थी ते तैस ज़ो मालिक ज़ोती थी, ते तुस भी अगर भलाई केरथ, ते केन्ची किसमेरे फिक्रन सेइं न डरथ त सारारे कुइयां केरि जेरि भोली। 7 तेन्चरे हे मुन्शव, तुस भी समझदारी सेइं कुआन्शन सेइं जिन्दगी बीताथ ते इन याद रख्खा कि तैना तुसन करां कमज़ोरन, एल्हरे तुसेईं तैन केरि आदर कियोरी लोडे, किजोकि तुस दुइये तैस वरदानेरे हिसेदार आथ जैन परमेशर तुसन अनुग्रहे सेइं दितोरू आए, ते हमेशारी जिन्दगी आए। एरू केरा ताके ज़ैखन तुस प्रार्थना केरथ त परमेशर तुशशी प्रार्थना शुने। 8 आखरी मां अवं तुसन इन ज़ोताई, तुसेईं सैभेईं अक मन भोवरू लोडे ते एक्की होरि सेइं हमदेरदी केरा ते एक्की होरि सेइं ढूला बेइनां केरो ज़ेरो प्यार केरा, ते एक्की होरि पुड दया केरा, एक्की होरेरे लेइ नर्म बना। 9 बुरैडारे बदले बुराई न केरा, गैई केरे बदले गैई न देथ, पन इसेरे बदले बरकत देथ, किजोकि परमेशरे तुस होरन बरकतां देनेरे लेइ कुजावरेथ। अगर तुस इन केरतथ, त परमेशर तुसन भी बरकतां देलो 10 किजोकि पवित्रशास्त्र ज़ोते, “अगर कोई मैनु जिन्दगरो आनन्द नेनो चाते, ते रोडे दिहाडे हेरेने चाते त तैनी ध्यान लोडे दितोरू कि बुरी गल्लां न जोए। ते तैनी होरन धोखो न लोडे दितोरु। 11 ते बुरु केरनू बंद कियोरी लोडे बल्के तैनी रोडू कियोरू लोडे। होरन सेइं मेल मिलापे सेइं ज़ीनेरे लेइ मेहनत कियोरी लोडे। 12 किजोकि प्रभु तैन लोकां केरू ध्यान रखते जैना तैन्ने केरतन जैन सही आए, ते तै हमेशा तैन केरि प्रार्थना शुन्नेरे लेइ तियार रहते। पन परमेशर तैन केरे खलाफ कम केरते जैना बुरु केरतन।” 13 अगर तुस हमेशा भलू केरनेरी कोशिश केरथ, त फिरी कोई भी तुसन हकीकति मां नुकसान न पुजेई बटे। 14 अगर अस धार्मिकतारे स्भावरे वजाई सेइं दुःख झैल्लम, त अस सच्चे धन भोले, पन अगर कोई असन डराते त तैस करां डरू न लोडे ते न घबरावरू लोडे। 15 पन इसेरे बदले, तुसेईं मसीहेरी आराधना अपने जिन्दगरे प्रभुएरे रूपे मां कियोरी लोडे। ते जै कोई तुसन तुशशे उमीदरे बारे मां किछ पुच्छे जैस मां सारे विश्वासी शामिल आन, त तैस जुवाब देनेरे लेइ हमेशा तियार राथ, पन नेरमी ते आदरी सेइं। 16 हमेशा तैन्ने केरा जैन सही भोए। तैखन अगर लोक तुशशे लेइ बुरु ज़ोले त तैना मसीह सेइं तुशशे रिशतो भोनेरे वजाई सेइं तुशशे रोडो बर्ताव हेरेले त तैना छिथोले। 17 किजोकि इन रोडू आए अगर इश्शां रोडुं कम्मां केरे वजाई सेइं अस दुःख झैल्लम, अगर इश्शे लेइ परमेशररी इच्छा ई आए। इन इश्शे बुरां कम्मां केरे वजाई सेइं दुःख झैल्लने करां बडू रोडूए। 18 अवं इन ज़ोताई, मसीहे भी इश्शे पापां केरे लेइ दुःख झैल्लो ते मरो। तै एक्की बारे मरो ते तैस दुबारा मरनेरी ज़रूरत नई। तै अक धर्मी

मैनु थियो जै पापी लोकां केरे लेइ मरो ताके तै असन परमेशरे कां आने। तेनेईं तैसेरो जिसम मारो पन तै पवित्र आत्मा रे शेक्ते जिरिये जीतो कियो 19 तैटुं बाद तैसेरी आत्मा तैन आत्मान खुशखबरी शुनाने जेई, जैना परमेशरे तैस ठैरी कैद कियोरिन जैडी मरें लोकां केरि आत्मा रैती थी। 20 इन तैन मैनु केरि आत्मा आन जैनेईं बडे पेइले परमेशररो हुक्म न थियो मन्नोरो। ज़ैखन नूह किशती बनाने लोरो थियो, त परमेशरे बडे सबरी सेइं बलगू कि तैना पापन करां मन फिरान। पन सिर्फ अठ तैस भयानक तूफाने करां बचे। 21 पुराने वक्ते मां तैन केरि मुक्ति हुना इश्शे लेइ ज़ैखन अस बपतिस्मो नेतम मिसाले। जैस पैनी मां अस बपतिस्मो नेतम तैन इश्शे जानरो मैल दूर न केरे, पन ई अक निशान आए कि असेईं परमेशरे करां माफ़ी मगोरीए ताके इश्शो मन असन परेशान न केरे। असन माफ़ी मैल्ली बटतीए किजोकि यीशु मसीह मेरतां जीतो भोवरोए, 22 ते तै स्वर्ग जो जोवरो। तैडी हुनी तै परमेशररे देइने पासे खास ठैरी, तैडी तै सारे स्वर्गदूतन ते अधिकैरन ते शेक्त्न पुड राज़ केरने लोरोए।

**4** एल्हरेलेइ ज़ैखन मसीहे जिसमे मां भोइतां दुःख झैल्लो, त जेन्चरे तैसेरो स्भाव थियो तेन्चरे तुस भी दुःख झैल्लनेरे लेइ तियार भोथ। किजोकि अगर तुस मसीहेरे लेइ दुःख झैल्लनो चातथ त तुसेईं पाप न केरनेरो फैसलो कियो। 2 नितीजो ई भोलो, कि तै मैनु बाकी अपनि जिन्दगी मैनु केरे पापी खुवैइशां केरे मुताबिक इस दुनियाई मां न ज़ोयोले पन तै तैन्ने केरेलो जैन परमेशर तैस करां करानो चाते। 3 किजोकि बीतोरे वक्ते मां तुस गैर विश्वासी लोकां केरे ज़ेरे आनन्द केरने मां वक्त बर्बाद केरते थिये, ते तुस अपनि जिन्दगी एश केरने मां, बुरी खुवैइशन मां, ते तैन केरे तिहारन मां, शराब पीने मां ते नाचे मां, ते तैन केरि मूरती केरि पूजाई मां जैन सेइं परमेशर नफरत केरते बीताते थिये। 4 एल्हरेलेइ तुशशे पुराने दोस्त हैरान भोतन, ज़ैखन तुस तैन केरे बुरी गल्लन मां जैना तैन केरतन शामिल न भोथ, तांए तैना तुशशे बारे बुरु-भलू ज़ोतन। 5 पन एक्की दिहाडे तेनेईं ज़रूर परमेशररे सामने इन्साफेरे लेइ खडू भोनु पेनुए। ते परमेशर तैन मरां हर एक्की जैन तैनेईं इस धेतली पुड कियोरू तैसेरे बारे मां पुछेलो। परमेशर जीते ते मुडदां केरो इन्साफ केरेलो। 6 ईए वजा आए कि मुडदन भी मसीहेरे बारे मां खुशखबरी शुनाई। तैन केरे जिसम भी एन्चरे मेरे जेन्चरे सारे मैनु मरतन। पन हुनी तैना आत्माई मां परमेशररे सेइं साथी हमेशा ज़ीइले। 7 सेबभी गल्लां केरो अन्त जल्दी भोने बालोए, एल्हरेलेइ साफ तरीके सेइं सोचा ते अपने आपे पुड कैबू केरा ताके तुस प्रार्थना केरी सकतथ। 8 सेबभन करां रोडी गल ईए, कि एक्की होरि सेइं ईमादरी सेइं प्यार केरा, किजोकि अगर तुस लोकन सेइं प्यार केरेले त तुस तैन केरि गेलती भी माफ़ केरनेरे लेइ तियार भोले। 9 ज़ैखन लोक तुशशे घरन मां एजन त बगैर कोन्ची शिकायतां तैन केरू स्वागत केरा। 10 हर एक्की परमेशरे करां वरदान मैलोरूए ते तैनी तैन वरदान होरि केरि मद्दत केरनेरे लेइ



इस्तेमाल कियोरू लोड़े। तैनेई तैना काई किसमां केरां वरदानां इस्तेमाल कियोरं लोड़न जैना परमेशरेरे अपने अनुग्रहे सेइं दितोरन। 11 अगर तुसन कां प्रचार केरनेरू वरदाने त तुसेईं परमेशरेरू वचन प्रचार कियोरू लोड़े। अगर तुसन कां होरि लोकां केरि मद्दत केरनेरू वरदाने त तैस शक्ति सेइं केरा जै परमेशरे तुसन दितोरि। फिरी सब किछ जैन तुस केरेले तैस सेइं यीशु मसीहरे जिरिये परमेशरेरी महिमा भोली। सारी महिमा ते शक्ति हमेशा-हमेशा तैसेरीए। आमीन। (aiōn g165) 12 दलारव, जैना दुःख तुस झैल्लने लोरेथ तेन केरे बारे मां हैरान न भोथ किजोकि तुस मसीहरे आथ। पन इना चीजां इन हिरानेरे लेइ भोनेरे लोरिन कि तुस सच्चरे परमेशरे पुड़ विश्वास केरतथ की नई। एल्हेरेलेइ इन न सोचा कि तुसन सेइं नव्वीं गल भोने लोरीए। 13 पन इसेरे बारे मां खुश भोथ, कि जैना दुःख मसीहे मैल्ले तुस भी तैन मां शामिल भोए। एल्हेरेलेइ जैखन मसीह दुबारा एज्जेलो त सेब्भी लोकन पुड़ अपनि महिमा बांदी केरेलो, त तुस बड़े खुश भोले। 14 फिरी अगर मसीहरे नव्वेरे लेइ तुशशी तुहीन भोतीए, त तुस धन आथ। किजोकि परमेशरेरे महिमा बालो आत्मा तुसन मां रहते। 15 तुसन मरां कोई मैन्हु खूनी ते चोर, या कुकर्मी भोने, या होरि केरे कम्मन मां दखल देनेरे वजाई सेइं दुख न झैल्ले। 16 पन अगर मसीही भोने सेइं दुःख झैल्लथ त शरमाए न, पन इस गल्लेरे लेइ परमेशरेरी बडीयाई केरे किजोकि तुस विश्वासी आथ। 17 किजोकि इन्साफोरे वक्त ओरोए, ते तै इशो विश्वासी लोकां केरो इन्साफ पेड़लो केरेलो, तैन डरानेबैली गल्लां केरे बारे मां सोचा जैना तैन सेइं भोनिन, जैना खुशखेबरी पुड़ विश्वास न केरन जै परमेशरेरे तरफां एडतीए। 18 जेन्चरे पवित्रशास्त्र जोते, “अगर धर्मी मैनेरे लेइ मुक्ति हासिल केरनि बडी मुशकलीए, त बुरे ते पापी मैन्हु पक्के नाश भोनेन!” 19 एल्हेरेलेइ जैना परमेशरेरी मेरजरे मुताबिक दुःख झैल्लतन, तैनेई तैस पुड़ लगातार भरोसो कियोरो लोड़े जैने तैना बनाए। परमेशर हमेशा तैन केरते जैन केरनेरो वादो तैनी कियोरिए ते तै लगातार तैन केरेलो जैन रोड़ए।

**5** अवं साथी बुजुर्गन सेइं इन ज़ोनू चाताई किजोकि अवं तुशशो ज़ेरो आई। मीं एप्पू तैना दुःख हेरोरेन जैना मसीहे बड़े पेड़ले झैल्ले। जैखन ते दुबारां एज्जेलो, त अवं तैसेरे महिमा मां शामिल भोनोई। अवं तुशशो साथी बुजुर्ग भोने सेइं तुसन कां ई बिनती केरताई, 2 जेन्चरे पुहाल अपनि भैड्डां हेरतन, तुस भी तेन्चरे हर एककेरी हेरगेश केरा, जैना परमेशरे तुशशे रखवैली मां रखीरेन। इन अपने मेर्जी सेइं केरा किजोकि परमेशर इन चाते। तुस इन एल्हेरेलेइ न केरा कि तुसन पुड़ दबाव बनाव गाते। ते इन कम एल्हेरेलेइ न केरा कि तुस कमाई केरनि चाथ, पन इस इच्छाई सेइं केरा कि तुस परमेशरेरी ते लोकां केरि सेवा केरनि चातथ। 3 ते जैना लोक तुसन सोंफे तैन पुड़ हकोमत न केरा, बल्के तैन केरे लेइ रोड़ी मिसालां बना। 4 ते जैखन यीशु मसीह जै इशशो प्रधान पुहालेरो ज़ेरोए, वापस एज्जेलो त तै तुसन तैन

इनाम देलो ज़ेसेरी शोभा कथे खतम न भोली। 5 तेन्चरे हे जवान लोकव, तुस भी बुजुर्गां केरे अधीन राथ, तुस सारे एककी होरेरी मद्दत बड़े नर्म स्भावे सेइं केरा। किजोकि कोई पवित्रशास्त्रे मां पेढ़ी बटते “परमेशर घमण्ड केरनेबालां केरि खलाफ केरते, पन तै तैन केरे लेइ रोड़ो आए जैना दीन आन।” 6 एल्हेरेलेइ अपनो आप परमेशरे कां दीन बनाथ तै तुशशी हफाज़त केरनेरे लेइ शक्ति बालोए, जैस सेइं तै तुसन ठीक वक्ते पुड़ आदर दे। 7 परमेशरे अपने परेशैनी ते फिकरां केरे बारे मां जोथ, किजोकि तैस तुशशू ध्यान आए। 8 खबरदार राथ, ते बींझे राथ, किजोकि तुशशो दुश्मन शैतान तुसन पुड़ हमलो केरनेरे लेइ तियारे, कि तुस परमेशरे मन्नु शारा। तै गर्जनेबाले शेरे ज़ेरो तोपने लोरो कि केस मारे ते खाए। 9 तुस विश्वासे मां मज़बूत भोइतां तैसेरो मुकाबलो केरा, तैन विश्वासी लोकन याद रख्खा जैना दुनियारे अलग-अलग ठैरन मां आन, तैना भी तुशशो ज़ेरो दुःख झैल्लने लोरेन। 10 हुनी परमेशर जै सारे अनुग्रहे सेइं भेरतां, तैने अस हमेशारी महिमा मां शामिल भोनेरे लेइ चुनोरेम किजोकि इशशो रिशतो यीशु मसीह सेइं आए। थोड़े वक्तेरे दुःख झैल्लनेरे बाद परमेशर तुसन सही बनालो ताके तुसन मां कोई गलती न राए, तै तुशशे दिलन मज़बूत केरेलो ताके तुस मज़बूती सेइं तैस पुड़ विश्वास केरथ। (aiōnios g166) 11 तै शक्ति सेइं हमेशा राज़ केरेलो। आमीन। (aiōn g165) 12 मीं सिलवानुसेरे मद्दती सेइं ई निकडी ज़ेरी चिट्ठी लिखी ते तुसन जो भेजी, अवं तैस ज्ञानताई तै मसीह मां वफादार ढूला आए, मेरे लिखनेरो मकसद ई आए कि तुशशो होसलो बधेई ते याकीन दूवैई कि जै तजरबो तुस केरने लोरोरेथ ते सच्चरे परमेशरेरे अनुग्रहेरो अक हिस्सो ए, इस अनुग्रहे मां मज़बूती सेइं बनोरे राथ। 13 बाबेल नगरेरे विश्वासी जैना परमेशरे चुनोरेन ठीक तेन्चरे जेन्चरे तुस चुनोरेथ, तैना तुसन जो नमस्कार जोतन। मरकुस जै मेरे मट्टेरो ज़ेरोए तुसन जो नमस्कार जोते। 14 मसीहरे प्यारे सेइं एककी होरि जो नमस्कार केरा। अवं प्रार्थना केरताई परमेशर तुसन सेबभन जैन केरो रिशतो मसीह सेइं साथी शान्ति दे।

## 2 पतरस

**1** अवं शमौन पतरस, यीशु मसीहेरो दास ते प्रेरित आई, अवं तुशशे सेव्भी केरे लेइ लिखने लोरोई, तुस भी तैस कीमती विश्वासे मां शामलथ जै अस केरतम, ई विश्वास असन यीशु मसीह, इशशे परमेशर ते मुक्ति देनेबाले जिरिये दित्तो जेव, जै असन धर्मी बनाते। 2 अवं प्रार्थना केरताई जेन्चरे तुस परमेशरे ते प्रभु यीशुएरे ज्ञाने मां बद्धते गाथ, परमेशरे तुसन अनुग्रह ते शान्ति जादे करां जादे दे। 3 परमेशर अपने शेक्ति सेइ असन तैन सब दितोरु जैन असन परमेशरे खुश केरनेरी जिन्दगी जीनेरे लेइ लोइते। इन भोइ बटते किजोकि अस परमेशरे ज्ञानतम कि तैन अस अपने महिमा ते अपने रोडे गुना केरे मुताबिक तैसेरे लोक भोनेरे लेइ कुजोरेम। 4 इन सेव्भी केरे जिरिये परमेशरे असन महान ते कीमती वरदानां दितोरन जैन केरो तैनी वादो कियोरो थियो, इन वरदानां इस्तेमाल केरतां अस दुनियारी बुरी इच्छान करां बेसी बटतम, जैना लोकन नाश केरतिन, ते अस परमेशरे स्भावे मां शामिल भोइ बटतम। 5 एल्हेरेलेइ तुसेई न सिर्फ यीशु पुइ विश्वास कियोरो लोडे, बल्के होरि केरे लेइ भलाई केरनेरे लेइ सखत मेहनत भी कियोरी लोडे, तुसेई न सिर्फ तैन कियोरू लोडे जैन रोडू भोए, बल्के तुसेई एरे लोक बनोरू लोडे जैना ज्ञानतम समझदारी सेइ केन्चरे बर्ताव केरतन, 6 तुसेई सिर्फ इन न लोडे ज्ञानोरू कि समझदारी सेइ केन्चरे बर्ताव केरतन, पन तुसेई अपनो आप कैबू भी कियोरो लोडे, तुसेई न सिर्फ अपनो आप कैबू मां लोडे कियोरो, बल्के मुसीबत मां सबर भी कियोरी लोडे, तुसेई न सिर्फ मुसीबत मां सबर कियोरी लोडे बल्के तुसेई एरी जिन्दगी भी जीयोरी लोडे जैस सेइ परमेशर खुश भोए। 7 तुसेई न सिर्फ एरी जिन्दगी जीयोरी लोडे जैस सेइ परमेशर खुश भोए, बल्के तुसेई एककी होरि विश्वासी लोकन सेइ अपने टब्बरे लोकां केरो जेरो प्यार भी कियोरो लोडे, तुसेई एककी होरि सेइ न सिर्फ अपने टब्बरे लोकां केरो जेरो प्यार कियोरो लोडे बल्के तुसेई सैरी लोकन सेइ प्यार कियोरो लोडे। 8 अगर तुस एन्चरे जीले त तुस इशशे प्रभु यीशु मसीह जानेले ते तुस इस्तेमाल भोनेबाले ते फलदार भोले। 9 पन अगर कोन्ची मां इना गुण न भोन त तै एरे मैनेरो जेरोए जै कानोए, ते तैन बिसरोरूए कि परमेशरे ते तैसेरे पुराने पापन करां साफ कियोरोए। 10 एल्हेरेलेइ हे दूलाव ते बेइनव, एन्चरे कम केरनेरे लेइ होरि जादे मेहनत केरा, जैस सेइ तुस अपनो आप साबत केरा कि परमेशरे तुस हकीकति मां तैस पत्ती चलनेरे लेइ चुनोरेथ ते तैसेरे लोक भोनेरे लेइ चुनोरेथ। अगर तुस इना गुणा केरे मुताबिक केरेले त तुस कथी मसीह पुइ भरोसो केरनो न शारेले। 11 ते परमेशर भी तुसन तैस राज्जे मां बडे जोशे सेइ कबूल केरेलो जैडी यीशु मसीहे, जै इशशो प्रभु ते इशशो मुक्ति देनेबालोए, तै राज्जेरो जेरो हमेशा राज्जे केरेलो। (aiōnios g166) 12 चाए तुस इना सैरी गल्लां ज्ञानतथ, ते सच्ची शिक्षा तैस मां तुस मजबूती सेइ बनोरे रातथ,

जै लोकेई तुसन शिखालोरी, अवं तैन केरे बारे मां लगातार याद कियेइलो। 13 अवं ज्ञानताई ज्ञांतगर अवं जीतोई, तैन केरे बारे मां लगातार तुसन जोनू सही आए, ताके तुस तैन न बिसरथ। 14 किजोकि अवं ज्ञानताई, अवं जल्दी मरनोई, किजोकि इशशे प्रभु यीशु मसीहे मीं एल्हेरे बारे मां साफ ज़ोवरूए। 15 एल्हेरेलेइ अवं इना गल्लां केरे बारे मां जोनेरी बडी कोशिश केरताई, ताके तुस मेरे मरनेरां पत्ती इना सैरी गल्लां याद केरि बटथ। 16 जैखन असेई प्रेरितेई तुसन अपने प्रभु यीशु मसीहेरी शक्ति ते एजनेरी खबर शुनावरी थी, त असेई चलैकी सेइ बनेवरी कहैनी न जोई बल्के असेई मसीहेरी तैस महिमारे बारे मां ज़ोवं जै असेई अपने एछेई सेइ लाई। 17 जैखन अस तैस सेइ साथी पवित्र पहाडे पुइ थिये जैखन बाजी परमेशरे तैस आदर ते महिमा दित्ती। तैस वक्ते परमेशरे करां तैस महान महिमाई मरां आवाज़ आई, “इन मेरू टूला रू मद्रूए जैस सेइ अवं खुश आई।” असेई एप्पू ई आवाज़ स्वर्गां शुनी। 18 अस नेबी केरू वचन भी ज्ञानतम, जैन तैनेई मसीहेरे बारे मां ज़ोवं तैन बिलकुल सच्चे, तैना इस बारे मां पक्कू केरतन जैन असेई तुसन तैसेरे वापस एजनेरे बारे मां शिखालू। तुसेई तैना गल्लां ध्याने सेइ शुनोरी लोइन, जेन्चरे दीयो आंधरे मां बलते ते लोकन सही बत्तां गानेरे लेइ मद्दत केरते, इन वचन तुशशी इन ज्ञानेरे लेइ मद्दत केरेलू कि सच्च कुने। 19 तुसेई तैन वचन रोडे चारे शुनोरे लोइन ज्ञांतगर इशशो प्रभु यीशु मसीह वापस न एज्जे। तैसेरू एजनु एरू भोलू जेन्चरे नन्वे दिहैडरी लौ भोली, ते तै झेइरे तारेरो जेरो भोली। तैस वक्त तैसेरी लौ तुशशे दिलन मां चमकेली त कने तुसन पुइ परमेशरे बांदी केरेली। 20 पन इन ज़रूरी कि तुस नेबी केरू वचन जैन तुस पवित्रशास्त्रे मां पढतथ, तैन वचन तैन केरे अपने खियाल नई। 21 किजोकि कोई भी भविष्यवाणी मैनु केरे मेर्जां सेइ न भोइ, पन भक्त लोक पवित्र आत्मा अगवैई सेइ परमेशरे तरफां सन्देश ज़ोते थिये।

**2** ते जेन्चरे बडे पेइले इस्राएली लोकन मां झूठे नबी थिये, तेन्चरे तुसन मां भी झूठे उस्ताद भोले। तैना बल्हे चारे तुसन मां एज्जेले ते परमेशरे बारे मां नाश केरनेबालू झूठ ज़ोले। इडी तगर तैना मसीहेरो इन्कार केरेले कि तै प्रभु नई जैन तैना पापन करां आज़ाद किये। एन्चरे केरने सेइ तैना एप्पू पुइ विनाश आनेले। 2 परमेशरे बडे लोक तैन इन झूठे उस्तादां केरे बुरे कम्मां केरि नकल केरेले, ते तैन बुरां कम्मां केरे वजाई सेइ सच्चे बतारे खलाफ बुरी गल्लां ज़ोले। 3 इना उस्ताद बडे लालची भोले ते तैना तुसन बनेवरी कहैनी शुनेइतां तुसन धोखो देले, ताके तुसन करां पेइंसो हासिल केरन। परमेशरे बडे पेइले ई फैसलो कियोरो कि तैन सज़ा दे ते तै इन केरनेरे लेइ तियार भी आए, तैसेरे एजने मां किछ भी चिर नई, ते तैन केरो विनाश बलगतोए। तै पक्कू तैन नाश केरेलो। 4 तुस ज्ञानतथ बडे पेइले किछ स्वर्गदूतेई परमेशरेरो हुक्म न मन्नो, जैन तेनेई किंयू तैसेरेलेइ परमेशरे तैन सज़ा दित्ती। तैने तैना नरके मां छुट्टे,

ते तैस दिहैड़ी तगर आंधरे मां कैद किये जांतगर ते तैन केरो इन्साफ न केरे ते तैन सज़ा न दे। (Tartarog 5020) 5 तुस इन भी ज्ञानतथ जैना लोक बड़े पेड़ले इस दुनियाई मां जीते थिये तैनेई परमेशेरो डर न मननो, परमेशेरे तैन केरां बुरां कम्मां नज़रानदाज़ न कियां। बल्के तैनी पानी भेजतां तैन सज़ा दिती जैस मां सारी धरती छप्पी ते तैना सारे नाश भोए। पन तैने तैन मरां नूहे समेत अठ लोक बचाए, जैने धार्मिकतारो प्रचार कियो। 6 परमेशेरे सदोम ते अमोरा नगरन सज़ा दिती, तैना भस्म भोइतां मांज़न बना, एन केरतां परमेशेरे लोक खबरदार किये, कि जैना तैसेरे हुकम न मनन तैन सेइं भी एरू भोलू। 7 पन सदोम ते अमोरा नगरन नाश केरने करां पेड़ले तैने धर्मी लूत नगरे करां बेइर कढो ते बचाव। लूत तैन लोकन सेइं खुश न थियो किजोकि तैना कोई भी कानून न थिये मन्ते ते बेशर्म कम्मां केरते थिये। 8 (लूत धर्मी मैन्हु थियो, पन तै रोज़ तैन बुरे लोकन मां रातो थियो, एल्हेरेलेइ जैन बुरी गल्लां तै शुनतो थियो ते हेरतो थियो तैन सेइं तैसेरो रोड़ो दिल बडो दुखी भोतो थियो)। 9 इन सैरी गल्लां जैना परमेशेरे कियोरिन इन हिरैतिन कि प्रभु परमेशर अपने धर्मी लोकन तैन केरे मुसीबतरे वक्त तैन सम्भालेलो, ते इन्साफेरे दिहाड़े तगर बुरे लोकन सज़ा देतो रालो। 10 परमेशर तैन झूठे उस्तादन पक्की सज़ा देलो, जैना इना गल्लां अपने गलत ते बुरी खबैशन सेइं केरतन, ते तैना परमेशेरेरे अधिकारे जै तैन पुड़े घटया समझतन, ते तैना ढीठ ते घमण्डी आन। तैना स्वगेरे प्राणेरी केरे बारे मां बुरू ज़ोने करां न डरन। 11 स्वर्गदूतां केरे बारे मां सोचा, तैना तैन झूठे उस्तादन करां बड़े शक्ति बालेन। तैना ज़ैखन इन झूठे उस्तादन पुड़ परमेशेरी हज़ूरी मां दोष लातन, त गलत ज़बान इस्तेमाल न केरतन। 12 पन इना झूठे उस्ताद जंगली जानवरां केरे ज़ेरन, इना जानवर न ज्ञानन केन्चरे सोचोरू लोड़े तैन केरो मकसद सिर्फ़ टलानू ते मारनू भोते। इन लोक भी जैन तैन केरे मने मां एइते तैन केरतन, ते जैन गल्लन न समझन तैन केरे बारे मां बुरू ज़ोतन, तैना पक्के नाश भोनेन। 13 तैन नाश भोनू तैन केरे कियोरिं नुकसानेरो इनामे। तैन भर दूपार्न एश केरनो रोड़ो लगते, तैना तुसन मां कलंक ते दाग आन। इड़ी तगर कि तैना तुसन सेइं धामन मां खातन-पीतन फिरी भी धोखो देने मां खुश भोतन। 14 तैना जैस कुआन्शी भी लातन तैस सेइं बदमाशी केरनि चातन। तैना पाप केरने लेइं मौके तोपने कधी न शारन। तैना तैन लोकन धोखो देतन जैना मसीह पुड़ मज़बूती सेइं विश्वास न केरन ते तैन पापे मां नेतन। तैन केरि जादे करां जादे बुरी इच्छां केरे वजाई सेइं परमेशर तैन सज़ा देलो। 15 तैनेई सही केरनू बंद कियोरूए, ते तैनेई तेन्चरे बुरां कम्मां केरनां शुरू कियां जेन्चरे बड़े पेड़ले बओरेरे मट्टे बिलामे कियोरं थियां। तैनेई बुरी चीजां केरतां पेइंसे कमाने पसंद किये। 16 परमेशेरे ते तैसेरे बुरेइरे लेइं डांटो जै तैनी कियोरी थी, तैसेरे गेधां मैन्हु केरि भाषाई मां गाल की ते नबी गलत केरने करां रोको। 17 इन झूठे उस्ताद शुक्कोरे खूआं केरे ज़ेरे बेकार आन,

ते तैना बेफैइदी बिदलारे ज़ेरे आन, जैस झड़ी भोने करां पेड़ले हवा दूर उडारती। परमेशेरे तैन केरे लेइं एरी ठार तियार कियोरी जै बिलकुल आंधरीए। 18 ज़ैखन तैना लोकन शिखालतन त तैना बेकार ते घमण्डी लफज़ इस्तेमाल केरतन, तैना लोकन ज़ोतन कि तैना बेइज़ज़त चीजां केरि बटतन जैना तैन केरे जिसम केरने चातन, तैना लोकन धोखो देइतां पाप करातन जैना इस किसमेरी बुरी ज़िन्दगी करां बचोरिन। 19 तैना तैन लोकन सेइं ई वादो केरतन अगर तैना तैन केरि मनन, त तैना जैन चातन तैन केरि बटतन, किजोकि तैन केरो कोई मालिक नई। पन इन सच्चे, तैन एप्पू भी अपने बुरे रूवाजां केरे गुलामन, किजोकि जै कोई चीज केरनेरो आदी त तैस केरनेरो गुलाम बनते। 20 ज़ैखन लोकेईं यीशु मसीह तैन केरो प्रभु ते मुक्ति देनेबालोए पिशानो, त तैना दुनियारे बुरेईं करां छुटोरि थिये। पन तैना फिरी तैन बुरी चीजां केरने मां शामिल भोए ते तैना बुरी चीजां तैन कैबू केरतिन, ते तैन केरि आखरी हालत पेड़ली हालती करां भी बुरी भोइ। 21 ज़ोनेरो मतलब ई आए, किजोकि जैन लोकेईं मसीहे पुड़ विश्वास केरनो शारो, परमेशर तैन, तैन लोकन करां जादे सज़ा देलो, जैनेई कथे विश्वास नई कियोरो, तैन लोकां केरे लेइं रोड़ू भोथू कि तैना कधी न ज़ानेथे कि धार्मिकतारी ज़िन्दगी केन्चरे ज़ीतन। हुनी तैना ज्ञानतन कि सही कुन आए, पन तैना परमेशेरे हुकमन न मनन जैना असेईं प्रेरितेईं शिखालोरिन। 22 जैन तैनेई कियूं तैन केरे लेइं इना दुई कहावत ठीक आन, “तैना कुत्रां केरे ज़ेरे आन जैना उलटी केरतां फिरी खातन, ते तैना निहावरे सूरं केरे ज़ेरे आन जैना फिरी चिकरी मां गातन।”

**3** हे टलारव, अवं दुइयोवं चिट्टी लिखने लोरोईं, अवं दुइये चिट्टन मां तुसन किछ गल्लां याद करेइतां होसलो देनेरी कोशिश केरने लोरोईं। जैना तुसेईं पेड़ली शिखोरिन ताके तुस सही तरीके सेइं सोचथ। 2 अवं इन एल्हेरेलेइ लोरोईं केरने, कि अवं तुसन तैना गल्लां याद करैनी चाताई जैना बड़े पेड़ले नेबेईं जोरिन ते इश्शे प्रभु ते मुक्ति देनेबाले यीशु मसीहेरी शिक्षा आन। जैना प्रेरित तुसन कां आए तैनेई तुसन शिखैलोरिन। 3 सेबन करां खास गल ई आए, कि तुस ज्ञानत, कि आखरी दिहाइन मां मसीहेरे वापस एजने करां पेड़ले, लोक तुश्शो मज़ाक बनाने कि तुस विश्वास केरतथ कि मसीह दुबारा वापस एजनोए, तैना आदी भोनेरे वजाई सेइं एना बुरी चीजां केरेले जैन सेइं तैना खुश भोतन। 4 तैना ज़ोले, “तैसेरो एजनेरो वादो सच नई, तै बिलकुल भी नई एजने! किजोकि जैना शुरूआती मां इश्शे मसीही बुजुर्ग थिये तैना सब मरे, पन किछ भी बेदलोवं। सब किछ तेरहु आए, जेन्चरे दुनिया बनानेरे वक्ते करां थियूं।” 5 तैना एन एल्हेरेलेइ ज़ोतन किजोकि तैना इन बिस्सरनू चातन, कि बड़े पेड़ले अम्बर ते धरती परमेशेरे हुकमे सेइं बनाव जेव। तैने धरती पैनी मरां कढी ते पैनी करां अलग की। 6 फिरी तैनी पैनेरो इस्तेमाल कियो कि पुरानी दुनिया बड़े तूफाने सेइं नाश केरे। 7 पन परमेशेरे अम्बर ते धरती तैस्से हुकमेरे ज़िरिये

रखोरेन, ताके तैन अग्गी सेइं नाश केरे। तै तैन तैस दिहैडी तगर रखेलो जेइस तै तैन लोकां केरो इन्साफ केरेलो ते नाश केरेलो जैना तैसेरी आदर न केरन। 8 हे ट्लारव, जैना गल्लां अवं हुन्ना ज़ोने लोरोई तैन नज़रानदाज़ न केरा, कि प्रभुएरी नज़री मां अक दिहाड़ी हज़ार सालन बराबरे ते हज़ार साल एक्की दिहैड़े बराबर आन (तैना तैसेरेलेइ अक्कां ज़ेरे आन)। 9 किछ लोक सोचतन कि प्रभु अपनो वापस एजनेरो वादे पूरे केरने मां चिर लोरो लाने। पन परमेशर एन्चरे चिर नई लाने लोरो, बल्के इसेरे बदले तै तुसन सेइं सब्र लोरो केरने। किजोकि तै न चाए कोई भी नाश भोए। पन तै चाते कि हर कोई अपनो मन बदले त कने गलत केरनू शारे ते तैस कां एज्जे। 10 पन मसीह पक्को वापस एज्जेलो, तै अचानक एज्जेलो ज़ेन्चरे चोर अचानक एइते। तैस वक्त अम्बर मां गज़नेरी ज़ेरि शोर भोली, ते अम्बर गायब भोइ गालू। सब किछ ज़ैन अम्बरे मां आए, दिहाड़ो, चाँदनी, तारे सब अग्गी सेइं बिलकुल नाश भोलू, तैस दिहाड़े परमेशर इन्साफ केरनेरे लेइ तैन सब किछ बांदू केरेलो ज़ैन लोकेई इस दुनियाई मां कियोरूए। 11 एल्हेरेलेइ कि परमेशर इना सैरी चीजां पेक्की नाश केरेलो ज़ेन्चरे मां ज़ोवं, एल्हेरेलेइ तुसेई पवित्र ज़िन्दगी ज़ीयोरी लोड़े ते अपनो आप परमेशरे सॉफोरो लोड़े। 12 ज़ेन्चरे तुस तैस दिहैडी बलगने लोरेथ ज़ेइस परमेशर दुनियारो इन्साफ केरने एज्जेलो, ते बड़ी कोशिश केरा कि तै दिहाड़ी जल्दी एजनेरे लेइ। तैस दिहाड़े परमेशर अम्बरे अग्गी सेइं फुकेलो ते नाश केरेलो त कने अम्बरेरी सैरी चीजां अगारे गेरमी सेइं गेलेली। 13 पन अस विश्वासी नंवे अम्बरे ते नंवे धरती बलगने लोरेम ज़ेसेरो वादो परमेशरे कियोरो, ज़ैडी लोक परमेशरेरे इच्छाई सेइं ज़ीयेले। 14 एल्हेरेलेइ, हे ट्लारव, ज़ेन्चरे तुस तैस दिहैडी बलगने लोरेथ ज़ेइस परमेशर इस दुनियारो इन्साफ केरेलो, त तुस पूरी कोशिश केरा कि तुस शैन्ति सेइं परमेशरेरे नज़री मां शुद्ध ते बेइलज़ाम भोथ। 15 ते इश्शे प्रभुएरे सबरारे बारे मां सोचा तैने तुसन मौको दित्तो, कि तुस एजनेबाले इन्साफे करां बचथ। इन इश्शे ट्लारे विश्वासी सैथे पौलुसे भी तुशं लेइ तैस समझारे मुताबिक अपने चिट्ठी मां लिखोरू ज़ै परमेशरे तैस दित्तोरीए। 16 तैने अपने सैरी चिट्ठन मां ज़ैना तैने विश्वासी लोकन जो लिखी, इना सैरी गल्लां तुसन लिखी। पन किछ तैसेरी लिखोरी गल्लां समझनी मुशिकल आन। तैन लोकां केरे लेइ ज़ैनेई रोड़े चारे नई पढोरू ज़ैन इस बारे मां पक्को पतो नई कि तैना कुन विश्वास केरतन, तैना गलत तरीके सेइं इन मुशिकल गल्लां केरे मतलब कढतन, ज़ेन्चरे तैना पवित्रशास्त्रेरी किछ गल्लां केरो गलत तरीके मतलब समझातन। एन्चरे केरने सेइं तैना अपनो आप इस काबल बनातन कि परमेशर तैन नाश केरे। 17 एल्हेरेलेइ, हे ट्लारव तुस पेइले ज़ानतथ कि इना गल्लां भोनिन, एल्हेरेलेइ तुस हुशार राथ ताके ज़ैना लोक कानूने न मनन तैना तुसन झूठ ज़ोइतां थोखो न देन, ते तुस सेछ्त्री गल्लन विश्वास केरनो शारथ। 18 पन तुस इश्शे प्रभु ते मुक्ति देनेबाले

यीशु मसीहरे अनुग्रह ते ज़ाने मां बढ़ते गाथ। तैसेरी महिमा हुन्ना भी भोए, ते हमेशा भोती राए। आमीन। (aiōn g165)

# 1 यूहन्ना

**1** अस तैस एककी वचनेरे (मैनेरे) बारे मां लिखने लोरेम जै ज़िन्दगरी वचन आए, जै शुरू करां थियो, जै असेई शुनो, ते जै अपनि एछछेई सेइं लाव, बल्के जै असेई ध्याने सेइं लाव, ते तैस सेइं अपने हथ लाए। 2 (ई ज़िन्दगी बांदी भोइ, ते असेई लाई, ते अस तैसेरी गवाही देतम, ते तुसन तैस हमेशारी ज़िन्दगरी खबर शुनातम, जै बाजी सेइं साथी थी, ते असन पुइ बांदी भोइ।) (aiōnios g166) 3 जैन किछ असेई यीशुएरे बारे हेरू ते शुनु तैसेरी खबर तुसन भी देतम, एल्हेरेलेइ कि तुस भी असन सेइं साथी शामलथ, ते इश्री ई शामलीत बाजी सेइं साथी, ते तैसेरे मट्टे यीशु मसीह सेइं साथीए। 4 ते इना गल्लां अस एल्हेरेलेइ लिखतम, कि इश्री खुशी पूरी भोए। 5 जै खबर असेई प्रभु यीशु करां शुनी, ते तुसन शुनातम, तै ईए; कि परमेशर लोअरो ज़ेरो शुद्धे, ते तैस मां किछ भी आंधरू (बुराई) नई। 6 अगर अस ज़ोम, कि तैस सेइं साथी इश्री शामलीते, ते फिरी आंधरे मां चलतम, त अस झूठेम, ते सच्चे पुइ न चलम। 7 पन अगर ज़ेन्चरे परमेशर लोई मांए, तेन्चरे अस भी लोई मां जीम, त एककी होरि सेइं शामिल रातम ते तैसेरे मट्टे यीशु मसीहो खून असन सेबही पापन करां शुद्ध करेते। 8 अगर अस ज़ोम, कि असन मां कोई पाप नई, त अपने आपे धोखो देतम, ते असन मां सच्चे नई। 9 अगर अस अपने पाप मन्तम, त तै इशशे पाप माफ़ करेने, ते असन सेबही अधर्म करां शुद्ध करेने मां वफादार ते धर्मीए। 10 अगर अस ज़ोम कि असेई पाप नई कियोरो, त परमेशरे झूठो ठहरातम, ते तैसेरू वचन असेई कधी कबूल नई कियोरू।

**2** हे मेरे ट्लारे बच्चव, अवं इना गल्लां तुसन एल्हेरेलेइ लिखताई, कि तुस पाप न केरा, ते अगर कोई पाप केरे, त बाजी परमेशरे कां इशशो अक मद्दतगारे, मतलब धर्मी यीशु मसीह। 2 तै इशशे पापां केरो छुटकारेरे लेइ बलिदान भोव, ते सिर्फ इशशे लेइ नई, बल्के सैरी दुनियारे पापां केरे लेइ भी। 3 अगर अस तैसेरे हुक्मन मन्तम, त इस सेइं अस समझे गाले कि अस तैस ज्ञानतम। 4 जै कोई इन ज़ोते, “कि अवं तैस ज्ञानताई,” ते तैसेरे हुक्मन न मन्ने, तै झूठोए, ते तैस मां सच नई। 5 पन जै कोई तैसेरे वचने पुइ चलते, ते तैस मां सच्चे परमेशरेरो प्यार सिद्ध भोरोए, असन इस सेइं पतो चलते, कि अस तैस मां आम। 6 जै कोई इन ज़ोते, कि अवं तैस मां बनोरो राताई, त तैनी तेन्चरे ज़ीयोरू लोइ ज़ेन्चरे यीशु मसीहे ज़ीयोरूए। 7 ट्लारव, अवं तुसन कोई नंब्वो हुक्म न लिखी, पन तैए पुरानो हुक्म जै पेइलो तुसन मैल्लो; ई पुरानो हुक्म तैन वचने, ज़ैखन तुसेई मसीह पुइ विश्वास कियूं। 8 फिरी भी अवं तुशशे लेइ नंब्वो हुक्म लिखताई, किजोकि एन सच आए, जैन मसीह मां ते तुसन मां भी लेइहोवं, किजोकि अन्धकार मिटतो गाते ते सच्चेरी लौ हनी चमकने लोरीए। 9 जै इन ज़ोते, कि अवं लोई मां आई ते

विश्वासी ढूलाए सेइं बैर रखते, ते हेजू तगर आंधरे मां आए। 10 जै कोई अपने ढूलाए सेइं प्यार केरते, तै लोई मांए, तैसेरेलेइ पाप केरनेरे लेइ कोई वजा नई। 11 पन जै कोई अपने ढूलाए सेइं बैर रखते, तै आंधरे मांए, ते तै आंधरे मां चलते; ते न ज्ञाने, कि कोरां गाते, किजोकि आंधरे तैसेरी एछछी कैनी केररिन। 12 हे बच्चाव अवं तुसन एल्हेरेलेइ लिखताई, कि यीशु मसीहेरे नंब्वे सेइं तुशशे पाप माफ़ भोए। 13 हे बुजुगव अवं तुसन एल्हेरेलेइ लिखताई, कि जै शुरू करां आए तुस तैस ज्ञानथ, हे जवानव, अवं तुसन एल्हेरेलेइ लिखताई कि तुसेई तैस शैताने पुइ जीत हासिल केरीए, हे बच्चाव अवं तुसन एल्हेरेलेइ लिखताई कि तुसेई बाजी परमेशर पिशानो। 14 हे बाजव, अवं तुसन एल्हेरेलेइ लिखताई, कि जै पेइलोए तुसेई पिशानो, हे जवानव, अवं तुसन एल्हेरेलेइ लिखताई, कि तुस मज़बूतथ, ते परमेशररू वचन तुसन मां बनोरू रहते, ते तुस शैताने करां जीतोरथ। 15 तुस न दुनियाई सेइं ते न दुनियारी चीज़न सेइं प्यार केरा, अगर कोई दुनियाई सेइं प्यार केरते, त तैस मां बाजी परमेशरेरो प्यार नई। 16 किजोकि जैन किछ दुनियाई मां आए, मतलब जिसमेरी खुवेइश, ते एछछी केरि खुवेइश ते ज़िन्दगरू घमण्ड, तैन बाजी परमेशररे तरफां नई पन दुनियारे तरफां। 17 दुनिया ते तैसेरी खुवेइश दुइये मिटती गैतिन, पन जै परमेशररे मेर्जी पुइ चलते, तै सदा बनोरो रालो। (aiōn g165) 18 हे बच्चव, ई आखरी वक्ते कि मसीह वापस एजोनोए, ते ज़ेन्चरे तुसेई शुनोरूए, कि मसीहेरी खलाफत केरनेबालो एजनेबालोए, तैसेरे मुताबिक हुना भी बड़े मसीहेरी खलाफत केरनेबाले उठोरने, इस सेइं अस ज्ञानतम, कि ई आखरी वक्ते कि मसीह वापस एजोनोए। 19 तैना मसीहेरी खलाफत केरनेबाले लोक निस्से त असने मरां, पन तैना असन मरां न थिये, किजोकि अगर असन मरां भोथे, त असन सेइं साथी राथे, पन निस्से एल्हेरेलेइ कि इन बांदू भोए कि तैना सब असन मरां नई। 20 पन मसीहेरे ज़िरिये तुसन पवित्र आत्मा दित्तोरओ, तैसेरे वजाई सेइं तुस सब सच ज्ञानतथ। 21 मीं तुसन एल्हेरेलेइ नई लिखोरू, कि तुस सच्चे न ज्ञानथ, पन एल्हेरेलेइ, कि तैस ज्ञानतथ, ते एल्हेरेलेइ कोई झूठ, सच्चेरे पासेरां नई। 22 झूठो कौने? सिर्फ तै, जै यीशुएरू मसीह भोनेरो इन्कार केरते, ते मसीहेरी खलाफत केरनेबालो तैए आए, जै बाजी परमेशररी ते कने मट्टेरो यानी यीशुएरो इन्कार केरते। 23 जै मट्टेरो इन्कार केरते तैस कां बाजी परमेशर भी नई, जै मट्टे मन्ते, तैस कां बाजी परमेशर भी आए। 24 ज़ैखन तुसेई यीशु मसीह पुइ विश्वास कियूं, तुसेई जै सच्ची शिक्षा शुरू करां शुनोरओ, तैए तुसन मां बनोरी राए, त तुस भी मट्टे मां, ते बाजी परमेशरे मां बनोरे राले। 25 ते ज़ेसेरो वादो परमेशरे कियोरोए, तै हमेशारी ज़िन्दगीए। (aiōnios g166) 26 मीं इना गल्लां तुसन तैन करां खबरदार रानेरे लेइ लिखी, जैना लोक तुसन झूठी शिक्षारे ज़िरिये टपलातन। 27 ते तुशशू तैन अभिषेक, जैन तैसेरे तरफां केरूए, तुसन मां बनोरू रहते; ते तुसन एल्हेरी ज़रूरत नई, कि

कोई तुसन शिखाले। बल्के जेन्चरे तैन अभिषेक जैन तैसेरे तरफां कियोरूप, तुसन सब गल्लां शिखालते, ते इन सच्चरे, ते झूठ नई, ते जेन्चरे तैने तुसन शिखालोरूप, तेन्चरे तुस तैस मां बनोरे रातथ। 28 हे बच्चव, तैस मां बनोरे राथ, कि जैखन इन बांदू भोए, त असन दिलेरी भोए ते अस तैसेरे एजने पुड़ तैसेरे सामने शरमिनदे न भोम। 29 अगर तुस ज्ञानतथ, कि मसीह धर्मीए, त इन भी ज्ञानतथ, कि जैना धार्मिकतारां कम्मां केरतन, तैना परमेशरेरे बच्चेन।

**3** हेरा बाजे परमेशरे असन सेइं केरो प्यार कियो, कि असन जो परमेशरेरे बच्चे जोन, ते अस अहम भी, एल्हेरेलेइ दुनियारे लोकेई अस न पिशाने कि अस परमेशरेरे बच्चेम, किजोकि तैनेई बाजी परमेशर भी न पिशानो। 2 हे दलारव, हुनी अस परमेशरेरे बच्चेम, ते हेजू तगर इन बांदू नई भोरू, कि अस केरे भोनेमा! इन ज्ञानतम, कि जैखन यीशु मसीह बांदो भोलो त अस भी तैसेरे जेरे भोमेले, किजोकि तैस तेरहे लहमेले जेरो तै आए। 3 ते जै कोई भी मसीह पुड़ ई उमीद रखते, तै अपनो आप तेरहो पवित्र केरते, जेरो मसीह पवित्र आए। 4 जै लगातार पाप केरतो रहते, तै मूसेरे कानूनरो इन्कार केरते, ते पाप त कानूनरो इन्कार केरनो। 5 ते तुस ज्ञानतथ, कि यीशु मसीह एल्हेरेलेइ अव, कि पापन दूर केरे, ते तैस मां पाप नई। 6 जै तैस मां बनोरो रहते, तै लगातार पाप न केरे, जै लगातार पाप केरते, तै न समझे कि मसीह कौन आए, ते न तैसेरो तैस सेइं रिशतोए। 7 दलारे बच्चव, केन्चरे धोखे मां न एजाथ, जै धार्मिकारां कम्मां केरते, तैए मसीहरो जेरो धर्मीए। 8 जै कोई लगातार पाप केरते, तै शैतानेरे तरफांए, किजोकि शैतान शुरुआती करां पाप केरतो ओरोए, परमेशरेरू मट्टू एल्हेरेलेइ अव, कि शैतानेरे कम्मन खतम केरे। 9 जैना परमेशरेरे बच्चेन तैना लगातार पाप न केरन, किजोकि परमेशरो सुभाव तैन मां बनोरू रहते, ते तैना पाप केरि न सकन, किजोकि तैना परमेशरेरे बच्चेन। 10 इरसे सेइं परमेशरेरे बच्चे, ते शैतानेरे बच्चे पिशोनोतन, जैना धार्मिकता कम्मां न केरन, तैना परमेशरे सेइं नई, ते न तै जै अपने द्वालाए सेइं प्यार न केरे। 11 जै खबर तुसेईं पेइली शुनी, तै ईए, कि अस एक्की होरि सेइं प्यार रखम। 12 ते आदमेरे मट्टेरे कैनेरे जेरे न बनम, जै तैस शैताने सेइं थियो, ते जैने अपनो द्वाला मारो, ते तै कोस वजाई सेइं मारो! एल्हेरेलेइ कि तैसेरां कम्मां बुरां थियां, ते तैसेरे द्वालाएं कम्मां रोड़ां थियां। 13 हे द्वालाव, अगर दुनियारे लोक तुसन सेइं बैर केरते त हैरान न भोथ। 14 अस ज्ञानतम, कि अस मौती करां पार भोइतां जिन्दगी मां पुजोरेम, किजोकि अस द्वालान सेइं प्यार रखतम। जै प्यार न रखे, तै मौतरे हालती मां। 15 जै अपने द्वालाए सेइं बैर केरते, तै खूनी आए, ते तुस ज्ञानतथ, कि कोन्ची खूनी मां हमेशारी जिन्दगी न राए। (aiōnios 9:16) 16 असेईं प्यार इरसे सेइं ज्ञानो, कि यीशु मसीहे इरशे लेइ अपने प्राण दिते, एल्हेरेलेइ इरशो भी द्वालां केरे लेइ प्राण देने फर्जे। 17 पन जैस कां दुनियारी जेइदाद भोए, त तै अपने द्वालाए

जैस ज़रूरत भोए, तैस हेरतां तैस पुड़ तरस खानो न चाए, त तैस मां परमेशरेरो प्यार केन्चरे बनोरो रेइ बटते? 18 हे दलारे बच्चव, अस सिर्फ वचन ते जुबानी सेइं नई, पन कम्मन ते सच्चरे सेइं भी प्यार केरम। 19 जैखन अस होरन सेइं प्यार केरमेले एरसे सेइं अस ज्ञानमेले, कि अस सच्चरेम, ते जैस गल्ली मां इरशो ज़मीर असन दोष लाए, तैसेरे बारे मां अस तैसेरे सामने अपने-अपने मने याकीन देइ बटमेले। 20 किजोकि परमेशर इरशो मने करां बड्डोए, ते सब किछ ज्ञानते। 21 हे दलारव, अगर इरशो मन असन दोष न दे, त असन परमेशरेरे सामने दिलेरी भोतीए। 22 ते जैन किछ अस मगतम, तैन असन तैस करां मैलते, किजोकि अस तैसेरे हुक्म मन्तम, ते जैन तैस पसंदे तैन केरतम। 23 ते तैसेरो हुक्म ईए कि अस तैसेरे मट्टे यीशु मसीहेरे नंचे पुड़ विश्वास केरम ते जेन्चरे तैने असन हुक्म दित्तो तैसेरे मुताबिक एक्की होरि सेइं प्यार केरम। 24 ते जैना परमेशरेरो हुक्म मन्तन, तैना परमेशरे मां, ते परमेशर तैन मां बनोरो रहते, ते इरसे सेइं, मतलब तैस पवित्र आत्मा सेइं जै तैने असन दित्तोरोए, अस ज्ञानतम, कि तै असन मां बनोरो रहते।

**4** हे दलारव, हर एक्की मैनेरू याकीन न केरा जै दावो केरते कि परमेशरेरी आत्मा तैस मां आए, बल्के आत्मां अजमाथ कि तै परमेशरेरी तरफांए कि नई; किजोकि बडे झूठे नबी दुनियाई मां निसोरेन। 2 परमेशरेरी आत्मा तुस इस रीति सेइं पिशैनी बटतथ, कि जै आत्मा इन मन्ने, कि यीशु मसीह जिसमे मां ओरोए तै परमेशरेरे तरफांए। 3 ते जै आत्मा यीशु न मन्ने, तै परमेशरेरे तरफां नई, ते तैए मसीहेरी खलाफत केरनेबाली आत्माए, जेसेरे बारे मां तुसेईं शुनोरू, कि तै एजने बालीए, ते अज भी दुनियाई मां आए। 4 हे दलारे बच्चव, तुस परमेशरेरे लोक आथ, ते तुसेईं तैन झूठन पुड़ ज़ीत हासिल कियोरीए, किजोकि पवित्र आत्मारी शक्ति जै तुसन मांए तै शैतानेरे शक्ति करां बड्डी, जै दुनियाई पुड़ राज केरते। 5 तैना झूठे नबी दुनियारेन, एल्हेरेलेइ तैना दुनियारी गल्लां ज़ोतन, ते दुनियारे लोक तैन केरि शुन्तन। 6 अस परमेशरेरेम, जै परमेशरे ज्ञानते, तै इरशी शुन्ते, जै परमेशरे न ज्ञाने तै इरशी न शुने, एल्हेरेलेइ अस तैस आत्माई जै सच्च ज़ोतीए ते जै आत्मा झूठ ज़ोतीए पिशानतम। 7 हे दलारव, अस एक्की होरि सेइं प्यार केरम; किजोकि प्यार परमेशरे करां आए, जै कोई प्यार केरते, तै परमेशरो बच्चोए, ते परमेशरे ज्ञानते। 8 जै होरन सेइं प्यार न केरे, तै परमेशरे न ज्ञाने, किजोकि परमेशर प्यारे। 9 जै प्यार परमेशरे असन सेइं केरते, ते इस सेइं बांदो भोव, कि परमेशरे अपनू अकैल्लू मट्टू दुनियाई मां भेजू, कि तैस पुड़ विश्वास केरने सेइं असन हमेशारी जिन्दगी मैल्ले। 10 प्यार इस सेइं नई कि असेईं परमेशरे सेइं प्यार कियो, पन इस मां आए, कि तैने असन सेइं प्यार केरो, ते इरशे पापां केरे छुटकारे लेइ अपनू मट्टू भेजू। 11 हे दलारव, जैखन परमेशरे असन सेइं एरो प्यार कियो, त असेईं भी एक्की होरि सेइं प्यार कियोरो लोडे। 12 परमेशर कधी केन्चे नई लवरो; अगर अस एप्पू मांमेइं

प्यार रखम, त परमेशर असन मां बनो रहते; ते तैसेरो प्यार असन मां सिद्ध भोरौए। 13 इस सेइं अस ज्ञानतम, कि अस परमेशरे मां बनो रातम, ते परमेशर असन मां, किजोकि तैने असन अपने आत्माईं मरां दित्ती। 14 ते असेईं हेरू भी, ते गवाही भी देतम, कि बाजी परमेशरे, मट्टू दुनियाईं मां मुक्ति देनेबालो केरतां भेजोरौए। 15 जै इन मन्ते, कि यीशु परमेशररू मट्टूए, परमेशर तैस मां बनोरौ रहते, ते तै परमेशरे मांए। 16 ते जै प्यार परमेशर असन सेइं केरते, तै असेईं ज्ञानो, ते असन तैस पुड़ विश्वास, परमेशर प्यारे, जै प्यारे मां बनोरौ रहते, ते परमेशर तैस मां बनोरौ रहते। 17 इस सेइं प्यार असन मां सिद्ध भोव, कि असन इन्साफेरे दिहैडी दिलेरी भोए, किजोकि जेरो तै आए, तेरे अस भी दुनिया मां अहम। 18 प्यारे मां डर न भोए, बल्के सिद्ध प्यार डरे दूर केरते, किजोकि डरेरो रिशतो सजाईं सेइं भोते, ते जै डरते, तै प्यार मां सिद्ध नईं। 19 अस परमेशरे सेइं ते होरन सेइं एल्हेरेलेइ प्यार केरतम, कि पेड़लो परमेशरे असन सेइं प्यार कियो। 20 अगर कोई ज़ोए कि, “अवं परमेशरे सेइं प्यार केरताईं,” पन अपने ढूलाए सेइं बैर रखे, ते झूठोए, किजोकि जै विश्वासी ढूलाए सेइं जै तेने लोरौए प्यार न केरे, त परमेशरे सेइं भी जै तेने लवरो नईं, प्यार न केरि सके। 21 ते तैस करां असन ई हुकम मैलते, कि जै अपने परमेशरे सेइं प्यार केरते, तै विश्वासी ढूलाए सेइं भी प्यार केरते।

**5** जेसेरो ई विश्वासे कि यीशु ही मसीहे, तै परमेशरेरो बच्चोए, ते जै परमेशरे सेइं प्यार केरते, तै तैस सेइं भी प्यार केरते, जैना परमेशरेरे बच्चेन। 2 जैखन अस परमेशरे सेइं प्यार केरतम, ते तैसेरे हुकमन मन्तम, त इस सेइं अस ज्ञानतम, कि अस परमेशरेरे बच्चेन सेइं प्यार केरतम। 3 अस परमेशरेरे हुकम मेन्तां तैस प्यार हिरातम, ते तैसेरे हुकम मुशकलन नईं। 4 किजोकि जै परमेशरेरो बच्चोए, तै दुनियाईं पुड़ जीत हासिल केरते, ते तै जीत जैस सेइं दुनियाईं पुड़ जीत हासिल केरतम तै इशो विश्वासे। 5 दुनियाईं पुड़ जीत हासिल केरनेबालो कौने, सिर्फ तै जेसेरो ई विश्वासे, कि यीशु, परमेशररू मट्टूए। 6 ईए तैए, जै पैनी ते खूनेरे जिरिये ओरो थियो; मतलब यीशु मसीह, तै न सिर्फ पैनी सेइं, बल्के पैनी ते खूने दुइयां केरे जिरिये ओरो थियो। ते ई आत्मा जै गवाही देतीए, किजोकि तै सच्चे। 7 ते गवाही देनेबाले टूलाई आन 8 आत्मा, ते पानी, ते खून, ते टूलेइयां केरि एक्की गल्ली पुड़े गवाही देतन। 9 जैखन अस मैनू केरि गवाही मन्तम, त परमेशरेरी गवाही त तैस करां भी बड्डीए, कि तैने अपने मट्टेरे बारे मां गवाही दित्ती। 10 जै परमेशरेरे मट्टे पुड़ विश्वास केरते, तै अपने आपे मां ई गवाही रखते, जैने परमेशरे पुड़ विश्वास न कियू, तैने तै झूठो ठहराव, किजोकि तैने तैस गवाही पुड़ विश्वास न कियो, जै परमेशरे अपने मट्टेरे बारे मां दित्तीरीए। 11 ते तै गवाही ईए, कि परमेशरे असन हमेशारी ज़िन्दगी दित्ती, ते ई ज़िन्दगी तैसेरे मट्टे मांए। (aiōnios g166) 12 जेसेरो रिशतो मट्टे सेइं आए तैस कां ज़िन्दगीए, ते जेसेरो

रिशतो परमेशरेरे मट्टे सेइं नईं, तैस कां हमेशारी ज़िन्दगी भी नईं। 13 मीं तुसन, जै परमेशरेरे मट्टेरे नञ्चे पुड़ विश्वास केरतो भोए, एल्हेरेलेइ लिखताईं, कि तुसन पतो लग्गे, कि हमेशारी ज़िन्दगी तुशुशीए। (aiōnios g166) 14 ते असन परमेशरेरे सामने ई दिलेरी भोतीए, तै ईए; कि अगर अस तैसेरे मेज्जी सेइं किछ मगतम, त तै इशु शूनते। 15 ते अगर अस ज्ञानतम, कि जैने किछ अस परमेशरे करां मगतम, तेन असन मैलते। 16 अगर कोई विश्वासी ढूलाए कोई एरो पाप केरतो लाए, जेसेरो नितीजो मौत न भोए, त बिनती केरे, ते परमेशर तैसेरेलेइ, जैने एरो पाप कियोरोए जेसेरो नितीजो मौत नईं, ज़िन्दगी देलो। पाप एरो भी भोतेए जेसेरो नितीजो मौते, एसेरे बारे मां अवं प्रार्थना केरनेरे बारे मां न जोई। 17 सेल्भी किसमेरी बुराईं त पापे पन एरो भी पापे, जैरेरो नितीजो मौत नईं। 18 अस ज्ञानतम, कि जैना परमेशरेरे बच्चेन, तैना लगातार पाप न केरन, पन परमेशररू मट्टू यीशु तैस बचाते, ते शैतान तैसेरू किछ न केरि सके। 19 अस ज्ञानतम, कि अस परमेशरे सेइं अहम, ते सारी दुनिया तैस शैतानेरे कब्जे मां आए। 20 ते इन भी ज्ञानतम, कि परमेशररू मट्टू यीशु मसीह इस दुनियाईं मां ओरूए, ते तैने असन समझ दित्तीरीए, कि अस सच्चे परमेशरे पिशानम, ते अस तैस मां जै सच्चे मां आए, मतलब तैसेरे मट्टे यीशु मसीह मां बनोरौ रातम, सच्चो परमेशर ते हमेशारी ज़िन्दगी ईए। (aiōnios g166) 21 हे बच्चव, हर अक तैस चीजी करां दूर राथ, जै तुशुशे दिले मां परमेशरेरी ठार नेतीए।

## 2 यूहन्ना

1 अवं यूहन्ना कलीसियारो बुजुर्ग, तैस बेइन ते तैसेरे बच्चन जैना परमेशरे चुनोरेन ई चिट्ठी लिखने लोरोई। जैन सेई अवं सच्चो प्यार केरताई। सिर्फ अवं नई पन तैना सारे जैना सच्चे जानतन तुसन सेई प्यार केरतन। 2 अस तुसन सेई प्यार केरतम किजोकि अस सच्चरी शिक्षाई पुड़ विश्वास केरतम, ते अस तैस शिक्षाई हमेशारे लेइ मन्ते राले। (aiōn g165) 3 बाजी परमेशर ते तैसेरे मट्टू यीशु मसीह असन अनुग्रह, दया, शान्ति देन। इना सब इशे लेइ आए अस जैना सच्चे मन्तम ते एक्की होरि सेई प्यार केरतम। 4 अवं बड़ो खुश भोव, जैखन मीं तेरे किछ बच्चां केरे बारे मां शुनू कि तैना परमेशरिरे बत्तां चलने लोरेन, तैना तैन्ने केरने लोरेन जैन इशे बाजी परमेशरे असन केरनेरे लेइ ज़ोरूए। 5 हुनी हे बेइन, अवं तीं कां मिनत केरताई, असेई एक्की होरि सेई प्यार कियोरो लोडे, ई अक नंवो हुकम नई पन अक आदेशे जै अस तैस वक्ते करां ज्ञानतम, जेइसेरू असेई यीशु मसीह पत्ती चलनू शुरू कियोरूए। 6 सच्चो प्यार ई आए जैखन अस परमेशरिरे हुकम मन्तम। जेइसेरू तुसेई यीशु मसीह पत्ती चलनू शुरू कियोरू तेइसेरू तुसेई शुनेरू कि परमेशरे हुकम दित्तोरो, कि हमेशा एक्की होरि सेई प्यार कियो लोडे। 7 अवं इन एल्हेरेलेइ ज़ोताई, किजोकि बड़े लोक जैना होरि लोकन झूठी शिक्षारे जिरिये धोखो देतन। तैना दुनियारे अलग-अलग ठैरन मां ज़ोरेन। तैना ज़ोतन यीशु मसीह मैनेरे रूपे मां नई ओरो, अगर कोई मैन्हु एन्चरे ज़ोते, त तै मसीहेरो खलाफत केरनेबालोए जै हमेशा लोकन धोखो देते। 8 एल्हेरेलेइ तू अपने बारे मां खबरदार रा कि तैना लोक तीं धोखो न देन। जै मेहनत परमेशरिरे सेवारे लेइ तीं की तै बेफैइदी न भोए, पन तुस तैना सैरी बरकतां हासिल केरेलो जैना देनेरो वादो परमेशरे तुसन सेई कियोरोए। 9 अगर कोई मैन्हु मसीहेरी शिक्षाई पुड़ लगातार न चले पन तैस मां होरू किछ ज़ोड़ते त तैसेरो रिश्तो परमेशरे सेई साथी नई, तैस कां परमेशर नई। पन अगर कोई मसीहेरी शिक्षाई मां बनोरो रहते, तैसेरो रिश्तो बाजी परमेशर ते तैसेरे मट्टे यीशु मसीह सेई भी आए। 10 अगर कोई तुशे सभाई कां एज्जे, ते मसीहेरे बारे मां ईए शिक्षा न दे, त तैस न अपने घरे मां एज्जेने देथ, ते न तैस नमस्कार केरतां होसलो न देथ। 11 किजोकि जै कोई एरे मैन्हु जो नमस्कार केरते, तै तैसेरे बुरे कम्मन मां शामिल भोते। 12 बेड़ि गल्लां आन जैना अवं तुसन सेई ज़ोनी चाताई, पन अवं तैना एन्चरे चिट्ठी मां लिखनी न चैई। पन मीं उमीदे कि अवं तुसन कां एज्जेलो ते अस आमने-सामने भोड़तां गल्लां केरमेले, तैखन अस पूरे तरीके सेई खुश भोले। 13 तेरी चुनोरी बेइनारे बच्चे इड़ी जैना परमेशरिरे चुनोरेन नमस्कार ज़ोतन।



### 3 यूहन्ना

1 अवं यूहन्ना कलीसियारो बुजुर्ग आई, हे ट्लारे गयुसे अवं तींजो ई चिट्टी लिखने लोरोई। अवं सच्चरे तीं सेईं प्यार केरताई। 2 मेरे ट्लारे दोस्त, मेरी प्रार्थना ई आए, कि जेन्चरे तू आत्मिक तरक्की केरि रवरोस, तेन्चरे तू सेबभी गल्लन मां तरक्की केरतो रास, ते तेरी जान भी राजी राए। 3 किजोकि किछ विश्वासी लोकेईं मीं सेईं एइतां ज़ोवं, कि तू केन्चरे सच्चरे मुताबिक ज़ीने लोरोस त अवं बड़ो खुश भोव। 4 ज़ैखन भी अवं शुनताई कि तैना, ज़ैना मेरे बच्चां केरे ज़ेरे आन तैना सच्चरे मुताबिक ज़ीतन, तैखन अवं बड़ो खुश भोताई। 5 हे ट्लारा, तीं इश्शे विश्वासी सैथी केरि मद्दत केरनेरे लेइ वफादेरी सेईं बड़ किछ कियोरूए, इड़ी तगर ज़ैन तू ज़ानस भी न तैन केरि भी मद्दत केरतस। 6 इन मरां किछ लोकेईं इट्टेरी कलीसियारे विश्वासी लोकन सेईं ज़ोवं, कि तुस अपने मसीही लोकन सेईं केत्रो जादे प्यार केरतथ। हुनी अवं तीं ज़ोताई ज़ैना इना लोक तीं करां गान त तीं तैन केरि मद्दत केरती रावरी लोइ किजोकि एस सेईं परमेशर खुश भोते। 7 किजोकि इना लोक मसीहेरू वचन प्रचार केरनेरे लेइ सफर केरतन, ते गैर विश्वासी लोकन करां किछ मद्दत न नेन। 8 एल्हेरेलेइ असेईं तैन केरि आदर-खातर कियोरी लोइ, ताके अस भी तैन सेईं साथी सच्च प्रचार केरनेरे कम्मे मां शामिल भोम। 9 मीं तुश्शे नगरेरे कलीसियारे लोकन पेइले चिट्टी लिखोरी थी, पन दियुत्रिफेस मेरे हदायतन कबूल केरने करां इन्कार केरते, किजोकि तै हमेशा अपनो आप कलीसियारो लीडर बनानो चाते। 10 एल्हेरेलेइ अगर अवं एज्जेलो, त कलीसियारे लोकां केरे सामने ज़ैन तै केरि रावरोए ज़ोइलो। तै इश्शे खलाफ बुरी-बुरी गल्लां ज़ोइतां झूठे दोष लाते, ते एत्रू नई तै एप्पू प्रचार केरनेबालन कबूल न केरे, ते ज़ैना तैन कबूल केरने चातन, तैन भी ठाकते ते कलीसिया मरां कढतन। 11 हे ट्लारा, तैन लोकां केरि नकल न केरा ज़ैना बुरां कम्मां केरन, पन तैन लोकां केरू ज़ेरू बन्नेरी कोशिश केरा ज़ैना भला कम्मां केरतन। ज़ैखन कोई भला कम्मां केरते तैस सेईं साबत भोते कि तै परमेशरेरो बच्चोए, अगर कोई बुराई केरते तैस सेईं साबत भोते कि तै परमेशर न ज़ाने। 12 कलीसियारो सारे मैन्हु दिमेत्रियुसेरे बारे मां ज़ोतन कि तै रोडो मैन्हु आए, किजोकि तै सच्चरे मुताबिक ज़ीते ते अस भी ज़ोतम कि तै अक रोडो मैन्हु आए, ते तू ज़ानतस अस सच्च ज़ोतम। 13 बेइं गल्लां आन ज़ैना अवं तीं सेईं ज़ोनी चाताई, पन अवं तैना एन्चरे चिट्टेरे ज़िरिये न लिखनी चैई। 14 पन मीं उमीदे कि अवं तीं सेईं जल्दी मुलाकत केरेलो, तैखन अस आमने-सामने गल्लां केरमेले। अवं प्रार्थना केरताई परमेशर तीं शान्ति दे, इट्टेरे मसीही दोस्त तींजो नमस्कार ज़ोतन, एट्टेरे दोस्तन अकैल्ले-अकैल्ले मां गेइतां मेरू नमस्कार ज़ोइयां।

# यहूदा

1 अवं यहूदा यीशु मसीहेरो सेवक ते कने याकूबेरो निकडो ढूला आई। अवं यहूदा ई चिट्टी तुसन लोकन लिखने लोरोई, जैना परमेशरे कुजवरेथ कि तैस पुड़ विश्वास केरथ। बाजी परमेशर तुसन सेईं प्यार केरते ते यीशु मसीहेरे जिरिये तुस सुरक्षित आथ। 2 अवं प्रार्थना केरताई कि परमेशर तुसन दया ते शान्ति ते प्यार जादे करां जादे दे। 3 हे ट्लारव, अवं लिखनेरे लेइ हर मुमकिन कोशिश केरि रावरो थियो तैस (मुक्करे) नंवे ज़िन्दगरे बारे मां जै यीशु मसीहेरे जिरिये परमेशरे तरफां मैलतीए, जैस मां अस शामिल आमा। पन हुना अवं इन ज़रूरी समझताई कि तुसन इस चिट्टेरे जिरिये होलसो देई, ताके तुस मसीही विश्वास बनोरो रखनेरे लेइ बडी मेहनत केरि बटथ, परमेशरे ई विश्वास अपने सेबभी लोकां केरे लेइ एककी बार दित्तोरोए, ते ई न बेदलोए। 4 किछ लोक जैना यीशु मसीह पुड़ विश्वास केरनेरो दिखावो केरतन तैना तुशके कलीसियान मां शामिल भोरेन। तैना परमेशरेरी आदर न केरन ते तैना ई गलत शिक्षा देतन, कि परमेशरे इश्शे पाप माफ़ कियोरेन ते अस अधर्मी ज़िन्दगी जी बटतम। तैना यीशु मसीहेरो इन्कार केरतन, जै इश्शो अक्के मालिक ते प्रभुए। बडे पेडले पवित्रशास्त्र ज़ोते, परमेशरे एरे ज़ेरे लोकन सज़ा देलो। 5 पन अगर तुसेईं सब गल्लां एककी बार जैनोरिन, फिरी भी अवं तुसन इना गल्लां याद करैनी चाताई, कि प्रभुए इस्राएली लोक गुलेमी मरां आज़ाद किये, ते मिस्र मुलखे मरां कठे पन बादे मां तैने तैना मारे ज़ैनेईं सुनसान ठारी मां तैस पुड़ विश्वास न कियो। 6 तुसेईं तैन स्वर्गदूतां केरे बारे मां सोचोरू लोडे जैना अपने पदे पुड़ खुश न थिये, जै परमेशरे तैन दित्तोरो थियो, पन तैनेईं स्वर्गरे घर शारू; परमेशरे तैना कधी न ट्लुटेने बैली शंगलन सेईं बेंधतां बुन आंधरे मां तैस महान दिहैडी तगर रखोरेन, जेइस ते तैन दोषी बनालो। (aiidios g126) 7 इना इस्राएली ते स्वर्गदूतां केरू जेरू इन भी याद रखा कि सदोम ते अमोरा नगरां ते कने आसेपासेरे नगरां केरे रानेबाले लोकन सेईं कुन भोवं। लोक अधर्मी भोए ते हर किसमेरी बदमाशी केरनेबाले थिये। एल्हेरेलेइ परमेशरे तैना अगारे जिरिये भस्म किये। जैन तैन सेईं भोवं ई तैन झूठे उस्तादां केरे लेइ खबरदारी आप कि तैन भी हमेशारे अगारे जिरिये सज़ा मैलनीए। (aiionios g166) 8 तेन्चरे इना अधर्मी लोक ई दावो केरतन कि परमेशरे दशनि मां ज़ोवरू अधर्मी ज़िन्दगी जीतां तैना अपनो जिस्म अशुद्ध केरि बटतन, ते कोन्ची भी एण्णु पुड़ अधिकार रखनेरी अज़ाज़त न देन ते तैना महिमा बाले स्वर्गदूतां केरे बारे मां बुरी गल्लां ज़ोतन। 9 पन इडी तगर कि प्रधान स्वर्गदूत मीकाईल इन अधर्मी लोकां केरू जेरू न कियूं। जैखन शैतान ते मीकाईल मूसा नेबेरी लाश दबनेरे अधिकारेरे बारे मां बेंस भोइ, त मीकाईल स्वर्गदूते कां इन लोकन करां जादे अधिकार भोनेरे बावजूद भी तैने शैताने बुरी गल्लां ज़ोइतां दोषी न ठहराव, इसेरे बदले तैने इन ज़ोवं, कि

“प्रभु तीं डॉटि।” 10 पन इना लोक तैन चीज़ां केरे खलाफ गलत ज़बान इस्तेमाल केरतन जैन तैना न समझन। ते जैन चीज़न तैना समझतन तैन लैट्टे जानवरां केरे ज़ेरे केरतन, एना चीज़ां केरतां तैना अपनो आप नाश केरतन। 11 तैन पुड़ अफ़सोस! किजोकि तैना आदमेरे मट्टे कैनेरो ज़ेरो बुरो सलूख केरतन, जैन अपनो ढूला मारो। तैना जल्दी जेन्चरे बिलामे पेइंसो कमानेरे लेइ लोकन करां पाप कराव तैनेईं भी तैए गलती की, ते जेन्चरे करोह नाश कियो किजोकि तैने (मूसेरे खलाफ) खलाफत की, तेन्चरे तैना लोक भी नाश किये गाले किजोकि तैना भी प्रभुएरे खलाफ खलाफत केरने लोरेन। 12 जैखन इना लोक धामन मां खातन जैना तुस प्रभुएरो प्यार याद केरनेरे लेइ बनातथ, त तैना समुन्दरेरी छेपोरी शफ़ड़ा केरे ज़ेरे खतरनाक आन, जैना तुसन डोबनेरी वजा बेनि बटतन। तैना तैन बेशर्म पुहालां केरे ज़ेरे आन जैना सिर्फ़ अपनो खियाल रखतन। तैना बगैर पैने बिदलारारे ज़ेरेन जैन हवा उडारतीए, तैना शोरेरे बेफल बट्टां केरे ज़ेरे आन. जैना ज़ीलना उखड़ोरेन ते दुइये तरीकेईं सेईं मरैन। 13 जेन्चरे समुन्दरेरी मज़बूत छेल्ली गंदी शैमफ़ एनतिन, तेन्चरे इना लोक बेशर्म कम्मां केरतन। तैना किछ तारां केरे ज़ेरे आन जैना सिद्धे बत्तां न चलन, तैना सही बत न हिरान। प्रभुए तैन केरे लेइ अक ठार रखोरि जै पूरे तरीके सेईं आंधरीए ज़ैडी तैनेईं हमेशारे लेइ रानू पेनू। (aiion g165) 14 ते हनोक जै आदमेरे सतोवं पीडी मरां थियो, तैने इन अधर्मी लोकां केरे बारे मां भविष्यद्वाणी की। तैने ज़ोवं “हेरा, प्रभु अपने बेशुमार पवित्र स्वर्गदूतन सेईं साथी एज्जेलो। 15 कि सेबभी लोकां केरो इन्साफ़ केरे, ते तैन केरे सेबभी बुरां कम्मां केरे बारे मां जैना तैनेईं परमेशरेरे खलाफ कियोरन ते सैरी बुरी गल्लां जैना तैनेईं तैसेरे खलाफ कियोरिन तैन केरे बारे मां तैन दोषी बनालो।” 16 इना लोक हमेशा परमेशरेरे खलाफ ज़ोतन ते होरि केरि गेलती कढतन। तैना अपने मनरे मेरज़रे मुताबिक लगातार बुरां कम्मां केरतन। तैना अपने बारे मां घमण्ड केरतन ते अपने फेइदेरे लेइ होरि केरि चापलूसी केरतन। 17 पन हे ट्लारव, तुस तैन गल्लन याद रखा; जैना गल्लां इश्शे प्रभु यीशु मसीहेरे प्रेरितेईं पेइली ज़ोरिन। 18 तैना तुसन सेईं ज़ोते थिये, “कि आखरी दिहाइन मां एरे लोक भोले जैना प्रभु ते तैसेरे लोकां केरो मज़ाक बनाले। इना तैना लोक आन जैन केरि ज़िन्दगी तैन केरे बुरी इच्छा केरे कैबू मां आए।” 19 इना तैना लोक आन जैना तुसन अलग-अलग टोलन मां बंटतन, तैन केरि बुरी इच्छां तैन चलैतिन ते तैन कां परमेशरेरो आत्मा नई। 20 पन हे ट्लारव, तुस एककी होरेरी मदत केरते राथ कि बडे पवित्र सच्चे मां बद्धथ जैन तुस विश्वास केरतथ। तुसेईं पवित्र आत्माेरे शक्तेरे अगवैईं सेईं प्रार्थना कियोरो लोडे। 21 तुसेईं लगातार इन जैनतां ज़ीयोरू लोडे कि परमेशर तुसन सेईं प्यार केरते, जेन्चरे तुस बलगने लोरेथ जेइस इश्शो प्रभु यीशु मसीह अपने दयाईं मां तुसन हमेशारी ज़िन्दगी देलो। (aiionios g166) 22 तैन लोकन पुड़ दया केरा जैन

नई पतो कि तैना कोस शिक्षाई पुड विश्वास केरन। 23 किछ होरे लोक जैन तुस ज्ञानतथ कि नरके मां चलोरेन। तैन जल्दी खिचतां हमेशारी अग्गी मरां बचाथ। हेजू भी होरन पुड दया केरा। हांलाकि, ध्यान देथ तैस्से पापे दुबारा न केरा। तुस तैन केरे पापन सेइं अजमैइशी मां न पेथ, ते तैना पाप केरनेरे जिरिये अपनो आप दागदार न केरा। 24 परमेशर तुशशी हफाजत केरनेरे बाले ताके तुस पापेरी जिनंदगी जीतां धोखो न खाथ। तै महिमा बालो परमेशर तुसन एप्पू कां आन्नेरे ते तुसन बेकसूर ते खुशी सेइं भरनेरे काबले। 25 तैए अक परमेशरे जैने यीशु मसीहेरे जिरिये असन मुक्ति दिती, इश्शो प्रभु यीशु लोकन परमेशरेरी आदर केरने ते तैसेरी बडयाई केरनेरी वजा बनाते। ताके तैना इस गल्ली पिशानन कि तेस कां शुरू करां हुन्ना ते हमेशारे लेइ शक्ति ते अधिकार आए। आमीन। (aiōn g165)

# प्रकाशित वाक्य

1 यीशु मसीहेरो प्रकाशितवाक्य, जै परमेशरे तैस एल्हेरेलेइ दितो कि तै अपने सेवकन तैना गल्लां हिराए, जैन केरु जल्दी भोनू ज़रूरीए। यीशु मसीहे अपनो स्वर्गदूत भेजतां तैसेरे ज़िरिये अपने दास यूहन्ना इना गल्लां जोई, 2 अवं यूहन्ना तैन सब लिखने लोरोई जैन मीं लवं, अवं इस मां परमेशरेरु वचन ते यीशु मसीहेरी सच्ची शिक्षारी गल्लां लिखने लोरोई जैना तैनी मीं सेइं जोई। 3 परमेशर तैन सेबभी लोकन बरकत देलो जैना इस भविष्यवैनेर वचने पढ़तन, ते कने जैना शुन्तन ते इस मां लिखोरी गल्लन मन्तन, किजोकि इन गल्लां पूरी भोनेरो वक्त नेडो ओरोए। 4 अवं यूहन्ना आसिया इलाकेरे सत कलीसियान जो लिखने लोरोई। परमेशरे जै आए ते जै हमेशा थियो, ते जै एजनेबालो आए; ते तैन सत आत्मां केरे तरफां जैना तैसेरे तखतेरे सामनेन तुसन अनुग्रह ते शान्ति मैलती राए। 5 ते यीशु मसीहेरे तरफां, जै वफादार गवाह ते मुडदन मरां ज़ींते भोने बालन मरां पेइलोए त कने धेरतेरे राजां केरो प्रधाने तुसन अनुग्रह ते शान्ति मैलती राए। यीशु मसीहे असन सेइं प्यार कियो, त कने तैन अपने खुने सेइं अस पापन करां छुटाए। 6 तैन अस अक राज ते अपने बाजी परमेशरेशरी सेवा केरनेरे लेइ याजक भी बनाए; तैसेरी महिमा ते हकोमत हमेशा भोती राए। आमीन। (aiōn g165) 7 हेरा, मसीह बिदलारी सेइं साथी एजनेबालोए, ते हर कोई तैस लाएलो, बल्के जैना लोक तैसेरे मौतरे लेइ ज़िमेवार थिये, तैना भी तैस लाएले, ते धेरतेरे सारे लोक ज़ोरे-ज़ोरे सेइं लेरां देले। हाँ इन भोलू आमीन। 8 प्रभु-परमेशर जोते, “अव्वे अलफा ते ओमेगा आई, (मतलब पेइलो ते आखर) अवं तै आई, जै आए, जै हमेशा थियो, ते जै एजने बालोई, ते बडो शक्ति बालोई।” तै इन जोते, 9 अवं यूहन्ना तुशुओ विश्वासी दला, ते कने यीशु मसीहेरे लेइ दुःखन मां, परमेशररे राज्जे मां, ते सबरी मां तुसन सेइं साथी शामलाई। अवं पतमुस नव्वेरे टैपू पुड़ परमेशरेरु वचन शुनानेरे त कने यीशुएरी गवाही देनेरे वजाई सेइं कैद थियो। 10 हफतेरे पेइले दिहाडे पवित्र आत्मां अवं अपने केबू मां कियो, मीं एप्पू पत्र अक आवाज़ इन जोते शुनी। तै आवाज़ नडशिगेरी उच्ची आवज़री ज़ेरि थी। 11 “जैन किछ तू लातस, तैस किताबी मां लिखतां सत नगरां केरे कलीसियान कां भेज, मतलब इफिसुस, स्मुरना, पिरगमुन, थुआतीरा, सरदीस, फिलदिलफिया ते लौदीकिया नगरन मां आन।” 12 तैखन जै मीं सेइं गल्लां केरने लोरो थियो तैस हेरनेरे लेइ तक्कू; ते पत्रोवं फिरतां मीं सोन्नेरे सत दीवट लाए। 13 ते तैन दीवटां केरे मझाटे मडदेरो ज़ेरो कोई लाव, तैन पवन तगर लम्मो चोगो लोरो थियो, ते तैसेरे छैती पुड़ सोन्नेरो पटको बंधोरो थियो। 14 तैसेरे दोगे पुड़ तैसेरे बाल छिती उन्नी या हिवेरे ज़ेरे थियो। तैसेरी एछ्छी अगारे लपारी ज़ेरि बेलती थी। 15 ते तैसेरे पाव भेठी मां गर्म कियोरे पितलरे ज़ेरे चमकते

थिये, ते ज़ैखन तैन गल की तैसेरी आवाज़ बडे ज़ोरे सेइं थी, जेन्चरे बडे दरियां केरि ज़ेरि जैना बडे ज़ोरे सेइं चलतन। 16 ते तै अपने देइने हथ्ये मां सत तारे घिन्तां थियो, ते तैसेरे मुखे सेइं दूई धारण बाली तलवार निसती थी, तैसेरु तुरत एरु चमकतू थियूं, जेन्चरे दिहाडो भर-दुपारेई चमकते। 17 ज़ैखन मीं तै लव, त तैसेरे पावन पुड़ मुडदेरो ज़ेरो पेव, ते तैन मीं पुड़ अपनो देइने हथ रखतां इन जोवं, “डर न, अवं पेइलो त कने आखरी आई। 18 ते ज़ींते भी अवं आई, अवं एक्की बार मर्रो थियो, पन हुनी अवं ज़ींतेई ते अवं हमेशा ज़ींते रानोई। मीं मौती पुड़ ते पाताले पुड़ जै मर्रो लोकां केरि ठारे अधिकारे। (aiōn g165, Hadēs g86) 19 एल्हेरेलेइ जैना गल्लां तीं हेरी ते जैना गल्लां भोइ रेवरिन, ते जैना इट्ठां बाद भोने बैलिन, तैना सब लिख।” 20 मतलब तैन सत तारां केरो भेद जैना तीं मेरे देइने हथ्ये मां लोरे थिये, ते तैन सत सोन्नेरे दीवटां केरो भेद, ते सत तारे सत कलीसियां केरे स्वर्गदूतन, ते तैना सत दीवट सत कलीसियान।

2 तैन मीं सेइं इन भी जोवं: “इफिसुस नगरेरे कलीसियारे स्वर्गदूते जो ई सन्देश लिख कि, ‘अवं तै आई जै सते तारे अपने देइने हथ्ये मां घिन्तां फिरताई, ते सोन्नेरे सत दीवटां केरे मझाटे फिरताई, अवं इन जोताई: 2 अवं तेरां कम्मां, तेरी मेहनत, ते तेरु सबर ज्ञानताई। ते इन भी, कि तू बुरे लोकन बर्दाश न केरि बटस; त कने तैन जैना अपनो आप प्रेरित ज़ोतन पन आन नई, तैना तीं परखे ते तैना झूठे निरसे। 3 अवं इन भी ज्ञानताई मेरे नव्वेरे खातर तीं सबरी सेइं दुःख झैल्ले ते तीं मेरी सेवा केरनि न शारी। 4 पन मीं तेरे खलाफ इन ज़ोनूए कि ज़ेरो प्यार तीं मीं सेइं विश्वास केरनेरे वक्ते मां कियोरो थियो इस वक्ते मां न केरस। 5 याद रख तू बिछड़ने करां पेइलो कोडि थियो। तू पाप केरने करां मनफिरा ते तेरही ज़िन्दगी ज़ी ज़ेरि पेइलो विश्वास केरनेरे वक्ते ज़ीतो थियो। अगर तू मन न फिरालो त अवं तीं कां एडतां तेरु दीवट तैस ठारां पुटेलो। 6 पन हाँ तीं मां ई गल त आए, कि तू नीकुलइयां केरे कम्मन सेइं नफरत केरतस, जैन सेइं अवं भी नफरत केरताई। 7 जै समझनू चाते तै ध्याने सेइं शुने कि परमेशररो आत्मा कलीसियान सेइं कुन जोते, जै ज़ींते हासिल केरे, अवं तैस, ज़िन्दगरे बुटे मरां फल खानेरे लेइ देइलो जै ज़िन्दगी देते, जै परमेशररे स्वर्ग लोके मां।” 8 तैन मीं सेइं इन भी जोवं, “स्मुरना नगरेरे कलीसियारे स्वर्गदूते जो ई सन्देश लिख, ‘जै पेइलो ते आखरीए; जै मर्रो थियो ते हुनी ज़ींते भोरोए, तै इन जोते: 9 अवं ज्ञानताई कि तू स्तव गातस ते तू गरीब आस, पन आत्मिक गल्लन मां तू धनी आस। अवं इन भी ज्ञानताई कि जैना लोक ज़ोतन कि तैना परमेशररे चुनारे (यहूदी) लोकन, पन तैना असलीती मां नई। तैना तुशुओ बारे मां बुरी गल्लां ज़ोतन, पन हकीकति मां तैन केरो रिशतो एरे टोली सेइं आए जै शैतानेरी। 10 जैना दुःख तीं झैल्लेने पेनेन तैन करां न डर। शैतान तुसन मरां किछ लोकन टलुइतां कैद करालो ताके तैना परखे गान। ते तुसन दश दिहाइन तगर

बड़ी दुःख झैल्लनो भोलो। पन मीं पुड़ विश्वास केरनो न शार, तर ठेमतां रख। 26 जैना लोक ज़ीत हासिल केरन, ते जै मेरे चाए जान भी देनी पे, किजोकि अवं तेरे ज़ीतरे लेइ हमेशारे जिन्दगर इनाम देइलो। 11 जै समझनू चाते तै ध्याने सेइं शुने कि परमेशेरो आत्मा कलीसियान सेइं कुन ज़ोते, जै ज़ीते, तैस दुइयोवं मौती सेइं नुकसान न पुजेलो।” 12 तैने मीं सेइं इन भी ज़ोवं, “पिरगमुन नगरेरे कलीसियारे स्वर्गदूते जो ई सन्देश लिख, ‘अवं तै आईं जैस कां दुई धारण बाली तिख्खी तलवारे, अवं इन ज़ोताईं: 13 अवं इन ज्ञानताईं, कि तू तैड़ी रातस जैड़ी शैतान राज़ करते, तू मीं सेइं साथी ईमानदार राव, त कने तू मीं पुड़ विश्वास केरनो कथे न शारस। तीं इड़ी तगर विश्वास कियो ज़ेइस मेरो वफादार गवाह अन्तिपास तैनेई तैस ठैरी मारो, जैड़ी शैतान राज़ करते। 14 पन मीं तेरे खलाफ किछ गल्लां ज़ोनिन, किजोकि तू तैन केरि खलाफत न केरस जैना तुशु कलीसियाईं मां झूठी शिक्षा देतन तेन्चरे जैन बिलामे बीतोरे वक्ते मां शिखालू। बिलामे बालाक राज़े शिखालू कि इस्राएली लोकां केरि अज़मैइशरे केरे ताके तैना पाप केरन। तैने शिखालू कि तैना मूरतन पुड़ बलिदान कियोरी चीज़ां खान ते बदमाशी केरन। 15 तेन्चरे तुसन मां किछ लोक एरे आन जैना नीकुलइयां केरि शिक्षा मन्तन। 16 ते मनफिरा, नई त अवं तीं कां जल्दी एजतां तैन लोकन सेइं तैस तलवारी सेइं लेइलो जै मेरे ऐशेरां निसतीए। 17 जै समझनू चाते तै ध्याने सेइं शुने कि परमेशेरो आत्मा कलीसियान सेइं कुन ज़ोते; जैना लोक ज़ीत हासिल केरन, तैन अवं छपोरो मन्ने मरां देइलो, त कने अवं तैन अक छितो घोड़ भी देइलो; तैस घोड़े पुड़ अक नवं लिखोरू भोलू, जैस तैसेरे हासिल केरनेबालेरी अलावा होरो कोई न ज़ानेलो।” 18 तैने मीं सेइं इन भी ज़ोवं, “थुआतीरा नगरेरे कलीसियारे स्वर्गदूते जो ई सन्देश लिख कि, ‘अवं परमेशेरे महु ज़ेसेरी एछ्छी अगारी ज़ेरिन, त कने ज़ेसेरे पाव कीमती पीतलारे ज़ेरिन, अवं इन ज़ोताईं: 19 अवं तेरे कम्मन, तेरे प्यारे, विश्वास, सेवा त कने सबरी ज्ञानताईं, ते इन भी ज्ञानताईं, कि तेरां आखरी कम्मां पेइले कम्मन करां बेद्वतन। 20 पन मीं तेरे खलाफ इन ज़ोनूए, कि तू तै कुआन्श इजेबेल राने देतस; जै अपनो आप नबिन ज़ोतीए, ते मेरे दासन बदमाशी केरने त कने मूरतन कां चाढ़ोरू खानू शिखलतां टपलातीए। 21 मीं तैस मनफिरानेरे लेइ मौको दितो, पन तैसा अपने बदमाशी केरने करां मन न फिरानो चाव। 22 हेरा, एल्हेरेलेइ अवं तैस बिमार केरेलो; ते जै तैस सेइं बदमाशी केरेलो अगर तैना भी तैन कम्मन करां मन न फिराले, त तैन बड़े मुसीबती मां छेडेलो। 23 ते अवं तैसेरे बच्चन मैरेलो; ते तैखन सब कलीसियां बुझेली कि दिल् त कने मनरो परखने बालो अवं आईं; ते अवं तुसन मां हर एक्की तैसेरे कम्मां केरे मुताबिक बदलो देइलो। 24 पन तुस थुआतीरा नगरेरे बाकी लोकन सेइं, जैना तैस शिक्षाईं न मन्न्, जैन गल्लन जो तैना शैतानेरी दुगी गल्लां ज़ोतन न जानून, इन ज़ोताईं, कि अवं तुसन पुड़ होरो बोझ न रेख्खी। 25 पन हाँ, जैन तींकांए तैस मेरे एजने

तर ठेमतां रख। 26 जैना लोक ज़ीत हासिल केरन, ते जै मेरे इच्छारे मुताबिक आखरी तगर केरतो राए, अवं तैस सेरी कौमां केरे लोकन पुड़ अधिकार देइलो। 27 अवं तैस तेरहो अधिकार राज़ केरनेरे लेइ देइलो ज़ेरो मेरे बाजे मीं दितोरोए। तैन केरू राज़ लोहेरू जेरू मज़बूत भोलू जैन ट्लुटे न, ते तैन केरे दुश्मन मितरे भाण्डां केरे ज़ेरे चूर-चूर भोलो। 28 अवं तैन केरि ज़ीत हिरानेरे लेइ तैन झेझेरो तारो भी देइलो। 29 जै समझनू चाते तै ध्याने सेइं शुने कि परमेशेरो आत्मा कलीसियान सेइं कुन ज़ोते।”

**3** तैने मीं सेइं इन भी ज़ोवं, “सरदीस नगरेरे कलीसियारे स्वर्गदूते जो ई सन्देश लिख कि, ‘जैस कां परमेशेरी सत आत्मान ते सत तारेन, ते इन ज़ोते कि अवं तेरे कम्मन ज्ञानताईं, कि तींझो ज़ीतो ज़ोतन, पन तू आस मर्रो। 2 एल्हेरेलेइ बींझो रा, ते तैन चीज़न जैना रेवरिन, ते जैना मिटने बैलिन, तैन मज़बूत केर; किजोकि मीं तू केन्ची चीज़ी मां अपने परमेशेरे कां पूरो न लव। 3 याद केर, कि तीं केरि शिक्षा मैलोरी थी तीं ते शुनीरी थी, ते तैस मनतो रा ते कने मनफिरा, ते अगर तू बींझो न रालो, त अवं चोरोरे ज़ेरो एज्जेलो ते तू कथे न ज़ानेलो, कि अवं कोस घेड़ी तीं पुड़ एज्जेलो। 4 पन सरदीस नगरे मां तुसन मां किछ लोक एरे आन, जैनेईं अपनो आप पापे सेइं अशुद्ध नई कियोरो, तैना छित्तां लिगड़ां लेइतां मीं सेइं साथी च़लेले किजोकि तैना इस काबलन। 5 जैना ज़ीत हासिल केरेले तैन इस्से तरीके सेइं तैन केरां ज़ेरां छित्तां लिगड़ां लुवां गालां। अवं तैन केरू नवं तैस किताबी मरां हटेइलो जैस मां परमेशेरे तैन केरां नव्वां लिखोरन जैना हमेशारी जिन्दगी हासिल केरेले। अवं तैन केरू नवं अपने बाजी ते अपने स्वर्गदूतां केरे सामने एलान केरेलो। 6 जै समझनू चाते तै ध्याने सेइं शुने कि परमेशेरो आत्मा कलीसियान सेइं कुन ज़ोते।” 7 तैने मीं सेइं इन भी ज़ोवं, “फिलदिलफिया नगरेरे कलीसियारे स्वर्गदूते जो इन लिख, ‘अवं तै आईं जै पवित्र ते सच्चे, ते जैस कां दाऊदेरी चाबीए, ज़ेसेरे खोल्लेरे कोई बंद न केरि सके ते ज़ेसेरे बंद केरें कोई खोल्लेरे न सके, तै इन ज़ोते: 8 अवं तेरे कम्मन ज्ञानताईं, हेर, मीं तेरे सामने अक बत खोलरोरीए, जैस कोई बंद न केरि सके कि तेरी शक्ति थोड़ीए, ते तीं मेरू वचन मनोरूप, ते मेरे नव्वेरो इन्कार नई कियोरो। 9 हेर, जैन लोकां केरो रिशतो शैतानेरी टोली सेइं आए, तैना ज़ोतन कि तैना यहूदी आन, पन आन नई, बल्के झूठ ज़ोतन हेर, अवं एरू केरेलो, तैना तीं कां एइतां झुकेले, ते इन ज़ानेले, कि अवं तीं सेइं प्यार केरताईं। 10 जैखन तू दुःख झैल्लतो थियो तीं सबरी सेइं मेरो सन्देश मन्नो। एल्हेरेलेइ अवं भी तीं बड़े अज़मैइशरे वक्ते बवेइलो, जै धेरतली पुड़ रानेबालन पुड़ परखनेरे लेइ सारे दुनियाईं पुड़ एजने बालीए। 11 अवं जल्दी एजने बालोईं; जैन किछ तींकांए, तैस ठेमतां रख, कि कोई तेरू ताज न थसोड़े। 12 जै ज़ीत हासिल केरे, तै जेन्चरे अक खम्भो घरे मज़बूत रखते, तेन्चरे तै भी परमेशेरे मन्दरे मां हमेशा रालो; ते अवं अपने परमेशेरे नवं, ते अपने परमेशेरे नगर, मतलब

नंवे यरूशलेमेरू नवं, जैन नगर स्वर्गं पुड़ां एजने बालूए ते अपनू नंवं नवं तैस पुड़ लिखेले। 13 जै समझून चाते तै ध्याने सेइं शुने कि परमेशरो आत्मा कलीसियान सेइं कुन ज़ोते।” 14 तैने मीं सेइं इन भी ज़ोवं “लौदीकिया नगररे कलीसियारे स्वर्गदूते जो ई सन्देश लिख कि, “जै आमीन, वफादारे, ते सच्चो गवाह आए, ते परमेशरी स्रष्टिरी वजाए, तै इन ज़ोते। 15 कि अवं तेरे कम्मन ज्ञानताई, कि तू तैस पैनेरो ज़ेरोस ज़ैन न ठंडू ए ते न गर्म, रोडू भोथू कि तू ठंडो भोथो या फिरी गर्म, यानी तू मीं पुरो विश्वास केरेथो या बिलकुल न केरेथो। 16 एल्हेरेलेइ तू निघोस, ते न ठंडोस ते न त्तओस, पन तू अध्ये मने सेइं मीं पुड़ विश्वास केरतस, एल्हेरेलेइ अवं तीं रद केरनेबालो आई। 17 तू ज़ैन ज़ोतस, कि अवं धनी, ते धनी भोरोई, ते मीं केन्ची चीज़री घटी नई, ते इन न ज्ञानस, कि तू बदकिसमत ते तुच्छ ते कंगाल ते कानो, ते नगोस। 18 एल्हेरेलेइ अवं तीं सलाह देताई, कि अग्गी मां तौरू सोन्नी मीं करां ने, कि धनी भोस; ते छित्तां लिगडां ने, कि तीं अपने नगगे पनेरी शर्म न भोए; ते अपने एछ्छी केरे लानेरे लेइ कजल ने, कि तू लास। 19 अवं ज़ैन-ज़ैन सेइं प्यार केरताई, तैन शिखालताई ते सज़ा देताई ताके तैना रोड़े बनन। एल्हेरेलेइ भलाई केरने मां लगोरो रा, ते पापन करां मनफिरा। 20 हेर, तेरे दिले मां एजनेरे लेइ अवं ज़ेन्चरे कोई घेरू दार गुडकाते अवं तेन्चरे आई; अगर तू मेरी आवाज़ शुन्तां अपनो दिल खोल्लस, त अवं अन्तर एज्जेलो ते अस एप्पू मांमेइं संगती केरमेले। 21 जै जीते, अवं तैस एप्पू सेइं साथी अपने तखते पुड़ बिशलेलो, ज़ेन्चरे अवं भी जीत हासिल केरतां अपने बाजी केरे तखते पुड़ बिशरोरोई। 22 जै समझून चाते तै ध्याने सेइं शुने कि परमेशरो आत्मा कलीसियान सेइं कुन ज़ोते।”

**4** इना गल्लां हेरनेरां पत्ती, मीं स्वर्गं मां अक दार खुल्लोरू लाव। ते मीं सेइं कोई गल्लां केरने लाव ई तैए थियो ज़ेने मीं सेइं पेइली गल्लां की, तैसेरी आवाज़ नडुशिनगरे ज़ेरि थी। तैने मीं सेइं ज़ोवं, “इडी बा एई: अवं तीं तैना गल्लां हिरेइलो, ज़ैन केरू इन गल्लां केरे पत्ती पूरू भोनु ज़रूरीए।” 2 अकदम पवित्र आत्मां अवं अपने केबू मां कियो; ते मीं स्वर्गं मां अक तखत लाव ते तैस तखते पुड़ कोई बिशोरो लाव। 3 ते ज़ै तैस तखते पुड़ बिशोरो थियो, तै यशब ते मानिक कीमती घोड़ां केरो ज़ेरो लेइहोतो थियो। ते तैस तखते चेरे पासन भुन्जल्लैठ थी, ज़ै मरकत घोड़ेरी ज़ेरि लेइहोती थी। 4 तैस तखतेरे चेरे पासन चोब्ही तखत थिये; ते तैन तखतन पुड़ चोब्ही बुजुर्ग छित्तां लिगडां लेइतां बिशोरे थिये, ते तैन केरे दोगन पुड़ सोन्नेरां ताजां थियां। 5 ते तैस तखते मां बिजली ते गुडने ते तखतेरे सामने अगारे सत दीवट बलने लोरे थिये, इन परमेशरेरे सत आत्मा आन। 6 ते तैस तखतेरे सामने शीशेरो साफ समुन्द्र थियो ज़ै बरफारो ज़ेरो थियो, ते तखतेरे मझाटे ते तखतेरे चेरे पासन प्राणी थिये, तैन केरे सैरे जानी पुड़ एछ्छी-एछ्छी थी। 7 पेइलो प्राणी शेररो ज़ेरो थियो, ते दुइयोवं प्राणी दंतोरो ज़ेरो, ट्लेइयोवं

प्राणी मैनेरो ज़ेरो थियो, ते चेवरोवं प्राणी उडरने बाले उकाबेरो ज़ेरो थियो। 8 ते चेरे परेणी केरां शा-शा फंगां थियां ते तैन पुड़ एछ्छी थी इडी तगर कि फंगन अन्तर भी एछ्छी थी, तैना रात दिहाडी बगैर आरामे इन ज़ोते रातन, “पवित्र, पवित्र, प्रभु-परमेशर, सर्वशक्तिमान, ज़ै थियो, ज़ै आए, ते ज़ै एजनेबालोए।” 9 ज़ै तखते पुड़ बिशोरो ज़ै हमेशा-हमेशा जीतोए, तैना प्राणी तैसेरी महिमा ते आदर ते शुक्र केरेले, (aiōn g165) 10 ज़ैखन चोब्ही बुजुर्ग तखतन पुड़ बिशने बाले कां मथ्यो टेकेले, ते तैसेरी आराधना केरेले। ते तैना अपना-अपना ताजां तखतेरे सामने इन जोइतां रखेले: (aiōn g165) 11 “हे इश्शे प्रभु-परमेशर, तींए सैरी चीजां बनेइ। तेरे मेर्जी सेइं सब चीजां बनेइ जेई ते वजूदे मां एई। एल्हेरेलेइ तूए महिमा, आदर ते शेक्तेरे काबलस।”

**5** ज़ै तखते पुड़ बिशोरो थियो, मीं तैसेरे देइने हथ्ये मां अक किताब लाई, ज़ै अन्त्रमेई त कने बेइमेई लिखोरी थी, ते तै सत मोहरां लेइतां बन्द कियोरी थी। 2 फिरी मीं अक ताकतबर स्वर्गदूत लाव, ज़ै ज़ोरे ज़ोरे सेइं ई प्रचार केरतो थियो। “इस किताबारो खोल्लने ते इसेरी मोहरां ट्लोइनेरे काबल कौने?” 3 पन न स्वर्गं मां, न धरती पुड़ न धरतारे बुन कोई तैस किताबी खोल्लने या तैस पुड़ नज़र केरनेरे काबल मैलो। 4 ते अवं ज़ोरे-ज़ोरे सेइं लेरां देने लव, किजोकि तैस किताबरे खोल्लनेरे या तैस पुड़ नज़र केरनेरे काबल कोई न मैलो। 5 तैखन तैन बुजुर्गन मरां एक्के मीं सेइं ज़ोवं, “लेरां न दे, तक, तै ज़ैस जो यहूदारे गोत्रेरो शेर ज़ोतन, ज़ै दाऊद राजेरे खानदाने मरांए तैने तै किताबी खोल्लनेरे ते सत्ते मोहरां ट्लोइनेरे लेइ शैतान हारावरोए।” 6 तैखन मीं तखत ते चेरे प्राणी त कने तैन बुजुर्गां केरे मझाटे अक मारोरू गबडू लाव। तैसेरां सत शिन्गाँ ते सत एछ्छी थी; इना परमेशरेरी सते आत्मान, ज़ैना सैरी धरतली पुड़ भेजोरिन। 7 गबडे अगगर एइतां ज़ै तखते पुड़ बिशोरो थियो तैसेरे देइने हथ्ये मरां तै किताब नेही। 8 ते ज़ैखन तैन किताब नेही, त तै चेरे प्राणी ते चोब्ही बुजुर्ग तैस गबडेरे सामने झुके; ते हर केन्चरे हथ्ये मां बर्बत ते धूपे सेइं भरोरे सोन्नेरे कटोर थिये, इना पवित्र लोकां केरि प्रार्थनान। 9 त तैना इन नंवं गीत ज़ोने लगे, “तीं कां अधिकारे कि तू मोहरन ट्लोइस ते इस किताबी खोल्लस, किजोकि तीं मेरतां अपने खूने सेइं परमेशरेरे लेइ हर एक्की कुले मरां, हर भाषाई मरां, हर लोकन मरां, ते कौमी मरां लोक घिन्नोरिन।” 10 “तीं तैना राजे बनाए, तीं तैना याजक बनाए ज़ैना इश्शे प्रभु परमेशरेरे लेइ सेवारू कम केरन, ते तैना धरती पुड़ राजां केरू ज़ेरू राज़ केरतन।” 11 मीं दुबारा तक्कू, त मीं बेशुमार स्वर्गदूतां त चेरे प्राणी ते बुजुर्गां केरि आवाज़ शुनी ज़ैना तखतेरे चेरे पासन थिये। 12 तैना ज़ोरे सेइं ज़ोते थी, “मारोरू गबडू समर्थ, धन, ज्ञान, शक्ति, आदर, महिमा, ते कने शुक्तेरे काबले।” 13 फिरी मीं स्वर्गं मां ते धरतली पुड़ त कने धरतलरे बुन, ते समुन्दरेरी सब चीजां, ते सब किछ ज़ैन तैन मांए, इन ज़ोते शुनू कि, “ज़ै तखते पुड़ बिशोरोए तैसेरू त कने गबडेरू

शुक्र, आदर, महिमा ते राज, हमेशा राए।” (aiōn g165) 14 ते चेत्रे प्रेणेई आमीन ज़ोवं, ते बुजुर्गेई मथ्यो टेको।

**6** फिरी मीं लाव, कि गबडे तैन सत मोहरन मरां अक खोल्ली; ते तैन चेत्रे प्रेणेन मरां एककेरी गुडनेरी ज़ेरि आवाज़ शुनी कि, “एई।” 2 ते मीं नज़र की, ते अक छितो घोडोए, ते तैसेरे सुवारे कां धनक थियू, ते तैस अक ताज दिचू, ते तै ज़ीतो निस्सो कि होरि भी ज़ीत हासिल केरे। 3 ज़ैखन गबडे दुइयोवं मोहर खोल्ली, त मीं होरो प्राणी इन ज़ोते शुनू कि, “एई।” 4 फिरी अक होरो घोडो निस्सो, ज़ै लाल रंगो थियो; ते तैसेरे सुवारे ई अधिकार दित्तो, कि धेरतली पुडां मेल-मिलाप सल्ले, ताके लोक एककी होरि मारन; ते तैस अक बड्डी तलवार दित्ती। 5 ते ज़ैखन गबडे ट्लेइयोवं मोहर खोल्ली, त मीं ट्लेइयोवं प्राणी इन ज़ोते शुनू कि, “एई।” ज़ैखन मीं तक्कू त अक कालो घोडो निस्सो; 6 ते मीं तैन चेत्रे प्रेणन मरां मैनेरी ज़ेरि ई गल ज़ोते शुनी, कि दीनारो गेहुं, “ते दीनाररे ट्लाइं सेर जौ, तेल, ते कने दाछोरो रसेरो नुकसान न केरथा।” 7 ज़ैखन तैन चेत्रोवं मोहर खोल्ली, त मीं चेत्रोवं प्राणी इन ज़ोते शुनो कि, “एई।” 8 ते मीं नज़र की, ते हेरा, अक हेइढ्लो घोडोए; तैसेरे सूवारेरू नवं मौते, ते पाताल तैस पत्ती-पत्तीए, ते तैन ई अधिकार मैल्लो कि धेरती पुड रानेबाले लोकन मरां हर चेत्रोवं मैन्हु मारन, कि तैना तैन तलवारी सेइं मारन, ते ढलुखी सेइं मारन, ते बुरी बिमैरी सेइं मारन, ते तैन जंगली जानवरन सेइं भी मारन। (Hadēs g86) 9 ज़ैखन गबडे पंचोवं मोहर खोल्ली, त मीं बलिदान केरनेरी ठारी करां वुन आत्मा लेई, ज़ैना परमेशररे वचनररे वजाई सेइं, ते तैस गवाहेरी वजाई सेइं ज़ै तैनेई दित्तोरी थी, कि यीशु मसीह तैन केरो प्रभुए मारोरो थियो। 10 ते तैनेई बडे ज़ोरे सेइं हक देइतां ज़ोवं, “हे पवित्र, ते सच्छे प्रभु; तू केइस तगर इश्शो इन्साफ न केरेलो? ते धेरतलरे रानेबालन सेइं इश्शो खुनेरो बदलो केइस नेलो?” 11 ते तैन सेबन छित्तां लिगडां दित्तां, ते तैन सेइं ज़ोवं, कि थोडे चिरेरे लेइ आराम केरा, ज़ांतगर तुशशे संगी दास, ते विश्वासी साथी, ज़ैना तुशशे ज़ेरे मारे गानेन, तैन केरि भी गिनती पूरी न भोए। 12 ज़ैखन गबडे शेइयोवं मोहर खोल्ली, त मीं हेरू, कि अक बडो भुंजल अव; ते दिहडो कमलेरो ज़ेरो भोव, ते चाँदनी पूरी खुनेरी ज़ेरि भोइ। 13 ते अम्बरे तारे धेरतली पुडां झडे जेन्चरे बडे तूफाने सेइं फ्रेगरे बुटे मरां कच्छे फल झड़तन। 14 ते अम्बर एरू घिशकू, जेन्चरे बरको पलेटोते ते हर अक पहाड़, ते टैपू, अपने-अपने ठारारां घिशके। 15 ते धेरतलरे राजे, प्रधान, सरदार, धनी ते समर्थ लोक, ते हर अक दास, ते हर अक आज़ाद पहाडां केरे कुढन मां, ते शफडन मां छुप्ये। 16 ते पहाड़न, ते शफडन सेइं ज़ोने लाए, “कि असन पुड झड़ा; ते असन तैसेरे ऐशी सेइं ज़ै तखते पुड बिशोरोए ते गबडरे सरकी करां छुपा। 17 किजोकि ते खतरनाक दिहाड़ी एज्जेली ज़ेइस परमेशर ते गबडू हर एककी सज़ा देले, ते कोई भी तैस झैल्लनेरे काबल नई।”

**7** इसेरां पत्ती मीं दुनियारे चेत्रे कूनन पुड चेत्र स्वर्गदूत खडे लाए। तैन स्वर्गदूतन दुनियाई मां आफत फैलेइतां नुकसान पुजांनेरे लेइ परमेशरे करां अधिकार हासिल कियोरो थियो, चाए धेरती पुड या समुन्द्रे पुड। तैनेई दुनियारे चेत्रे कूनन करां हवान ठेमतां रख्खी ताके धेरतली, या समुद्र, या कोन्ची बुटे पुड, हवां न चले। ते मीं अक होरो स्वर्गदूत पूर्वोरां एइतो लाव। तैस कां अक महोर थी ज़ै हमेशा ज़ीते परमेशररे तरफां थी। तैन चेत्रे स्वर्गदूतन सेइं ज़ोरे सेइं ज़ोवं: 3 “ज़ांतगर अस अपने परमेशररे दासां केरे कुपाए पुड मोहर न लाम तांतगर तैना आफतां तैन पुड न एजन, ते धेरतली, समुन्द्र ते कने बुटन नुकसान न पुजांन।” 4 ते ज़ैन पुड मोहर कीजेई, मीं तैन केरि गिनती शुनी, कि इस्राएलेरी खानदानेरे गोदलन मरां अक लख चुरतैली हज़ारन पुड महोर कीजेई। 5 यहूदारे गोदलन मरां 12 हज़ारन पुड मोहर लाई, रूबेनेरे गोत्रे मरां 12 हज़ारन पुड; गादेरे गोत्रे मरां 12 हज़ारन पुड। 6 अशेररे गोदल्लेरे मरां 12 हज़ारन पुड; नप्तालेरे गोत्रे मरां 12 हज़ारन पुड; मनशेरे गोत्रे मरां 12 हज़ारन पुड। 7 शमौनेरे गोत्रे मरां 12 हज़ारन पुड; लेवेरे गोत्रे मरां 12 हज़ारन पुड; इस्साकारेरे गोत्रे मरां 12 हज़ारन पुड। 8 जबूलनेरे गोत्रे मरां 12 हज़ारन पुड; यूसुफेरे गोत्रे मरां 12 हज़ारन पुड, बिन्यामीनेरे गोत्रे मरां 12 हज़ारन पुड मोहर लाई जेई। 9 इसेरां पत्ती मीं मैन्हु केरि भीड लाई ज़ैस कोई गेनि न थियो बटतो। तैना हर कुले मरां, हर कौमी मरां, ते हर भाषाई मरां ओरे थियो। तैना तखतेरे ते गबडरे सामने खडे थियो। तैनेई छित्तां लिगडां लोरो थियां, ते सैभैई अपने हथ्यन मां तैसेरे आदरारे निशानेरे रूपां मां खजूरैरी डेलडी घिन्तां थियो। 10 ते तैना लोक बडे ज़ोरे सेइं ज़ोती थियो, “मुक्तेरे लेइ इश्शे परमेशररू ज़ै तखते पुड बिशोरोए, ते गबडेरू जयजयकार भोए।” 11 ते सारे स्वर्गदूत ज़ैना तखतेरे चेत्रे पासन ते बुजुर्गां केरे चेत्रे पासन थिये ते चेत्रे प्रेणेई तैनेई मथ्यो टेको, ते परमेशरे कां मथ्यो टेकतां ज़ोवं, 12 “आमीन, इश्शे परमेशरैरी स्तुति, ते महिमा, ते ज्ञान, ते शुक्र ते आदर, ते समर्थ, ते शक्ति हमेशा बनोरी राए। आमीन।” (aiōn g165) 13 इन गल्लन पुड बुजुर्गन मरां एकके मीं सेइं ज़ोवं; “इना छित्तां लिगडां लेइतां कौन? ते कोट्टां ओरेन?” 14 मीं तैस सेइं ज़ोवं; “हे मालिक, तूए ज्ञानतस।” तैन मीं सेइं ज़ोवं; “इना तैना आन, ज़ैना तैस बडे मुसीबती मरां निसारेन; तैनेई अपना लिगडां गबडरे खूने सेइं थोइतां छित्तां केरन, जेसेरो मतलब तैन केरे पाप दूर किये।” 15 “एल्हेरेलेइ तैना परमेशररे तखतेरे सामनेन, ते तैसेरे मन्दरे मां रात दिहाड़ी तैसेरी सेवा केरतन; ते ज़ै तखते पुड बिशोरोए, तै तैन मां रालो ते तैन केरि रक्षा केरेलो। 16 ते तैना फिरी ढलुखोरे ते ट्लिशोरे न भोले: ते तैना दिहाडे सेइं ते कोन्ची भी गेरमी सेइं न फुकोले। 17 किजोकि गबडू ज़ैन तखतेरे मज़ाटे, तैन केरि रखवाली केरेलू; ते तैन लोकन ज़िन्दगरे पैनी कां नेलू, ते परमेशर तैन केरे एछ्छी केरां सब ऐंखरू पुछेलो।”

**8** जैखन गबड़े सतोवं मोहर खोल्ली, त स्वर्गें मां अश्वे घंटे तगर खामोशी राई। 2 मीं तैन सत स्वर्गदूत जैना परमेशरें सामने खडे रहतन, लाए, ते तैन सत नइशिंगे दिते जे। 3 फिरी अक होरो स्वर्गदूत सोन्नेरू धूपदान घिन्तां अव, ते बलिदान केरनेरी ठारी कां जेव; ते तैस बड़ो धूप दितो, कि सेबभी पवित्र लोकां केरि प्रार्थनान सेइं साथी तैस सोन्नेरें बलिदान केरनेरी ठारी पुड़ जै तखतेंरे सामने च़ाढ़े। 4 ते तैस धूपेरो तू परमेशरें लोकां केरि प्रार्थनान सेइं साथी स्वर्गदूतां केरे ज़िरिये परमेशरें सामने पुजो। 5 तैखन स्वर्गदूत धूपदान नेइतां तैस मां बलिदान केरनेरी ठारारी अग भरी, ते धेतली पुड़ छड़ी, ते गुड़नेरी आवाज़ ते बिजली ते भुंजल भोने लाए। 6 ते तैना सते स्वर्गदूत जैन कां सत नइशिनगे थिये, बज़ानेरे लेइ तियार भोए। 7 पेड़ले स्वर्गदूत नइशिनगां बज़ाव, ते खूने सेइं मिलोरी आण ते अग धेतली पुड़ शारी; ते धेतली टलेइन मरां अक हिस्सो फुकोई, ते बुट भी अक तीयाही फुकोए, ते सब नीलो घास भी फुकोव। 8 दुइयोवं स्वर्गदूते नइशिनगां बज़ाव, त किछ जेन्चरे बड़े पहाड़ेरू जेरू अगी सेइं फुकोतू समुन्द्रे मां शारू; ते समुन्द्र अक तीहाई खून भोव। 9 ते अक तीहाई जानवर जैना समुन्द्रे मां रहते थिये मेरि जे, ते समुन्दरेरां अक तीहाई ज़िहाज़ां तुबा भुआं। 10 टलेइयोवं स्वर्गदूते नइशिनगो बज़ाव, ते अक बड्डो तारो जै दीयेरो ज़ेरो बलतो थियो, स्वर्गरां ट्लुटो, ते दरियां केरे एक्की तीहाई पुड़, ते पैन् पुड़ पेव। 11 ते तैस तारेरू नवं नागदौनाए, ते अक तीहाई पानी नागदौनारू जेरू ट्लिटू भोवं, ते बड़े मैन्हु तैस पैनेरे ट्लिटू भोने सेइं मेरि जे। 12 च़ेवरोवं स्वर्गदूते नइशिनगो बज़ाव, ते दिहाड़ो अक तीहाई, ते चेंदनीरी अक तीहाई ते तारां केरि एक्की तीहाई पुड़ हलचल पेई, इडी तगर कि तैन केरो अक तीहाई हिस्सो आंधरो भोव ते दिहेडरी एक्की तीहेई मां लौ न राई, ते तेन्चरे राती मां भी। 13 जैखन मीं हेरू, त अम्बरेरे मझामेई अक उकाब उडरते ते ज़ोरे सेइं इन ज़ोते शुन्, “कि तैन ट्लाई स्वर्गदूतां केरे नइशिनगेरे आवाज़ारे वजाई सेइं जैना बज़ाने हेजू बाकिन, धेरतली रानेबालन पुड़ अफ़सोस! अफ़सोस! अफ़सोस!”

**9** जैखन पंचोंव स्वर्गदूते नइशिनगो बज़ाव, त मीं स्वर्गरां धेरतली पुड़ अक तारो झड़तो लाव, ते तैस अथाह कुण्डेरी चाबी दित्ती। (Abyssos g12) 2 तैने अथाह कुण्ड खोल्लू, ते कुण्डे मरां एक्की भेट्टारो ज़ेरो तू निस्सो, ते कुण्डेरे तूप सेइं दिहाड़ो ते अम्बर आंधरू भोइ जेव। (Abyssos g12) 3 ते तैस तूप मरां धेरतली पुड़ टिट्टां निस्सां, ते तैन धेरतलरे बिच्चू केरि ज़ेरी ताकत दित्ती जेई। 4 ते तैन सेइं ज़ोवं, कि न धेरतलरे घासे, न केन्ची नीलारे, न केन्ची बुटे नुकसान पुज़ान, सिर्फ तैन मैन्नु जैन केरे कुपाए पुड़ परमेशरेंरी मोहर नई। 5 ते तैन मारनेरे लेइ नई, पन पंच महीन्नु तगर लोकन दुःख देनेरो अधिकार दितो, ते तैन केरो दुःख एरो थियो, जेन्चरे बिच्चू केरे डस मारने सेइं मैन्नु भोते। 6 तैन पंच महीन्नु मां मैन्हु मरनु चाएले, पन तैना न मेरि बटेले। तैना मरनेरी इच्छा रखेले पन तैना कोन्ची भी तरीके सेइं

मरनेरी बत न मैलेली। 7 तैना टिट्टां जंग केरनेरे लेइ तियार घोड़ां केरे ज़ेरां लेइहोतां थियां, तैन केरे दोगन पुड़ सोत्रां ताजां केरू जेरू किछ लेइहोतू थियूं; तैन केरां तुत्रां मैन्हु केरे तुत्रां केरां ज़ेरां थियां। 8 ते तैन केरे बाल कुआन्शां केरे ज़ेरे लम्मे थिये, ते तैन केरे दंत शरां केरे ज़ेरे मज़बूत थिये। 9 ते तैने लोहेरी ज़ेरी झिलम लोरी थी, ते तैन केरे फंगां केरि आवाज़ एरी थी जेन्चरे रथां केरि ते लड़ेई मां दौदते बड़े घोड़ां केरि। 10 तैन केरां पूछड़ां बिच्चू केरां ज़ेरां थियां, ते तैन मां डस थियो, ते तैन पंच महीन्नु तगर मैन्नु दुःख पुज़ानेरी ताकत थी, तै ताकत तैन केरे पूछड़न मां थी।

11 अथाह कुण्डेरो दूत तैन पुड़ राज़ो थियो, तैसेरू नवं इब्रानी भाषाई मां अबदोन, ते यूनानी भाषाई मां अपुल्लहोने, जेसेरो मतलब नाश केरनेबालो। (Abyssos g12) 12 पंच महीन्नु बाद पेड़ली आफत बीती जेई, ते इट्टां पत्ती दूई बल्के दूई करां जादे आफतां एजने बैलिन। 13 जैखन शेइयोवं स्वर्गदूते नइशिनगो बज़व ते ज़ै सोन्नेरे बलिदान केरनेरी ठार परमेशरें सामने, तैसेरे च़ेरे कूनन मरां मीं एरी आवाज़ शुनी। 14 जेन्चरे कोई शेइयोवं स्वर्गदूत सेइं ज़ोने लोरोए ज़ैस कां नइशिनगो थियो, “कि तैन च़ेरे दूत जैना बडे दरियाए फराते कां बन्दोरोए, तैन खोल्ला।” 15 तैखन तैना च़ेरे दूत खोल्ले, तैना पेड़ले तियार भोरे थिये, त इस घेड़ी, ते दिहाड़े, ते महीने, ते सालेरे लेइ तैन बलगनेरे लेइ ज़ोरू थियूं, ते हुनी ई वक्त अव, कि तैना दुनियारे लोकन मरां अक तीहाई लोक मारन। 16 ते तैन केरे फौजरी गिनती बी करोड़ थी जैना घोड़न पुड़ सुवार थिये, मीं तैन केरि गिनती शुनी। 17 ते मीं इस दर्शने मां घोड़े ते तैन केरे एरे सुवार लेइहोए, जैन केरि झिल्लमां अगारे ज़ेरी लाल, ते नीले ते हेडले रंगेरे ज़ेरे थी, ते तैन घोड़ां केरि क्रोडी शरां केरे क्रोडी केरि ज़ेरी थी, ते तैन केरे ऐशेरां अग ते तू ते गन्धक निस्सती थी। 18 इन टलेइ आफतन सेइं जैना इना आन, अग, तू, ते कने गन्धक, ज़ै तैन घोड़ां केरे ऐशी मरां निस्सती थी; तैन सेइं अक तीहाई लोक मेरि जे। 19 तैन घोड़ां केरि ताकत तैन केरे ऐशी, ते कने तैन केरे पूछड़न मां थी, किजोकि तैन केरां पूछड़ां सप्यां केरां ज़ेरां थियां, ते तैन केरे पूछड़ां केरि क्रोडी भी थी, ते तैने सेइं तैना दुःख भी पुजाते थिये। 20 ते होरे मैन्हु जैना तैन आफतन सेइं न थी मरें, ते तैनेई मूरती केरि पुज़ा केरनि न शारी, जैना तैनेई सोन्ने, पितल, ते कन्ने घोड़, लेकडरे बनेइं। तैना मूरती न लहन, न शुन्नु, न च़ेलि बटन, ते तैनेई भूतां केरि आराधना केरनि भी न शारी। 21 ते तैनेई, खून, दूनो, बदमाशी, ते कने च़ोरी केरने करां मन न फिराव।

**10** फिरी मीं अक होरो ताकतबर स्वर्गदूत बिदलार पलेटतां स्वर्गरां एइतो लाव, तैसेरे दोगे पुड़ भुन्जल्लैठ थी, ते तैसेरू आशी दिहाड़ेरू जेरू ते तैसेरे पाव अगारे खम्मबेरे ज़ेरे थिये। 2 तैने अपनो देइने पाव समुन्द्रे पुड़ रखवो, ते खिशड़ो धेरतली पुड़ रखवो, ते तैसेरे हथ्थे मां अक निकड़ी किताब खोलोरी थी। 3 तैनी स्वर्गदूते बड़े ज़ोरे सेइं ज़ोवं, तैसेरी आवाज़ शेरें गज़नेरी ज़ेरी थी। ते ज़ैखन तैने ज़ोरे सेइं चिन्ड मारी, त सत



आवाजेंई जुवाब दित्तो, जैन केरि आवाज गुडनेरी जेरि थी। 4 ते ज़ैखन मीं सत्ते गुडनेरी आवाज शुनी, त अवं लिखनेबालो थियो, त मीं स्वर्गोरां ई आवाज शुनी, “कि जैना गल्लां तीं गुडनेरी जेरि शुनोरिन, तैन छेपोरी रख, ते तैन न लिख।” 5 ते ज़ै स्वर्गदूत मीं समुन्द्र ते धरतली पुड़ खड़ो लोरो थियो; तैने अपनो देइने हथ स्वर्गेरि पासे खड़ो कियो। 6 ते ज़ै हमेशा ज़ींतीए ते ज़ैने स्वर्ग, धरती त कने समुन्द्र ते ज़ैन किछ तेन मांए बनोरुए, तैनी तैसेरी कसम खेइतां ज़ोवं, “हुनी होरि कोन्ची चीज़ोरो इंतज़ार नई। हुनी सब पूरू कियुं गालू।” (aiōn g165) 7 बल्के ज़ैखन सतोवं स्वर्गदूत नइशिनगो बज़ालो, त परमेशरोरो तै मकसद पूरो भोलो ज़ै तैसेरे नेबेई ज़ोरोए, ज़ैनेई तैसेरी सेवा की, पन तैने होरि लोकन तैसेरो पतो लगने न दित्तो। 8 मीं फिरी दुबारां स्वर्गोरां तैए आवाज शुनी। तैस आवाजां मीं सेइं ज़ोवं, तैए फिरी मीं सेइं गल्लां केरने लाव; “कि गा, ज़ै स्वर्गदूत समुन्द्र ते धरतली पुड़ खड़ोए, तैसेरे हथ्थे मरां खुलोरी किताब ने।” 9 ते मीं स्वर्गदूत कां गेइतां ज़ोवं, “ई निकड़ी किताब मीं दे।” तैने मीं सेइं ज़ोवं, “यां इस खा, ते ई तेरे पेटे ट्लइटी त केरेली, पन तेरे ऐशी मैछी करां भी जादे मिट्टी लग्गेली।” 10 ते मीं ते निकड़ी किताब तैस स्वर्गदूत करां नेइतां खाइ, तै मेरे ऐशी मां मैछेरी ज़ेरि मिट्टी लग्गी, पन ज़ैखन मीं तै खाइ, ते तैस सेइं मेरू पेट ट्लिटू भोवं। 11 तैखन मीं सेइं इन ज़ोवं, “तीं बड़े लोकन, कौमन, भाषान, ते कने राजन पुड़, फिरी दुबारां भविष्यवाणी केरनि भोली।”

**11** फिरी मीं नापनेरे लेइ अक निराठी दित्ती, ते तैने मीं सेइं ज़ोवं, “उठ परमेशरेरे मन्दरे ते बलिदान केरनेरी ठार नाप, ते ज़ैना लोक तैडी मेरी आराधना केरने लोरेन तैन गन। 2 पन मन्दरेरे बेइरयों अंगन न नाप, किजोकि एन तैन लोकां केरे लेइ आए ज़ैना मीं पुड़ विश्वास न केरन, ते तैना तैस पवित्र नगर यरूशलेमे 42 महीन तगर तुबा केरेले। 3 तैस वक्ते अवं अपने दुइये गवाहन ई अधिकार देइलो, तैना टाट यानी मातमेरां लिगड़ां लेइतां 1260 दिहाइन तगर मेरे सन्देशेरू एलान केरन।” 4 तैना दूई गवाह, ज़ैन केरे बारे मां बड़े पेइले केन्चे ज़ैतूनेरे दूई बुट ते दूई दीवट केरि मिसाल दित्तोरी थी ज़ैना परमेशरेरे सामने रहतन ज़ै धरतरे लोकां केरो प्रभुए। 5 ते अगर कोई तैन नुकसान पुज़ानो चाए, त तैन केरे ऐशी मरां अग निस्तां तैन केरे दुश्मन भस्म केरतीए, ते अगर कोई तैन नुकसान पुज़ानो चाए, त ज़रूर तै इस्से तरीके सेइं मारे गाले। 6 परमेशरे तैन अधिकार दित्तोरो, कि तैना सन्देश एलान केरनेरे दौरान अम्बर बंद केरन (यानी झड़ी रोकन)। तैन ई भी अधिकार मैल्लो पानी खूनेरू ज़ेरू लाल बनान, ते इन भी कि ज़ैखन तैना चान धरतली पुड़ हर किसमेरी आफत एनी बटतन। 7 ते ज़ैखन तैना दूई गवाह परमेशरेरे सन्देशेरू एलान केरतां झाड़ेले, त तैए हैवान ज़ै अथाह कुण्डे मरां निसेलो, तैन सेइं लेइतां तैन करां ज़ींतिलो ते तैन मारेलो।

(Abysos g12) 8 ते तैन केरि लाशां तैस महान नगर यरूशलेमेरे सड़की मां राली ज़ैडी तैन केरो प्रभु क्रूस पुड़ चाढ़ोरो थियो,

जेसेरी तुलना सदोम नगर ते कने मिस्रे मुलखे सेइं कियोरीए। 9 ते सब लोकन, कुलन, भाषान ते कने कौमन मरां लोक तैन गवाहां केरि लाशां सड़े ट्लाई दिहाइन तगर हेरते राले। ते तैना लोक तैन केरि लाशन कोन्ची भी दबने न देले। 10 ते धरतलरे रानेबाले, तैन केरे मारने सेइं खुश ते मघन भोले, ते तैन केरे हेरने बालन बड़े डरेले। 11 ते सड़े ट्लाई दिहाइना पत्ती परमेशरेरे तरफां ज़िन्दगरी सांस तैन मां आई, ते तैना खड़े भोए, ते ज़ैनेई तैना दुबारां ज़ींते लाए तैना बड़े डेरि जे। 12 एसेरां बाद, तैन दूई मैनेई स्वर्गोरां अक ज़ोनेबालो उच्ची आवाजां मां ज़ोते शुनो, “कि इडी बा एज्जा।” ज़ैखन तैन केरे दुश्मन हेरनेरे लोरे थिये तैना तैन केरे सामने बिदलारी पलेटतां स्वर्गो मांजो चले जे। 13 फिरी तैस्से वक्ते यरूशलेम नगरे मां अक बड़ो भुंजल अव, ते नगरेरे इमारतां केरो दशोवं हिस्सो झड़ो; ते तैस भुंजले सेइं 7000 मरे, ते होरे ज़ैना बत्रोरे थिये तैना बड़े डरे, ते तैनेई स्वर्गेरि परमेशरेरी बडीयाई की। 14 दुइयोवं आफत बीती जेई, हेरा, ट्लेइयोवं आफत एजने बालीए। 15 ज़ैखन सतोवं स्वर्गदूते नइशिनगो बजव, त मीं स्वर्गो मां बडी ज़ोरे सेइं आवाज शुनी, “हुनी इस दुनियाई मां कोई राज़ केरनेबालो नई सिर्फ इश्शो प्रभु-परमेशर ते तैसेरो चुनोरो मसीह, ते तै हमेशारे लेइ राज़ केरेलो।” (aiōn g165) 16 ते चोन्ही बुजुर्ग ज़ैना परमेशरेरे सामने अपने-अपने तखते पुड़ बिशोरे थिये, परमेशरे कां मथ्यो टेकतां, 17 इन ज़ोने लाए: “हे सर्वशक्तिमान प्रभु-परमेशर, तू ज़ै आस, ते ज़ै थियो, अस तेरू शुक्र केरतम, कि तीं हुन्ना महान शक्ति हिराई, ते तीं धरती पुड़ राज़ केरनू शुरू कियोरुए। 18 होरि कौमां केरे लोकेई तीं पुड़ क्रोध कियो, ते तेरो प्रकोप अव, ते तै वक्त ओरोए कि मर्रां केरो इन्साफ कियो गाए, ते ई वक्त भी आए, कि तेरे दास नेबन ते सारे लोकन ज़ैना तेरे आदर केरतन ज़ैना कमजोरन ते ज़ैना ताकतबरन तैन तू इनाम देस, ते तैस्से वक्ते तैन नाश केरस ज़ैना धरतरे नाश भोनेरी वजा थियो।” 19 परमेशरेरू ज़ैन मन्दर स्वर्गो मांए, तैन खोल्लू, ते तैसेरे मन्दरे मां करारेरो सन्दूख लेइहोव, ते बिजली ते आवाज ते गुडने ते भुंजल आए, ते बडी-बडी आण पेई।

**12** ज़ैखन तैन बीती जेव, त फिरी अम्बरे मां अक बड़ो आजीब निशान लेइहोव। मतलब अक कुआन्श ज़ै चाँदनी पुड़ खड़ी आए ते तैसां ज़ैना लिगड़ां लोरन तैना दिहाड़े ज़ेरां लेइहोतन। ते तैसेरे अपने दोग्गे पुड़ ताज लोरू थियू ज़ैस पुड़ 12 तारे थिये। 2 ते दोर्जीती भोइ, ते चिन्डां मारती थी; किजोकि तैस बच्चो ज़ानेरी तकलीफ थी। 3 ते अक होरो निशान अम्बरे मां लेइहोव, ते हेरा; अक बड़ो लाल अजगर (यानी शैतान) थियो, तैसेरी सत क्रोडी ते दश शिनाँ थियां, ते तैसेरे दोगन पुड़ सत ताजां थियां। 4 ते तैसेरे पूछड़ां अम्बरे तारां केरि अक तीहाई ज़मीनी पुड़ आनी, ते तै अजगर तैस कुआन्शरे सामने खड़ो भोव ज़ै दोर्जीती थी, कि ज़ैखन तै बच्चो ज़ाए त तै बच्चे तैस खाए। 5 तैखन तैस कुआन्शां मट्टू ज़ाऊं, तैन अजगरे न खेइ बटु किजोकि तैन अकदम परमेशरे ते तैसेरे तखते कां आनू जेव। तैन मट्टू सारी

कौमन पुड़ लोहरे डण्डे सेइं राज़ केरेलू। 6 ते ई कुआन्श जंगले तैने हैवाने अपनो अधिकार दित्तोरो थियो। ते इन जोइतां कि, जो नशशी, ज़ैडी परमेशररे तरफां तैसेरेलेइ अक ठार तियार “इस हैवानेरो ज़ेरो कौने? हैवाने सेइं कौने लेइइ बटते?” 5 कोयोरी थी, कि तैडी 1260 दिहाइन तगर तैसेरी हेरगेश की परमेशरे तैस हैवाने अज़ाज़त दित्तोरी थी कि अपने अधिकारे पुड़ गाए। 7 फिरी स्वर्ग पुड़ लडाई भोइ, मीकाईल ते तैसेरे स्वर्गदूत घमण्ड केरे ते एन्चरे परमेशररी तुहीन केरे। परमेशरे तैस 42 अजगरे सेइं लड़ने लेइ निस्से, ते अजगर ते तैसेरे दूतन सेइं महीन्न तगर ई अधिकार रखनेरे लेइ अज़ाज़त दित्ती। 6 तै हैवान पुड़ लड़े। 8 अजगरे लडाई हारी, ते फिरी तैना स्वर्गं मां न रेइ बटे। परमेशररी तुहीन केरने लगे, कि तैसेरे नंवेरे खलाफ, ते ज़ैडी 9 एल्हेरेलेइ तै त तैसेरे दूत धेरती पुड़ शारे, तैए बड्डो अजगर, परमेशर रहते ते स्वर्गं मां रानेबाले सेबभी लोकां केरे खलाफ ई तैए ज़ै बड़े पेइले सपेरे रूपे मां बांदो भोरो थियो, ज़ेसेरू तुहीन केरने लगे। 7 परमेशरे तैस हैवाने अज़ाज़त दित्तोरी थी, नव शैतान या दोष लानेबालोए। तैए आए ज़ै दुनियारे लोकन कि परमेशररे लोकन सेइं लड़े, ते तैन करां जींते, ते तैस हर थोखे देने लोरोए। 10 फिरी मीं स्वर्गं ई बड़ी आवाज़ एइती कुले, सारे लोकन, भाषान, त कने कौमन पुड़ अधिकार दित्तो शुनी, “कि हुनी परमेशर अपने लोकन बचालो! हुनी तै अपनि जेव। 8 ते धेरती पुड़ रानेबाले सेबभी लोकेई तैसेरी पूजा की। शक्ति इस्तेमाल केरेलो ते राज़ेरू ज़ेरू राज़ केरेलो! हुनी तैसेरो सिर्फ तैनेई न की ज़ेन केरां नंवां ज़िन्दगरे किताबी मां दुनिया मसीह दुनियाई पुड़ अधिकार रखेलो! किजोकि हुनी शैतान इश्शे बनाने करां पेइले लिखोरां थियां। तै किताब गबडरे ज़िन्दगरी परमेशररे हज़ूरी मां खडो न रेइ बटेले कि इश्शे साथी सेवकन किताबे ज़ेन बलिदानेरे लेइ मारू जोवं। 9 ज़ै समझून चाते तै पुड़ रात दिहाडी दोष लाए। तै स्वर्गं मरां शारो जोरोए। 11 ते ध्याने सेइं शुने। 10 ज़ैना कैद भोनेन, तैना कैद भोले, ज़ैना तैनेई गबडरे खूनेरे वजाई सेइं ते अपने गवाहरे वचनेरे वजाई सेइं, तलवारी सेइं मरेलो, ज़रूरीए तैना तलवारी सेइं मरेले, परमेशररे तैस पुड़ जींत हासिल की, ते तैनेई अपने प्राण टलारे न समझे, लोकां केरि सबर ते विश्वास इस्से मांए। 11 फिरी मीं अक होरो इडी तगर की मौतरि भी परवाह न की। 12 एल्हेरेलेइ तुस सब हैवान धेरतली पुड़ा निसतो लाव, तैस गबडरे ज़ेरां दूई शिन्नां ज़ैना इडी स्वर्गं मां रहने बालेथ खुश भोथ। पन हे धेरतली ते थियां, पन ज़ैखन तैने जीवं त तैसेरी आवाज़ अजगरेरे ज़ेरि थी। कने समुन्द्रे मां रानेबालव तुसन पुड़ अफ़सोस! किजोकि शैतान 12 ई दुइयोवं हैवान पेइले हैवानेरो सारो अधिकार इस्तेमाल बडे क्रोधे सेइं तुसन कां एजनेबालोए, किजोकि तै ज़ानते कि केरते। दुइयोवं हैवाने धेरती ते तैस पुड़ रानेबालन करां पेइले तैसेरो आखरी वक्त एजनेबालो।” 13 ते ज़ैखन अजगरे समझू, हैवानेरी पूजा कराते ज़ेसेरो मारनेबालो ज़खम ठीक भोरो थियो। कि अव ज़मीनी पुड़ जो शारोरो, त तैस कुआन्शी पत्ती दौडी 13 दुइयोवं हैवान बडे-बडे निशान हिरातो थियो, इडी तगर कि ज़ैसां मटू ज़ावरू थियू। 14 पन परमेशरे तैस कुआन्शी उकाबेरां मैन्हु केरे सामने अम्बरेरां ज़मीनी पुड़ अग भेजतो थियो। 14 दूई बड्डा फेगां दित्तां, कि अजगरे करां उडरतां जंगले मां तैस ठैरी दुइयोवं हैवाने परमेशरे अज़ाज़त दित्ती कि तै पेइले हैवानेरे पुजे, ज़ैडी सडे टलाई सालन तगर तैसेरी हेरगेश भोरी थी, ताके सामने चमत्कार हिराए। एन चमत्कारां केरे ज़िरिये तैनी दुनियारे तैडी अजगर न पुजी बटे। 15 फिरी अजगरे तैस कुआन्शी पत्ती सारे लोक टपलाए। तैने तैन पेइले हैवानेरी मूरती बनानेरो हुकम अपने ऐशी सेइं दरियारू ज़ेरू पानी शारू, कि तैस इस दरियाए दित्तो, ज़ै तलवारी सेइं मारोरो थियो पन फिरी जींतो भोरोए। 15 सेइं रूइए। 16 तैस कुआन्शी मद्दत केरनेरे लेइ ज़मीना तैन दुइयोवं हैवाने परमेशरे अज़ाज़त दित्तोरी थी कि तै पेइले हैवानेरी पानी पियू ज़ेन तैस अजगरेरे ऐशी मरां निसोरू थियू। 17 ते मूरती बनाए ते तै जींतोए, ताके तैस हैवानेरी मूरती गल्लां केरि अजगर कुआन्शी जो सेरकोव। एल्हेरेलेइ तैने कुआन्शरे औलादी बटे ते ज़ैना तैस हैवानेरी पूजा न केरने तैना मारे गान। 16 दुइयोवं सेइं लडाई केरनेरू एलान कियू। तैना लोक ज़ेन परमेशरे हुकमन हैवाने सारे लोकन सेइं ज़बरदस्ती की, ज़ैना खास आन ते ज़ैना मन्तन, ते यीशुएरी दित्तोरी शिक्षाई पुड़ चलतान। खास नई, अमीर, गरीब, आज़ाद, गुलाम आन, कि तैना पेइले हैवानेरे नंवेरी मोहर देइने हथ्ये या कुपाए पुड़ लान। 17 ज़ैस पुड़ छाप मतलब तैस हैवानेरू नव या तैसेरो नंवेरो अंक भोए, त तैसेरे अलावा होरो कोई लेन देन न केरि सके। 18 इस समझनेरे लेइ अक्ल ज़रूरीए। ज़ैस अक्ल भोए, तै इस हैवानेरो अंक जमा केरे, किजोकि तै मैनेरो अंके, ते तैसेरो अंक 666 आए।

**13** तैखन अजगर जेव, ते समुन्दरेरे बन्ने पुड़ खडो भोव। मीं अक हैवान समुन्द्रे मरां निसतो लाव, तैसेरां दश शिन्नां ते सत क्रोडी थी; तैने शिन्नन पुड़ दश राजमकुट ते तैसेरे दोगन पुड़ परमेशररी तुहीनरां नंवां लिखोरां थियां। 2 ज़ै मीं हैवान लाव, तै इलाघेरो ज़ेरो थियो; ते तैसेरे पाव इछेरे पावां केरे ज़ेरे थिये; ते तैसेरू आशी शेररे ऐशेरू ज़ेरू थियू, ते अजगरे तैस हैवाने अपनि शक्ति दित्ती ते राज़ केरनेरे लेइ तैस अधिकार दित्तो। 3 मीं तैस हैवानेरे करोड़न मरां एककी पुड़ अक एरो ज़खम लाव, जेन्चरे तै मरने पुडे; फिरी तैसेरो मारनेबालो ज़खम रोडो भोव, ते सारे धेरतलरे लोक हैरान भोए, ते तैस हैवाने पत्ती चलने लगे। 4 ते तैन सेबभी लोकेई तैस अजगरेरी पूजा की, किजोकि

तैने हैवाने अपनो अधिकार दित्तोरो थियो। ते इन जोइतां कि, “इस हैवानेरो ज़ेरो कौने? हैवाने सेइं कौने लेइइ बटते?” 5 परमेशरे तैस हैवाने अज़ाज़त दित्तोरी थी कि अपने अधिकारे पुड़ घमण्ड केरे ते एन्चरे परमेशररी तुहीन केरे। परमेशरे तैस 42 महीन्न तगर ई अधिकार रखनेरे लेइ अज़ाज़त दित्ती। 6 तै हैवान परमेशररी तुहीन केरने लगे, कि तैसेरे नंवेरे खलाफ, ते ज़ैडी 9 परमेशर रहते ते स्वर्गं मां रानेबाले सेबभी लोकां केरे खलाफ ई तैए ज़ै बड़े पेइले सपेरे रूपे मां बांदो भोरो थियो, ज़ेसेरू तुहीन केरने लगे। 7 परमेशरे तैस हैवाने अज़ाज़त दित्तोरी थी, कि परमेशररे लोकन सेइं लड़े, ते तैन करां जींते, ते तैस हर कुले, सारे लोकन, भाषान, त कने कौमन पुड़ अधिकार दित्तो जेव। 8 ते धेरती पुड़ रानेबाले सेबभी लोकेई तैसेरी पूजा की। सिर्फ तैनेई न की ज़ेन केरां नंवां ज़िन्दगरे किताबी मां दुनिया बनाने करां पेइले लिखोरां थियां। तै किताब गबडरे ज़िन्दगरी किताबे ज़ेन बलिदानेरे लेइ मारू जोवं। 9 ज़ै समझून चाते तै ध्याने सेइं शुने। 10 ज़ैना कैद भोनेन, तैना कैद भोले, ज़ैना तलवारी सेइं मरेलो, ज़रूरीए तैना तलवारी सेइं मरेले, परमेशररे लोकां केरि सबर ते विश्वास इस्से मांए। 11 फिरी मीं अक होरो हैवान धेरतली पुड़ा निसतो लाव, तैस गबडरे ज़ेरां दूई शिन्नां थियां, पन ज़ैखन तैने जीवं त तैसेरी आवाज़ अजगरेरे ज़ेरि थी। 12 ई दुइयोवं हैवान पेइले हैवानेरो सारो अधिकार इस्तेमाल केरते। दुइयोवं हैवाने धेरती ते तैस पुड़ रानेबालन करां पेइले हैवानेरी पूजा कराते ज़ेसेरो मारनेबालो ज़खम ठीक भोरो थियो। 13 दुइयोवं हैवान बडे-बडे निशान हिरातो थियो, इडी तगर कि मैन्हु केरे सामने अम्बरेरां ज़मीनी पुड़ अग भेजतो थियो। 14 दुइयोवं हैवाने परमेशरे अज़ाज़त दित्ती कि तै पेइले हैवानेरे सामने चमत्कार हिराए। एन चमत्कारां केरे ज़िरिये तैनी दुनियारे सारे लोक टपलाए। तैने तैन पेइले हैवानेरी मूरती बनानेरो हुकम दित्तो, ज़ै तलवारी सेइं मारोरो थियो पन फिरी जींतो भोरोए। 15 दुइयोवं हैवाने परमेशरे अज़ाज़त दित्तोरी थी कि तै पेइले हैवानेरी मूरती बनाए ते तै जींतोए, ताके तैस हैवानेरी मूरती गल्लां केरि बटे ते ज़ैना तैस हैवानेरी पूजा न केरने तैना मारे गान। 16 दुइयोवं हैवाने सारे लोकन सेइं ज़बरदस्ती की, ज़ैना खास आन ते ज़ैना खास नई, अमीर, गरीब, आज़ाद, गुलाम आन, कि तैना पेइले हैवानेरे नंवेरी मोहर देइने हथ्ये या कुपाए पुड़ लान। 17 ज़ैस पुड़ छाप मतलब तैस हैवानेरू नव या तैसेरो नंवेरो अंक भोए, त तैसेरे अलावा होरो कोई लेन देन न केरि सके। 18 इस समझनेरे लेइ अक्ल ज़रूरीए। ज़ैस अक्ल भोए, तै इस हैवानेरो अंक जमा केरे, किजोकि तै मैनेरो अंके, ते तैसेरो अंक 666 आए।

**14** एसेरे बाद, मीं किछ लाऊं, मीं गबडू सिय्योन पहाड़े पुड़ खडू लाऊं। ते तैस सेइं साथी 144000 लोक थिये, ज़ेन केरे कुपाए पुड़ तैसेरू ते कने तैसेरे बाजेरू नव लिखोरू थियू। 2 ते स्वर्गं एरी आवाज़ शुनोई, ज़ै बडे पैनेरी ते बडे गुडनेरी ज़ेरि आवाज़ थी, ते ज़ै आवाज़ मीं शुनी; तै एरी थी जेन्चरे कोई सारंगी बाज़ाने बालो सारंगी बज़ाने लोरोए। 3 144000 लोक

तखतरे सामने, ते प्राणी ते कने बुजुर्गा केरे सामने खडे थिये; अधिकार थियो, बलिदान केरनेरी ठारी मरां निस्सो, ते जैस कां तैना अक नंक्व गीत ज़ोने लोरे थिये, तैन गीत सिर्फ तैन लोकेई शिखोरू थियूं। तैना लोक इना आन ज़ैना सिर्फ इस दुनियाई मां रानेबाले लोकन मरां परमेशरे छुटोरे थिये। 4 इना तैना लोक आन, ज़ैना कुआन्शन सेई अशुद्ध नई भोरे, पन कुवारेन, इना तैना आन, ज़ेरां भी गबडू गाते तैना भी तैस पत्ती च़लतन, इना त परमेशरे लेइ पेइले फल भोनेरे लेइ मैनु मरां घिने जोरेन। 5 तैनेई कधी झूठ नई जोरू, ते तैना बेइलज़ामन। 6 फिरी मीं अक होरो स्वर्गदूत अम्बरे मज़ामेई उडरतो लाव ज़ैस कां धेरतली पुइ रानेबालां केरि हर अक कौम, कुल, ते कने भाषारे लोकन शुनानेरे लेइ हमेशारी खुशखबरी थी ज़ै कथे न बेदलोए। (aiōnios g166) 7 तैने बडे ज़ोरे सेई ज़ोव, “परमेशरे करां डरा; ते तैसेरी बड्याई केरा; किजोकि तैसेरो इन्साफ केरनेरो वक्त पुजोरोए, ते तैसेरी आराधना केरा, ज़ैने स्वर्ग, धरती, समुन्द्र, पैनेरे नाग बनोरेन।” 8 फिरी तैसेरां पत्ती अक होरो स्वर्गदूत इन ज़ोतो अव, “कि झूठ, तैन बाबेल नगर झूठ, तैने सारे कौमन अपनि शराबी पियाई, ज़ेसेरो मतलब ई आए कि तैने सैरी लोकन मूरती केरि पूजा केरनि शिखाली।” 9 फिरी एसेरां पत्ती अक होरो स्वर्गदूत बडे आवाज़ी सेई इन ज़ोतो अव, “कि ज़ै कोई इस हैवाने ते तैसेरी मूरती पूजा केरे, ते अपने कुपाए या अपने हथथे पुइ तैसेरी छाप लाए। 10 परमेशर तैन ट्लिठी शराबी पियालो ज़ैस मां पानी न भोए मिलावरू ज़ेसेरो मतलब परमेशरे तैन सेई बडो क्रोधे मां आए ते तैन पुइ दया न केरेलो, तैना लोक अग ते गन्धकेरे दुखे मां छडे गाले, ज़ैखन परमेशर तैन सज़ा देतो भोलो त पवित्र स्वर्गदूत गबडू लालू। 11 ते तैन केरे दुखेरो तू सदा उठतो रालो, ते ज़ैना तैस हैवाने ते तैसेरे मूरती पूजा केरेले, ते ज़ैना तैसेरे नंक्वेरी छाप नेतन, तैन रात दिहाड़ी चैन न मैलेलो।” (aiōn g165) 12 एल्हेरेलेइ परमेशरेरे लोकां केरे लेइ ज़रूरी आए कि ज़ैना भी दुःख तैन पुइ एज्जन तैन सबरी सेई झैल्लन, परमेशर ज़ैन केरनेरो हुक्म तैन दे तैनेई तैन कियोरू लोडे, ते तैनेई यीशु पुइ विश्वास केरनो न लोडे शारोरो। 13 मीं स्वर्गंरां ई आवाज़ शुनी, “लिख; ज़ैना मुडदे प्रभु मां मरतन, तैना धन आन।” पवित्र आत्मा पक्कू केरते, “तै ज़ोते, तैन सज़्जे। हाँ किजोकि तैना अपने मेहनती करां आराम हासिल केरेले, ते ज़ैन तैनेई कियू तैसेरे बदले तैन इनाम मैलेलू।” 14 फिरी मीं अक छिती बिदलार लाई, ते तैस बिदलारी पुइ मैनेरू ज़ेरो कोई बिशोरो लाव, तैसेरे दोगे पुइ सोन्नेरू ताज ते हथथे मां तिखी इलातीए। 15 फिरी अक होरो स्वर्गदूत मन्दरे मरां निस्तां, तैने ज़ै बिदलारी पुइ बिशोरो थियो, तैस बडे ज़ोरे सेई ज़ोव, “कि अपनि इलाती च़ला किजोकि कटनेरो वक्त ओरोए।” 16 ते ज़ै बिदलारी पुइ बिशोरो थियो, तैने धेरतली पुइ अपनि इलाती लाई, ते धेरतलरी फसल केटोई। 17 फिरी अक होरो स्वर्गदूत तैस मन्दरे मरां निस्सो, ज़ै स्वर्गं मांए, ते तैस कां भी तिखी इलाती थी। 18 फिरी एक्की होरे स्वर्गदूत ज़ैस अग्गी पुइ

अधिकार थियो, बलिदान केरनेरी ठारी मरां निस्सो, ते ज़ैस कां तिखी इलाती थी, तैस सेई ज़ोरे सेई ज़ोव; “अपने तिखे इलैइती लेइतां धेरतलरी दाछ कटी; किजोकि तैसेरी दाछ पकोरीए।” 19 ते तैने स्वर्गदूत धेरतली पुइ अपनि इलाती रख्खी, ते धेरतलरे दाछारे फल केटतां, अपने परमेशरेरे परकोपेरे बडे रसेरे कुण्ड मां छड़ी। 20 ते नगरेरे बेइर तैस रसेरे कुण्डे मां दाछ इलेन्नी, ते रस कुण्ड मरां एत्रो खून निस्सो कि घोड़ां केरे लगामी तगर पुजो, ते 100 कोसे तगर रूडो।

**15** फिरी मीं स्वर्गं मां अक बडो ते आजीब निशान लाव, मतलब सत स्वर्गदूत ज़ैन कां आखरी सत आफतां थी, किजोकि तैन केरे भोने पुइ परमेशरेरो क्रोध मुकेलो। 2 तैखन मीं समुन्द्रेरू ज़ेरू किछ लाव ज़ैन शीशेरू ज़ेरू चमकतू थियूं ते अग भी तैस मां मिलोरी थी। मीं तैना लोक भी लाए ज़ैना हैवाने न थिये हैरेई बटोरो, तैन लोकेई हैवाने ते तैसेरे मूरती पूजा न थी कियोरी। ते तैन पुइ तैस हैवानेरे नंक्वेरे अंकेरी महोर न थी लोरोरी। तैना तैस शीशेरे समुन्दरेरे बन्ने पुइ तै सांरंगी घिन्तां खडे भोए ज़ै परमेशरे तैन दित्तोरी थी। 3 तैना परमेशरेरे दास मूसेरू गीत, ते गबडेरू गीत ज़ोते थी, “हे सर्वशक्तिमान प्रभु-परमेशर, ज़ैना कम्मां तीं कियां तैना बडा महान ते आजीब आन, तू सेबभी कौमां केरो राज़ोस, तैन सब ज़ैन तीं कियूं तैन सही ते धर्मी आए।” 4 “हे प्रभु, सेबभी लोकेई तेरी आदर की, ते तैना सारे तेरे नंक्वेरी इज़्जत केरतन, किजोकि तूए सिर्फ पवित्रस। सैरी कौमां केरे लोक हर राज़्जन मरां तीं कां एज्जेले, तैना तेरी आराधना केरेले किजोकि तेरे धर्मी कम्मां बडां मशूर आन।” 5 ज़ैखन तैन लोकेई गीत ज़ोताई खतम कियां, त मीं स्वर्गं मां मन्दर खोलोरू लाव। तैन एरू थियूं ज़ेन्चरे तेम्बु। 6 ते तैना सत स्वर्गदूत ज़ैन कां सत आखरी आफतां थी, तैना तैस मन्दरे मरां निस्सो। तैनेई छिंतां चमकतां लिगडां लोरां थियां ते तैनेई अपने छैती पुइ सोन्नेरी पेटी बेन्धोरी थी। 7 ते तैन च़ेरे प्रैणन मरां एक्के सत्ते स्वर्गदूतन हमेशा ज़ीते रानेबाले परमेशरेरे प्रकोपे सेई भरोरे सत सोन्नेरे कटोरे दित्ते। (aiōn g165) 8 ते परमेशरेरी महिमा, ते तैसेरे शेक्तेरे वजाई सेई मन्दर तूए सेई भरोई जेव, ते ज़ां तगर तैन सत्ते स्वर्गदूतेई सत्ते आफतां खतम की, तांतगर कोई मन्दरे मां न गोइ बटो।

**16** तैट्टां पत्ती मीं मन्दरे मां कोई ज़ोरे सेई तैन सत स्वर्गदूतन सेई ज़ोतो शुनो कि, “गाथ, परमेशरेरे सज़ारे सत्ते कटोरे दुनियारे लोकन पुइ उलटाथा।” 2 ते पेइले गेइतां अपनो कटोरे धेरतली पुइ उलटव। ते तैन मैनु केरे ज़ैन पुइ हैवानेरी छाप थी, ते ज़ैना लोकेई तैसेरी मूरती पूजा केरते थी, एक्की किसमेरे बुरे ते दुःख देनेबालो फोडे निस्सो। 3 ते दुइयोवें अपनो कटोरो समुन्द्रे पुइ उलटव, ते तै मुडदां केरे खूनेरो ज़ेरो बनो, ते समुन्दरेरे सारे जानदार मरे। 4 ते ट्लेइयोवें स्वर्गदूते अपनो कटोरो दरियान ते पैनेरे नागन पुइ उलटव, ते सारू पानी खून बनू। 5 ते ज़ैस स्वर्गदूते पैनी पुइ अधिकारे मीं तै परमेशरे सेई इन ज़ोते शुनो

कि, “हे पवित्र परमेश्वर, तू जै आस, ते हमेशा करां थियो, तीं कां एन्धरे इन्साफ करेनरू हक्के। 6 किजोकि तैनेई तेरे लोक ते तेरे नबी मारे ते तैन केरो खून बगोरो थियो, एल्हेरेलेइ तीं हुना तैन खून पीने जो दित्तो। इन इनामेरे रूपे मां तैन केरे लेइ ठीक आए।” 7 फिरी मीं बलिदान केरनेरी ठारी मरां ई आवाज शूनी कि, “हाँ सर्वशक्तिमान प्रभु-परमेश्वर, तेरो इन्साफ सही ते कने सच्चो आए।” 8 ते च़ेवरोवें स्वर्गदूते अपनो कटोरो दिहाड़े पुड़ उलटव, ते दिहाड़े जादे गर्म भोनेरी अज़ाज़त दित्ती कि तैस सेइं लोक फुकोन। 9 ते लोक तैस बड़े सेके सेइं फुकोए, ते तैना लोक परमेश्वरेरी तुहीन केरने लाए, किजोकि तैए आए ज़ैस कां सैरी आफतन पुड़ अधिकारे। फिरी भी तैन लोकेई अपने पापन करां मन न फिराव, ते फिरी भी तैनेई परमेश्वरेरे महिमारा इकरार न कियो। 10 ते पंजोवें स्वर्गदूते अपनो कटोरो तैस हैवानेरे तखते पुड़ उलटव ते तैसेरे सारे राज़े मां आंधरू भोवं। ते लोक दुखे सेइं मरे ते अपनि-अपनि ज़िभ च़ापने लाए। 11 ते अपने दुखे ते फोड़ां केरे वजाई सेइं स्वर्गेरे परमेश्वरेरी तुहीन की; ते अपने-अपने कम्मन करां मन न फिरव। 12 शेइयोवं स्वर्गदूते अपनो कटोरो बड़े दरिया फराते पुड़ उलटव ते तैसेरू पानी शुक्की जेव एसेरो नितीजो ई भोव कि पूरबेरे राज़े अपनि फौज घिन्तां पार जे। 13 एसेरां पत्ती मीं टलाई भूतां मैन्दू केरे रूपे मां लाए। अक अजगरेरे ऐशी मरां निस्सू, ते अक पेइले हैवानेरे ऐशी मरां निस्सू, ते अक दुइयोवं हैवानेरे ऐशी मरां निस्सू, ज़ै जो झूठो सन्देश जोते। 14 इन भूतन कां चमत्कार केरनेरी काबलीत थी ते तैना दुनियारे सारे मुलखां केरे राज़ केरनेबालन अकोट्टे केरने च़ले ताके तैना परमेश्वरे सेइं लड़न, ई तै दिहाड़ी आए ज़ेइस परमेश्वर भूतन नाश केरेलो ते अपने लोकन मुक्ति देलो। 15 तैन भूतेई हकोमत केरनेबाले ते तैन केरि फौज एककी ठैरी अकोट्टी की ज़ैस जो इब्रानी भाषाई मां हर-मगिदिन जोतन। एल्हेरेलेइ यीशुए ज़ोरूए, “इस शुना। मेरू एजून अचानक च़ोरेरू ज़ेरूए। धने तै मैन्दू ज़ैखन अवं एज्जी त तै बींझी रहते, ते अपने लिगड़न तियार रखते। फिरी तै नगो न भोलो, ते फिरी तैस लोकन मां गाने सेइं शर्म न भोली।” 17 ते सतोवंप स्वर्गदूते अपनो कटोरो हवाई पुड़ उलटव, ते मीं स्वर्ग मां मन्देरे मरां परमेश्वरे तखते पुड़ां ई बड़ी आवाज शूनी कि कोई ज़ोने लोरोए, “सब किछ पूरू भोवं।” 18 फिरी बिजली, ते आवाज, ते गुड़ने लाव, ते अक एत्रो बड्डो भुंजल अव, कि ज़ेइसेरे मैन्दू इस धेरतली पुड़ पैदा भोरोरेन, तेइसेरो अज़ तगर एरो भुंजल कधी नई ओरो। 19 ते तैस महान बाबेल नगरेरे टलाई टुकड़े भोए, ते दुनियारे कौमां-कौमां केरे सारे नगर बर्बाद भोए। ताके परमेश्वर तै वादो पूरो केरे ज़ै तैने बाबेल नगरेरे लोकन सज़ा देनेरे लेइ कियोरो थियो। ई सज़ा परमेश्वर पक्की देलो। परमेश्वर तैन ट्लिली शराबी पियालो ज़ैस मां पानी न भोए मिलावरू ज़ेसेरो मतलब परमेश्वरे तैन सेइं बड़ो क्रोधे मां आए ते तैन पुड़ दया न केरेलो। 20 तैस वक्ते हर अक टैपू समुन्दरे मां डुबो; ते कोई भी पहाड़ न राऊं। 21 ते अम्बेरां मैन्न

पुड़ मन-मन आण पेई, ते एल्हेरेलेइ कि ई आफत बड़ी भारी थी, लोकेई आनहरी आफतरे वजाई सेइं परमेश्वरेरी तुहीन की।

**17** ज़ैन सत स्वर्गदूतन कां तैना सत कटोरे थिये, तैन मरां एइतां एक्के मीं सेइं ज़ोवं, “इरां एई, अवं तीं तैस बड़े वेश्यारी सज़ा हिराताई, ज़ै बड़े पैन् पुड़ बिशोरीए।” 2 ज़ैस सेइं धेरतलरे राज़ेई बदमाशी की, ते धेरतली पुड़ रानेबाले तैसेरे बदमेश्वरे शराबी सेइं मसत भोरे थियो।” 3 तैखन आत्मा अवं अपने कैबू मां कियो ते स्वर्गदूते अवं सुनसान ठैरी मांजो नेव। तैड़ी मीं अक कुआन्श हैवाने पुड़ सुवार लाई, ज़ेसेरी सत क्रोड़ी ते दश शिंगां थियां, तैसेरे जान परमेश्वरेरी तुहीन केरनेरे नंवन सेइं ढकोरी थी। 4 तैस कुआन्शां बेंगनी ते लाल लिगड़ां लोरो थियां, ते सोन्नेरे ते कीमती मेनी ते मोतन सेइं सज़ोरी थी, ते तैसेरे हथ्थे मां अक सोन्नेरो कटोरो शराबी सेइं भेरतां थियो, ज़ै भिट्टे कम्मन ते बदमेश्वरे कम्मन हिराते। 5 ते तैसेरे कुपाए पुड़ इन नवं लिखोरू थियूं, “भेद-बड़ो बाबेल धेरतलरी वेश्यां ते भिट्टी चीज़ां केरि अम्मा।” 6 ते मीं तै कुआन्श परमेश्वरेरे लोकां केरो खून ते यीशुएरे गुवाहां केरो खून पीने सेइं मसत भोती लाई, ते अवं तैन लेइतां हैरान भोव। 7 तैने स्वर्गदूते मीं सेइं ज़ोवं; “तू किजो हैरान भोव? अवं तीं सेइं इस कुआन्शोरे, ते तैस हैवानेरो भेद ज़ोताई, ज़ैस पुड़ तै सुवारे, ते ज़ेसेरी सत क्रोड़ी ते दश शिनगन। 8 ज़ै हैवान तीं लाव, ई पेइलो थियो, पन हुनी नई रानो, ते अथाह कुण्डेरां निसेलो ते परमेश्वर तैस पूरे तरीके सेइं नाश केरेलो, ते ज़ैना लोक इस दुनियाई मां ज़ीने लोरेन ज़ैन केरां नंवां परमेश्वरे दुनिया बनाने करां पेइले ज़िन्दगरे किताबी मां नई लिखोरां, तैना इस हैवान हेरतां हैरान भोले, ई हैवान पेइलो ज़ींती थियो ते हुनी ज़ींती नई पन फिरी एज्जेलो। (Abysso g12) 9 इन समझनेरे लेइ ज़ानी मन ज़रूरीए, तैना सत पहाड़न, ज़ैन पुड़ तै कुआन्श राज़ केरतीए। 10 ते तैना सत राज़े भी आन, पंच त मेरि जोरेन, ते अक हेजू ए; ते अक आखरी हेजू नई ओरो, पन ज़ैखन तै एज्जेलो त थोड़े घिरेरे लेइ राज़ केरेलो। 11 ते ज़ै हैवान पेइलो थियो, ते हुना नई, तै एप्पू अठोवं राज़ोए; ते तैन सत्तन मरां पैदा भोव, ते आखरी मां तैस राज़े हमेशारी सज़ा मैलेली। 12 ते ज़ैना दश शिन्गां तीं पेइलां लां, तैना दश राज़ेन, ज़ैनेई हेजू तगर राज़ शुरु नई कियोरू। तैन दश राज़ेन हैवाने सेइं साथी राज़ केरनेरो अधिकार दित्तो जेव, पन तैन राज़ केरनेरे लेइ थोड़ो वक्त दित्तो। 13 इना सब अक मन भोले, ते तैना अपनि-अपनि शक्ति ते अधिकार तैस हैवान देले। 14 इना गबड़े सेइं लड़ेले, ते गबड़ू तैन पुड़ ज़ींत हासिल केरेलू; किजोकि तै राज़ां केरो राज़ो ते प्रभुं केरो प्रभु आए। तैस पत्ती चलने बाले तैना आन ज़ैना परमेश्वरे कुजोरेन ते चुनोरेन, ते ज़ैना तैस सेइं साथी ईमानदार आन।” 15 फिरी तैने स्वर्गदूते मीं सेइं ज़ोवं, “कि ज़ैन पानी तीं पेइलू लोरो थियूं, ज़ैस पुड़ ते वेश्या बिशोरी थी, ए दुनियारे सारे कौमन हिराती, ज़ैना बड़े मुलखन मरां ते भाषान मरां आन। 16 तै वक्त एज्जेलो ज़ेइस हैवान दश राज़ेन सेइं ज़ैना तैस सेइं साथी

आन, तैस वेश्याई सेइं बैर रखेले, तैना तैस पुड़ हमलो केरेले ते तैस नग्गी केरेले तैसेरू किछ मास खाले, ते बाकी फुकेले। 17 किजोकि परमेशर तैन केरे मन्न मां इन छडेले, कि तैना तैसेरी मर्जी पूरी केरेले; ते ज्ञांतगर परमेशेरू वचन पूरु न भोए, तांतगर अक मन भोइतां अपनू राज़ हैवाने देन। 18 ते तै कुआन्श, जै तीं लोरीए तैन बड्डू नगरे, ज़ैन धेरतलरे राज़न पुड़ राज़ केरते।”

**18** इट्ठां पती मीं अक स्वर्गदूत स्वर्गं मरां एइतो लाव। तैस कां बड़ो अधिकार थियो, ते एल्हेरेलेइ तैसेरे बड़े चमकने बाले महिमा सेइं सारी धरतली लौ बनी। 2 तैने ज़ोरे सेइं ज़ोवं, “कि डुल्ली बाबेल नगरी डुल्ली, ते भूतां केरे रानेरी ठार, ते हर एक्की भूतेरो अड्डो, ते हर एक्की दुष्ट ते भिट्टे चड़ोलोवेरो अड्डो बीती जेव। 3 किजोकि तैसेरे बदमैशरे शराबी सेइं सब कौमां मसत भोइ, ते धेरतलरे राज़ेई तैस सेइं बदमाशी की, ते धेरतलरे बुपारी तैसेरे एशेरे वजाई सेइं अमीर भोइ जे।” 4 फिरी मीं स्वर्गं अक होरि आवाज़ शुनी, “हे मेरे लोकव तुस तैस मरां निस्सा ताके तुस तैसेरे पापन मां शामिल न भोथ, ते तैसेरी आफतन मरां कोई भी तुसन पुड़ न एज्जे। 5 किजोकि तैसारे पाप बड़े आन ज़ेन्चरे कि अगर ढेर लाव गाए त अम्बरे तगर पुजोरेन, ते परमेशेरे तैसेरी बुराई नई बिसरोरी ज़ै तैसां कियोरी आए। 6 ज़ेन्चरे तैसां लोकन सेइं कियू तेन्चरे तैस सेइं भी केरा। तैना दुःख ज़ैना तैसां लोकन दिते तैस दुगने देथ, तैसां लोक अपने बुरां कम्मां केरो स्वाद च़खनेरे लेइ प्रभावित किये, ते परमेशेरी दुगनी सरक मैसूस केरनेरे लेइ भी बनाई जेई। 7 ज़ेत्री तैसां अपनि बड़याई की, ते एश किये, तेतरी तैस तकलीफ ते दुःख देथ, किजोकि तै अपने मने मां ज़ोतीए, अवं रानई, विधवा नई; अवं विधवारे दुखे मां कथे न गेइली। 8 एल्हेरेलेइ तैसेरे घमण्डेरे वजाई सेइं तैस पुड़ अचानक आफतां एज्जेली। अचानक तैस पुड़ बिमारी, दुःख ते कने काल साथी एज्जेली। ते तै अग्गी मां भस्म की गाली, किजोकि प्रभु-परमेशर शक्तिमाने ते तै तैस सज़ा देलो।” 9 ते दुनियारे राज़े ज़ैनेई तैस सेइं बदमाशी ते एश कियोरे थिये, ज़ैखन तैना तैसेरे फुकोनेरो तू लाएले ते तैसेरेलेइ ढा छडेले, ते छाती कुटेले। 10 ते तैना डरेले कि तैना भी तैसेरे सज़ाई मां टलेइयोनेन, ते दूर खड़े भोइतां ज़ोले, “हे महान नगरी, बाबेल! हे मज़बूत नगरी, हाय! हाय! एक्की सैइती मां तीं सज़ा मैल्ली।” 11 “ते धेरतलरे बुपारी तैसेरेलेइ लेरां देले ते मिनत केरेले किजोकि हुनी कोई तैन सेइं लेन देन न केरेले। 12 तैन केरू सामान बड़े किसमां केरू थियूं। सोनू चाँदी, जुवाहर, मोती। ते मलमल, बैङ्गनी, रेशमी, ते लाल लिगाड़ां थियां, ते कने किसमां-किसमां केरि खुशबूदार लकड़ी, ते हथीदंतरी हर किसमेरी चीज़ां, ते कीमती लकड़ी, पितल, लुह्रां, संगमरमरे किसमां-किसमां केरि चीज़ां, 13 ते दालचीनी, मसाले, धूप, गन्धरस, लोबान, मदिरा, तेल, मैदो, गेहूं, बेछी-दांत, भैङ्गां-छेल्ली, घोड़े, रथ, गुलाम, ते कने मैनु केरे प्राण। 14 ते बुपारी तैस सेइं ज़ोले, ज़ैना चीज़ां तीं चैई तैना हुनी न रैली,

ज़ैना खुशबूदार चीज़ां तीं पसंद की, तैना सैरी चीज़ां ज़ैना तीं अपनो जिसम खूबसूत बनानेरे लेइ इस्तेमाल की, तैना सैरी तीं गवेई ते हुनी तैना न मैल्लन। 15 इन चीज़न सेइं बुपारी ज़ैना तैसेरे वजाई सेइं अमीर भोरे थी, तैसेरे दुखेरे डरे सेइं दूर खड़े भोले, ते लेरां देइतां ते तड़फते ज़ोले, 16 ‘अफ़सोस! अफ़सोस! ई बड़ी नगरी ज़ै मलमल, बैङ्गनी, लाल लिगाड़ां लेइतां थी, ते सोनू ते जुवाहर ते मोतन सेइं सज़ोरी थी, 17 एक्की सैइती मां तैसेरू एरू धन बरबाद भोवं, ते सब मांझी, ते मुसाफर, ते मल्लाह, ते ज़ेत्रे समुन्द्रे मरां कमाई कमातन तैना सारे दूर खड़े भोए।” 18 ज़ैखन तैना तैस नेगरारे फुकोनेरो तू लाएले ते ज़ोरे सेइं ज़ोले, इस महान नेगरारी ज़ेरि कोई नगरी नई। 19 ते अपने-अपने दोग्गे पुड़ धूड मलेले, ते लेरां देते ते कर लाते चिन्दां मैरातां ज़ोले, “अफ़सोस! अफ़सोस! ई बड़ी नगरी ज़ेसेरी दौलती सेइं समुन्द्रेरां सब ज़िहाज़न बाले धनी भोरे थी, एक्की सैइती मां उजड़े। 20 तुस ज़ैना स्वर्गं मां रातथ, ते परमेशेरे लोकव, ते प्रेरितव, ते कने नेबव, ज़ैन तैस सेइं भोवं तैसेरे वजाई सेइं खुश भोथ, किजोकि परमेशेरे तैस नेगरारो इन्साफ कियोरो किजोकि तैसां तुसन सेइं बरू कियोरू थियूं।” 21 फिरी एक्की ताकतबर स्वर्गदूते बड़े चेकारे पाठेरो ज़ेरो अक घोड़ छूवो, ते इन ज़ोइतां समुन्द्रे मां शारो, कि बड़ी नगरी बाबेल एन्चरे बछोड़ी गाली, ते फिरी कथे तैसेरो पतो न मैलेलो। 22 ते सारंगी बज़ानेबाले, ते गीतां ज़ोनेबाले, ते बेइशोई बज़ानेबाले, ते नडशिनमां बज़ानेबालां केरि आवाज़ फिरी तीं मां कधी न शुनोली, ते फिरी केन्ची पेशेरो करीगिर तीं मां न मैलेलो; ते चक्की चलनेरी आवाज़ तीं कथे न शुनोली। 23 ते लोक दीयेरी लौ फिरी तीं मां न बालेले, ते लाड़ेरी ते लैडारी आवाज़ कथे तीं मां न शुनोली; किजोकि तेरे बुपारी धेरतली पुड़ प्रधान थिये, ते तेरे टूने सेइं सब कौमां टेपलोवरी थी। 24 परमेशर बाबेले सज़ा देलो किजोकि सारे नेबी ते परमेशेरे लोकां, ते धेरतली पुड़ सब मारोरां केरो खून तेस्से मांए।

**19** ताकतबर स्वर्गदूतेरे ज़ोइतां झाड़नेरां बाद, मीं स्वर्गं मां बड़े लोकां केरि भीड़ उच्चे आवाज़ी मां इन ज़ोते शुनी, “हल्लिलूय्याह! मुक्ति, महिमा, शक्ति इश्शे परमेशेरीए। 2 तैसेरी बड़याई भोए किजोकि तैसेरे सारे फैसले सही ते ठीक आन। तैन मशूर वेश्यारो इन्साफ कियो तैसां दुनियारे लोक पाप केरनेरे लेइ प्रभावित किये। परमेशर तैस बदलो देलो किजोकि तैसारे ज़िरिये परमेशेरे दास मारोरेन।” 3 फिरी दुइयोवं बार तैनेई ज़ोवं, “हल्लिलूय्याह! ते तैसेरे फुकोनेरो तू सदा चलतो रालो।” (aiōn g165) 4 ते चोब्ही बुजुर्गेई ते च़ेरे प्रेणेई परमेशेरे कां मथ्यो टेको; ज़ै तखते पुड़ बिशोरो थियो, ते ज़ोवं, “आमीन! हल्लिलूय्याह!” 5 ते तैखन मीं ज़ोते शुनो, ते परमेशेरे तखते मरां अक आवाज़ आई, तैन ज़ोवं, “तुस इश्शे परमेशेरे दास आथ ज़ैना तैसेरी आदर केरतथ, कुन निकड़े, कुन बड़े, तुस सब तैसेरी तारीफ़ केरा।” 6 फिरी मीं बड़ी भीड़ारी, ते बड़े पैनेरी

आवाज़ शुनी, ते गुडनेरी ज़ेरि आवाज़ शुनी, “हल्लिल्लूय्याह! कि प्रभु इश्शो परमेशर, सर्वशक्तिमान राज़ केरते। 7 एज्जा अस खुश ते मगन भोम, ते तैसेरी बडयाई केरम; किजोकि गबडेरो इला पुजोरोए, ते तैसेरे लैडां अपनो आप तियार केरोए। 8 ते तैस साफ ते चमकदार महीन मतलब मलमल लानेरो अधिकार दितो,” किजोकि तैस महीन मलमलेरो मतलब परमेशररे लोकां केरां धर्मरां कम्मन। 9 ते स्वर्गदूते मीं सेई ज़ोवं, “इन लिख, कि धन आन तैना, ज़ैना गबडेरे इलाएरे धामी मां कुजोरेन।” फिरी तैने मीं सेई ज़ोवं, “इना गल्लां ज़ैना परमेशरे ज़ोई सच आना।” 10 ज़ैखन मीं शूनु, अवं ज़ै मीं सेई गल्लां लोरो थियो केरने तैसेरी आराधना केरनेरे लेइ तैस कां झुको तैने मीं सेई ज़ोवं, “मेरी आराधना न केर, तै परमेशरे ज़ेसेरी आराधना कियोरी लोडे। अवं भी परमेशररे दास आई, ज़ेन्चरे तू त तेरे विश्वासी साथी आन ज़ैना यीशुएरो अपने प्रभुएरे रूपे मां इकरार केरतन।” ई सच्चवाई यीशुए बांदी कियोरी ज़ै लोकन शक्ति देती कि परमेशररे वचनेरू एलान केरन। 11 फिरी मीं स्वर्ग खुल्लू लाव; तैडी मेरे सामने छितो घोड़ो थियो; ते तैस पुड़ अक सुवार थियो, ज़ै वफादार, ते झूठ न ज़ोए; ते ज़ैन परमेशररी नज़री मां सही आप तैसेरे मुताबिक इन्साफ ते परमेशररे दुश्मन सेई लड़ाई केरते। 12 तैसेरे एछ्छी अगारे लपारी ज़ेरि थी, ते तैने बड़ां ताजां लोरो थियां; ते तैसेरू नवं तैस पुड़ लिखोरूए, तैसेरो मतलब सिर्फ तैए ज्ञानतो थियो। 13 तैनी खूने मां डुबोरू लिगड लोरो थियू, तैसेरू नवं परमेशररे वचने। 14 ते स्वर्गी फौज छिते घोड़न पुड़ सुवार; ते तैना छिते ते साफ मलमल लेइतां तैस पत्ती पत्तीन। 15 ते कौमी-कौमी मारनेरे लेइ तैसेरे ऐशी मरां अक तिखी तलवार निसतीए, ते तै लोहेरे सोटे सेई तैन पुड़ राज़ केरेलो, ते तै सर्वशक्तिमान परमेशररे बडे प्रकोपेरी खालिस शराबी सेई दाछ ढूलेन्चेलो। 16 ते तैसेरां लिगडन ते जंची पुड़ इन नवं लिखोरूए, “राजां केरो राज़ो ते प्रभु केरो प्रभु।” 17 फिरी मीं अक स्वर्गदूत दिहाडे पुड़ खडो लाव, ते तैने बेडि आवाज़ी सेई अम्बरे मां उडने बाले च़डोलन सेई ज़ोवं, “एज्जा परमेशररे बडे धामी मां शामिल भोनेरे लेइ अकोट्टे भोथ। 18 ज़ैस सेई तुस राज़ां, प्रधानां, ताकतबर लोकां, घोडां ते कने तैन केरे सवारां, आजादां, गुलामां, निकडे, बडे, सेब्भी लोकां केरू मास खाथ।” 19 फिरी मीं हैवान लाव ज़ै समुन्दरे मरां ओरो थियो, ते धरतलरे राज़े ते कने तैन केरि फौज तैस घोड़े सुवार ते तैसेरी फौजी सेई लड़नेरे लेइ अकोट्टी लाई। 20 ते तै पेड़लो हैवान ते तैस सेई साथी तै झूठो नबी ट्लाव, ज़ैने तैसेरे सामने एरे निशान हिरावरो थियो, ज़ेसेरे ज़िरिये तैने तैना सारे लोक टपलाए, ज़ैनेई तैस हैवानेरी छाप नेवरी थी, ते ज़ैना तैसेरी मूतरी पूजा केरते थिये, इन दुइये ज़ींते तैस अगारे झीली मां छडे ज़े, ज़ै गन्धके सेई बलतीए। (Limnē Pyr g3041 g4442) 21 ते बाकी लोक तैस घोड़े सवारेरी तलवारी सेई ज़े तैसेरे ऐशी मरां निससती थी मारे जे; ते चुडोलू तैसेरे मासे सेई रेज़ी जेआं।

20 फिरी मीं अक स्वर्गदूत स्वर्गरां एइतो लाव; ज़ेसेरे हथ्ये मां अथाह कुण्डेरी चाबी ते कने अक बड्डी शंगल थी। (Abyssos g12) 2 तैने तै अजगर ट्लाव ज़ै बडे पेड़ले सप्पेरे रूपे मां लेइहोरो थियो ज़ेसेरू नवं शैतान भी आए। तैने तै टलेइतां हज़ार सालेरे लेइ बन्धो। 3 ते तै अथाह कुण्डे मां शैरतां बन्द कियो ते तैस पुड़ मोहर लई; कि ते हज़ार साल पूरे भोने तगर कौमां-कौमां केरे लोकन फिरी न भटकाए; इसेरां पत्ती ज़रूरे, कि थोड़े ज़िरेरे लेइ खोल्लो गाए। (Abyssos g12) 4 फिरी मीं किछ तखत लाए ते ज़ैना लोक तैन पुड़ बिश्शारे थिये ते तैन राज़ केरनेरो अधिकार दितो; ते तैन केरि आत्मा भी लेई, ज़ैन केरि क्रोडी एल्हेरेलेइ केटोरी थी कि तैना यीशु मसीह अपनो प्रभु मन्तन ते परमेशररे वचने पुड़ विश्वास केरतन, ते ज़ैनेई तैस हैवानेरी, ते तैसेरे मूरतरी पूजा न थी कियोरी, ते तैसेरी महोर अपने कुपाए ते हथ्यन पुड़ न थी। तैना ज़ींते भोइतां मसीह सेई साथी हज़ार सालन तगर राज़ केरेले। 5 इना लोक पेड़ले आन ज़ैना ज़ींते किये गाले ते तैना धन ते पवित्र आन। दुइयोवं मौतरी तैन पुड़ कोई शक्ति न भोली। तैना परमेशररे लेइ याजक भोले ते मसीह तैन सेई साथी हज़ार साल राज़ केरेलो, ज़ांतगर तैना हज़ार साल पूरे न भोन तांतगर हारे मरे लोक ज़ींते न किये गाले। 7 ज़ैखन हज़ार साल खतम भोनेबाले भोले त स्वर्गदूत शैताने तैस ठैरारा हथरां छेडेलो ज़ैडी तै बन्धोरो थियो। 8 ते तैन कौमन ज़ैना सैरी दुनियाई मां आन धोखो देनेरे लेइ निससेलो। तैन कौमन जो गोग ते मागोग ज़ोतन। शैतान तैन तैस ठैरी आनेलो ज़ैडी तै तैन सेई लड़ेलो। तैन केरि गिनती समुन्दरे रेती बराबर भोली। 9 शैतानेरी फौज सारे दुनियाई मां गाली, तैना तैस नगरे घेरेले ज़ैस सेई परमेशर प्यार केरते ते ज़ैडी तैसेरे लोक रहतन, परमेशररे तरफां स्वर्गरां अग तैन सेब्भन भस्म केरेली। 10 ते तैन केरो गुमरा केरनेबालो शैतान अग ते गन्धकेरे समुन्दरे मां शारो गालो, ज़ैस मां तै हैवान ते कने झूठो नबी भी भोलो, तैना रात दिहाडी हमेशा दुखे मां राले। (aiōn g165, Limnē Pyr g3041 g4442) 11 फिरी मीं अक बड्डी छितो तखत ते ज़ै तैस पुड़ बिश्शोरो थियो लाव, ज़ेसेरे सामनेरां धरती ते अम्बर नश्शू, ते तैन केरे लेइ ठार न मैल्ली। 12 फिरी मीं निकडे बडे ज़ैना मरे थिये तखतेरे सामने खडे लाए, ते किताबां खोल्ली जेई; ते फिरी अक होरि किताब खोल्ली; मतलब ज़िन्दगरी किताब खोल्ली; ते ज़ेन्चरे तैन किताबन मां लिखोरू थियू, तैन केरे कम्मां केरे मुताबिक मुडदां केरो इन्साफ कियो। 13 ते समुन्द्रे तैना मरे मैन्हु दिते ज़ैना तैस मां थी, ते मौतां ते पाताले ज़ैना तैस मां मरे थिये दिते; ते तैन मरां हर एक्केरो तैन केरे कम्मां केरे मुताबिक इन्साफ कियो। (Hadēs g86) 14 ते मौत ते पाताल भी अगारे समुन्दरे मां शारू, ई अगगारो समुन्दरे त दुइयोवं मौते। (Hadēs g86, Limnē Pyr g3041 g4442) 15 ते ज़ेसेरू भी नवं ज़िन्दगरे किताबी मां लिखोरू न मैल्लू, तै अगारे समुन्दरे मां शारो जेव। (Limnē Pyr g3041 g4442)

**21** फिरी मीं नंक्वू अम्बर ते नंक्वी धेरतली लाई, किजोकि पेड्लू अम्बर, ते पेडली धेरतली न थी रावरी, ते समुन्दर भी न राव। 2 फिरी मीं पवित्र नगर नंक्वू यरूशलेम स्वर्गों परमेशरे करां एंडतू लाव, ते तैन तैस लैडारू जेरू थियू, जै अपने लाडेंरे लेइ तियार भोरी भोए। 3 फिरी मीं परमेशरेंरे तखते मरां कोई उच्च्यी आवाज़ी सेइं इन जोते शुनो, “अजेरां बाद परमेशर मैनन् सेइं साथी रालो, ते तैसेरू घर तैन लोकन मां भोलू, ते तैना तैसेरे लोक भोले, ते परमेशर एप्पू तैन, अपने लोकां केरे रूपे मां कबूल केरेलो ते तैना लोक तैस अपनो परमेशर कबूल केरेले। 4 ते तै तैन लोकां केरे एछ्छी केरां सब ऐंखरू पुछ्छेलो; ते तैडुं पत्ती मौत न राली, ते न दुःख, न मातम, न मुसीबत राली; पेडली गल्लां बीती जेई।” 5 जै तखते पुड बिशोरो थियो तैने ज़ोवं, “कि तक, अवं सब किछ नंक्वू केरताई।” फिरी तैने ज़ोवं, “कि लिख, किजोकि इना वचन विश्वासेरे काबल ते सच्चरे आन।” 6 फिरी तैने मीं सेइं ज़ोवं, “सब किछ पूरू भोवं, अवं अलफा ते ओमेगा, पेडलो ते आखरी आई, अवं ट्लिशोरे ज़िन्दगरे पैनेरे नागन मरां मुखत देइलो। 7 जै ज़ीत हासिल केरे, तैए इन चीज़ां केरो बारस भोलो; ते अवं तैसेरो परमेशर भोलो, ते तैन मेरू मट्टू भोलू। 8 पन डरपोक, विश्वास न केरनेबाले, भिटे, खूनी, बदमाशी केरनेबाले, जैदू केरने बाले, मूरती केरि पूजा केरनेबाले ते सब झूठां केरो हिस्सो तैस समुन्दरे मां मैलेलो जै अग्गी ते गन्धकी सेइं बलतो रहते, ई दुइयोवं मौते।” (Limnē Pyr g3041 g4442) 9 फिरी तैन सत स्वर्गदूतेई ज़ैनेई सत आखरी आफतन सेइं भरोंरे कटोरे मैनन् पुड उलटावरे थिये, तैन मरां एक्के मीं कां एइतां ज़ोवं, “इरां एई, तीं अवं लैडे जै जल्दी गबडे सेइं डुला बनाली हिराताई।” 10 परमेशरेंरे आत्मा अवं अपने केबू मां कियो ते स्वर्गदूते अवं एक्की बड्डे ते उच्चे पहाडे पुड नेव, ते पवित्र नगर यरूशलेम स्वर्गों मरां परमेशरे करां एइतो हिरव। 11 परमेशरेंरी महिमा तैस मां थी, ते तैसेरी लौ बडे कीमती घोडां, मतलब बिल्लौरेंरे ज़ेरे यशबे बराबर साफ थी। 12 तैस नगरेंरे च्चेरे पासन बडी उच्च्यी दिवार थी, ते तैसेरां 12 दारां ते दारन पुड 12 स्वर्गदूत थिये; ते तैन पुड इस्पाएली केरे 12 गोत्रां केरां नंक्वां लिखोरां थियां। 13 पूर्वरे पासे ट्लाई दारां, उत्तरेरे पासे ट्लाई दारां, दखिनेरे पासे ट्लाई दारां, ते पशिचमेरे पासे ट्लाई दारां थियां। 14 ते नगरेंरे दिवारी 12 मुनीयादां थी, ते तैन पुड गबडेंरे 12 प्रेरितां केरां 12 नंक्वां लिखोरां थियां। 15 ते जै मीं सेइं गल्लां केरतो थियो, तैस कां नगर, ते तैसेरे दारन ते तैसेरे दिवारन नापनेरे लेइ अक सोन्नेरो गज़ थियो। 16 ते तैस नगरेंरे च्चेर पासे थिये, ते तैसेरी लमबाई चोडाइअरे बराबर थी, ते तैने तैस गजे सेइं नगर नापू, त सडे 750 कोस निस्सी, ते तैसेरी लमबाई, ते चौडाई, ते ऊँचाई बराबर थी। 17 तैसेरां बाद स्वर्गदूते दिवारी ऊँचाई नापी। तैने एन्चरे नापी ज़ेन्चरे मैन्हु चीज़ां नापतन, तै दिवार 66 मीटर उच्च्यी निस्सी। 18 ते तै दिवार कीमती घोड़न सेइं बनोरी थी जैस जो यशब ज़ोतन,

नगर खालिस सोन्ने सेइं बनोरू थियू, जैन साफ चमकते शीशेरू जेरू भोए। 19 ते तैस नगरेंरी मुनीयादांरे घोड़ हर किसमेरी कीमती घोड़न सेइं सज़ावरी थी, पेडली मुनीयादां यशबेरी दुइयोवं नीलमणेरी ट्लेइयोवं लालडी, चेवरोवं मरकते, 20 पंचोंव गोदेक, शेइयोवं माणिक्ये, सतोवं पीतमणि, अठोंव पेरोजे, नावोंव पुखराजे, दशोंव लहसनिए, यारोंव धूप्रकान्त, बारोंव याकूतेरी थी। 21 ते 12 दारां, 12 मोती केरां थियां, अक-अक दार, एक्की-एक्की मोती सेइं बनोरू थियू, ते नगरेंरी सडक साफ शीशेरी ज़ेरे खालिस सोन्नेरी थी। 22 मीं कोई मन्दर न लाव, किजोकि सर्वशक्तिमान प्रभु-परमेशर, ते गबडू तैडी नगरे मां आए। एल्हेरेलेइ मन्दरेरी कोई ज़रूरत नई। 23 ते तैस नगर मां दिहाडो ते चैदनेरे लोअरी ज़रूरत नई, किजोकि परमेशरेंरे महिमा सेइं तैस मां लौ भोइ रावरीए, ते कने गबडू तैसेरो दीयोए। 24 ते कौमां-कौमां केरे लोक तैसेरी लोई मां राले, ते धेरतलरे राजे अपनि-अपनि धन दौलत तैस नगरे मां आनेले। 25 तैस नगरेंरां दारां सारे दिहैडी खुल्लां भोलो ते कधी बंद न भोलां। किजोकि तैडी कोई रात न भोली। 26 दुनियांरे लोक दुनियांरे कौमां केरि सैरी खूबसूत चीज़ां ते धन दौलत तैस नगरे मां आनेले। 27 ते तैस मां कोई भिट्टी चीज़ या गन्दु कम केरनेबालो या झूठ बनानेबालो, केन्वी भी तरीके सेइं अन्तर न गालो; पन सिर्फ तैना लोक जैन केरां नंक्वां गबडरे ज़िन्दगरे किताबी मां लिखोरां भोलां।

**22** फिरी तैने मीं बिल्लौरेंरे ज़ेरो अक चमकतो ज़िन्दगरे पैनेरो दरिया हिराव, जै परमेशरेंरे ते गबडेंरे तखते करां निस्तां तैस नगरेंरी सडकी तगर मझामेई निसतो थियो। 2 ते दरियारे इस पासे ते उस पासे, ज़िन्दगरो बुट थियो, तैस मां 12 किसमां केरे फल लगते थिये, ते तै हर महीने फलतो थियो; ते तैस बुटेंरे पट्लान सेइं कौमां-कौमां केरे लोक बेइज्जोते थी। 3 फिरी तैडी लानत न भोली ते परमेशर ते गबडेंरो तखत तैस नगर मां भोलो, ते तैसेरे दास तैसेरी सेवा केरेले। 4 ते तैना परमेशरेंरे आमने सामने लाएले, ते परमेशरेंरू नवं तैन केरे कुपाए पुड लिखोरू भोलू। 5 ते फिरी रात न भोली, ते तैन दीयो ते दिहाडेंरी ज़रूरत न भोली, किजोकि प्रभु-परमेशर तैन लौ देलो, ते तैना हमेशा राज़ केरेले। (aiōn g165) 6 फिरी स्वर्गदूते मीं सेइं ज़ोवं, “इना गल्लां विश्वासेरे काबल ते सच्चरीन, ते प्रभु जै नेबी केरे आत्मा केरो परमेशरे, तैने अपने स्वर्गदूत एल्हेरेलेइ भेजे, कि अपने दासन तैना गल्लां जैन केरू जल्दी भोनु ज़रूरीए हिराए।” 7 “हेर, अवं जल्दी एजने बालोई, परमेशर तैन सेबनन बरकत देते जैना इस किताबरे सन्देशे पुड ध्यान देतन।” 8 अवं तैए यूहन्ना आई, जै इना गल्लां शुन्तो, ते लहतो थियो, ते ज़ैखन मीं शुनू, ते लाऊं, त जै स्वर्गदूत मीं इना गल्लां हिरातो थियो, अवं तैस कां मथ्यो टेकने लाव। 9 ते तैने मीं सेइं ज़ोवं, “हेर, एरू न केर; किजोकि अवं तेरो, ते तेरे विश्वासी सैथी नेबी ते इस किताबरी गल्लां केरे मन्ने बालां केरो संगी दासाई; परमेशरे कां मथ्यो

टेका।” 10 फिरी तैने मीं सेइं ज़ोवं, “इस किताबरे भविष्यवैनरे गल्लन केरो भेद छुपेइतां न रख, किजोकि वक्त नेइओ। 11 ज़ै बुरू केरते, तै बुरू केरतो राए; ते ज़ै भिट्टो, तै भिट्टो बनोरो राए; ते ज़ै धर्मी, तै धर्मी बनोरो राए; ते ज़ै पवित्रे तै पवित्र बनोरो राए।” 12 फिरी प्रभु यीशुए ज़ोवं, “अवं जल्दी एज्जेलो। अवं एज्जी रावरोई ज़ैन लोकेईं कियूं तैसेरे मुताबिक इनाम देनेरे लेइ या सज़ा देनेरे लेइ। 13 ‘अवं अलफा ते ओमेगाई, पेइलो ते आखरी, शुरुआत ते अन्त आई।’” 14 धने तै, ज़ै अपना लिगड़ा धोते, किजोकि तैस ज़िन्दगरे बुटे कां एजनेरो अधिकार मैलनोए, ते तै दारां केरे बत्तां गेइतां नगर मां दाखल भोलो। 15 पन कुतरां, जैदू केरनेबाले, बदमाशी केरनेबाले, खून केरनेबाले, मूरती केरि पूजा केरनेबाले, हर कोई झूठेरो चाने बालो, ते कने झूठ बनानेबालो बेइर राले। 16 “मीं यीशुए अपने स्वर्गदूत एल्हेरेलेइ भेजो, कि तुसन अगर कलीसिया मां इन गल्लां केरे बारे मां गवाही दे, अवं दाऊदेरू ज़ील, वंश, ते झेझरो चमकतो तारोई।” 17 परमेशरेरी आत्मा ते गबड़ेरी लाड़ी यीशु सेइं ज़ोतिन, “तू ज़रूर एई!” ते शुने बाले भी ज़ोन, “एई!” ज़ै टलिशोरो भोए, तै एज्जे ते ज़ै कोई चाए पानी ने ज़ैन मुपते मां ज़िन्दगी देते। 18 अवं हेर एक्की ज़ै इस किताबरी भविष्यवैनरी गल्लां शुनते गवाही देताई, कि अगर कोई मैन्हु इन गल्लन मरां किछ बधाए, त परमेशर तैना आफतन ज़ैना इस किताबी मां लिखोरिन, तैस देलो। 19 ते अगर कोई इस भविष्यवैनरी किताबरी किछ गल्लां कढे, त परमेशर तैस ज़िन्दगरे बुटे ते पवित्र नगर मरां जेसेरे बारे मां इस किताबी मांए, तैसेरो हिस्सो कढेलो। 20 ज़ै इन गल्लां केरि गवाही देते, ते इन ज़ोते, “हॉं अवं जल्दी एजने बालोईं।” आमीन। हे प्रभु यीशु एई! 21 प्रभु यीशुएरो अनुग्रह परमेशरेरे लोकन सेइं साथी राए। आमीन।







फिरी मीं पवित्र नगर नंवू यरूशलेम स्वर्गें परमेशरे करं एंडतू लाव, ते तैन तैस लैडारू जेरू थियूं, जै अपने लाडेंरे लेइ तियार भोरी भोए। फिरी मीं परमेशरेरे तखते मरं कोई उच्ची आवाज़ी सेइं इन ज़ोते शुनो, “अज़ेरं बाद परमेशर मैनन् सेइं साथी रालो, ते तैसेरू घर तैन लोकन मां भोलू, ते तैना तैसेरे लोक भोले, ते परमेशर एप्पू तैन, अपने लोकां केरे रूपे मां कबूल केरेलो ते तैना लोक तैस अपनो परमेशर कबूल केरेले।”

प्रकाशित वाक्य 21:2-3

# Reader's Guide

भद्रवाही at [AionianBible.org/Readers-Guide](http://AionianBible.org/Readers-Guide)

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, *"As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him."* Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, *"And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned."* So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, *"Do your best to present yourself approved by God, a worker who does not need to be ashamed, properly handling the word of truth."* 2 Timothy 2:15. *"God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,"* 2 Peter 1:4-8.

# Glossary

भद्रवाही at [AionianBible.org/Glossary](http://AionianBible.org/Glossary)

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

## **Abyssos** g12

*Greek:* proper noun, place

*Usage:* 9 times in 3 books, 6 chapters, and 9 verses

*Meaning:*

Temporary prison for special fallen angels such as Apollyon, the Beast, and Satan.

## **aidios** g126

*Greek:* adjective

*Usage:* 2 times in Romans 1:20 and Jude 6

*Meaning:*

Lasting, enduring forever, eternal.

## **aiōn** g165

*Greek:* noun

*Usage:* 127 times in 22 books, 75 chapters, and 102 verses

*Meaning:*

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

## **aiōnios** g166

*Greek:* adjective

*Usage:* 71 times in 19 books, 44 chapters, and 69 verses

*Meaning:*

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

## **eleēsē** g1653

*Greek:* verb, aorist tense, active voice, subjunctive mood, 3rd person singular

*Usage:* 1 time in this conjugation, Romans 11:32

*Meaning:*

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See [ntgreek.org](http://ntgreek.org).

**Geenna** g1067

*Greek:* proper noun, place

*Usage:* 12 times in 4 books, 7 chapters, and 12 verses

*Meaning:*

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

**Hadēs** g86

*Greek:* proper noun, place

*Usage:* 11 times in 5 books, 9 chapters, and 11 verses

*Meaning:*

Synonymous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

**Limnē Pyr** g3041 g4442

*Greek:* proper noun, place

*Usage:* Phrase 5 times in the New Testament

*Meaning:*

Lake of Fire, final punishment for those not named in the Book of Life, prepared for the Devil and his angels, Matthew 25:41.

**Sheol** h7585

*Hebrew:* proper noun, place

*Usage:* 66 times in 17 books, 50 chapters, and 64 verses

*Meaning:*

The grave or temporal afterlife world of both the righteous and unrighteous, believing and unbelieving, until the general resurrection.

**Tartaroō** g5020

*Greek:* proper noun, place

*Usage:* 1 time in 2 Peter 2:4

*Meaning:*

Temporary prison for particular fallen angels awaiting final judgment.

# Glossary +

[AionianBible.org/Bibles/Bhadrawahi---Bhadrawahi-Bible/Noted](http://AionianBible.org/Bibles/Bhadrawahi---Bhadrawahi-Bible/Noted)

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. \* The note placement is skipped or adjusted for verses with non-standard numbering.

## **Abyssos**

लूका 8:31  
रोमियों 10:7  
प्रकाशित वाक्य 9:1  
प्रकाशित वाक्य 9:2  
प्रकाशित वाक्य 9:11  
प्रकाशित वाक्य 11:7  
प्रकाशित वाक्य 17:8  
प्रकाशित वाक्य 20:1  
प्रकाशित वाक्य 20:3

## **aidios**

रोमियों 1:20  
यहूदा 1:6

## **aiōn**

मत्ती 12:32  
मत्ती 13:22  
मत्ती 13:39  
मत्ती 13:40  
मत्ती 13:49  
मत्ती 21:19  
मत्ती 24:3  
मत्ती 28:20  
मरकुस 3:29  
मरकुस 4:19  
मरकुस 10:30  
मरकुस 11:14  
लूका 1:33  
लूका 1:55  
लूका 1:70  
लूका 16:8  
लूका 18:30  
लूका 20:34  
लूका 20:35  
यूहन्ना 4:14  
यूहन्ना 6:51  
यूहन्ना 6:58  
यूहन्ना 8:35  
यूहन्ना 8:51  
यूहन्ना 8:52  
यूहन्ना 9:32  
यूहन्ना 10:28  
यूहन्ना 11:26  
यूहन्ना 12:34  
यूहन्ना 13:8  
यूहन्ना 14:16


प्रेरितों के काम 3:21  
प्रेरितों के काम 15:18  
रोमियों 1:25  
रोमियों 9:5  
रोमियों 11:36  
रोमियों 12:2  
रोमियों 16:27  
1 कुरिन्थियों 1:20  
1 कुरिन्थियों 2:6  
1 कुरिन्थियों 2:7  
1 कुरिन्थियों 2:8  
1 कुरिन्थियों 3:18  
1 कुरिन्थियों 8:13  
1 कुरिन्थियों 10:11  
2 कुरिन्थियों 4:4  
2 कुरिन्थियों 9:9  
2 कुरिन्थियों 11:31  
गलातियों 1:4  
गलातियों 1:5  
इफिसियों 1:21  
इफिसियों 2:2  
इफिसियों 2:7  
इफिसियों 3:9  
इफिसियों 3:11  
इफिसियों 3:21  
इफिसियों 6:12  
फिलिप्पियों 4:20  
कुलुस्सियों 1:26  
1 तीमुथियुस 1:17  
1 तीमुथियुस 6:17  
2 तीमुथियुस 4:10  
2 तीमुथियुस 4:18  
तीतुस 2:12  
इब्रानियों 1:2  
इब्रानियों 1:8  
इब्रानियों 5:6  
इब्रानियों 6:5  
इब्रानियों 6:20  
इब्रानियों 7:17  
इब्रानियों 7:21  
इब्रानियों 7:24  
इब्रानियों 7:28  
इब्रानियों 9:26  
इब्रानियों 11:3  
इब्रानियों 13:8  
इब्रानियों 13:21  
1 पतरस 1:23

1 पतरस 1:25  
1 पतरस 4:11  
1 पतरस 5:11  
2 पतरस 3:18  
1 यूहन्ना 2:17  
2 यूहन्ना 1:2  
यहूदा 1:13  
यहूदा 1:25  
प्रकाशित वाक्य 1:6  
प्रकाशित वाक्य 1:18  
प्रकाशित वाक्य 4:9  
प्रकाशित वाक्य 4:10  
प्रकाशित वाक्य 5:13  
प्रकाशित वाक्य 7:12  
प्रकाशित वाक्य 10:6  
प्रकाशित वाक्य 11:15  
प्रकाशित वाक्य 14:11  
प्रकाशित वाक्य 15:7  
प्रकाशित वाक्य 19:3  
प्रकाशित वाक्य 20:10  
प्रकाशित वाक्य 22:5

## **aiōnios**

मत्ती 18:8  
मत्ती 19:16  
मत्ती 19:29  
मत्ती 25:41  
मत्ती 25:46  
मरकुस 3:29  
मरकुस 10:17  
मरकुस 10:30  
लूका 10:25  
लूका 16:9  
लूका 18:18  
लूका 18:30  
यूहन्ना 3:15  
यूहन्ना 3:16  
यूहन्ना 3:36  
यूहन्ना 4:14  
यूहन्ना 4:36  
यूहन्ना 5:24  
यूहन्ना 5:39  
यूहन्ना 6:27  
यूहन्ना 6:40  
यूहन्ना 6:47  
यूहन्ना 6:54  
यूहन्ना 6:68






## Abraham's Journey


विश्वासे सेईं जैखन पस्पेशरे अब्राहम, जैस जगाई गाने जो पस्पेशरे तै कुजोरो थियो, तै हुक्म मेन्तां तैस जगाई चलो जेव, जै जगाई बादे मां पस्पेशर तैस विरासतरो जेरो देनेबालो थियो।  
हालांकी तै एन भी न थियो ज्ञानतो कि अवं कोरां चलोरोई, फिरी भी चलो जेव। - इब्रानियों 11:8



# Israel's Exodus




*"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt.'" Exodus 13:17*



# Jesus' Journeys

किजोकि मैनेरू महु, यानी अवं एस दुनियाई मां एल्लेलेइ नई ओरो कि कोई मेरी सेवा केरे, पन एल्लेलेइ ओरोई कि अवं हीरि लोकां केरि सेवा केरि त कने बड़े लोकां केरे लेइ अपनि जान बलिदान केरि, ताके तैन अपने पाषां केरे सजाई केरां छुटकारो मैल्लो। - मरकुस 10:45



## Paul's Missionary Journeys

- 1. from Antioch with Barnabas
- 2. from Antioch with Silas
- 3. from Antioch to Churches
- 4. from Jerusalem to Rome in chains

अव पाँलुस यीशु मसीहोरो दास आई, ते प्रेरित भोने लेइ पमेशरे चुनोरोई, ते पमेशरी खुशखबरी प्रचार केन्ने लेइ ठहावरो आई। - रोमियों 1:1

# Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophecies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Uusher)

## Jesus Christ born 4 B.C.

# New Heavens and Earth



- 1956 Christ returns for his people
- 1956 Jim Elliot martyr in Ecuador
- 1830 John Williams reaches Polynesia
- 1731 Zinzendorf leads Moravian mission
- 1614 Japanese kill 40,000 Christians
- 1572 Jesuits reach Mexico
- 1517 Martin Luther leads Reformation
- 1455 Gutenberg prints first Bible
- 1323 Franciscans reach Sumatra
- 1276 Ramon Llull trains missionaries
- 1100 Crusades tarnish the church
- 1054 The Great Schism
- 997 Adalbert martyr in Prussia
- 864 Bulgarian Prince Boris converts
- 716 Boniface reaches Germany
- 635 Alopen reaches China
- 569 Longinus reaches Alodia / Sudan
- 432 Saint Patrick reaches Ireland
- 397 Carthage ratifies Bible Canon
- 341 Ulfilas reaches Goth / Romania
- 325 Niceae proclaims God is Trinity
- 250 Denis reaches Paris, France
- 197 Tertullian writes Christian literature
- 70 Titus destroys the Jewish Temple
- 61 Paul imprisoned in Rome, Italy
- 52 Thomas reaches Malabar, India
- 39 Peter reaches Gentile Cornelius
- 33 Holy Spirit empowers the Church

(Wikipedia, Timeline of Christian missions)

## Resurrected 33 A.D.

<b>What are we?</b> ▶			Genesis 1:26 - 2:3		
<b>How are we sinful?</b> ▶			Romans 5:12-19		
<b>Where are we?</b> ◀			Innocence		
			Eternity Past	Creation 4004 B.C.	
<b>Who are we?</b> ▶	God	Father	John 10:30	Genesis 1:31 God's perfect fellowship with Adam in The Garden of Eden	
		Son	God's perfect fellowship		
		Holy Spirit			
	Mankind	Living	Genesis 1:1 No Creation No people		Genesis 1:31 No Fall No unholy Angels
		Deceased believing			
		Deceased unbelieving			
	Angels	Holy			
		Imprisoned			
		Fugitive			
		First Beast			
		False Prophet			
	Satan				
<b>Why are we?</b> ▶			Romans 11:25-36, Ephesian 2:7		

Mankind is created in God's image, male and female He created us

Sin entered the world through Adam and then death through sin

## When are we?



Fallen				Glory
Fall to sin No Law	Moses' Law 1500 B.C.	Christ 33 A.D.	Church Age Kingdom Age	New Heavens and Earth
1 Timothy 6:16 Living in unapproachable light				Acts 3:21 Philippians 2:11 Revelation 20:3  God's perfectly restored fellowship with all Mankind praising Christ as Lord in the Holy City
John 8:58 Pre-incarnate		John 1:14 Incarnate	Luke 23:43 Paradise	
Psalm 139:7 Everywhere		John 14:17 Living in believers		
Ephesians 2:1-5 Serving the Savior or Satan on Earth				
Luke 16:22 Blessed in Paradise				
Luke 16:23, Revelation 20:5,13 Punished in Hades until the final judgment				
Hebrews 1:14 Serving mankind at God's command				
2 Peter 2:4, Jude 6 Imprisoned in Tartarus				
			Revelation 20:13 Thalaasa	Matthew 25:41 Revelation 20:10
1 Peter 5:8, Revelation 12:10  Rebelling against Christ Accusing mankind			Revelation 19:20 Lake of Fire	Lake of Fire prepared for the Devil and his Angels
			Revelation 20:2 Abyss	

For God has bound all over to disobedience in order to show mercy to all

# Destiny

भद्रवाही at [AionianBible.org/Destiny](http://AionianBible.org/Destiny)

The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament *Sheol* and New Testament *Hadēs*, 2) *Geenna*, 3) *Tartaroō*, 4) *Abyssos*, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, *"the gates of Hades will not prevail,"* Matthew 16:18. Paul asks, *"Hades where is your victory?"* 1 Corinthians 15:55. John wrote, *"Hades gives up,"* Revelation 20:13.

Jesus comforts us saying, *"Do not be afraid,"* because he holds the keys to *unlock* death and Hades, Revelation 1:18. Yet too often our *Good News* sounds like a warning to *"be afraid"* because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, *"out of the frying pan, into the fire?"* Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, *"Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'"* Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. Jesus said, *"You did not choose me, but I chose you,"* John 15:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.





## World Nations

एल्बेरेलेई दुस गाथ ते सरी कौमां केरे लोकन चले बनाथ, ते तेन बाजी, ते मट्टे, ते पवित्र आत्मारे नब्बे सेंइ बपतिस्मो देश। - मती 28:19

